



D. M. A.

Davidson

18

18

18

Pe
M

A

C

De lib

I E S V S

P A S S V S

**Per CENTURIAM MODORVM
Meditandi Passionem Sal-
vatoris nostri illustratus;**

*Et ad
Publicam Fidelium IESV Christi utilitatem*

**A R. P. GASPARE DRVZBICKI
Societatis IESV**

*Cum approbatione Superiorum edulgatus.
Editio secunda Auctior.*

**Cui accesserunt Meditationes
in Passionem Domini 46.
iuxta numerum dierum
Quadragesimæ**

Calissu, Typis Collegii Societatis IESV.

Anno Domini 1669.

Ex lib. PP. Primit. Amatenlens. Montis Regi ppe Varsavian.

I E S V S
P A S S V S

Per Centuriam Modorum
Medicandi Passionem Sal-
vatoris nostri illustratus;

Ex Libris
Bibliothecae Medicae Universitatis

A. R. T. GASPARE DE VEBICKI
Societatis Iesv

Conspiratione sapientiae
Editio recensita

Cui accesserunt Meditationes
in Passionem Domini de
iuxta numerum dierum

Conspiratione

1727
Anno Domini 1727

O. M. D.

IESV CHRISTO

DEI FILIO,

Hominum inter Passionis

dolores & Crucis Mortem

GENITORI.

Vltima humanæ plebis portio,

Redemptorumque postremus,
ac posthumus Filius.

HONORI ET GLORIAE

DEI, AC PATRIS,

SALVATORISQVE SVI,
Minutum hoc Opella sua,

D. D. C. Q.

A.

ILLV.

O. M. D.

IESU CHRISTO

DEI FILIO

Hominum inter Passionis

holores & Crucis Mortem.

GENITORI

Ultima humanae plebis portio

Rescripto mundi possidentis
sepositum Filius

HONORI ET GLORIAE

DEI AC PATRIS

PAULATONISQUE
et nunc hoc opusculum

D. D. C. G.

1717

17

CO
gi ca
Te.
na ig
quan
M
quid
di la
lam,
nare.
le me
mes
nevo
Fa

ILLVSTRISSIMO COMITI D.
D. NICOLAO
PAZMANY
DE PANAZ

Sacrae Caesaris Regiaeque Majestatis
CONSILIARIO INTIMO, & CVBICVLARIO,

*Domino & Haredi in Wesele, Euanovice, Litenczyce, &c.
nec non Domino suo clementissimo,*

GASPAR DRVZBICKI è Societ. IESV A. F.



WIndischborá: Castello Glogovia maiori Vicino, ubi, communi Patriae nostrae clade adductus, jam biennium exulo: & beneficio Bohemicae nostrae Societatis Praevincia demoror, ad Te Comes Illustrissime advenio, evocante me ad Te, animosq; mihi faciente non aliam magis causam, quam ipsam benevolentiam Tuam; nec alio Ductore magis, quam ipso Te. Ita neque audax, neque importunus reputari metuo, etiamsi & Persona ignotus, & conditione humilis, & Natione alienus, non tam accedere, quam ingerere meipsum ad Te videar.

Mos est, ab eo tempore enatus hominibus, ex quo ingenia humana aliquid lucubrare, & publici juris facere sua mentis partus occeperunt, ejusmodi laboribus suis, vel Amicum ad Benevolentiam, vel Patronum ad tutelam, vel Lucem ad claritatem, vel Domicilium ad incolatum alicubi destinare. Morem hunc dum & ego sequor, & dum aliquem cui nonnihil operae meae asseram, asseramq; ipse mecum in peregrino solo perquiro: Tua Comes Illustrissime mihi se ultro detulit Dignitas, ulro me Tua invitavit benevolentia, ulro adtraxit munificentia.

Fateor, ubi primum Nomen Tuum in aures notitiamq; meam devenit,

D E D I C A T I O

protinus recaluit mihi memoria Eminentissimi illius nuper S. R. E. Cardina-
lis, totiusq; Vngariae Primatis Archipresulis Strigoniensis, Apostolicae Sedis
Legati Nati, summiq; (verbo ut complectar omnia) summi inquam saeculo
nostro Viri. Cujus si vita integritatem recolo, Vngariae Augustini: si Doctri-
nam & pro Religione Zelum Hieronymi; si labores, ac opera, operumq; sum-
ptus, revera Patria Patris, Ecclesiae Doctoris, atq; Apostolicorum pro DEO,
ejusq; fidei & Glorae causis conatum Magni emulatoris, censere & affirma-
re nequaquam dubitem. Cujus Principis, cum olim ego magna gesta, magnas
& laudes, imprimisq; magnos pro Ecclesiae Religionisq; Catholicae, tum & pro
Patria integritate labores plane magnos multosq; audiens aut legens saepius
admirari, atq; tantum Columnae Vngariae gratulari consuevissem, subit occu-
pavit me desiderium. Tibi tanti Principis Nepoti, virtutumq; Heredi, hoc
aliquid opera mea deferre, nec non illi apud Te Amicum, Patronum, Lu-
cem, Domitiliumq; gratiae deprecari.

Addidit praeterea mihi simul, Tuorum Comes Illustrissimus majo-
rum tam per antiqua, quam recentior claritudo & multa, & magna. Nam
quid Vngariae Regnum habuit unquam STEPHANO Rege, vel ob Christianam
Sanctitatem, vel Regiam Magnificentiam gloriosius? jam tunc tamen Pazma-
nyae familiae Procerem, reperio eidem STEPHANO militaribus suis copiis au-
xilientem, & virtutibus suis in aula ejus radiantem. Iam vero, quid ha-
buit Vngarica Corona, MATTHIA CORVINO Rege, quae domi, quae foris,
quae pace, quae bello, illustrius atque rariius? apud hunc vero ANDREAS PAZ-
MANY, & ob virtutem delictum, ob fidem oculus, ob res gestas gratiae Prin-
ceps fuisse memoratur. Posses his addere STEPHANVM PAZMANY, Regi suo
CAROLO, ob fortitudinem bellicam imprimis carum. Possem & IOANNEM
PAZMANY, cum NICOLAO Filio PETRI CARDINALIS jam memorati progeni-
tore, nec non alios propria virtute insignes, ad memoriam & laudem addu-
cere: at me his occupari hoc loco memorandis nihil opus esse agnosco, quan-
do Tu Comes Excellentissime, es mihi unus majorum tuorum heres, &
quasi Compendium tam sanguinis quam virtutis.

Nunquid enim Augusta memoria FERDINANDVS III. Imperator idemq;
Vngariae Rex, in te vel fidem debitam sibi, vel militarem fortitudinem Pa-
triae necessariam, sub rebellium tumultus, in Te non est magna cum virtutis
Tuae approbatione expertus? Nunquid non Tua fortitudo Munitionem Sa-
duariam tenuit & servavit? Vesprium item & Pappam Arces Patriae, nun-
quid non PAZMANA, id est, Tua Comes inclite à Turcis invasoribus de-
fendit?

Et haec quidem Majorum tuorum Virtus Gloriamq; bellica in Te resides.

Hec

D E D I C A T I O

Hec autem quam subtexo, PETRI CARDINALIS PAZMANY, Patruī Tui indoles est. Tu enim Vsericensē Dominium, diligenti pietate Tūā ab Hæresi, adhibitis Patrum Societatis IESV laboribus, perpurgasti. Tu Monasteriū Wesskoviensis in Moravia Capucinatorum Pater. Tu Collegiū Societatis Nostræ Olomucii, parte structura non perfecisti tantum, sed etiam adornasti, Tuam profusē piam liberalitatem, nullis ac imprimis Evangelicis Pauperes non agnoscunt. Neque verō quā es in alienos, alius es in Tibi subditos: quibus ita Dominus es, ut simul Patronus & Pater sis: quorum sic operis uteris, ut si mul illi Tuā in se beneficentiā perfruantur.

Privatarum, interiorumq; virtutum Tuarum supellectilem, aut potius Gazam, Tibi & DEO, & his qui Te intimius nōrunt relinquo perscrutandum. Innotuit tamen Tua Animi cura, Spiritualium rerum studium, Mansuetudo, Charitas, Commiseratio, Affabilitas, Liberalitas, Modestia. Redditur Tibi egregium testimonium, quod nemini inferre, nulli referre injuriam scias. Nostris ex Polonia hac tempestate exulibus aperuisti sinum beneficentiæ Tuæ spontaneæ. Ego ipse, prius Tibi Gratiam me debere cognovi, quam vel optavi, vel expectavi. Quæ omnia cuius Animi sint, decernant vel illi ipsi, qui calamitatem alienam prædam suam faciunt, & felices esse volunt infortunio aliorum.

Amplius in ruborem non voco Modestiam Tuam Comes Excellentissime. En allego ad Te vice mei IESVM PASSVM, jam quidem nuper sub alio titulo ex parte vulgatum, sed iterum necessariō reformandum, magnā verō sui etiam parte auctiorem: proptereaq; etiam plus priorē operā spero Tibi probandum.

Suscipies ergo hunc, modō non tantum de oblatione mea, sed etiam de Liberalitate Tua, jam Tuum, & qui minorem illum fovisti, hunc adiutorium favore patrociniog; Tuo, excludendum non putabis.

DEVS Te Comes Illustrissime, servet, sibi, Patriæ, Tibimet, Tuisq; ac Bonis omnibus, incolumem diu. Dabam Windischbora Augusti 1657.

Tuæ Illustrissimæ Dominationis

Devotus

Gaspar Druzicki S. L.

FACVL

F A C U L T A S

A. R. P. N. Generalis.

FRANCISCVS
PICCOLOMINEVS

Societatis IESV Praepositus Generalis.

CUM TRACTATVM, De variis modis meditandi Passionem Christi à P. Gaspare Druzicki, nostra Societatis Sacerdote conscriptum, aliquot ejusdem Societatis Theologi recognoverint, & in lucem ediposse probaverint, facultatem facimus, ut Typis mandetur, sita illis, ad quos pertinet, videbitur. Cujus rei gratia, has literas Manu Nostrâ subscriptas, Sigilloq; nostro munitas damus. Romæ. 3. Aprilis 1651.

FRANCISCVS PICCOLOMINEVS.

APPROBATIO CENSORIS.

LEgi TRACTATVM, R. P. Gasparis Druzicki Societatis IESV, De variis modis meditandi Passionem Christi, & cum sit opus ita eximium, ut Anima Mentium humanarum Christi Passionem meditantium eas in ariditate animans & vivificans, dici mereatur, censeo imprimendum. Posnania, 15. Maji, 1651.

SIGISMUNDVS ZARANEK, Soc. IESV,
Censor Librorum Diocesis Posnaniensis,
ad expressum Mandatum Illustrissimi
Locum Ordinarii.

In

IN IESVM PASSVM

PER CENTURIAM MODORVM
MEDITANDI PASSIONEM
DOMINICAM

ILLVSTRATVM,

P R A E F A T I O.

Non tantum causa vitandi fastidii, quod ex se-
per vniformi ratione, modoque recogitandi
Passionem Domini contrahi facile possit, ve-
rum etiam propter intimiorem arcanorum my-
steriorum ejusdem Passionis cognitionem, & insuper propter
vertiorem maximorum fructuum, ex ejusdem Passionis me-
ditatione perceptionem, opera pretium mihi videtur fore, si
varios Passionem Dominicam meditandi modos Lectori pro-
pono, quorum varietate cognita, atque gustata, fastidium
quidem deuitet, famem vero exacuat, delectationem acqui-
rat, interiora Passionis Christi facilius subintraret, & denique
quod rei caput est, fructibus eximiiis semper onustus prodeat,
atque instar *boni Patria familiae, de thesauro suo*, nempe Do-
minicam Passionem, *noua & vetera proferat*. Cupio vero, *MM.*
Lector iam nunc intelligat, mihi propositum esse explicare *13. 37.*
modos Passionem Dominicam recogitandi, meditandi, con-
templandi, longiore quadam mora in eis mentem occupa-
do. Nam illam instantaneam ac transitoriam Passionis Chri-
sti memoriam, circaque IESVM Passum, vel Patientem,
animi, breuiculam, & subinde repetitam, interruptamque,
ac innotatam occupationem, quam deuoti, perfectique viri,
pro suo quisque, tum gradu, tum furore, saluberrime vitio-
lent, hoc tempore ego pertractandam mihi non sumo. De-
inde vero non Meditationes in Passionem, sed modos medi-
tandi Passionem describendos mihi statuo. Quoniam
enim modis Paradigmata passim subiiciuntur, quae etiam
Meditationes sunt, hoc tamen non nisi ideo agitur, ut modis
ipsis maior quaedam lux apponatur. Igitur ut propositum
meum exequar, sic jam Tractationis initium.

B

MO.

In

Passionem Dominicam meditando.

Iuxta rationem meditandi à Sancto Patre Nostro IGNATIO traditam, & à nostræ Societatis hominibus usurpari solitam, assumantur ad meditandum singula mysteria Dominicæ Passionis, juxta contextum historiarum, ab Euangelistis descriptarum: in eisque debitâ deuotâque diligentia, recogitentur. 1. quidem Personarum, v. g. Christi, Matris ejus, discipulorum, persecutorum, Patris æterni, Angelorum, Dæmonum, expendendo singularum Personarum conditiones: ex earum expensione documenta eruendo, affectus eliciendo, proposita concipiendo. 2. autem Personarum verba, seu verè seu probabiliter dicta, dicendaue attendendo, atque ex eorum ponderatione, doctrinas, & affectus, propositaque propriæ meditantis conditioni idonea eliciendo. 3. Demum operationes Personarum singularum considerando, factâque reflectione super proprium statum, ac modum viuendi, documenta similiter, affectus, ac proposita competentia exercendo: ac totum Meditationis negotium debitis postulationibus, atque colloquiis cum Deo, & Christo &c. concludendo. Paradigma hujus meditandi modi proderit hoc loco subtexere: confectum ad instar ejus, quod sanctus Pater Noster IGNATIUS, in suo exercitiorum libro, Hebd. 2. die 1. expressum habet, de IESU Christi Incarnatione.

Oratio Præparatoria præmittenda Meditationi erit, quam petamus à Domino gratiam, ut vires operationesque nostræ omnes, sincerè ad ejus gloriam, & obsequium tendant.

PRÆLVDIVM I. erit. Proferre in medium summariam Passionis Dominicæ (aut partis ejus) meditandæ historiam. Quomodo Dominus noster IESVS Christus, quem æternus Pater, ex ineffabili dilectione sua, in mundum misit, ut Saluaretur mundus per ipsum: adueniente jam tempore præstituto, Ierosolymam (locum scilicet Passionis suæ futurum) venerit, inibi consummaverit omnia, quæ scripta fuerant de illo per Prophetas. *Traditus enim est gentibus, & illusus, & flagellatus, & confectus, & postea in Cruce occisus, per manus peccatorum*

Luca
23. 35.

ditorum. Quæ dum suo incumbebant sceleri, famulabantur Saluatori, & humani generis ministrabant redemptionis

PRÆLVDIVM II. erit. Imaginariè videre Hierosolymanam vniuersam, in cuius diuersis locis Dominus noster, salutem nostram, per Passionem suam operatus est. Talis locus est Coenaculum, in quo lotis Apostolorum pedibus instituit Sacrificium, & Sacramentum altaris, suæque memoriale Passionis: talis est hortus Gethsemani, in quo vsque ad sudorem sanguinem orauit: talis domus Annæ, Caiphæ, Pilati, Herodis, talis mons Caluaritis, &c.

PRÆLVDIVM III. Continebit gratiæ postulationem, vt intimè cognoscam, quò pacto Dei Filius Passus, Crucifixus, Mortuus sit pro me, proque humano genere vniuerso, vt ardentius ipsum amem & abhinc ei seruiam, ipsumque imiter studiosius.

PVNCTVM I. Speculabor Personas quæ in Passione Christi, partes suas habuerunt. Et Primò, vniuersum genus humanum, in miserrima licet peccati & Diaboli captiuitate positum, tamen nihil minus sentiens, aut cogitans, quam laethrynabilem statum suum: sed omnes homines veluti conspiratione factâ, iunctisque manibus, & passibus, & studiis, in tartara ruere. Deinde contemplanor Æternum Deum, tantum commiseratione Cordis sui Diuini intrinsecus, Filium suum pro salute hominum ad mortem crucis mittentem, eumque propter scelus populi sui, duro Passionis flagello castigantem. Præterea contemplanor Dei Filium offerentem sese Passionem, ad instar Agni innocentissimi, ad victimam ducem, fierique obedientem Patri, vsque ad mortem, mortem autem crucis. Insuper Cogitabo Virginem Matremque Iesv Christi MARIAM, voluntati Diuinæ deuotissimam, et si acerbissime Passionem Filii sentientem, summa tamen cum animi resignatione, filium suum Æterni Patris voluntati per omnia consignantem. Cogitabo post hæc rabiem Luciperi, totiusque potestatis tenebrarum, quâ hostium Christi animos, in cruciatibus, & necem ejusdem, quàm crudelissimam extimulauit: nunc mittendo in cor Iudæ consilium ejus vendendi, nunc in cor Iudæorum Principum propositum emendandi, & fundendi sanguinem illius, &c. Considerabo etiam

Principes Iudaeorum omnino obfirmatos in necem Christi,
& ne sumptibus, neque curis parcere, modo suum in Chris-
tum odium exsatiarent: jamque pacisci cum Iudaeis, jam cogere,
mittere, comitari cohortem, & ministros, ad eum capi-
endum, jam captum rapere, ad sua conciliabula, ibi de
eo quaestiones habere, falsis testibus obtrudere, reum mortis
proclamare, jam victum Pilato tradere, Herodi adducere,
necem ejus apud Pilatum urgere, sanguinem ejus super se,
superque filios suos ultro recipere. Contemplabor & Pila-
tum Praesidem, initio quidem pro Christo multum satagere,
innocentis mortem a se amoliri: ad extremum tamen, metu
& clamoribus tumultuantium victum, post diram flagella-
tionem morti Crucis Christum addicere. Contemplabor &
Herodem viso Iesum, gaudentem primo, deinde eundem cum
suo sacellio despiciere; & illudum veste alba Pilato remittere.
Insuper milites totos in Christi cruciatus incumbentes
attendam, vinculis, verberibus, pugnis, colaphis, raptatio-
nibus, flagellis, virgis, spinis, elavis, cruce saevientes. Deni-
que contemplabor amicos Christi, quosdam procul, eo reli-
cto fugere, quosdam pra metu abnegare, alios a longe stare,
alios de malis ejus lamentari, Matrem cum Ioanne juxta Cru-
cem esse.

Ex his omnibus singulisque Personis consideratis, aliquas
doctrinas fructuosas decerpando, affectibusque congruos exci-
tando, ad me reflexionem faciam. v. g. de ruina cecitateque
hominum, & mea propria dolebo ac lugebo. Mirabor &
lambabo Dei misericordiam, Christi charitatem in nos, & in
Patrem obedientiam. Matris amplectar resignationem in
Dei placitum, execrabor Luciperi malitiam, Iudaeorum ava-
ritiam perfidiam, Iudaeorum invidentiam, odium, furorem,
Herodis temeritatem, Pilati meticulosam ignaviam, iniqui-
tatem, inconstantiam. Compatiar Christo inter crudeles
ministri manu fatiscienti, sequar & lamentabor Christi
injuriis, adstabo ejus Crucis, meque discipulum profitebor,
fugam meam a Christo, & abnegationem toties factam de-
precabor & plangam. Matri compatiar, &c.

FINIS V. I. I. erit. Audite interiores excipere verba, &
sermo

sermões, jam recensitarum Personarum. Pota universo-
rum hominum, pro varietate studiorum, & affectionum,
quosdam ut terrena sapere, ita & loqui inter se: quosdam va-
na fabulari, alios fœda & absurda, alios mendacia, perjuria,
blasphemias, maledicta, adulationes, convitiis, calumnias,
ructare invicem, &c. Deum Patrem æternum contra, loqui
misericordiam, & pacem super filios hominum: dare præ-
ceptum mortis unigenito suo, pro salute humani generis. Si
tradideris pro peccato animam tuam, videbis fructum longævitæ.
Rursus Filium Dei dicere ad Patrem Sacrificium & oblatio-
nem voluisti aures autem perfecisti mihi Pater, & corpus opta-
sti. Holocaustum & pro peccato non postulasti, non tibi placue-
runt, tunc dixi. Ecco venio. In capite libri scriptum est de me ut
facerem voluntatem tuam: Deus meus volui: & legem tuam
in medio cordis mei. Pater mi, si non potest hic calix transire nisi
bibam illum; fiat voluntas tua. Devotissimam quoque Chri-
sti Matrem audire licet dicentem, & benedicentem Deum in
consilio suo, super redimendo genere humano, per sanguinē
& mortem Filii sui: offerentem quoque Filium ipsum suum,
& se unā cum Filio suo: si ita placitum foret ante Patrem
æternum, ad omnem cruciatum, suppliciumque Crucis.
Audiam etiam Luciferum, & Iudæos, veluti uno ore, uno
certē furore, & odii spiritu dicentes. Videtis quia nihil profi-
cimur, ecce totus mundus post eum abiit: hic homo multa signa
facit: contrarius est operibus nostris: gravis est nobis etiam, ad
videndum. Filium Dei se nominat: venite circumspiciamus
eum: mittamus lignum in panem eius. Contumeliā & tormento
interrogemus eum, eradamus nomen eius de terrā viventium: &
nomen eius non memoretur amplius. Pari modo Pilatum, He-
rodem, milites, audire licebit loquentes adversus Dominū,
& adversus Christum ejus.

Atque ex his omnibus factā reflexione super me, eliquis
affectibus, conceptisque propositis, fructum edificationis
internæ decerpam, pro materiæ exigentiā, & pro luminis in-
terni dictamine.

PUNCTUM III. erit. Actiones quoque attendete, &
expendere Personarum prædictarum. Quomodo v.g. Ho-
mines per totum mundum inhabitantes, pars suis negotiis
curisque

Iſa. 53.

10.

Psal.

39. 7.

Hebr.

10. 5.

Psal. 39.

V. 8.

Matth.

26. 42.

Ioan. 12.

19.

Sap. 2.

15.

Hier.

11. 19.

74 *M O N I T.*
 curisque dissentis, agros colunt, domos ædificant, plantant vineas, aucupis, pileatu, venatu, vitam agunt: eunt alii in viscera terræ; alii faciunt operationes in aquis multis, alii mutuas in cades ruunt, bellis, rapinis, furtis, latrocinis, rixis, comestationibus, lasciviis, vitam impendunt, omnes secuti perditionis æternæ. Porro æternus Pater, Filium suum velut Abrahamus Isaacum, passioni & morti tradit, pro genere humano. Filius porro obedientissimus sicut mandatum dedit ei Pater; sic facit: & totum Passionis suæ calicem haurit, totumque opus redemptionis nostræ exequitur, & animam suam ponit pro ovibus suis. Nec quisquam tollit animam ejus ab eo sed ipse sponte suâ ex dilectione nostri, ex obedientia erga Patrem cœlestem, offertur, quia ipse voluit. Mater autem Christi, omnis Passionis ejus exterius comes, interiorius per omnia particeps, secundum animam gladio doloris confixa, stetit sub cruce, stetit in fide, stetit in dilectione, non erubescens, sed deferens, & consensens opprobrium Filii sui Crucifixi. Diabolus è contra, Iudas, Principes Iudeorum, Pilatus quoque & Herodes, nec non eorum ministri, astiterunt & convenerunt in unum adversus Dominum, & adversus Christum ejus: vocesque Prophetarum, & figurarum, ignorantes, & malevolentes impleverunt.

Ex his omnibus, congruis, ut & in prioribus, decerpitis documentis, factâ super me reflexione, exercitis affectibus, elicitis propositis salutaribus, fructum meditationis colligam.

COLLOQUIUM postremò subijciam, quo stultitiam, & perditionem hominum deplorabo; Divinam misericordiam, Christi charitatem, Matris ejus pietatem, admirans & laudans predicabo; Hostium Christi odium, furorem, invidiâ, crudelitatem, excitationem, detestabor, deshebo: pro mea, totiusque generis humani redemptione gratias agam, salutis studium, & curam, in me aliisque promovere, in Dei miserationibus confidere, Christi obedientiam, humilitatem, charitatem, patientiam, aliasque virtutes imitari, pro Christo laborare & pati, Passionis ejus effectus, atque fructus in me, & in proximos derivare constituam; ad idque auxilium à Patre æterno, per Christi merita, per Matris ejus, Sanctorumque intercessionem petam. Meditationem demum oratione Dominicâ & salutatione Angelicâ concludam. *MO-*

MODVS II.

Alter modus Passionem Dominicam meditandi est, ex-
pendere illam secundum circumstantias ejus v. g. 1. Quis
est qui patitur? 2. Qualis est qui patitur? 3. Quantum est qui
patitur? 4. Qua de causa patitur? 5. Quali formâ patitur?
6. Quanta fiat quæ patitur? 7. Quid ex hoc consequitur
quod patitur? Quæ omnia fusius verbis sancti Bonaventuræ
explicata cognoscere, utile erit. in igitur ille.

Primò, considera quis est qui patitur, & ei subdere per ra-
tionis assensum, ut credas firmissimè ipsum veraciter esse Dei
filium, omnium rerum principium, Salvatorem hominum,
& retributorem meritorum omnium.

Secundò, considera qualis est qui patitur, & ei configura-
re per compassionis affectum, scilicet ut compatiaris ei, tan-
quam innocentissimo, mitissimo, nobilissimo, & amantissi-
mo.

Tertiò, considera quantum est qui patitur? & ad ipsum,
egredere per admirationis aspectum; & attende, quod ipse est
immensus potestate, speciositate, felicitate, & æternitate.
Igitur admirare, immensam potestatem annihilari, speciosi-
tatem decolorari, felicitatem tormentari, æternitatem
mori.

Quartò, considera qua de causa patitur? & te ipsum obli-
viscere per devotionis excessum; quia patitur pro tua redem-
ptione, illuminatione, sanctificatione, & glorificatione.

Quintò, considera quali formâ patitur? & ipsum indue-
re per assimilationis amictum. Passus est enim sicut verus
Agnus libentissimè respectu proximi, severissimè respectu
sui: obedientissimè respectu Patris, prudentissimè respectu
adversarii. Stude igitur ad habendum habitum, secundum
effigiem imitationis Christi, scilicet benignitatis, severitatis,
humilitatis, & perspicacitatis.

Sextò, considera quanta sint quæ patitur, & crucem ample-
dere per Passionis desiderium; ut sicut Christus passus est
vincula ut impotens omnipotentia; convitia ut vilis boni-
tas; lu-

*Hoc opusculum etiam vocatur. Incendium amoris.

„Tomo

„2. o-

„pisc.

„opu-

„sculo

„26. In

„Par-

„veto-

„no

„parri-

„cula

„3-

„

„

„

„

„

„

„

„

„

„

„

„

„

„

„

„

„

„

„

„

„

„

„

tas; ludibria, ut stulta sapientia; & supplicia ut iniqua iustitia: sic & tu considera, & amplectere Passionem Crucis, hoc est Passionem plenam injuriis in rebus, contumacius in verbis ludibris in signis, suppliciis in tormentis.

Septimò, considera quid ex hoc consequitur quod patitur? & veritatis radium intueri, per contemplationis oculum; quoniam ex hoc quod Agnus passus est, septem libri signacula aperta sunt. Libet iste est universalis notitia rerum, in qua septem erant clausa homini, quæ quidem sunt per Passionis Christi efficaciam reserata. Scilicet 1. Deus admirabilis. 2. Spiritus intelligibilis. 3. Mundus sensibilis. 4. Paradisus desiderabilis. 5. Infernus horribilis. 6. Virtus laudabilis. 7. Reatus culpabilis.

Primò, Deus admirabilis manifestatus est nobis per crucem, esse summæ & inscrutabilis sapientie, summæ & irreprehensibilis iustitiæ, summæ & inenarrabilis misericordiæ. Summā enim sapientiā suā decepit diabolus, summā suā iustitiā quasi vitæ Redemptionis pretium. Summā suā misericordiā, pro nobis tradidit filium suum: quæ si diligenter considerentur Deum nobis clarissimè & charissimè manifestant.

Secundò, Spiritus intelligibilis nobis manifestatus est per crucem, secundum differentiam triplicem: scilicet. Quanta sit benignitas, quantum ad Angelos? Quanta sit Dignitas, quantum ad homines? Quanta sit crudelitas, quantum ad demones. Nam Angeli permiserunt crucifigi Dominum suum: Dei filius crucifixus est propter genus humanum, & hoc ad crudelem suggestionem demonum.

Tertiò, Mundus sensibilis nobis manifestatus est per crucem: quoniam locus est tenebrarum plenus, in quo regnat cæcitas, quia lucem veram & summam non cognovit; regnat sterilitas, quia IESUM Christum, tanquam infructuosum despexit; & regnat impietas, quia Deum & Dominum suum, & amicum, & innocentem damnavit, ac interfecit.

Quartò, Paradisus desiderabilis nobis manifestatus est per crucem, in quo est fastigium torius gloriæ, speculum omnis lætitiæ, & promptuarium omnis opulentiæ. Vnde Deus propter illam habitationem nobis restituendam, factus est pro nobis homo; scilicet vilis, miser, pauper, in quo Celsitudo ab-

do abjecti
statem si
tem abje
mus lud
à culpa.
tremam

Quin
crucem.
liate &
necessit
multo
merito

Sex
quantu
pretios
re, qua
tumeli
dix virt
restaur

Sept
cem, se
nem in
tam di
in cruce
soluunt

S. Bon
dione,
mirabi
Hic
Domin

Prim
Iesv,
sapient
ria deb
pter ber
domini
omniun
infinitu

do abjectionem induit, iustitia reatum subiit, Opulentia egestatem suscepit. Nam altissimus Imperator, accepit servitutem abjectam, ut nos sublimaremur in gloriam. Iustissimus Iudex subiit reatum poenalisimum, ut justificaremur à culpa. Opulentissimus Dominus suscepit egestatem extremam, ut locupletaremur in copia.

Quintò. Infernus horribilis manifestatus est nobis per crucem. Locus utique plenus omni egestate & penuriâ, vilitate & ignominia, & omni calamitate & miseria: unde si necesse fuit Christum hæc pati propter peccati deletionem, multò fortius hæc oportet pati damnatos, propter justam meritorum suorum retributionem.

Sextò. Virtus laudabilis est nobis manifestata per crucem, quantum scilicet sit pretiosa, speciosa, & fructuosa. Verè pretiosa, quia Christus voluit potius vitam corporalem perdere, quàm virtuti contraire. Verè speciosa, quæ in ipsis contumeliis relucebat. Verè fructuosa, quia unus actus perfectæ virtutis, infernum spoliavit, cælum aperuit, & perdita restauravit.

Septimò. Reatus culpabilis manifestatus nobis est per crucem, scilicet quantum sit detestabilis, cum ad sui remissionem indigeat, tam magno pretio, tam grandi piaculo, & tam difficili medicamento. Ecce igitur habes, quomodo in cruce omnia manifestantur (seu septem signacula libri solvuntur.) Si bene ad hæc septem reducantur. Hactenus S. Bonaventura, suo quidem modo cum multiplici distinctione, sed simul cum inflammata charitate, nec non cum admirabili materiæ meditandæ fecunditate.

Hic idem modus per circumstantias meditandi Passionem Dominicam, potest hac ratione disponi.

Primò. Considera. *Quis patitur?* Deus Homo Christus Iesus, quatenus Deus, Infinitæ Dignitatis & Majestatis, sapientiæ, omnipotentia, bonitatis, cui omnis honor & gloria debebatur ab omni creatura, propter excellentiam, propter beneficentiam, propter omnipotentiam, propter omnidominium & regnum, propter independentiam ab ulla re, omnium verò ab ipso dependentiam, propter plenitudinem, infinitudinemque omnis perfectionis propter immensitatem essentia,

essentia, &c. Quatenus homo, infinita item propter unionem Hypostaticam cum Verbo dignitatis, gratiarumque tam naturalium quam supernaturalium possessionis: utpote in quo plenitudo Divinitatis inhabitavit corporaliter, & omnes thesauri sapientiae & scientiae Dei reconditi fuerunt, accessit Dignitas Supremi inter Deum & hominem Mediatoris, Summi item Sacerdotis atque Pontificis, Regis quoque Regum, & Domini Dominantium, Primogeniti omnium creaturarum, earumque Haeredis, Iudicis etiam vivorum ac mortuorum. Accessit praeterea sanctitas non per gratiam, sed per ipsius Divini Verbi sanctitatem. Innocentia quoque & impeccabilitas; tum vero bonitas, omnis malitiae & peccati expers. Beneficentia vero in omnes infirmos, & à diabolo oppressos. Accessit gratia Messiae, Fundatoris & fundamenti Ecclesiae Dei, Sancti quoque Sanctorum, Doctoris Iustitiae ac Veritatis, Principis pacis, & Patris futuri saeculi, Prophetae, Magni consilii Angeli, Principii & finis; viae, veritatis, & vitae ostii, Pastoris boni, pastorumque Principis ac legislatoris, morum, Sacramentorum, & sacrificiorum Institutoris. Accessit titulus Redemptoris, Amici, Patrisfamilias, Sponsi, Patris, Fratris, Imperatoris, Praemiatoris Exemplaris, Glorificatoris. Accessit denique nomen & res unigeniti Filii Dei, nec non in via, Comprehensoris tamen ac Beati. Haec omnia erat & est Christus qui patitur. Ex quo indignitas injuriositasque Passionis ejus in immensum excrevit. Qui enim summo honore, amore, observantia, deliciis, gloria fuit plus quam dignissimus, propter supra dicta bona sua: is omnia opposita, omnia extreme indigna ab hominibus patitur.

Secundo, Considera. Quid patitur? Patitur Ingratitudinem, Contemptionem, Conspirationem, Proditionem, Dolositatem, & Fraudulentiam, Calumnias, Contumelias, Mendacia, Convitia, Falsa testimonia, oppressionem, vim, Adjurationes, Execrationes, Odia, Ignominias, verbis, factis, signis expressas. Derelictionem & abnegationem, tormenta & dolores totius corporis ejusque membrorum, percussiones, livores, vulnera, ereptionem bonorum, & spoliationem usque ad omnimodam nuditatem, vincula, catenas, carceres,

carceres,
nes, inf
tiones, b
nique vi
suo gene
Terri
non qu
lala sic.
vina hy
manita
ciatus,
per rec
per ide
niscum
stus in
aliaque
in Hus
la, in a
nefact
tibus &
Anima
dine, in
prakti
crepta.
Qu
volens
impiet
mines
amore
volunt
tores, &
li, atq
quinol
tum ex
nullis u
eur ex o
mo, ha
aboleri

carceres, condemnationem ad supplicia & mortem, irrisiones, infamationes, detractiones, insultationes, exprobra-
tiones, blasphemias, exultationes de suis malis, mortem denique violentissimam, turpissimam, crudelissimam, tum ex suo genere, tum ex hostium exaggeratione.

Tertio, Considera. In quo patitur? Patitur in Divinitate, non quidem ita, quasi Divinitas impatibilis & inviolabilis læsa sit. Sed quia humanitas patiens ac violata Personæ Divinæ hypostaticè unita, ob idque Theandrica est: ideo Humanitatis læsiones, Personæ erant læsiones & ita passus, cruciatus, despectus, crucifixus, mortuus est Deus, non tantum per redundantiam, & quasi concomitantiam, sed absolute per identitatem Personalem Humanitatis & Verbi, Hominis cum Deo, seu potius Hominis Dei. Patitur ergo Christus in Divina sua Natura, Persona, Dignitate, Majestate, aliaque omni perfectione, & excellentia. Patitur præterea in Humanitate, in corpore, in anima, in paupere facultatula, in amicis, & consanguineis, in Matre, & discipulis, & benefactoribus. In bona fama, in libertate, in omnibus partibus & sensibus corporis. In omnibus viribus potentiisque Animæ. In bonis fortunæ, & animi, in sanitate, & valetudine, in robore, & virtutibus, in rebus gestis, in beneficiis præstitis, in vita denique sibi crudeliter juxta & probroscerepra.

Quarto, Considera. Quomodo patitur? Patitur sciens, volens, immo cupiens & ardens ex parte sua, patitur injustè, impiè ex odio & invidia, & contemptu sui, apud hostes, homines, ac dæmones, quantum ex parte ipsorum. Patitur ex amore Patris Æterni, & ex obedientia ac reverentia erga ejus voluntatem, ex miseratione quoque super nos omnes peccatores, & ingratos indignosque ac naturâ iræ filios, & diaboli, atque peccati servos. Patitur ex malitia nostrum omnium, qui nostris sceleribus ejus Pasioni & morti causam (quantum ex nobis planè necessariam, quia aliàs viribus creatio nullis unquam superabilem) dedimus ex parte nostra. Patitur ex odio suo, quod immensum, & quâ Deus, & quâ Homo, habet adversus peccatum, delerique illud & penitus aboleri à facie Dei desiderat, proque illo Iustitiæ Paternæ ad-

rigorem, quin etiam ad excessum satisfacit. Patitur animo fortissimo, constantissimo, perseverantissimo, subundissimo, & planè in gratiam Patris sui, inque amorem nostri insatiabilissimo. Patitur denique cum maximarum, atque adeò prorsus omnium virtutum heroico, & per nullam imitationem humanam adzquando exercitio atque exemplo.

Quintò, Considera. Quare patitur? Patitur quidem sine ulla sua causa, seu culpa, sine coactione ab aliquo, sine modo aut necessitate propria: verumtamen patitur, pro peccatis mundi tollendis, æternisque poenis abolendis, pro reconciliando nobis Patre æterno, pro aperiendo nobis Paradiso, seu celo, pro rabie diaboli reprimenda, & potestate, atque tyrannide expugnanda, pro obedientia erga Patrem, pro nostro exemplo, pro figurarum & prophetiarum expletione.

Sextò, Considera. Pro quibus patitur? Non utique pro Angelis: *Neque enim Angelos apprehendit, sed semen Abrahæ,* Heb. 2. Patitur ergo pro humano genere universo, patitur pro his, 16. à quibus patitur; patitur pro sceleratis, pro ingratis, pro indignis, ac vilissimis. Patitur pro ipsis etiam jam antè damnatis & in inferno positis, atque pro gratis illis bonisque & auxiliis omnibus, quæ nunquam in vita sua à Deo acceperunt, quibusque ih contumeliam Dei, & in perditionem suam sponte abusi sunt, & quæ respectu futurorum suorum meritum ipsis concessa fuerunt, nunc Patri exolvit pretium.

Septimò, Considera. A quo patitur? Patitur à Patre suo Isa. 53. Æterno, à quo propter scelus populi sui traditus est. Patitur 8. à sua ipsius voluntate, quoniam oblatu est, quia ipse voluit. Isa. 53. Patitur ab omnibus demonibus, & ab omni potestate tenebrarum. 7. Patitur ab omni hominum genere & conditione, statù, ætate, convenerunt enim Principes terræ adversum Dominum, & adversum Christum ejus. Patitur ab omnibus vivis mortuisque quorum omnium peccatis crucifixus est. Non enim pro aliquorum solum sed etiam pro totius mundi peccatis & salute mortuus est Christus, Patitur ab omni creatura & elemento.

Octavo, Considera. Quando patitur? Patitur in ætatis flore, & in annis vite maxime vividis. Tempore anni sacratissimo

fiat apud suam gentem, atque mysteriis solennissimo, & concursu frequentissimo. Hora diei meridiana, in luce & oculis omnium. Tempore quo Deus Hebrais sicut maxima praeftiterat beneficia; sic ab iisdem maxime laudari honorarique debuerat, ejus Joeb, extremis est contumeliis, injuriisque ac demum morte horrenda exceptus, & interfecus.

Nono, Considera. Tbi & quo loco patitur? Patitur in locis Urbis & Regionis, & Orbis sacrausissimo, celeberrimo, miraculis, figuris, prophetiis, celestibus donis ornatissimo. Patitur ubi est Adam conditus, ubi Isaac immolatus, ubi fides Regum, ubi Templum, ubi caput Religionis Sanctae. Ubi stupendis miraculis Christus se celebrem fecerat & doctrinam. Patitur in horto Montis Oliveti, in domo Annae & Caiphae, in carcere & obscuro fœtudoque specu: patitur in praetorio Pilati, in Palatio Herodis, in plateis & foris Ierusalem. Patitur in Monte Calvario. Patitur denique in alta Crucis trabe, tanquam in totius terrae theatro, atque medio.

Decimo, Considera. Quibus auxiliis patitur? Patitur vero nullis auxiliis solariisve sublevatus; ne Paternis quidem: quod satis ostendit illa in horto Agonia, illa repulsio Petri ad sui defensionem proficientis, cui dixit. *An putas quia non possum rogare Patrem, & exhibebit mihi modò plusquam duodecim legiones Angelorum?* Ostendit vero eam omnis solatio privationem illa vox maxime ad Patrem *Deum meum, Deus meus, & quid dereliquisti me?* Quod etiam ipsi hostes improperant ei dicentes. *Confidit in Deo, liberet nunc si vult eam.* Ab omnibus ergo desertus patitur, etiam à semetipso, quoniam in poenis suis, sua etiam voluntate, atque virtute Divina, ad hoc solum, & unum, se juvit, ut durare in poenis posset, robur quidem conservans, sed solatium omne subtrahens, quod genus auxilii ad majores tantum produciatiorisque servivit cruciatus, non autem ad mitiores. Unde nec vinum myrrhatum voluit bibere, & mulieres super se lamentantes removit à collachrymatione. Et ita impletum est, quod hac de re ab Esaia praedictum fuerat. *Circumspexi & non erat auxiliator, quaesivi & non fuit qui adjuvaret, & salvavit mihi brachium meum, & indignatio mea ipsa auxiliata est mihi.*

Ex hisce omnibus Dominicae Passionis circumstantiarum generi-

Matth.
26. 37.

Matth.
27. 46.
Ibid. 43.

Marc.
15. 23.
Luca
23. 28.
Isaia
63. 5.

generibus, plurima morum virtutumque, tam documenta, quam exempla, plurima omnis generis affectuum materia, plurima propositorum postulationumque varietas & leges erui potest.

M O D V S III.

Tertius Passionem Dominicam meditando modus est. Accepta Christi Divinitate, expendere quid in ea passus est, v. g. 1. Quid in Persona & natura sua Divina. 2. Quid in attributis perfectionibusque suis Divinis. Negatus est enim esse verus Deus, verusque Dei filius: sed potius hoc illi eximium datum: & ob id ad mortem damnatus est: Deinde creditus est Deaster quidam, falsique Dei, puta Iovis, aut Herculis Filius, quæ opinio non minus fuit injuriosa & probrosa Christo, quam prior. Dignitate omni exutus est: & prorsus ita indignè tractatus, quomodo nec vermis, nec canis mortuus tractari debuisset: ut verè dixerit de se Dominus. *Ego autem sum vermis & non homo, multoque magis non Deus: opprobrium hominum, & abjectio plebis.* Veritati & veracitati ejus mendacitas: ignoratio, pseudopropheta, impostura, & seductio imposita est; & cum maxime veritatem fateretur, tum blasphemus, ac ob id reus mortis, à toto concilio, & summo Pontifice proclamatus est. Potentia in impotentiam, Vita in mortem, Sapientia in stultitiam, Sanctitas & Bonitas in malitiam & impietatem, Misericordia in latrocinium & latronum principatum, Existentia in occisionem, & deletionem nominis ejus de terra ab inimicis ejus conversa & traducta est. Ex Beato miserrimus, ex Glorioso abjectissimus, ex Domino omnis creaturæ, mancipiorum mancipium, præda carnificum, pabulum denique volucrum rapacium in cruce factus est. Hæc, similiaque expendens, qui meditatur, advertat quantum Dei filius exinaniverit se in Passione propter nos, quam absconditus fuerit vultus Deitatis ejus: quantum debeat annihilare se, & exinanire propter amorem honoremque Dei, homo, utique nihil & nihilum, & vermis, & vilitas ipsa; quam inter se longè differant Deus & Homo, Deus humilis, & homo superbus, Deus contemptus, & homo contemnens, quid par sit retribuere hominem Deo pro omnibus istis, quæ Deus subiit propter hominem?

M O.

Psal. 11.

R.

Q
Ac
super
pallus
Volun
Phanta
tientis
tua,
patia
tione
tunta
mo in
præse
coru
nes.
affect
reban
Prop
me in
mites
se ho
hoc
hort
sent,
pave
agon
dit.
stus,
eum,
jectoi
quam
immo
fuisse
nis tu
nibus
inten

M O D V S IV.

Quartus Passionem Dominicam meditandi modus est. Acceptâ Christi Animâ, ejusque singulis potentiis, tam superioris, quàm inferioris partis, quid in una quaque earû, passus sit, considerare. Animæ Potentiæ sunt, Intellectus, Voluntas, Memoria, Iudicium, deinde Imaginativa seu Phantasia & cogitativa. Passiones sive affectus Animæ sentientis, tum ipsa sensitiva facultas, loco motiva etiam, nutritiva, aliæque similes. Expendatur ergo quid passus sit aut patiatur Christus in Intellectu Sapientissimo, & omni cognitione pleno? Quid in Sanctissima justissimaque ac Dei voluntati subiectissima Voluntate? Quid in Memoria, cui à primo instanti conceptionis & maximè Passionis, semper erant præsentissima omnia mala toleranda, & tolerata cum omni eorum enormitate. Iudicabat & discernebat omnes rationes, exaggerationes, excellentialque poenarum suarum, & affectuum etiam studiorumque, quibus hostes sui omnes ferebantur ad se affligendum. Vnde dicebat Dominus per Prophetam. *Domine tu ostendisti mihi studia eorum adversum me in mortem.* Imaginativa etiam Christi, afflicta est enormiter cogitatione præsentissimâ & vivacissimâ furentium in se hostium: quidquid per sensus externos percepit, totum hoc etiam in interioribus cognovit atque pertulit. Certè in horto adhuc antequam ad ipsam tem tormenta sua venissent, ex sola eorum imaginaria apprehensione, illico cepit pavere, tædere, contristari, & mœstus esse usq; ad mortem: agonisavit etiam, & sanguineum sudorem, toto corpore fudit. Neque hæc Imaginativæ vehementia, passionumve æstus, per totam Passionem reliquam cessavit vel ad momentum, usque dum exspiraret in Cruce, immo ex præsentia objectorum, re ipsâ scilicet perceptorum cruciatuum, crevit quàm maximè: adeò ut toto Passionis tempore potuerit, immo debuerit connaturaliter sanguinem sudare, si non alia fuisset Christi de se ipso dispositio. Ex tanta quoque sanguinis tum in sudore, tum in flagellatione, tum in aliis occasionibus effusione, nec non ex atrocissima immanium dolorum intensione, extensione, ac varietate, vehementer impedita fuit in

Hierem.

II. 18.

Eccl. 18.

23.

fuit in Christo, vis nutritiva, inedia, & siti, & Fatigatione multiplici accedente. Vincula etiam, carceres, violentissima tractiones, & raptationes, alligationes ad columnam, tum crucifixio ad crucis trabem, summam sanè violentiam libertati Christi, tam internæ quàm externæ, quoad locum, & motum, & situm, intulere. Deniq; quidquid sensit Christus in corpore, id totum sensit prius, & magis in Anima: tum quia Anima est sola quæ dat sensum toti corpori, in omni perceptione, & sensatione, tum quia Anima non sinebat in corpore Christi sensus obtundi, sed eos in suo vigore conservabat, totamque corporis temperiem per totum Passionis tempus imperturbatam retinebat: ex quo acrimonia accrescebat, & corpori quidem, sed magis ipsi Animæ.

Hæc omnia competenter meditationi subiecta plurimos in meditatore affectus, super Christi Animam excitabunt, plurimas doctrinas, qualiter Anima ejus, ad instar Animæ Christi sese debeat in omni occasione, & præsertim in adversitate gerere ostendent.

M O D U S V.

Quintus Passionem Dominicam meditandi modus est. Assumere Corpus Christi, externamque & sensibus subiectam substantiam ejus, & recogitare quid in toto corpore, quidve in omnibus, & singulis ejus partibus membrisque sit passus Dominus IESVS. De eo illud verissime dici potest.

Isaia 1.

4.

Isaia

33. 4.

A planta pedis usque ad verticem non est in eo sanitas. Sic etiã spectatum Prophetæ à seasserunt. Putavimus eum quasi leprosum percussum à Deo & humiliatum.

Consideretur ergo quid Christus passus sit in Sacrosancto capite suo, à spinea corona, à tot percussionebus & pugnis, à capillorum tractionibus & vulsionebus? Quid Passus sit in fronte, genis, temporibus, malis, labris, facie, maxillis, dentibus, lingua, faucibus, à puncturis spinarum, à vellicationibus, percussionebus, lacerationibus, consputationibus, concussionebus, pugnis, colaphis, alapis, siti, amaritie acciti & fellis? Quid Passus sit in collo & cervice à colaphis, catenis, pugnis? Quid Passus sit in vultu, mento, gutture, à tot tantisque illusionibus, fordeationibus, spurcitiis, invectundis,

secundis
naribus,
ractioni
ferunt su
sanguinis
centies.
dragies,
vis percu
dum. P
lissima
porro e
novem
prætor
mirabi
firmant
tempus
tantoqu
die flag
rit, qua
lis, hun
manibu
vis, atq
medita
seration
dā, & p
Divina
minum
Pro qu
propter
quare
Libe
verbis
sensum
pratum
dignati
Vide si
trem D
denfati

secund is, tractionibus, suffocationibus? Quid Passus sit in
naribus, in auriculis, à tot percussionibus, contorsionibus,
tractionibus, foetoribus? Auricularum vellicationes varias,
ferunt fuisse triginta, narium viginti, dubio procul non absq̃
sanguinis profluvio. Faciem Christi consputatam tradunt
centies. Caput spinèa jam coronà cinctum, creditur qua-
drigies, & quidem maximà vi percussum, cum tamen vel le-
vis percussio satis fuerit ad intolerabilem dolorem concitan-
dum. Pedibus pulsatus Christus (eo modo quo canes, & vi-
lissima quæque solent) creditur centies quadrigies. Livores
porro ex percussione contraxisse mille centum nonaginta
novem. In flagellatione corporis ad columnam, in Pilati
prætorio, ad quinque millia piagarum Christus excepit, nec
mirabitur, qui audiet ipsum Christum apud Prophetam as-
firmantem *se totà die flagellatum*, non quòd (quantum ad
tempus) totà die flagellatus fuerit, sed quòd tam crudeliter,
tantoque numero ictuum, ac vulnerum, ut videri posset totà
die flagellatio sua durasse. Quos dolores Christus pertule-
rit, quas percussiones, & vulnera, in dorso, pectore, scapu-
lis, humetis, lateribus, ventre, genibus, cruribus, brachiis,
manibus, atque pedibus, ipsisque plantis, ac ossibus & ner-
vis, atque musculis, & visceribus, explicare non est facile,
meditatione tamen hæc omnia sunt expendenda, & commi-
seratione prosequenda, inde etiam charitas Christi æstimanda,
& pretium Animæ, peccatorum odium, rigor justitiæ
Divinæ, insatiabilis hostium Christi furor, & debitum o-
mnium nostrum erga Christum cognosci & addisci poterit.
Prò quanti æstimandus est à nobis is, qui tam viluit ipsi sibi
propter nos, quique tanti æstimavit nos? *Sed & tu homo*
quarè tibi tam vilis es, quàm pretiosus Deus?

Libet tam huic quàm præcedenti modo dare lucem à
verbis Beati Petri Damiani, hujusmodi. [Excede paulisper
sensum carnis, & irruentia corporearum phantasmata volu-
ptatum: & intuerè Naturæ Divinæ bonitatem, suavitatem,
dignationem. Meditare positionem Crucifixi Corporis.
Vide si est aliquid in eo, quod non peroret pro te apud Pa-
trem Divinum: illud Caput multiplici Spinarum densitate
densatum: usque ad cerebri teneritudinem confixum est,

D

dum con-

*Psal. 72.
14.*

*Chrysol.
Serm.*

143.

„ B. Pe-

„ trus

„ Da-

„ miani.

„ Serm.

„ 1. de E-

„ xaltæ

„ S. Cru-

„ cia.

- Psal.* „ *dum configitur spinâ. Spinis peccatorum suorum,* (ait Domi-
31. 4. „ *nus per Prophetam,) circumdedit me populus iste. Ad quid*
 „ *hoc? Ne doleret Caput tuum: ne tua vulneraretur inten-*
 „ *tip. Caligaverunt in mortem oculi sui, & illa luminaria,*
 „ *quæ illuminant orbem, ad horam extincta sunt. Nonne illis*
 „ *obtenebrantibus, tenebræ factæ sunt, super universam ter-*
 „ *ram, & illa duo magna luminaria, cum illis luminibus sub-*
 „ *mota sunt? hoc autem totum factum est, ut averterentur o-*
 „ *culi tui, ne viderent vanitatem, & si viderent, non adhererent.*
Isaia. „ *Aures illæ, quæ in cælis audiunt, Sanctus, Sanctus, Sanctus,*
6. 3. „ *Dominus Sabaoth: audierunt in terris, Dæmonium habes: &*
Ioan. „ *Crucifige eum. Ut quid istud? Ne aures tuæ obsurdescerent*
8. 48. „ *ad clamorem pauperis, ne reciperent auditum vanum, ne de-*
Ioan. „ *tractionis virus, apertis propitijsque auribus susceperent.*
19. 6. „ *Speciosa illa facies, speciosi præ filijs hominum, sputis illita*
 „ *est, afflicta colaphis, addicta delusionibus, sic namque scri-*
Matth „ *ptum est; Ceperunt conspuere in eum, & percutere faciem eius,*
26. 67 „ *& illudere ei: dicentes, prophetisa: quis est, qui te percussit? Qua-*
 „ *re hoc? Ut facies tua illuminaretur, illuminata confirmare-*
1. Reg „ *tur, & diceretur de te. Vultus eius non sunt amplius in diver-*
1. 18. „ *sa mutati. Os illud, quod docet Angelos, Homines instruit,*
 „ *quod dixit, & factum est: parumper obmutuit, ut veritatem*
 „ *& iudicium loqueretur os tuum, & confiteretur Dominum*
 „ *suum. Manus illæ, quæ fundaverunt cælos, extensæ sunt*
 „ *in Cruce, clavisque transverberatæ durissimis, ut manus tuæ*
 „ *extenderentur ad inopē: & dicere posses, Anima mea in ma-*
 „ *nibus meis semper. Quod tenemus in manibus, non facile*
 „ *obliviscimur: sic & qui Animam suam bonæ operationi im-*
 „ *primit, non tradit eam oblivioni. Pectus illud in quo sunt*
 „ *omnes thesauri sapientiæ, & scientiæ Dei absconditi, lanceâ*
 „ *militari perfossus est, ut pectus tuum, à pravis cogitationibus*
 „ *mundaretur, mundatum sanctificaretur, conservaretur san-*
 „ *ctificatum. Pedes illi, quorum scabellum adorare debe-*
 „ *mus, quia sanctum est, durâ transfixione confixi sunt, ne pe-*
 „ *des tui festinarent ad malum, sed current viam mandato-*
 „ *rum Domini. Quid plura? foderunt manus ejus, & pedes,*
 „ *& dinumeraverunt omnia ossa sua: pro te carnem & Ani-*
 „ *am suam posuit, ut corpus & Spiritum tuum sibi vindica-*
 „ *ret.*

ret. Toto se; totum te comparavit.] Haftenus S. Cardinalis:
Cujus Verba docent nos, in quoniam fines Dominus no-
ster IESVS CHRISTVS passus sit tormenta sua: & quos
vicissim fructus vitae, seu, quæ, vivendi magisteria nos de-
cerpere debeamus, ex spectaculo, ex fide, ex meditatione
passionum ejus.

M O D V S VI

Sextus Passionem Dominicam meditandi modus est, as-
sumere singulos Corporis Christi sensus externos, eo-
rumque cruciatus sigillatim expendere. Quid nimirum
Passus sit Christus in oculis, seu in Visu, in Auditu, in Gu-
stu, in Olfactu, in Tactu? Visu Christus pertulit infandis-
sima quæque, aspiciendo rabiem illam hostium suorum.
Quomodo cruciatus est, ludam ad osculum accedentem,
& antesignanum impiorum omnium videns? quo dolore
spectavit fugientes discipulos, irruentes lictores, capientes,
ligantes, trahentes, raptantes, exultantes & insultantes?
quo sensu spectavit æstuentes in sui damnationem, oppres-
sionemque seniores populi, milites ad cruciatum suum sese
armantes, & animantes, & furorem pectoris sui crudelis de-
prominentes, & in suam lanienam conatu magno adnites?
quo dolore vidit Barabbam sibi prælectum dimitti, se ad
pœnas rapi, se nudari absque ulla verecundia, & omnium
in oculis nudum statui? quo dolore spectavit de Cruce ho-
stes in vicino insultantes, & blasphemantes, atque illuden-
tes, Matrem sub Cruce stantem, notos à longè prospectan-
tes? Hæc aliaque innumera mala, oculis suis hausit Domi-
nus IESVS. Auditu pertulit & passus est clamores bestia-
rum illarum cum furore rapientium atque trahentium.
Audiuit probrosissima cognomina, falsa testimonia, adju-
rationes, blasphemationes, illusiones, contempniones, ac-
cusationes, ad Crucem postulationes, latronibus æquationes,
condemnationes, exprobrationes, insultationes, quibus o-
mnibus immanem cordium suorum rabiem eructabant ho-
mines illi, furore diabolico pleni.

Gustu, Myrrhæ, fellis, aceti que amarorem pertulit: si-
deinde ac fame cruciatus est, cujus cruciatus magnitudinem,
cum cla-

*Vide Lu-
dovicæ
de Pontæ
Med. 1.
Punct.
2. n. 2.*

Pf. 107. tum clamore in Cruce per verbum *Sitio* testatus est, tum
4. Propheta expressit ejus nomine dicens. *Ossa mea sicut cre-*
Pfal. 21. *mum aruerunt: & iterum. adhaesi lingua mea faucibus meis:*
16. *& iterum: dederunt in escam meam fel & in siti mea potave-*
Pfal. 68. *runt me aceto.*

21. Odoratu Dominus noster pertulit pædorem furentium
 illorum, & in os ejus spurcitas suas halantium licitorum;
 Item foetorem carceris nocturni, seu potius sentinae, atque
 cloacæ illius, in quam detrusus dicitur Dominus pro nocte,
 atque in ea ad ortum diei servatus. Item foetorem sputo-
 rum phlegmatumque sordidorum, quibus planè oneratus
 fuit vultus ille Divinus, partim in illa nocte apud Caipham,
 partim in coronatione Spinea, partim denique quando ad
 crucifigendum super crucem extensus jacuit. quo solo tem-
 pore ter & Septuagies consputa traditur facies Domini no-
 stri, partim à carnificibus crucifigentibus, partim à Judæis
 spectatoribus. Pertulit quoque Dominus foetorem & puto-
 rem montis Calvarii, putrescentibus cadaveribus malefico-
 rum sordidi atque horridi. In Tactu quid pertulerit Do-
 minus, supervacuum est recensere, cum constet totius cor-
 poris membris fuisse concussum, saucium, ac laniatum;
 illud trihorium Christi in Cruce pendentis, atque agonisan-
 tis, ad excarnificandum lethaliter sensum Tactus in Christo,
 per singula momenta satis efficax fuit. In quo tempore o-
 mnibus membris Christus sine ullo respirandi spatio mansit
 afflictissimus. Etenim supplicium Crucis, estò sit absque
 confixione clavorum, est tamen gravissimum: adeò ut tan-
 dem fiat intolerabile: quanto magis si etiam manus pedesque
 clavis terebrantibus perrumpantur, in locis concursum ner-
 vorum omnem habentibus, ac per hoc maxime ad sensum
 doloremque idoneis, & totius corporis reliqui dolorem in
 se continentibus: accedit convulsio pectoris, & costarum in
 pectore cohaerentium. cujus partis dolor, nec verbis expli-
 cari, nec imaginatione cogitari potest. Has omnes acerbi-
 tates cumulavit totius corporis instar chordæ, aut nervi su-
 per arcum Crucis distensio, quæ adeò valida intentaque
 fuit, ut non dubitaret Dominus per Prophetam testari tunc
 temporis *dimumerata fuisse omnia sua ossa, suisque sedibus e-*
moti.

Pfal. 11.

18.

meta
randam
plexior
lores se
lenabil
major
tulit il
hic, do
in Chr
partib
humor
batur
man
reiu
quæ
eur,
ciffic
suam
ptam
rium
mor
ris pi
tem
rias
nus
peri
meq
non
mnit
bus
E
ctu
dum
tas,
arbit

SE

mota. Ad quam in Domino nostro tactus poenam exaggerandam, tantum contulit teneritudo excellentiaque complexionis, ut ob eam solam, parvi alioqui, moderatique dolores sensus huius, in Christo tamen fuerint maximi, intolerabiles, ac ferè lethales, ac omnium Martyrum doloribus majores. Ad ejusdem quoque poenae exaggerationem contulit illud longè plurimum, id quod in nullis aliis viventium hic, doloribus tormentisque reperiri potest: nimirum quia in Christo doloris vehementia non dissipabat spiritus ab iis partibus quæ affligebantur, neque concursu vehementiore humorum principia nervorum, sive cerebrum præoccupabatur, sensusve per hoc impediabatur: sed potius jugiter mansit illa sensuum integritas, illa cerebri vivacitas, illa spirituum abundantia, quæ ab initio Passionis fuit, vel saltem quæ necessaria fuit, non tantum ad omnia quæ inferebantur, sed etiam quæ inferri adhuc potuissent tormenta vivacissimè perferenda, ita sustentante animâ corpusculum suum, ita Divinitate regente, ac protegente naturam assumptam humanam interiùs, ut ad patiendum dira omnia virium satis esset, & superesset, tam diu donec veniret hora, morti, & discessui Animæ à corpore destinata: quo temporis puncto appetente, non est sensim ad extremam debilitatem perducta Christi Humanitas, sed vires hactenus necessarias conservatas subito cessare permisit, & Animam in manus Patris tradidit. Atque ita Dominus noster supplicia sua perinde in fine, ac in exordio illorum vivaciter acerbissimèque sensit, totoque Passionis tempore toleravit. Quod non tantum de solius tactus doloribus, sed prorsus de omnium sensuum, membrorum, potentiarumque cruciatibus sentiendum est.

Ex horum omnium consideratione, quanta seges affectuum piorum, quanta heroicarum ad tolerandum patientiumque pro Christo resolutionum materia, immo necessitas, meditandi assurgere possit, ac debeat: dicere nil opus arbitror.

M O D U S VII.

Septimus meditandi Passionem Dominicam modus est.
D: Assume-

Assumere ad meditandum bona Animi, Corporis, & Fortunæ: expendereque quid, quomodo, & quantum, in unoquoque bonorum istorum genere Passus sit Dominus: in quem etiam modum recidet expendere, quænam, & quantæ, & quomodo Passus sit Christus in bonis Naturæ, Gratiæ, & Gloriæ.

Bona Animi Christi fuere plurima & maxima v. g. Sanctitas, Iustitia, Innocentia, Sapientia, Scientia, Prudentia, Bonitas, Misericordia, Potentia, Authoritas, Dominium, Virtutes omnis generis, in gradu excellenti, Immunitas ab omni peccato, defectu, errore.

Bona Corporis Christi fuere, Admirabilis forma & species præ filiis hominum, Valetudo, Sanitas, Complexio, Temperamentumque super omnia materialia melius, vires, proportio membrorum, & staturæ, oris, vultus, sermonis, vocisque dignitas, & gratia, Integritas, Immunitas, ab omni defectu, morbo, dolore, inordinatione fomitis & concupiscentiæ, atque passionum, subordinatio perfecta, totius corporis, omniumque membrorum, & facultatum & sensuum ad Animam.

Bona Fortunæ Christi multa & multiplicia fuere, in quibus potest numerari primò & primariè unio Hypostatica: quæ Humanitati Christi à bona fortuna, hoc est, ab eximia Divinæ Providentiæ ordinatione, atque peculiari, & extra omnem ordinem, meritumque posito favore concessa est, estò supposita Dei liberalitate gratuita, substantialiter ad componendum suppositum illud Theandricum accesserit. Ex hoc porrò unionis Hypostaticæ unico bono, alia fluxere bona fortunæ Christi, etsi tam in Anima, quàm in Corpore Christi eorum pleraque resederint v. g. Sanctitas substantialis, Gratiæ Immenfitas & Plenitudo, Gratia Capitis omnium creaturarum, & primogenitura, primatusque in eis omnibus, Dominium quoque absolutum in omnes: Gratia miraculorum, Potestas Iudiciaria, super vivos & mortuos, &c. His bonis accessit in Christo Potestas Regia, summi Pontificatus, Sacerdotiique Dignitas, Legislatoris, Doctoris, Prophetæ, Messie authoritas. Accessit quoque his bonis prærogativa Comprehensoris atque beati, omnisque dos animæ

visio-

visione beatificâ fruētis : quæ etiam locum in corpore habere debebat, nisi miraculosè Anima sanctissima cohiberet ejus in infimam suam portionem effluxum : quem tamen interdum aliquantulum relaxabat : ut in incellu super aquas, in jejuniis quadraginta dierum & noctium, in Thaborea Transfiguratione, in elapsu è manibus hostium lapidare vel præcipitare eum volentium : in nativitate sua, salvâ integritate Genitricis suæ. In his omnibus bonis multa suo modo Passus est Christus : partim ea occultans, partim reprimens, partim in eis injurias hominum manus, opiniones, calumnias, contumeliasque sustinens, propter Patris Æterni obedientiam, propterque nostram redemptionem, propter dandum nobis exemplum, propter eludendum versipellis diaboli superbum ingenium ; propter suaviter fortiterque per omnia attingendam sapientię suæ dispensationem ; propter omnibus modis exaggerandam effundendamque nobis nimiam charitatem suam.

Atque ex his facillè patent bona Naturæ, Gratiæ, & Gloriæ Christi, nec non eorum consideratio.

M O D V S VIII.

OCravus meditando Passionem Dominicam modus est ; Assumere peculiare insignesque Christi Domini virtutes, easque in tota Passione à Domino exercitas & elucescentes vestigare, ac nobis ad imitandum proponere, nec non gratias agere, pro earum exemplaribus adeò heroicis nobis propositis. Virtutes sunt v. g. Charitas in Deum, eadem in nos propter Deum. Obedientia, Humilitas, Patientia, Mansuetudo, Taciturnitas, Modestia, Resignatio, Perseverantia, Misericordia, Liberalitas, &c. Hæ omnes meditando expendi possunt, Vbi, Quando, Quoties, Quomodo à Christo exercitæ sint. Quanta v. g. Humilitas Christi eluxit in lotionem pedum discipulorum suorum, etiam Iudæ proditoris? quanta cum oraret Patrem Æternum, positis in terram genibus, immo & facie suâ? quanta cum à turba captus esset, ligatus, in terram abjectus, pedibus hostium pulsatus, & calcatus, per viam violentissimè tractus raptatusque esset? quanta cum in domo Annæ examini se subdidit, & post

respondit

responsum modestissimum, immani alapa percussus, atque etiam reprehensus, modestissime totum sustinuit? Atque hunc in modum procedi per totam Passionis seriem potest, ubique insignem humilitatem Domini agnoscendo, mirando, discendo, imitando. Etenim in omni Passionis suae parte, Dominus IESVS, omnibus nobis videri potest dicere, tam verbo, quam facto, illud suum. *Discite à me quia mitis sum & humilis corde.* Par de aliis virtutibus ratio. Nam in tota Passione sua, possumus audire Dominum IESVM nobis opere & veritate dicentem. *Diliges Dominum Deum tuum ex toto corde tuo.* Et. *ut cognoscat mundus quia diligo Patrem,* & sicut *mandatum dedit mihi Pater, sic facio.* Et. *In Patientia vestra possidebitis animas vestras.* Et. *Ego sum Pastor bonus & animam meam pono pro ovibus meis.* Et. *Qui perseveraverit usque in finem hic salvus erit.* Et. *Qui vult venire post me tollat crucem suam.* Et. *Exemplum dedi vobis ut quemadmodum ego feci & vos faciatis.* Hæc audiet, hæc spectabit, hæc manu tanget meditator in Christo Patientem, ab his quam ipse longè sit, quantopere abhorreat, quam sit delicatus Martyr Christi cognoscat ac metietur, quid adhuc desit sibi ad id, quod perfectum Christi imitatore, servum, sociumque decet? Hic faciet dignas Christo, dignas Christi exemplo, ac merito resolutiones: hic suam molliem, ignaviam, inconstantiam, pusillanimitatemque cognoscat, arguet, confundet, expellet, fervorem autem, & animi robur, ex ipso fonte meritorum Salvatoris hauriet. Qui ita faciet, experimento proprio discet, verissimum esse id quod expertus Bonaventura asseruit. *Si vis o homo de virtute in virtutem, de gratia in gratiam, de bono in melius proficere: quotidie quantà potes devotione, mediteris Domini Passionem.* Nihil enim in anima ita operatur universalem Sanctitatem, sicut meditatio Passionis Christi: præsertim juxta hunc octavum modum instituta. Decerpam aliquid ex optimo scriptore, quod Paradigmatis loco sit. Is est Iosephus Speranza, cujus verba abbrevio ne longus sim. ait ergo. [Est præterea valde fructuosus meditando modus, qui ad virtutum imitationem tendit. Hæ licet omnes in tota vita Christi eminent: Passio tamen ejus est velut summa & epitome omnium perfectissimarum

Matth.
11. 29.

Matth.
22. 37.

Ioan. 14.

31.

Lucæ

21. 19.

Ioan. 16.

11.

Matth.

10. 22.

Lucæ 9.

23.

Ioan. 13.

15.

Iosephus
Speranza
in selectis

limarum virtutum. Ut splendet Humilitas: a *Vidimus eum* *script.*
despectum, novissimum virorum; Verè in novissimo loco re- *Puncto*
 cubuit, dum inter latrones in Cruce occubuit. b *Quam glo-* *154.*
riosus fuit hodie Rex Israël, discooperiens se ante ancillas servo-
rum suorum, & nudatus est, quasi nudatur unus de scurris. Si *a Isaia*
 ad menturam Dignitatis responderet Humilitas, quis metietur *53. 3.*
 Humilitatem Christi: quo sicut nemo sublimior, ita & ne- *2. Reg.*
 mo despectior. *Novissimus* (Hebr. cessatorem) *virum,* *6. 30.*
 quasi Christus ferè capacitem hominis per humilitatem
 exhausterit: nec non ultra stante naturâ humanâ descendere
 potuerit: sed omnino cessare debuerit, juxta illud, c *Ego*
autem vermis & non homo. Heu! Heu! Filius Dei, vermis *c Psal.*
 factus est per humilitatem, & homo putredo ac vermis, adeò *21. 7.*
 per superbiam erigitur? Discite ergo à me, discite, quia mi- *2.*
 tis sum & humilis corde. O quàm mitis! ineffabilis certè
 mansuetudo, dum inter quascunque injurias nihil durum
 tortoribus suis respondit. d *quasi Agnus coram tondente se,* *d Isaia*
 &c. e *Constituite diem solemmem in condensis usque ad cornu* *53. 7.*
altaris. Pagninus. *Ligate Agnum;* Chaldaeus. *ligate puerum* *c Psal.*
funibus usque ad cornua altaris; brachia Crucis. In his omni- *117. 27.*
 bus non aperuit os suum, ita ut miraretur Praeses vehementer. *n*
 Patientiam in alapa, quâ sacrilegus ille Divinam faciem *August.*
 percussit, mirans Augustinus; *Si inquit cogitarem, quis* *Tr. 11. 3.*
acceperit alapam, nonne vellemus eum qui percussit celesti igne *in loath.*
consumi, aut terrâ debiscere sorberi, aut correptum à demo-
nio volutari, aut huiusmodi quâlibet penâ, vel etiam graviore
puniri? Quid enim horum per potentiam jubere non potuisset,
per quem factus est mundus, nisi patientiam nos docere voluisset,
quâ vincitur mundus. Pilatus IESVM flagellatum tra- *n*
 didit voluntati eorum. Non ex lege decrevit, sed voluntati *n*
 hostium, voto, violentiæ, vinolentiæ tradidit, unde illud. f *f Psal.*
In me psallebant qui bibebant vinum. Vnde credibile, sævi- *68. 13.*
 rum in eum omni æquitate latius, quæ omnia patientissimè
 pertulit. *n*
 Relucet Obedientia, quam ne perderet, perdidit vitam. *n*
 Relucet Paupertas, eaque talis, ac tanta, ut nudus in *n*
 Cruce non haberet ubi caput suum reclinaret. Ita orbis Do- *Bona-*
 mino, totus negatus est orbis. Vnde Ambrosius: *Recor-* *ventura.*
 dare

Ambrosius. dare omnem vitam Salvatoris à partu virginis, usque ad patibulum Crucis, & non inuenies nisi stigmata Paupertatis illius, de qua in Threnis. g. Recordare Paupertatis meae.

3. 19. Sed ubi Charitatem relinquemus? h. In hoc cognovimus charitatem Dei, quoniam ille pro nobis animam suam posuit. **h. 1. Ioan.** Cornua in manibus ejus, ibi abscondita est fortitudo ejus. **3. 16.**

„ptuaginta legunt. Et posuit dilectionem robustam fortitudinis suae. Hinc ad suae Charitatis ostensionem latus voluit sibi perforari, & cor ipsum aperiri, quasi diceret. En quantum vos diligo. Cor ipsum videte. Hunc tibi amorem testatus est, dum tam libenter pro te mortuus est. Extensione brachiorum suorum, & membrorum ostendit, quod tantum diligere potuit.

„Quid hinc fratres? Christus passus est pro nobis, vobis relinquens exemplum. Pudeat, pudeat sectari gloriam membra, quibus caput suum tam inglorium exhibetur, non habens speciem neque decorem: pudeat sub spinoso capite membrum fieri delicatum. Non coroner ego coronâ aureâ (inquit invictus ille Goffredus) ubi Servator meus coronatus est spinâ. Et quidem (ut Clemens ait) à ratione alienum est, ut qui audivimus Dominum spinis fuisse coronatum; ipsi venerabili Passioni Domini insultantes, habeamus capita redimta floribus, dicamusque, coronemus nos rosis. Haecenus Speransa.

„Universaliter sciendum & considerandum est, Christum Dominum in Passione sua, omnes præcipuas Christianae & perfectae vitae virtutes exercuisse: & quidem singulas, quantum ad externos actus, in gradu heroico. Multoque etiam in præstantiori, quantum ad internos actus, qui externos commitabantur. Cujus causa fuit, *Prima*, Quod ipse venisset ut esset Magister exemplarque virtutum. ideo tempore Passionis voluit epilogum omnium earum facere, & singulare exemplum præbere. *Secunda*, Quia suâ Passione promeritur & impetraturus nobis erat omnes virtutes, voluit etiam merita nostra, actuali earum exercitio inniti. *Tertia*, Ut eâ ratione virtutum ipsarum honorem & præstantiam tueretur. Valde enim jacebant in mundo: illae praesertim, quae mundi contemptum docent. *Quarta*, Ut testamento

& ultimâ

& ultimi
omni
in ult
ut dilig
reque
ut hum
sustine

NO
quo
spiri
propo
dum
profec
Minist
catoru
quor
ne tan
gula p
exiis e
entia
expla
Passio
hem

TE S

a l
discip
mam,
obtulit
perferre
de sup

& ultimâ suâ voluntate, ipsâ morte confirmato, excellentes omnium virtutum actiones nobis relinqueret. Sicut enim in ultimo suo Sermone dixit. *Mandatum novum do vobis, ut diligatis invicem, sicut dilexi vos.* Ita dicere potuit, opereque ipso dixit. Mandatum quoddam novum do vobis, ut humilietis vos, sicut ego me humiliavi, ut obediat & sustineatis, sicut ego obedivi, & sustinui.

Ioan. 13.

34.

M O D V S I X.

Nonus Modus Passionem Domini meditandi est, priori quidem, usu & efficacîâ similis, modo tamen diversus, quo singula circa Christum in Passione gesta, ad moralem spiritualemq; doctrinam, meditationibus, reflexionibus, propositisq; transferuntur, atque accommodantur. Modum hunc, quia exactè non minùs quàm devotè & copiosè prosecutus est, piissimus *Æternæ Sapientiæ IESV Christi* Minister, Beatus nimirum Henricus Suso Ordinis Prædicatorum in Dialogo Sapientiæ cum Ministro suo, per aliquot capita, ideo illum hic ejusmet verbis describam: ordine tantum nonnihil immutato, hoc est, parallelicè per singula puncta Passionis Dominicæ, simul doctrinæ mysticæ ex iis erutæ digesto. Sic igitur apud Susonem *Æterna Sapientia* Christus *IESVS*, primùm suam propriam Passionem explanans, deinde discipuli amatorisq; sui mysticam item Passionem, seu veram internamq; suæ Passionis imitationem exponens verbis tanquam propriis inducitur.

I E S V S Christus Patiens.

Christianus I E S V M Patientem exprimens.

a I. Post peractam cum discipulis meis coenam ultimam, cum in Monte me obtulisset, & resignassem ad perferendum mortis horrendæ supplicium: eamque mihi jam

a I. Necessè est, ut Passionem meam omnem ipse quoque experiaris pro viribus. Sume igitur animum planè virilem. Certus crebras tibi perferendas cordis

hijam

a Dialog. cap. 7.

IESVS Christus Patiens. Christianus IESVM Patientem exprimens.

hi jam jam impendere sententiam, præ angustia tenerrimi cordis mei, ac totius corporis pressura, sanguinem sudavi.

mortes, antequam possis naturam sub jugum mittere : atque etiam præ angoribus cruenti sudoris, quem multi juges acerba afflictiones, quibus te mihi præparatum efficiam, tibi expriment. Enimvero hortum aromatum tuorum rubicundis aspergam floribus.

II. Deinde atrociter in horto captus, dire ligatus, miserandum in modum abductus fui.

II. Contra morem tuum, & inolitas consuetudines, vinculis implicaberis & constringeris.

III. Eadem nocte, verberibus, sputis, oculorum obvelatione, indignè & contumeliosè me tractarunt. Coram Caipha iniquè accusatus, & morti adjudicatus fui.

III. Ab adversariis meis, clandestinis sæpe vexabere calumniis, & propalam confunderis. Multa in te ferentur judicia temeraria.

IV. Erat sanè miseria, Purissimam Matrem meam ineffabili cordis dolore correptam cernere ab eo tempore, quo me tantis vidit angustis laborantem, donec essem in Cruce suspensus.

IV. Passionem meam in tuo pectore, maternâ fide, & intimâ charitate circumferes.

V. Ad Pilatum summa cum ignominia me duxerunt, falso detulerunt, & accusarunt, mortis sententiâ plectendum censuerunt. Stabant illi coram me terribili aspectu, non aliter quàm im-

V. Complures perpeti habebis Religiosæ vitæ tuæ iniquos Iudices & calumniatores, & eos quidem potentes, & hominum iudicio magnos, nec nisi justè contra te insurgentes, & ex lege arguentes.

VI. Ita

IESV

manifesti
inter illi
suma aff
VL
ipse lig
sim, in
dulus fu

V
gantiss
gellor
scissun
VI

put me
& facie
sputa &
IX

sentia
ce me
ter ac
supplic
ribiles
daban
pur, C
minem

a X.
blimen
equiden
tua &

IESVS Christus Patiens.

Christianus IESVM Pa-
tientem exprimens.

manissimi Gigantes, & ego
inter illos ut ovis mansuetif-
sima assistebam.

VI. Apud Herodem ego
ipse licet Aeterna Sapientia
sim, in alba veste ridiculè de-
lusus sum.

VII. Corpus meum ele-
gantissimum, crudelibus fla-
gellorum ictibus misere con-
scissum, & dilaceratum fuit.

VIII. Sacrosanctum Ca-
put meum spinis confixerunt,
& faciem meam gravissimam
sputa & sanguis oppleverunt.

IX. Atque ita mortis sen-
tentia damnatum, cum cru-
ce me turpiter ac miserabili-
ter ad ultimum ferendum
supplicium eduxerunt. Ter-
ribiles in me voces & rugitus
dabant, ita ut procùl audire-
tur, Crucifige, Crucifige ho-
minem nefarium.

X. Suspenso me ad su-
blimem Crucis stipite (quod
equidem nimio ex amore,
tuâ & mortalium omnium

E;

causa

Dialog. c. 3.

VI. Ita fiet, ut pia institu-
ta tua, ab hominum vivendi
consuetudine, crebrò tan-
quam fatua credantur, & irri-
deantur.

VII. Corpus tuum in-
exercitatum, durâ, & asperâ
vivendi ratione flagelletur,
& castigetur.

VIII. Atque nugatoriè
coroneris Sanctæ Vitæ tuæ
obtredationibus, quibus ea
pestum premetur.

IX. Inde verò mecum e-
ducêris & miserabile illud
Crucis ferendæ iter conficies,
ubi propriâ renuntiaveris vo-
luntati, te ipsum abnegave-
ris, & à creaturis omnibus,
usque adeò te servaveris libe-
rum, & expeditum in iis quæ
possunt æternæ tuæ salutis ali-
quid obijcere impeditenti,
ut aliquis jam jamque mori-
turus, & nihil post hac cum
hac vita cōmerci habiturus.

X. Interdicito ergo tibi
ipsi voluptate curiosi aspe-
ctus, & dissoluti auditus.

Dulcescat tibi & placeat
ex amq-

IESVS Christus Patiens Christianus IESVM Patientem exprimens.

causâ pertuli) totâ corporis mei habitudo vel species miserandum in modum immutata fuit. Illustres oculi mei, suum perdidere lumen. Divinæ aures, ludibriis & blasphemis complebantur. Præclarus olfactus, tetro urebatur odore. Os suavissimum, acerba cruciabat potio. Tactus tenerimus, duris torquebatur plagis. Non erat mihi tunc ex toto orbe terrarum ulla vel modica quies, ac refrigerium. Enimvero Sacrosanctum Caput meum præ dolore & incommodis hærebat pendulum. Collum formâ conspicuum, immitissimis contusum erat verberibus. Nitidissimam faciem, putentia deturpârât phlegmata. Color integerrimus, in pallorem versus fuerat. Denique usque adeo decôr omnis corporis mei extabuit, ut nihil à leproso differrem, immò quasi nunquam fuisse viderer, cum essem Sapientia Sole speciosior.

ex amore, quod prius agrè ferebas.

Corporis oblectamenta respice.

In me Solo conquiescas.

Aliena mala feras suaviter & moderatè.

Tui contemptum desiderâ.

Frange appetitiones tuas, & voluntates omnes ac desideria pessum preme.

Hæc primâ sunt elementa in Schola Sapientiæ, quæ in patienti & expanso Crucifixi Corporis mei volumine leguntur. Sed hîc vide obsecro: etiâ si quis omnes intendat nervos suos, num talem se mihi præstare possit, qualis ego illi fuerim?

Alio rursus loco idem Christus IESVS, Patienti sibi, Christianum fidelem, in compassione, & imitatione sui, hunc in modum informat.

• Tot ego

IESVS Christus Patiens.

Christianus IESVM Pa-
tientem exprimens.

„ a Tot ego toto corpore
 „ meo Amoris signa prae me tu-
 „ li, ut nec acūs unius acies, ul-
 „ lam undique vulneribus con-
 „ fecti corporis mei particulam
 „ pungere potuerit, quae non
 „ esset peculiari quādam Amo-
 „ ris notā insignita.

„ I. En dexteram manum
 „ meam clavus transfixerat :
 „ per sinistram itidem clavum
 „ adegerant.

„ II. Dextrum brachium
 „ meum dirē intenderant, sini-
 „ strum crudeliter expande-
 „ rant,

„ III. Pedem dextrum cla-
 „ vus perforarat, laevus plagam
 „ horribilem acceperat,

„ IV. Hærebam Cruci mea-
 „ ceu planè impotens, nimiāq;
 „ crurium lassitudine prægra-
 „ vatus.

V. Cun-

a Dial. eodem c. 4.

a I. Te ipsum & omnia
 tua liberè mihi dedas, nec re-
 petas unquam. Nihil attingas
 eorum, quæ necessariae
 non sunt. Sicque habebis
 manus cruci revera affixas.

II. Vires tum Corporis,
 tum Animi, vide ne extepo-
 re flaccescant, sed instar bra-
 chiorum meorum in cultu
 & famulatu meo semper sine
 intentā.

III. Bona opera hilariter
 arripas, atque in iis fortiter
 perseveres, ita fixus erit pes
 tuus sinister.

Animum inconstantem, & va-
 gabundas cogitationes in me
 figas & constabilias, habitu-
 rus hoc ipso dextrum quo-
 que pedem crucifixum.

IV. Fragile ac debile cor-
 pus tuum in laudem crurium
 meorum in spiritualibus exerci-
 tiis crebrò fatiges, nec illi
 permittas

a Dial. eodem c. 4.

IESVS Christus Patiens.

Christianus IESVM Patientem exprimens.

V. Cuncta mēbra mea immobiliter ad illud ergastulum Crucis compressa & distracta erant. Et quod erat summē profectō visu dīrum & miserabile, fervidus sanguis meus necessitate compulsus, multis locis fortiter erumpebat, totum cruentans moribundum corpus meum.

VI. Atque (ō rem miserandam!) juvenile ac floridum corpus meum, extabuit, exaruit, expalluit.

VII. Dorso tenerrimo, durum erat stratum, Crucis asperitas.

VIII. Corpus, præponderesuo, jugiter deorsum ferebatur.

IX. Denique totum corpus meum vulneribus & livore confectum erat. Atque hæc omnia corde amantissimo, placidē perferebam.

Rursum alio loco, pergit Æterna Sapientia, suum ministrum in suæ Passionis imitatione instruere: hunc in modū. *

* *Dial. tiusl. c. 15.*

I. Audi

permittas facultatem suis indulgendi affectibus.

V. Multijuges, rare, nec passim cognita afflictiones; te mihi adjungent, adducentq; ad ergastulum Crucis meæ. Efficientque te, ad mei similitudinem cruentum & miserabilem.

VI. Naturæ tuæ mortificatio atque arefactio, pristinum mihi reddet virorem, atque vigorem.

VII. Incommoda corporis tui ultro suscepta, dorso meo stratum parabunt gratissimum.

VIII. Virilis tua adversum peccata decertatio, meum levabit animum, cordis tui pietas & devotio, dolores meos omnes sublevabit, & mitigabit.

IX. Denique cordis tui fervor & flagratio, cor meum longē amantissimum inflammat.

IESVS Christus Patiens.

Christianus IESVM Patientem exprimens.

I. Audi homo rem miserabilem, & compatere mihi. Cum suspensus coram hostibus meis, in Cruce haerem, miserandum in modum multivariâ illâ angustia, & mortis doloribus circumseptus, stabant illi contra me, scommatibus & sannis me afflictales, meque iridentes, capitaque sua probro aduersum me agitant: denique in suis cordibus ad me vilipendentes, quasi extremâ fortis vermiculus essem, atque in his omnibus immotus ipse perseverabam, & pro eis Patrem meum attentissimè deprecabar.

II. Et cum essem Agnus innocentissimus, cum noxiis & sceleratis reputatus fui, quorum alter me derisit, alter

I. Tu & quicumque alii mea vultis sectari vestigia, & venire post me, abnegetis vosmetipsos, & tollatis crucem vestram, & sequamini me. Quæ mihi vestra mortificatio & abnegatio, non minus grata erit, quàm si tunc unâ mecum mortem crucis sustinuissetis. Quo autem pacto quis mecum mori debeat, & crucem suam tollere, jam expono. Quando operâ das, ut quoad capere potes, semper id agas, quod optimum sit, atque id in te alii cavillantur, & irrident, & erga te contumeliolè se gerunt, adeoque suis cordibus te vilipendunt, ut tam miserum te putent, qui nec possis, nec ausis te defendere, atque ipse interim non solum nihil moveris, sed etiam Patrem Cœlestem ex animo pro illis rogas, ac benignè eos apud illum excusas, quoties hunc in modum ex amore meo moreris, toties mors mea in te revirescit, ac reflorescit.

II. Itaque cum purè ac innocenter vivis, & tamen rectè facta tua, in tantum deprimuntur, ut inter reos & noxios

I E S V S Christus Patiens. Christianus I E S V M Patientem exprimens.

ter fidem meam & auxilium noxios numereris, idq; libenter imploravit, quem absque moti animo accipis, adeo ut ubi ra benignè suscepi, condonatus etiam illi ipsi, qui te afflixerunt, abs te veniam petunt, caelestem illi Paradisum patetam promptus & paratus sis, feci. ex animo illis ignoscere, quidquid unquam molestiae ab illis perpeffus es; ac si penitus nihil passus esses, ac praeter hoc etiam verbis & factis illis inservire, & prodesse niteris, quò meam imiteris benignitatem, quā illis, qui me crucifixerant, facile remisi: jam revera mecum pendes in Cruce.

III. Accipe rem omnium lachrymarum fonte plangendam, huc atque illuc oculos circumferens, cunctorum meorum mortalium ope miserè destitutum comperi. Noti autem & amici mei, qui me secuti fuerant, procul stabant, discipuli mei charissimi aufugerant. Pendebam nudus, cunctis despoliatus vestibus. Erā planè sine viribus, & quasi in hostium potestatem redactus. Tractabant me crudeliter, sine ulla misericordia, sed interim ut ovis tacita mansuetissimè me gerebam.

III. Quando etiam omnium hominum familiaritati, commodis, & consolationi, nuntium remittis (nisi quantum stricta & notabilis exigit necessitas) jam illa tui desolatio & destitutio, erga me illorum omnium supplet vicem, qui me in cruce deseruerunt. Vbi verò mei amore cunctis amicis valefacis, ac si ad te nihil pertineant, idque in omnibus illis, quæ aliquod inter te, & me, possint medium vel impedimentum obijcere: hoc ipso charissimum te mihi exhibes discipulum & fratrem, sub mea cruce consistentem, mihi quē

IV. Quo-

I E S V S Christus Patiens. Christianus I E S V M Patientem exprimens.

mihi que compatiens. Dū
cordis servas expeditam, &
absolutam ab omnibus liber-
tatem, eadem ipsā meam te-
gis & ornas nuditatem. Quā-
do in quibuscumque adversis, ti-
bi à quolibet proximo illatis,
mei causā ex amore nihil resi-
stis, nihil te defendis, cuncto-
rumque furorem, & exan-
descitiam, undecunque ea
accidit, & quamvis subita, &
improvisa fuerit, quā jure,
quā injuria concitata sit, tan-
quam ovis obmutescens, sua-
viter ac placidē accipis, adeo,
ut cordis tui lenitate, verbo-
rum mansuetudine, & vultus
serenitate, aliorum vincas
asperitatem & malitiam, jam
revera similitudo mortis meae
in te perficitur. Hanc, ubi
mihi datur, mortis meae simi-
litudinem, dici non potest,
quantum illic capiam volu-
ptatem, quantum id & mihi,
& Patri meo placeat.

IV. Quocumque me vertis-
sem, acerrimis cordis doli-
bus & angoribus conficiebar.
Iuxta crucem stabat mœ-
rissima Genitrix mea, perfe-
rens medullitus, in materno
corde suo, quidquid ipse in
corpore

IV. Denique si acerbissi-
mam mortem meam affixam
tenueris corde tuo, & in pre-
cibus tuis commemoraveris,
& factis expresseris, ac imita-
tus eris, eo ipso conformabis
te doloribus, & fidelitati in-
tegerri-

IESVS Christus Patiens. Christianus IESVM Pa-
tientem exprimens.

corpore patiebar. Quæ res tegerrimæ Matris meæ, & piissimum cor meum vehementissimè concutiebat, siquidem ego unus, immanissimos cordis ejus dolores funditus noveram. Cernens tristissimos gestus ejus, benignissimè eam consolabar. Iamq; moriturus, & morte ab ea separandus, commendabam eâ charissimo discipulo meo Joanni, ut quâ decet Matrem fidelitate, eam prosequeretur, itemq; discipulum, illius Maternæ curæ ac fidelitati commendabam.

Ad extremum eadem Sapientia Æterna, discipulum suū
ad suæ Passionis imitationem sic informat.

Ibid. Cap 18.

I. Etsi audieris sæpe tristitia
multa, sed nihil unquam tri-
stius ac calamitosius eo ipso,
quod jã relaturus sum. Ani-
ma quidem mea, secundùm
vires supremas, Divinam tum
haud secus, quàm modò con-
templabatur essentiam: at vi-
res infimæ interioris exterioris-
que hominis, in desolata
penitus & omnis consolatio-
nis experte afflictione usque
ad eò erant relictæ sibi ipsis,
ad extre-

I. Vt mihi pro Passione
mea dignas utcunque gratias
agas, homo, crucem meam
ob oculos crebrò versabis, di-
rissimosque cruciatus meos,
cum ingenti condolentia, tuo
affigis animo, & quidquid ti-
bi perpetiendum occurrerit,
ad meæ Passionis similitudi-
nem quandam adduces. Vbi
afflictus fueris, nec tamen
ullam tibi præstitero consola-
tionem, sed in mentis tuæ ari-
ditate

IESVS Christus Patiens.

Christianus IESVM Patientem exprimens.

ad extremum usque infinita acerbitatis articulum, ut nullus unquam existerit huic similis cruciatus.

ditate tabescere, ac sine ali-
cujus suavitatis infusione ex-
rescere te permisero (quem-
admodum me Pater meus de-
reliquit) non aucupaberis pe-
regrias consolatiunculas, sed
lamentabiles dabis gemitus
ad Patrem caelestem, cum ab-
negatione tui quoad delecta-
tionem attinet, pro illius Pa-
terna voluntate.

II. Cum itaq; plenè, omni
ope destitutus, ac undique
derelictus penderem à Cruce,
cùm distillantibus vulneri-
bus, lachrymantibus oculis,
distentis brachiis, ac distra-
ctis & diductis omniũ mem-
brorum venis, mortis angori-
bus correptus, voce lamenta-
bili ac miserabili clamavi ad
Patrem meum, Deus meus,
Deus meus ut quid dereliqui-
sti me? Interim tamen vo-
luntas mea cum sempiternæ
voluntatis ejus decreto, &
placito omnino consentiebat
atque unita erat.

III. Porro sanguine meo,
sic prorsus effuso, fractisque
viribus præ mortis angustia,
invasit me sitis acerrima: sed
multò magis vehementior
me obtinuit sitis salutis mor-
talium

II. Tum verò quantò Cruz
externa fuerit acerbior, & in-
tus ipse magis derelictus fue-
ris, magisq; resignatus, tantò
propius ad meam accedes si-
militudinem, & Æterno Patri
meo eris charior. Siquidem
hac ratione præcipui Dei ami-
ci potissimum probantur.

III. Cùm te vehemens te-
nebit desiderium, aliquam in-
re quapiam multum delecta-
bili, aucupandi & capiendi
voluptatem, ex Amore idre-
spues meo, atque mortifica-

IESVS Christus Patiens, Christianus I E S V M Patientem exprimens.

„ talium omnium. Atque ecce
 „ dum sic laborarem siti intole-
 „ rabili, fel & acetum ori meo
 „ obtulerunt.

„ IV. Deinde peractis illis,
 „ quæ ad hominum instauran-
 „ dam salutem pertinent: in
 „ hæc verba prorupi. Consum-
 „ matum est: ita Patri meo per-
 „ fectam præstiti obedientiam,
 „ ad mortem usque.

„ V. Cumque dixissem Pa-
 „ tri, in manus tuas commendo
 „ spiritum meum, præclarissi-
 „ ma anima mea, ex Divino mi-
 „ gravit corpore: ita tamen, ut
 „ nec ab illo, nec ab illa Divini-
 „ tas recederet.

„ VI. Post hæc, lancea fode-
 „ runt dextrum latus meum, vulnere, in ipso corde meo
 „ unde continuo exivit pretiosi

bis, atque eo ipso sitibundum
 os tuum, sicut & meum, ama-
 râ potione cruciabitur. Cun-
 ctorum salutem, summopere
 sities, ei que curandæ, labori-
 bus immori, pro maximo lu-
 cro, atque felicitate repo-
 nes.

IV. Rectè facta tua ad per-
 fectam capeffendam vitam
 diriges, & ad mortem usque
 exequèris.

V. Subditam gerēs volun-
 tatem, promptèque morige-
 ram, ac obtemperantem su-
 perioribus tuis: Animamq;
 omni proprietate nudâ, prorsus
 susque resignatam in omni-
 potentis Patris manus, atque
 etiam spiritum, ex hac vita
 temporaria, in illam æternam
 commigrantem, pro quadam
 similitudine extremæ illius
 decessionis de hujus vitæ cur-
 riculo. Ita fiet, ut Crux tua,
 miserabili cruci meæ nonnihil
 conformis sit, atque in ipsa
 præclare perficiatur.

VI. In patulo lateris mei
 vulnere, in ipso corde meo
 vulnere affecto, suaviter te in-
 cludes,

IES

sanguis
fons acVI
modi
& elec
ravi,
vitali
morteHa
Christi
lato: e
rum, s
liffimu
nis DoDE
Al
ptum i
nem, in
re: ubi
nem, si
illum c
gratiâ.
ubi? &
per sud
alapam
laphis,
dem, p
colum

IESVS Christus Patiens. Christianus IESVM Patientem exprimens.

sanguinis rivulus, simulque
fons aquæ vivæ.

cludes, ibique morari & permanere discas, atque ita vitali illâ aquâ, te expiabo, & purpurei sanguinis mei roseo colore, mirificè decorabo.

VII. Ecce fili mi, huiusmodi labore ac dolore, teque
& electos meos omnes repa-
ravi, & innoxii sanguinis mei
vitali sacrificio, ab æterna
morte redemi.

VII. Denique me tibi fortiter adstringam & obligabo, teque mihi perenni unione conjungam.

Hactenus ex devotissimo Sufone, desumpta Passi IESV Christi, ad eumque spiritualiter conformati Christiani collatio: ex qua lector, seu meditator Dominicæ Passionis, verum, solidum, & tam Christo gratissimum, quam sibi utilissimum, hauriet meditandæ, atque sibi applicandæ Passionis Dominicæ modum.

M O D V S X.

DEcimus Passionem Dominicam meditandi modus est. Assumere aliquem peculiarem cruciatum, vel contemptum injuriamve Domini IESV, ejusque per totam Passionem, investigationem instituere, atque meditando expendere: ubi, quando, quoties, quàm gravem, ob quam occasionem, sive ob cujus virtutis exercitium manifestationemve, illum dolorem, injuriamve illam sit perpeffus? Exempli gratiâ. Quoties Christus Dominus sanguinem fudit? & ubi? & quare? &c. Fudisse autem inveniam. 1. In horto per sudorem & agoniam. 2. In domo Annæ, ubi, accepit alapam cruentam. 3. In domo Caiphæ, ubi innumeris colaphis, alapis, pugnisque percussus est. 4. Ibidem nocte eadem, pie creditur, flagellis cæsus. 5. In prætorio Pilati, ad columnam dirè flagellatus. 6. In coronatione spinea, & alapis,

alapis, percussioneque capitis. 7. In vestium propriarum detractiōe, ad coronam & chlamydem coccineam sumendam. 8. In depositione coronæ, ad induendas vestes proprias, cum crucem, damnatus, bajulare deberet. 9. In depositione earundem vestium ad crucifixionem: ubi & corona eidem rursus detracta est, cum iō effusione sanguinis, aliter enim tunica inconsutilis & desuper contexta per totū detrahi non potuit. 11. In affixione ad crucē. 12. In statuitiōe & firmatione crucis: fuit enim & illa violenta, & cum corporis concussione, proinde non absque sanguinis effusione. 13. In coronæ repositione cum esset elevandus adhuc vivens cum cruce in altum. 14. In lateris post mortem confixione.

Pari ratione, expendi possunt variz manuum Christi ligationes. 1. In comprehensione. 2. Apud Annam. 3. In domo Caiphæ, pro nocte. 4. Manē ducendus ad Pilatum. 5. Ad columnam causâ flagellationis. 6. Post Coronationem. 7. Cum indutus suas vestes, crucē accepit. 8. Cum est crucifixus, & clavis cruci illigatus: quæ omnes manibus Christi erant acerbissimæ. & moralia documenta servis Christi suppeditant.

Pari ratione expendi possunt nudationes Christi. 1. Harum creditur fuisse, nocte illâ in domo Caiphæ, ad torturam vel flagella. 2. In Prætorio Pilati ad flagella quoque. 3. Ad chlamydem purpuream induendam. 4. Ad proprias vestes induendas, ante bajulationem Crucis. 5. Ad crucifixionem, postquam deinceps mansit pependique nudus, usque ad depositionem de Crucē. 6. Si placet, addere possumus post tenebras illas meridianas depulsas, quibus cum suo modo velatus fuisset Dominus, redditâ luce, iterum quasi exutus veste tenebrarum, nudus apparuit.

Pari ratione expendi possunt itinera, quæ Christus confecit in Passione, & quid in eis Passus est. 1. Iter ad hortum in quo coepit pavere, tædere, contristari, mœstus esse. Iter ad discipulos dormientes, quibus objecit dolens sic: non potuistis unâ horâ vigilare mecum? quod iter aliquoties repetiit. 3. Iter obviam Iudæ, & cohorti. 4. Iter captivâ jam ad Annæ domum. 5. Iter ab Anna ad Caiphā. 6. Iter à Cai-

phæ

phæ concilio, ad carcerem. 7. Iter matutinum è carcere, ad concilium Caiphæ. 8. A Caipha, ad Pilatum. 9. Ab hoc, ad Herodem. 10. Ab Herode, ad Pilatum; apud quem aliquot itinera fuere: à tribunali, ad columnam in atrium; ab hac, ad locum coronationis; ab hoc, ad locum è quo ostensus populo à Pilato dicente: Ecce Homo: hinc ad interiorem partem prætorii, ubi examinatus est repetitò, secretiùs, diligentiusque à Pilato, tum ad locum Tribunalis foras, ubi & damnatus est ad crucem juridicè, hinc denique ad locum, ubi crux ei imposita est. 11. Iter cum Cruce usque ad locum crucifixionis. 12. Iter ad ipsam Crucem. 13. Iter jam in Crucem affixi in altum. 14. Iter de Cruce post mortem. 15. Iter ad sepulchrum.

Pari ratione, expendi potest quoties Dominus I E S V S alapis & pugnis percussus est, quibusque locis. 1. In Captivitate, dum ligaretur ligatusque traheretur. 2. In domo Annæ. 3. In domo Caiphæ, ubi tumultuosissimè reus mortis denunciatus undique percussus est. 4. In variis itineribus cum raptaretur, haud dubiè sæpius variè contusus est. 5. In coronatione, quando illusorie flexo genu salutabant, & conspuerant, & alapas dabant ei.

Ad hunc modum, consputationes multiplices, possunt expendi: item accusationes apud Annam, apud Caipham vespere, & manè, apud Pilatum, apud Herodem, iterum iterumque apud Pilatum, item in condemnatione & sententiæ promulgatione, item in titulo Crucis, item in blasphemii illusionibusque objectis, jam Cruci affixo, item à latrone impropere.

In his singulis Meditator devotus reperiet, quo ad compassionem moveatur, quoque erudiatur ad Mansuetudinem, Patientiam, Constantiam, Humilitatem, Charitatem, Obedientiam, ad sui odium, vilificationem, accusationem, confusionem, internam externamque mortificationem, tum etiam ad gratiarum actionem, admirationem, compassio-

*Vide in
fra mo-
dum*

XII.

M O D V S XI.

VNdecimus Passionem Dominicam meditandi modus est; Assumere & expendere varios Authores Passionis Christi. Horum authorum aliqui erant iusti & æqui: qualis fuit Pater Æternus, *qui sic dilexit mundum, ut filium suum unigenitum daret,* (ad poenas, & mortem in carne subeundam,) *ut mundus Salvetur per ipsum:* talis etiam fuit ipse Dominus I E S V S, qui amore & obedientiâ erga Patrem ejusque gloriam: amore item & commiseratione super nos, *exinanivit semetipsum factus obediens usque ad mortem, mortem autem crucis:* tales etiam authores fuere suo modo omnes Angeli Beati, omnesque sancti Patriarchæ ante Christum: ac imprimis ipsa Beatissima Dei Mater. Omnes enim isti desideraverunt & optaverunt mortem, Passionemque Christi, utpote reparatricem salutis humanæ, abolitricem peccati, ruinarum cælestium restauratricem, referatricem paradisi, gloriæ, charitatis, veritatis, justitiæ, misericordiæ Dei manifestatricem, Christi ipsius exaltatricem, heroicarum virtutum, omnimodæque perfectionis Magistræ, Dotem Ecclesiæ atque vitam, Sponsarum seu diligentium dilectarumque Christi animarum emundatricem, ditatricem, ornatricem, inflammatricem, adglutinatricem, transformatricem, & absorptricem. Quocirca minime dubitandum est, quin si ita placitum fuisset voluntati Dei, ipsi Angeli atque Sancti, ipsa etiam Pretiosissima Dei nostri Mater, Dominum I E S V M suis manibus tam illi, quàm ista fuissent crucifixuri, ob amorem tantorum bonorum Dei, Christi, Cœli, & mundi, ex Passione Christi excrecentium.

Alii Authores Passionis Christi fuere iniqui, & per omnia improbi, ac per hoc Deicidæ, maximæque, iniquitatum omnium, iniquitatis rei. Tales fuere damones, omnisque potestas tenebrarum. Talis Iudas proditor, tales Iudæorum Principes, & Sapientes; talis Pilatus & Herodes, tales milites, aulici, carnifices, omnisque furiosa plebs à Principibus persuasa, & perversa. Inter hos authores, suo modo recenseri possunt discipuli Christi desertores, Petrus negator & abjurator, reliqui in fide & spe collapsi. His annuñciari auctori-

thori-

horibus etiam potest Barabbas Christo prælatus, latrones
ambo. Præ omnibus autem, authores fuere Passionis Chri-
sti, omnes & singuli homines, præteriti, præsentis, futuri, ab
Adam primùm creato, ad ultimum nasciturum in fine mun-
di: & quidem omnibus & singulis suis peccatis mortalibus
venialibusque, quorum quodlibet morte & sanguine Christi
ad sui expiationem eguit, & quia eguit, eandem exegit, quia
exegit, etiam pro sua portione causavit: pro sua portione in-
quam, non quia non quodlibet peccatum, aut non quilibet
peccator, totius integræque Passionis Christi author sit: sed
quia nec unum aliquod solum peccatum, nec unus aliquis
solaque peccator, sed omnia & omnes. Aliqui, nisi hoc
verum esset, quomodo diceret Pater Æternus à se *Filium*
suum percussum, propter scelus populi sui? quomodo diceretur,
posuisse in Filio iniquitates omnium nostrum? quomodo dice-
tur Christus, *Agnus Dei, qui tollit peccata mundi?* quo-
modo diceretur, idem *Agnus occisus esse ab origine mundi?*

Ah quanta mihi, quanta unicuique hominum materia
dolendi, lugendi, erubescendi? quanta obligatio poeniten-
tiæ, patiendi, redamandi? quandoquidem videmus, quòd
antequam adhuc essemus, jam tamen inimici eramus, nec
inimici solum, sed etiam perduelles, & Deicidæ, & nihilo-
minus cum adhuc tales essemus, reconciliati sumus Deo Pa-
tri, per Christum. Et indignamur nos dæmonum in Chri-
stum malitiæ, odimus Iudaicam nequitiam, execramur Pi-
latum, Herodem, Iudam, aliosque: & non attendimus,
quòd nos magis ipsi simus odio, execratione, detestationeq;
digni, qui totius diaboliæ, Iudaicæ, aliorum omnium ma-
litiæ, sumus causa, & insuper etiam horum omnium, in sce-
lere exsuperatores, atque transgressores, adeò, ut nulla sit
inter illorum nostramque malitiam proportio, quoniam etsi
horum omnium in Christum malitia non sævisset; adhuc ta-
men nostra peccata sanguinis, & Passionis, & mortis Chri-
sti, & occasio, & causa, & administra fuissent. Ita ut longè
furiosius, longèque obstinatiùs, longè denique malignissimà
impotentia efficacius, nostra scelera clamaverint, illas voces,
Crucifige, Tolle, Sanguis ejus super nos, & super filios nostras.
O si hæc intimis sensibus cordis nostri capere possemus?

Isaie
53. 8.
Ibid. 6.
Ioan. 1.
29. Apoc.
13. 8.
Rom. 5.
10.

ô si intimâ mente scelerum nostrorum omnium singulorumq; cognoscere atque penetrare laboraremus immanitatem! ô si aliquando cogitationes dignas obligationi nostrâ in IESVM, dignas charitate IESV erga nos, assumeremus, nec unquam deponeremus!

M O D V S XII.

Dodecimus Passionem Dominicam meditandi modus est: Assumere instrumenta extrinseca Dominicæ Passionis, quæ servierunt ad dolores ignominiasque Christi. Ejusmodi sunt funes, catenæ, lora, fustes, ligna, gladii, faces, pugni, palmæ, ungues, sputa, calcanei, genua, flagella, virgæ, spinæ, arundo, purpura, myrrha, fel, acetum, crux, clavi, mallei, lancea, titulus crucis, velum oculis obductum, vestis alba, alex seu sortes, spongia, hyssopus: ab his omnibus instrumentis, sua portio pœnarum & ignominiarum, Christo obvenit. Quæ consideratione expensæ, fructum in anima meditantis possunt facere: tum excitando compassionem; tum suadendo imitationem, tum exigendo gratitudinem; tum movendo admirationem; tum spirituales suggerendo instructionem.

Tam huic modo, quàm præcedentibus duobus, sequentibusque etiam tribus, dabit aliquam opinor, non solum cogitationum, sed etiam affectionum materiem, indiculus pœnarum Christi Domini, quem hic ex piis probatisque authoribus subijcio. Igitur Bartholomæus Saluthius Ordinis Minorum: vir piissimis & gestis & scriptis hac ætate notissimus, talem indiculum collegit contexuitque.

*Barthol.
Saluthius
in Convivio
Spiritali Post
Præfationem.*

[Devotæ revelationes Sanctissimæ Passionis Domini nostri IESV Christi, factæ ab eodem IESV Christo, Beatæ Mechtildî, Elisabethæ, Brigidæ.

Elevatus est Dominus è terra per capillos, funes, -- 23. Angustiatus & cruciatus -- 170. Plagæ ad columnam 6666. Lapsus in terram ab horto usque ad domum Annæ - 7. Lapsus in plateis cum tenderet ad montem Calvarix - 5. Alapæ

" in faciem 302. Guttæ sanguinis effusæ 118225. Pugni in faciem 20. Verbera super crura - 32. Verbera lethifera - 19.

" Verbera pectori atque capiti inflicta - 21. Verbera cæteris

majora

majo
ne & c
spira è
Lethife
humi j
stum a
ra livid
bam et
Alia
ab eod
Vul
nas at
quo id
nibus
coron
cerebr
morte
spinar
ciem -
ricular
Ha
post P
AL
[Le
facie
Calcei
pector
Consp
In Ca
ictibus
vulner
Ha
& vi
Ioseph

majora - 72. Puncturæ ex frequentata Coronæ impositione & detractatione - 1000. Pedum pulsationes - 140. Suppiria è pectore emissæ - 109. Lethalis ad columnam allissio - 1. Lethiferæ allissiones - 3. Sputorum conspurcationes, cum humi jaceret super crucem extensus - 73. Milites in Christum armati - 118. Horum è plebe afflectæ - 230. Vulnera livida - 1199. A quibus est ductus & ligatus - 3. Per barbam tractus & laceratus - 78.

Aliæ revelationes, de eadem Sanctissima Passione, factæ ab eodem IESU, alteri devotæ personæ.

Vulnera in Capite - 3. Pugni in oculos - 3. Pugni in genas atque os, per quos effluebat sanguis ex ore & naribus, quo ictu duo sunt excussi dentes - 5. Percussa corona arundinibus & baculis, vi quàm maximâ - 40. Lapsa & deposita corona est - 8. Spinæ, quæ perterebrarunt cranium, & ad cerebrum usque infixæ sunt - 5. Spinæ fractæ, quæ in ipsa morte cerebro infixæ remanserunt - 3. Guttæ sanguinis ex spinarum puncturis rorarunt - 3000. Exspirationes in faciem - 100. Vellicationes harum - 20. Vellicationes auricularum - 30. Verbera in cervicibus - 25.

Hactenus Saluthius in Convivio spirituali Amatoris IESU post Præfationem.

A Landspergio verò hæc ita referuntur.

[Legitur revelatum, Christum Dominum percussum in facie alapis - 102. Pugillis - 120. In ore præcipuè - 30. Calceis - 140 vicibus, percussionibus in brachiis - 62. In pectore - 28. In cruribus - 32. In humeris, & dorso - 80. Consputum in facie - 63. Per terram tractum capillis - 27. In Capite transpunctum punctationibus 1000. Flagellorum ictibus percussum 6666. Denique in toto corpore affectum vulneribus - 5475.]

Hæc Landspergius, Sermonem de præcipuis effectibus, & virtutibus, in Passione Christi nobis exhibitis, & apud Iosephum Speransa Puncto 154. Script. Select.

Decimus tertius modus Passionem Domini meditandi est, assumere varios Christi Domini in Passione sua situs, & considerare quid unoquoque egerit, actumve cum illo fuerit, & passus sit. Consideretur. v. g. IESVS. procumbens ingenua, & prostratus in faciem suam inter orandum in Horto. Consideretur obviam Iudæ; hostibusque prodicens, ad osculum admittens, hostes verbo prosterbens. Consideretur IESVS captus, ligatus, ad Urbem & Annam tractus. Consideretur stans coram Anna, coram Caipha, coram Concilio, inter satellites, inter custodes, totâ nocte vinctus, abiectusque-jacens, aut semipendens catenatus, compeditus. Consideretur stans rursus manens coram Concilio, coram Pilato, Herode, rursusque Pilato. Consideretur in viis istis vadens, rediens, à Caipha ad Pilatum, ab hoc ad Herodem. Consideretur ad columnam nudatus, ligatus, verecundus, tremens; cinctus carnificibus, ludibrium spectatorum, flagellis concisus. Consideretur religatus à columna, vestes suas hinc inde sparsas; colligens, sanguinis glomis vestigia signans, vestes induens. Consideretur à militibus rursus raptus, exutus vestibus, sedere in frusto saxi aut trunci iussus, chlamyde intectus, spineo ferto redimitus, arundinem manu gestans, adoratus, consputus, colaphisatus, aue Rex salutatus. Consideretur ultimum Barabbæ collatus, & postpositus, ultimâ sententiâ capitis damnatus, cruce onustus ex urbe pergens, montem ascendens.

Consideretur in monte jam stans, exutus vestibus, in crucem abiectus, in ea expansus, affixus, consputatus, elevatus, constitutus.

Consideretur in Cruce pendens, à Civitate a versus, omnia elementa commovens; ab universitate rerum planctus. Cum lachrymis & clamore valido orans etiam pro inimicis, extremè siti laborans, aceto tractatus, serpentinis linguis undiq; laceratus. Latroni Paradisum donans, Matris curam gerens. Patri animam in manus tradens, capite ad reverentiam inclinato. Consideretur lanceâ in latere post mortem saucius, sanguinem & aquam effundens. Consideretur datâ licentiâ

centiâ à Præsede, de Cruce alienis manibus depositus, unguentis unctus, linteo mundo involutus, sepulchro conditus, & advoluto lapide clausus. Omnia ista immensitatem materiæ meditantî suggerunt, affectuum, doctrinarum.

M O D V S XIV.

DEcimus-quartus modus meditandi Passionem Domini est. Assumere dolores Christi injuriasque omnes, primum, quas perpeſſus est totâ nocte ab horto usque ad Caiaphani carcerem: ubi Christus inter improbissima mancipia miserabilem noctem transegit, usque ad lucem: postmodum, quas perpeſſus est, à prima luce, primoque matutino concilio, à quo iterum damnatus, victusque ad Pilatum ductus, demum sine ulla quiete, perpetuò cum doloribus, contumeliis, atque improbitate hostili confictatus est, donec horâ nonâ Spiritum Patri Æterno tradidit, tandemque de Cruce depositus ac sepultus est. Potest adhuc meditandi modum fervire illa Pauli de se assertio. *Nocte & die, in profundo maris fui.* Revera enim Christus in profundo mari Passionis suæ agitatus, ac demum naufragium passus, à ceto mortis, tanquam Ionas, absorptus fuit: ut verè per Prophetam prædixerit. *Veni in altitudinem maris, & tempestas demersit me.* Et. *Circumdederunt me aqua usque ad animam: abyssus valavit me, &c.*

2. Cor.

11. 25.

Iona 2.

1.

Psal. 68.

3.

Iona 2.

6.

M O D V S XV.

DEcimus-quintus Passionem Domini meditandi modus, proximo vicinus est, Assumere omnes horas Passionis Christi, & expendere quid in singulis Passus sit. Numeratur universim horæ octodecim, quibus Passio Dominica duravit. Verùm ne minuta sit distributio, commodè sic fieri poterit.

1. Circa mediam noctem Hortum ingressus oravit, sudavit, quievit. 2. Post medium noctis, osculo traditus, captus, ad Annam, Caiaphamque deductus; reliquum noctis inter injurias spurcissimorum scurrarum insomnis transegit. 3. Mane Caiaphæ, Concilioque ejus denuo præsentatus, damnatus, ligatusque est. 4. Horâ primâ stetit coram Pilato, examen subiit

subiit & accusationes, Herodi missus, ab eodem illusus, Pilato remissus est. 5. Horâ tertiâ flagell's cæsus, spin's coronatus, ad mortem damnatus est. 6. Horâ sextâ seu meridianâ in crucem actus est. 7. Horâ nonâ, postquam tribus horis in cruce vivus, & orans, & lacrymans, à totoque vicissim universo plactus esset, inclinato capite tradidit spiritum, 8. Circa vespertinam horam, de cruce suorum manibus sublatus, conditus aromatibus, sepultus est. Istas Passionis Christi horas, quotidie in suis canonicis horis Ecclesia Catholica ferè ad amissim servat, recollitque tam in majore officio, quàm in minoribus, proinde commodissimè etiam meditationi deservire hæc ipsa horarum distinctio poterit. Sanctus Bernardinus Senensis decem horas Passioni Dominicæ assignat, cujus verba proderit hoc loco apponere, datura lucem supra dictis. Sic igitur ait. [Præterea dicere possumus Christum Passum & Crucifixum, esse Horologium cordium religiosorum, distinguens horas diei & noctis: quod quidem in Horologio Ahas mysticè designatur: in quo sol descendit decem lineis, quia per decem horas humiliatus est Christus pro nobis in sua Sanctissima Passione. In cujus honorem decem dicuntur horæ. Primo Completorium in honorem venditionis. Secundo dicuntur matutina, quæ distinguuntur in tres nocturnos: in rememorationem illius injuriæ, quæ facta est ei tribus locis in illa nocte. Scilicet in Horto, in domo Annæ, & in domo Caiphæ, conspuendo, deludendo, atque percutiendo. Quinto Laudes in memoriam Criminis impositi in fine noctis. Sexto Primam. In memoriam accusationis coram Pilato. Septimo. Tertiam. In memoriam flagellationis in domo Pilati. Octavo Sextam. In memoriam bajulationis Crucis & Crucifixionis cum ferreis clavis. Nono. Nonam. In memoriam mortis & apertionis lateris. Decimo. Vesperas. In memoriam sepulturæ, ut in qualibet prædictarum horarum mens devota sentire possit dulcedinem Dominicæ Passionis.]

10. 3. ser.

56. ar. 4

3tie par.

Dom.

Pas. 1.

4. Reg.

20. 10.

”

”

”

”

”

”

”

”

”

”

”

”

”

”

”

”

M O D V S XVI.

Decimus sextus meditandi Passionem Dominicam, modus est: Expendere quadruplicem dimensionem Passionis ipsius, Longitudinem scilicet, Latitudinem, Altitudinem & Profunditatem.

Longitudo Passionis Christi, spectari potest in tempore, quo duravit. Duravit autem primum toto vitæ ejus tempore, ab instanti conceptionis: Quia enim ab illo puncto, perfectissime cognovit omnia, quæ passurus erat, eaque semper præsentia ob oculos mentis habuit, idcirco omnibus & singulis vitæ momenti cruciatus est acerbissime: adeò, ut non nisi per miraculosam potentiam impediretur in eo effectus hujus cruciatûs interioris, qui connaturaliter talis esse totâ vitâ ejus debuit, qualis fuit semel in horto, quando tristis fuit ejus anima usque ad mortem, & quando factus in agonia sudavit sanguine, id ipse Dominus expressit aliquando, cum dixit, *Baptismo habeo baptisari, & quomodo coarctor usque dum perficiatur?* Item. *Ecce ascendimus Hierosolymam, & filius hominis tradetur.* Deinde actualis Passio Domini duravit per horas octodecim continuas, in quibus Dominus nullam requiem habuit, nullam dolorum mitigationem, sed potius perpetuum incrementum, prioribus durantibus, novis autem accedentibus; una, & sola tam diuturna, perpetuaque statio, & fatigatio ex perpetua agitatione, raptationeque Domini, à loco ad locum, à Iudice ad Iudicem, à supplicio ad supplicium, sufficiebat exhaustire omnes Domini vires, & ad extrema adducere vitam ejus. Tum verò sanguinis effusio tam larga, vulnorum multitudo tanta, poenarum simul afflictorum concursus, confusio, varietasque studiorum, & affectuum, persecutorum furentium; Sitis etiam, & ariditas viscerum, ex poenis, ex fatigatione, ex doloribus, ex vulnorum strictura nascens, urens, duransque tanto tempore, quam non exhausisset vires, quos non cruciatus cumulavit?

Latitudo Passionis Christi, spectari potest, penes multitudinem varietatem quæ cruciatuum, dolorum, injuriarumque illius. Nam si attendas corpus Christi, diffusa erat Passio per omnia ejus membra, à planta ad verticem; cumulatam insu-

*Vide Bel-
lar. de
gemitu
columba
lib. 2.
c. 3.*

Luca 12.

50.

Luca 18

31.

per etiam vulnus super vulnus, immo & dolor dolori; tormentumque tormento superadditum; itaque nullum membrum Christi fuit sine cruciatu, corpus totum multis millibus verberum, vulnerumque discissum fuit, ad ipsum etiam cerebrum, sacri capitis, penetravit crudelitas, lingua, dentes, oculi, fauces, viscera, nervi, venæ, muscoli, quantumvis latentes habuere suos cruciatus. Si attendas Animam Christi, omnes Animæ potentia, omnia bona & dotes animæ, habuere tantò majus tormentum suum, quantò Anima nobilius & purius est Principium dolendi, sentiendi que mala; hinc tristitia, toedium, pavor, moeror Christi, fuit usque ad mortem, scilicet par morti, sufficientique ad causandam mortem. Si attendas externa & fortunæ bona: omnibus exutus est: & extrema in nuditate rerum omnium mortuus est, adeoque ipso etiam aëre, quem spiraret, privatus: sepulchro alieno conditus est. Si attendas virtutes morales, in omnibus quoque passus est Christus, non eas amittendo; sic enim eas potius in perfectissimo gradu exercuit, sed quia illis caruisse creditus, & traductus est. Vnde consequenter, si attendas honorem, & famam, nomenque bonum, omni illo radicatus exutus est, & cum iniquis reputatus, & antihomasticè seductor, impostorque vocatus, seditiosus, ambitiosus, perduellis, & his omnibus major blasphemus, pseudopropheta. Si attendas instrumenta, quibus cruciatus est, ea tam multa, quàm dira fuere, vincula, catenæ, palmæ, pugni, calces, flagra, virgæ, spinæ, clavi. Denique si attendas ipsa poenarum genera, in numerum non venient. Si à quibus Passus? omnes omnino res in Christi necem conspirarant, ipse etiam Pater Æternus, immo ipse Christus, & pæne dicam hic ipse solus maximus sui fuit cruciator, cruciatuumque; non solum author, sed etiam adauctor, & irritator: licet enim in potestate habuit non mori, voluit tamen mori, & licet in potestate habuit impedire poenas, aut sensum earum, tollendo, vel minuendo, nihil horum fecit, sed potius & viribus poenas, & poenis vires suas servavit æquavitque, insuperque ampliores, novas, longiores sitivit. Accessere authores alii poenarum, demones scilicet, Iudæi, Gentiles, &c.

Altitudo Passionis Christi, spectari potest penes gravitatem acrim-

tem
narum
stiper
atque
vacitat
extern
in nall
confer
nas ul
mole d
vivaci
gnitat
subje
infat
sangu
tam si
ejus:
& pro
tibus,
bus, a
Passio
omnes
Pro
tatem
purè,
stione
ab ini
tibus
Profu
Christ
& de g
fui, &
stram,
recesse
realig
ment
nus l
me?

tem acrimoniamque cruciatuum, enascentem, tum ex poenarum ipsarum immanitate; tum ex carnis, & Animæ Christi perfectione, ac subtilitate, complexionisque teneritudine, atque ad sentiendum quidlibet molestum, capacitate & vivacitate; tum ex amotione omnis solatii, tum interni, tum externi, quo se Christus absolutè privaverat atque exuerat; in nullo sibi auxilium ferens, præterquam in sui, viriumque conservatione, ad hoc unum, ut durare sentireque posset poenas usque ad finem, non permittendo in se obtundi sensus mole dolorum & acerbitate, sed eandem sensibus tribuendo vivacitatem in omni poena poenæque duratione: tum ex Dignitate, Sanctitate, Innocentia, Beneficentia, meritisque subiecti Patientis & Personæ: tum ex summa implacabili, insatiabilique rabie hostium, rapientium atque trahentium, sanguinem, & dolorem, & contemptum & mortem suam, tam sitientium, quam inferentium, donec satiarentur poenis ejus: tum denique ex indignitate extrema eorum, à quibus, & pro quibus etiam patiebatur. Ex his capitibus atque fontibus, Passio Christi plenissima fuit, incogitabilibus doloribus, adeò, ut attestantibus Sanctis Patribus, Theologisque, Passio Christi excederet omnia tormenta Martyrum, immo omnes dolores hujus vitæ.

Profunditas Passionis Christi, Spectari potest penes Puritatem sinceritatemque dolorum Christi. Fuit enim Passio purè, & pura Passio, purus dolor, purus cruciatus, sinè admixtione solatii, refrigerii, cessationis, immo cum incremento ab initio ad finem, non cessantibus prioribus, supervenientibus recentibus, quasi si fluctus fluctum truderet. Hanc Profunditatem seu Puritatem dolorum suorum, expressit Christus apud Prophetam dicens. *a Torcular calcavi solus, & de gentibus, non erat vir mecum. b Consolantem me quaesivi, & non inveni. c Considerabam ad dextram, & ad sinistram, & non erat qui adjuvaret. d Amici quoque & noti mei, receperunt à me. e Adversum me jurabant.* Quod si adfuere aliqui, ad cumulum cruciatuum adfuere. Ergo ex vehementia hujus puritatis dolorum suorum exclamavit Dominus IESVS in Cruce. *Deus Deus meus, ut quid dereliquisti me?* scilicet in doloribus istis, absque ulla consolatione.

a *Is. 63.*b *Psal.*

68. 21.

c *Psal.*

141. 5.

d *Psal.*

37. 12.

e *Psal.*

101. 9.

Matth.

27. 46.

Et si enim diligebatur á Patre, tanquam filius : et si præsentem habebat, tanquam consubstantialem : non habebat eum tamen, tanquam consolatorem in malis : sed perinde ac si nihil pertineret ad eum de Christo, ac si Filius ejus non esset, ita permissus est demergi in cruciatibus, & demum etiam abforberi morte. Hæc omnia immensam exhibent meditati materiam, condignorum affectuum, admirationis & stuporis, compassionis & commiserationis, doloris & placentis pro se, & pro toto mundo. Erubescentiæ item ac pudoris de indignitate, de ingratitude, de abusu tanti pretii, tantorumq; laborum Christi pro nobis. de nullitate vilitateque nostrorum pro Christo ; Amoris & Æstimationis, Gratiarum actionis, Deprecationis, &c.

Serm. qui incipit lesum Nazarenum. Sanctus Bernardus, sive Anselmus, sermone de Passione Domini hanc quadruplicem dimensionem Passionis Christi & Crucis : sic explicat, & simul applicat per modum orationis ad Christum. [Illam divinißimam crucem tuam hume-

ris meis impone : cujus Latitudo, est charitas, cujus Longitudo, est æternitas, cujus sublimitas, est omnipotentia, cujus Profundum, est inscrutabilis Sapientia. Confige illi manus meas, & pedes meos, & totum Passioni tuæ conforma servum tuum Domine. Da obsecro mihi continere ab operibus carnis, quæ odisti, & facere justitiam, quam dilexisti, & in utroque tuam quærere gloriam, & sinistram quidem meam clavo temperantiæ, dextram verò justitiæ, in illa sublimi trabecula Crucis fixas arbitror, Da menti meæ jugiter meditari in lege tua, & omnem cogitatum meum jactare in te, & dextrum pedem meum, eidem ligno vitæ clavo Prudentiæ affigere. Da ut sinistram spiritus mei sensualitatem, non enervet labentis vitæ infelix felicitas, non conturbet præsentis vitæ infelicitas felix, & sinister quoque pes meus, fortitudinis clavo in Cruce tenebitur.] Vide quæ sequuntur.

Serm. 1. in Pascha Idem Sanctus Bernardus alio loco, eandem Crucis, Passionisque Christi dimensionem, sic tractat. Aliud tempus elegit (Christus) confortandis discipulis, & aliud adversariis confutandis. Interim Patientiam magis exhibet, Humilitatem commendat, Obedientiam implet, perficit Charitatem. His namque virtutum gemmis, quatuor cornua Crucis ornan-

cis orn
dientia
profun
Passion
nera Pa
Charita
& Ob
Spiritu

DE
d
noru
mus a
nostra
tum,
Pri
Recon
abolit
ea qu
bund
Sec
festati
instar
cordi
Dei q
tum d
tum
dilige
statu
comm
nos, t
dend
Te
met E
a non
quæ
dem

cis ornantur : & est supereminentior Charitas, à dextris Obedientia, Patientia à sinistris, radix virtutum Humilitas in profundo. His ditavit trophæum Crucis, consummatio Passionis, cum ad Iudæorum blasphemias Humilis, ad vulnere Patiens, intus linguis, foris clavis pungeretur : nam & Charitas in eo perfecta est, quod pro amicis animam posuit, & Obedientia consummata, cum inclinato capite tradidit Spiritum, factus obediens usque ad mortem.]

M O D V S XVII

Decimus septimus Passionem Dominicam meditandi modus est : Considerare illam ut est Causa maximorum bonorum. Quia enim Passione Christi Domini redempti sumus ac salvati, ideo quidquid boni in salute redemptioneque nostra est, ei que conjunctum noscitur, vel ad eam requisitum, totum hoc à Domini Passione causatum est.

Primò, Igitur consideranda est Passio Christi, tanquam Reconciliatio Patris Aeterni, & satisfactio Iustitiæ ipsius, abolitio quoque injuriæ eidem à vilissima creatura illata, & ea quidem adæquata, rigorosa, condigna, copiosa, superabundans.

Secundò, Consideranda est Passio Christi tanquam Manifestatio, exhibitio, prædicatio, expressio, & (typographiæ instar) impressio evulgatioque immensæ charitatis, misericordiæ liberalitatisque tam Dei Patris, quam Christi ipsius. Dei quidem in nos, quos sic dilexit, ut Filium suum unigenitum daret pro nostra salute. Christi autem, tum in Patrem, tum propter Patrem in nos : quos ille dilexit, quia in tantum diligere à Patre vidit, & sua vitæ, morte, sanguine, redimi velle, statutumque scivit. Amore igitur & reverentiâ in Patrem, commiseratione & clementiâ, in nos ductus, obtulit sese, ad nos, tanta licet per sua dispendia, redimendos, Patrique reddendos.

Tertiò, Consideranda est Passio Christi, tanquam ipsa met Redemptio, pretiumque omnium nostrum pro nobis, à non insipiente, nec parco mercatore perfolutum. Item tanquam abolitio & ablutio, & in mari rubro sanguinis Christi demersio peccatorum nostrorum. Item tanquam clavis Pa-

radisi coelestis. Item tanquam debellatio trophæumque debellati inferiorum tyranni, mortis quoque, & inferni & peccati.

Quarto, Consideranda est Passio Christi tanquam meritum ejusdem, quo meruit nobis quidem veniam & condonationem peccatorum, tam quoad reatum culpæ, quam etiam poenæ, deinde meruit nobis quoque gratiam & justitiam sanctificantem, nec non cætera salutis bona: præterea, meruit nobis jus ad gloriam, seu ipsam gloriam æternam, valoremque bonis nostris operibus, ut possint esse digna merendæ gratiæ, gloriæque æternæ, nec non aliis donis ad salutem sanctitatemque opportunis.

Quinto, Consideranda est Passio Christi, tanquam dos, & thesaurus indeficiens, infinitusque Ecclesiæ, in Sanctificationem animarum, in ablutionem peccatorum, in expiationem poenarum, in operationem virtutum, in acquisitionem auxiliorum ad salutem necessariorum, atque efficacium.

Sexto. Consideranda est Passio Christi tanquam exaltatio, seu potius meritum exaltationis Christi. Meruit enim Passione suâ Dominus IESVS sibi gloriam corporis sui, exaltationem nominis IESV, ut in eo omne genu flectatur. Potestatem quoque iudicis, & alia similia, quæ etsi naturaliter ex unionis gratia habuerat: habuit tamen & acquisivit eadem insuper ex merito Passionis, juxta illas scripturas.

- Luca 24. Oportuit hac pati Christum, & sic intrare in gloriam suam. Et.
26. Causa tua velut impii judicata est, iudicium & justitiam accipies. Et. Dignus est Agnus qui occisus est, accipere virtutem,
Iob. 36. 17. & Divinitatem, & Sapientiam, & fortitudinem, & honorem,
Ap. 5. 12. & gloriam. Et. Si tradiderit pro peccato animam suam, videbit semen longævum.
Isaie 53. 10.

Septimo, Consideranda est Passio Christi, tanquam juxta Sacrificium in Ecclesia, quod usque ad finem sæculi peragitur, & realiter representatur in Sacrificio Missæ, omnibus diebus, incurrentè, in cultum & honorem Dei, ingratiarum actionem pro beneficiis, in impetrationem donorum tam Spiritualium, quam temporalium, nobis ac aliis, in satisfactionem pro peccatis vivorum & mortuorum fidelium, in commemorationem ejus ipsius cruentæ Passionis atque

mortis

mortis Christi, semel à Christo peractæ seu susceptæ.

Horum similiumque bonorum causa est, eritque Christi Passio, usque ad consummationem sæculi, ex quorum consideratione haurienda est æstimatio cordialis tum Passionis, tum Passi Christi; hauriendum studium imitationis, & usus ejus; studium participationis, & adimpletionis ejus ex parte in corpore nostro, hauriendus pudor de vili æstimatione, de ingratitudine, tanti boni, apud tam multos residentis otiosè, steriliter, indignè; haurienda admiratio tantæ liberalitatis Christi, haurienda gratitudo, atque gratiarum actio, hauriendus zelus derivandi tantam efficaciam Passionis Christi in propriam, & in aliorum salutem.

M O D V S XVIII.

DEcimus-octavus Passionem Dominicam meditandi modus. Considerare illam, tanquam effectum & fructum, Primò quidem peccatorum totius mundi. Non quòd nostra peccata mori Christum fecerint, coëgerintque quasi nolentem; sicut enim nemo potestatem in Christum habuit, ac multò minùs peccata. Sed quòd peccata Majestatem Dei læserint, & contempserint, voluntatem ejus violaverint, iram Dei provocaverint, & justitiam concitaverint, hostemque hominibus Deum fecerint, qui placari non potuerit, nec voluerit, nisi per reparationem læsæ violatæque Dignitatis, Voluntatis, Iustitiæ suæ, & quidem adæquatè, condignè, adrigorem; id verò fieri nullis puræ creaturæ viribus, ac meritis, non tantum unius alicujus, sed neque omnium simul potuerit, sed necesse fuerit parem Deo in dignitate personam reconciliatricem, satisfactricemque ad id intervenire, quæ nusquam exstabat, nisi apud solum offensum læsumque Deum: hoc satis sciens Pater cœlestis, misericordiâ purâ ex sese motus, super homines pereuntes, perditosque æternaliter, dedit Filium suum unigenitum, coæqualem, coæternum, consubstantialem sibi, dedit, inquam, in redemptionem, & salutem mundi, fecit illum incarnari, similem hominum per omnia absque peccato fieri, ei que imposuit peccata totius mundi, præterita, præsentia, futura: dedit etiam illi præceptum moriendi pro nobis, peccataque nostra expiandi, Majestatem suam

suam læsam, iramque & justitiam reparandi, ac placandi, nosque cum Patre in gratiam revocandi, ac de diaboli servitute eruendi, decretumque ac chirographum mortis rescindendi. Cui Patris mandato usque adeo Filius non contradixit, ut etiam ultro ac sponte, propter amorem reverentiamque Patris, propter miserationem & liberalitatem erga nos, mortem acceptaverit, subierit, omnemque salutem nostram operatus sit, atque consummaverit. Sic ergo peccata nostra radicaliter & occasionaliter occiderunt Christum, sic sumus omnes Christicida, & rei sanguinis ac mortis ejus, quia aliter aboleri peccata nostra non poterant, nisi sanguine & morte ejus. Atque ita Passio Christi, est effectus peccatorum nostrorum omnium.

2. Est verò præterea Passio Christi, effectus charitatis & miserationis Paternæ super nos.

3. Est quoque effectus Voluntatis ejusdem Æterni Patris, quâ imperavit Christo mortem pro nobis.

4. Est adhuc Passio Christi effectus bonitatis, charitatis, miserationis, liberalitatis ipsius Christi erga nos.

5. Obedientiæ autem & reverentiæ, & charitatis erga Patrem.

6. Est quoque effectus malitiæ & invidiæ demonum, ac Iudeorum: quorum manus, dum suo incumbabant scelere, famulata sunt Salvatori.

7. Super omnia porro consideranda est Passio Christi, secundum quod est effectus peccatorum meorum propriorum, etiam horum, quibus Christum offendo: ac per hoc nihil aliud ago, quam quod non satis mihi sit fuisse olim reum mortis Christi, nisi etiam hodie, & quotidie idem facinus repetam, iterumque & iterum Christum crucifigam. Ob quod, quantos exitus aquarum deducere debent oculi mei? Quis dabit capiti meo, aquam, quæ flumina, fontes, aut maria satis erunt ad expiandam malitiam meam, peccatorumque meorum, nec dum cessantem à Deicidio? & cum jam Christus, per gloriæ statum mori non possit, adhuc tamen, quantum ex mea recenti præsentique malitia, peccatis meis quotidie & assidue crucifigitur, & omnes Passionis suæ calamitates per me repetitas sustinet. Pro! quando tandem

erit
modò
maliti

DE
R
Patiem
at poti
hæren
tione
autem
tium
amor
quam
illis ne
bis val
dier, eff
futura
mystica
non pr
magis
gister

Pris
ut tam
verè di
celi vi
suum
toto co
tus est
tate, at
pauper
perat
Secu
probra
re extu
sione,
Voluit

erit finis iniquitatis meæ? quamdiu cras, cras, quare non
modò, quare non statim etiam finis turpitudinis meæ, finis
malitiæ meæ, finis ingratitude meæ?

M O D V S XIX.

Decimus nonus modus Passionem Christi meditandi est;
Recogitare comites Passionis Christi, seu potius comites
Patientis Christi, quos ille in omni quidem vita sua habuit,
at potissimum in Passione sua individue sibi conjunctos ad-
hærentesque retinuit, idque non absque maxima exaggera-
tione dolorum suorum, alioqui summè arduorum Fuere
autem ejusmodi comites minimùm septem, quos operæ pre-
tium est, meditando cognoscere, atque propter exemplum &
amorem Christi Domini, sibi quoque adjungere, neque un-
quam sinè illis esse, in tota hac vita. Si enim Christus, absq;
illis nec ad momentum esse voluit in hac vita: profectò & no-
bis valde expediet, esse comitatos illis, valde autem non expe-
dient, esse desertos ab illis. *Nostra enim, nostra & omnibus pro-* *Chrysost.*
futura nobis, semper loquitur Christus, & ob corrigendos nos, Ser. 2.
mystica frequentat exempla Dominus. Neque potest nobis
non prodesse, quod ad instructionem nostram, & verbo, &
magis etiam exemplo suo, præcipere nobis dignatus est Ma-
gister noster **I-E S V S.**

Primus Comes Christi fuit Paupertas, ea quidem tanta,
ut tam nascens, quàm vitam agens, quàm denique moriens,
verè dicere potuerit Christus. Vulpes foveas habent, volucres *Matt. 3. 20.*
cæli nidos, Filius autem hominis, non habet ubi caput reclinet
suum. In Cruce siquidem moriens, pendulo capite, nudoq;
toto corpore mortuus, demum & alieno in sepulchro condi-
tus est. Fuit verò Christus pauper, sinè dubio quidem volun-
tate, attamen voluit videri omnino pauper necessitate, etiam
pauperculorum Parentum Filius, à quibus sola ad eum Pau-
pertatis hæreditas perveniret.

Secundus Comes Christi, fuit Contemptus, ignominia,
probra; quem Comitem sicut secum etiam ex materno visce-
re extulit; ita per totam vitam reliquam, ac maximè in Pas-
sione, & morte, usque ad sepulchrum secum circumduxit.
Voluit Dominus I-E S V S esse contemptissimus, ut fuit: fuit

autem

autem ita, ut nihil non ceciderit in eum contemptiōis, nihil infamiae, dedecoris nihil: in ipso contemptu contemptibilis fuit, omnesque eum merito despici crediderunt. *Vidimus eum despectum & novissimum virorum* (ajunt apud Prophetam) *& nec reputavimus eum*: & quis reputasset eum, qui fuit *vermis & non homo, opprobrium hominum*: & *abjectio plebis, parvulus in gentibus, & contemptibilis valde*. Quid contemptibilius eo, qui reputatus est insanus, furiosus, daemoniacus, stultus, impostor, pseudopropheta, seductor, mendax, scurra, seditiosus, blasphemus, pejor latronibus, furcifer, archipatibularius, ortu denique opificio, vitae genere, morte, sordidissimus, abjectissimus.

Tertius Comes Christi, fuit Dolor. Certè Dominus *Iesus* & fuit, & agnitus est *vir dolorum, ac sciens infirmitatem*. Pilati quoque iudicio dictus est. *Ecce Homo*, quasi dolorosissimus, neque mirum, quando Deus in eo posuit infirmitates omnium nostrum, an verò paucae sint totius mundi infirmitates, quisque iudicet. Fuit ergo vir dolorum, bajulus dolorum, centrum & locus, & sedes dolorum. Dolores enim omnes omnium nostrum pertulit in corpore suo, & in Anima sua. Idque potissimum in Passione & morte sua, quae non tam dolorosa, quam dolor ipse excessusque doloris fuit. Unde clamavit. *O vos omnes qui transitis per viam, attendite & videte, si est dolor, sicut dolor meus.*

Quartus Comes Christi, fuit Labor. Testatur ipse, vitam suam fuisse *in laboribus à juventute sua*: ac tota quidem Christi vita laboriosa fuit, sed maxime Passionis tempus, in quo Gigas ille omnes vires suas exhausit, & attrivit, portando peccata mundi, & laborando in peccatis nostris, magis etiam in peccatorum nostrorum poenis exhauriendis. Ostendit hoc sudor sanguineus, & aliàs sapius effusus cruor violentissimam sanè ratione, flagris, spinis, clavis, tusionibus, tossionibus, quem certè non expressere deliciae, sed labor plusquam giganteus. *Multo scilicet labore sudatum est à Christo, ut exiret ab uno quoque nostrum, nimia rubigo ejus*: & heu! necdum egressa est hactenus. Adam *in sudore vultus, pane vesci iussus est*; at Christus, nec in sudore sanguineo satis potest.

Quintus Comes Christi fuit, Sterilitas atque Inutilitas.

Etc-

Isaia 53.

2. 3.

Psal. 21.

7.

Abd.

V. 2.

Isaia 53. 3.

Thren. 1.

12.

Ezech.

24. 12.

Gen. 3. 19.

Etenim tam immanibus Passionis suæ sumptibus, quibus millia mundorum emere potuit, paucos solummodo electos, efficaciter emit. Moriens, vix unum fidelium habuit in mundo, ascendens in coelum 500. reliquit. Tantæ sementis, tantilla messis. Nec uberiorem hodieque messem habet Christus Passionis suæ; & non dico id de hominibus paucis, qui verè in eum credunt, sed dico etiam de credentibus ipsis, & credentibus quidem, ut videtur verè: qui tamen paucissimos atque sterilissimos ei fructus virtutum, perfectionis, amorisque repræsentant. De mille electis, vix una columba, vix una speciosa, vix una perfecta anima. Neque habuit in Passione sua Christus, ullum amariorem cruciatum, hac paucitate electorum, collatâ immensitati reproborum; & hac sterilitate ipsorum electorum, comparatione perfectorum. Propter quod optabat & siciebat alios novos cruciatus, ut augerentur electi, ut augerentur saltem perfecti. O Anima, quæcunque sortita es electionem! adde etiam perfectionem, & consummatam sanctitatem.

Sextus Comes Christi, fuit Ingratitudo. Quid enim fuit aliud Passio Christi, nisi ingratitude effectus? aut quam myrrham primam messuit Iesus in horto suo, sanguine, pœnisque rigato, & culto, nisi ingratitude? Omnium laborum, meritum, benefactorum Christi, hic fuit fructus, hæc messis: ingratitude. Neque id olim tantum, etiam nunc, nihil aliud reportat Iesus fructus ex nobis pro suis meritis, atque gratis, nisi unam ingratitude. Colligis sanè Domine Iesu à me, & ex me aliud nihil, quàm mala pro bonis, pessima pro optimis, ingratitude pro beneficiis, contemptum pro honore, odium pro amore, convitium pro laude.

Septimus Comes Christi fuit, Impedimentum seu Præpeditio. Parùm enim erat, quòd ipsi non reciperent Christum, etiam alios impediabant, ne reciperent; immo cogebant, ut abnegarent. Claudebant coelum sibi & aliis, nec ipsi introierunt, & alios non permisierunt. Denique causam procuratæ necis Christo, audi. *Videris (ajunt) quia nihil proficimus, ecce mundus totus post eum abiit.* Ne ergo abiret post eum mundus, statuerunt eum tollere de mundo. Et aliàs

*Lucæ 11.
52.
Ioan. 12.
19.*

a *Luca 11.* quidem & opprimebant os ejus, aliàs repleti zelo, b *precipere* eum volebant, de montis supercilio, aliàs c *Lapidare* tentaverunt, aliàs d *Civitate sua excluderunt*, aliàs decreverunt omnem eum fieri e *extra Synagoga*, qui confiteretur c *Ioan. 10.* eam esse Christum: tandem, negaverunt eum ante f *faciem* Pilati, petentes sibi virum homicidam dimitti, authorem autem vite interfici. Et fecerunt demum in eo, quacunque voluerunt, id unum totis conatibus nequitiae laborantes efficere, ut eraderetur nomen ejus de terra, & non memoraretur nomen illius in aeternum, sed sepeliretur inter mortuos sempiternos. Ita Christi & vita, & Passio, & mors, tota contradictio fuit, tota impeditio, tota laborum, doctrinae, exemplorum, meritum, sanguinis, dolorum, & mortis fuit evacuatio. Quae utinam etiam nunc non sit illi similis. Sed & nunc non minus, quam olim Christo, ejusque legibus, & moribus, & morti contradicitur.

Hos comites etiam sibi assumere debent semper, & ubique, veri Christi discipuli, atque sectatores. Non enim est discipulus *Matth. 10. 24.* supra magistrum, nec servus major Domino suo. Hos comites habere coguntur vel nolentes omnes illi, qui pie vivere volunt in Christo, qui aliquid laborare pro gloria Christi, qui aliquatenus supra vulgum altius vitae perfectionem sanctitatemque attollere volunt, qui alienae salutis bonum aliquod vel exiguum procurare, promoverique cogitant, illico enim talis quilibet, seminiverbius, turbator fratrum, seductor, novorum demoniorum annuntiator, illusor, insanus, in furorem versus, supplicio & cruce dignus, audiet. Hos comites, qui habere abnuunt apud se, is renuntiavit Christo, is non est dignus Christo, nunquam induet vel modicam similitudinem Christi, nunquam vel modicum aliquid faciet, dignum sua, vel proximi salute, ac perfectione, gloriâque Christi, sed erit semper arundo vento agitata, lepusculus, plebs invalida, inimicus Crucis Christi, & prope-modum, immo revera, antichristus; dicente Domino ipso, de tali quolibet. Qui non est mecum, contra me est. Proinde hoc signum sit, omnibus meditatoribus Passionis Christi, omnibusque profitentibus amorem & imitationem Christi, eatenus se utiliter & genuine meditari Passionem Christi, si hunc spiritum medullitus, reque

reque ipsâ, ex ejus consideratione hauserint, ut totum hunc Christi comitatum sibi faciant gratum, reddant familiarem, habeant perpetuum; *qui hunc spiritum Christi non habet, hic non est ejus.* Rom. 8. 9.

M O D V S XX.

Vigesimus Passionem Dominicam meditandi modus est; Expendere in ea 1. Opus. 2. Modum. 3. Causam. Expendit hoc suo more Bernardus, cujus verba proinde apponit.

[In Domini igitur Passione Fratres, tria specialiter convenit intueri: Opus, Modum, & Causam. Nam in opere quidem, Patientia; in Modo, Humilitas; in Causa, Charitas commendatur. *Patientia* autem singularis, quod videlicet cum supra dorsum ejus fabricarent peccatores, cum sic extenderetur in ligno, ut dinumerarentur omnia ossa ejus, cum fortissimum illud propugnaculum, quod custodit Israël, undique foraretur, cum foderentur manus & pedes, sicut Agnus ad occisionem ductus sit, & tanquam ovis coram tondente non aperuit os suum: non adversus Patrem murmurans, à quo missus fuerat: non adversus humanum genus, pro quo, quæ non rapuit exsolvebat: non denique contra populum ipsum peculiarem sibi, à quo pro tantis beneficiis, tanta mala recipiebat. Plectuntur aliqui pro peccatis suis, & humiliter sustinent: hoc ipsum tamen eis ad Patientiam reputatur, Flagellantur alii non tam purgandi, quam probandi, coronandique, & major in eis Patientia comprobatur, & commendatur. Quomodo non maxima censetur in Christo, qui in funiculo hereditatis suæ, ab his quibus specialiter advenerat Salvator, crudelissimâ morte mulcèbatur, sicut fur: nullum omnino peccatum, nec actu proprio, nec contractu, sed nec in quo crescere posset, habens: Ita ergo in opere habes Patientiam.

Nam *Modum* ipsum si diligenter attendas. Non modo mitem, sed & humilem corde cognoscis. Nempe in Humilitate, ludicium ejus sublatum est, cum nec ad tantas blasphemias, nec ad falsissima, quæ sibi obijciebantur crimina responderet. Vidimus (inquit) eum, & non erat ei aspectus.

Nec

*Fer. 4.
Hebdomad.
Panosa,
sem sancta, post
initium.*

„ Nec speciosum formâ præ filiis hominum, sed opprobrium
 „ hominum, & tanquam leprosum, novissimum virorum, pla-
 „ nè virum dolorum, à Deo percussum & humiliatum, ita, ut
 „ nulla esset ei species, neque decor. *Q* novissimum & Altissi-
 „ mum! ô humilem & sublimem! ô opprobrium hominum,
 „ & gloriâ Angelorum. Nemo illò sublimior, nemo humi-
 „ lior; denique sputis illitus est, opprobriis saturatus est, morte
 „ turpissimâ condemnatus est, cum sceleratis reputatus est.
 „ Nihilne merebitur vel ista Humilitas, quæ hunc habet mo-
 „ dum, immo quæ tam est ultra modum? Sicut est Patientia
 „ singularis, sic & Humilitas admirabilis, utraque sine exem-
 „ plo.

„ Vtramque tamen, magnificè *Causa* ipsa commendat.
 „ Nimirum Charitas est. Propter nimiam siquidem charita-
 „ tem suam, quâ dilexit nos Deus, ut servum redimeret, nec
 „ Pater Filio, nec sibi Filius ipse pepercit. Verè nimiam, quia
 „ & mensuram excedit, modum superat, planè supereminens

Ioan. 15. „ *vniversis. Majorem (inquit) charitatem nemo habet, quàm*
ut animam suam ponat quis pro amicis suis. Tu majorem ha-

Ad „ buisti Domine, ponens eam etiam pro inimicis. *Cum enim*
Rom. 5.

„ *adhuc inimici essemus*, per mortem tuam, Tibi reconciliati
 „ sumus & Patri. Quam alia videbitur esse, vel fuisse, vel
 „ fore huic similis charitati? vix pro iusto quis moritur, tu
 „ pro impiis Passus es, moriens propter delicta nostrâ, qui
 „ venisti gratis iustificare peccatores, servos faciens fratres, ca-
 „ ptivos coheredes, exules Reges. Nec sanè aliud aliquid Pa-
 „ tientiam hanc & Humilitatem æquè illustrat, quàm quòd
 „ tradidit in mortem animam suam, & peccata multorum
 „ tulit, etiam pro transgressoribus. rogans, ut non perirent.
 „ Hactenus Bernardus.

lib. 2.

Theol.

myst. Tr.

de mor-

ris. P. 2.

c. 16.

Hæc eadem tria Capita, aliter expendenda proponit ma-
 gnus Contemplator, Henricus Harphius; cujus verba sunt,
 quæ sequuntur. [Bernardus ponit tres gradus exercendi se
 circa Passionem Domini, qui ab eo vocantur Opus, Mo-
 dus, Causa.

„ *Primus gradus, Opus est.* Vt recogitemus Opus Passio-
 „ nis, ad habendam compassionem, utque participes efficiamur
 „ Passionis ejus, & gloriæ, istud spectat, ad homines acti-
 „ vos & incipientes,

Secundus

Secundus gradus, Modus est, recogitare Passionis suæ modum: scilicet quā abyssiāli humilitate patientiā, mansuetudine, & desiderio sit Passus, ita, ut in ejus Passione inveniamus perfectionem omnium virtutum, quas ad imitandum in ipsa considerare debemus, & istud respicit præcipuè proficientes.

Tertius gradus, Causa est, recogitare causam propter quam Christus Passus est, nempe immensam Charitatem, quam per hoc nobis voluit demonstrare. Et hanc meditari debemus, ut vicissim charitati charitate respondeamus, eāq; vehementer inflammemur. Et hoc præcipuè pertinet ad perfectos. Licet hunc Amorem oporteat in omnibus, & his, & aliis quibusque exercitationibus exerceri, ab omnibus, qui in bona vita, & in via Dei proficere volunt.] Hucusque Harphius.

M O D V S XXI.

Vigesimus Primus Passionem Dominicam meditandi Modus est: Colligere & conferre bona Christi, cum malis ejus: bona nimirum quæ fecit nobis, cum malis, quæ pro eis pertulit à nobis. Quem meditandi Passionem Christi modum, ab ipsomet Domino traditum discimus, quem apud Prophetam sic conquerentem scimus. *Retribuebant mihi* (inquit) *mala pro bonis, sterilitatem anima mea.* Revocanda ergo sunt bona Christi, quæ ab eo accepimus, & vicissim mala nostra, quæ illi intulimus, & ex hac collatione, tum nostri servatoris Patientiam, Mansuetudinem, Bonitatemque, tum nostram in eum malitiam, ingratitude, in justitiamque agnoscamus, ac desicemus, mala pro bonis & ipsi referentes ab aliis, æquanimiter tolerare discamus. Exhibeo totum hunc meditandi modum verbis sancti Gregorii. [Admonendi sunt ægri, quatenus Patientiæ virtutem servant, ut incessanter quanta Redemptor noster ab his quos creaverat, pertulit mala, considerent, quod objecta convitiis probra sustinuit, quod de manu antiqui hostis, captivorum animas quotidie rapiens, insultantium alapas suscepit; quod aquâ salutis nos ablueus, à perfidorum sputis faciem non abscondit: quod vocatione suâ nos ab æternis suppliciis liberans, ta-

Ps. 34.

12.

Greg. 3.

P. Pass.

cap. 13.

in fine.

„ citus flagella toleravit ; quòd inter Angelorum choros peren-
 „ nes nobis honores tribuens, colaphos pertulit ; quòd à pec-
 „ catorum nos punitionibus salvans, spinis caput supponere
 „ non recusavit : quòd æternâ nos dulcedine deebrians, in siti
 „ sua fellis amaritudinem accepit : quòd pro nobis Patrem
 „ (quamvis Divinitate esset æqualis) adoravit, sub irrisione ado-
 „ ratus tacuit : quòd vitam mortuis præparans, ad mortem (ipse
 „ vita) pervenit. Cur itaque asperum creditur, ut à Deo homo
 „ flagella toleret pro malis, si tanta Deus ab hominibus pertu-
 „ lit mala pro bonis ? Aut quis, sanâ intelligentiâ de percussione
 „ suâ ingratus existet, si ipse hinc sinè flagello non exiit, qui hic
 „ sinè peccato vixit ?] Hæc Gregorius, & bonis Christi in nos,
 „ mala nostra in Christum conferens, & simul quid ex hac col-
 „ latione utilitatis decerpendum sit ostendens. Non est verò
 „ difficile, majorem bonorum meritorumque in nos Christi
 „ Domini catalogum contexere, iisque omnibus, mala in Chri-
 „ stum nostra opposita, reperire. Quandoquidem & nos nihil
 „ boni, nisi à Christo, & ex Christo habemus impensum ; &
 „ Christus nihil malum aut pœnosum, nisi ex nobis, & à no-
 „ bis, persensit illatum.

M O D V S XXII.

Vigesimus secundus Passionem Domini meditandi, modus
 est : Mala & peccata nostra in Deum commissa colligere, & quæ pro his Christus in suo corpore supplicia pertu-
 lit, devotè dolenterque considerando, deplorare. Dubitari
 enim non debet, quòd Christus scelera nostra, ita in suo
 corpore portavit, ut ea dolendo expiaret, & expiando tol-
 leret : itaque debitores sumus Christo, & Passionis ejus, &
 expiationis nostræ, & quia ipse pro peccatis nostris, tam di-
 ra & tam indigna pertulit, & quia doloribus vulneribusque
 suis, nos à peccatis nostris abluit, abluendosque salvavit.
 Dupliciter autem potest consideratio ista fieri.

Primò quidem ita, ut is, qui meditatur, sua tantum pro-
 pria peccata contraponat Passionibus Christi, expendatque
 quibus suis peccatis, quas causaverit Christi Passiones ; &
 contra, quibus suis Christus passionibus, quæ ipsius pecca-
 ta expiaverit.

Secundò

11 pudicitis plenos, invidiâ infectos, &c. Sic studebam affigua-
 12 re & ostendere Christo omnia alia peccata mea, omnium
 13 membrorum meorum.

14 Auditis his omnibus cum magna patientia Christus, læ-
 15 tanter & cum jucunditate respondebat & ostendebat, quo-
 16 modo per ordinem ista omnia sanabat, & multum animæ
 17 meæ compatiendo dicebat. Ne timeas, neque desperes filia,
 18 quoniam si mille morbis & mortibus infecta esses, ac mor-
 19 tua, medicina, quam tibi ministrabo, sanari poteris, si tamen
 20 animæ tuæ & corpori ipsam applicare per devotionem vo-
 21 lueris. Infirmis enim Capitis quas dixisti, & multipli-
 22 citer ostendisti, propter quas Deo displices, atque doles in te,
 23 quas incurristi peccitando, lavando, unguendo, colorando, or-
 24 nando, crines torquendo, te efferendo, superbiendo, vanam
 25 gloriam querendo, propter quæ in profundissimum interni
 26 lacum deiici, ibique humiliari, & perpetuò tanquam vilis-
 27 sima reputari debebas, ego satisfeci & poenitentiam egi, atq;
 28 gravissimam poenam toleravi. Caput enim meum fuit tra-
 29 ctum, depilatum, spinis acutissimis punctum, arundine per-
 30 cussum, totum sanguine eruentatum, omni ludibrio & con-
 31 temptui viliter subjectum, & vili coronâ coronatum. Infir-
 32 mitatibus autem faciei, quas incurristi, similiter lavando,
 33 unguendo, hominibus miseris ostendendo, eorum gratiâ qua-
 34 tendo; ego medicinam confeci, & ordinavi, hoc est, pro pec-
 35 catis huiusmodi satisfeci. Nam sputis sordidissimis vilissimo-
 36 rum hominum, tota facies mea fuit inquinata, & deturpata,
 37 alapis gravissimis fuit funestata, panno vilissimo sordido fuit
 38 velata. Pro oculis etiam tuis, quibus respexisti vana, noci-
 39 va, fuisti que in ipso aspectu multipliciter delectata contra
 40 Deum; Ego satisfeci. Oculis enim meis amarissimas fudi
 41 lachrymas, illos velatos habui, sanguine denique à capite
 42 manante balneatos. Pro auribus tuis, quibus Deum offen-
 43 disti, audiendo vana & nociva, fuisti que in talibus delectata;
 44 ego maximam poenitentiam feci: nam auribus meis audi-
 45 multa, quæ multam & maximam tristitiam afferebant, scili-
 46 cet falsas accusationes, derationes, insultationes, maledi-
 47 ctiones, derisiones, subannationes, blasphemias, iniquam
 48 contra me sceleratiam, &c. *Pissimæ Matris meæ, mihi*
 49 *dole-*

dolorosissimè condolentis. Pro peccatis oris tui, & gulæ tuæ,
 quâ delectata es in comestatione, ebrietate, ciborum suavitæ-
 te, ego habui os, fame, jejuniis, siti quæ tabefactum, acero,
 myrrhâ, felle amaricatum. Pro peccatis linguæ tuæ, quam
 ad detractiones, calumnias, irrisiones, maledictiones, bla-
 sphemias, perjuria, mendacia, & alia peccata laxasti; ego ha-
 bui os meum, & linguam coram Iudicibus & falsis testibus
 clausum, nec habui in ore meo excusationem, sed pro male-
 factoribus meis Deum toto corde rogavi, & semper verita-
 tem prædicavi. Pro peccatis Odoratûs tui, quo in floribus,
 & odoribus delectata es; ego foetores abominabiles sputorum
 sentis, & super faciem, oculos, nares quæ meas toleravi. Pro
 peccatis quæ fecisti cum collo tuo, illud irâ, superbâ, & lascivi-
 â, agitando, & contra Deum extendendo; Ego habui col-
 lum meum, multiplicibus colaphis, & alapis verberatum.
 Pro peccatis scapularum & humerorum tuorum, quibus of-
 fendisti Deum, diversa contra Deum portando; Ego po-
 nitentiam feci. Crucem in qua suspensus fui, bajulando.
 Pro peccatis manuum tuarum, & brachios m, quibus mul-
 tos amplexus malos, & tactus, & mala opera fecisti. Ego ha-
 bui manus, crassis clavis transfixas, & in ligno affixas, & pres-
 sas, totum meum corpus in patibulo sustinendo. Pro pec-
 catis cordis tui, quo peccasti irâ, iracundiâ, invidiâ, tristitiâ,
 malo amore, malis concupiscentiis, & cupiditatibus; Ego
 habui cor & latus meum lanceâ acutâ transfixum, ex quo me-
 dicina validissima ad curandas omnes cordis passiones atque
 peccata sufficienter manavit. Aqua enim ad refrigerandum
 malas concupiscentias, & amores, sanguis ad remittendas ira-
 cundias, tristitias, rancores. Pro peccatis pedum tuorum,
 quibus peccasti, chorteando vanè & lascivè, ambulando &
 evagando; Ego habui pedes tortuosè non ligatos, sed trans-
 fixos, clavatosque in ligno Crucis, & pro talaribus rostratis
 & fenestratis, ego habui pedes sanguinolentos sanguine pe-
 dum ipsorum, totiusque corporis in eos defluente. Pro pec-
 catis totius Corporis, quo peccasti, illud deliciis, somnò, quie-
 tidando, & diversimodè delectando; Ego fui in Cruce af-
 fixus, terribiliter verberatus, in modum pellis tractus, & ex-
 tensus in Cruce, sudore sanguineo totus, usque ad terram ma-
 didus,

„ didus, & durissimo ligno strictissime applicatus, tandemque
 „ atrocissimo tormento ibidem laborans, clamans, suspirans,
 „ flens, plorans, ejulans, mortuus sum, & a crudelissimis inter-
 „ fectus. Pro peccatis tuorum ornamentorum, vestium super-
 „ fluarum, vanarum, curiosarum; Ego in Cruce nudatus sum,
 „ vilissimis hominibus vestes meas, sibi diripientibus, luden-
 „ tibusque in oculis meis, Ego nudus sicut de virgine natus sum,
 „ frigori, vento, aëri, omnium hominum aspectui in alto, ut
 „ melius viderer, & magis irriderer, & verecundiam paterer
 „ expositus sum & expansus. Pro peccatis tuarum divitiarum,
 „ quæ fecisti, malè acquirendo, ipsas expendendo, & retinen-
 „ do; Ego pauper fui non habens palatium, neque domum,
 „ neque tugurium, ubi nascerer, ubi vivens manerem; neque
 „ moriens sepulchrum habuissem, sed canibus & avibus fuisset
 „ dimissus, nisi quidam pietatis intuitu, & meæ miseriæ com-
 „ patiens, me in suum sepulchrum recepisset. Meum sangui-
 „ nem, meam vitam, hominibus peccatoribus sum largitus,
 „ & adeo nihil mihi retinui, sed in vita & morte semper pau-
 „ per esse volui, & permansi. Quid plura? nullum peccatum,
 „ nullum Animæ morbum Assignare poteris, cui ego reme-
 „ dium non attulerim, pro omnibus satisfecerim sufficienter,
 „ & pro infinitis tormentis, ac doloribus, quos misera Anima
 „ tolerare in inferno debebat, pro supradictis peccatis, ego to-
 „ taliter dolui, tormentatus sum, & cruciatus. Quod si in
 „ negligentia tua non remaneat, amplius dolere te non oporte-
 „ bit; dum tamen mecum hic condoleas, mihi que compatiar-
 „ is, & pœnarum mearum, ignominiarum, paupertatis, de-
 „ spectuum, socia, dum hic vivis, existas.] Hæc Beata Ange-
 „ la: seu potius, ad illam, & ad omnes nos, Christus.

M O D V S XXIII.

Vigesimus tertius Modus Dominicam Passionem meditan-
 di est: Assumptis peccatorum nostrorum singulis spe-
 ciebus sigillatim, earum gravitatem, malitiam, periculum,
 pœnam ex Passionibus Christi, doloribusque, quibus ea spe-
 cialiùs expiata videri possunt, ponderare ac metiri, indeque
 ad scelerum quidem odium, & fugam, ad Christi autem,
 & dolorum ejus æstimationem, amorem, & gratitudinem,
 obedi-

obedientiam que se constanter provocare, Ad hunc medi- *Per. 2.*
 tandæ Passionis modum faciunt ista Divi Bernardi verba, *Albdo-*
 quæ adduco. [Dignus est Agnus, qui occisus est, accipere *ma.*
 fortitudinem, facere ad quod venit, tollere peccatum mun- *Penosa.*
 di. Ego autem dico peccatum triplex, quod invaluit super *seu de*
 terram. Putatis quodd dicere velim concupiscentiam carnis, *Passione*
 & concupiscentiam oculorum, & superbiam vitæ? funiculus *Domin-*
 triplex est, & difficile rumpitur, propterea multi trahunt, *num. 6.*
 immo trahuntur hoc funiculo vanitatis, sed ille Passionis ter-
 narius (Charitas scilicet tam inastimabilis, Humilitas tam
 admirabilis, Patientia tam Insuperabilis) non immerito præ-
 valet in Electis. Quomodo enim non illius Patientia recor-
 datio, omnem arceat voluptatem? quomodo non illius Hu-
 militatis consideratio, superbiam vitæ prorsus extundat, cum
 Charitas illa planè digna ejus meditatione, sic mentem oc-
 cupet, sic totam sibi vendicat animam, ut omni vitium
 curiositatis exsufflet? Fortis igitur contra hæc Passio Salva-
 toris. Sed aliud ego triplex æquè peccatum, quemadmodum
 virtus Crucis expugnat, dicere cogitavi: & id fortè utilius au-
 diatur. Primum quidem *Originale*, secundum *Personale*,
 tertium, *Singulare*. Et Originale quidem, maximum illud
 delictum vocatur, quod à primo Adam contrahimus, in quo
 peccavimus omnes, pro quo morimur universi. A primo ho-
 mine usque ad novissimum protenditur, & in singulis quoque
 à planta pedis, usque ad verticem diffunditur hoc venenum.
 Sed & aliter nihilominus, in universam dilatatur ætatem, ab
 ea scilicet die, quâ sua quemque concipit, usque ad eam, quâ
 communis eum recipit mater, ut nobis illud sancti Iob ex
 omni parte possit aptari. Homo natus de muliere, brevi vi-
 vens tempore, repletur multis miseriis. Nimirum ipse quoque
 natus ex virgine, immo factus ex muliere, sed benedicta in
 mulieribus, etiam brevi vivens tempore super terram, nihilo-
 minus multis est repletus miseriis, in illa brevitate appeti-
 tus insidiis, interrogatus contumeliis, pulsatus injuriis, ve-
 xatus suppliciis, convitiis lacessitus. Tunc hanc sufficere
 dubites obedientiam, quâ reatum omnem primæ pravaria-
 tionis absolvat? immo verò non sicut delictum, ita & do-
 num? Nam peccatum rex ubi in condemnationem, gratia

„ aut ex multis delictis in justificationem. Et grave quidem.
 „ omnino delictum illud originale, quod non solum personam.
 „ infecit, sed etiam naturam. Personale tamen cuique gravius.
 „ est, cum jam laxatis habenis exhibemus undique membra.
 „ nostra arma iniquitatis, peccato, non modò jam alieno, sed
 „ & proprio crimine compediti. Singulare verò, est gravissi-
 „ mum, quod commissum est in Dominum Majestatis, cum
 „ viri impii, virum justum injustè occiderunt. Et sacrilegas
 „ manus in ipsum Dei Filium, iniecerunt, crudelissimi homici-
 „ dæ: (immo si fas est dicere) etiam Deicidæ. Quid duo præ-
 „ cedentia, ad tertium? Ad hoc expalluit, & expavit tota ma-
 „ china mundialis, &c. Sic omne peccatum, quantum ad
 „ hoc peccatum, est quasi non peccatum. Et tamen hoc pec-
 „ catum in se pertulit, qui se ipsum fecit peccatum, ut de pec-
 „ cato damnetur peccatum; per hoc enim omne peccatum
 „ tam originale, quàm personale deletum est, & ipsum quoque
 „ singulare, eliminatum est per se ipsum. Argumentum mihi
 „ est, à maximo, quòd duo minora sunt explosa.]

Haftenus Bernardus, ejus verba alicubi intercesa sunt
 brevitatis causâ, & videri apud eum possunt, reliqua quæ se-
 quuntur.

Hunc in modum acceptis septem mortalibus peccatis,
 possunt iis septem partes Passionis Christi opponi.

I. *Superbia*, & inani gloriæ, ambitionique honorum.
 Humilitas Christi, in Horto Patrem orantis, examen de do-
 ctrina & discipulis, Nocturnæ injuriæ, & blasphemiæ: illu-
 soria corona, purpura, arundo, postpositio ad Barabbam,
 medium inter latrones, Crux, & titulus Crucis.

II. *Avaritia*, & Cupiditati bonorum terrenorum, Pau-
 perestas usque ad nuditatem toties repetitam, direptio vestium,
 sindon, aromata, sepulchrum, omnia aliena, & ex miseri-
 cordia tantum impenfa.

III. *Luxuria*, Delictis, inverecundiæ, Nocturnæ apud
 Caiphæ poenæ, flagellatio immanis, nudatio, ex ea confu-
 sio Christi, tam in flagellatione, quàm in aliis occasionibus,
 ac potissimum pendendo in alta Cruce, totius Corporis la-
 cerationes ac vulnera.

IV. *Gula*, Fames & sitis Christi, acetum, fel, vinum
 myrrhatum, felle mistum.

V. *Ue,*

V. *Ira*, Iracundiæ, impatientiæ, Mansuetudo Christi, & occurfus spontaneus hostibus. Hæc est hora vestra. Injuriz atque blasphemiz infinitæ, vincula, verbera, contemptus, dolores, falsa testimonia, iniquissimæ & malitiosæ condemnationes. Obfirmatum in omnibus silentium, nullum querulosum, aut pungens, aut confundens verbum. Oratio pro inimicis, eorumque excusatio apud Deum. Mors æquæ iniquissima, ac crudelissima, probrosissimaque.

VI. *Invidia*, Tota Passio & mors pro eorundem ipsorum salute obita, à quorum scelere manibusque obita. Dolor de peccatis, perditioneque eorum qui in se peccabant. Oratio pro eisdem. Tota item Passio, ex invidia tum diaboli, tum Iudæorum, Christo constata: quæ nec Pilatum latuit, sciebat enim quod per invidiam tradidissent eum, in manus suas. Insultationes, quas jam pendens in Cruce sustinuit, à gaudentibus de suis malis, inimicis omnibus suis. Mors denique & sepultura, quibus quantum ad mentem hostium, nomen ejus abolitum erat funditus de terra.

VII. *Acedie*, Pavor, mœror, tœdium, agonia, sudor sanguineus, oratio prolixior, somnus discipulorum, Simon dormis? sic non potuistis unâ horâ vigilare mecum? fuga discipulorum, frigus, & de longinquo sequela Petri, ejusdem trina negatio, fervor furiosus, furorque fervidissimus, & constantissima malitia Iudæorum, in suæ mortis siti & cura. Stabant constanter accusantes eum: at illi magis clamabant, Invalecebant voces eorum, magis tumultus fiebat: demum universa multitudo exclamavit. Sanguis ejus super nos, & super filios nostros. Fervor Charitatis Christi, constantia, diligentiaque in omnibus explendis consummandisque scripturis usque ad Consummatum est: immo usque ad plurius malorum tolerandorum pro nostra salute, gloriaque & obedientia Patris sitim; denique usque ad ultimam spiritus traditionem in manus Patris Aeterni.

Hunc in modum, etiam peccatis quinque sensuum Corporis, peccatis Potentiarum Animæ, peccatis in virtutes Theologicas, & Cardinales, peccatis in decem præcepta, peccatis in opera misericordiz, in octo beatitudines, conferri possunt aliz alizque portiones Passionis Dominicæ, quibus &

ipse

ipsa causata, & illa expiata sunt, per sapientissimam, misericordissimam, efficacissimamque Christi Domini charitatem, Passionisque Dignitatem. Ex quorum omnium consideratione: odium peccatorum, astimatio & amor Passionis, Patientisque Christi, Gratitude, Imitatio, aliorumque affectuum, nec non virtutum exercitatio discenda, proponenda, & exercenda, & omnibus peccatis nostris medicina desumenda erit. Ad quod etiam propositum, servit efficacissima illa Divi Augustini Meditatio. [Ostenditur (inquit) nobis ad quam fragilitatem homo suam culpam pervenerit, & ex qua fragilitate divino auxilio liberetur. Itaque Filius Dei hominem assumpsit, & in illo humana perpeccus est. Hæc medicina hominum, tanta est, quanta non potest cogitari.

*August.
tomo 3.
de Agone
christiano
cap. II.*

„ Nam quæ superbia sanari potest, si humilitate Filii Dei non
 „ sanatur? Quæ avaritia sanari potest, si paupertate Filii Dei
 „ non sanatur? Quæ iracundia sanari potest, si Patientia Filii
 „ Dei non sanatur? Quæ impietas sanari potest, si Charitate
 „ Filii Dei non sanatur? Postremo quæ timiditas sanari po-
 „ test, si resurrectione Corporis Christi non sanatur? Erigat
 „ spem suam Humanum genus, & recognoscat naturam suam,
 „ & videat quantum locum habeat in operibus Dei. Nolite
 „ vosmet ipsos contemnere, nolite tamen amare carnalia, nolite
 „ amare temporalia, quæ si bene amarentur, amaret ea ho-
 „ mo, quem suscepit Filius Dei. Nolite timere contumelias,
 „ cruces, & mortem, quia si nocerent homini, non ea patere-
 „ tur homo, quem suscepit Filius Dei.] Ad hunc ipsum modum
 „ faciunt verba Divi Gregorii Nazianzeni, omnibus malis no-
 „ stris impedimentisque salutis, medicinam in vita & Passione
 „ Christi assignantis, hoc modo:

*Orat. I.
Apologe-
tica.*

„ Huc exinanita Deitas, huc assumpta caro, huc nova illa
 „ mixtio; Deus inquam & Homo. Vnum ex utroque, & utrumque
 „ per unum. Ob hanc causam Deus animæ interventu carni
 „ junctus est, ac res inter se disjunctæ, ac dissidentes, per inter-
 „ positam rei, cum utraque earum, affinitatem & cognationem,
 „ copulata sunt. Atque omnia propter omnia, & pro uno illo,
 „ generis nostri principe, in unum coierunt. Anima nimirum
 „ propter eam, quæ præcepto Divino, minimè paruit. Caro
 „ propter eam, quæ animæ cupiditati obsecuta est, simulque

conde-

condem-
 pter eul-
 ac præ-
 stitutu-
 num sta-
 quæque
 myster-
 tiam co-
 generat-
 propter
 pter Pa-
 cuæ, p-
 Ideo
 prædi-
 canen-
 nera
 circo
 coron-
 cit. lo-
 magn-
 & cur-
 puli in
 Ideo
 num
 exten-
 missa
 eam,
 Ideo
 stum
 adve-
 adve-
 resur-
 H
 eran-
 tem
 gnu-
 inco-
 nus.

condemnata; Christus denique propter Adam, hoc est, propter eum, qui sub peccato factus est, is qui peccato sublimior ac præstantior erat. Ob hanc etiam causam, veteri novum substitutum est, & per Passionem, is qui Passus fuerat, in pristinum statum, revocatus: ac pro unaquaque nostrarum, unaquæque res, ejus qui nobis sublimior est, repensâ, novumque mysterium factum est, illa quæ circa eum, qui ob inobedientiam cecidit, per benignitatem contigit dispensatio. Idcirco generatio & virgo, idcirco præsepium & Bethleem; generatio propter effusionem, virgo propter mulierem, præsepium propter Paradisum, Bethleem propter Eden, res parvæ & conspicuæ, propter magnas & ab oculis remotas.

Idcirco Angeli, cælestis primum, ac deinde terreni gloriam prædicantes: & Pastores ob Agni, & Pastoris ortum, gloriam canentes, & stella præiens, & Magi sese prosternentes, ac munera offerentes, ut scilicet idolorum cultus everteretur. Idcirco Iesus baptismi aquâ tingitur, & superno testimonio coronatur, & jejunit, & tentatur, & eum, qui vicerat, devincit. Idcirco dæmones ejiciuntur, & morbi depelluntur, & magnæ prædicationis munus parvis hominibus committitur, & cum laude administratur. Idcirco gentes frementes & populi inania meditantes.

Idcirco lignum adversus lignum, & manus adversus manum: illæ inquam fortiter extensæ, adversus incontinentem extensam, illæ clavis confixæ, atque constrictæ, adversus remissam & solutam, illæ orbis fines conjungentes, adversus eam, quæ Adamum à Paradiso exturbavit.

Idcirco sublimitas, adversus lapsum; & fel, adversus gustum; & spinea corona, adversus pravum imperium; & mors, adversus mortem; & tenebræ, propter lumen; & sepultura adversus illam in terram reversionem; & resurrectio, propter resurrectionem.

Hæc omnia Divinæ cujusdam erga nos disciplinæ loco erant, infirmitatisque nostræ velut medicina quædam, veterem Adamum, eo, unde exciderat reducens, & ad illud lignum vitæ adducens, à quo scientiæ lignum intempestivè & incommodè perceptum nos removerat.] Hæc Nazianze-

M O D V S XXIV.

Vlgesimus quartus Modus Passionem Dominicam meditando, est tripartitus, sive tria materiarum genera completens, considerandaque assumens.

Materia I. sunt Christi Domini Passiones atque Injuriae, assumptae eo ordine, quo ab Euangelistis, Christo describuntur irrogatae.

Materia II. sunt vitia & peccata hominum, quae specialius & directius videantur fuisse causa, malemeritoria praedictarum Christi Passionum injuriarumque: & quae sint iisdem Passionibus à Christo expiata.

Materia III. sunt virtutes in iisdem Passionibus, ac injuriis Christi, seu potius in ipso Christo eas Patientem, singulariùs elucescentes, nobisque ad exemplum, & doctrinam propositae.

Harum Materiarum I. sic erit consideranda, ut praeter alios affectus effectusque, eliciatur amor, admiratio, gratiarum actio, erga Christum, qui nostras iniquitates, tantis suis arumnis redimere ad rigorem Iustitiae, sit dignatus.

II. Materia sic erit consideranda, ut ejus enormitas, malitia, poena, detestatio, odium, propositumque vitandi, & expiandi, validum concipiatur.

III. Materia sic erit consideranda, ut ejus heroica & absoluta Perfectio in Christo Domino elucescens agnoscatur, ametur, desideretur, ad imitandum instanter & sine dilatione proponatur. Exemplis res, aliquantum declaranda est.

I. Christus coepit pavere, coedere, contristari, & moestus esse, fuitque Anima ejus tristis usque ad mortem. Haec Christus subiit propter nostras Passionum immortificationes, concupiscentiarum rebelliones nobis familiares, & infinitorum peccatorum matrices. Timemus non timenda, non timemus timenda, &c. In his poenis elucet Christi dominium, in suas propassiones, & affectus: quibus semper usus est, ex dictamine praevis rationis; ex rationibus aeternis, ex voluntate Patris Coelestis, atque ita hic habemus propositum ad imitandum exemplar mortificationis Passionum, & domini affectuum nostrorum.

II. Ora-

II. Orauit Christus inter summas afflictiones, tam præfentes, quam mox imminentes, & oravit constanter, instanter, repetitò, flexis genibus, immo facie in terram: oravit modo perfectissimo, cum omnimoda resignatione.

Hoc Christus egit, & subiit pro nostra ad orandum Deum tarditate, & raritate, pro nostra in orando tepiditate, oscitantia, inconstantia, diffidentia, pro nostra in creaturis potius fiducia, quàm in Dei auxilio, pro nostris etiam ad dæmonum auxilium recursibus, potius quàm ad Deum, pro nostris irresignationibus inter orandum, pro nostra in adversis impatentia, murmutatione in Deum.

Elucet in his heroicus modus, usus, conatus, fructus orandi, ad Deumque confugiendi; hunc discamus, & imitemur.

III. Christus factus in agonia sudat sanguinè. Hoc Christus subiit, pro nostra laborum, difficultatumque, & incommoditatum fuga, pro pusillanimitate, & mollitie, pro tepiditate in agendo & patiando: pro exiguitate poenitentiarum, & satisfactionum pro peccatis, pro nostris conatibus, & fatigationibus in via propriæ voluntatis, & carnis, & diaboli, & omnis iniquitatis. Elucescit heroicus & admirandus conatus in laborando pro Dei gloria, pro nostra proximorumque salute, pro vincendis tentationibus, & impugnationibus, ut usque ad sanguinem resistamus, usque ad defatigationem, Christo serviamus.

IV. Christus ab Angelo confortatur. Nostram retundens superbiam, contumaciam, arrogantiam, stultitiam, quâ dedignamur vel à sapientioribus majoribusque ipsis instrui, consilium petere, vel accipere: malumusque errare quàm discere, pergere in erroribus, delictis, præcipitiisque, quàm videri ab aliquo instructi, vel alicujus indigi fuisse.

Docet nos Christus veram mansuetudinem, & mititatem, humilitatemque cordis, quâ se etiam minoribus, etiam simplicioribus submittit, sensumque suum faciliè relinquit. Docet nos amorem, gratitudinem, obedientiam, reverentiam, erga Angelos nostros, quos Deus vel custodiæ nostræ ordinariæ, vel instructioni extraordinariæ, destinare dignatur.

V. Christus licet ipse afflictissimus, & angustiatissimus, ad suos tamen revisit, excitat eosdem, ad orandum, vigilandum,

Ezech.
13. 18.

dum, tentationibus resistendum, adhortatur. Taxat, expiatq; Christus nostram, tum de nobis ipsis, tum de nostrâ curâ commissis, supinam oscitantiam; Dei causas relinquimus, ad nostra studia quotidie vacamus. Dissimulamus, fratres, filios, proximos nostros, perire. Cadit asina, & est qui sublevert, cadit Anima, & non est qui respiciat. *Consumimus pulvillos*, & cubitis peccantium supponimus. Docet Christus sic Contemperationis & MARIE studiis vacare, ut Marthæ negotia non negligantur: sic vacemus nobis, ut non desimus proximis, sed Deum etiam propter Deum aliquando relinquamus. Mansuetissimis etiam verbis & modis IESVS suos excitat: neque charitativam monitionem asperitate verborum corrumpit. Ostendit etiam, non esse satis, ut Deus pro nobis vigilet, alive, nisi & nos vigilemus, & oremus: & operam nostram, opi Divinæ subjungamus.

VI. Christus hostibus obviam procedit. Nos neque in eam partem torquere dignamur oculos, quâ hostem comparere credimus. Timor noster, pusillusque in adversis, ac arduis, quantumlibet, longè positus, animus à Christo arguitur. Docet autem Dominus veram nos fortitudinem, in Deumq; erectam fiduciam: qui in minimis sese vincit, ad obsistendum etiam magnis difficultatibus, molestiisque animum, immo & corpus firmat.

VII. Christus Iudam proditorem, & proditionem agere sciens, & amici nomine, & osculo, & paternâ dignatur monitione. Quotidie nos proditionis opera exercemus, in Christum, in virtutem, in conscientiam, in nostram professionem, Inconstanter, malignè, tepidè, dissimulanter agendo. Discamus invincibilem mansuetudinem, & non vinci à malo, sed in bono malum vincere, discamus etiam, de desperatissimis filiis, subditis, proximis, non desperare, sed eos in spiritu lenitatis ferre, sanare, monere, pro eis orare, plus illorum malitiâ, quam nostrâ injuriâ dolere: immo hanc nescire, ut illi medicinam possimus facere? Multos ægros occidunt medici corporales: sed non tot quot medici spirituales, ignorantia, ac præcipuè asperitate curationis. Ama, & dic quod vis.

VIII. Christi discipulus Iudas, fit proditor Magistri: & per osculum quidem, atque Magistri salutationem. Habet
suam

suam
ceritas
catus
pidiat
infidel
usque
maloru
laqueu
sima d
optima
pessim
glorie
hiones
bis, in
IX
retro.
biliri
sum:]
abieru
durum
git me
stinati
nis.

Do
maxi
nostr
ideo
us.
dunt,
retro
X.
braru
braru
catis
Capit
liber
Do

suam hic effigiem hypocrisis, adulatio, ingratitude, insinceritas, politicismus, perfidia, obstinatio in malo, & excæcatus cupiditate Animus. Tanti est minimarum rerum cupiditatibus non obstinisse; fur erat Iudas minutarum rerum, infidelisque dispensator commissorum fidei suæ; profecit ergo usque ad prodicionem Magistri & Domini sui. O verè *radix malorum cupiditas?* ò verè *qui volunt divites fieri, incidunt in laqueum diaboli, & desideria nociva.* Advertamus in sanctissima disciplina atque statu, in pessima proficere solere, qui in optima non nituntur. Vbi Ioannes optimus fuit, ibi Iudas pessimus evasit. Non ergo sanctitate statûs & professionis gloriemur, sed vitæ morumque integritate, statum & professionem exæquemus, alioqui in professione sancta, vita mala, bis, immo ter mala est, quia ferè desperata est.

IX. Ad vocem Christi [ego sum] hostes abeunt & cadunt retrò. Quâ voce allici debuère, eâ repulsi sunt: quâ voce stabiliri solebant discipuli, eâ prostrati sunt inimici: illud [ego sum:] audivère discipuli, & manserunt; audière hostes, & abierunt, atque ceciderunt retrò. Hoc est scilicet habere cor durum: hoc est esse gravi corde: hoc est illud: *qui non colligit mecum, dispergit; qui non est mecum, contra me est.* Obstinatio in malo, cæcitatibus est mater, consummatio perditionis.

Docet Christus adversitates in adversarios recidere, & iis maximè solisque graves ac exitiales esse: potest Deus amara nostra repellere, vel solo verbo: si tamen id non facit, non ideo in impatientiam eundum est. Omni peccatori, dicit Deus. *Ego sum.* Sed quidam ad Deum veniunt, & proni cadunt, ut David, peccavi, miserere: quidam à Deo fugiunt, & retro cæcè corruunt: ut Caïm, Saul, Iudæi, Iudas.

X. Christus datâ in se potestate, capitur à potestate tenebrarum. Omnis qui peccat, & Christum in potestatem tenebrarum secum unâ tradit; procul enim à luce est, qui in peccatis est. Captivat Christum omnis, qui inveterascit in peccatis suis, & ex voluntate necessitatem sibi peccandi inducit, Captivitate quoque suâ, Christus carpit inordinatam nostram libertatem, ejusque amorem,

Docet subjectionem captivitatis suâ Dominus. Si enim non

1. Tim. 6.

10.

1. Tim. 6.

9.

Matth.

11. 30.

dedecuit Christum propter nos capi, nec nos dedecet propter Christum subijci.

XI. Christo relicto discipuli fugiunt omnes. Socii mensa multi; & inconstantes facile sunt: socii vinculorum, compedum, Crucis; nullus est. Inconstantia, mutabilitas, cognatum humanæ fragilitati malum est: fugere à Christo capto, humiliato, nobis quotidianum est. O quàm miseri sunt profectus, quàm fragiles firmitates nostræ: si vel capiatur tantum nobis Christus, si tantillum solita nos deserat consolatio, Deive præsentiæ gustus, continuò relicto Christo, fugimus omnes.

Audeamus aliquando sumptu nostro servire Deo, subtrahito etiam consolationis lacte: & condiscamus tunc maxime adhærere Christo, quando maxime instant qui nos avellant à Christo. Avellere ab illo nemo potest nisi volentes avelli; nisi parum bene adhærentes; infirmè adhærent, qui spe tantum successus adhærent: qui suâ virtute nixi: qui proprii cuiuspiam solatii, honorisve intuitu adhærent. Ille firmiter adhæret; qui sibi diffusus, gratiæ autem innixus, non tantum pati vult cum Christo, sed etiam ideo pati vult, quia adhæret Christo: maxime autem ille, qui pati vult, tanquam non adhæret Christo.

XII. Petrus gladio defendens Christum.

Hic zelus est non secundum scientiam, hoc est nescire cuius spiritus sis, hoc est noxiè pro innocentia sua, alienave zelare: hoc est nescire tempora agendi & patiendi.

Zelus omnis, maxime autem justus mansuetudine armandus est, hunc gladium si non habet, ferire & perdere potest, sanare & salvare non potest. Pius Samarita vinum oleo temperat.

XIII. Examen Christi apud Annam de doctrina, de discipulis.

Profunditatem cordis & occultationem nostri redarguit Dominus: laboramus hoc malo & multi, & perniciosè; vulnera carnis nisi pateant curam non habent: vulnera mentis nisi manifestentur, ruinam animæ accelerant. Nemo sibi in sua causa sapiens satis est. Christus ipsa sapientia examen subit, nos qui filii stultorum, & ipsa stultitia sumus, à ratione nostri

nostri reddenda abhorremus. Et quod miserius stultiusque est: cum alibi noxiæ, & sine fructu de malis nostris gloriemur, apud Christi Vicarios perditè erubescimus, & latere gaudemus.

Amare nos docet I E S V S claritatem conscientiar, cordisq; perspicuitatem. Nulla enim ratione certiores sumus de regimine Dei providentiaque circa nos.

X I V . Alapa infligitur, respondenti I E S V , à ministro assistente.

Hæc alapa, adulationis, præcipitationis, inscitia, temerarii iudicii, procacitatis est. Est & eorum, qui quæcunq; ignorant blasphemant, quid enim servulus iste de Christi responso iudicaret?

Disceremus ô utinam, ab hac Christi injuriosa alapa, iudicium nostrum frenare, cohibere, regere, & dum res non planè liquet, suspensum tenere. Omnibus diebus experimur, & sæpius etiam, nos iudicio nostro falli, aliamque longè consilii & facti alieni rationem, quàm nos opinabamur deprehendimus fuisse, neque tamen ab hac experimenti assiduitate, verecundiam iudicii nostri discimus, frenumque censuris ponimus. Discamus etiam pati censuras, & iudicia aliena; & mansuetudine indignationem frenare. Quid sit difficilius virtuti: ferre iudicium ab aliis, an non ferre iudicium de aliis, valde ambigi potest.

X V . Falsis testibus Christus oppugnatur.

Impotentia iræ, ac odii, Invidentia alieni boni, mendacia, calumniæ, convitia, perjuria, iustitiæ, ac æquitatis perverfio, impotentia affectûs, sicut omnia in Christum exeruere vires suas: ita per ejusdem Innocentiam & Patientiam amissere vires suas.

Veritati & Innocentiæ inniti tutissimum est. Iniquitas & Falsitas ipsa se evertit, maximè quando Patientia, & Modestia, & Oratio ejus fluctibus opponitur.

X V I . Christus adjuratus per Dei nomen, respondet.

Mendacia nostra, perjuria, occultationes nostræ, & aliorum, iniquas, adjuratione sui Christus punivit.

Reverentiam & confessionem Divini nominis etiam cum periculo proprio faciendam docuit.

X V I I . Christus reus mortis.

Hac in

Hac in Christum censurâ decretoriâ, palpata est nequitia potentis, ab inferioribus & adulatoribus. Temerarium etiam iudicium quid posset, probavit, nec non voluntarius error, & placendi studium, metus displicendi, & pro æquitate sententiam ferendi. Et quid hisce malis inter nos familiarius, maxime quando causa agitur Christi, estò quidem innoxii, sed tamen odiosi, pauperuli, derelicti, adiutorem & protectorem non habentis: propter veritatem, propter noxas nostras, vitâ, moribus, verbisque reprehensas in odiû Magnatum adducti?

Non curanda hominum quantumvis dura, & firma, communiaque iudicia, innocentiam docet damnatus innocens IESVS, sed neque ut evitari possint, ulli virtuti sperandû esse, exemplo instruit idem IESVS. Quæ enim virtus tam alta sit, ut ad eam vel dens, vel oculus, vel afflatus livoris non pertingat, quando ad altissimi ipsius virtutem pertigit? Quin immo optandas esse virtuti censuras invidorum, docuit IESVS, qui in his etiam beatitudinem virtutis sitam veritatis ore asseruit. *Beati eritis cum maledixerint vobis homines propter nomen meum.*

Matth.
5.11.

XVIII. Petrus Christû negat in medio aulae & militum. Præ familiaritatis & aulicæ conversationis hi sunt fructus. Negare Christum, mentiri, pejerare, de malis in pejora ruere, virtutis professionem erubescere. Neque prosunt gallicinia quidquam, nisi oculi IESV accedant cor vulnerantes, & foras ejicientes de medio nationis prævaræ.

En quàm proficuum recordari verborum IESV? quàm salubre in oculis esse IESV? Petri glaciem quam neque ignis, neque prunæ, neque galli cantus solvere poterant, una recordatio, unus oculi ictus, in lachrimas fluere fecit.

XIX. Nocturnæ injuriæ: quando Christus infinita nefanda passus, consputationes faciei, alapas, colaphos, conculcationes, genarum lacerationes, sannas, blasphemias, pugnos, tormenta, omnem denique potestatem tenebrarum.

Prævivere Majores ad scelera: & mox inferioris turbæ fœx, quasi ruptis repagulis, solutisque habenis, per omnia facinorosa exundavit: vix Principibus nequitiarum, omnia scandala gravia sunt, sed quæ à Majoribus ortum sumunt, ea solent esse maxime prægnantia & fecunda. Nocturnæ quoque im-

puritates,

puritas
Deum
Ha
gnita
it. per
hili
quid
sto, &
X
dum
O
glutier
tis, m
sanct
T
etiam
perpe
riam
exagge
tanqu
tis gr
XX
Vu
revere
& em
potest
nicav
Sta
tyrib
cui no
etiam
ter tra
re, qu
surgit
XX
No
illoru
eorum
consta

puritates, tenebrarum filia, quantum audere soleant contra Deum, ostenderunt ausis hisce suis in Christum.

Habemus mansuetudinis Christi tot inter nefandas indignitates invictæ specimen: habemus Humilitatis plus quam stupendum, in tanta Dignitate argumentum. Quid jam vilissimus homuncio, intoleranda & nimia se perpeti queritur? quid se nimium humiliari dolet? conferat se suaq; cum Christo, & reperiet se guttam contulisse Oceano.

XX. Iudei Christum prædamnatum à se, Pilato damnandum offerentes, metuunt contaminari ingressu pratorii.

O stulta malitia! ô hypocrisis maledicta! *excolans culicem, glutiens camelum*: non metuit contaminari sanguine innocentis, metuit ingressu domûs inquinari gentilis. Verè simulata sanctitas, duplex iniquitas. *Matth. 23. 24.*

Tunc valde laudabiliter errata minima vitantur, quando etiam ab enormibus delictis abstinetur: sed audacem esse ad perpetranda gravia, scrupulosum ad minuta, hoc sicut injuriam Dei multiplicat; ita vicissim meritam iram pœnamque exaggerat. A magnis ergo peccatis procul abesse, & minima tanquam maxima horrere, magnus ad summitatem charitatis gradus est.

XXI. Iesus stat ante Præsidentem, habitu rei.

Vulgatum hominum malum, majores magistratusque non revereri; hac suâ ante Præsidentem statuitione Iesus & expiat, & emundat: ostenditque quis honor debeatur iis, quos in potestate Deus posuit, & quibus authoritatem suam communicavit.

Stans Iesus ante Præsidentem, exemplo præit omnibus Martyribus suis: quibus & silentio suo meretur os & sapientiam, cui non possent respondere, omnes eorum adversarii. Habet etiam quo se soletur innocentia, quando vel iniquè, vel violenter trahitur ad tribunalia. Proprium enim est innocentia stare, quantumcunque fracta, collapsaque & depressa videatur, surgit adversus pondera.

XXII. Examinatur Iesus à Pilato.

Nox in Sole, nodus in scirpo quaritur: Et Iesus ignavia illorum arguit, qui scrutari vias suas gravantur: infringit & eorum arrogantiam qui factorum suorum rationem nemini constare volunt.

M

Tanti

Tanti est nosse semetipsum ; ut si ad notitiam tui venire nequeas, tuo ipsius examine, eam justè tibi emas alieno, etiam hostili scrutinio. Ad notitiam namque sui habendam veram : aut magno opus est Amico, aut magno Inimico.

XXIII. IESVS in aula Herodis.

Aulicissimos, curiositates, fastus, vanitates, stultitias, otiositates, adulationes, aliasque aularum pestes, ex aulis profligare IESVS cupiens: in aula etiam Herodiana stare voluit. An fortè quo loco, quàve conditione, Virtus, Pietas, Modestia, Innocentia in aulis essent futurae, suo in exemplo prae-monere justum duxit ?

Spiritualibus & Pietatem profitentibus viris, limina Magnatum non ambienda, neque frequenter calcanda sunt : nisi vel periclitari, vel contemptui haberi virtutem suam velint. IESVS etsi violenter ductus ad aulam, tamen irrisus est, & pro stulto iudicatus, quid si ultrò se ingessisset ? IESVS & Baptistà nemo major existit, neuter tamen in aula successum habuit.

XXIV. Veste albâ ridiculâ induitur apud Herodem IESVS.

Irrisio Virtutis & Innocentiae, illusio bonorum, & opera Pietatis exercitium propria sunt hujus mundi filiorum opera: adeò omni sanctitati inimica, ut efficacius telum nullum habeat diabolus, ad enervandam virtutem, etiam in proprio ejus regno; ferream enim virtutem esse opus est, quæ irrisionibus non expugnetur illusorum.

Qui ex illusionibus & persecutionibus, contemptibusque candidior fieri non didicit: hic delicatam teneramque se virtutem haberi ostendit; at qui gloriari in tribulationibus, gaudere in contumeliis, potest, hic togatam virtutem possidere, induereque demonstratur.

XXV. Nudatio Christi & Preparatio ad flagella.

Inverecundis sceleribus hæc poena debebatur. Nuditati nostræ hæc vestis parabatur.

Luctaturus cum diabolo nudus sit necesse est, ne si habeat unde teneatur facilè ad terram dejiciatur. Nuda virtus rara est, nuda paupertas, nuda Charitas, nuda Patientia, nuda Obedientia, ex mille vix una est: omnes ut plurimum super-vestiri amant, fugiunt spoliari. Pro magno habuit diabolus,

quia

quâ specie tenus tamen potest accipere loco. *Nonne tu Job. 1. 9.*
fr. p. a. ante Deum? nonne tu (Deus) valisti nam? Ergo
 etiam diabolus vestitam virtutem non æstimat, nudam, gra-
 tiamque requirit, ut inuariat.

XXVI. Flagellatio Christi.

Deliciis carnis, indulgentiæque sensuum, & omni volupta-
 tum confectationi, quâ scatebat humana lascivia, hanc ex fla-
 gellatione suæ innocentie medicinam confecit IESVS.

Quid satis persuadebit hominibus sensuum carnisque mor-
 tificationem, si flagellatus IESVS, eam nobis dulcem, amabi-
 lemque non faciet? si hæc non esset salubris, si mollicies car-
 nis non esset perniciosa, utique Christus hanc non castigasset,
 neque illam sustinuisset. Sustinuit tamen aded, ut dicat *to-
 tâ die se flagellatum, & castigationem suam à matutinis ipsis
 inchoatam.*

XXVII. Spinea corona, purpura, atundo, genuflexio.

Omnia superbiarum genera, hac inventione, plusquam
 crudeli, in se se Christus expiavit, quidquid ambitionum, glo-
 riarum, jactationum, æmulationum, judiciorum proprio-
 rum, aliarumque hujus generis pestium, in hominibus est,
 totum hoc istâ injuriarum Christi immanissimâ novitate ca-
 stigatum est.

Nunc demum dicit opere ipso omnibus nobis in spectacu-
 lum datus IESVS. *Discite à me, quia mitis sum, & humilis* *Matth.*
corde. Quid enim est. Ecce iste Homo IESVS, nisi gymna- *II. 29.*
 sium mansuetudinis, & theatrum humilitatis, & schola ab-
 negationis.

XXVIII. Barabbæ Christus collatus, & postpositus.

Nihil agitur ab omnibus sæculis in mundo, nisi collatio
 Christi & Barabbæ, nisi postpositio Christi ad Barabbam: jam
 inde à Paradiso ipso Christus Barabbæ est postpositus: neque
 degeneravimus etiam hodie ab ingenio majorum nostrorum;
 nihil agimus vilitius, quàm Christi infra Barabbam deje-
 ctionem. Et faciunt hoc etiam, qui se Christi appetitores
 gloriantur.

Vera Charitas, & seria cum Deo amicitia, Christum cru-
 belcit, Barabbæ, non dico postponere, sed etiam componere.
 Et quis quæso aurum luto componat? Injuriam facit auro,

M 2

quâ

qui illud componit luto : & non facit injuriam Deo, qui illum postponit cuilibet desiderio suo?

XXIX. Silet Christus usque ad miraculum Pilati.

Excusatio primæva, quâ perditî olim sumus, & quâ quotidie peccata peccatis cumulamus, hanc silentii legem an pœnam? Christo imposuit : quanquam omnia linguæ nostræ peccatorum genera, hoc ipso supplicio vindicata, credere convenit.

Vtinam amorem silentii, atque cultum, à Christi silentio discamus; ut nobis silere sit in desiderio, loqui in necessitate.

XXX. Persuadetur plebi, ut desideret necem Christi.

Etiâ hîc malum Majorum exemplum, innumerabiles *Sap. 6. 7.* infirmos, in scelus impellit : propter hoc *potentes potenter tormenta patientur.*

In omnem partem præsidium factæ prævalent : si mala sunt, omnes malos esse permittunt, immo etiâ cogunt, si autem bona sunt, omnibus quoque virtutis canonem, immo necessitatem imponunt.

XXXI. Pilatus timet Cæsarem, nisi damnet Christum.

Timor humanus, & respectus humanorum judiciorum, studium placendi, & gratiam favoremq; aliorum acquirendi, vel conservandi, gravissima est, communissimaque hominibus tentatio : cui non succumbere tam difficile quàm rarum est ; unde nullus est Deus, qui frequentius ab hominibus adoretur, & à pluribus, etiâ aliâs veri Dei cultum professis colatur, quàm idolum respectuum humanorum, quàm Deus qui vocatur. Quid dicent? In cultum hujusce Dei, Christus cecidit victima.

Quantas subeant jacturas bonorum suorum, æternorum in primis, mortales miseri propter respectus, & metus, & spes humanas ; & hoc Pilati exemplum, & innumera alia satis ostendunt. Poterat enim Pilatus, si voluisset tenere constantiam, ipsius Dei servatoris, servator esse, quod tamen amisit, quia in veritate non stetit, neque justiciam quam bonis exordis cœperat servavit. Hæc infelicitum in bono infirmitas, ad malum autem sectandum assiduitas : stimulo esse justis deberet, ut simili in oppositum ratione connitarentur ; ut nimirum timores hominum & respectus, susque deque habeant ; in bo-

no autem

no autem, immoti semper consistent, & Dei gratia, gloria, voluntatis, injuria, premiorum, suppliciorumque respectu, spe, metu, studio solidissimo teneantur. Turpe est enim constantius ab improbis idolum respectum humanorum adorari; quam à piis verum Deum coli, plusque percelli improbos timore vano ad perniciem, quam justos timore Divino ad salutem.

XXXII. Sanguis ejus super nos, & super filios nostros.

Furoris, odii, pertinacisque immanitatis, nullibi post natos homines speculum spectaculumque editum majus reor, quam in hoc populi Iudaici contra Christum effero clamore.

Vtinam verò tandem sibi familiarem vocem faciat Charitas piorum, faciat gratitudo redemptorum. Quid enim vel à scelere nos revocet, vel ad virtutem provocet efficacius: quam si perpetuò in memoria retineamus, quia sanguis Iesv est super nos, &c. Hæc vox zelum omnem acuet, hæc vox labores omnes dulces reddet: hæc difficultatum omnes asperitates complanabit, hæc vox omnium proximorum salutem animasque nobis pretiosas faciet: quoniam sanguis Iesv super nos & super filios, fratres, proximos nostros.

XXXIII. Condemnatur Iesvs ad Crucis mortem.

Quoties consentimus in peccatum, toties damnamus Iesvm, & adjudicamus fieri petitionem tentationum, tradimusque illum voluntati demonum, ut crucifigatur.

Condemnemus etiam aliquando nosmetipsos, nostrasque cupiditates ad Crucem, & abnegationem, & mortem spiritualem: adjudicantes de nobis, & iniquitatibus, ac voluntatibus nostris fieri petitionem Dei, tradamusque nos totos Voluntati & Gratia Divinae.

XXXIV. Bajulat Crucem Iesvs sibi in montem.

Ita conditi sumus: ut crucem bajulemus: sed hoc faciunt alii, fugiendo, odiendo, excutiendo, calcandoque crucem, recalcitrando contra crucem, per impatientiam, immodestiam, superbiam, præsumptam innocentiam, rebellemque proterviam: quod est nihil aliud, quam cruci addere crucem, & quidem gravi graviolem.

Portant alii Crucem exultando, & triumphando, & glorificando in tribulationibus, exaltando Deum in afflictione,

facientes proventum cum tentatione: at horum exiguus est numerus: & soli isti ad montem bajulant Crucem. Histamen vicini sunt, qui estò gementes, attamen modesti, & humiles & absque murmure subjiunt se Deo, & tollunt Crucem suam quotidie, & animas suas possident in patientia.

XXXV. Vinum felle myrrhâque mistum.

Non debuit gula, seu gulositas, intemperantiaque nostra in cibis & potibus sumendis esse impunita: quæ januam sceleribus ruinæque nostræ aperuit: ergo felle & myrrhâ purgatur in IESV, cui morituro vinum felle myrrhâque mistum porrigitur. Sed & quicumque benefacta corrumpunt malis admistis circumstantiis, morâ scilicet, acediâ, inobedientiâ, impatientiâ, complacentiâ, hi quoq; vinum felle myrrhâq; infectum Christo propinare noscuntur.

Bonum ex integra causâ cum sit, justè quod justum est persequendum, & bonum optimè peragendum est. Deus enim non usque adeò, quid faciamus, sed quomodo, & quanto cum affectu, quanta cum perfectione charitatis, quanto cum fervore exactionis faciamus, attendit & persolvit.

XXXVI. Vestium detractio, divisio, sortitio.

Detrahunt vestimenta Christo, eaque partiuntur sibi: *quicumque* gloriam debitam Deo arrogant suæ propria vanitati. *quicumque* opera Dei suæ appingunt industriæ. *quicumque* in patrimoniis sanguine Christi respersis & partis lascivunt, superbiunt, aut de iis prædas rapinasque agunt. *quicumque* Charitatem & unionem communem inter fratres, & pacem habentes jactis improbè discordiis discerpunt. Postremò *quicumque* in pauperes Christi duri & avari sunt.

Non infructuosa sunt vestimenta IESV: operiunt illa calefaciuntq; nuditatem, & geliditatem nostram, quin & ornant nos, & odorem nostri suavissimum coram Patre cœlesti spargunt: quin etsi quis vel tetigerit ea, statim sistit fons sanguinis nostri. O IESV largire nobis hæc vestimenta tua, aut tu Mater, quæ apud te domi habes indumenta fratris nostri, Filii tui, valde bona, indue nobis, & indutos introduc in conspectum cœlestis Isaaci, cum escis quibus libenter vescitur. Vestes Christi, merita Christi. Escæ Patri cœlesti gratissimæ, Imitatio IESV Christi: induamus Passiones & mores meritaque

taque Christi, & erimus acceptissimi in conspectu Patris æterni.

XXXVII. Crucifixio Iesv.

Ergo hunc melluit Iesvs pro omnibus bonis suis laboribusque fructum: tandem enim tandem crucifixus est, ab iis quos beneficiis suis non tantum cumulaverat, sed etiam quos beneficiis suis esse fecerat. O ingratitude, tu es continuata crucifixio, tu Crux perpetua Christi; A lignea illa trabe aliquando depositus est Christus mortuus: ab hac ingratitude nostra Cruce; nec gloriosus, nec beatus, esse liber potest. Propter quod etiam nostra in Christum ingratitude omnem nobis divinæ liberalitatis fontem obstruit.

Ore & corde non desunt qui compatiantur Christo, sed qui cum Christo cruci configi, qui stigmata ejus in corpore, & in spiritu portare desiderent, ac re ipsa portent, horum exiguus est numerus: perfecta & jugis mortificatio, tam paucos habet sectatores, ut omnes una crux capere possit.

XXXVIII. Christus inter latrones medius.

Malorum conversationi, & eum peccatis alienis communicationi hanc poenam deberi indicavit Sapientia incarnata, ut inter medios latrones ipsa sibi crucem designeligeret. Et revera nulla unquam malorum societas sine cruce Christi esse potest: nisi enim Christum crucifigeret, mala non esset.

Si latrones medium habent Iesvm: nullius ergo desperanda est salus & emendatio. Novit Dominus qui sunt ejus: etiam in patibulis electos habet, etiam ibi eos quærit, & apostatantibus, inque proditores degenerantibus discipulis illos substituit, atque de latronibus martyres facit. O Beatum te latro, qui prædabaris nuper, jam ipse in prædam Christi cessisti.

XXXIX. Iesvs crucifixus blasphematur ab omnibus.

Effera crudelitas & immitte cor ad condolendum afflictis, insultatio etiam & exultatio in aliorum, esto pauperum, esto inimicorum calamitatibus, detractio & irrisio virtutis alienæ: non aliorum sunt propria quam crucifixorum Christi: perinde enim sunt acerba coram Deo, ut istæ insultationes Iudeorum & gentilium fuere Christo.

Vt disceremus non ex ambire compassionem in nostris acerbitati

bitatibus: ut autem compati consuescereinus aliis in suis adversitatibus: hæc impropria pati cum humillimo silentio voluit Dominus & Magister noster Iesus: Sicut enim vulnerat Christum, qui afflictum exacerbatur ludibrio proximum, ita medicinam & solatium exhibet Christo, qui compati in malis posito novit proximo.

XL. Iesus pro inimicis orat Patrem.

Hac oratione omnes iras, odia, vindictasque jugulavit Dominus.

Eadem oratione veram charitatem inimicorum, quorum peccata etiam excusare non est gravatus, & super quos mansuetissimæ protectionis suæ nubem contra furorem Dei expandit, nobis ita Dominus indixit, ut luculentiore præcepto non potuerit.

XL I. In siti Iesus potatur aceto.

Dum bona malè facimus, tunc Christo acetum in siti propinamus. Malè autem bona sunt, quando agrè, tardè, repugnanter, oscitanter, ex usu, perfunctoriè, ad oculum, meru poenæ sunt.

Omnia nostra opera acetum sunt, & in Domini mensam inferri digna minimè sunt, si non condiantur Dei voluntate, meritum & charitatis Christi, atque fraternæ dulcedine.

XL II. Iesus à Patre derelictus.

Pusillanimitatis nostræ malo, à sua Dominus derelictione medicinam paravit: fecitque ac obtinuit, ne quis se à Deo derelictum queri posset. Itaque neminem deserit Deus: nisi ipse desertus sit à nobis.

Credamus & fidamus Deo, illique causas nostras committamus ex animo, & ipse faciet, quod voluntatis voluptatisque suæ, nostræ autem salutis effesciverit. Nunquam enim deserit nos & nostra Deus, nisi prius nos fiduciam & spem sustinentiamque nostram in ipsum amiserimus.

XL III. Consummatis omnibus moritur Iesus.

Peccatum cum consummatum fuerit generat mortem, tam peccatoris, quàm Christi; non enim moreretur peccator, nisi moreretur simul Christus, nec Christus moreretur, nisi prius moreretur peccator; propterea contestatur Dominus, nolle se mortem peccatoris, sed ut vivat: ut sic etiam simul ipse cum eo vivere possit.

Nemo

Nemo speret mortem in Domino, nisi consummaverit omnia quæ Divini placiti sunt. Monitum Domini est. *Cum omnia feceritis quæ præcepta sunt vobis, dicite, servi inutiles sumus.* Mortui sumus, mortui nobis, viventes Deo, ô amare; ô ire; ô sibi perire! ô ad Deum pervenire!

XLIV. Vulnètur in latere, & corde IESVS.

Qui peccatum peccato addit, is quasi jam mortuo IESV insuper latus & cor ferit.

Qui post peccati mortem ad poenitentiam compungitur, is mortui IESV cor aperit, unde vivificetur.

XLV. Deponitur IESVS de Cruce, & ungitur.

Qui aliorum peccata, quæ vel ex officio, vel ex charitate sanare, aut ut sanarentur ab aliis, suâ manifestatione facere poterant, celando & excusando incurata relinquunt: quid aliud agunt, quàm occisum Christum de Cruce deponentes ungunt? crudeliter misericordes: qui perdere malunt palpan-dò, quàm sanare lædendo.

Deponunt de Cruce IESVM & ungunt, illi, qui infirmum fratrem mansuetudine & charitate fovant, & in spiritu lenitatis instruunt ac sanant. Veri Samaritani ad instar: oleum vinumque affundentes, & curam vulnerati gerentes.

XLVI. Sepultura IESV.

In petra IESVM sepeliunt, advolutoque lapide claudunt & abeunt: qui postquam in profundum peccatorum venerunt, contemnunt, & duro impoentitiquè corde, omnem correctioni, & correctioni spem, viamque obstruunt.

IESVM in petra sepeliunt: qui quotidianis poenitentia operibus præteritas culpas ab oculis Dei abscondunt: quique constantia virtutis, & perfectionis solidæ, semel adeptam IESV possessionem, sese ad gratiam consummatæ perseverantiæ Deo disponunt.

M O D V S . XXV.

Vigésimus quintus modus Dominicam Passionem meditandi est; Constituere sese coram Dei iudicio, audireque accusationem sui, quam contra se instituat vel propria conscientia, vel aliqua alia creatura, una, vel plures: objecta potè sibi Anima diluat sanguine, vulneribus, doloribus, meritis,

N

virtuti.

virtutibusque IESV Christi Domini sui Patienti pro se. Elegantem formam talis meditationis legimus in libro revelationum sanctæ Mechtildis : quam ipsis verbis, quæ ibi sunt, describo.

*Lib. 1.
Cap. 2.
Revelat.
seu Spiritu-
alis
gratia
fol. 50.*

[Cum esset Beata Mechtildis in recordatione, quod Christus horâ primâ Præsidi judicandus adstitisset, dixit ad eam Dominus. Veni mecum ad iudicium, & assumens eam ante Patrem suum Cœlestem, statuit eam secum. Tunc omnes sancti, cum omnibus creaturis super eam sunt conquesti. *Seraphim* accusabant eam pro eo, quod divinum amorem, quo in corde fuerat accensa, sæpe in se per teporem extinxerat. *Che- rubim* proclamabant eam, eò quod secundum lumen Divinæ cognitionis, quo præ cæteris illuminata erat, non se regebat. *Throni* conquesti sunt, quod pacatissimum Regem eorum, qui thronum suum in ea firmaverat, sæpe inutilibus cogitationibus inquietando turbasset. *Dominationes* dicebant quod Regi & Domino Deo suo, se cum debita reverentia non subdidisset. *Principatus* Conquerebantur, quod Divinam nobilitatem, quâ ad Dei imaginem factâ est, nec in se, nec in aliis esset venerata. *Potestates* accusabant eam, quod se Divinæ Majestati cum tanta reverentia & tremore, ut dignum fuerat non inclinasset. *Virtutes* Conquerebantur, quod se in virtutibus sanctis debito modo non exercuerat. *Archangeli* dicebant, quod suavi Dei colloquio, prout debuit non intendisset, nec per Angelos, qui ei ministri deputati sunt, suavia & amatoria susurria ad dilectum suum direxisset. *Angeli* querulabantur quod eorum ministerio indignè uteretur. *Beata Virgo MARIA* conquerebatur, quod dulcissimo Dei filio, quæ sibi genuerat, infidelis exstitisset. *Apostoli* clamabant, quod eorum doctrinam, diligenti studio non fuisset secuta. *Martyres* dicebant, quod impatienter poenas & infirmitates in vita sustineret. *Confessores* eam accusabant, quod in Religione & in spirituali exercitatione negligenter egisset. *Virgines* querulabantur, quod tam amantissimum sponsum totis viribus non amasset. *Omnes Creature* simul conclamabant, quod eis indignè usa fuisset. Tunc benignissimus IESVS dixit ad Patrem. De omni querimonia ei objecta, ego ad singula pro ea respondebo, quia ejus amore me fateor captum.

Cui

Cui Deus Pater dixit. Et quid te ad hoc coëgit? Respondi-
 mea electio, qui eam ab æterno mihi prælegi. Tunc Anima
 confidens de gratia tanti fideiussoris sui, confidenter accepit
 eum inter brachia sua dicens ad Patrem. Ecce præsentō ti-
 bi Pater colende, humillimum Filium tuum, qui Tibi plenè
 pro me persolvit, quidquid deliqui per superbiam. Ecce præ-
 sento Tibi etiam Filium tuum mansuetissimum, qui pro me
 satisfecit quidquid peccavi per iram. Præsentō etiam Tibi
 Filium tuum amantissimum, qui est amor cordis tui: qui ple-
 nè supplevit, quidquid deliqui odio. Largisua ipsius libera-
 litas, omne quod Avaritia peccavi, exsolvit. Sanctissimum ejus
 studium, Acediam meam, emendavit: Summa ejus abstin-
 entia, omnem Intemperantiam meam supplevit: Ejus innocen-
 tissimæ vitæ Puritas, exsolvit pro me, quod malis cogitatio-
 nibus, verbis, vel factis deliqui. Ejus summa Obedientia, quâ
 factus est Obediens usque ad mortem, omnem Inobedien-
 tiam meam delevit: Ejus deinde Perfectio omnem Imperfe-
 ctionem meam excusat. Esto igitur sancte Pater Placabilis
 super nequitia mea, tantæ placationis receptâ hostiâ, & cle-
 menti pietate indignationem tuam averte à me, & recipe me,
 in gratiam sempiternam.] Hucusque Beata Mechtildis, cu-
 jus ad instar, etiam perfectissimus quisque meditationem de
 Passione instituit ex eaque patrocinium in Iudicio Divino sibi
 assumere, ad virtutemque & omnis Perfectionis studium, sti-
 mulos sibi met addere poterit: quod multò etiam utilius faci-
 ent imperfecti & peccatores in bonum animarum suarum, ut
 pote qui in sese longè plus materiæ reperient accusationis, &
 Iudicii apud Deum, si noluerit mentiri, aut blandiri iniquitas
 sibi.

Vigesimus Sextus Passionem Dominicam meditandi Mō-
 dus: conferre atque contraponere Christi Domini exina-
 nitiones & humiliations, & Passiones pro nobis susceptas, &
 ex nostro mutuatas, ejusdem dignitatibus, majestatibus, ple-
 nitudinibus ex suo, hoc est, ex Divinitate habitis, atque ex hac
 collatione, seu contrapositione multiplices Fidei, Spei, Fidu-
 ciæ, Venerationis, Exaltationis, Dilectionis, Gratulationis.

Admirationis, Gratiarum actionis, Supplicationis, Exultationis, Imitationis, simulque alios affectus haurire.

Collationis, contrapositionisque hujus specimen ostendo in Gregorii Nazianzeni Oratione 4. quæ est de Filio, 1. ubi totam ferè Christi vitam mortalem, & non tantum Passionem, tali contrapositione cum gloriis ejusdem decurrit. Verba ejus sunt.

[Ut uno, rem omnem, capite complectar, quæ sublimiora sunt Divinitati ac naturæ affectionum, & corporis experti, ac comoda: humilia composito, ac tuâ causâ inanito, & incarnato, immo etiam homini factio, & deinde exaltato, ut carnalibus tuis humoque affixis doctrinis everfis, sublimior esse, & cum Divinitate sursum contendere discas, neque rebus sub aspectum cadentibus inhæreas, sed in altum cum iis everharis: quæ mente considerantur, & quæ naturæ, quæ administrationis Christi ratio sit cognoscas. Fuit enim aliquando quum is ipse, qui nunc abs te contemnitur, supra te esset, qui nunc homo est, etiam non compositus aliquando erat. Quod erat permansit, quod non erat assumpsit. Erat in principio, & quidem sinè causa: quænam enim Dei causa fuerit? Nihilominus etiam posterius natus est, propter quandam causam: ea verò erat, ut tu salutem consequeris, qui contumeliâ ipsum afficis, quique propterea Deitatem contemnis, quod molem tuam in se receperit, per mentem intermediam, contubernio quasi carnis usus, & factus homo Deus ille inferior. Etenim temperamento quodam coaluit cum Deo, & factus est unus, cum vicisset illud, quod erat præstantius, ut & ipse tantumdem Deus fiam, quantum ipse factus est homo. Natus quidem est, sed idem etiam genitus erat: de sæmina quidem, sed eadem virgine: hoc humanum, illud divinum. Hinc Patris expers est, illinc Matris, totum hoc Divinitatis. Materno quidem utero gestatus est, sed idem agnitus à Propheta, qui & ipse materna in alvo gestaretur, quasi profliret coram Salvatore, propter quem factus erat. Fasciis est involutus, at idem remonstratus à sidere, à Magis cultu adorationis affectus. Solum quidem vertit in Ægyptum fugiens: sed idem Ægyptiis propria (idola) velut in exilium abigit. Nullam neque speciem, neque pulchritudinem apud Iudæos habebat, verum

Davidi

Davidi venustus erat formâ, supra cæterorum hominum libe-
 ros, verum in monte fulget, Helîâq; fit lucidior, hoc ipso nos
 arcanè deducens ad id quod futurum erit. Baptisatus quidem
 est ut homo: sed idem peccata solvit ut Deus: non quòd ipse
 Iustrialibus aquis egeret, sed ut aquas sanctificaret. Tentatus
 est ut homo, sed vicit ut Deus, sed fidenti ut animo simus hor-
 tatur, quòd mundum vicerit. Esuriit, sed idem aliquot mil-
 lia pavit, sed panis vitalis & cælestis est; sitivit, sed clamavit
 idem, si quis sitit accedat ad me & bibat, quin etiam promissit
 futurum, ut ex credentibus fontes scaturiant. Fessus fuit;
 sed idem fatigatum & oneratum est requies. Somno gra-
 vatus fuit: sed in mari fit levis; at increpat ventos: at Petrum
 efficit levem, cum jam mersatur. Dat vestigal, sed de pisce
 sumptum, sed imperat iis, qui vestigal ab ipso poscebant. Sa-
 maritanus audit, & obsessus à dæmone, sed idem servat eum,
 qui Hierosolymis descendebat, inque latrones inciderat: sed
 idem à dæmonibus agnoscitur, dæmones abigit, legionem spi-
 rituum mergit, fulguris instar Principem dæmonum cadem-
 tem videt. Lapidibus petitur, sed non capitur. Orat, sed idem
 exaudit. Lacrymatur, sed idem lachrymas sistit. Interrogat
 ubi situs esset Lazarus, erat enim homo: sed idem Lazarum re-
 suscitavit, erat enim Deus. Venditur, & quidem vili admodum
 pretio, triginta scilicet argenteis, sed idem mundum redimit,
 at magno sanè pretio, proprio nimirum sanguine. Tanquam
 ovis ad jugulationem ducitur, sed pascit Israël, & quidem
 modò universum orbem. Ut Agnus mutus: sed idem sermo
 est, per vocem clamantis in solitudine annuntiatus. Languo-
 rem sensit, vulneratus est: sed idem morbum omnem, omnem
 languorem curat. In lignum attollitur, affigitur, sed idem
 nos ligno vitæ restituit, sed latronem secum in crucem actum
 servat, sed tenebris involvit, quidquid usquâ cerneretur. Ace-
 tum potûs, sed cibi loco accipit: at quis? is ipse, qui aquam in
 vinum commutavit, qui gustum amarum sustulit, dulcitus
 ipsa, totusque desiderium. Tradit animam, sed potestatem ha-
 bet rursus eam sumendi: sed velamentum scinditur (nam super-
 na nobis ostenduntur) sed saxa rumpuntur, sed mortui ante
 tempus resuscitantur. Moritur, sed idem vivificat, ac morte
 mortem destruit. Sepelitur, sed idem resurgit. Ad inferos
 descendit;

descendit: sed idem animas sursum ducit, sed in Caelos ascendit, sed veniet ad iudicandos vivos ac mortuos.] Hucusque Nazianzeno digna verba, cuius sanctissimi Patris ad instar, devotus Passionis Dominicæ Meditator, omnes & singulas Christi dolentis & morientis miseras, per succedentes ac (ut Beatus Petrus loquitur) posteriores glorias, poterit veluti adimplere, seu adimpletas à Patre æterno gaudere, atque congratulari, quin etiam pro sua parte, tam suo, quàm omnium hominum, immo creaturarum nomine, affectuque partim quidem de miseriis compati, partim vero de gloriis congaudere, gloriasque cumulare, iisque miseras veluti compensare ac rependere, quin etiam (exemplo Apostoli Pauli) suis passionibus easdem adimplere, venerari, honorare, remetiri, prout unctio spiritus meditatorem plenius edocebit.

1. Pet. 1.

11.

Colos. 1.

24.

M O D V S XXVII.

Vide supra modum. 6.
Med. 4.
Parte introd.
§. 3.

Heb. 1. 3.

Vigesimus septimus Passionem Christi meditandi modus est: per applicationem sensuum interiorum animæ nostræ, ad singula Passionis Dominicæ mysteria. Dabo hunc modum, ipsis sapientissimi Patris Ludovici de Ponte verbis, qui eum sufficienter explicat his verbis. [Primum Oculis Animæ aspiciendò externam Christi Domini figuram, omnes ad compassionem permoventem: & simul interiorem Animæ ejus figuram, ex una parte adeò pulchram, ex altera adeò afflictam, & admirabor dolens, quòd *qui est splendor gloriæ Patris, & figura substantia ejus*, sit ob mea peccata ita deformatus. Deinde Audiendo internè blanda illa, & amore plenissima hujus Domini verba, clamores item duos adeò, & furiosos inimicorum ejus contra ipsum, strepitum colaphorum, flagellorum ictus, & malleorum, ut sentiam in corde meo, quòd sensit Christus in suo. Tertiò Interno odoratu percipiendo tam fatorem peccatorum, quæ mortem summo huic sacerdoti attulerunt, quàm sacrificii suavitatem, quòd ipse pro illis obtulit, & virtutum, quas ipse exercuit in hac adeò poenalis sua Passione; simulque perpendam, quâ ratione Æterni Patris ira fuerit hujusmodi sacrificio placata, qui in hujus reconciliationis signum, non jam arcum suum in nubibus, sed proprium filium arcus instar in cruce extensum posuit, pluen-

tem sanguinem, in signum fœderis inter se & terram. *Quar-*
to. Gustando etiam amaritudinem, & fel illud Christi Domi- *Gen. 9.*
 ni, acerbiter & mœrorem ex eis persentiendo, atque si cor- *13.*
 pore illa degustarem; Gustando item dulcedinem illius Amo-
 ris, quo omnia illa tolerabat, & quam Deus iis confert, qui
 aliquid amoris ipsius intuitu perpetiuntur. Et vehementer ad-
 mirabor in tanta amaritudine, tantam esse Amoris dulcedi-
 nem. *Quinto.* Demum interno Animæ tactu, contingam
 horrenda illa Passionis Christi instrumenta, rigorem & asperi-
 tatem funium, flagellorum, spinarum, Crucis, & clavorum,
 sentiens spiritu totum id, quod ipse Dominus in corpore sen-
 sit, & affectus eliciens, qui ex huiusmodi sensibus solent pro-
 venire.] Hactenus verba Ludovici, apud quem etiam fusior
 praxis ejus meditandi modi videri potest, eâdem Parte 4. Me-
 dit. de gestis in horto.

M O D V S XXVIII.

Vigesimus octavus modus Passionem Dominicam medi-
 tandi est: Assumere aliqua congrua sacræ scripturæ verba,
 ad eaque Passionem Christi reducere, & secundum latitudinem
 sensus, quem verba assumpta pati commodè possint, omnem
 Passionem considerando decurrere, piosque ac utiles & devo-
 tos affectus elicere atque depromere. Ejusmodi verba senten-
 tiæque esse possunt.

I. *Si in viridi ligno hæc faciunt, in arido quid fiet* viride, flo-
 rens, fructiferum, de Cælo radicem trahens, insitum ipsi Di-
 vinitatis glebæ: plantatum atque insitum Verbum à spiritu san-
 cto Christus est. In eo fecerunt quæcunque voluerunt: tam
 qui eum amaverunt, ut Pater Æternus, quàm qui oderant, ut
 dæmones & impii homines. In hoc viridi ligno faciunt hæc,
 quæ totius Passionis series historiaque clamat: hæc quæ in hor-
 to, hæc quæ in captivitate, hæc quæ in domo Annæ, hæc quæ
 apud Caiphæ, apud Pilatum, apud Herodem, apud colu-
 mnâ, hæc quæ in spinea coronatione, quæ in condemnatione,
 patibuli bajulatione, crucifixione, in Cruce facta esse scimus.
 Si ergo hæc tanta, tam dira, & fera immaniaque in viridi &
 innocenti, & innocentia sanctitateque ipsa faciunt, facit Iusti-
 tia, facit Misericordia, facit sapientia, facit Charitas, facit Bo-

nitas Dei; facit malitia, invidia, odium, furor Iudæorum & gentilium; facit culpa originalis & actualis omnium hominum. In arido ligno, in Synagoga, in uno quoque impio, in omni coetu impiorum, quid fiet? Aspice ô homo agnoscentem, & sanguineo sudore ac rore stillantem IESVM, & dic tibi ipsi; si hæc in viridi ligno, Redemptore, ac Deo meo Christo; in me arido, sterili, mortifero, pestilentiq; ligno, carduo, spineto, ramno; quid fiet? & sic deinceps meditationis filum protrahere licebit.

II. *Nolite flere super me, sed super vos ipsos flete*] Christus hæc loquitur omni Animæ, omni homini, iusto simul ac peccatori. Cogitas Christum in tœdio, pavore, molestia, usque ad mortem positum, audi illum tibi dicentem. Noli flere super me, sed super te ipsum fle. Super te, qui causam tantis angustis meis dedisti olim, & adhuc dare non desinis, super te ingratum, super te indignum, super te mala pro bonis retribuentem, super te, in obsequio meo, tam ratum, parcum, tepidum, super te tantis meis sumptibus emptum, ablutum, sanatum, super te tanto labore quaesitum, & à perditionis æternæ faucibus erutum. Et sic per reliqua Passionis Christi puncta procedendum erit.

III. Par Meditatio Passionis Dominicæ fieri potest, super illa Pilati ad Christum verba. Quid fecisti?

IV. Item super illa ejusdem Pilati ad Populum de Christo. *Ecce Homo.*

V. Item super illa Christi Domini ad Nicodemum. *Sic Deus dilexit mundum.*

VI. Item super illa etiam Christi. *Ut cognoscat mundus quia diligo Patrem, & sicut mandatum dedit mihi Pater, sic facio.*

VII. Item super illa Christi quoque verba. *Ego sum Pastor bonus, & animam meam pono pro ovibus meis.*

VIII. Item super illa unica Christi Domini voce. *Sitio*; quam à Christo pronuntiari cogitare licebit ad singula Passionis Puncta. Sinè dubio enim quidquid Passus est Christus in Corpore, & in Anima, totum ex immensa quadam siti passus est. Siti inquam Gloriæ Paternæ, siti explendæ voluntatis ejus omnis. Siti satisfaciendi Iustitiæ Dei ad æqualissimum redundantemq; rigorem. Siti abolendi peccati omnis. Siti tollendæ

lenda omnis inter calum & terram, inter Deum & homines
diffensionis. Siti redemptionis, sanctificationis, ablutionis,
sanationis, ditationis, beatificationis nostræ. Siti demonstnan-
da & effundenda in nos bonitatis, miserationis, charitatisque
sua. Siti explenda cupiditatis suæ, quâ ardebat ad humilian-
dum exinaniendumque se propter nos, ad saginandam quoque
patientiam interiùs & exteriùs, charitatem suam, tam erga Pa-
trem æternum, quàm erga nos. Siti denique exhibendi no-
bis omnimodi, omnium heroicarum virtutum, exempli, re-
linquendi quoque nobis quàm copiosissimi inexhaustissimique
meritorum suorum, & beneficiorum thesauri. Hanc sitim
omnem præviã præducemque Dominus IESVS secutus est
in omni puncto Passionis suæ. Hac siti arctatus dicebat ali-
quando suis. Baptismo habeo baptisari, & quomodo coarctior
usque dum perficiatur?

IX Par Meditatio fieri potest super illa Christi ad discipulos
verba. *Potestis bibere calicem, quem ego bibo?*

X. Par item fieri potest super illa Christi ad Matrem sub
Cruce sua stantem. *Mulier Ecce Filius tuus.* Potest enim quæ-
libet anima seu iusta, seu peccatrix, cogitare sibi dici à Christo
Patiente quodlibet doloris genus. *Mulier, Anima, Ecce Deus,*
ecce Redemptor, ecce Frater, ecce Sponsus, ecce Amator, ec-
ce Dilectus, ecce Pater, ecce Medicus, ecce Dominus, ecce
Rex, ecce Iudex, ecce Fidejussor, ecce Exemplar, ecce Pastor
tuus, ecce in agonia, ecce in sudore, ecce ad osculũ Iudæ, ecce
in vinculis, ecce in flagellis, ecce in spinis, ecce sub Cruce,
ecce in Cruce, ecce mortuus, ecce sepultus, &c.

Horum ipsorum verborum Christi ad suam Matrem medi-
tatione uti quispiam commodè potest, in recogitatione dolo-
rum Piissimæ Christi Matris, si nimirum decurrens ac desi-
gnans singulos Passionis Christi articulos, eosdem, vel potiùs
Filium in iisdem positum ostentans Matri dolorosæ dicat.
Mulier, Ecce Filius tuus. Quo genere meditationis dolorum
tam Christi, quàm Matris ipsius usum quempiam fuisse, &
nunquam à devotissimis lachrymis abstinere se potuisse, testis
est Ludolphus Carthusianus celebris vitæ Christi meditator.

Possent quoque eorundem verborum usus esse, in Meditatio-
ne Passionis Christi, ad Æternum Patrem ea referendo, & di-
cendo,

cendo, Pater Æterne; Ecce Filius tuus: ille unigenitus, ille consubstantialis, ille Deus de Deo, ille splendor gloriæ, & figura substantiæ tuæ: in tanta abjectione, in tanta obedientia, in tanto dolorum mari, in tanto crucis probro. Ecce Filius tuus.

Vide Car. Scribanū in Christo Paso ad finem. Plures ejusmodi ex scripturis sacris (aut etiam ex Patribus sanctis) desumi possunt sententiæ, omnibus Passionis Dominicæ particulis subternendæ per meditationem. Verum hæc Paradigmati causâ attulisse sufficiet.

M O D V S XXIX.

Vigesimus nonus Passionem Christi meditandi modus est: assumere varias figuras veteris testamenti, in quibus est Christi Passionis veritas adumbrata, & quarum adumbratio est veritate Passionis Dominicæ ad vivum expressa. Exploratissimum quippe est, totam Christi vitam, potissimum verò, Passionem in gestis veteris Ecclesiæ, omnino fuisse delineatam, adeò, ut inter causas mortis suæ, ipsemet Christus, eam quoque non semel numeraverit: adimpletionem scilicet scripturarum. hoc est figurarum, & Prophetiarum in scripturis antiquis præmissarum. Ut alia verba Christi non recenseam: sufficit adduxisse illa Domini verba ad Petrum ante Passionem dicta. [Quomodo ergo implebuntur scripturæ, quia sic oportet fieri. Et illa ad discipulos post resurrectionem. [Nonne hæc oportuit pati Christum & ita intrare in gloriam suam: Et incipiens à Moyse, & omnibus Prophetis, interpretabatur illis in omnibus scripturis, quæ de ipso erant.] Cum ergo plenæ sint veteres scripturæ Christo: & omnes omnem ejus vitam, doctrinam, mores, opera, Passionem, mortem, resurrectionem, Ascensionem, Ecclesiam, & Ecclesiæ regimen loquantur, commodè simul ac facile possumus Passionem Christi veram in figuris veteribus elegantissimè delineatam scrutari: spectare, ac meditari. Dabo ejus rei paucula Paradigmata: quorum ad instar devotus meditator reliqua colligere poterit.

Matth.

26. 54.

Luca 24.

26.

Gen. 37.

28.

I. Ioseph, filius Iacob Patriarchæ, odio fratrum suorum, operâ & consilio potissimum Iudæ, venditus, in Ægyptumque ductus: evidenter Christum, ab Iuda discipulo hostibus suis venditum figuravit.

II Da-

II. David Rex fugiens ex Ierusalem à facie Absalonis Filii, eique adhaerentium conjuratorum, torrentemque Cedron transiens: Christi Domini, ex eadem urbe, trans eundem torrentem, cum discipulis egredientis, tumultum & turbam cientem Iuda, atque cohortes & ministros ad comprehensionem Domini Patrique sui congregante, manifesta figura fuit.

2. Reg.

15. 23.

III. Jacob totâ nocte colluctans cum Angelo, roburque contra metum Esau fratris sui ab oratione accipiens, figuravit Christum orantem in horto, ubi & apparuit ei Angelus confortans eum.

Gen. 32.

24.

IV. Ioab Amasæ obvians, eumque osculans, &, salve mi frater compellans, interim tamen gladio confodiens: Iudam proditorem Christi per osculum, & per vocem, Ave Rabbi, luculenter expressit.

2. Reg.

20. 9.

V. Samson à Philistæis captus, victus, excæcatus, ludens coram Principibus, graphicè Christum captum ab Iudæis victum, ad Principes Sacerdotum adductum, ibi oculis velatum, varièque indignissimis modis illusum, & blasphematum depinxit.

Iud. 16.

251

VI. Iob à vertice capitis ad plantam pedis ulcete pessimo percussus, vulnere super vulnus concisus: viva fuit imago Christi flagellati adeò immaniter, ut multis vulnerû millibus conscinderetur, ut non tam flagellatus, quàm aratro aratus, instarque terræ, sulcis prolongatis, dissectus esset.

Iob. 2. 7.

VII. Aries hærens cornibus inter vepres: à Patriarcha Abraham, pro Isaac immolatus, Christum spinis coronatum expressit.

Gen. 22.

13.

VIII. David apud Regem Achis, pro insano & stulto habitus: Christi ab Herode Rege ejusque exercitu illusi, inque stultitiæ ejus signum albâ veste induti figura fuit.

1. Reg.

21. 13.

IX. Salomon in die desponsationis suæ à Matre coronatus, & spectandus filiabus Ierusalem propositus, I E S U M purpurâ indutum, spineo ferto redimitum, sceptrum arundineum in manu gestantem, genu flexo, conspuatione, alapis, Regiâque salutatione illusum, à Pilato ad Populum eum illa voce; Ecce Homo, productum efformavit.

Cant. 3.

11.

X. Isaac ligna in montem portans, super eadem à Patre immolandus, Christum bajulantem sibi Crucem, usque in eum,

Gen. 22.

6.

Is. 53. 8. qui dicitur Calvariae locum, ubi à Patre Aeterno, propter scelus populi sui erat percutiendus, atque mactandus, immo re ipsâ est mactatus: adeò vivis figuræ coloribus depinxit: ut etiam locus loco planè respondeat: in quo enim monte, & montis colle Isaac immolandus fuerat, in eo ipso Christus re ipsâ oblatus est.

Exodi 12. 8. XI. Agnus Paschalis anniculus, immaculatus, igni tostus, cum lactucis agrestibus, festinanter ad vesperam sacrificatus, & sinè ullius ossis confectione devoratus: universum Christi in Cruce cruentum sacrificium, sacrificii ritum, atque fructum etiam, planissimè delineavit.

Num. 35. 28. XII. Mors summi Sacerdotis: postquam revertebantur exules in Patriam impune: Christi mortem omni humano generi à Paradiso exulanti salutarem, Patriamque caelestem aperientem & restituentem demonstravit.

Gen. 2. 10. XIII. Quatuor fluvii de Paradiso egredientes, universamque terram circumeuntes, ac irrigantes: Quatuor præcipua Christi in manibus pedibusque vulnera, quæ vivens subiit præsignarunt.

Num. 35. 11. Quinque autem Civitates refugii; quinque lapilli Davidici ad debellandum Goliath electi; quinque vulnera Christi ostenderunt.

1. Reg.

17. 40.

Gen. 6.

16.

Exodi

14. 22.

XIV. Ostium in latere arcae à Noëmo factum: vulnus lateris Christi figuravit.

XV. Mare rubrum per quod sicco vestigio filii Israël ex Ægypto versùs terram promissionis egressi sunt, Ægyptiis omnibus interim in mari demersis ac sepultis: Redemptionem nostram & salutem per Christi sanguinem nobis procuratam, omnem autem diaboli potestatem, omnem peccatorum nostrorum labem, in eodem sanguine sepultam & abolitâ ostendit.

XVI. Omnes denique veteris testamenti victimæ; omnis tabernaculi Mosaici & templi Salomonici structura, figura, supellex, ipsissimæ Christi Domini Passionis & mortis imagines fuerunt: quarum omnium recensendarum hic locus non est. Recensentur earum non paucae in toto super Passionem Dominicam Tractatu seu commentario: ad initium cujusque ferè Paragraphi, unâ cum Prophetiis, quodlibet pæne Passionis membrum concernentibus, inde eas petere cuilibet licebit.

MO-

MODVS XXX.

TRicesimus Modus Passionem Dominicam meditandi potest esse, per modum experimentalis, desiderii, seu desiderati experimenti, practicæque, ac (quoad fas erit) realis communicationis Passionum Christi cum Christo, propter Christum. Est enim hic modus exercitii, tum naturâ suâ præclarissimus, Christoque optatissimus, tum nobis maximè necessarius, ac utilis, tum à spiritu sancto crebro commendatus. Disertè enim per Apostolum loquitur: Christo in carne Passio, & vos eadem cogitatione armamini: quia qui passus est in carne, desit à peccatis: ut jam non desideris hominum, sed voluntati Dei, quod reliquum est, in carne vivat, temporis.] Et rursum. Charissimi, communicantes Christi Passionibus gaudete, ut & in revelatione ejus glorie, gaudeatis exultantes.] Et rursum, [Christus Passus est pro nobis: vobis relinquens exemplum, ut sequamini vestigia ejus. Omitto alias scripturas. Eodem spiritûs sancti sensu Divus Bernardus loquitur. [Christi imitatio in laboribus & doloribus ejus: validissimum mihi argumentum est: quòd Passio salvatoris, & similitudo humanitatis, in meam transeunt utilitatem. Hic enim sapor, hic fructus est, & laboris & doloris.] Compati ergo Christo, maximum est hujus vitæ bonum nostrum, maximus Christi pro nobis Passi cultus, maximum ejus à nobis pro sua Passione atque morte præmium: proinde & præclarissimum nostrum hoc debet esse studium, unicumque exercitamentum, ut hoc nimirum sentiamus in nobis, quod & in Christo IESU. Cùm autem non semper liceat, nec omnino in nostra potestate sit revera tribulationes & Cruces, doloresque perpeti cum Christo, ac propter Christum: expedit pio & fidei Christi Crucifixi servo, ejusque Crucis Amatori, saltem per meditationem practicam, desideriaque viva, & quoad fieri potest experimentalia, immiscere sese quâ corde, quâ etiam corpore, quâ imaginatione, quâ sensu, quâ mentis præparatione, quâ etiam efficaci quadam applicatione Passionibus, laboribus, ignominiiis, desolationibus, angustiis, universimque toti Cruci Christi. Cujus rei etsi quisque meliùs sibi effingere ideam poterit, aliquod tamen Paradigma proponere in præsentilibet.

1. Petri

4. 1.

ibid.

vers. 12.

1. Petri

2. 21.

Ebr. 4.

Hebr.

Sancta

paulo

1. 12.

finem.

I. Sanctissima Trinitas, Pater, Fili, Spiritus sancte, unus Deus, qui nos per Passiones & tribulationes multas, currere ac pervenire vis ad bravium : placetque Tibi omnino, ut *delicati*
Lucæ 21. *tui ambulent vias difficiles* : Et in exemplum eorum Deus-Ho-
19. *mo ipse esse voluisti, teque Patientem nobis in formam propo-*
Luca *suiisti, ut sic in Patientia nostra laboraremus possidere animas*
8. 15. *nostras* : afferremusque Tibi fructum tricesimum, sexagesi-
 mum, centesimum in Patientia, largire mihi nunc Domine
 gratiam & desiderium, & experimentum patiendi pro Te, &
 pro Domino, atque cum Domino nostro IESU Christo.

II. IESU Patientiæ sponse, Patiendi Magister, & Patien-
 tium Rex, qui voluisti per Patientiam intrare in Gloriam tuam ;
 infunde cordi omnium electorum tuorum, & meo, abundan-
 tem gratiam, efficax desiderium, constans & insatiabile expe-
 rimentum patiendi omnia adversa, & amara tua, tecum, &
 pro Te, & da ut in meregnet Crux Passioque tua, & ego sim
 regnum ejus omnibus diebus vitæ meæ.

III. Pretiosissima Parens ac virgo MARIA, Martyrum Re-
 gina, Dolorumque Mater, & amaritudinum mare, cum omni-
 bus Crucis Christi amatoribus, patiendique cum Tuo, & pro
 Tuo Filio, siti ac fame conspicuis electis, impetra & concede
 mihi gratiam, famem, sitimque omnimodæ Passionis pro Fi-
 lio, & cum Filio tuo, Domino meo IESU Christo.

IV. Nunc igitur tuo Patientissime Domine IESU Christo
 adjutus auxilio, roboratus merito, inflammatus exemplo, col-
 loco me in apice & excellentia omnium dolorum tuorum, ex-
 ternorum & internorum pro nobis, in tota quidem vita tua,
 sed præcipuè in tota Passione tua abs te toleratorum : in eo gra-
 du, qui creaturæ in hac vita possibilis fuit ad tolerandum.

V. Colloco me Domine IESU Tecum in tuo illo statu, in
 quo fuisti tristans usque ad mortem : agonisans usque ad san-
 guineum sudorem, proditus ab immiti ingratoque discipulo,
 derelictus à discipulis, captus & ligatus à satellitibus, tractus &
 raptatus usque ad urbem cum omnibus indignitatum modis.

VI. Colloco me Domine IESU Tecum in vinculis coram
 Anna & Caïpha, & toto inimicorum tuorum crudelium coe-
 tu, in medio conciliabuli nequam, inter falsa testimonia, inter
 adjurationes, consputationes, colaphos, & alapas, inter tra-
 ctiones,

ctiones, tunctiones, irrisiones, subfannationes, insultationes; inter omnia alia innumerè injuriosa studia improbissima hominum fecis.

VII. Colloco me Domine I E S U Tecum inter probra, inter contumelias, sannas, vituperia, inter rigidos & amaros affatus, sarcasmosque: inter indignas compellationes, inter sordida & inhonesta cognomina, inverecondos gestus, scurriles jocos, pudibunda ludibria, motus foedè fractos, insanos cachinnantium clamores, improbissima illiberalissimaque dicteria.

VIII. Colloco me Domine I E S U Tecum inter omnia illa, & in omnibus illis, quæ totâ illâ nocte, verè nocte, plûs quàm indignissimè passus es Dignissimus Deus, passus es fons omnis dignitatis Deus: passus es ipsa essentialis Dignitas Deus: & passus es ab impiorum indignissimis, ab indignissimorum impiissimis, à vilissimorum vilissimis. Eaquæ omnia mihi quoque assumo, & ea in me quoque cum tua gratia derivò, me his ingero, in his me Tecum esse cogito, imaginor, eligo, amo, desidero, posco, gaudeo, glorior, propter Te, toto me.

IX. Colloco me Domine I E S U Tecum in judicio matutino, in quo rursus rigidè examinatus, injustè damnatus, denuo victus, & ad Pilatum raptus, illi oblatus, ab illo superbè cum supercilio discussus, ad Herodem tandem rejectus es.

X. Colloco me Domine I E S U Tecum in viis Ierusalem, quas pertransisti, pro quantis indignitatibus, tumultuationibus, injuriarum variationibus, plenas & superplenas.

XI. Colloco me Domine I E S U Tecum coram Herode, apud quem stetisti verecundus & tacens, accusatus constanter ab ludæis, interrogatus levissimis à Rege sermonibus, irritatus & sugillatus ab ejusdem scurris & satellitibus, ab omnibus tandem spretus, illusus, pro stulto, fatuo, insanoque reputatus, ac veste fatuorum amentiumque indutus, Pilato demum denuo remissus es. Hæc omnia Domine, ærumnarum tuarum genera, mihi quoque assumo, mihi induo, in his me esse cogito, eligo, amo, desidero, gaudeo, glorior Tecum, propter Te, toto me.

XII. Colloco me Domine I E S U Tecum denuo apud Pilatum, Tecum judicor, Tecum accusor, Tecum examinor, Tecum blasphemor, Tecum Barabbæ latroni, & seditioso insigni

com.

*Psal. 72.
14.*

componor, Tecum Barabbæ postponor, Tecum ad flagella denudor, Tecum ad flagella columnæ alligor, Tecum ad columnam virgis, flagris, loris, catenis, spini que cador, lividor, lanior, cruentor, vulneror, excarnificor, Tecum *castigatio mea in matutinis*, & flagellatio mea Tecum totâ die, seu quasi totius diei. Hoc Domine pati me cogito, imaginor, amo, desidero, peto, gaudeo, glorior Tecum, propter Te, toto me.

XIII. Colloco me Domine Iēsu Tecum inter militum cohortem, purpureâ chlamyde indutum, spinicâ coronâ redimitum, abjecto in trunco saxove obvio collocatum, arundineo sceptro illusum, genu flexo adoratum, alapisatum, ridiculum Regem illusoriè salutatum, facie consputum, in Regem denique ac virum dolorum transformatum, & sublatâ omnî hominis specie atque formâ, Ecce Homo, quasi minimè jam esset Homo, furiosâ plebi demonstratum, denominatumque. O mi Iēsu! ô mi Homo! & vix jam propter me Homo: ecce & ego homo: ô si fiam Tecum & propter Te Tui simillimus, Homo? Ecce me talem esse, qualem Te video esse, Tecum cogito, amo, desidero, peto, gaudeo, glorior, statuo, toto me propter Te.

XIV. Colloco me Domine Iēsu Tecum coram Pilato metuyente tumultum effrenatâ plebis, & metum suum facientes crimen tuum, audio sanguinolentarum belluarum cruentas voces contra Te, Tecumque contra me. Tolle, tolle, Crucifige eum. Audio sanguinem tuum unico haustu exsorbitum; & tam sibi, quàm suâ tori posteritati ab infelici, ab ingrato, ab immani populo propinatum. Audio contra Te latum mortis verbum, audio Te traditum voluntati hostium tuorum, audio adjudicatum esse, ut de Te fiat satis petitioni inimicorum tuorum: audio de Te Majestatis Domino [Crucifigatur.] decretoriè esse pronuntiatum. Video Te Domine cruce onerari, onustum patibulo, foras produci, ad locum supplicii, ipsum supplicium Te bajulare, cum iniquis reputatum esse: aceto, felle, myrrhâque potari, in cruce expandi, Cruci clavis affigi, in cruce sublimari, medium latronum statui & pendere. Et hoc demum est Domine Iēsu, quod Tecum & pro Te, me esse cogito, imaginor, amo, desidero, peto, æstuo, sitio, efflagito, gaudeo, glorior, profiteor, debeo, debere volo, & gaudeo, propter Te, toto me.

XV. Col-

XV. Colloco me Domine IESU Tecum in cruce crucifixum; eum nudo nudum, cum confixo confixum, cum dolente dolentem, cum illuso illusum, cum despecto despectum, cum blasphemato blasphematum, cum irriso irrisum, cum maledicto maledictum, cum vulnerato vulneratum, cum derelicto derelictum, cum cruento cruentum, cum excruciato excruciatum, cum deficiente deficientem, cum moriente morientem, cum mortuo mortuum, per omnia Tibi socium, Tibi similem, Tibi conjunctum, Tibi conformem, Tibi confixum, alterum Te, & unum Tecum. Et ita Tecum esse, pro nunc & pro omni vita mea, pro quolibet momento vitæ meæ, me cogito, imaginor, colloco, statuo, volo, amo, desidero, peto, ardeo, famesco, gaudeo, glorior, toto me, propter Te, propter Te toto me. Auge Domine & exple & serva desiderium meum patiendi Tecum, propter Te toto me.

Hoc aut simili modo, per internam animæ nostræ operationem, potentiarumque applicationem, possumus meditando, communicare Passionibus Domini nostri IESU Christi, atque stigmata illius circumferre. Quo genere persentiscendæ in nobis Dominicæ Passionis, Paulus Apostolus vult nos exerceri, quando ita seu præcipit, seu hortatur. *Hoc sentite in vobis quod & in Christo IESU: qui cum in forma Dei esset, &c.* Hoc genere persentiscendæ Passionis Christi plurimos Sanctorum legimus divinitus fuisse dignatos, & sine dubio cum majori redundantia gratiæ cœlestis, quàm nos imaginando cogitandoque assequi possumus. Hoc profectò dono dignatus fuit Petrus, Andreas, Paulus, Apostoli. Hoc sanctus Franciscus de Assisio, hoc sancta Catharina de Senis, hoc Beata Margarita de Cortona, Beata Angela de Fulgino, Beata Clara tam Assisias, quàm à Monte Falcone, Beata Maria de Oegnies, aliique plurimi sanctorum, de quibus legimus, peculiari privilegio indultum eis fuisse, non rarò à Christo Domino intimum quendam gustum, sensumque experimentalem Passionum & dolorum suorum

*Philipp.
2. 6.*

TRigesimus primus meditandi Passionem Dominicam modus est: facere sibi lavacrum, seu balneum, atque bapti-

smum, ex passionibus, doloribus, ærumnis, vulneribus, atque sanguine IESV Christi. Notum est, quòd Dominus IESVS Passionem suam, baptismum suum, vocaverit. *Baptismo, inquit, habeo baptisari, & quomodo coarctor usq; dum perficiatur.* Paulus quoque Apostolus nos ablutos esse, & ablui in Sanguine Christi, pronuntiat. Similiter Ioannes Euangelista Electos Dei affirmat lavisse stolas suas in sanguine Agni, easque dealbasse. Quin & Iacob Patriarcha asserit, Christum, *abluturum in Sanguine stolam suam.* Beatæ Catharinæ Senensi legitur dixisse Deus, [Sanguinem Christi esse veluti salubre balneum, ad abluendas ejus & aliorum iniquitates.] De Beato Francisco Patriarcha suo scribit Divus Bonaventura, eum in more quotidiano habuisse, animam suam à quotidianis defectibus, sinè quibus hæc vita non vivitur, etiam à sanctissimis, abluere, sive balneare in sanguine IESV Christi: quod etsi variè sanctissimus vir præstare potuerit, non ambigo tamen, id eum potissimum ope considerationis, & applicationis ad sese Passionum & meritorum Christi Domini fecitasse. Quare unicuique devoto Amatori puritatis internæ, studiosoque placendi oculis Majestatis Divinæ, accurrere ad Passionem Christi, ex eaque tanquam ex fonte patente tollere aquas salutis, ad ablutionem peccatricis animæ suæ licebit.

Gen. 15. 5. I. Aliquando ergo omnia peccata sua in unam veluti sarcinam congregans atque colligans: in rubrum Mare Passionis ac Sanguinis IESV Christi descendet cum omnibus, & ea ibidem tanquam Ægyptios persecutores suos demerget, atque in profundum, quasi lapidem aut plumbum, eos descendere faciet.

4. Reg. 5. 14. II. Aliquando tanquam Naaman Syrus leprosus in Iordanem Passionis Christi descendet, ibi septies lavabitur, & lepram deponet vetustæ conversationis, induet autem Carnem Innocentissimi pueri, hoc est, ipsius IESV Christi Hominis Dei

NOTES.

III. Aliquando particulares quaslibet noxas suas præteritas, aut presentes assumet: & eas mananti Sanguineis rivulis Christo supponet, immerget, in eisq; deterget & abluet. Superbiam & ambitionem suam, Sanguini Capitis Christi spinis horridi immerget. Tepiditatem, negligentiam, & pusillanimitatem

mitatem suam, Tristitia, tædio, mœrori, agoniæ, sudoriquæ IESV Christi intinget. Immundissimas inverecundias, voluptuositatesque carnis suæ, sanguinolento à flagellis ad columnam IESV injiciet, & in vulneribus illius tanquam in Natoria Siloë emundabit. Impatentias suas, iras, amaritudines, odia, invidias, perfollo clavis, & lancea Christo, deque Cruce pendulo, atque cruore stillanti supponet, in isque fontibus, ab omni malitia & rancore, cor suum lavabit. Atque in hunc modum omnibus & singulis peccatis suis, peccatorumque poenis, balnea assignabit in Passione Domini, & quidem vel per partes Dominicæ Passionis progrediendo, vel certè universam simul Passionem, omnemque Sanguinem, ac omne meritum IESV Christi, huic ablutionis usui deputando:

Ioan. 9.
7.

IV. Aliquando non ad eluendas tantum peccatorum maculas atque poenas, sed etiam ad ornandam, divinisque conspectibus & amoribus exhibendam Animam, Passionis & Sanguinis, & meritorum Christi aquis balneoque utetur. Itaque partim sese totum cum omni sua interna & externa substantia, Passionibus ac meritis Christi immerget: partim singulas potentias suas, potentiarum actiones, virtutum habitus, & actus, Sanguini Christi intinget, eoque decorabit, & pretiosos coram Deo faciet, & quidem tam factos jam, quam etiam faciendos.

V. Aliquando, quemadmodum Regi Assuero, Reginz sponseque suæ, unguentis, omni que cultu Regio præparabantur; sic & homo, Animam suam coelesti sponso, per sanguinis IESV Christi balneum atque unguentum præparabit, vesteque passionum ac dolorum, & meritorum ejusdem induet, & omnes unitivos, sponsalesque affectus suos, vulneribus Christi, ab ignita sua charitate sauciati, conditos, ornatos, & pretiosos faciet, ut impleatur in Anima & Christo illud. *Venerunt nuptie Agni, & uxor illius præparavit se, & datum est illi, ut cooperiat se byssino splendenti & candido.*

Ester. 2.
12.

Apos.
19. 7.

Ita Passionis Christi balneum serviet meditatori devoto, & ad abluendas fordes peccatorum, & ad sublimandos appetitiosque apparatus virtutum, & ad consociandam, conjugendam, conglutinandamque animam, tanquam sponsam Deo, animarum vero & amabili sponso, atque amatori.

M O D V S XXXII.

TRigesimus secundus Passionem Christi meditandi modus est: recitare illam, tanquam Beatitudinem Christi Domini, & simul nostram. Quia enim Dominus IESVS Beatitudinem definivit, atque sitam esse docuit in Paupertate Spiritus, in Mansuetudine, in Luctu, &c. hæc verò omnia quàm maximè elucescunt, atque à Christo exercita sunt in Passione: sequitur in Passione Dominum IESVM fuisse beatissimum: sequitur etiam nostram beatitudinem quàm maximam, sitam esse in Passione Christi, & in imitatione Passionis Christi; Est autem sermo hîc, non de Beatitudine simpliciter seu Patriæ, quæ consistit in visione Beatifica Dei: sed de Beatitudine viæ, quæ consistit in Participatione Passionis Dominicæ: & est medium planum ad Beatitudinem Patriæ, juxta illud S. Leonis *Certa atq; sicura est expectatio promissæ Beatitudinis, ubi est Participatio Dominicæ Passionis.*

Matth.
5.

I. Dixit ergo Dominus IESVS. *Beati Pauperes Spiritu quoniam ipsorum est Regnum Cælorum.* Quia verò Dominus IESVS, in omni quidem vita sua fuit pauperrimus, sed tamen in Passione ultimam Paupertatis substantiam complexus est: certum est, Christum Dominum in sua Passione, quemadmodum spiritu pauperrimum, ita & Regni cœlestis Dominum, ac tandem & Beatissimum fuisse.

Matth.
5.

II. Dixit etiam Dominus IESVS. *Beati mites, quoniam ipsi possidebunt terram.* Si quis in Passione Domini Mansuetudinem ejus non videt, non discit, non amplectitur, in nullo alio loco eam agnoscet, in nullo libro discet, in nullo exemplo amplectetur. Nullibi enim majora argumenta, magisque convictivas demonstrationes ad Mansuetudinem suadentes, immo cogentes reperire possibile est, quàm in IESV Patiente. Atque ita hîc quoque IESVS Beatissimus fuit: hîc ditissimus terræ possessor, hîc etiam nobis Beatissimæ mititatis ad imitandum amplectendumque persuasor, & demonstrator exstitit.

Matth.
5.

III. Dixit quoque Dominus IESVS. *Beati qui lugent, quoniam ipsi consolabuntur.* Consideret jam qui vult, quis magis lugens, quàm IESVS? Vbi magis lugens IESVS, quàm in Passione? quid tam luctuosum, quàm Passio IESV? Vbi tam lugendus

lugendus IESVS, quàm in Passione, & ob Passionem? quæ magis lugenda atque luctuosa causa cogitari potest, quàm illa propter quam Passus est IESVS? & quàm hæc ipsa, quia passus est IESVS? Nemo unquam adeò lugens fuit, quomodo IESVS, qui quantus quantus fuit (quantus autem aut quid non fuit IESVS?) totus lugens, totus luctus fuit in sua Passione: adeò, ut non tantùm oculis, sed omnibus membris, omnibus viribus, omnibus potentiis, omnibus substantiis suis, planxerit; & insuper totum universum cum omnibus suis partibus, in societatem luctus sui assumpserit, totoque se, toto universo, in sua Passione ploraverit. Quare cum maximè lugens sit IESVS in Passione: maximè etiam Beatus, maximè consolatus, maximè beatificatus est in Passione. Quisquis ergo beatus esse cum IESV vult, cum IESV lugens, instar IESV lugens, ad mensuram IESV lugens, sit oportet. Lugeat lugente IESV, lugeat lugentem IESVM, lugeat causam luctus IESV, lugeat dedisse se causam lugendi IESV, lugeat non lugere se lugente IESV, lugentemque IESVM: lugeat non lugeri lugentem IESVM, & lugente IESV? lugeat ridere & insanire nos lugente pro nobis, & super nos IESV? Imitetur lugentem IESVM: & luctu suo consoletur luctum IESV, & hac ratione accipiet communionem consolationis IESV, & eris luctu suo beatus, sicut luctu suo fuit Beatissimus IESVS.

IV. Dixit præterea IESVS. *Beati qui esuriunt & sitiunt Iustitiam: quoniam ipsi saturabuntur.* Si Iustitia est Dei gloria aut Voluntas; si Iustitia est Salus, Redemptio, Sacrificatio nostra: si Iustitia est Eruditio, & Instructio, & deductio recta ad vitam æternam, & beatam omnium nostrum. Si Iustitia est eum Deo Pax & reconciliatio nostra: quis hanc omnem iustitiam esuriit aut sitiit magis quàm IESVS? Vbi verò hujus Iustitiæ fame ac siti exarsit, & extabuit emarcuitque magis IESVS, quàm in Passione? Hæc illa fuit sitis, quam IESVS in Cruce etiam moriturus testatum Deo & universo voluit, cum exclamavit, sitio. Hæc illum Iustitiæ sitis ussit, hæc fames urfit, hæc fame sitiique mortuus est, hæc fame sitiique redempti sumus. Hæc siti & fame Iustitiæ, beatissimus factus est IESVS. In hac siti & fame, usque modò per salutem efficacem electorum subvenitur IESV, & satiatur IESVS. Hæc siti & fame

ulque modò laborat IESVS, usque modò vult nos cruciari & laborare IESVS. Hac siti & fame, nos laborare gaudet IESVS. Laborate, laborate hac siti, hac fame, omnes, omnes, qui diligitis IESVM, & siti fameque vestrà, sitim fameque restinguite in IESV; erit enim merces operi vestro; quoniam Beati qui esuriunt & sitiunt Iustitiam, ipsi enim saturabuntur, hinc quidem salute & Iustitiâ tam propriâ, quàm fratrum suorum, in Cœlo autem, gloriâ & beatitudine IESV, & omnium Electorum. Sed nos esurimus & sitimus iniustitiam magis quàm Iustitiam. Nauseamus potiùs Iustitiam, & famem, sitimque Iustitiâ; plenis autem buccis edimus & bibimus nostrâ aliorumque salutis & perfectionis negligentiam, nostram aliorumque perditionem. Cadit asina, & est qui sublevet; perit anima, & non est qui vel respiciat: hæc scilicet est sitis ac famemes Iustitiâ beatificans & satians.

Matth.
5.7.

V. Dixit ad hæc IESVS. *Beati misericordes, quoniam ipsi misericordiam consequentur.* Considera quis magis misericors, quàm Patiens IESVS? considera quæ major misericordia, quàm Passio IESV? ubi videbis misericordiam Dei, ubi Misericordiam Deum, ubi misericordiarum Patrem Deum, ubi multitudinem miserationum Dei, si non in Patientia, si non in Passione IESV? Ibi ergo IESVS misericordissimus, ibi misericordiam omnem universo generi humano consequutus, ibi beatissimus. Hanc tu misericordiam recogita, hanc edisce, hanc ebibe, hanc sectare, hanc imitare, in hanc transi, & transmutare: & sic miserebitur tui Deus: & sic beatus eris, sicut est beatus IESVS. Alioqui nisi quis fuerit ita misericors, sicut fuit IESVS, nequaquam misericordiam consequetur, nequaquam beatus erit ut IESVS. Misericors est Deus, misericors est etiam IESVS: sed aliter Deus, aliter IESVS. Deus misericorsest, at sinè miseria sua; IESVS misericors est, per miseriâ, passionem, & mortem suam: qui ergo vult esse beatus miseratione, sit misericors cum sua miseria & passione. talis enim misericordia est beatitudo; tali misericordiâ, miseretur Deus; talem misericordiam, in suâ Passione exemplo docuit nos IESVS.

Matth.
5.

VI. Dixit insuper IESVS, *Beati mundo corde: quoniam ipsi Deum videbunt.* Si cor mundum habentes Beati sunt, & Deum

Deum
qua, u
est om
ditia c
Deum
IESV
Passio
stris; &
hibuit
tende
tui mu
purga
ditia,
de qu
indul
ind: i
dation
stis, C
sancti
V V
Dei v
ipsam
utraq
riam,
lium
statue
Passio
tantu
nomi
ceps, v
confu
mus à
pacifi
statue
tia doc
cificos
Vnde
vestri

Deum vident: quanto magis ipsa cordis munditia vera, & sine qua, nulla est in ullo corde munditia; & à qua, & per quam, est omnis omnium cordium munditia, & quæ est ipsius munditiæ cor, & medulla, & substantia: beata erit, beatitudo erit, Deumque videbit: Atque talis citra omnem dubitationem est JESVS, semper quidem & ubique, at specialiter & maxime in Passione sua: in qua lavit nos ab omnibus inquinamentis nostris; & in qua mundavit sibi omnem Electorū Ecclesiam, exhibuitque eam sibi non habentem maculam aut rugam. Attende jam o Anima quanti constiterit Christo JESV Cordis tui munditia? attende quanta se impendit munditia, pro expurganda tua immunditia? attende quanta fuerit tua immunditia, cui abolendæ supereffudit se tanta tota munditia? attende quantum appretianda tibi fuerit, & sit, tanto tibi sumptu indulta, & collata munditia? *Quotquot baptisati estis, Christum induistis*, clamat Apostolus. quod est dicere; Quotquot emundationem cordium & animarum in baptismo Christi accepistis, Christi ipsius munditiam superindulistis, & per gratiam ejus sanctificantem, ad esse, naturamque filiorum Dei, transistis.

VII. Dixit quoque JESVS. *Beati pacifici, quoniam Filii Dei vocabuntur.* Scimus JESVM Pacificatorem esse: immo ipsammet pacem nostram, Principemque Pacis esse: qui fecit utraque unum, reconcilians ima summis, & dissolvens macciam, tam peccati inter nos, & Deum dividendis, quam legalium observantiarum, inter Gentes & Judæos separationem statuentium. Hæc autem Pacificationis opera potissimum in Passione & per Passionem suam adimplevit: unde meritò non tantum Pacificus, non tantum Beatus, non tantum Filii Dei nomine vocatus: sed verissimè Pax ipsa, verissimè Pacis Princeps, verissimè Beatissimus, verissimè Filius Dei connaturalis consubstantialisque existere inventus & probatus est. Discamus à Pacifico nostro JESV Christo, veram pacis viam, veram pacificationis normam, veram & supremam pacis curandæ, statuendæ, servandæ legem. Patientia ducit ad Pacem, patientia docet pacificationem, patientia facit pacificatores, facit pacificos. Sicut Impatientia & impotentia seminat discordias. Vnde enim bella, lites, (ait Apostolus) *nonne ex concupiscentiis vestris? Si adhuc Zelus* (alius loquitur) *& contentio sunt inter*

Ephef.
5. 27.

Galat.
3. 27.

Matth.
5.

Iac. 4. 1
1. Cor. 3
vos, 3.

vos, namque carnales estis? Qui carnalis est, brutus etiam & bestialis est, immortificatus & impatiens est, contentiosus, zelans, & belliger est. Patientia ergo pacatum, patientia pacificum, patientia Filium Dei, patientia Palsi & Pacificatoris JESU fratrem, patientia beatum, beatissimumque facit.

Matth. 5.

VIII. Dixit denique JESVS. *Beati qui persecutionem patiuntur propter justitiam: quoniam ipsorum est Regnum Caelorum. Beati estis cum maledixerint vobis homines, & persecuti vos fuerint, & dixerint omne malum adversum vos, mentientes, propter me; Gaudete & exultate, quoniam merces vestra copiosa est in Caelis.* Et quis, aut ubi, majorem persecutionem propter Justitiam passus est, quam in Palsione morteque sua JESVS? cui tam maledixerunt homines? adversum quem ita omne malum mentientes dixerunt homines, quam contra JESVM Patientem? & in Cruce morientem? Ergo gaude & exulta & beatissimus esto mi JESV: quoniam qui prae omnibus, immo & pro omnibus persecutionem passuses, prae omnibus, etiam, & pro omnibus *merces tua copiosa est in Caelis*: quin & ipse factus es merces magna nimis omnium nostrum in Caelis. Vade & tu homo fac similiter; ama, & lectare, & sustine, & veluti suavissimum bolum degluti persecutiones, maledicta, mentientium adversum te hominum, propter justitiam, propter innocentiam, propter virtutem, propter bonitatem, propter veritatem, propter beneficentiam, propter JESVM, & beatus in tali facto eris, & gloriari in isto nomine poteris & copiosae mercedis in Coelo haeres eris.

Matth. 5. 12.

Hunc in modum Dominus JESVS, quam nobis beatitudinem commendavit, eam ipse amplexus est: utque eam amplectamur magis facto, quam verbo, proprio hortatus est. hunc etiam in modum nobis, & ostendit, & complanavit, facilitavitque viam rectissimam, simul ac altissimam compendiosissimamque ad omnimodam Sapientiam, Justitiam, Sanctitatem, & Beatitudinem. hunc quoque in modum, correxit errores nostros inveteratissimos, qui ea, quae sunt & ipsa bona maxima, & maximorum insuper bonorum, ipsarumque adeo beatitudinum, & materia, & seges, & via, & causa, malorum & detestabilium, & miseriarum infelicitatumque nomine appellare consuevimus. Ita scilicet *quod stultum est Dei, Sapientius est*

1. Cor. 1. 25.

omnibus

omnibus hominibus, quod misererrimum est Christi, beatius est omnibus humanis beatitatibus. Utinam homines istud Sapientiae beatitudinisque arcanum, tam ardentem, tam solidè, tam constanter ducant, & teneant; quàm irrefragabilibus argumentis, & irrefutabili magisterio, & irreprobabili exemplo, illud docuit in omni quidem sua vita, sed speciatim in omni Passione sua, IESVS.

Arbitror minimè fore pio lectori vel grave, vel inutile, si eundem ipsum meditandæ passionis Christi modum, verbis Sapientissimi Patris Ludovici de Ponte hic exposuero: habent enim verba eius succum, & efficaciam sibi solitam. Sic igitur ille, dum expendit heroicas virtutes à Christo in Passione exercitas, loquitur. [Perpendam multitudinem & præstantiam harum virtutum, discutendo per octo heroicis actus, quos Christus Dominus in suo sermone, quem in monte habuit, beatitudines appellavit, quasque ipse in sua Passione valde eminenter exercuit.

I. Nam primò exercuit *Paupertatem Spiritus*, dum rebus omnibus, etiam propriis vestimentis renuntiavit, nudus omnino in Cruce manens. Cum Paupertate verò simul exercuit Humilitatem, quæ in ea includitur, dum vanos honores, mundaque pompas calcavit, amplexus verò est omne genus opprobriorum.

II. Exercuit etiam heroicam *Mansuetudinem*, in medio tot ferarum, quæ ipsum mordebant, & lacerabant; ipse verò tanquam agnus nec loquebatur, nec se defendebat, aut indignabatur: tantam verò simul ostendit Fortitudinem, atque si Adamas esset, in omnibus quæ patiebatur.

III. Flevit amarè pro nostris peccatis, *clamore valido, & lachrymis, preces & supplicationes offerens*. Etiam usque ad sanguinem, quem per omnes corporis sui delicatissimi poros sudando effudit.

IV. *Esurivit* insatiabiliter Iusticiam, quia nunquam satius fuit in faciendis bonis, nec in perferendis malis, ut nos justificaret, & Sanctitatis exempla præberet, & hanc ob causam in Cruce pendens, dixit, *Sitio*.

V. Fuit etiam singularis in *Misericordia* erga miseros, distribuendo illis, quidquid haberet, facultates omnes, honorem,

4. Patre
Med. 1.

Puncto

6. n. 2.

Matth.

53. &

sequ.

11

11

11

11

11

11

11

11

11

11

11

11

11

11

11

11

11

11

11

11

11

11

11

11

11

11

11

11

” sanguinem, vitā, ut eorum miseris occurreret. Corpus quoq;
 ” suum in cibum dedit, ut eorum famem expleret, & sanguinem suum in potum, ut eorum siti satisfaceret.

” VI. *Cordis Mundiciam* habuit eminentissimam, conservans
 ” se in gravissimis occasionibus, absque peccato ullo, & potius
 ” occasionem accipiens ex eis, ad præstantissimos virtutum actus
 ” exercendos.

” VII. Fuit excellentissimè *Pacificus*, quia nos cum æterno
 ” Patre suo pacificavit, veramque pacem nobis obtinuit, quam
 ” etiam erga eos retinuit, qui bellum ipsi gravissimū inferebant.

” VIII. Passus denique est propter *Institiam* maximas perfe-
 ” ctiones, quas ullus unquam sit passus, idque maximā Patien-
 ” tiā, quā ullus unquam habuerit: ut propterea jure optimo
 ” omnia ei præmia debeantur, quæ in his omnibus virtutibus
 ” correspondent, eademque promeritus est illis, qui ipsum in iis-
 ” dem virtutibus imitarentur.

” O Supreme Magister, si te loquentem in primo illo monte,
 ” audivissem; cum de his virtutibus sermonem instituissti, & vi-
 ” dissem postea, dum in Calvario Monte Patiens easdem exerce-
 ” bas! Idem ipse eras, eundemque finem, in utroque monte ha-
 ” bebas, loquens & faciens, docens alios pati, dum ipse patereris.
 ” Concede mihi Domine gratiam ut audiam quæ me docuisti, &
 ” exerceam quæ ipse exercuisti, me ipsum his quæ fecisti & Passus
 ” fuisti tecum in omnibus conformando.] Hucusque Pater
 Ludovicus.

M O D V S XXXIII.

TRicesimus tertius Modus meditandi Passionem Christi est:
 Perpendere quomodo illa omnia, quæ quondam Passus est
 in Corpore suo Humanitateque sua, nunc etiam patiatum mor-
 taliter in corpore suo mystico, quod est Ecclesia, & uniuscu-
 jusque hominis peccatoris anima atque vita. Satis notum est
 illud quod quibusdam peccantibus ab Apostolo objicitur, di-
 cente eos esse *rursum crucifigentes* sibi met ipsos *Filium Dei, &*
offentui habentes, quod si crucifigentes, quidni & denudantes,
 quidni & flagellantes, quidni & coronâ spineâ illudentes, quid-
 ni abnegantes, & Barabbæ postponentes, quidni vendentes, &
 osculi signo tradentes, &c. Neque absimilis est alia illa Apo-
 stoli

Hebr. 6.
6.

fili ejusdem exclamatio. *Quia vos fascinauit non obedire ve-* Gal. 3.
ritate, ante quorum oculos Iesus Christus proscriptus est, in vobis L.
crucifixus. quâ Apostol⁹ peccata Galatarû perstringit: quorû
 propius effectus est, Mors Christi. Quidenim aliud est pec-
 catum, nisi Chriticidium, & carnicina, crucifixioque Re-
 demptoris? quare, quotquot sunt qui peccatum in conscientia
 sua gerunt, & vident, in Ies^u Crucifixu n Christum portare &
 spectant: quotquot verò scelera sua aggravant & innovant, in
 Christi Latenam & crucifixionem exaggerant & restaurant.
 Cum ergo hoc ita sit, recte Passionis Christi Meditatio sic insti-
 tuti potest, ut quotidiana ejus instauratio spectetur defleaturq;
 & quædam tones repenta, quot sunt ii qui peccant, quiq; pec-
 cata seu cumulant, seu renovant: & tantò etiam indignius sce-
 leratûque id faciant, quàm olim Iudæi fecerê: quia hi qui-
 dem ignorantes Dominum gl'oræ mori & pati fecerunt, at isti
 faciem in Christum profitentes, in eundem nihilominus jam
 gloriosum, jamque immortalem, & mori impotentem, scele-
 ratissimam carnicinam exercent.

Itaque hodie adhuc venditur Christus: ab omnibus turpis
 lucri cupidis: & quantum pietatem aestimantibus.

In horto Christus timet, coëdet, contristatur: apud omnes
 deliciosos voluptatumque amatores.

Et scape hoc in horto oliveti sustinet Iesus: apud eos scilicet,
 quos per misericordiam suam peculiarem, in hortum, si-
 ve Ecclesia, siue Religionis alicujus sacræ, induxit.

Agonizat Iesus apud eos, qui sese peccandi occasionibus,
 ultro immiscunt.

Solat sanguinem: apud oppressores pauperum, & devora-
 tores eorum, siue in abscondito, siue in aperto.

Vagat Christus, nobis interea per socordissimam securita-
 tem negligentiamque stertentibus.

Osculo traditur Christus, ab his qui speciem licet pietatis
 præferant, virtutem tamen ejus abnegant, qui dicunt Deo, Do-
 mine, Domine, & non faciunt, quæ imperat Dominus.

Captus est Christus apud eos, qui veritatem siue fidei, siue
 iustitiæ in iniquitate detinent.

Affligitur in Concilio Sacerdotum Iesus, quia, ut ait Gre-
 gorius, à nemine tantum præjudicium patitur Deus, quàm à
 malis Sacerdotibus.

Falsi testes in IESUM subordinantur: apud iniquos rerum, morum, causarumque æstimatores, apud innocentium calumniatores.

IESUM totâ nocte excruciant, infandæ, innominandæque turpitudines.

Tacet IESUS apud Pilatum: quia potentes ea solum audire sustinent, quæ ad illorum sensum, & intentum sunt: solis adulatoribus & palpatoribus aures accommodant. Veritatis & æquitatis sinceros enarratores, foras excludunt.

In aula IESUS pro stulto habetur, multis quæstionibus exagitur, constanter accusatur, illuditur. Pierati enim, virtutis, sinceritatis, æquitatis, modestiæ, veræ prudentiæ, quis locus in aula? Exeat aula, qui vult esse pius.

Discipulus unus Christum vendit, alter abjurat, alii desunt omnes. Quis enim cæcus, nisi Dei servus: aut quis surdus, nisi ad quem nuntii Dei, semper mittuntur? Sicut non invenies meliores, quàm qui in Religione profecerunt; sic non invenies deteriores, quàm qui in Religione defecerunt. Optima vina, in mordacissimum degenerant acetum.

Flagellis emendatur IESUS: apud omnes detractores & persecutores, invidentesque bonis alienis, & quod bonum, pium, rectum, verumque est, hoc mordacitate linguarum suarum perfricantes & flagellantes: in quibus flagellis, qui IESUS, hoc est, qui solidus virtutis amator est, is proficit, & fortior evadit: sed qui infirmus, & pusillo corde est, hic coram flagello linguæ, evanescit.

Coronat IESUM: superbia, vana gloria, jactantia.

Nudat IESUM. Omnis inverecundia, omnis avaritia, omnis infamatio.

IESUM conspuunt convitiator, contemptorque Dei & proximi.

Alapam dat IESU, quisquis Potestati resistit, obstreperit, quisquis impotenter Probitatem opprimit.

Barabbæ IESUM præponit: quisquis dicit Bonum, malum; malum, bonum: quisquis creaturæ & cupiditati postponit Creatoris voluntatem & dignitatem, quisquis respicit personam, non causam.

Sanguinem Christi super se, suosque accipiunt: qui vindictam

clam
dalo,
Da
sua; au
homin
Acc
nec no
ferunt
Cru
dent, i
to non
A
Cin
In
persec
ponu
O
no, se
Impa
debu
male
E
conv
conf
stim
S
ma
re, n
Mate
illata
L
fos.
perg
[
tunc
cruci
mor
tu fo

Itam quærunt, qui implacabilibus odiis ardent, qui aliis scandalo, & ad perditionem exemplo, aut incitamento sunt.

Damnant IESUM ad mortem, quotquot pravæ voluntati suæ, aut alienæ, in peccatum consentiunt: quotquot timorem hominum timent; Deum verò offendere non timent.

Aceto & felle potant IESUM: gulosi ebriosque omnes: nec non illi, qui vitæ emendationem in extremas vitæ horas differunt.

Crucem IESU imponunt: qui in malis alienis latantur, rident, insultant, qui imponunt onera gravia aliis, quæ ipsi digito non tangunt.

Affigunt IESUM Cruci, qui in peccatis sunt hærentque obstinati.

Inter latrones IESUM deputant: qui alios propter Iustitiam persequuntur: & calumniis inter pessimos pestilentissimosque ponunt.

Occidunt IESUM in Cruce: qui aliis perseverantiam in bono, seu statu, seu opere, vel invident, vel auferunt: qui etiam impatientes sunt in adversis, & unde meliores esse per flagella debuerant, deteriores ex impatientia evadunt: qui denique in malo finaliter moriuntur.

Extra urbem IESUM ejiciunt, & necant: qui meliorum convictum exosi, eos à se, vel se ab illis subtrahunt, ne illorum conspectu lædantur, aut eorum exemplis, ad meliora vel inviti stimulentur.

Sed lubet hunc ipsum meditandi modum, verbis Pretiosissimæ Dei Matris, Beate Brigittæ propositum, hæc etiam proponere, multam enim poterit utilitatem lectori asserere. Igitur Dei Mater cum dixisset, Christo Filio suo ab inimicis quatuor mala illata.

I. Coronam spineam impositam. II. Manus & pedes perfos-
fos. III. Fel propinatum. IV. Latus punctum. Ita deinceps
pergit.

[Sed nunc conqueror, quia Filius meus ab inimicis suis, qui
nunc sunt in mundo, amarior crucifigitur, quam tunc Iudæi
crucifixerunt eum. Nam licet deinceps impassibilis sit, nec
mori possit: tamen cum propriis vitiis crucifigunt eum. Sed
tu forte potes quærere, quomodo crucifigunt eum? utique pri-

Lib. 1.
Revel.
c. 37.

„ mō ponunt eum in Cruce, quando de praeceptis Creatoris sui &
 „ Domini non curant. Et dehoneſtant eum, quando ipſe monet
 „ eos per ſervos ſervire ſibi, & ipſi hoc contemnentes faciunt quā
 „ ſibi placent. Deinde crucifiſunt dexteram manum, quando te-
 „ nent luſtitiam pro Injuſtitia, dicentes. *Peccatum non eſt ſic gra-
 „ ve & odioſum Deo ſicut dicitur, nec Deus in aeterna affligit quē-
 „ quam, ſed propter timorem minatus eſt.* Deinde crucifiſunt ſi-
 „ niſtram manum ejus, quando virtutem vertunt in viciū, vo-
 „ lentes uſque in finem peccare, dicentes. *Si dixerim a in ſine ſe-
 „ mel: Miſerere mei Deus, tanta eſt miſericordia Dei, quōd habebi-
 „ mus veniam.* Hoc non eſt virtus, velle peccare, & non emen-
 „ dare. Poſtea crucifiſunt pedes ejus, quando delectantur in fa-
 „ ciendo peccatum: & non ſemel cogitant amaram Paſſionem Fi-
 „ lii mei, nec regratiantur ei ſemel de intimo corde, dicentes. O
 „ quā amara erat Paſſio tua Deus! Laus tibi ſit pro morte tua.
 „ Coronant eum deinde Coronā deriſionis: quando derident ſer-
 „ vitores ejus, & vanitatem reputant ſervire ei. Dant ei etiam ſel-
 „ bibere, quando gaudent & exultant in peccato, nec aſcendit ſe-
 „ mel in corda eorum, quā grave & multiplex ſit. Pungunt
 „ latus ejus, quando voluntatem habent perſeuerandi in peccato.
 „ Verē dico tibi, & hoc amicis meis dicere poteris, quia tales
 „ ſunt ante Filium meum, injuſtiores judicantibus eum. Inani-
 „ tiores crucifixoribus ejus, impudentiores venditoribus ejus, &
 „ major poena debetur iſtis, quā illis. Pilatus ſcribit bene Filium
 „ meum non peccaſſe, nec dignum aliquā morte, tamen quia ti-
 „ muit temporalem poteſtatem & ſeditionem Iudaeorum, judi-
 „ cavit quaſi invitum filium meum ad mortem. Quid autem ha-
 „ berent iſti timere, ſi ei ſervirent? aut quid de honore ſuo ac di-
 „ gnitate amitterent, ſi ipſum honorarent. Ideo gravius iſti ju-
 „ dicabuntur, & deteriores Pilato, in conſpectu Filii mei; quia
 „ Pilatus judicavit eum propter petitionem & voluntatem alio-
 „ rum, cum timore quodam iſti autem judicant eum propter vo-
 „ luntatem propriam abſque timore. Uſque huc Beata Virgo lo-
 „ quitur ſanctae Brigittae, vidēti autem poſſunt ſequentia in ean-
 „ dem ſententiam, quae brevitatſ cauſa hīc omitto.

Hunc aut ſimilem in modum non inutiliter Chriſti Paſſio ex-
 pendi poteſt. Sive quis hac meditatione Ieſum à ſe ipſo, ſive
 ab alijs Crucifixum eſſe, crucifigive meditetur; habebit enī n

ex hac

ex hac meditatione uberem poenitentiae de suis, ac alienis peccatis materiam, habebit copiosam pro Deo, ejusque honore ac voluntate zelandi causam, habebit efficaces, ad lugenda sua & aliena, immo & Dei Christiue mala, ad procurandam suam & aliorum salutem, conversionemque stimulos: habebit multam occasionem ac segetem considerandae Dei super peccatores patientiae ac miserationis, deprecandae ac amovendae ab eis iustae Divinae vindictae: agendi gratias Deo, à quo se fortè sentiet ex talibus in Christum lanienis vel eductum, vel certè (quod majus est) etiam praeservatum, &c.

Hujusmodi Meditationem de Christi Passione quae etiam in praesenti tempore, ab ipso sustentur, servatà proportionem potest facere homo aliquis, minimè quidem ille malignus & gravibus meritisque peccatis implicatus, statui tamen suo, quem fortè profitetur, item ubertati gratiarum, & auxiliorum Dei, quibus abundanter ad perfectiora studia, insignioremque sanctitatem impellitur, minimè uti deberet respondens, quotidianis inique voluntariis imperfectionibus, immortificationibus, sensualitatibus, levitatibus, otiositatibus, alienorum factorum, morum, talentorum, censurationibus, bonorum omissionibus, ac dilationibus, in bono languoribus, vanae gloriae, honoris proprii venationibus, de se praesumptionibus, repiditatibus, regularum suo statui propriarum transgressionibus, ac observantiarum communium vilipensionibus, in proximos quàm domesticos, quàm extraneos malorum exemplorum exhibitionibus, aliisque similibus tepidorum propriis modis, Christum perfectionis Magistrum, animarumque specialius à se dilectarum & praeventarum Zelatorem, exercucians, & ejus Passionem innovans, adeò quidem intimo & penetrativo doloris sensu, ut Dominum IESUM tactum dolore cordis intrinsecus, non rarò poenitere necesse sit, quòd tantam gratiarum copiam, in tales profuderit, adeòque demum incipiat eos evomere ex ore suo, tantò abominandos magis, irrevocabiliterque ejiciendos, quanto id quòd nauseam compellente aliquando dejecimus, odibilius detestamur.

M O D V S XXXIV.

TRigesimus quartus Meditandi Passionem Domini Modus est: assumere ad considerandum miracula, quæ in Passione Domini facta legimus: quæque nunc etiam in nobis spiritualiter fieri experimur & videmus: quæ & agnoscere, & mirari, & æstimare, & Deum in eis, pro eisque laudare, & à nobis desiderari, acceptarique, summopere nobis salutare, Deo autem & Christo Redemptori nostro honorificum est. Est autem certum, plurima valde miracula in Passione Domini facta esse: immo tota Passio Domini, totusque patiens ac Passus Iesus, miraculum est sanè miraculosissimum: hoc tamen loco miracula pressiore modo assumpta considerata propono, adductis ali- quibus eorum in exemplum.

I. Miraculum fuit, Christum initio Passionis tristatum fuisse, se tædioque affectum, tam valido, ut juxta naturæ cursum mori ab illa vehementia debuerit, neque tamen mortuus sit: Hoc miraculum Passio Domini operatur frequentissime in servis suis, ad obsequium Domini, à sæculari & mala vita accedentibus, quos initia conversionis, & conversationis austerioris, naturæque ad talia insuetæ repugnantis, sæpe vehementer concutunt atque tam timore, quàm tristitiâ, quàm tædio inundant, neque tamen absorbent, Dei virtute, Passionisque Christi efficacîâ adjuvante.

II. Miraculum fuit in Passione, Christum sanguinem sudasse, & salvam tamen illæsamque vitam conservasse: quam naturaliter in tanta naturæ violentia, & complexionis teneritudine, auferri oportuit. Tale miraculum usque hodie operatur, & ab exordio Ecclesiæ operabatur Passio Christi, tum in Ecclesia tota universim, tum in particularibus fidelium Christi, Ecclesiæque filiorum personis. Quantis enim sudoribus, atque imbribus sanguinis, Ecclesia Christi à prima sui ætate ad usque hæc tempora sudavit? quantis etiam adhuc in diebus novissimis sudabit, in poenitentibus, in Confessoribus, in Martyribus? Et tamen Ecclesia Christi, quæ tantis in angustiis fluctibusque persecutionum & tyrannidum, humano & naturali sensu peritura erat: tantum abest ut perierit, ut potius in eam, quàm orbem implevit occupavitque universum, magnitudinem excreverit.

Quod.

Quod etiam hoc melius faculum parat. Passio Domini quod tunc in singularibus fidei ferventium personis: qui dum ad Deum convertuntur: usque ad totam carnem sanguinemque omnem exunt, usque ad totam carnem solumque omnis deponunt, usque ad totam solumque totum adimunt, ubique ipsis pereunt: planè ut mortali supradictorum pereant: sed tamen interea longe meliorem, ac diviniorem vitam in Christo absconditam assequuntur & vivunt.

III. Miraculum fuit in Passione, quòd neque Iudas, neque
 affectu lapsus, Christum aliis fieri cognovissimum, antequam ocu-
 los posita agnoscere potuerint. Ita omnino etiam nunc omni-
 bus peccatis peccantibusque evenit: quòd Christum, in quem
 peccant, non agnoscant. Si enim cognoscerent, nunquam
 utique ad injurias illius, necemque in suis animabus illi inferen-
 dam proficiscerent, neque ejus proditores fierent; sed enim nesciunt
 quid faciunt.

IV. Miraculum fuit in Paſſione Chriſti, omnem illam im-
piorum cohortem, unico Chriſti verbo, *Ego ſum*, retro repul-
ſam, & in ſupremam caſum impulſam dejectamque. Tali ſcilicet
miraculo quotidie peccatores terre omnes cadunt, & inimici
Chriſti terram lingunt. Hoc ſolum discrimine, quod quidam
ſupini corruunt, qui ſcilicet in reprobū datū ſenſum, non retur-
gunt in Iudicio, ſed in peccatis ſuis moriuntur, & Deus me-
mor eorum non eſt amplius. Quidam verò pronicadunt, qui
ſcilicet poſt lapſum ad veniam & poenitentiam veniunt, & con-
vertuntur ad eor; in quibus peccata quidem corruunt, & quaſi
plumbum in profundum descendant, ipſi tamen lavant ſtolas
ſuas in ſanguine Agni. Nimirum Chriſtus Paſſus, poſitus eſt in
ruinam, & in reſurrectionem multorum.

V. Miraculum fuit in Passione, auricula per Petrum abscissa, seruo Christum invadenti, ab eodem Domino mox sanata. Quale miraculum Passionis Dominicæ passim experiuntur peccatores, qui quo tempore maximè in Deum ejusque legem aug-
gratiam aut veritatem insanire festinant, ad unicum interioris Gratia Christi contactum, auriculam dextram recipiunt, & ex infidelibus fideles, ex inobedientibus obedientes, ex persecuto-
ribus amatores, ex lupis agni, ex peccantibus poenitentes eva-
dunt. Exemplo est ipse Petrus, quem negantem & abjurantem:

respexit, hoc est, tetigit, in corde Christus, & statim auriculam ejus sanavit, quâ ille recordatus verbi Domini, exivit foras, & flevit amarè. Exemplo est Paulus, exemplo Magdalena, &c. Exemplo etiam est unusquisque nostrum sibi: qui toties ad tactum Domini auriculas recipimus, &c.

Serm.
Fer. 4.
Hebd.
sancta
ab initio.
Ludov.
de Ponte
quarta
Parte
Med. ab
initio
introduc-
tionis.
VI.
VII.

VIII.

IX.
2. Cor. 3.
18.
X.

Miracula alia, ne longus sim, non persequar: paucis ea cum sancto Bernardo perstringam, dicente. Passionem Domini usque in hanc diem facere ut terra tremat, lapides confringantur, & aperiantur sepulchra, atque velum templi medium à summo usque deorsum scindatur. Qui enim Passionem Dominicam recogitant, ii si *Terra* sunt ob affectiones terrenas, & ob culpas cordium suorum, commoti tam severæ Dei in ipsum suum unigenitum Iustitiæ timore sancto, contremiscunt, & ad terrenos illos affectus suos deferendos, excitantur. Quod si *Petra* sunt ob duritiem cordis, emollescunt, & confringuntur, ob magnitudinem doloris, quem & de suis peccatis, & Christi poenis, quas pro eis subiit, concipiunt. Si sunt *Sepulchra* clausa, foetentia, & plena ossibus mortuorum, ob multitudinem criminum, & ob pudorem ea confitendi, aperiuntur virtute Passionis in confessionibus, ut mortem à se repellentes, ad vitæ novitatem consurgant, & veniant in sanctam beatitudinis aternæ Civitatem. Omnibus denique *Scinditur Velum*, quod dividebat inter nos & Deum, ut possimus juxta Apostolum *revelatâ facie gloriam Domini*, & abyssum cœlestium ejus secretorum *seculari*. Nec absque causa divisum est velum à summo usque deorsum, sed ut significaretur per Christum Crucifixum licere nobis contemplari altitudinem Divinitatis, & excelsas ejus perfectiones: profunditatem quoque & humiliationem ejus Humanitatis, & perfectissimas maximèque exemplares ejus virtutes. Obscuratur etiam *Sol* in morte Christi, vel quia ubi Christus mortuus est, ibi proculdubio cœcitas cordis est, uti in infidelibus & peccatoribus videre est. Vel quia, ubi efficacia Passionis mortisque Christi mentes invadit ac possidet, ibi omnes terrenæ mundanæ sensualesque deliciæ, vanitates, felicitates, & claritudines evanescent, & in tenebras abeunt, contemptibilesque fiunt, & tanquam stercora reputantur propter Christum: eligiturque potius abjectio in domo Domini, magis quam habitatio in tabernaculis peccatorum, & in luce prosperitatum temporalium.

His

His, hunc aut in similem modum, devotè consideratis : quid-
ni cum Divo Bernardo pia anima exclamet? [Mirabilis Pas-
sio tua Domine Iesu, quæ passiones omnium nostrum
propulsavit: propitiata est omnibus iniquitatibus nostris; &
nulli unquam pesti nostræ invenitur inefficax. Quid enim tam
ad mortem, quod non tuâ morte salvetur?]

M O D V S XXXV.

TRigesimus quintus Passionem Domini meditandi modus est:

Amare Passionem Christi meditandam, tanquam Mate-
riam summi gaudii, & Patris Æterni, & Christi Domini, & to-
tius universi; faciunt ad hoc propositum verba Beati Laurentii
Iustiniani ita scribentis. *Nihil eorum quæ in sacro continentur
eloquio, sic humanum valet excitare affectum, mentem erigere,
temperare laborem, peregrinationis tedium auferre, & æterna fe-
licitatis spem immittere, quemadmodum Redemptionis humana sa-
cro sanctum mysterium. In illo siquidem Divina miserationis refe-
ratur abyssus, Cælorum aperitur janua, caritatis latitudo ostendi-
tur, & quantus sit homo apertissimè manifestatur. Vile esse non
potest, quod Filii Dei sanguine comparatur. Habet in illo Homo,
unde gaudeat, habet unde tristetur.*] Et post pauca. *Pro tuis fa-
timoribus ô homo tristere in Christo: atque de ipsius tibi collatis be-
neficiis latere in illo. Quibus ex Beati Patriarchæ verbis collige-
re est, Passionem Dominicam, esse posse meditandi materiam,
tum lugubrem, quam superius tractati ferè omnes modi exhi-
bent, tum lætam, & triumphalem, quam in præsentī modo ex-
plicamus.*

*Primum ergo meditari licet, quomodo Passio Christi fuit
materia gaudendi Patri Æterno. Nam si gaudium Domini est
Fortitudo nostra; quantò magis fortitudo sui unigeniti: at hæc
fortitudo unigeniti Dei nusquam luculentiùs apparuit, quàm in
Passione; Passio igitur Christi, gaudiū fuit Patris Æterni. Pa-
riratione, si Deus delectatur quando nos habet sibi subiectos, &
facientes voluntates omnes ejus: ob idque nos vocat Dominus
juxta Cor suum: quantò magis delectatus est ex subiectione uni-
geniti sui; tantà quidem subiectione, quantam in Passione exhi-
bitam ab illo habuit, quam descripsit Apostolus, Exinanitionem
sui, & obedientiam usque ad mortem, mortem autem Crucis*

,,
,,
,,,,
Lib. de
trium-
phali
agone
Christi,
c. 20. ad
initio.

Ad hoc Deus unice delectatur & desiderat exaltationem nominis sui, & gloriæ suæ propagationem, atque perfectionum suarum excellentissimarum manifestationem: at hanc nemo melius, quam Christus, & hic ipse, nullibi amplius, quam in Passione complevit. Sinè dubio igitur Passio Christi Patri Eterno per amplam delectandi, gaudendique materiam exhibuit. *Accedat quod Deus* Sacrificia antiquæ Synagogæ sæpe gratissimo animo acceptasse, odoremque suavissimum eorum odoratus esse legatur, solo intuitu Passionis Christi futuræ: quando ergo magis acceperit; & suavissime odoratus est ipsammet Passionem Christi? Hæc enim fuit omnium sacrificiorum, & holocaustorum incensorumque consummatio. Ergo Passio Christi materia fuit gaudii & gloriæ, Aterno Patri. Denique certum est, quod Deo nihil sit, post suam ipsius Beatitudinem, quâ beatus est ipse ex se, gratius, suavius, gloriosius, quàm electorum suorum salus, & beatitudo: atqui hanc Passio Christi electis procuravit: nihil igitur Passione Christi Deo gratius, gloriosius, jucundiusque, aut fuit, aut esse potuit.

Iam verò ipsi Christo Passionem suam gaudii triumphique materiam fuisse, multa quidem evincunt fidei nostræ mysteria, scripturæque sacræ testimonia, sed illud imprimis factum ipsius Domini, quando imminente jam Passione suâ, pauculis ante diebus, triumphaliter ingredi Ierosolymâ voluit, tanquam præludens Passioni suæ, quâ revera triumphaturus erat de omnibus inimicis Dei, & suis, & generis nostri: quem triumphalem ingressum suum, immo & victoriosam Passionem suam, tantò ante vocaverat, diem in quo coronavit eum Mater sua, utique Synagoga, diademate spinoso, ornavitque scepro arundineo, induit etiam coccineo vestimento, ac denique collocavit in alto Crucis throno, adjectâ etiam Epigraphæ, *Iesus Nazarenus, Rex Iudeorum*; vocaverat diem desponsationis suæ, diem lætitiæ cordis sui. Etsi enim dies ille minimè fuit Lætiæ Carnis & sensus ejus: Cordi tamen ejus dies fuit gaudii & triumphi, & desponsationis cum sponsa Ecclesia.

Ad hoc propositum servit & aliud Christi Domini factum, quando nimirum in Monte Thaboro, paulo etiam ante Passionem suam, transfiguratus est, non solum corpore, sed etiam ipsâ veste, non ob aliud, quàm quia illa temporaneâ Corporis sui glo-

ria

Matth.
XXII

Cant. 3.
II.

Vide in-
tra mo-
tum. 54.

ei voluit carni suae patibili, gustum quandam facere, illius gloriae, illiusque gaudii, quod & tunc jam in Anima erat, & deinde in corpore futurum erat ex fructibus Passionis suae. Inde est, quod Dominus Iesus in sua gloriosa transfiguratione, per quandam antithesim omnem suam Passionem efformavit: quod enim ferre postea passurus erat, horum omnium oppositum, veluti praeonium Humanitati suae passurae praestendit, atque praegustandum exhibuit. v. g.

I. Erat Christus in sua Humanitate passurus immanissimam vultus sui divini deformationem, ut non esset ei species neque decore; in transfiguratione, facta est *species vultus ejus altera: & resplenduit facies ejus sicut Sol.*

II. Erat Christus Passurus vestis albae, seu Splendentis ludibrium: in transfiguratione *facta sunt vestimenta ejus splendentia & candida nix.*

III. Erat Christus in Monte Oliveto coram solis, Petro, Jacobo, Ioanne in oratione ad Patrem agonisaturus, & sudaturus sanguinem: in monte quoque Thabor, coram iisdem solis tribus, facta est, cum oraret, species vultus ejus altera, & totum corpus ejus gloriosum.

IV. Erat Christus ab Anna & Caipha Sacerdotum & Synagoga Principibus, reus mortis damnandus: in monte Thabor *Moses & Elias visi in maiestate loquentes excessum ejus, quem complecturus erat in Hierusalem.*

V. Erat Christus à gente sua & Pontificibus suis tradendus & abnegandus omnino, & ab iisdem tanquam e mentibus Dei Filius, in Cruce suspendendus & illudendus: In Monte Thabor, Pater caelestis confitetur eum filium suum dilectum.

VI. Erat Christus toto corpore flagellis conscindendus, spinis coronandus, conspuendus, alapis cadendus; in transfiguratione totus effectus est, gloria & honore coronatus, luce majore quam Solis est vestitus.

VII. Erat Christus inter latrones medius suspendendus: in Monte sancto, inter Moysen & Eliam, maiestate utrumque plenius, conspicitur.

VIII. Erat Christus felle & aceto cibandus potandusque: in transfiguratione gustum glorificationis suae percipit, & calicem Passionis, calice transfigurationis praebibit.

Luca 9.
28.

Matth.
17. 2.

Marc.
9. 2.

Luca 9.
31.

IX. Erat Christus in sua Passione obscurato Sole, & Lunâ, tenebris involvendus, & veluti à luminaribus Cæli lugendus; in monte sancto, & ipse totus resplenduit, & Moyses Eliasque in Majestate visi sunt, & discipulos nubes lucida obumbravit.

X. Erat Christus postquam in Cruce clamans expirasset, post terræ motum, post scissas petras, post monumenta Sanctorum aperta; à plerisque glorificandus, & quoddam verè Filius Dei esset: confitendus. In monte etiam Thabor adsunt sancti Moyses & Elias, & Pater cælestis ipse IESUM filium suum dilectum atque charissimum denuntiat.

Heb. 12.

2.

2. Pet. 1.

12.

Ioann.

18. 11.

Marc.

14. 36.

Luce

12. 50.

Psal. 18.

6.

In hunc modum Dominus noster *proposito sibi gaudio, & magnificâ gloriâ & honore* in monte Thabor, *contemptâ confusione, sustinuit crucem*: Et quasi calicis unius haustus esset, suaviter atque sitibundè, totam Passionem exhaustit.

Servit & huic Proposito, quoddam Dominus IESUS Passionem suam ut plurimum calicem, aut Baptismum vocitare solitus fuerit, quasi illi Passio sua solatii, gaudii, jucunditatisque immensæ, & interminatæ, molestiæ verò valde exiguæ, & omnino transitoria, unieoque haustu exsorbendæ causâ futura esset. Vnde etiam Apostolus non dubitat affirmare Christum Dominum propositum sibi gaudio sustinuisse Crucem confusione contemptâ. Iam si quis consideret in Christo Domino Charitatem, Obedientiamque erga Patrem Æternum, studium promovendæ gloriæ ipsius, tam in terris, quàm in Cælis, per Redemptionem humani generis: quæ fuit illi singularissimè proposita ab Æterno Patre, tanquam medium unicum atque præcipuum glorificandi Patrem in oculis universitatis: dubitare non poterit, summi gaudii, exultationisque materiam fuisse Christo, Passionem suam: quam ob causam à Davide describitur Christus Dominus *exultasse ut Gigas ad currendam viam vite mortalis*: Et præceptum de morte acceptum à Patre, deposuisse *in medio cordis sui*, instar amabilissimi & pretiosissimi pignoris, à Deo Patre sibi oblato: hinc dissuadentes, aut impediennes Passionem suam nunquam non molestè audit, nunquam non durè exceptit. Nimirum Passio, fuit Christo Campus quidam ingens exercendæ charitatis suæ, obedientiæque erga Patrem: fuit materia, immo, ut ille vocare solebat, cibus unicus propriusque, explendæ fami suæ apparatus, per expletionem Paternæ voluntatis. Accessit

odium

odium peccati, quo Christus immensè flagrauit, abolereque de mundo, & ab oculis Patris Æterni per sanguinis sui diluvium amovere, inter felicitates tuas magnas reputavit. Accessit etiam zelus Iustitiæ, quo stimulabatur ad resarciendam condignè lãsam Majestatem Dei. Accessit Amor salutis nostræ, & studium reconciliationis nostræ cum Patre Æterno, & sitis ereptionis ex servitute peccati, atque diaboli, & damnationis æternæ, colloca- tionis verò nostri in beatitudine, gratia, gloriaque cœlesti. quæ sitis tanta fuit in Christo, ut de ea dictum sit illud in Can- ticis. *Fortis ut mors dilectio, dura sicut infernus emulatio: lam- pades ejus lampades ignis, atque flammæ. Aqua multa non po- tuerunt extinguere charitatem, nec flumina obruent illam: si dederit homo omnem substantiam domus suæ pro dilectione, quasi nihil despiciet eam,* quod ad literam à Christo in Passione pro nobis suscepta impletum est; quamvis enim Passio illa fuit tanquam mare vastū, quamvis fuerit tanquam infernus hujus vitæ, quam- vis omnes potestates tenebrarum, fecerint in ea de Christo quid- quid tandem voluerunt, obruta tamen est omnis ista violentia, & æmulatio infernalium aquarum, & sepulta in charitate Chri- sti erga nos. Adde ut exhausto adimū Passionis calice, & nec- dum suæ Charitatis ardore refrigerato, clamaverit in Cruce in- super, Sitio, & licet omnem substantiam suam, domus suæ, Hu- manitatis nempe, Animam, Carnem, Sanguinem, Vitam, reli- quaque omnia profudisset, quasi tamen profudisset nihil, post resurrectionem suam oblitus pœne & ignarus, quid nuper in Pas- sionis hora egisset, interrogat duos discipulos in Emaus euntes, Quanam gesta fuissent in Hierusalem, proximis diebus. Hæc ergo Charitas Christi, volens ad plenum triumphare de Christo, quo neminem habuit unquam magis sibi subiectum atque subdi- tum, Passionem adornavit, in qua totum Christum circumdu- xit, & veluti triumphabunda se ostentavit, fecitque in eo quæ- cunque voluit. Mitto alia capita, quæ ostendunt, Passionem fuisse Christo materiam triumphi gaudiique, quorum longa se- ries adhuc pertexi posset: concludo illo unico, quod copiosè re- censet explicatque Apostolus, qui cum dixisset, quomodo Deus, qui dives est in misericordia, propter nimiam charitatem suam, quæ dilexit nos, & cum essemus mortui peccato, convivificavit nos in Christo (cujus gratiã sumus salvati) & conresuscitavit, & conse- dere fecit

Cant. 8.
6.7.

Ephes.
2. 4.

Ibid.

V. 13.

derefecit in cal. sibus, in Christo IESU, ut ostenderet in seculis supervenientibus de vitas gratia sua in bonitate super nos in Christo IESU. cum inquam hæc admiranda, & planè inestimabilia dixisset, post pauca subdit. *Eratis sine Deo in hoc mundo, nunc autem in Christo IESU, vos qui aliquando eratis longè, facti estis prope, in Sanguine Christi. Ipse enim est Pax nostra, qui fecit utraque unum, & medium parietem macerie solvens, inimicitias in carne sua, legem mandatorum decretis evacuans, ut duos condat in semetipso, in unum novum hominem, faciens Pacem, & reconciliet ambos in uno corpore Deo per Crucem, interficiens inimicitias in semetipso. Quod est dicere, Deum Patrem, nimia Charitate suâ impulsus in nos, objecisse Filium unicum Passionis: Filium autem ipsum, Amore & studio pacificandi Deum cum Hominibus, Coelestia cum terrestribus, Israëlem cum Gentibus, Sanguine suo tabulas pacis conscripsisse, Passionem suâ pacta contraxisse, morte tandem suâ totum fœdus testamentumq; validum & irrevocabile reddidisse, & per hoc gloriosum illud nomen cum re, Principis Pacis obtinuisse.*

IOAN. 2.
56.

Gen. 22:
14.

Denique toti universo Passionem Christi, materiam gaudii esse, jam ex prædictis satis constat. Nam imprimis tota rerum universitas peccato primo turbata, & veluti sauciata, Passionem Domini IESU instaurata est, & ordini suo, paci, statui, quietique restituta. Deinde Angelica creaturæ ruinæ per Passionem Christi instauratæ atque impletæ sunt; haud dubiè non absque ejus solatio & gaudio. Denique humano generi Passio Domini materia gaudii, exultationis, lætitiæque inenarrabilis fuit, tam indubitatè, quàm indubitatum est extremè collapsum fuisse genus nostrum, & consurgere convalescereque ex casu, non nisi per Passionem Christi potuisse. Quocirca de Patre fidei Abrahamo, ipse Christus Dominus testatur, eum quando pro Filio Isaac, arietem in spineto cornibus hærentem obtulit, tunc in mysterio agnovisse mortem unigeniti Dei, diemque Christi tunc vidisse, videndoque gavisum esse. Non enim Sanctus Abraham gavissus est, pro Filio arietem à se immolatum, sed potius exultavit tam pro se, quàm pro Filio, quàm pro universo genere humano, olim esse immolandum Dei Filium, propter quod & dedit loco illi nomen [in monte Dominus videbit.] Pluribus bona humano generi ex Passione Christi enata recensere, nec hujus

jus loci est, neque necessarium est, & hæc meditando potius
quàm legendo pius animus seruari, ac in gratiarum actionem
perpetuam, ineffabilemque letitiam, & Christi Passi Amorem
inextinguibilem, magis ac magis semper accendi debet.

M O D V S XXXVI.

TRigetimus sextus Passionem Domini meditandi modus est;
Partiendo eam in Laborem & Dolorem, quem Christus Do-
minus patiendò sustinuit. Dulcius sapiet hæc Meditatio, à Ber-
nardi, quàm à meis verbis: quæ proinde hic appono.

Duo nobis reliquerat in hæreditatem vetustus Adam, qui su-
git à facie Domini. Laborem videlicet & Dolorem. Laborem
in actione, Dolorem in Passione. Non hoc ipse audierat in Pa-
radiso, quem acceperat ut operaretur, & custodiret illum: ope-
raretur delectabiliter, custodiret fideliter sibi, & posteris suis.

Christus Dominus laborem & dolorem consideravit, ut tra-
deret eos in manus suas: immo se magis in manus eorum, infi-
xus in limo profundi, & intraverunt aquæ istæ usque ad Animam
ejus. Vide (inquit ad Patrem) *humilitatem meam & laborem
meum, quia pauper ego sum & in laboribus à juventute mea. La-
boravi sustinens, manus ejus in laboribus servierunt.* De Dolore
vide quid dixerit. *O vos omnes qui transitis per viam, attendite
& videte, si est dolor sicut dolor meus. Verè languores nostros ipse
portavit.* Vir dolorum, pauper & dolens, tentatus per omnia
absque peccato. Et in vita passivam actionem, & in morte Pas-
sionem activam sustinuit, dum salutem operaretur in medio
terræ.

Proinde memot ero, quàm diu fuero, laborum illorum,
quos pertulit in prædicando, fatigationum in discurrendo, ten-
tationum in jejunando, vigiliarum in orando, lacrymarum in
compatiendo. Recordabor etiam dolorum ejus, convitiarum,
sputorum, colaphorum, subsannationum, exprobrationum,
clavorum, horumque similium, quæ per eum, & super eum,
abundantiùs transierunt.

Facit ergo mihi Fortitudo, facit similitudo, sed si accesserit
etiam Imitatio, ut sequar vestigia ejus. Alioquin exquiretur
me sanguis justus, qui effusus est super terram, nec immunis ero
ab illo tam singulari scelere Iudeorum, quòd videlicet tanta

chari-

Ter. 4.

Hebr.

sacra.

ante fi.

nem.

"

"

"

Psal. 87.

16.

Thren.

1. 12.

Isaia

53. 4.

"

"

"

"

"

"

"

"

"

"

"

"

"

charitati fuerim ingratus, quòd spiritui gratiæ, contumeliam fecerim : quòd sanguinem testamenti pollutum duxerim : quòd conculcaverim Filium Dei.

Sunt plerique qui laborem & dolorem patiuntur, sed necessitas in causa est, non voluntas ; & hi non sunt conformes imagini Filii Dei. Sunt qui ex voluntate sustinent ; sed non est eis pars neque fors in sermone isto. Vigilat totà nocte luxuriosus, non solum patienter sed etiam libenter ut expleat suam voluptatem ; vigilat raptor vestitus ferro, ut diripiat prædam. Vigilat fur, ut domum perfodiat alienam : sed hi omnes, & horum similes, longè sunt à labore & dolore, quem considerat Dominus. Homines autem bonæ voluntatis, qui Christianâ voluntate, divitias paupertate commutaverunt, vel etiam non habitas tanquam habitas contempserunt, relinquentes omnia propter ipsum, sicut & ipse reliquit omnia propter ipsos, sequuntur eum quocunque ierit.

Huiusmodi autem Imitatio validissimum mihi argumentum est. quòd Passio Salvatoris, & similitudo Humanitatis, in meam transeunt utilitatem. Hic enim sapor, hic fructus est & laboris, & doloris.] Hæc Bernardus. cujus verbis nihil præter uberio-rem & intimiorem mentis considerationem addendum arbitror.

M O D V S XXXVII.

TRigesimus septimus Passionem Domini meditandi est. Assumere ad considerandum quinque præcipua genera rerum in Christi Passione elucescentium ; qualia sunt. 1. Dolores interni Animi Christi. 2. Dolores externi Corporis Christi. 3. Virtutes excellentes & Heroicæ in Passione à Christo exercitæ. 4. Opera & labores admirandi à Christo, tam in vita quàm Passione perfecti. 5. Excessiva Charitas Christi, quâ omnia priora perfecit patravitque. Hæc quinque Capita possunt per totidem vulnera Christi distribui, in eisque expendi, adorari, aliisque actibus piis, ac utilibus honorari. Hoc meditandi Passionem Christi modo, usus est, & aliis tradidit Pater Ioannes Argentus, vir in Societate nostra, magnæ perfectionis atque Sapientiæ Spiritu-
lis : tum verò de hac nostra Polona Provincia optimè meritis. Cujus exercitium hoc libenter infero, tum grati animi mei in vi-
gum illum studio, tum quia illud ad profectum Spiritualem, in
cujus-

cujuscunque status persona promovendum perutile judico, quæ etiam de causa, totam exercitii hujus dispositionem & praxim, prout eam à prudentissimo illo Patre traditâ in adversariis meis affecticis ante annos triginta notatam habeo, in præsentî exhibere volo. Sic igitur Praxis & dispositio illa se habet.

I. *Consideratio*, Dolorum interiorum Animæ Christi in vulnere sinistri pedis ejusdem. Saluto te, adoro, glorifico, gloriosum sinistri Pedis vulnus Domini mei Iesv Christi, & in honorem tuum genuflexionem hanc adoratoriam facio, illo toto affectu, quo te omnes creaturæ adorant adorareq; debent in æternum.

Sequatur contemplatio Dolorum Animæ Christi interiorum; qui fuere cœdia, timores, contristationes, agoniz, contemptus, odia, confusiones, contumeliæ, calumniæ, blasphemiz, desolationes, insultationes, ingratitude, indignitates, furores, injuriæ, &c. Expendam quàm intensi, quàm puri, quàm longi, à quibus, pro quibus, propter quæ peccata fuere suscepti? Ex quibus considerationibus, surgent in me affectus gratitudinis, compassionis, admirationis, deprecationis, confusionis, imitationis, atque instructionis, quomodo nimirum ad hujus Exemplaris in Christo elucescentis normam, regendæ sint mihi passionibus meæ, potentizque interiores Animæ, tum omnes, tum ex potissimum, quarum inordinatione frequentius delinquo.

Propter merita gloriosi adorandique hujus vulneris tui mansuetissime Iesv, postulo à Te misericordiam, & gratiam tuam copiosam, & efficacem, ad mortificandas in me passionibus meas: ad moderandam in me curiositatem intellectûs: malitiam & effrenitatem voluntatis, labilitatem & brutitatem memoriæ: ad expellendam quoque ex me superbiam mentis, inobedientiam, impatientiam, vindicandi temeritatem, gulam, tepiditatem, inconstantiam, omnemque omnino inordinationem, effervescentiam, rebellionem partis inferioris, & superioris, Animæ.

Neque solum mihi, sed etiam omnibus amicis benefactoribus, tam privatis, quàm communibus meis; omnibus quoque, quos Tu Domine scis & vis esse, in Te & propter Te meos, omnibus denique proximis meis, ista peto, ut Tibi una mecum, ab omni sensuum passionumque perturbatione, ab omni sæculi &

sui amore liberati, integro corde, pleno affectu, sincerâ inhaesione serviant in æternum.

Porro mi IESV omnes istas Sanctissimæ Animæ Tuæ extremas acerbitates, amabili tuo cordi offero. Offerens Tibi simul, per Te autem Æterno Patri Tuo, Spirituique Sancto meipsum totum, petens à Te, & Patre Tuo, Spirituque Sancto, ut hanc oblationem mei ipsius suscipientes, repletis me Spiritu veræ de peccatis meis contritionis, passionum quoque mearum mortificationis, & solidissimæ mansuetudinis. Pater noster & Ave MARIA.

II. *Consideratio*, Dolorum externorum Corporis Christi in vulnere Dextri Pedis ejusdem.

Saluto Te, adoro, glorifico, suavissimū dextri pedis vulnus, Domini mei IESV Christi: & in honorem tuum, hanc genuflexionem adoratoriam facio, toto illo affectu, quo Te creaturæ omnes adorant, & adorare debent in æternum.

Sequatur Contemplatio affectiva Dolorum externorum in Corpore à Christo susceptorum, statuendo omnia Passionis genera, & instrumenta ob oculos, IESVQUE his omnibus subiectum. Nunc ergo IESVS Sanguinem sudans, nunc inter militum manus, nunc in carcere nocturno, nunc ad columpam, nunc Homo ille purpuratus coronatusque, nunc sub cruce gemens, nunc in Cruce pendens, nunc in sepulchro cadaver jacens, &c. horumque omnium, opus, modus, causa, dispiciatur. Inde autem ego discam quàm severè corpus meum, sensusque meos tractare, quàm avidè saginari incommodorum corporalium patientiâ, & Crucibus debeam pro Christo. Propter merita hujus Tui in dextro Pede vulneris suavissimi, mi IESV, postulo gratiam tuam, ad sustinendum aliquid pro Te hodie, & semper, cum omni patientia, & alacritate, cum gaudio & fame, ampliora patiendi; postulo amorem sincerum, omnium meorum inimicorum, ingratorum, malefactorumque: plenam etiam & veram injuriarum oblivionem, ac propter Te condonationem, Tibi verò earum donationem: postulo ut omnia adversa tanquam prospera, nec tanquam à creatura, sed tanquam à tua manu Divina in me Paterno affectu collata & immissa acceptem, manum suam exosculer, ipsique me humiliter subjiciam.

Quod ipsum postulo omnibus quocunque modo, etiam per inimici-

inimicitiam odiumque mei, meis; quosque Tu Domine vis & scis esse in Te, & propter Te meos: ut Tibi unà mecum, pleno & fideli corde, servire, propter Te omnia mansuetè perpeti, ac in ferventi tui dilectione perseverare valeant in æternum.

Super hæc omnia verò, propter omnes hosce tuos mi IESU cruciatus Corporis tui, suscipe me à me in donum, Patriq; Tuo Eterno, & Spiritui Sancto me similiter in donum simul cum doloribus tuis omnibus exhibe: ac mihi unà cum illis veram patientiam, cordis munditiem, ac puritatem, cumque vestra Divinissima voluntate concordiam æternam elargire. Pater noster. Ave MARIA.

III. *Consideratio*, Heroicarum virtutum Christi, in vulnere sinistrae manus ejusdem.

Saluto, adoro, glorifico, Te dignissimum sinistrae manus vulnus Domini IESU Christi, & in honorem tuum, genuflexionem hanc adoratoriam facio, illo toto affectu, quo Te omnes Creaturæ adorant, adorareque debent in æternum.

Sequatur Contemplatio Heroicarum Christi virtutum, in Passione elucescentium. Summa nempe in Deum & proximū, etiam inimicum, & interfectorem Caritas, summa Humilitas, summa mansuetudo, patientia, obedientia, resignatio, paupertas, puritas, silentium, modestia, compassio, innocentia, justitia, misericordia, constantia, prudentia, abstinencia, moderatio, zelus Dei gloriæ, & salutis animarum, mortificatio, fortitudo, fiducia, perseverantia. Ex quarum omnium virtutum contemplatione, accendar desiderio & studio similium in specie, & in gradu, in me, & in aliis, perpetuā praxi & exercitatione, in quavis occasione plantandarum.

Propter merita hujus Tui dignissimi in sinistra manu vulneris, piissime IESU, postulo gratiam tuam, ad cognoscendam, exoptandam, exercendam, obtinendamque, heroicarum tuarum virtutum omnium perfectionem. Postulo humilitatem internam, odium & contemptum mei, mansuetudinem, obedientiam, fidem, spem, inimicorum amorem, injuriarum oblivionem & condonationem, Dei timorem, animarum zelum, prudentiam & spirituum discretionem, fervorem, constantiam, modestiam, perseverantiam in bono & perfectione finalem; omniaque omnino alia bona, quæ me Tibi gratiorem reddere possunt.

Neque soli mihi, sed omnibus etiam, quoscunque meos esse scis & vis, ista eadem postulo, ipsosque in hoc tuo pretioso vulnere abscondo, ut Tibi, mecum unâ, in omnium virtutum plenitudine, potissimum in plena Christianaque Sanctitate, serviant in æternum.

Eam ob rem ô Dulcissime Iesv, totam Animæ, cordis, ac voluntatis meæ substantiam, Tibi in præsentem dedico, & consecro, in habitaculum, in thronum, in templum. Simul autem id ipsum Tibi ô Pater Æterne, Tibique ô Sancte Spiritus facio, dedicans me totum Tibi, per omnes Iesv Christi virtutum ac meritum gratissimos oculos tuis thesauros. Accipe, quasô, ô Æterne Pater, thesauros istos immensos cum hoc minuto meo, dedicationisque meæ, & ad me servum tuum cum Filio & cum Spiritu Sancto, in plenitudine virtutum gratiarumque veniens, gratam Tibi & æternam fac in me mansionem. Pater noster, Ave MARIA.

IV. *Consideratio*, Mirabilium operum, & laborum Christi in Dextræ manûs vulnere ejusdem.

Saluto, adoro, glorifico Te speciosum venerandumq; dextræ manûs vulnus Domini mei Iesv Christi, & in honorem tuum, hanc adoratoriam genuflexionem facio, toto illo affectu, quo Te omnes creaturæ adorant, adorareque debent in æternum.

Sequatur contemplatio, mirabilem, & nostræ salutis utilium Iesv Christi operum, & laborum, ab ejus dextera patratorum, tum in omni vita, tum in Passione, atque morte potissimum. Talia sunt: Prædicatio, itinera, jejunia, vigiliæ, orationes, fationes, perpeffiones famis, sitis, æstûs, frigoris, morositatis, & ruditatis, & importunitatis humanæ, insidiarum quoque & dolositatum, & violentiarum. Talia quoque sunt Miracula omnis generis, ab ortu suo usque ad mortem, Instructio, institutio, redemptioque Ecclesiæ, nec non ordinis ejusdem, Sacramentorum quoque & Sacrificii, tum præceptorum, consiliorum, votorum, perfectionum, mysteriorumque, &c. Ex quibus confurget in me vehemens desiderium faciendi laborandique, quàm plurima & quàm dignissimè: estô sine vilia & abjecta in hominum oculis, estô contradictionis, & confusionis, & crucis plena, pro Gloria Christi, pro voluntate Dei, pro salute animarum.

Pro-

Propter merita huiusce speciosi ac venerandi vulneris in dextera manu tua mi IESV, postulo misericordiam tuam, ad operandum & laborandum semper aliquid, tum hodie, tum in omni vita mea, quod sit Tibi Deo meo gratum, & gloriosum, mihi autem & proximis meis, tuo pretioso sanguine redemptis salutare. Ac si indignus sum, aliquid aliud operis propter Te facere, opto saltem, ut me, & omnes redemptos tuos facias in Sanctitate, donorumque perfectione magnos: opto ut Ecclesiam tuam universam idoneis operariis, ac secundum cor tuum, per omnia factis locupletes; opto denique, ut nos redemptos tuos omnes, in gratia tua stabilias, confirmes, perseverare & mori in dilectione tua facias: quos omnes ideo, mecum unà in hoc specioso vulnere tuo demergo, & Tibi in eo protegendos committo, ut Tibi mecum in magnis & Sanctis laboribus, cum magno gloriæ tuæ incremento, cum longa & laboribus multis magnisque pari valetudine & vita deserviant in æternum.

In quem finem mi IESV, Tibi, & per Te Patri tuo Æterno, Spirituique Sancto, me unà Tecum Sacrifico, tuoque quod in ultima cœna & in ara Crucis (Sacrificium ipse & Sacerdos existens) obtulisti, Sacrificio, meum hoc Sacrificium unio & dignifico, petens à Te, Tuoque Æterno Patre, & Spiritu Sancto, ut hoc meum de me ipso Sacrificium in odorem suavitatis accipientes, me nunquam ab isto, me ipsum vobis per multos, magnos, assiduosque labores sacrificandi munere, ac opere cessare faciat. Pater noster. AVE MARIA.

V. *Consideratio*, Charitas, amorosissimique Cordis IESV Christi in vulnere Cordis ejusdem.

Saluto, adoro, glorifico Te Amorosissimum lateris & cordis, vulnus Domini mei IESV Christi: & in honorem tuum genuflexionem hanc adoratoriam facio, toto illo affectu, quo Te omnes creaturæ adorant, & adorare debent in æternum. Sequatur Contemplatio humilis, sed ardens & diligens Amorosissimi Cordis IESV Christi, ejusque vulneris. Mirabor ignos illos & æstus excessivos ac verè divinos, quibus Dominus IESVS, erga humanum genus, & erga Patrem Æternum arsit in Passione sua. Hic verò etiam ipse accendat desiderio ignito, respondendi tantæ Charitati, flagrans eadem incessabiliter, practicè, quàm maximè.

Pro-

Propter merita Amoris mi vulnus in latere & corde tuo, mi Iesv, postulo gratiam & misericordiam tuam, ad redamandum Te, puro corde, amore casto, forti, fideli, dulci, prudenti, humili, ignito, efficaci, æterno. Quod si non licet tanto qui sit par tuo, tanto saltem qui sit simillimus, & dignissimus tuo. Quod non soli mihi, sed etiam toti universo, toti Ecclesie, toti Regno, toti Provinciae, Vrbi, domui, communitati, ordini huic, omnibus præcipue, quos meos in Te, & propter Te scis, & vis, humillimè ardentissimèque postulo, & illos omnes in hoc centrum, officinam, & mate amoris, in vulnus scilicet ignitissimi tui cordis, mecum unà injicio, & demergo; ut in eo tanquam in centro immobiliter maneamus, tanquam in mari plenissimè absorbeamur, tanquam in officina exactissimè perficiamur. Vt Tibi Deo, Redemptori, Patri Sponso, Amori nostro, omnes & singuli ardentè, perseveranter, superabundanter, consummatè ad usque mortem, & post, per omnem æternitatem deserviamus. Quod ut fiat, postulo tam mihi, quàm omnibus, guttulas Sanctissimi Amorisissimique Sanguinis tui, quas in cordibus nostris perpetuò circumgestemus, iisque ad inextinguibilem, & incessabilem Amorem tuum, semper magis ac magis accendamus.

Propter quod mi Dulcis & superadmirabilis Amator Iesv, ego me Tibi Tecumque, ac per Te Patri Æterno, Spirituique Sancto, super altare Cordis Tui, igne Tuæ Charitatis, in Patrem, in Mundum, in Electos, in me, holocaustum facio: purè ad gloriam tuam, Patrisque Tui, & Spiritus Sancti. Petens & rogans à Te suppliciter, ut me ignito amore tuo, & Tui, in favillam redigas, meque totum in vulnus Amoris, in amoremque ipsum, quantum in toto me capax sum, quantum verò Tu cum Patre & Spiritu Sancto in toto Te dignus es, convertas. neque ab hoc vulnere unquam sanari, cessareque sinas, sed potiùs illud in me semper vivum, recens, ampliùs ampliùsque recrudescere, per omnem æternitatem facias.

Pater noster, Ave MARIA; Credo. Anima Christi, &c.

Trigesimus octavus modus meditando Passionem Christi esse potest. Si assumendo Passionis Dominicæ partes ad expendendum, Anima conetur Christo Domino Passionem suam compensare, vicemque quam maxime Christo gratam, animæ verò salutarem rependere. Modum hunc meditando Passionis, docuit Christus Dominus ipse, Beatam Gertrudem, istâ, quæ sequitur, ratione.

[Dum in die Sancto Parasceves circa memoriam Dominice
Passionis suavius afficeretur Beata Gertrudis, vicemque Amoris
Dilecto ex intimo cordis affectu rependere desideraret, dixit ad
Dominum. Eia, doce me o unica spes, & salus animæ meæ,
quomodo Tibi, pro tua Passione, saltem aliquam possim redde-
re vicem? Ad quod Dominus.

Si quis alienum sensum sequitur, & non suum: ille mihi Cap-
 tivitatem, quâ, horâ matutinali, captus, ligatus, multisque in-
 juriis affectus sum, pro salute humana, rependit. Qui verò hu-
 militer culpabilem se reddit, Iudicium, quo, horâ primâ, mul-
 tis, falsisque testibus accusatus, & morti adjudicatus sum, mihi
 recompensat.

Qui autem sensus suos continet à delectabilibus : flagella, quæ
sustinui horâ terciâ, mihi rependit.

Et qui se subdit discolis Prælati, spinæam coronam mihi alleviat.

Qui verò laesus primus ad pacem humiliatur, Crucis mihi
batulationem restituit, seu recompensat.

Si quis autem supra posse se extendit, ad opera Charitatis erga proximum; Extensionem, quâ, horâ sextâ, in Cruce acriter dissentus sum, mihi rependit.

Qui etiam non fugit gravamen contumeliæ vel tribulationis,
ut proximum retrahat à culpa, mortem meam mihi rependit,
quam pertuli horâ nonâ, pro salute humana.

Qui autem convitiatus (ab alio) humiliter respondet: Me
quasi de Cruce deponit.

Qui verò proximum sibi præfuit, sepultans ipsum majori honore vel commodo, vel alio bono se digniorem: ille sepulturam mihi rependit.] Hæc Dominus, ad dilectam suam sponsam Gertrudem. T Cuius

Insinuat.
Divinae
Piet. lib.
4. c. 26.
antefi-
nem.

11

99

29

92

99

22

22

12

4

44

21

22

95.

33

25

58

19

22

25

Cujus ad instar, poterit facile Anima devota plures compensationes Dolorum & Injuriarum Christi sibi met adinvenire, & proponere, & easdem exercere v. g. ut Christo Sanguineum sudorem compenset: studeat laborare pro Christo usque ad defatigationem.

Vt proditorium Iudæ osculum rependat: mansuetè & benevolè suscipiat & alloquatur, eos etiam, quos malè sibi affectos aliàs scit.

Vt nocturnas Christo injurias resarciat: exequatur illud Psalmistæ monitum: In noctibus extollite manus vestras in Sancta, & benedicite Dominum.

Vt nudum Christum vestiatur: vestiatur pauperem.

Vt Herodianas illusiones Christo rependat: velit esse stultus propter Christum, & velit stultus haberi, & existimari. Atque in hunc modum poterit totam Passionem Christi, eidem Christo multiplicibus virtutum actibus recompensare: cum multo suo profectu interiori, & contentatione Cordis Divini: quemadmodum tum res ipsa per se indicat; tum etiam Christus Dominus, eidem Beatæ Gertrudi, dignatus est significare.

*Libro 6
Capite
supra citato.*

Cum enim hæc Sancta ex memoria, quod Dominus horâ tertiâ spinis coronatus, ad columnam dirè flagellatus, suis fessis cruentisque humeris crucem dignatus est bajulare, vehementius fuisset succensa, dixissetque ad Dominum. Ecce Amator mi dulcissime, ad respondendum Amori tuo, pro tam indebita amaritudine Tuæ innocentissimæ Passionis, exhibeo Tibi Cor meum, desiderans omnem amaritudinem, & dolorem dulcissimi Cordis, & immaculati corporis tui perferre ab hora ista, usque in horam extremi exitus mei, orans ut quomodocunque ex humana fragilitate horum recordatio à mea labitur memoria, facias me corporalem dolorem cordis sentire, qui dignè respondeat amaritudini tuæ Passionis. Respondit Dominus. Talis voluntas, & Fidelitas cordis tui, satis sufficienter respondet mihi. Sed ut plenam in corde tuo possim habere delectationem, da mihi libertatem faciendi, & continendi in eo quacunque volo, non disponens utrum dulcedinem, sive amaritudinem tibi infundam,

M O D V S XXXIX.

TRigesimus nonus meditando Passionem Dominicam modus est: Assumere ad meditandum selectos Christi Domini dolores. Etsi enim omnes & singuli, quantumlibet opinione nostrâ minuti Christi cruciatus, fuere Christo Domino summè doloriferi, ratione Dignitatis, Innocentiæ & Teneritudinis ipsius, tam interioris quàm exterioris; sinè dubio tamen fuit, inter dolores istos, ex aliis, aliisque poenis & tormentis (quæ majora alia aliis fuisse evidens est) enascentes & intensiōis & extensiōis gradus. Hos ergo excellentiores in intensiōe acrimoniaque dolores, meditari licebit. Cùm autem sint dolores Christi duplices, Interni scilicet & Externi: quorum illos potissimùm in Anima, etsi per Corpus; hos verò potissimùm in Corpore, etsi per Animam quoque persensit, ideo utrique assumi ad meditandum possunt.

In præsentī ergo modo, internos solum assumere & expendere, metiri, & persensescere, admirari, & imitari, gratiarum actione & adoratione prosequi licebit. Quamvis autem unusquisque juxta suum proprium vel sensum, vel affectum, poterit hunc delectum, Excellentiorum Animæ Christi dolorum facere, appono tamen ego hîc eos, in quibus, meo sensu, præcipuâ quâdam ratione, si bene inspiciantur, excellentia ista dolorum interiorum Animæ Christi Domini elucescere videtur. Modicum autem interest si hæc capita, quæ recenseo, vocentur dolores, siue dolorum causæ: dummodo introgrediamur, per horum considerationem, ad statum & sensum intimum Animæ Christi cognoscendum ac delibandum.

I. Primus ergo dolor Christi internus, seu prima Causa Doloris interni Animæ Christi, fuit. Desiderium & Expectatio, & Dilatio Baptismi, seu Passionis. Etsi enim Dominus IESVS omnia vitæ suæ momenta ita disposita habuit, ut omnia certâ & inviolatâ serie à primo instanti conceptionis, usque ad ultimum instans mortis semper egerit. Etsi etiam ad omnem voluntatem Patris, ex qua totius prædictæ seriei ordo manavit, fuit semper resignatissimus: hoc nihilominus non obstante, certum est Christum Dominum nunquam à sua memoria, nunquam à mentis suæ oculis Passionis suæ totam fabricam deposuisse, sed in ejus

perpetua recogitatione, totâ vitâ suâ perdurasse: adeo quidem cum viva & intima ejusdem Passionis quoad omnia & singula ejus membra penetratione, ut maximum miraculum censeretur debeat, quod Christus Dominus non fuerit totâ suâ vitâ, illo ipso modo affectus, quo in horto post ultimam Cenam, imminente jam & ingruente Passionis horâ: revera enim nisi virtute interiore suâ, & habitâ ratione eorum, quæ inter homines agere statuerat, se cohibuisset, illo ipso modo, quo in Horto affectus erat, quo tristis, pavidus, tædiosus, agonisans, sanguinem sudans fuerat, totâ antecedente vitâ suâ affici debuerat. Quamvis autem hunc in modum affici Christum exterius non apparebat, neque enim Christus id sinebat foras erumpere: in Animæ tamen ejus sanctissimæ, simulque sapientissimæ, ac omnium futurorum scientissimæ, recessibus, non aliter omnino semper fuit per totam vitam, quam fuit semel sub illam in Horto moram. Id Dominus IESVS de se ipso fateri dignatus est aliquoties (prout aliâ notatum est) ut in illis verbis. Baptismo habeo baptisari, & quomodo coarctor, usque dum perficiatur? Quod coarctationis verbum cum suo interrogatorio modo, non solum tantum dicit, quantum quis cogitando assequi potest, sed etiam longè amplius, tantum scilicet, quantum solus Christus capere ac sentire, nemo autem alius mente comprehendere posset. Id ipsum alia quoque verba Domini attestantur. illa nimirum duobus filiis Zebedæi dicta. *Potestis bibere calicem, quem ego bibo?* Quæ præsentis temporis locutio, clarè demonstrat Christum quod semel in horto passus est exterius, semper in omni vita passum esse interiùs: immo verò illa loquendi ratio evincit, totum hoc, quod Dominus IESVS in tota Passione sua, ab ingressu in hortum, post Cenam usque ad mortem in Cruce perpassus est exterius: totum inquam hoc, per omnia vitæ suæ momenta perpassum esse interiùs, & quidem non per solam reminisceniam jugem rerum tolerandarum, quæ sola sufficeret ad maximam internorum dolorum segetem atque simul messem, verum per realem & vivum Animæ Innocentissimæ sensum.

His positis consideratisque, licebit pio meditatiore metiri, quanti doloris interni fuerit causa ista? Meum propositum hic non est ista fusiùs explanare, sed meditatiore locum dare, quam ob causam in sequentibus recensendis capitibus succin-

11. Do-

II. Doloris interni Christi excellentis, Causa fuit. *Conspicuit* in Horto Calicis illius, in quo totam Passionem suam, cum omni fœculentia ejus vidit, & gustavit, cum quanto interno horrore portionis inferioris: ea quæ gesta in horto sunt satis demonstrant: quæ ego Meditatoribus, tanquam nota ex Euangelio, relinquo.

III. Causa Excellentis Christi Doloris interni, Potestas & hora tenebrarum: quæ ab osculo Iudæ initium sumens, deinde totis furiarum diluviis in Christum refusa est usque ad articulum mortis. Cogitare possumus illo tempore quo Dominus IESVS ad discipulos dixit. *Surgite, eamus, ecce appropinquavit qui me tradet;* quando dixit ad suos hostes. *Hec est Hora vestra & potestas tenebrarum:* illo, inquam, tempore, velut alter Ionas dixit; *Mittite me in mare;* seu potius, Misit se ipse in Mare Passionis, in Mare tartaræ potestatis, in Mare Iudaici furoris, in Mare poenarum peccatis totius mundi debitarum, in Mare Iræ Dei, contra omnia omnium scelera exardescantis, in quo passu, quis fuerit sensus Innocentissimæ Christi Animæ, qui potest capere, capiat. Sensum certè illum, nullius nostrum, ac ne omnium quidem nostrum sensus capere sufficit. Qui tamen animæ Christi sensus toto Passionis tempore non tantum non cessavit, sed perpetuò immensis augmentis per omnia instantia crevit.

IV. Excellentis Doloris Christi interni Causa, fuere studia inimicorum suorum: de quibus ad Patrem suum per os Ieremiæ dixit. *Domine, tu ostendisti mihi studia eorum.* Quæ etiam studia per Davidem expressit multiplici explicatione. Inimicos enim sup̄ vocat aliquando *a Tauros pingues,* b aliquando *Canes multos.* Aliquando *c Leonem rapientem & rugientem.* Aliquando *d viatores captâ prædâ exultantes.* Aliquando *e vitulos multos.* Aliquando *f Lupos vespertinos:* Aliquando *inimicum g terribilibus oculis intuentem.* Aliquando *Leonem h in sylva, qui dederit contra se vocem:* aliquando *persecutores,* i *aquilis Calî velociores;* quibus, innumerisque aliis descriptionibus, expressit Dominus studia contra se inimicorum suorum, quæ cum & illi expresserint in omni Passionis Christi progressu, plûs quàm luculentissimè, facientes in Christo quæcunque voluerunt, seseque poenis ejus & malis satiantes: & cum Christo Domino essent comprehensivè perspectissima, immensum dolorem

Iona. 1.
12.

Ier. 11.
18.

a Psal.

21. 13.

b Psal.

21. 17.

c Psal.

21. 14.

d Isai.

9. 3.

e Psal.

21. 13.

f Hab.

1. 8.

g Tob 16.

10.

h Ier.

12. 8.

i Thren.

4. 19.

Mich.

6. 3.

Luc. 10.

18.

rem Cordi Christi infundebant. Vnde illa tenerrima simul ac amarissima Domini ad hosce maledictæ sui studiosos allocutio, *Popule meus: quid feci tibi, aut in quo molestus fui tibi, responde mihi in quo contristavi te, &c.*

V. Causa Excellentis Doloris Interni Christo fuit. Negatio & ruina Petri. Columna Cœli ceciderat tunc, Petra Ecclesiæ, Feruentissimus Amator, Patris Æterni primus revelationum Discipulus, Caput Apostolorum. Vicarius suus, corruerat, ad cuius ruinam Christus oculos suos convertere quasi coactus est, eumque collapsum respicere. Et sicut ipse de se testatus est, quod ruinam Luciferi spectârit, dixit enim. *Videbam sathanam tanquam fulgur cadentem de Cœlo*: ita prorsus dicere poterat. *Videbam Petrum* (quem aliquando etiam Christus sathanam vocârat) *tanquam fulgur cadentem de Cœlo Apostolatûs, Charitatis, Ecclesiæ meæ.* Maximi certè doloris fuit sēminarium Christo Domino hæc tanti Apostoli ruina: revera enim maximus Princeps cecidit in Israël tunc temporis, neque unquam aliâs majus damnum passus fuit, aut etiam est, Christus in sua Ecclesia.

VI. Causa Excellentis Doloris interni Christo fuit. Exiguitas efficacis fructûs dolorum suorum quantumlibet tam per omnia exaggeratorum, redemptionisquæ suæ quantumlibet plûs quàm copiosæ. Etsi enim Christi Passio sufficiens est pro totius mundi peccatis, immo & pro infinitorum hominum mundorumque iniquitatibus eluendis & expiandis: Nihilominus ductâ proportionem fructûs efficacis, qui de facto est, cum eo, qui esse absolutè, attento valore Passionis Christi potuit, exigua valde erit illius proportio ad hunc, & planè finiti ad infinitum nulla: quod etiam ostendit indubitata reproborum multitudo; & electorum paucitas: de qua inter alias Scripturæ exaggerationes, illa est apud Isaiam. [*Hæc erunt in medio terræ, in medio populorum. Quomodo si pauca olivæ quæ remanserunt excutiantur ex olea, & racemi, cum fuerit finita vindemia.*] Hanc ergo paucitatem efficaciter à se redimendorum Christus sciens, & valori Passionis suæ collatam minimè proportionatam cernens, immenso dolore cordis angebatur: non quod non esset perfectissimè contentus Patris Æterni decreto, atque voluntate, sed eam esse ingratitudinem mortalium videret, à quibus iusto Dei judi-

cio Efficacitas Passionis suæ arceretur. Hunc Dolorem expref-
sit Dominus IESVS apud Prophetam dicens. *Terra, terra ne* *Iob. 16.*
operias sanguinem meum. Multitudo quippe reproborum, quos *19.*
sacra scriptura, terræ nomine, sæpe compellat, perditione suâ
absorbent, & sepeliunt, operiuntque fructum sanguinis Christi.
In quem etiam finem, putatur Dominus IESVS in Cruce pen-
dens dixisse illa verba: *a Deus meus, Deus meus, ut quid me dere-*
liquisti? Item illam vocem: *b Sitio,* qua de re suo loco vidimus. *a Matth.*
27. 46.
b Ioan.
19. 28.

VII. Excellentis Doloris Christi in Passione Causa fuit. Of-
fensa Dei Patris in nece sua: omnia enim alia peccata etiam si-
mul accepta, respectu huius unius, quod in nece Christi patra-
tum est, prope modum venialia, & absorpta & nulla sunt. Quod-
si peccatum originale tam enormem, ac planè infinitam inex-
haustamque offensam Dei peperit, ut pro eius unius expiatione,
necesse fuerit mori Christum: quanto magis hoc Deicidii pec-
catum, omnem excedebat offensæ Divinæ limitem & modum.
Et quia Christus per sapientiam suam noverat omnem malitiam
huius sceleris plenissimè, sciebatque quantum vulnus Majestati
Dei hoc scelere singulari inferebatur, amabatque summa cum
appretiatione & intensione, honorem Patris sui; inde factum, ut
hoc scelere, quod in sui occisione tam dira patrabatur, plus quàm
omni alio scelere, plus quàm omnibus alijs simul, plus quàm
omni Passione suâ cruciaretur & doleret. Propter quod non
dubito præcipuè Christum Dominum in Horto apud Patrem
tanta cum diligentia mortem deprecatum esse, ne scilicet suæ
mortis scelere patrato, & Pater offenderetur insolentissimo ge-
nere injuriæ, & Christus ipse doloris causam, omni Passione
majorem, haberet. Propter eandem etiam causam orans Pa-
trem pro Crucifixoribus suis, dicere non dubitavit, Pater igno-
sce illis, non enim sciunt quid faciunt.

VIII. Causa Excellentis Doloris in Passione Christo fuit.
Præsentia dolentis, dolorque præsentis Matris, Cruci adstantis.
Summus enim Amor quo IESVS & Matrem amabat ipse, & à
Matre amari sciebat se, Intima quoque illa notitia, quâ IESVS
& sciebat à Matre suos dolores sciri sentiri que, & Mater vicissim
sciebat à Filio sciri, & perferri dolores suos, ex causâ Filii: eum
in utriusque corde dolorè causabat, & incendebat, qualem neq;
nos ratione vestigare & assequi possumus, neque IESVS & MA-
RIA,

KL A, puris humanis viribus salvā vitā sustinere potuissent. Quo factum, ut cūm IESVS ad manum haberet nihil, quo extremos Matris dolores leniret, in quantumcūque solatum Ioannem illi, & cum illo omnem Ecclesiā cōtūm substituit, vicissim autem Mater cūm jam tota anima in Crucifixo, seu verius in Filio Crucifixa esset, Corpore etiam quantum potuit se Cruci admovens, iuxta Crucem stetit, & sic tota in Crucifixum Filium transiit.

I X. Causa Excellentis Doloris internū Christi in Passione fuit, Derelictio Paterna: cuius sensum gravissimum, adeo affectuosius verbis, adeo luctuosius vocibus ipse Dominus testatus est, ut in omni vita ejus, in omnibus verbis ejus, nihil simile invenire liceat. Quā autem illa fuerit Christi à Patre derelictio; alibi fusiū explicatum est: hoc loco eam solū Divi Leonis verbis *Serm. 17. de Passione. Matth. 27.* insinuo, & explico: qui sic habet. *Ideo IESVS voce magnā clamabat dicens. Quare me dereliquisti? ut notum omnibus faceret, quare oportuerit eum non erui, non defendi, sed savientium manibus derelinqui, hoc est, Salvatorem mundi fieri & omnium hominum Redemptorem: non per miseriam, sed per misericordiam, nec amissione auxilii, sed definitione moriendi.* Quia ergo Pater per suam immutabilem definitionem dereliquit Christum in damnatione mortis, hoc non potuit non tenerimē sentire innocentissimus filius, non quia & ipse mori volebat, qui utiq; cum Patre & Spiritu sancto suam mortem decreverat; sed quia quod statuerat, quodque etiam efficacissimē volebat superior auctoritas, hoc valde sentiebat, & naturaliter horrebat inferior infirmitas. Atque ita dispensatio derelictionis non fuit aliud quānī necessitas mortis, in qua se positum sic doluit Christus in Cruce, sicut non poni se in ea supplex deprecatus fuerat Patrem, in Oratione dicens. Pater si possibile est, transeat à me calix iste. Et quemadmodum ibi dixit Patri. *Matth. 26. 42.* *Si non potest hic Calix transire nisi bibam illum, fiat voluntas tua.* Ita hic agnoscens non suā, quam reliquerat, sed Patris, quam elegerat, voluntatem impletam, dicit ad Patrem, quare me dereliquisti? Nimirum causam & rationem, quā sit relictus, id est non exauditus, inquit, ut ostendat alium esse illum quem ex aeterno placito Patris, pro mundi reconciliatione praelegit, unde ipsa vox non exaudito, magni est expositione Sacramenti, quod scilicet nihil humano generi conferret Redemptionis

redemptoris potestas, si quod petebat, nostra obtineret infirmitas. Hæc igitur hunc in modum explicata derelictio, sicut ex parte potestatis victricis fuit summe placita & gloriosa: ita ex parte infirmitatis patientis, summè fuit amara & dolorosa.

X. Excellentis Doloris interni Causa Christo fuit, dissolutio tam Nobilis & unici in rerum natura existentis Compositi Dei-Hominis, quæ fiebat per Animæ à corpore separationem. Quia enim unus solusque Christus toto universo visibili simul ac invisibili præstantior ac nobilior fuit: uniusque ejus jactura totius universi interitu sine ulla dubitatione justissimè redimi debuit, Christus qui suum pretium & dignitatem, excellentiamque inæstimabilem plenè noverat, interitum suum per mortem sine dubio gravissimè sentiebat. Quod si Dominus ipse unum hominem toti mundo, non solum confert, sed etiam præfert: dicens.

Quid prodest homini, si universum mundum lucretur, se autem perdat, quanto id ipsum de ipso Christo sentiendum est, qui & hominibus & Angelis & mundis omnibus dignior, pretiosior est, magis infinitè, quàm cogitatione assequi possumus. Nec obstat, quòd Christus Animam suam posuerit pro nobis: hoc enim non ideo fecit, quasi viliorē se nobis putaverit: sed ideo, quia in pretium nostræ redemptionis, & in ostensionem suæ erga nos Charitatis hoc impendere voluit, quod pretiosissimum habuit, seu quo pretiosius nihil habere potuit: ut ex immensitate impensæ ab eo pro nobis pretii, immensitatem quoque & ejus erga nos æstimaremus amoris, & nostri erga ipsum infinitudinem metiremur debiti. Hoc verò totum evidenter ostendit, summè fuisse gravem dolorosamque Christo Animæ suæ à Corpore separationem, per quam nimirum res omni purarum Creaturarum etiam possibilem genere pretiosior, præstantior, dignior perdebat. Ex quo facillè colligere est, unius soliusque Christi mortem nobis desendam esse amariorē, quàm jacturam parentum, filiorum, fratrum, amicorum, opum, honorum, regnorum, & uno verbo, plūs quàm omnium simul rerum. Hinc etiam facillè est colligere, Christo ipsi, plūs amaram fuisse mortem suam, quàm esset si totius simul mundi supercœlestis & subcœlestis Machina universa & dissolveretur, & in suum Chaos primum redigeretur. Hinc etiam facillè est colligere nostræ ingratitudeis enormitatem execrabilitatemque, quā Christi

*Matth.
16. 16.*

mortem non tantum condignâ grati animi significatione non prosequimur, verum etiam omni genere ingratiſſimæ malitiæ, malitiſſimæque ingrati tudinis, perpetuò, paſſim, & ubique & omnes deſpicimus, deſpuimus, conculcamus. O quiſ ſapiens: & intelliget hæc!

M O D V S XL.

Quadrageſimus Meditandi Paſſionem Chriſti Modus eſt: Aſſumere inſigniores Chriſti Dolores externos: quos etſi unusquisque ex proprio ſenſu non diſſiciliter ſeligere poterit: ego tamen, quos mea fert opinio fuiſſe præ aliis excellentes, exponam: & quidem nullâ ſerè adhibita (ſecus quàm in proximo modo feci) explicatione, aut exaggeratione. Cum enim iſti dolores externi ſint, & ſenſui pateant: non eſt diſſicile cuiſvis eorum excellentiam aſſequi propriâ meditatione: ut proinde explicatio ſuperflua futura eſſe videatur.

Primus Ergo Dolor Chriſti externus inſignior præ aliis fuit, Agon ille totus in Horto: qui adeò durum præludium fuit Paſſionis, ut ipſi Paſſioni æquivaluerit, & ſudoris ſanguinei guttas decurrentes in terram ex toto Chriſti corpore expreſſerit. Certè ſi de ſola triſtitia ſua non dubitavit Dominus aſſerere eam eſſe parem inferendæ ſibi morti: longè id de toto illo Paſſionis futuræ rudimento magis aſſirmare potuit.

Secundus Dolor Chriſti externus fuit inſignis, Carcer ille nocturnus in Caiphæ domo, geſtaque per totam illam noctem: quorum cum initium narraſſent Euangeliftæ: quemadmodum poſtquam omnes condemnaverunt eum eſſe reum mortis, tunc expuerunt in faciem ejus, & colaphis eum ceciderunt, & vela verunt eum & percutiebant, & alapis eum cædebant, & palmas in faciem ejus dederunt, & interrogabant eum dicentes, Prophetiſa nobis Chriſte, quis eſt, qui te percuſit? reliquum tandem nocturnorum dolorum & probrorum, aliorumque geſtorum in compendium redigens unus eorum concludit. Et alia multa blaſphemantes dicebant in eum. Ut minime mirum ſit, nullius pii ſcriptoris, aut meditatoris parem eſſe cogitatū hiſce nocturnis Chriſti injuriis & doloribus explicandis, in quibus explicandis, ipſius Sancti Euangeliftæ calamus, videtur deſciſſe.

Tertius

Tertius Christi externus dolor maximè insignis fuit. Denudatio ad flagella, & flagellatio ipsa. Denudationem suam volens exprimere Dominus, quàm sibi fuerit onerosa: usus est per Prophetam illo loquendi modo: *Operuit confusio faciem meam.* Non ait se confusum pudore, & verecundiâ affectum, sed omnè veluti confusionem, quæ uspiam fuisset aut esse posset, in suam tunc faciem convolsisse, & præ enormitate erubescentiæ eam omnino operuisse. Eandem confusionem exprimit idem Prophetam ex sensu Christi dicens. *Totâ die verecundia mea contra me est, & confusio faciei mee cooperuit me.* Quibus verbis eandem Passionem suam, quam ex nuditate perpeßus est gravissimam, declaravit. Non absimilem sensum flagellationis suæ enormissimæ per eundem Prophetam sæpius declaravit Dominus noster, nunc quidem dicendo: *Congregata sunt super me flagella, & ignoravi.* Vbi mirificè flagellationis suæ diritatem expressit, adducens in medium, flagellorum multitudinem, seu congregationem super se: si enim multa flagella, sinè dubio & multi flagellantes, & longè magis multa ipsa flagellatio: nunc verò dicendo. *Et fui flagellatus totâ die, & castigatio mea in matutinis.* Quâ voce nihil exaggeratius dici videtur posse. Non enim Dominus totâ die à mane flagellatus legitur, sed tanta fuisse tamque enormis illa flagellatio significatur, qualis esset illa, si quis totâ die à summo manè flagellatus fuisset. Nec minor est illa ejusdem diritatis in flagellatione expressio, quâ dicit Dominus, *Supra dorsum meum fabricaverunt peccatores, prolongaverunt iniquitatem suam.* Alia lectio habet, araverunt, & sulcum suum produxerunt. Vt enim fabri super incudem ferrum tundunt sinè ullo metu, ut aratores sulcos trahunt per agrum, ita impii vulnera super Christum.

Quartus. Immanis Dolor fuit Externus Christi, à Coronâ Spinea, quæ ad intimas usque Capitis partes, aculeos suos plures adactos habuit, & cùm semel imposita aut potius infixâ fuisset, nequaquam ita permansit, sed iterum iterumque detracta & imposita est, cum multiplici vulnere dolorumque innovatione: accessit spineo sermo, purpura, arundo, consputatio, colaphorum impactio, genuflexio, & irrisio; quibus omnibus dolor dolori additus, & contumelia omnimodis exaggerata est.

Quintus. Immanis quoque Dolor Christi fuit externus. Mo-

Psal.

68. 8.

Psal. 43.

16.

Psal. 34.

15.

Psal. 72.

14.

Psal.

128. 3.

one non
malitia,
ubique
sapiens:

est: Af-
si unus-
ego ta-
ponam:
o modo
dolores
rum ex-
plicatio

his fuit,
fuit Pas-
guttas
t. Cer-
eam esse
his furu-

ille no-
octem:
modum
tis, tunc
& vela-
palmas
es, Pro-
um tap-
gesto-
Ex alia
rum sit,
u hisce
quibus
ar defe-

Tertius

ra seu Trithorium in Cruce: quo toto tempore agonisavit Christus, & universa membra ejus, sedibus suis evulsa sunt, pectus verò cum costis suis, ita distractum distentumque, ut hunc unum solumque pectoris in Cruce convulsi dolorem, quisquis debite aliqua ex parte considerarit, fuisse præ omnibus gravissimum atque maximè durum & intolerandum necessario affirmaturus sit.

Sextus, Dolor Christi externus insignis fuit à venenatissimarum linguarum aculeis, quibus intima & extima Christi depasti sunt inimici ejus, insultantes ei verbis, quando jam verberibus non potuerunt, ut dicere potuerit Dominus IESVS hostibus suis illud: *Invaluerunt super me verba vestra, dicit Dominus. Et dixistis: quid locuti sumus contra te? dixistis. Vanus est qui servit Deo: & quod emolumentum quia custodivimus precepta ejus, & quia ambulavimus tristes coram Domino exercituum? Ergo nunc beatos dicimus arrogantes, siquidem edificati sunt facientes impietatem, & tentaverunt Deum, & salvi facti sunt.* Quid enim minus ab his dixerunt illi, qui dixerunt. *a* *Confidit in Deo, liberet nunc si vult eum.* *b* *Christus Rex Israël, descendat nunc de Cruce, & credimus ei. Dixit enim quia Filius Dei sum.*

a *Marc.*
15.
b *Matth.*
27.

Septimò. Ad insigniores Dolores Christi externos, pertinuit quoque Detractio ultima vestium Christi ad Crucem affigendi; vestes enim ad faucium plurimis in locis Corpus adhæserat, ita, ut avelli à crucifixuris Christum, cum ingenti carnificina, cumque avulsione partium adhærescentis sanctissimæ & oblata carnis, cum multa sanguinis effusione debuerint: per quod & renovatus dolor, & vulnera dilatata necessario fuerint in Christo. Hujus Doloris enormitatem ipsa cujusque non dico experientia, sed etiam imaginatio, facile docere meditantem potest.

Psal. 68.
22.

Octavus. Dolor enormis Christi Exterior fuit. Potus in siti oblatus Christo, conflatus felle, myrhâ, & aceto. Novercale revera poculum, de quo Dominus tantò ante, per Prophetam conqueri non omisit, dicens. *Dederunt in escam meam fel: & insiti me a potaverunt me aceto.* Quomodo illud non sathanico majus odium fuit, quod homini ad extrema deducto (cujuscunque tandem conditionis fuerit ille,) homini inquam præ doloribus, & sanguinolentis vulneribus exhausto, animamque agenti, ac inter Crucis tormenta morienti, pro aquæ haustu acetum porrigere, & extre-

& extr
fauces
ad odi
Fel Dr
Nor
orbita
De
nim
batque
diutissi
hoc p
prop
ribus

Q
comp
quos
sui, &
ac pe
intim
ta, ne
gnit
non
mus,
ctu
Chr
causa
ita
pecca
rum
bitor
nem,
expec
hanc
Si ex
enim

& extremum illud corporis miserrimè excarnificati membrum, fauces scilicet atque linguam sitis ardore exustam, ultimato, & ad odii sui exsationem, ad invento poculo, cruciari? verè, *Fel Draconum, vinum eorum, venenum aspidum insanabile.*

Deut. 32.

Nonus. Dolor externus Christi enormis fuit, à conspectu & orbitate Matris.

Decimus Dolor Externus fuit Christi à Morte Corporis, etenim cum summa violentia à Corpore illo dissolvebatur recedebatque anima: utpote quod optimè dispositum habebat, & quod diutissimo tempore informare naturali cursu debuerat. Vtrumque hoc punctum in præcedenti modo utcumque exaggeratum est, propterea hoc loco amplius nihil addo: sed campum meditationibus piis suum relinquo.

M O D V S XLI.

Quadragesimus primus Meditandæ Passionis Domini Modus esse potest, Contemplari Passionem ipsam, in doloribus & compassione Beatæ MARIÆ Virginis: expendendo scilicet, quos & quantos illa dolores sustinuit, ob dolores Christi Filii sui, & ex his illos, vicissimque ex illis hos metiendo, ponderando, ac perpendendo, simulque Matri condolenti ac Filio dolenti, intimo ex corde nostro compatiendo: quin etiam nostra peccata, nostram malitiam, nostram ingratitudinem, nostram indignitatem, nostram obligationem recognoscendo, ex hoc, quia non solum Christum peccatis nostris crucifiximus, & occidimus, verum etiam Matri Christi eadem operâ maximorum luctuum dolorumque causam dedimus. Nisi enim nostra peccata Christum mori coëgissent, Mater, nullas tantorum dolorum causas habuisset. Quare peccata nostra sicut dolorum Christi, ita Matris ejus causa fuerunt: & nos sicut Christo pro nostris peccatis dolenti, ita & Matri ejus occasione eorundem peccatorum afflicta, compassionis, gratitudinis, imitationis, amoris debitores sumus. Ad quam rem, id est, ad ejus debiti cognitionem, consequenterque exsolutionem, ut efficacissimè excitemur, expedit mensuram dolorum Beatissimæ Matris penetrare: ad hanc porro penetrationem duplici viâ pervenire licebit. *Primò,* Si expendatur Amor Sanctissimæ Matris in Filium suum: quantum enim hic fuit major, tantò etiam necessariò & dolor debuit esse,

ac reipsa fuit gravior, amoris namque hoc est proprium, ut Amantem in Amatam transferendo, atque transformando, faciat illum participem & compotem, complicemque eorum omnium, quæ sunt acciduntve Amato. Sive illa sint bona & prospera, sive mala & adversa: quo fit ut qui alterum amat, ejus bonis lætetur, tanquam suis, ejus malis crucietur, tanquam suis: saepe etiam plusquam suis, pro magnitudine scilicet, puritate, intimitateque amoris. *Secundò*, Penetrabimus in dolorum Beatæ Matris mensuram immensam, si expenderimus cognitionem dolorum Christi, quam habuit Beata Mater de illis: quo enim cognitio ista fuit magis intima, vivax, & omnium conditionum circumstantiarumque Patienti & Passioni annexarum possessiva, & comprehensiva, hoc fuit evidentior comprehensio enormitatis dolorum Christi, & consequenter, hoc fuit atrocior dolor in Matre, dolentem Filium cognoscēte.

Attingo breviter aliquot fontes Amoris Beatæ Virginis erga Christum Filium, qui considerati, ostendunt ejus magnitudinem, & ex hac notam quoque facient dolorum ejus Excellentiam.

Primus, Præcipuusque Fons Amoris fuit MARIA Matris in Christum Filium, qui erat Christus simul ejus, & simul Dei Filius: adeò, ut quantum ad Personam Christi, non fuerit alius Filius Dei, & alius ipsius, sed unus omnino idemque individualiter & Hypostaticè: ex quo fiebat, ut MARIA esset vera Dei Mater, possetque dicere longè veriùs, ac justius de se, deque sua Maternitate, quàm alia illa dixerat. *Possedi hominem per Deum*: vel etiam possedi hominem Deum. Ex hoc fonte Amor MARIAE erga Christum, fuit specialis cujusdam sicut generis, ita etiam ordinis, ac altitudinis, diversæ nimirum, & ab ea quæ continetur in præcepto diligendi Deum super omnia, seu ex toto corde, tota anima, & ab ea quæ continetur in præcepto diligendi proximum sicut se ipsum, & adhuc ab ea quæ continetur in præcepto instinctuque naturali Parentum ad diligendum suos filios: quoniam MARIA Christum dilexit, non tantum ut Deum suum, nec tantum ut hominem purum, proximum suum; nec denique tantum ut hominem solum filium suum, sed dilexit eum ut Mater Dei, Deum Filium, Deum Hominem, Filium suum. Superaddens, vel certè intermiscens dilectioni suæ jus maternum, quo ornegebatur non tantum humanam in Christo, de se sumptam natura,

Gen. 4.

Luce 10.
27.

curam,
sonam.
ve Filiu
amori
similis,
nes eni
aliter c
Dei Fili
tum id,
lium.
fidelit
hanc r
Et qu
dilecti
capia
lorem
abyssu
Sec
Conce
dum.
dei.
dus,
verò
ratus
dilecti
nitati
erga
dum
& car
bei si
parer
Quo
lūm p
dolori
Ter
Christ
& qu
lo se

turam, sed etiam Divinam, suo sanguini hypostaticè unitam personam. Quale motivum amandi sive Deum, sive Hominem, sive Filium, nulla unquam creatura, habet habuitque; ac proinde amorì MARIÆ, in Christum nullus est, nullusque potest esse similis, nullus par, in ulla, immo in omni simul creatura. Omnes enim creaturæ si amabunt condignè Christum, non possunt aliter condigniùs, quàm amando illum ut Deum Hominem, ut Dei Filium, ut MARIÆ Filium: at MARIA, ultra & supra totum id, amat Christum Hominem, Deique ac suum verum Filium. Cujus motivi Excellentiam sicut sola Virgo MARIA possidet, ita sola etiam ejus mensuram cognoscebat, & sola etiam hanc mensuram amoris sui vehementiâ & excellentiâ implebat. Et quia in Passione tam indigna atque amara Filium suum ita dilectum demersum planissimè videbat, jam qui potest capere capiat, quantum ex Passione illa sui Filii MARIA capiebat dolorem. Mihi certè nullus creatus intellectus par videtur, ad abyssum istam subintrandam, nedum penetrandam.

Secundus, Fons Amoris MARIÆ erga Christum fuit. Conceptio ejus de Spiritu Sancto: juxta illud Angeli ad eam dictum. *Spiritus a Sanctus superveniet in te*, & juxta Symbolum fidei. *Qui conceptus est de Spiritu Sancto*. Cum ergo Spiritus Sanctus, sit author conceptionis atque Maternitatis MARIÆ: is verò sit substantialis amor: quemadmodum Spiritus Sanctus operatus est in MARIA conceptionem, ita etiam idem illi indidit dilectionem Christi: ita ut MARIA habuerit in se & Humanitatis Christi de suo sanguine formatorem, & Charitatis etiam erga Christum inflammantorem unum eundemque Spiritum Sanctum. Quia ergo MARIA ex eodem Sancto Spiritu concepit & carnem & Charitatem Christi: inde est: quòd sicut non habet similem MARIA in Conceptione Carnis Christi, ita etiam parem non habeat in Charitate ac dilectione ejusdem Christi. Quòd evidenter evincit ulterius, nullum quoque socium, nullum parem fuisse aut esse posse, MARIÆ in perferendis doloribus Christi.

Tertius, Fons Amoris MARIÆ erga Christum fuit. Quia Christus fuit MARIÆ verus, connaturalis, consubstantialisq; & quidem solius MARIÆ, filius: Christus enim sicut in Cælo seu in Divina generatione Matrè non habet, ita in terra in hu-

a Luc. 1.

35.

mana

mana conceptione, Patrem non novit: sed in sola atque una MARIAM Matre, dilectio tam Patris quam Matris erga Christum, resedit: quo factum est ut in MARIA major fuerit dilectio erga Christum, quam in ullis parentibus unquam fuerit, erga aliquam suam prolem: atque hinc etiam factum est, ut MARIÆ dolor, fuerit major dolentis ob dolores Christi, quam ullius Patris vel Matris esse potuerit ac possit, ex dolore prolis suæ.

Quartus, Fons Amoris MARIÆ erga Christum fuit, Magnitudo & multitudo beneficiorum Christi erga Matrem suam: quæ tanta fuit, ut puræ creaturæ divinius majora contingere non potuerint, perinde ut puræ creaturæ nulla, Matre Dei, major esse potest. Quia verò beneficentia solet amorem conciliare, inter beneficiarium & benefactorem, inde conficitur, maximum fuisse amorem in MARIA erga Christum, quoniam constat, maxima fuisse & esse beneficia Christi erga MARIAM. Quæ autem ea fuerint vel sint beneficia Christi Domini erga Matrem suam; dicerenihil attinet, cum sint vulgo satis nota, & in uno Maternitatis beneficio satis comprehensa. Porro amor beneficiarii in benefactorem suum, talis esse solet, (& debet) ut obligatione gratitudinis velit, gaudeat, curetque, omnia bona benefactori evenire ac inesse: contra autem nolit, impediatur, & doleat quidquam mali & adversi eidem accidere. Necesse itaque fuit MARIAM summè cruciari malis filii sui; quæ senoverat, totam quanta quanta esset, beneficium esse filii sui.

Quintus, Fons Amoris MARIÆ erga Christum fuit, Dignitas, Sanctitas, Innocentia, Sapientia Filii sui. Vera quippe Charitas, quæ in dilectionem alicujus rei fertur propter solum Deum, eam rem necessariò solet atque debet plus diligere, in qua plus elucescit Dei siue naturæ, siue bonitatis, atque perfectionis: quoniam ergo in Christo: non tantum plurimum fuit Bonitatis Divinæ, sed planè tota Divinitatis plenitudo, in eo habitabat corporaliter, quod MARIAM, minimè latebat: inde fiebat, ut MARIA Christum summè amaret, æstimaret, veneraretur, appretiaret; accedente præsertim eo, quod Christus esset simul aliquid suum proprium, Filius nimirum suus proprius, unigenitus, expurissimis suis sanguinibus, operâ Spiritûs Sancti conceptus, de se natus, educatus, &c. factum est inde necessariò quod MARIA summè Christum dilexerit, factum etiam quod eadem

dem su
De
fui dice
suâ sapi
valde g
lores C
cissimè
meon
vit, &
Ex
ac Co
suum,
stater
dubie
omne
dolor
allog
trito
bene p
parum
gidi v
parieu
nos in
tia bil
ca be

Q
perfe
illa te
um s
scend
ipsius
ex dol
præce
seura
rem

dem summè injurias ejus senserit, & amarissimo animo tulerit.

De Cognitione, quam M A R I A habuerit de doloribus Filii sui dicere nihil attinet, cum satis constet, illam & fuisse naturâ suâ sapientissimam, & mysteriorum Scripturæ, maxime Filii sui, valde gnaram, & luce Spiritûs Sancti illustratam: ac proinde dolores Christi intimè cognoscentem, consequenter, eisdem vivacissimè penetrantem, ac sentientem. Quam penetrationem Simeon explicare volens; Gladium animam pertranseuntem vocavit, &c.

Ex his igitur duobus capitibus consideratis, Amoris scilicet ac Cognitionis, quæ fuit in M A R I A erga Christum Filium suum, licebit nobis subintrare aliquantulum atq; metiri immensitatem Dolorû Matris Virginis ex doloribus Christi: ita ut non dubitemus accommodare verba illa Prophetæ dicentis. *O vos omnes, qui transitis per viam, attendite & videte, si est dolor, sicut dolor meus.* Non dubitabimus etiâ eam, compassivo affectu, alloqui verbis illis ejusdem Prophetæ. *Magna est velut mare contritio tua, quis medebitur tui?* Ex his quoque duobus capitibus bene perpensis. discemus nos ideo dolores Christi Domini, tam parum sentire, quia & in cognitione stupidi, & in dilectione, frigidi valde sumus, tam ejus, qui patitur, quàm earum rerum, quas patitur. Inflammemus ergo nos amore Christi: & exerceamus nos in Cognitione illius, dolorumque ejus: & dabitur nobis gratia bibendi cum ipso Calicem Passionis ejus: quæ est vera & unica beatitudo hujus vitæ, omnium fidelium servorum ejus.

M O D V S XLII.

Quadragesimus secundus Modus Passionem Christi meditari est; Considerando & vestigando illam, in & ex virtutibus perfectissimis planèque Heroicis M A R I Æ Matris Christi, quas illa tempore Passionis ipsius exeruit, & exercuit, ad nostrû omnium speculum & exemplum. Dux sunt enim rationes cognoscendi Passionem Domini I. & v. Redemptoris nostri per Matrem ipsius: una quidem considerando dolores ipsius Matris, quos illa ex dolente, & cum dolente filio, sustinuit: quam rationem in præcedenti modo, utcumque exposuimus, ostendendo duas vias seu radices investigandæ mensuræ dolorum Maternorum. Amorem scilicet, & Cognitionem ejus, quam habuit de Filio suo deq;

Thren.

1. 12.

Thren.

13.

doloribus ipsius: altera porro est ratio, considerando insignes maximè virtutes ejusdem Matris, quas illa exercuit, in tam dura & insolita occasione, qualem nulla unquam creatura exercendarum suarum virtutum habuit: hunc ergo modum in presenti proponere aliquatenus volumus.

Prima itaque virtus, quam MARIA in præstanti gradu heroicoque exercuit, patiente Filio suo, est Fides atq; Fiducia. Fide enim credidit omnia credenda de Filio suo, contra omnem humanarum rationum evidentiam. Neque enim propterea minor fuit Fides Beatæ Virginis, quàm ullius Sancti, quia fuit Mater Christi: sed potiùs hoc ipsum exaggerat Fidem ejus, quâ totam Christi Ecclesiam sustinuit, quia in fide non vacillavit, sed credidit omnibus Scripturis, quæ de Christo erant. Credidit Christum Redemptorem esse mundi, qui humanitus nec sibi ipsi opem ferre posse videbatur. Similiter, in spem contra spem fiduciam habuit in ipsa morte, perditione, exinanitione, extinctioneque Filii sui; non dicebat, ut illi duo. *Nos autem sperabamus, quia ipse esset redempturus Israël.* Sed potiùs dicebat. *In Te Domine speravi, non confundar in aeternum.* In Te Fili captivum, in Te contemptum, in Te vermem, & non hominem, opprobriumque hominum & abjectionem plebis, in Te damnatum, occisum, sepultum: & scio, quia hæc, quæ sunt instrumenta perditionis tui, sunt media Salvationis Mundi.

Lnc. 24.

2.

Psal. 30.

7.

Secunda, Virtus MARIÆ Virginis in Passione Filii exercita fuit. Modestia & Patientia: nihil enim patientius, nihil modestius, apparuit unquam in mundo, Patientie suo & Dei Filio, Matre Virgine MARIA: immo dico, nulla unquam in occasione modestiam, patientiamque Virginis MARIÆ eluxisse, quàm in Passione Filii; quod facillè credet, qui advertet, nil unquam gravius, adversius, & ad turbandam omnem mediocritatem aptius, oblatum fuisse MARIÆ, vel ulli creaturæ offerri potuisse, quàm Passionem mortemque talem, talis ac tanti Filii. Itaque alibi alias MARIÆ Virginis licet discere virtutes, sed in Passione Filii, Patientiam, Modestiam, & animi æquitatem singularissimè.

Tertia, Virtus MARIÆ Virginis in Passione eluxit Humilitas, atque sui Contemptus, & Vilificatio. quid enim restabat MARIÆ tantâ ingenuitate, tantâ mentis præstantiâ ac generositate

rostita
polite
at ho
lis fu
tinen
pessu
Matr
cupio
carpi
quid
se An
Ma
qua
bra
& g
long
bori
Mat
lod c
mir
uni
qua
ritas
hon
Cha
den
usq
odi
am
ip
ac r
rater
nem
patie
S
ca el

rositate pollenti, quàm sub forma pessimi vilissimique latronis posito ac pereunte Filio, subtrahere, subducere, occultare sese; at hoc longè abfuit à M A R I A, immo verò neque cum discipulis fugit, neque cum Petro negavit, neque eum notis & amicis timens à longè stetit, sed potius Matrem ultro se impii, improbi, pessimi, Barabbà & latronibus peioris, furciferi, crucifixique, Matrem inquam se professà, stabat juxta Crucem, parata, & cupida, & gaudens se digito ostendi, se sigillari, se irrideri, se carpi, se confundi, se notari talem, talis filii genitricem. Hic, si quid ego judico, M A R I A humilior fuit, quàm tunc, quando se Ancillam Domini, coram Angelo professà fuit.

Quarta, Virtus M A R I Æ Virginis Patiente Christo eluxit Magnitudo & Fortitudo animi. Certè plusquam in Iahel, plusquam in Iudith, plusquam in Debora, plusquam in illa Machabæa, septem filiorum Martyrum Matre, furor enim Iudæorum & gentilium, qui in Christum M A R I Æ filium desavebat, longè fuit immahior, longè robustiorem magnanimitatis, & roboris materiam præbuit M A R I Æ, quàm ulli supradictarum Matronarum, adeò ut longè iustius dici possit de M A R I A, illud quod dictum est de Machabæa. *Supra modum autem Mater mirabilis, & bonorum memoriâ digna, quæ pereuntem filium sub unius diei tempore conspiciens, bono animo ferebat, propter spem quam in Deum habebat.*

2. Machab. 7.
20.

Quinta, Virtus M A R I Æ in Passione Christi emicuit, Charitas planè ardens; planè ardua, Charitas inquam Dei, cuius honori, & gloriæ Filium suum deservire, immolarique elegit. Charitas etiam proximorum, & quidem peccatorum, & quidem Filii sui interfectorum, quorum odiis, injuriis, sceleribus, usque adeò non passa est animum suum infringi, aut inlecti in odium, ut potius in tenerrimum robustissimumque conversa amorem optaverit, petierit, probaverit, Filium suum, pro iis ipsis, proque eorum salute mori, à quibus, & à quorum manibus ac rabie, ipsum uidebat mori. In quo passu ipsius Filii sui charitatem æmulata, & proximè affecuta est: qui pro iis ipsis sanguinem suum fundere amabilissimè voluit, à quibus illum effundè patientissimè permisit.

Sexta, Virtus M A R I Æ in Passione Filii admirandè Heroica eluxit, Obedientia ac Resignatio in oracem Dei voluntatem.

quâ virtute, ita se & hominem & Matrem oblita est, planèque exiit, ut tota solam unamque Dei voluntatem & gloriam intuens atque amplectens, non tantum non tulerit molestè adeò amaram, & per omnia exquisitissima tormenta diram mortem sui simulque Dei Filii unici, sed etiam præ ardore, altitudine, vehementia, plenitudineque Obedientiæ & Resignationis, cumque Divina Voluntate conformitatis, parata fuerit, si Deo ita ordinare placuisset, ipsa suis manibus maternis Christum Filium, & conspuere, & pedibus manibusque tundere, & ad columnam flagellis cadere, & spinis coronatum ludibrio habere, & cruce impositâ onerare, & propriis manibus crucifigere, de Cruce deponere, ac sepelire, in hostiam & holocaustum Deo.

Has virtutes aliasque plures, M A R I A Patientè exercuit Filio: ita ut in eis totam depinxerit Passionem Filii, nobisque eam unâ secum ad imitandum proposuerit, &c,

M O D V S XLIII.

Quadragesimus tertius Passionem Domini meditandi Modus esse potest; Considerando illam in Sacrosancto Missæ Sacrificio expressam & repræsentatam. In hunc enim præcipuè finem, Sacrum Missæ Sacrificium, atque etiam Eucharistiæ Sacramentum institutum à Christo, ex signantibus ipsius Christi verbis novimus, ut in eo & per illud recogitemus, repræsentemus, renovemus, Sacrificium ejusdem Cruentum in Cruce cum tota ipsius Passione. Quocirca non tantum perutilis & laudabilis, sed etiam ab ipso Christo Domino institutus desideratusque modus est meditando Passionem ejus, sive per Sacrificium Missæ, quod Sacerdotes præcipuè faciunt, quoties Sacrum faciunt, sive in Sacrificio Missæ, quod omnes facere debent, quotiescunque Sacrum audiunt. In eum usum hoc loco pono perpetuam omnium eorum, quæ in Sacro Missæ Sacrificio geruntur, cum ipsa Passione quæ gestis illis repræsentatur collationem, ut sive in ipso, dum peragitur, Sacro, sive etiam extra illud quolibet loco & tempore, Passio Christi ad Missam, Missa ad Passionem relata, fructuose & devotè recolî possit.

1. Præparatio Sacerdotis in Sacrario ad Sacrificandum: commemorat & repræsentat valedictionem Christi, quâ, iturus ad Passionem valedixit Sanctissimæ Matri, nec non aliis amicis, consolans

consolans illos, seseque ad Passionem accingens, & ab omnibus aliis negotiis expediens, totumque animum ad negotium Passionis convertens,

2. Egressus Sacerdotis ē Sacrario ad altare. Signat egressum Christi de Coenaculo versūs Hortum, & Oliveti Montem.

3. Depositio, & Dispositio Calicis atque Corporalis super altare, nec non Missalis: signat Ruminationem illam Christi pergentis in Gethsemani, & incipientis interea pavere, torere, contristari, moestiāque arctari, ac dicere. *Tristis est Anima mea usque ad mortem,*

4. Mora Sacerdotis aliqua ad medium altaris, inclinatioque Capitis: recessus ab altari, & descensus ad infimum gradum: signat relictionem discipulorum, quā Christus eos reliquit, & ab eis avulsus est quantum jactus lapidis, orationis faciendae gratia.

5. Psalmus, Confessio, aliaeque orationes: significant orationem Christi repetitam; prostrationem in genua, & in faciem, confortationem Angelicam, agoniam, sudoremque sanguinem.

6. Accessus ad Altare: signat occursum & processum obviam hostibus. Surgite eamus: ecce appropinquavit, qui me tradet.

7. Osculum Altaris: signat osculum Iudae, quod retulit ab eo Christus, ei que dixit. *a Amice ad quid venisti? b Iuda, osculo filium hominis tradis.*

8. Introitus Missae, & signum Crucis. Significat sermonem Christi ad Iudaeos. *c Tanquam ad latronem existis cum gladiis, &c. d Sed bat est hora vestra & potestas tenebrarum.*

9. Sacerdos in medio Altari Kyrie eleison repetens. Signat Captivitatem Christi & injurias ejus, derelictionemque ac fugam discipulorum omnium.

10. Gloria in excelsis: signat exultationem & insultationem hostium, quā capto Christo exultarunt, sicut solent victores captā praeda, in Palatio Annae & Caiphae.

11. Osculum Altaris, & Dominus vobiscum. Signat Examen Christi de doctrina, & de discipulis, responsumque Domini, ob quod enormem alapam accepit ab uno ex ministris.

12. Epistola. Signat accusationes, falsaque testimonia, adjurationes, injurias, condemnationes Christi apud Caipham, ab universo Concilio.

a Matth.
26. 50.

b Luca
22. 48.

c Marci
14. 48.

d Luca
22. 60.

13. Graduale & Tractus: signat blasphemias, oculorum ve-
lationem, conputationes, colaphilationes, quas pertulit Domi-
nus in eadem Caipha Domo.

14. Euangelium, & osculum Missalis atque signatio: signat
Confessionem Christi, quâ se Christum, Dei Filium, insuperque
Iudicem uniuersorum confessus est.

15. Credo: signat Petri Negationem, & conversionem, &
amaras lacrymas, respiciente Petrum Domino: tum etiam: per-
noctationem totam Domini, infandis injuriis plenissimam.

16. Osculum Altaris, & Dominus vobiscum; signat: Matu-
rinum Concilium Iudæorum, in qua de novo Christus est Exa-
minatus, Confessus, Damnatus.

17. Offertorium: signat deductionem Christi ab Iudæis ad
Pilatum. Signat etiam Iudæ poenitentiam, & abjectionem san-
guineæ pecuniæ.

18. Oblatio Panis & Vini super Altare. Signat interrogatio-
nes Pilati, accusationes Iudaicas, silentium, & demum responsa
Christi ad Pilatum.

19. Ablutio manuum. Signat remissionem Christi ad Hero-
dem, Herodis exinde gaudium, Christi silentium, contemptum,
& illusionem ejus, ab Herode & Herodianis Vestem albam,
&c.

20. Oratio, post abluitionem manuum, in silentio: Signat
Pilati cum Christo sermones, pro Christi innocentia & liberatio-
ne conatus, collationem cum Barabba latrone, homicida, sedi-
tioso.

21. Osculum Altaris: & Orate Fratres. Signat Christi mu-
dationem, flagellationem, coronationem, ad populum produ-
ctionem, cum Ecce Homo.

22. Secretæ Orationes ante Præfationem. Signant Persuasio-
nem Principum Iudaicorum, quâ suaserunt populo, ut peterent
IESVM crucifigi, tum clamores populi varios, Tolle, Crucifige,
Sanguis ejus super nos, &c. Cunctationem Pilati. Ejus vxoris
denuntiationem.

23. Præfatio. Significat Damnatum IESVM, & traditum
voluntati Iudæorum, ad crucifigendum, promulgationem quoq;
feralis sententiæ in IESVM.

24. Sanctus, Sanctus, Sanctus. Signat triumphos Iudaicos
de ob-

de obtenta in Christum sententia, festinationem ad ejus executionem: signat verò multò magis gaudium cordis Christi, ex decreto Patris Aeterni, de salvando genere humano per suum sanguinem.

25. Oratio post Sanctus, & Cruces tres. Significant bajulationem Crucis à Christo, adjuvante Symone Cyrenzo.

26. Memento vivorum, (ut vocant.) Significat sermonem Domini, seu Prophetiam ad mulieres lamentantes super ipsum. *Filie Ierusalem, nolite flere super me, &c.*

27. Communicantes. Signat Perventionem Domini in montem cum Cruce, obviationem quoque cum Matre dolorosissima. Vini quoque Myrrhati, cum felle misti oblationem.

28. Manus Sacerdotis expansa super oblatas hostias. *Hanc igitur oblationem, &c.* Signant Positionem Nudati super Crucem, & oblationem illam quam Christus tunc fecit Patri Aeterno, de se ipso, finaliter se ejus voluntati ad redimendum in Cruce humanum genus resignans.

29. Varie Cruces formatae quinquies. Signant affixionem Christi ad Crucem.

30. Consecratio tam Panis quam Vini: & utriusque Elevation. Signat affixum jam JESVM, & elevatum cum Cruce, statutumque in sublimi, cum titulo: JESVS NAZARENVS REX JVDÆORVM.

31. Orationes Sacerdotis post Elevationem Hostiarum, passae manus & Cruces variae. Signant JESVM in Cruce pendentem jam, inter latrones medium, multitudinis adstantis varios affectus & sensus.

32. Alia Oratio Sacerdotis extensis manibus. *Supra quam propitio, &c.* Signat Christi orationem pro crucifixoribus. *Pater ignosce illis, quia nesciunt quid faciunt.*

33. Oratio Sacerdotis positus super Altare manibus: osculum altaris & cruces super hostias. Signant verba Christi ad Matrem & Joannem, proque ambobus sollicitudinem. Sitim quoque Domini, & acetum in spongia & Hyssopo posrectum.

34. Memento mortuorum. Significat conversionem latronis: Christi quoque super eum misericordiam: indurationem alterius latronis, & perditionem.

35. Sacerdos percutiens pectus, & aliquot verba clariùs pronun-

nuntians. *Nobis quoque, &c.* Signat Orationem Christi factam ad Patrem in Cruce cum lacrymis & clamore valido.

36. Cruces variaz à Sacerdote formatæ super hostias & genuflexio : signant incredibiles & infinitas blasphemias, insultationes, injuriasque Christo pendenti ab hostibus irrogatas.

37. Oratio Dominica. Signat clamorem Christi ad Patrem. *Deus meus, Deus meus, ut quid me dereliquisti.*

38. Sacerdos frangens hostiam per medium, & Cruces faciens. Signat terræ motum, obscuracionem Solis, scissionem petrarum, ruptionem veli, apertionem sepulchrorum.

39. Particula hostiæ Sanguini & Calici imposita. Significat verbum illud Domini, *Consummatum est.*

40. Pax Domini, sit semper. Significat commendationem quam fecit Dominus, Spiritus sui in manus Patris.

41. Agnus Dei qui tollis, &c. Signat Christum inclinato capite expirantem; & populos à Cruce Christi revertentes, & percutientes pectora sua, ac dicentes : *Verè Filius Dei erat iste.*

42. Domine non sum dignus. Signat supplicantem Iosephum Pilato, pro Christi Corpore deponendo.

43. Sumptio Sanctissimi Sacramenti : Signat apertionem lateris Christi, è quo Sanguis exivit cum aqua, locò confractionis ossium, quæ Christo non est facta.

44. Convolutio Corporalis. Signat depositionem Christi mortui de Cruce, inunctionem ejusdem, & involutionem in syndone munda.

45. Communio, & altaris osculum. Signat occupationem Beatissimæ Matris, aliarumque piarum personarum, circa Jesum mortuum ante sepulturam.

46. Post communionem seu orationes atque collectæ ultimæ. Signant Sepulturam *JESU.*

47. Osculum Altaris. Signat advolutionem lapidis ad ostium monumenti.

48. *Ite Missa est, & Dominus vobiscum.* Signat discessum amicorum à monumento *JESU.*

49. Osculum Altaris ultimum & benedictio super populum. Signat descensum Christi ad Inferos.

50. Evangelium ultimum & discessus Sacerdotis ab Altari. Significat varios sermones hominum de nece Christi, ejusdemque

gesta

gesta in resurrectione, visitatione discipulorum, missione eorum-
dem in orbem universum.

Hunc in modum, tota Passio Missæ, tota Missa Passioni, ad-
mensurari potest, interque ejus celebrationem illâ meditatione
recoli. Non desunt apud optimos Scriptores, aliæ accommoda-
tiones Missæ, ad totam vitam Christi, aut etiam ad Passionem
ipsius, quas liberum erit, devoto Passionis Christi meditati se-
qui: erit tamen fortè, cui, & hæc in minutiores articulos Passio-
nem Missamque partiens Meditatio, minimè displicebit.

Illud tantummodo monitum velim, ut solâ commemoratio-
ne articulorum Passionis nemo sit contentus: sed interim affectus
etiam aliquos erga Patientem Dominum, tum Actus virtutum
aliquarum congruarum; tum denique proposita aliqua bona &
seria eliciat, prout sibi opportunum videbitur. Nisi enim hoc
fiat, nuda illa commemoratio, erit quidem illa coram Christo
meritoria nonnihil, sterilis tamen permanebit, neque animam
impinguabit oleo devotionis; neque verum meditationis nomen
sortiri poterit.

M O D V S XLIV.

Q Vadragesimus quartus Passionem Domini meditandi Mo-
dus esse potest. Meditatione illam representando Patri Æter-
no, pro se, suis, proximorumve omnibus internis & externis
necessitatibus, ac miseriis sublevandis. Cujus representationis
Exemplar, ex Davide Ecclesia desumit, verba illius usurpans.
Protektor noster aspice Deus, & respice in faciem Christi tui. Ejus-
dem Paradigma devotissimum, legere est apud Augustinū, quod
hoc loco apponere non gravabor, ut ex eo meditator non erudi-
ri solum, verum etiam inflammari possit. Sic igitur Augustinus,
Patri Æterno Passionem Filii, sive Filium Passum representat.

Aspice Pie Pater, Piissimum Filium, pro me tam impia Pas-
sum. Respice Clementissime Rex, quis patitur, & reminiscere
benignus, pro quo patitur. Nonne hic est mi Domine innocens
ille, quem, ut servum redimeres, Filium tradidisti? Nunquid
non author vitæ hic est, qui ut ovis ad occisionem ductus, Tibiq;
usque ad mortem obediens factus, atrocissimæ non timuit necis
genus subire? Recole totius salutis Dispensator, quia hic est
ipse, quem etsi ex tua virtute genuisti, mea tamen infirmitas

parit.

*Psal. 83.
10.*

*Medit.
cap. 6.*

“
“
“
“
“
“

„ participem fieri voluisti. Verè hæc est tua Deitas quæ meam in-
 „ duit naturam, Crucis ascendit patibulum, quæ in assumpta carne
 „ triste tulit supplicium.

„ Redue Domine Deus meus oculos tuæ Majestatis, super opus
 „ ineffabilis pietatis. Intuere dulcem natum, toto corpore exten-
 „ sum. Cerne manus innoxias, pio manantes sanguine, & remit-
 „ te placatus scelera, quæ patrârunt manus meæ. Considera iner-
 „ me latus crudeli perfossus cuspide, & renova me sacro fonte,
 „ quem inde credo fluxisse. Vide immaculata vestigia, quæ non
 „ steterunt in via peccatorum, sed semper ambulaverunt in lege
 „ tuâ; diris confixa clavis, & perfice gressus meos in semitis tuis,
 „ & fac me odio habere benignus omnes vias iniquitatis. Viam
 „ iniquitatis amove à me, & fac me propitius viam veritatis eli-
 „ gere.

„ Oro Te Rex Sanctorum per hunc Sanctum Sanctorum, per
 „ hunc Redemptorem mei; fac me currere viam mandatorû tuo-
 „ rum, ut ei valeam Spiritu uniri, qui meâ non horruit carne vesti-
 „ ri. Nunquid non attendis, Pie Pater, adolescentis Filii Charis-
 „ simi Caput, niveâ cervice deflexâ pretiosissimam resolutum in
 „ mortem? Aspice mitissime Conditor, dilectissimæ sobolis hu-
 „ manitatem, & miserere super infirmi plasmatis debilitatem.

„ Gandet nudum pectus: rubet cruentum latus, tensa arent vi-
 „ scera, decora languent lumina, regia pallent ora, procera rigent
 „ brachia, crura pendent marmorea, rigat terebratos pedes beati
 „ sanguinis unda. Specta, gloriose Genitor, gratissimæ prolis la-
 „ cerata membra, & memorare benignus, quæ mea est substantia.
 „ Conspicere Dei hominis pœnam, & relaxa conditi hominis mi-
 „ seriam. Vnde Redemptoris supplicium, & redempti dimitte de-
 „ lictum.

„ Hic est Domine mi, quem propter peccata populi tui percus-
 „ sisti, licet ipse sit dilectus, in quo Tibi bene complacuisti. Hic
 „ est ille innocens, in quo dolus non est inventus, & tamen inter ini-
 „ quos deputatus est.] Hucusque Augustinus.

„ Ad cujus normam licebit meditati, totam Passionis Christi
 „ seriem, ab horto usque ad sepulturam decurrere, & ita eam, sive
 „ ipsum Christum in ea positum, Patri Eterno representare, ut
 „ simul peccata propria, vel etiam aliena denaret Deo, ipsaque
 „ deslens, iis veniam petat, supplicia eorum averti postulet, emen-
 „ datio.

dationem proponat, affectus compassionis, laudis, admirationis, gratitudinis, deprecationis, aliosque similes exerceat: virtutum variarum in Christo patiente elucescentium actus, imitatione exprimat; dona denique interna, juxta ac externa, tam sibi quam suis, quam toti Ecclesie, toti que humano generi, à divina manu deponat, &c. Nec poterit hæc talis representatio non esse in oculis Deitatis grata, aut ad impetrandum valida, quandoquidem tam efficax & apta divinæ miserationi expugnandæ machina per eam admovetur. Cui divina pietas, impossibile videtur, ut resistat.

M O D V S XLV.

Quadragesimus quintus Passionem Domini meditandi modus esse potest: considerando in Passione Domini, insignes maxime quinque actus Christi, quos ille in ea pro nobis ad gustum Æterni Patris exercuit: sunt autem hi. 1. Oblatio. 2. Donatio. 3. Dedicatio. 4. Sacrificium. 5. Holocaustum. Qui actus etsi in tota Passione Domini elucescunt: nihilominus in quibusdam partibus Passionis alii atque alii cumulatius apparent, ac proinde etiam commodius & dulcius considerari possunt. Quocirca secundum hos quinque actus, quinque partes Passio Domini habere, secundumque easdem expendi potest.

I. In his omnibus quæ à Christo Domino in Horto gesta sunt, in Oratione, Genuflexione, Agonia, sanguineo sudore, Resignatione in voluntatem Patris: elucescit mirificum exemplar Oblationis; quæse Dominus Iesus Patri Æterno obtulit, ad omnes Passionis, & Mortis usque adeò horribilis, labores. Quidni etiam homo, tanto eruditus exemplo, tantoque animatus & invitatus spectaculo: sese animosissimè resolvens, offerat Deo, ejusque Sanctissimæ ac suavissimæ voluntati, ad omnem ejus usum & nutum, ad humiliationem & abnegationem sui, ad exaltationem verò Dei quàm maximam. Certè milites in gratiam suorum Imperatorum atque Ducum, immanes quasdam, & periculi certi plenissimas, faciunt oblationes: Iesus Imperator noster, tanto suæ oblationis proposito nobis exemplo, nonne merebitur, nonne felix adeò erit apud nos, ut ad ejus imitationem, in ejusque gloriam faciamus ei unam nostræ Oblationem generosam? &c.

II. In Captivatione sui Dominus Iesus, quando super se de-

dit Potestatem potestati tenebrarum, furorique & rabiei militum (quibus etiam ultro obviam processerat, seque ultro illis manifestaverat) exercuit in gratiam Æterni Patris, inque nostram salutem, unam Heroicam, & planè Deo-Homine dignam Donationem, quâ se, vitam, animam, sanguinem, totam prorsus substantiam suam elargitus est profusissimè atque prodigalissimè: ita ut videretur se totum sui dominio, curâ, æstimationeque exuisse, alienæ per omnia potestatis fecisse, & insuper se, suaque omnia pro dilectione quasi nihilum computasse & despezisse. In quo Domini I E S V facto, habes, ô homo, tum luculentissimū exemplum, tum etiam stimulum efficacissimum, ad unam & integram aliquam tui, tuarumque omnium rerum donationem & largitionem, faciendam Deo, propterq; Deum, omni creatura, ad omnē nutum & usum; estò ad humiliandum, ad exinanendum, ad crucifigendum te Deus per se, vel per aliquam creaturam uti vellet. Non enim decet, ut tibi pretiosior sis tu, homuncio utique abjectissimus, putredo, & vermis, & merum nihil, quàm unigenitus Dei Filius, qui est Gazophylacium totius substantiæ Divinæ, in quo sunt omnes thesauri Patris Æterni depositi & reconditi: quem tamen vides, quàm sese tibi, & Patri Æterno propter te, ad omnia dira, liberaliter donaverit.

Joan. 2.
19.

Ps. 128.
3.

III. Christus Dominus tanquam Augustissimum quoddam Deitatis templū (ut etiam ipse se nuncupavit, teste Ioanne Evangelista, loquens de templo corporis sui, à Iudæis per illatam mortem dissolvendo) tunc plurimâ per omnia corporis sui sacra-
ti membra, in totius noctis injuriis, in immanissima flagellatione, in crudelis coronæ impositione aut potius infixione, in Herodiana alba veste, in coccinea chlamyde, in arundineo sceptro, in alapis, consputationibus, genuflexionibus & colaphis expolitus, & ædificationi aptatus, ac fabricantibus super dorsum ejus (ut dicit Propheta) peccatoribus, in magnificum Dei templum constructus: productus per Pilatum ad populum, atque publicâ & communi omnium voce damnatus ad mortem, ipsemet promptâ & devotâ suâ voluntate, ipsissimis illis Pilati verbis, Ecce-Homo, dedicavit, consecravique se Patri Æterno. Habes & tu hac in re ô homo paradigma insignis dedicationis tuæ, quam tu tui ipsius, facere Deo propter honorem illius debes. Obrulisti te Deo, donasti, sequitur ut etiam dedices, ut inscriptione & titulo,

Jo, &
derin
Et illu
porta
affixe
narrat
simile
novam
me ut
um tu
IV.
eum
elevat
ligno
Patri
sacrifi
star ex
Deo t
trium
cepas
etiam
dam i
sacrifi
tificat
ma, &
mini,
minus
V.
sacrifi
Condi
malis
sinè di
mare
Domi
exple
stibus
timo
suum

Jo, & stemma divino te insignias, ut omnes, qui te deinceps viderint, agnoscant, legant, intelligant, dicant. Domini est iste. Et illud: Ecce verè Israëlita, in quo dolus non est. Satis superq; portata sunt hactenus insignia inimici Dei. Satis inscriptiones affixæ declararunt, usque huc ad partes diaboli te pertinuisse: narrabat id superbia, avaritia, ira, arrogantia, invidia, aliæque similes monstrosæ imagines. Ecce jam Christus, exemplo suo, novam dedicationis formulam instituit. Ecce inclamat, Pone me ut signaculum super cor tuum, ut signaculum super brachium tuum: scribe jam manu tuâ Domino: Do nini ego sum.

IV. Dominus IESVS postquam bajulasset sibi Crucem, in eum qui dicitur Calvaria locum, in eaq; confixus, in altum elevatus, & constitutus, tanquam hostia super altare, superq; lignorum struem positus fuisset: fecit de se sacrificium cruentum Patri æterno, pro peccatis nostris. Intuere ô homo hostiam istâ, sacrificiumq; istud, sacerdotem istum, & altare istud, & ad instar exemplaris huius sacrificii, tu quoque te sacrificia Domino Deo tuo; ad immolandum enim Domino venisti, perge viam trium dierum in desertum, Ægyptum, & opera luti, laterumq; cæpas quoque & allia & carnes ollasq; Ægyptiacas, fermentum etiam vetus ejice & expurga, accipe insuper spirituales secundam in Galgala circumcisione: tum sacrificia Domino Deo tuo: sacrificia te ipsum, in ara cordis, in igne charitatis, in lignis mortificationis. Esto ipse sacerdos, ipse altare, ipse hostia, ipse flamma, & operanda, ut sic fiat sacrificium tuum in conspectu Domini, ut placeat Domino, odoreturq; odorem suavissimum Dominus Deus tuus.

V. Dominus IESVS in ara Crucis positus, non quale quale sacrificium fuit, sed fuit Holocaustum plenum & absolutum. Conditiones holocausti erant istæ. 1. Vt esset ex carnibus animalis masculi. 2. Vt esset animalis mundissimi. 3. Vt totum sine diminutione, sine reservatione, sine interruptione, igne cremaretur, ad gloriam honoremq; Dei: omnes conditiones istas Dominus IESVS in sese habuit, quando holocaustum hoc suum explevit, ideoque traditis omnibus, quæ extra se habuit, puta vestibus, Matre, amicis, discipulis, sanguine, corpore, meritis, ultimo demum illum, quem solum relictum habebat spiritum suum, sive animam suam, sciens quia jam omnia consummata

essent, quæ de ipso in lege & Psalmis, & Prophetis scripta erant; cum dixisset, Consummatum est, In manus Dei Patris commendans, inclinato etiam capite, tanquam supremo & ultimo defunctus, in Patrem venerationis officio tradidit. Aspice & attende ô homo, & fac secundum exemplar hoc, quod tibi in isto Monte Moria monstratum, & ad imitandum exprimendumque propositum est. Holocaustum te esse oportet, holocaustum te tu ipse facere debes Deo tuo, cui divisiones, diminutiones, non placent. Dominus est, odio habet rapinam in holocausto, neque pilos, neque ungulam, neque caudam deesse, vult in eo, quod sibi totum integrumque consecratum, destinatum, devotum, oblatum est. Exple omnes conditiones holocausti in te, ut tota Passio Iesu Christi imago, in te coram Deo reluceat: consummatumque sit omne tuum in Deum officium, tandemque in manus Patris celestis, Spiritum tuum tradas, Spiritui Christi æternaliter uniendum.

Ita præstantissimorum quinque actuum è Passione Domini desumi potest exemplum: omnibus quidem Christi fidelibus, maxime tamen hominibus exactam perfectionem professis, perque vota, divino obsequio, & imitationi Christi, destinatis, incumbens ac necessarium. Inveniet autem Lector hos eosdem quinque actus devotionis in Deum, insertos supra in Modo trigesimo septimo.

M O D V S XLVI.

Quadragesimus sextus Meditandi Passionem Domini Modus esse potest; applicando ad eam Examen, sive illam Examini Conscientiæ: quæ applicatio etsi variè, & pro cuiusque libitu fieri possit: hoc tamen loco illam ego rationem ostendam, quâ quinque Passi Christi vulnera, quinque partibus, seu Punctis Examinis innectuntur.

In 1. Examinis Conscientiæ Puncto, aguntur gratiæ Divinæ Bonitati pro beneficiis. Primum quoque Christi vulnus sit nobis Gazophylacium, in quo beneficia nobis collata reponantur.

In 2. Examinis Puncto, petitur à Deo lumen, ad cognoscendas Animæ latebras atque noxas; secundum quoque Christi vulnus, sit nobis Sol Iustitiæ illuminans, è quo postuletur, sumaturve radius veritatis, ad illuminandas Cordis nostri tenebras.

In 3.

In 3. Examinis Puncto, indagantur peccata, defectus, errores, imperfectionesque commissa. Tertium quoque Christi vulnus sit nobis velut speculum sine macula, ad quod Anima sese intueatur, & omnia dicta, facta, cogitata, omissa speculetur, obliquitatemque morum suorum, cum Christi rectitudine conferat, ut contraria juxta se posita magis clucescant, meliusque corrigantur.

In 4. Examinis Puncto, contritione & detestatione, peccata omnia, potissimum autem recens commissa abluuntur: quod quia sine Christi sanguine meritisque non fit, ideo quartum Christi Domini vulnus sit nobis contritionis & lacrymarum balneum, in quo laventur omnes iniquitates cordis.

In 5. Examinis Puncto fit propositum firmum Emendationis in futurum, postulaturque ad id Divinum auxilium: eapropter quintum Christi vulnus sit nobis Petra refugii, & quædam firma munitionis, ad quam Anima confugiat, ut sit a tentationibus & habitibus suis malis tuta, &c.

Hæc Examinis cum Christi vulneribus Conjunctio, auget sine dubio in Anima pietatem ad IESUM pro nobis vulneratum, reddidit ipsum Deo gratius, & ad peccata expugnanda efficacius, Animam etiam ad profectum excitatque confirmat, ipsum denique Examinis laborem facit suaviorem. Porro videtur mihi & gratum & utile lectori futurum, si praxim etiam ipsam hujus Examinis cum vulneribus Christi Domini conjuncti apposuerim.

Praxis Examinis Conscientiæ, cum Christi Domini Vulneribus Coniuncti.

I. Punctum Examinis, & 1. vulnus Christi in Pedè dextro.

Vulnus Sacratissimi Pedis tui dextri Dulcissime JESU, sit mihi Gazophylacium omnium donorum tuorum presentium, præteritorum, & futurorum, communium, & particularium, Naturæ, Gratiæ, Gloriæ, quibus abusus sum, quæ pro bonis, ac beneficiis non reputavi, quibus etiam abs te, tuæque Gratia donandus eram, & essem, nisi me indignum fecissem, & facerem; ac denique omnium omnino, quæ Tu melius nosti, beneficiorum, totius vitæ meæ. Ut in isto vulnere tui Gazophylacio, mihi in-
tegre

tegrè & cum augmento conseruentur. Apud me enim bonis tuis male est, utpote qui prodigi ad instar filii, dignè illa æstimare nesciens, temerè illa negligo, dilapido, deperdo.

II. *Punctum Examinis, & 2. vulnus Christi in Pedè Sinistro.*

Vulnus Sacratissimi Pedis tui Sinistri Dulcissime J.E.S.V, sit Sol meus, qui lucis veritatisque suæ radium emittat in Animam meam, ut cognoscam, quis Tu sis Domine, quis Ego, quid feceris mihi, quid debeam Tibi, quid sit mihi Tecum, & quid sine Te; utque pervadam omnes perversi cordis mei latebras, & perspiciam omnia Peccata mea, desileam illa dignè, & hujus tui vulneris pretioso sanguine eluam luculenter.

III. *Punctum Examinis, & 3. vulnus Christi in manu sinistra.*

Vulnus Sacratissimæ manûs tuæ Sinistræ Dulcissime J.E.S.V, sit speculum meum, in quo videam & considerem, peccatorum, vitiorumque meorum multitudinem, gravitatem, fœditatem. Hoc enim vulnus à Te pro peccatis meis susceptum est, unde & meritò in eo dispici, ex eoque pensari debent. Videam ergo in hoc nitidissimo Iustitiæ speculo.

I. Particulares meos defectus, cum quibus in Examine particulari hoc tempore specialiter decerto: an eorum emendandorum proposita pro assignato numero & tempore elicuerim, an occasiones habuerim, an in occasionibus debite me gesserim?

II. Videam quoque cogitationes meas, an fuerint otiosæ, vanæ, superbæ, impuræ, gulosæ, vagæ, acediosæ, iracundæ, absorptivæ, frustra sollicitæ, murmuratoriæ, censurativæ, suspicaces, inconstantes, pusillanimes, respectuosæ, & ad spes, judicia, timoresque humanos attendentes? An fuerint sublimes, puræ, in Deum intentæ, ac directæ, Deo placere cupidæ, studiosæ, à quaestione & respectu ad me ipsum nudatæ & absolutæ, Deo inhaerentes, à rationibus æterniseductæ?

III. Videam verba: An fuerint superba, tumida, mordacia, iracunda, perniciofa, præcipitata, inconsiderata, nimium exaggerantia ac superlativa, ironica, sarcastica, hyperbolica, immanis, detractoria, contumeliosa, convitiatoria, mendacia, ambigua,

bigua, falsa, simulata, adulatoria, importuna, otiosa, superflua, ridicula, officiosa, impura, &c? An contra, fuerint moderata, brevia, suo tempore, loco, modo, necessaria, utilia, proximi adificativa, pietatem redolentia & aspirantia audientibus?

IV. Videam Opera. An fuerint nulla, non rectâ intentione facta, ad hominum gratiam, spem, laudem, metum, commoditatem propriam directa: non debito ordine, loco, modo, tempore; sinè debita attentione, diligentia, devotione, præsentia, reverentiaque Dei, sinè invocatione opis Divinæ, sinè prævia electione, deliberatione, non ad Dei, regularum, obedientiam, rationis mentem: non item ad regulas perfectionis, & sublimitatis; sinè observationibus solitis aut placitis; ex mero usu, casu, temere: præter usum, & vitam, disciplinamque communem, contra officium, atque propositum proprium, cum molestia, injuria, præjudicio, scandalo aliorum, cum remorsu conscientia, cum languore, tœdio, dilatione, nausea, distractione animi, ex judicio, placito, voluntateque propria, contra fraternam charitatem, aut absque illa, cum effusione mentis, absque præsentia & dominio mei; cum festinatione, perturbatione importuna, in angustiis temporis, sponte vel errore causatis?

V. Videam omnia per negligentiam, inscientiam, effusionem ad unum aliquid nimiam; ob affectus impotentiam, ob levem, frivolam, & affectatam causam, ob dilationem, respectum, metum, difficultatis, censuræ, ac linguæ alienæ, ob neglectum ordinis, & temporum, & actionum, cum tamen debuerint, potuerint fieri, in Dei gratiam & gloriam, in commune & proximi bonum, in meum profectum ac meritum, propter Obedientiam, Charitatem, exemplum, disciplinam vitamque communem.

VI. Videam quoque Aliena, mihi tamen imputanda, ob occasionem datam, ob imperium, consilium, exemplum, auctoritatem, dissimulationem, indulgentiam, vel ejus spem, experimentumve, ob protectionem, participationem, non impeditionem, negligentiam in officio notam, probatam, speratam. Item aliter, aliena quidem, sed tamen mea facta à me, propter indagationem, vituperationem, censuram, reprehensionem, non cui intererat narrationem, cui intererat non narrationem, ob imitationem, & æmulationem, ob invidentiam, ob non datum auxilium, favorem, promotionem, stimulum, quo adjecto factum

fuiſſet bonum, vel non factum malum quodpiam vel ſimpliciter, vel commodius, vel facilis, vel utiliſ, vel perfectius, vel Deo gratius, glorioſiusque.

VII. Videam denique Ordinem temporum, & actionum, perfectionem quoque & ſublimitatem earum. An v. g. facta ſint ſuo & debito tempore, ordine, modo, an punctualiter, an cum adhibitione perfectionum communium, quales ſunt Præviſio, Electio, Intentio, Diligentia, Fervor, Efficacia, Conſtantia : particularium etiam, quales eſſe poſſunt ſublimis & deſecrata Intentio, conatus heroicus totalis, gradus perfectionis ultimæ; ardens Seraphica, Mariana, Chriſti, divina, charitas, puritas. Reſignatio item, nuditas, gratuitas, & ab omni mercede, conimodoque proprio etiam ſpirituali, etiam æterno, in quantum proprium eſt, abſolutio. Conatus totius, mei totius, univerſi, omnium electorum, &c. Conatus & fervor major & major dignus Deo. Unio ad merita omnium Electorum, Pretioſiſſimæ Parentis, Chriſti Humanitatis, quàm adæquatiffimè ad Dei dignitatem, voluptatem, guſtum, & ad alias rationes æternas, quas unctio docet.

IV. *Punctum Examinis, & 4. vulnus Chriſti in manu dextra.*

Vulnus Sacraſſimæ Manûs tuæ dextræ Dulciſſime Ieſu, ſit mihi Contritionis Balneum, cujus virtute, & efficaciâ, & merito, deſleo, & doleo, Emundoque omnia peccata mea admiſſa commiſſione, & omiſſione, in Te, in me, in ſuperiores, in Regulas, in vitam communem, in officium, in proximum æqualem, in inferiorem, in quamcunque creaturam. Cui ablutioni & dolori meo peto vel guttulam unicam, ſacraſſimi tui ſanguinis, ex hoc Manûs Tuæ dextræ vulnere admiſceri, cumque ſic tuo Divino conſpectui per Sanctum Angelum Cuſtodem meum offerri, à Te autem Domino meo benigniſſimo acceptari, mihi que veram & conſtantem, & perfectam vitæ, ac morum meorum emendationem & emundationem miſericordiſſimè indulgeri.

V. *Punctum Examinis, & 5. vulnus Chriſti in Latere & Corde.*

Vulnus Sacraſſimi Cordis Tui Dulciſſime Ieſu, ſit mihi
refu-

refugium, munus, defensioque contra iram tuam, contra fragilitatem meam, contra peccata mea omnia, atque magna, atque parva, contra fraudes Daemonum, atque tentationes, contra Mundum & Carnis, & sensuum, & proprii amoris illecebras, contra damna, & pericula corporis, contra damnationem aeternam. Sit etiam mihi abyssus peccatorum meorum omnium, in quam ego, cum plena & vera, & aeterna cordis detestatione atque dolore abjicio, & demergo omnes omnino imperfectiones meas, nunquam inde extrahendas, aut revocandas, sed potius tuâ abundantia miseratione, meâ verò per auxilium gratiæ tuæ constanti emendatione, amplius & amplius demergendas & obruendas. Tu tantum modo Dulcissime JESU largire mihi ex piissimi Cordis tui vulnere, vel unicam guttulam sanguinis Tui pretiosi, atque ibi me detine, excoque, exure, emunda, accende, ignefac, sublima, in Cordis Tui naturam perfectè converte, ad Purissimi Cordis Tui gustum, & placitum, ad puram & plenam annihilationem meam, Amen.

Ad hunc Examinis cum Passione Christi conjungendi modum, præclare quoque accommodari potest Modus 22, supra positus: in quo Christus Dominus Beatæ Angelæ de Fulgino, totius sui Corporis, omniumque membrorum poenas, contraponit ejusdem peccatis diversimodè ab ea commissis. Potest etiam eidem Proposito bene deservire modus 23. quin. & 24, & 25, & alii quidam: quos facili negotio licebit ad Examen Conscientiæ inflectere, cum ferme illud in se contineant. Nec id mirum, cum Examen Conscientiæ nihil aliud sit, quàm Modus quidam orandi meditandoque utilissimus, qui si etiam à Passione Domini seu Passio Domino robur, pretium, efficacitatemque acceperit: non facile quis alius meditando & orando modus illi comparari in sua utilitate poterit.

M O D V S XLVII.

Quadragesimus septimus meditando Passionem Domini Modus est, considerare Passionem in Eucharistiæ Sacramento, tanquam in suo memoriali delitescens, an elucescens? non facile dixerim. Non sine causa certe canit de illo Sacramento Ecclesia, O Sacrum Convivium, in quo Christus sumitur, recolitur memoria Passionis ejus, & futuræ gloriæ nobis pignus datur.

Novit nimirum in hunc usum præcipue Sacramentum hoc cum suo usu atque ritu institutum à Christo esse, ut quotiescunque manducent Panem hunc, aut Calicem bibant Fideles, toties mortem Domini annuntient, toties id faciant in ejus commemorationem. Cum ergo hoc ita sit, ex mente certè Christi erit, hunc meditandi Passionem ejus modum desumere, atque usurpare, nempe Passionem ipsam in Eucharistico convivio, tanquam in vivacissimo memoriali considerare. Cujus considerationis normam, ex Ludovico de Ponte, Lectori propono, abbreviatis alicubi, dilatatis etiam alicubi, scriptoris illius, spiritus sapientiæ clarissimi, verbis.

Med. 6.

Parte.

Med. 41.

Desiderans Redemptor noster conservari in Ecclesia, perpetuam memoriam Passionis suæ, ac supremi per eam nobis collati beneficii, instituit Sanctissimum Eucharistiæ Convivium, in quo nobis quotidie dat in cibum & potum, Corpus & Sanguinem suum, sub accidentibus Panis & vini. Circa hanc Fidei nostræ veritatem, perpendendæ primùm sunt causæ, ob quas voluerit Christus Dominus noster, Passionis & mortis suæ ignominia & dolore plenissimæ, signum & memoriam esse convivium suavitatis plenissimum. Videtur enim magis ad rem facturus fuisse, si in memoriale hujus Passionis, nos nostrum Sanguinem fundere-
mus: ut in circumcisione fiebat; aut si cibum aliquem amarum, lactucas nempe agrestes sumeremus, aut vinum myrrhatum cum felle acetoque mistum biberemus: sed his omïssis Dominus noster in Pane & Vino eam memoriam instituit.

Primò quidem, ut nobis suam paternam suavissimam bonitatem aperiret, quâ ipse quidem sibi delegit pœnam & dolorem, nobis verò solam relinqueret memoriam, idque in rebus suavissimis conclusam, hac simul ratione nos molestiâ liberans, fructu tamen molestiæ non privans. Simul etiam nos instruens, ut Divini honoris & proximorum salutis, fraternæque charitatis gratiâ, nobis deligeremus asperiora, fratribus verò & proximis deferremus jucundiora.

Secundò, Ut ex hoc cognosceremus, quantâ ille suâ voluptate, passionis labores pertulerit, quatenus ii nostræ utilitati & saluti deservebant. Et si enim Passio illa suapte naturâ erat acerbissima, quia tamen nobis eam sciebat salutarem, inde illi erat gratissima. Ad quod manifestandum memoriam ejus nobis in

solenni

solenni
lia Spo

Tert

acerbit

remus,

tolerare

esset ni

prior no

ad exci

atque Si

Deir

noster

illud el

nimè e

ipso de

candar

Sed

quanti

suâ per

nos obl

tionem

eo grat

bis, & l

nobis, e

gratitu

mediu

Aue

rit soli

bis: qu

pati, le

tormen

quiden

atque n

per mo

cio, at

ne mur

nunc i

frico S

solenni convivio reliquit, & in epulis suæ gratissimæ. cum Ecclesia Sponsa desponsationis.

Tertio, Ut agnosceremus, in Passione ipsius, non solam esse acerbiteriam, sed summam etiam suavitatem: utque etiam disceremus, passionem ab eo nobis immixtas, jucundam mentem ejus causam tolerare; & tanquam panem suavem manducare. Certè si aliud esset nihil in Passione atque Cruce nostra, quam hoc, quia illam prior nostrum causam Christus subiit: id plusquam satis esse deberet, ad excitandam in nobis, non tantum suavitatem sed etiam famem atque Sitim Crucis.

Deinde considerandæ sunt Causæ, ob quas voluit Dominus noster ipsemet realiter ac verè permanere in hoc Sacramento, ut illud esset Passionis suæ memoriale: ad quod realis præsentia minimè erat necessaria, sed sufficiebat esse Panem ac Vinum ad id ab ipso destinatum, sicut in Baptismo sufficit pura aqua, ad significandam ejus mortem ac sepulturam.

Sed Causa ejus rei fuit *Prima*. Ut nobis Dominus ostenderet quanti suam ipse Passionem faceret: ut qui voluerit ipse propriam suam personam, realique præsentiam esse ejusdem memoriale. Sic enim nos obligavit quam maximè ad summam ejus beneficii æstimationem, & ad continuam ejus memoriam, & ad perpetuam pro eo gratitudinem. Cum enim idem ipse sit qui Passus est pro nobis, & simul qui Passionis suæ memoriam per semet exsuscitat in nobis, qui fieri potest, ut nobis Passionis ejus aut oblivio, aut ingratitude obrepat, habentibus tantum contra utrumque, & remedium, & excitamentum.

Alterà Causa fuit, ut ostenderet quanto desiderio non æstuaret solum olim, sed etiam nunc quoque æstuet, patiendi pro nobis: quamque non tantum olim ardentem desideraverit mori, & pati, sed nunc quoque paratissimus sit omnia iterum iterumque tormenta, si opus ac expediens foret, repetere: idcirco, quandoquidem jam nihil attinet eum de novo verè atque cruentè pati, atque mori, delectat sese tamen patiendi atque moriendo, saltem per mortis Passionisque suæ repræsentationem in Missæ Sacrificio, atque Eucharistiæ Sacramento. Ita ut Agnus, qui ab origine mundi occisus est, in figuris animalium oblatores, sic etiam nunc idem Agnus occidatur usque ad finem mundi in Eucharistico Sacrificio. E qua sua suavissima adinventione, ut & nos partici-

icipare audeamus, gaudeamus de morte & Passione & Crucel-
 lius, propter Amorem ipsius fratrumque nostrorum: *Semper*
2 Cor. 4. mortificationem JESU in corpore nostro circumferentes. Mortifi-
10. cemur tota die, atq; tanquam oves occisionis assumemur, morientes
Rom. 8. quotidie propter Dei & fratrum gloriam.

36. Tertia Causa fuit, ut hac sua presentia reali suppleret defectus
1. Cor. gratitudinis nostrae, cujus debitores sumus supra modum, non
15. 31. tantum pro beneficio Redemptionis, sed etiam pro innumeris

3. aliis beneficiis, de manu Dei acceptis: quae quoniam infinita sunt,
3. gratitudine nostra à nobis dignè compensari nullo modo possunt.
3. Idcirco ipse per seipsum in hoc Sacramento se sibi & Patri aeterno
3. exhibet gratum pro omnibus beneficiis, exhibet autem planè
Rom. 8. gemitibus, affectibus, effectibusque inenarrabilibus: excitans ta-
23. men simul nos secum ad eandem gratitudinem, cum ceteris vir-

3. tutum affectibus exhibendam. Quae de Causa hoc Sacramen-
3. tum Eucharistia, seu bona gratia, atque gratiarum actio nuncu-
3. patur, in qua ad litteram impletur etiam illud Psalmi verbum.

Psal. Confessio & magnificentia, opus ejus. Verè enim ipsemet sibi con-
110. 3. fiteatur, & laudes gratiasque agit pro beneficiis suis: neque ad hoc
3. opus quisquam ex puris creaturis est idoneus, praeterquam ipse

Psal. solus. Nos enim aliud possumus nihil, quàm illud ejusdem
115. 13. Psalmistae. Calicem salutaris accipiam, & nomen Domini invoca-
3. bo atque glorificabo, gratiam gratia cumularis, & ipsa gratia-
3. rum exhibitione novus majorque gratiarum actionis debitor
3. existens.

3. Tertiò, Considerandae sunt Causae, ob quas Christus voluerit
3. sub Panis & Vini speciebus esse memoriale Passionis suae, cujus
3. in ipsis speciebus est nec una, nec modica similitudo.

3. Prima Igitur Causa fuit ut significaret, quòd sicut in hoc Sa-
3. cramento conjungitur Christus cum speciebus Panis & Vini,
3. quorum ille conficitur ex multis granis, ex sua spica paleaque
3. excussis, deinde confractis & contritis igneque tostis: hoc autem
3. ex multis botris & uvis in torculari calcatis, atque pressis con-
3. fluit: ita Sacratissimum Christi Corpus, in Passionis area fuit
3. excussum, tritum, contritum flagellis, pugnibus, calcibus, spi-
3. nis, clavis, calcatum quoque contemptibus, convitiis, contume-
3. liis, tormento, torcularique Crucis, ita ut toto sanguine effluen-
3. te Corpus ipsum ex sanguine remaneret. Quare has species Panis
3. & Vini,

„ Causa igitur ejus rei præcipua est, ut Dominus significaret
 „ suum sanguinem totum fuisse à corpore in Passione separatum.
 „ Ingentibus enim doloribus & tormentis, propter nostram redem-
 „ ptionem & ablutionem, illum effudit. Quare dum sacrum fa-
 „ cio, vel illi intersum, & dum Sacramentum in Sacrificio sumo
 „ tanquam Sacerdos: videns seorsim hostiam, & postea calicem
 „ seorsim elevari, meminisse debeo, illius totalis separationis San-
 „ guinis Christi à Corpore: attendens totum illum effusum colle-
 „ ctumque contineri in calice simul. Qui quidem sanguis quin-
 „ quies potissimum fusus legitur. 1. Sudore in Horto. 2. Flagel-
 „ lis ad Columnam. 3. Spineâ Coronâ. 4. Clavis in Cruce. 5. Lan-
 „ ceâ post mortem.

„ Quæ omnia meditatione percurrenti, licebit in singulis col-
 „ loquia & petitiones cum amoris affectibus, & dolore, & gratia-
 „ rum actione instituere, hoc, vel simili modo.

„ O Sanguis Christi Pretiosissime, sudore per omnes Corporis
 „ poros effuse, præ angustia & mœrore Animæ ingenti: gaudeo te
 „ in (isto) Calice contineri, ut à fidelibus adorëris; en ego te, quan-
 „ tum possum, adoro; supplicans, ut me ab anxietatibus tristi-
 „ tiisq; æternis liberet, quas ego peccatis merui, & Tu Sanguine
 „ tuo abluisti.

„ O Calix Pretiosissime, Sanguine illo plene, quem Dominus
 „ meus ex toto corpore flagellis conscisso effudit. Eo item qui ex
 „ ejus dignissimo Capite spinis perforato effluxit: inebria me divi-
 „ no istius Sanguinis liquore, ut totus in ejus amorem convertar,
 „ qui te pro mei amore cum tanta sua acerbitate profudit.

„ O Amantissime I E S V, qui in isto Calice Sanguinem illum
 „ tuum reposuisti, quem per clavorum, & lanceæ vulnera effudisti,
 „ *Psal.* *quid tibi retribuam pro omnibus quæ retribuisti mihi? nisi Cali-*
 „ *us. 13.* *cem salutaris accipiens* Sanguinem hunc tuum in eo contentum
 „ tibi offeram, sanctumque tuum nomen invocans glorificem.

„ Non ab similes his affectus & actus, postulataque fieri possunt,
 „ ad, & super Corpus I E S V Christi contentum & præsens sub spe-
 „ cie Panis, ut saucium, lacerum, exsangue, lividum, discerptum,
 „ à crudelibus feris, pessimisq; laniatum, ac panè devoratum, in
 „ Cruce pendens, mortuum, depositum, sepultum, &c.

M O D V S XLVIII.

Quadragesimus octavus Passionem Domini meditando modus esse potest; per collationem ejus cum aliis vitæ Christi mysteriis: quæ ratio meditandi, hanc præter alias, utilitatem habet, quod unâ eademque operâ, complures simul vitæ Christi partes & actiones, commemorat atque considerat. Ejusmodi aliquam speciem propono.

1. **JESVS** nascens in Nazareth (quæ vox florem sonat) ex Virgine de Spiritu Sancto conceptus est.

Moriens in Horto à Iudæa discipulo, consilium traditionis in cor ejus mittente diabolo, traditus est.

2. **JESVS** nascens, nocte mediâ, cum medium silentium tegeret omnia in Bethleem, (domo panis) inter nos homines prodit, & noctem in diem vertit.

Moriens, mediâ etiam nocte, in Horto Olivarum (Symbolo misericordiæ & Pacis) comprehensus & captus, & in urbem deductus est: in Meridieque moriens, noctem mundo induxit.

3. **JESVS** nascens lacrymas fudit, parvoque lacte pastus est. Moriens sanguinem sudavit, & membris planxit omnibus viro felle misto, acetoque potatus est.

4. **JESVS** nascens in præsepio inter bovem & asinum positus est.

Moriens, in Cruce positus, inter duos latrones appensus est.

5. **JESVS** nascens, pannis involutus est.

Moriens, vestibus exutus, nudus pependit.

6. **JESVS** nascens, fasciis ligatus est.

Moriens, ligatus vinculis, & catenis, & clavis confixus est.

7. **JESVS** natus, à multitudine Militiæ cœlestis Salvator dictus, & adoratus est.

Moriens, à multitudine furente seductor, blasphemus, reus mortis, Cruce dignus dictus est.

8. **JESVS** natus, à stella cœlesti Magis demonstratus est.

Moriens, à Sole & luna & toto universo planctus, & despectus est.

9. **JESVS** nascens, à Regibus siue Magis adoratus & muneribus cultus.

Moriens, à Principibus illusus, contemptus, morti traditus est.

10. JESVS nascens, à pastoribus ovium agnitus salutatus est.
Moriens, à Pastoribus Synagoga, abnegatus est.
11. JESVS nascens, octavo die circumcisisus est.
Moriens, toto corpore in flagellatione, coronatione, crucifixione sauciatus est.
12. JESVS nascens nomen JESVS, ab Angelo antequam nasceretur nuncupatum accepit.
Moriens, à Pilato titulum JESV Nazareni, super crucem appositum retulit.
13. JESVS nascens, à Simeone in templo oblatus est.
Moriens, à Principibus Sacerdotum in Calvario Monte crucifixus est.
14. JESVS nascens, ab Herode Patre persecutionem passus est.
Moriens ab Herode filio spretus, illusus, pro stulto & infano judicatus est.
15. JESVS nascens, fugâ vitam servavit.
Moriens, ultro hostibus obviam processit.
16. JESVS duodennis, in medio Doctorum interrogans & audiens eos, inventus est.
Moriens, à Concilio legisperitorum interrogatus, & reus mortis, blasphemus, damnatus est.
17. JESVS à Ioanne Baptisatus est in Iordane.
Moriens, baptisatus est in Passione.
18. JESVS de Cœlo à Patre æterno testimonium accepit, quod esset Filius Dei.
Moriens falsis testimoniis accusatus, & quia Filium Dei se fecit, occisus est.
19. JESVS in deserto tentatus est.
Moriens potestati tenebrarum traditus est.
20. JESVS vivens, ad pœnitentiam invitavit, & Regnum Cœlorum appropinquasse docuit.
Moriens, pœnitentiam pro nostris peccatis egit, & Regnum Cœlorum suo Sanguine aperuit.
21. JESVS doctrinam suam ascenso monte promulgavit.
Moriens, eandem legem suam in monte super crucem, morte suâ sanxit.
22. JESVS vivens ad Regnum quæsitus est.

Moriens purpurâ indutus, coronatus spinis, arundinem gestans, ut ambitiosus Rex, illusus & salutaris est.

23. JESVS in vita stultus, infans, furens, dæmoniacus creditus est.

Moriens veste albâ ut saturus indutus & illusus est.

24. JESVS vivens, aquam in vinum convertit.

Moriens, vinum in sanguinem suum tranſmutavit.

25. JESVS vivens, carnem suam in cibum, sanguinem in potum dare promissit.

Moriens, in ultima cœna id exhibuit.

26. JESVS vivens, dæmonia ex hominibus eiecit.

Moriens, dæmonia vicij, arma eorum spoliaque in quibus confidebant, diripuit.

27. JESVS vivens, per Herodem, vocem (Ioannem) amisit.

Moriens, apud Herodem mutus stetit.

28. JESVS vivens, mortuos ad vitam revocavit.

Moriens, pro mundo, omnes ad vitam revocavit, & chryſographum mortis, Cruci affixit.

29. JESVS vivens, in Monte Thabor transfiguratus est.

Moriens, in Monte Calvario deformatus, sine specie, & decore factus est.

30. JESVS a ſello geſtatus, acclamante populo, Urbem ingressus est.

Moriens, ipse suâ cruce onustus, triumphantibus inimicis, extra Urbem ductus est.

31. JESVS vivens, à Magdalena ad ſepeliendum unctus est.

Moriens, ſputis ſcedè illitus, mortuus, à Iosepho & Nicodemus, cum aromatibus ſepultus est.

32. JESVS vivens, ubi caput reclinaret non habuit.

Moriens, inclinato, ſeu pendulo capite expiravit, & alieno in ſepulchro conditus est.

Hunc in modum omnia ſerè opera, & præcepta, conſilia, miraculaque Chriſti Domini, poſſunt alicui parti Paſſionis Chriſti, vel comparando, vel contraponendo, conſerj: ſed hæc in ſpeciem attulſſe ſufficiet.

M O D V S XLIX.

Quadragesimus nonus Passionem Christi meditandi modus esse potest, conferendo illam cum iudicio, quod Christus cum toto humano genere. exercebit in fine Mundi, quando red-det unicuique secundum opera sua.

Est autem advertendum, constare ex Scripturis Sacris, ac possimum ex ipsiusmet Christi Domini sensu, atque verbis Passio-nem Christi, quoddam Iudicium fuisse: non illud tantum, quo ipse ab impiis iniquè iudicatus & damnatus est, sed etiam illud quod ipse partim in ipsa Passione exercuit, partim quod in mundi fine exerciturus est. Factum à se iudicium in Passione testatur ipse Christus dicens. *Nunc iudicium est mundi, nunc princeps bu-*

*Joan. 12.
31.*

ius mundi eicietur foras. Mundus ergo & mundi princeps dia-bolus in Passione Christi, à Christo iudicatus, damnatus, ejectus foras, triumphatus, spoliatus, traductus, & iniquâ Tyrannicâque potestate, & captivitate exutus est. Porro exercendi olim à se iu-dicii in omnes homines luculentam Dominus prædictionem de-nunciationemque fecit apud universum Concilium, & coram summo Pontifice Caipha, à quo cum esset adjuratus, ut diceret essetne Filius Dei, & Christus, ita respondit. *Tu dixisti. Ego sum.*

*Matth.
26. 64.
Marc.
14. 62.
Luc. 26.
69.*

Verum tamē dico vobis, à modo videbitis filium hominis sedentem à dextris virtutis Dei, & venientem in nubibus Cæli: Quod ipsi iterum postea luce in eodem confessu iudicum & Principum, Doctorumque repetens, confirmavit. Causa verò propter quam ita Christus cum Passione sua Iudiciariam simul suam potestatem, actumque ejus à se exercendum coherere vel voluerit, vel ostenderit: sine dubio partim illa est una, quia Passione suâ, quam ex iniquissimo ludæorum & Gentilium iudicio decretoque susci-nuit, Iudiciariam Potestatem Majestatemque sibi merebatur, juxta illud Prophetæ dictum. *Causa tua quasi impij iudicata est,*

*Iob. 36.
17.*

causam iudiciumque recipies. partim etiam illa altera, quia Passio Christi, revera quædam imago & delineatio viva luculentaque fuit eorum omnium, quæ in iudicio Christi extremo cum peccatoribus fient. Ad quod nescio an non planè respexerit Dominus **JESVS**, in illis verbis, quæ mulieribus super se lamentantibus atque plorantibus dixit. *Filie Ierusalem nolite flere super me, sed super vos ipsas flere, & super filios vestros.* Quoniam ecce venient,

*Luca
23. 28.*

dies,

dies, in quibus dicent : Beata steriles, & ventres qui non genuerunt, & ubera quae non lactaverunt. Tunc incipient dicere montibus : cadite super nos : & collibus, operite nos. Quia si in viridi ligno haec faciunt, in arido quid fiet ? Quae Domini sententia, ac praedictio, etsi respicere videatur vastationem & eversionemque Ierosolymae, quae post mortem Domini, quadragesimo anno facta est, indubitatè tamen etiam respexit iudicium universale, & eversionem ultimam Babylonis, seu omnis Reipublicae impiorum : cuius figura fuit ipsa illa Ierosolymae devastatio, per Romanos facta. Maximè autem hoc evincit illa Dominica sanè pathetica, & comparatio, & interrogatio, & exclamatio. [Quia si in viridi ligno haec faciunt, in arido quid fiet ?] Hic enim Dominus lignum viride, ligno arido, factis in viridi ligno, futura in arido confert ; & à minori ad majus arguens, indubitatè miserabiliora eventura denuntiat ligno arido, id est cuilibet impio, quam evenissent, aut quandoquidem tam miserabilia evenissent ligno viridi, & fructifero, ipsi nimirum Christo.

His ita declaratis, Meditatio institui poterit per comparationem viridis ligni cum arido, & simul gestorum in viridicum gerendis in arido. Cujus collationis aliquantulam speciem hoc loco exhibeo,

I. IESVS venditus est & traditus in manus peccatorum.

Vnusquisque peccator & omnis turba peccatorum venundabitur infelix : & diabolus stabit à dextris cujuslibet, & jam ex tunc dicetur tam his, quam illis. *Hec est hora vestra & potestas tenebrarum.*

Luca 22.
55.

II. IESVS factus est tristis usque ad mortem, & sudavit etiam sanguinem,

Sudabit etiam omnis turba peccatorum, sudabit & praeter angustia Spiritus gemit, eritque ejus Animae tristitia usque ad mortem sine morte. Arescentibus nimirum hominibus praeter timore & expectatione, Si justus vix tunc salvabitur, impius & peccator ubi parebunt ?

III. IESVS captus est & vinculis ligatus tanquam latro, &c.

Omnes peccatores terrae, ligati vinculis & compedibus peccatorum suorum, non tantum in animabus, sed etiam in corporibus separabuntur tanquam haedi ab ovibus, & à sinistris collocabuntur.

IV. IESVS accusatus, examinatus, reus mortis iudicatus est.

In iudicio peccatorum, aperientur libri conscientiarum. Omnes enim nos manifestari oportet ante tribunal Christi, ut recipiat unusquisque propria corporis, sive bonum, sive malum. Tunc erit conscientia impii quasi mille accusatores, & quasi mille testes, tunc nemo respondebit iudici Christo unum pro mille: tunc iudex arguet, & statuere unumquemque contra faciem ejus.

V. IESVS ad flagella nudatus, & flagellis cæsus est.

Stabit & quilibet peccator in oculis totius Cæli, & Terræ, nudus, tam animâ, quam corpore, & dicetur de eo. Ecce Homo & opera ejus, & operiet confusio faciem illius, & flagellum peccatoris veniet super eum, nunquam per omnem æternitatem recessurum ab eo.

VI. IESVS coronatus, illusus, consputus est, & cum voce Ecce Homo monstratus est.

Coronabitur caput omnis peccatoris, spinis peccatorum suorum, & sicut diploidem induet confusionem, & illudet ei omnis creatura, armabiturque contra eum à quo servire sibi compulsus fuit ad malum. Tunc omnia solatia hujus vitæ, vertentur in spinas, tunc spes omnes, in cassam arutidinem convertentur: tunc dicet de peccatore Tyrannus & Captivator ejus, diabolus *Ecce Homo*, & scelera ejus: tunc à planta pedis ad usque verticem supergressas eum iniquitates ostender, dicens & amare improperans, per singula scelera. Ecce Homo ille, qui pro eo quod Deum factorem & salvatorem suum colere debuit & amare, me suum & Dei hostem amavit, mihi que ad voluntatem meam servivit. Ecce Homo ille, qui Christum Dei Filium Hominem pro se factum atque crucifixum ostentui habuit & crucifixit. Ecce Homo ille, qui Dei & Christi legem noverat, beneficia acceperat, tot auxilia salutis, tanta poenitentiae spatia habuerat, par tamen gentilibus, immo pejor gentilibus vixit. Ecce Homo qui annos vitæ in secleribus traduxit, qui toties rediit ut canis ad vomitum, ut fuscus lora ad volutabrum luti, qui speravit in incerto divitiarum, cui Deus venter erat, qui pauperem & pupillum devorabat, &c.

VII. IESVS à Pilato manus lavante, & à populo sanguinem Christi super se & filios assumente, damnatus est mortis sententiâ. Lavabit etiam IESVS iudex, manus suas in sanguine omnis peccatoris: & sanguinem cujusque dabit super caput ejus, & dicet:

cet:

cet: a Nescio vos, b discedite à me operarii iniquitatis & maledicti in ignem eternum qui paratus est diabolo & Angelis eius. Succlamantibus inter hæc creaturis omnibus; Tolle tolle, crucifige, crucifige, sanguis ejus super caput ejus, tollatur impius ut non videat faciem Dei.

2 Matt.

25. 12.

b Luca

23. 27.

c Matt.

27. 41.

VIII. IESVS felle & aceto potatus est, atque onustus cruce locum mortis petiit.

Tunc etiam peccatoribus omnia in fel amaritudinis, & in obligationem iniquitatis commutabuntur, ipse etiam Deus, ipse Christi sanguis, ipsa Misericordia, Bonitas, & Charitas: tunc portabunt omnes improperium damnationis eternæ. Tunc aperiet terra os suum, & deglutiet eos infernus vivos; & descendent in infernum sicut plumbum aut lapis, unus ex eis non remanebit, & ascendet fumus tormentorum eorum in sæcula sæculorum.

IX. IESVS clavis Cruci affixus est.

Configentur etiam & affigentur impii omnes in carne & anima clavis eternæ damnationis, & sententiæ abjectionisque immutabilis, & ibunt in combustionem eternam, cujus non erit finis, nisi quando Deus, qui semper est Deus, desinet esse Deus.

X. IESVS ab omni genere hostium illusys & blasphematus est in Cruce pendens.

Et peccatori omnis creaturarum populus, omnis natio electorum, omnis turba damnatorum, demonum, improperebit, & illudet, quoniam a noluit benedictionem & elongabitur ab eo, elegit maledictionem & veniet ei, & implebitur ab ea.

a Psal.

108. 18.

XI. IESVS se a Deo derelictum clamavit.

Clamabit & omnis peccator quod olim Caim dixit Deo, Ecce ejicis me à facie tua: clamabit Deo. Deus ut quid dereliquisti me, Deus autem respondebit: Dereliqui te quia dereliquisti me, fontem aquæ vivæ, & fodisti tibi cisternas dissipatas, & ecce relinquetur tibi domus tua deserta in æternum. Clamabunt insuper etiam demones, Deus dereliquit eum. Euge Euge devorabimus eum.

XII. IESVS in Cruce clamavit sitio, & aceto potatus est.

Reprobi quoque omnes in flammis ustulati, & igne saliti, cum epulone illo guttam aquæ petent, propter cruciatum flammarum, neque tamen obtinebunt in æternum.

XIII. IESVS, in Cruce dixit Consummatum est.

Peccato-

Peccatores damnati & in infernum amandati, inque aeternam combustionem absorpti, desperatis vocibus dicent, consummatum est, quia in inferno nulla redemptio. Consummabitur peccator, & consumetur, & descendet in infernum vivus, & claudetur puteus abyssi, clavem autem clausuræ ejus accipiet Deus, deponetque illam in aternitate & immensitate oblivionis, ut nunquam memoretur illorum amplius.

XIV. IESVS inclinato capite tradidit Spiritum.

Peccatores miseri dejectis & obstipis capitibus tradent corpora animasque suas, diabolo, & Angelis ejus. Mors secunda, mors æterna, mors vivens depascet, & pascet eos, & sepeliet in terra oblivionis, inter illos, quorum Deus non est memor amplius.

XV. IESV mortuo, petra scinduntur, & sepulchra aperiuntur, & velum templi scinditur, & homines percutientes pectora sua re-vertuntur.

O Peccatores, ne litis mortuis mortui magis, ne petris duri magis, ne terræ mole immobiles magis. Memores estote Iudicii IESV: sic enim exit & vestrum: sed longè majore cum differentia, infinitè cum dispari exitu. IESVM enim post baptismum Passionis gloriâ & honore coronatum, in Cœlis Thronus ad dexteram Patris accepit, at vobis in duro & impœnitente corde sepultis supererit semper æterna damnatio, lamentatio, maledictio. Ita quod factum est in ligno viridi, fiet longè miserabilius etiam in arido: sed ne fiat in arido factum est in viridi, si tamen lignum aridum studuerit sese in vitæ, & morum, & passionis imitatione conformare ligno viridi.

Sed libet hunc modum, ipsius Christi Iudicis ad peccatorem verbis concludere, quibus eum loquentem facit Sanctus Augustinus.

*Serm.
181. de
temp.*

Quid faciet (peccator pœnitentiæ remedia nunc negligens & cōtēmnens) in illo metuendo Iudicii die, cum tremante mundo; Dominus præcinentibus Angelorum buccinis, in illo majestatis suæ throno circumdatus cœlestis militiæ luce confederit, ibique de terræ gremio, & antiquo pulvere suscitato humano genere, astante conscientiæ testimonio singulorum, positis in conspectu peccatorum pœnis, justorumque præmiis, rationem vitæ cœperit postulare, & plūs jam justus, quàm misericors, severitate Iudicis contemptæ misericordiæ reos cœperit accusare & dicere. Ego te

homo

homo de limo manibus meis feci, ego terrenis artubus infudi Spiritum, ego tibi imaginem nostram similitudinemque conferre dignatus sum, ego te inter paradisi delicias collocaui; tu vitalia mandata contemnens, deceptorem sequi quam Deum maluisti. Cum expulsus de Paradiso jure peccati, mortis vinculis tenereris, virginalem uterum sine dispendio virginitatis pariendus introivi, in præsepio expositus, & pannis obvolutus jacui, infantia contumelias, humanolque dolores, quibus tibi similis fierem, ad hoc scilicet, ut te mihi similem facerem, pertulisti: iridentium palmas, & sputa suscepi, acerrum cum felle bibi; flagellis cæsus, verberibus coronatus, cruct affixus, vulnere perfossus, ut tu eripereris morti, animam in tormentis dimissi. En clavorum vestigia, quibus affixus pependi, & perfossus vulneribus latus; suscepi dolores tuos, ut tibi gloriam darem; suscepi mortem, ut tu in æternum viveres. Conditus jacui in sepulchro, ut tu regnares in Cælo. Cur, quod pro te pertuli, perdidisti? Cur ingrâte redemptionis tuæ munera renuntiasti? Non ego te de morte tua quæro? Redde mihi vitam tuam, pro qua meam dedi; redde mihi vitam tuam, quam vulneribus peccatorum indefinenter occidis. Cur habitaculum, quod mihi in te sacraveram, luxuria sordibus polluisti? Cur corpus meum illecebrarum turpitudine maculasti? Cur me graviore criminum tuorum cruce, quam illa, in qua quondam pependeram, afflixisti? Gravior enim apud me peccatorum tuorum crux est, in qua invitus pendeo, quam illa in quam tui misertus; mortem tuam occisurus, ascendi. Cum essem impassibilis, pro te pati dignatus sum, sed tu despexisti in homine Deum; in infirmo salutem, & quia post omnia mala tuâ, ad medicamentâ poenitentia confugere noluiisti, ab auditu malo non mereberis liberari.

Qui tunc eris stridor dentium, cum Sanctorum multitudine ad dexteram Regis, & ad gloriam segregatâ, peccati populus, in profundo tartari, sine ulla miserationis ac venia spe demersus, excludi se tenebris suis, à beata Sanctorum luce viderit, & in profundissimum sine fine descendens, urgente os suum puteo, æterna supplicia, & perpetuam mortem, non moriturus aspexerit. **Hactenus ex Divo Augustino,**

M O D V S L.

Quinquagesimus meditandi Passionem Dominicam modus esse potest ille, quem usurpasse traditur Divus Augustinus: quando nimirum constituens sese devotissimus Pater contemplatione, medium inter Christum Passum, & inter Matrem ejus sacratissimam, nunc huc, nunc illuc, sese affectu devoti & amantis cordis obversans, atque utrobique, immensam beatæ pietatis materiem cernens, quin & hauriens, animi veluti dubius devotissimè dicebat. Positus in medio, quò me veritatem nescio; hinc pascor à vulneribus, hinc lactor ab ubere.

In Chronico & in vita

D. Augustini scripta per Cornel. Lan-

cell.

l. 3 c. 31.

Et apud

Valden-

sem in

theatro

Rel.

fol. 123.

538.

I. Ad hunc enim modum, licebit cuique Passi **IESV**, ejusque Matris **MARIÆ** amatori, sese medium amborum cum reverentia & pietate, corpore simul animoque statuere, atque alternante devotionis æstu, nunc ad **IESVM** passionibus vulneribusque cumulatam, nunc ad Matrem ejusdem Misericordiæ ubera prominentem sese obvertere, & utriusque piissimam redundantiam, opportunitatem, commoditatem spectando expendendoque, animo veluti dubium fluctuare, demirari, hic, illicque hære, morari, ac rursum redire, rursumque anhelare: utrique sese humiliare, submittere, donare, utriusque amorem, obsequium, gratiam, protectionem, familiaritatem, delicias, opesque ambire, exorare, capere.

II. Aliquando licebit oculis cordis corporisque, nunc in **IESVM** Passum, omnis miserationis Patrem, nunc verò in **MARIAM** misericordiæ Matrem defigere, & aut suas necessitates internas externasque, alterutri vel utrique denarrare sublevandas, aut communia quædam publica que negotia recommendare, aut singularia pro se, proque aliis beneficia reposcere, aut pro collatis nunc olimve beneficiis, plenas gratias agere, aut promeritas poenas deprecari.

III. Aliquando licebit **IESVM** Passum (Patientemve) indigna omnia, Matri ejusdem, vel contra, Matrem Misericordissimam **IESV** Passio ostendere & exhibere, & animam propriam utriusque erga alterum affectibus & amoribus pascere, aut ab **IESV** per **MARIÆ** ubera; aut à **MARIA** per **IESV** vulnera, totum quicquid piæ sanctæque collibuerit exposcere, immo & exigere, interposita alterius apud alterum tanquam pignore, illà amoris redundantia, illà conjunctionis Filii Matrisque naturâ, illà ad

miseran-

miserandum reciproca propensione, ac veluti obligatione.

I V. Aliquando licebit suo cum animo, quamnam in partem primò, in quam autem secundò se convertat & affigat deliberare: deliberationis materiam non levem suggerentibus inde quidem turgidis omni gratiarum dulcedine uberibus; illinc verò fecundis omni sanitatum & bonorum fructu vulneribus, tandem autem deliberatione conclusa, alterutram partem arripere, & sese in ea saginare, saginatum verò in una, ad alteram novâ & irritatâ tantummodo fame, siti que sese applicare inibique demergere.

V. Aliquando licebit uni parti supplicem fieri, ut supplicantem alteri commendet, ejusque oculis & curâ dignum, de suis thesauris abundè faciat; vicissim verò licebit ab altera alteri parti commendatum ditatumque remanere apud ipsam, ei que adherere.

VI. Aliquando licebit, vas cordis proprii, nunc Christo vulneribus sanguineque redundantem, nunc Matri misericordiae stillanti exponere ac supponere, ut ab utriusque pretiosissimo efficacissimoque fonte vel tanquam pollutum abluatur, vel tanquam inane omni bono repleatur, vel tanquam misere saucium morbidumque perfectè sanetur, vel tanquam frigidum accendatur, vel tanquam aridum & sterile irrigetur ac fecundetur.

VII. Aliquando licebit dare Animam Matri Misericordiae, ejus ut misericordiae lactata & nutrita, à lacte parvulorum, transmittatur ad solidum Passionis Crucisque Christi cibum; vicissim verò licebit dare eandem Animam Christo Patienti, ut solido Crucis, vulnerum, impropiorumque ejus cibo saginata, apud ubera Gratiæ Maternae recreetur, sicque Anima & lactis particeps sit, & tamen solidi cibi non expers.

VIII. Aliquando licebit duobus his (JESU Passio, & MARIA Matre) veluti Paradisi aut Coelis gloriantem, utriusque fructibus gaudentem ac divitem, per eos ad tertium Coelum consummatam charitatis perfectæque unionis & conformitatis cum Deo, non solum aspirare, sed etiam gradum facere, ac introire; juxta illud Christi verbum, *per me si quis introierit, ingreditur, & egredietur, & pascua inveniet*; gloriam nempe sanctissimæ Trinitatis, ejusque magnalia contemplando, *transformabitur de claritate in claritatem*.

IX. Aliquando licebit in vulneribus Christi ubera, in uberibus MARIAE vulnera commutatis vicibus reperire, atque ab uberibus vulneratum maternis, inter ubera vulnerum JESU Sanari, ab ube-

ribus autem vulnerum JESV inebriatum, inter vulnera maternorum uberum, sobriam Spiritus ebrietatem bibere.

Ephef. 3. 18. X. Aliquando licebit cum adolescentulis animabus, primitias ferventis Spiritus ad obsequium Dei apud materna ubera emendicare ac exfugere: cum solidis autem atque perfectis apud vulnera Passi, Pauperis, Contempti, Stulti, Crucifixi JESV supereminentem scientiam, veramque sapientiam in plenitudine cordis haurire, & *Charitatis longitudinem, latitudinem, sublimitatem, profundumque, subingredi, ac penetrare cum omnibus sanctis.*

XI. Aliquando licebit passis brachiis manibusque Animæ, JESU hinc, MARIAM illinc, complecti: atque coram Coelo & terra, coram Deo & Angelis Sanctisque ejus, in Domino gloriari non insipienter, de tam beata sua sorte: hoc est, de possessione JESV, & MARIÆ, de thesauris, de sanitatibus, de virtutibus, de meritis, de gratiis, de protectione, &c. Licebit etiam confiderenter omnibus infernalibus potestatibus insultare atque dicere v. g. Ecce Crucem Domini, fugite partes adversæ. Ecce Mulierem, quæ calcaneo suo contrivit caput tuum o serpens antique. Licebit Apostolico animo dicere. Quis nos separabit à Charitate Christi, & à dilectione ejus Matris, certus sum quia neque mors, neque vita, &c. Licebit abrenuntiare omnibus mundi rebus, possessionibus, atque hujus vitæ curis: solâque hac duplici hæreditate contentari; inter JESV & MARIÆ providentiæ pietatisque plenissimas manus securum in pace in id ipsum dormire atque requiescere. Et huic uni curæ superimpendi quomodo JESV & MARIÆ per omnia conformentis, atque complaceas amplius, & amplius assiduò.

XII. Aliquando licebit prostratum coram IESV & MARIA utrosque variis & heroicis, seu virtutum præcipuarum, seu affectuum ferventium, seu mortificationum, victoriarumque internarum externarumque actibus coronare, cumulare, venerari, deprecari, extollere, gratiarum actione prosequi, ad usque expletionem famis tuæ, usque ad contentationem oblectationemque cordis & desiderii amborum.

Plura hujusmodi ad imitationem sanctissimi ac Devotissimi Patris Augustini, inter vulnera IESV, interque ubera MARIÆ multis mirisque modis delicias, atque disfluentis excogitare atque usurpare licebit cuique, exercitiorum genera. Hæc duodecim in exemplum dedisse sufficet.

M O D V S L I

Quinquagesimus primus Passionem Dominicam meditando modus esse potest; Considerando gradus quosdam in ea, alios alius quodam modo altiores, per quos sese tum charitas Christi Patientis, cum acerbitas Passionis ejus in immensum extulit: nobisque viam aperuit, gradusque disposuit, per quos erga Christum in amore, in gratitudine, in admiratione, in imitatione, in Compassione crescimus & ascendamus usque ad summum. Explicat hunc gradum Passionis Christi, quam nostrae compassionis, Pater Thomas Massutius in opere suo de coelesti conversatione, ex quo etiam contractis nonnullis eos hoc loco apponere visum est.

[Sex gradibus ascendebatur ad summitatem throni, quem magno sumptu Rex Salomon sibi construxerat. Sint igitur pro devotis animabus sex, pie compassionis, gradus, in mente firmati viva fide, & ordinati fervida charitate, erga Dominum ac Redemptorem nostrum, per quos illum usque ad Crucis solum comitemur.

Est autem Primus Compassionis gradus ascendendus, per considerationem summæ Innocentiæ Christi Patientis. Tanto enim major Compassio in corde suscipietur, quanto dolor illatus immerenti, propter quem dolemus, indebitus magis, indigniorque judicabitur. Quid autem indignius, quam multiplicare afflictiones veluti reo maximorum scelerum, cui ne levissima quidem culpa justè unquam imputari potuit? Iob Sanctus agebat. *Vtinam appenderentur peccata mea, quibus iram merui, & calamitas quam patior, in statera, quasi arena maris hac gravior appareret.* Neque tamen Sanctus Iob culpam negabat omnem, immo agnoscebat. *Si iustificare me volueris, os meum condemnabit me.* Dicebat tamen poenam culpæ comparatam, si ad lancem vocaretur, videri sibi longè graviores, & exinde magnā amicorum commiseratione dignum. Sed quæ Innocentia, Iustitia, Sanctitas, componi potest Innocentiæ, Iustitiæ, Sanctitati, Redemptoris? qui antonomasticè vocatur Iustus, Sanctus Sanctorum, Agnus Dei, Innocens, segregatus à peccatoribus. Vnde & per solennissimum Agni Paschalis Sacrificiū, figurabatur. Certè, si quis infantem, quo nihil apud nos solet esse innocentius, videret, quasi convictum atrocis sceleris, crudelissimè torqueri, & interfici: intelligens, parvulum id ætatis nihil omnino committere mali potuisse, ex corde illi compateretur: atqui omnis

*Massu-
tius de
cel. con-
vers.*

*l. 6. c. 5.
2. Reg.
10. 18.
Cant.
3. 2.*

Iob 6. 2.

*Iob 9.
28.*

*Isaie
57. 1.
Dan. 9.
24.
Ioan. 1.
29.*

Heb. 7.
26.

August.
Enchir.
c. 40.
¶ 41.

sive Angelorum sive hominum Innocentia, in unum coalita, unam Christi Innocentiam nullatenus æquaret, sed ab ea plurimum deficeret. *Talis enim decebat, ut nobis esset Pontifex, Sanctus, Innocens, impollutus, segregatus à peccatoribus, excelsior cælis factus.* In aliis omnibus creaturis rationalibus, peccatum (ex quo pœnæ dignitas seu reatus manat) aut jam est, aut aliquando fuit, aut certè absolute esse potuit ex intrinseca ratione personæ: estò ob aliquā extrinsecam suppositionem exclusum sit. At in Christi persona neque culpa, neque culpæ pœna ulla, ullo modo esse potuit, *sed in natura humana susceptione, facta est gratia illi Homini naturalis, quòd nullum peccatum posset admittere.* Si ergo juxta majorem Innocentiam patientis, major alterius erga ipsum debet esse commiseratio, quis dignè exprimet, quantum de nostro affectu sibi vendicet, primus hic gradus compassionis.

Secundus Compassionis gradus altior priore, ob motivum altius, est ex dignitate Patientis. Considerando enim illum qui patitur non solum innocentissimum esse, & absque omni demerito, sed etiam tanti esse meriti, tantæque dignitatis & majestatis, ut omni honore, reverentiâ, obsequio, ab omni creatura sit dignissimus: eum verò tamen indignissimè tractari videndo, necesse est compassionis affectum in compatiante, plurimum excrecere. Faciamus quempiam Regium juvenem, nullius quidem culpæ omnino reum, potius autem ob summam virtutem, probitatem, sapientiâ, heroicas actiones, nobilitatem generis, utpote Regis filium, regniq; heredem, omnium honore, cultuque dignissimum, eum tamen, cum facinorosissimis indignè tractari, cruciari, patibulo affigi, sinè ulla utcausa, ita & procul omni reverentiâ, proprofissimè haberi si videamus: nonne tygridib⁹ essemus crudeliores, si nos tantæ personæ, tam miserabilis indignusque status & aspectus, ad summâ commiserationem, non vehementer commoveret. Atque hæc omnia in Christo concurrisse agnoscimus. *Qui habet in vestimento, & in femore scriptum, Rex Regum, & Dominus Dominantium, quem Pater Æternus constituit heredem universorum, per quem fecit & sacula,* cui Angelorum millia ministrant & assunt, hic tamen à mancipiis creaturisque suis, durissimè simul ac vilissimè illuditur, laniatur, inter latrones cruci affigitur, & necatur. Parvusne hic ad commiserationem gradus?

Apoc.
19. 16.
Heb. 1. 2.
Dan. 7.
10.

Tertius Compassionis gradus consenditur consideratione ejusdem

jusdam nostræ cum Christo Patientæ relationis, seu propinquitatis. Considerando enim hunc qui patitur, non solum innocentissimum, non solum dignissimum esse, sed etiam nobis conjunctissimum: si-
ve ut plenius res exprimatur, nos illi plurimis relationibus devinctis-
simos: magis quam fratri; plus quam Matri & Patri amantissimo,
plus quam amico fidelissimo, benefactori per omnia beneficiorum
genera beneficentissimo, Domino supremo, Creatori, Gubernato-
ri, Conservatori summo: uno verbo. Nulla excogitari potest amo-
ris conciliandi ratio, & relatio, quæ inter nos Deumque (ad quem
sumus, à quo sumus, propter quem sumus) eminentissimè non con-
tineatur. Si ergo una aliqua relatio, amandive ratio, tantum po-
test inter homines, quantum quotidie videmus & attestante scrip-
turâ scimus: (ut inter Iacobum & Ioseph, inter Davidem & Iona-
tham, inter eundem David & Absalonem, licet perduellem, quia
tamen filium:) quantum non poterit, posse certe debet, illa uni-
versitas relationum, excellentiaque simul earum, nobis cum Chri-
sto Patientæ intercedensium, quantum inquam, non poterit in no-
bis excitare affectus, seu dilectionis, seu compassionis.

Quartus Compassionis gradus, assurgit ex consideratione, quod
Christus tantus ac talis, taliterque nobis conjunctus, omnia illa quæ
patitur: propter nos solos, & non propter ullos alios patitur. Pro-
pter nos, inquam, non in eo solum sensu, quia in nostrum bonum,
& propter nostri amorem: sed etiam in eo, quia patitur ea, quæ nos
pati debuimus; patitur, ne nos patiamur, patitur, ut suâ passione,
avertat à nobis mala nostra, malisque suis propriis ea extinguat, &
ad nos accedere non sinat. Mihi certe debebantur illa vincula,
illa flagella, illæ spinæ, illa crux, ludibria, opprobria, utpote servo,
& mancipio iniquitatis, non Domino, & Regi Majestatis. Sed ho-
rum ignarus & securus [Iudebam ego foris in platea, & in secreto
Regalis cubiculi super me ferebatur iudicium mortis. Audivit hoc
unigenitus Dei, exiit posito diademate, sacco vestitus, aspersus cin-
re caput, nudus pedes, flens & ejulans, quod morte sit damnatus ser-
vulus ejus. Intueor illum subito procedentem, stupeo novitatem,
causam percontor, & audio. Quid facturus sum? adhucne ludam
& deludam lacrymas ejus? planè nisi insanus sum, & mentis inops,
non sequar, & simul cum lugente lugebo.] Esdras olim de trans-
gressione populi sui, quem Babylone reduxerat in terram suam,
scissis vestibus, amare lugentem cernens populus, collectus est ad
eum

*Bernardi
serm. 3.
denatal
Domini.*

”
”
”
1. Es. c.
9. 5. 5.
6. 10. 21.

eum catus grandis nimis virorum & mulierum, & paerorum, & flevit populus fletu multo, & illum innocentem, se verò noxium proclamabat. Poterat hoc in populo illo efficere spectaculum Eddra lugentis: spectaculum Christi Filii Dei pro nobis & lugentis & dolentis, & vulnerati, & sanguinolenti, & crucifixi, & mortui, non ingenerabit nostro, quantumlibet durissimo cordi, sensum intimatum compunctionis, tum compassionis?

Ihren.

2. 12.

D. Th. 3.

P. 9. 46.

6. 6.

Quintus gradus Compassionis, nascitur ex consideratione eorum, quæ & qualia patitur: ad quod faciendum, ipse Dominus noster Patiens, invitavit illis Prophetæ verbis. *O vos omnes, qui transitis per viam, attendite, & videte, si est dolor sicut dolor meus.* Fuit autem dolor tantus, ut (juxta communem Theologorum Sententiam) superaverit dolorem cujuscunque Martyris. Quamvis enim in aliquo genere poenarum, aliquid gravius, aut diuturnius alicui Martyri contigisse negari non possit, nemini tamén adeò multa, & ex tot partibus dolorifera, nisi grandi miraculo, & causarum valde inulitato concursu, qualis tantum in complendo opere nostræ redemptionis permitti debuit, evenire potuissent.

Primò enim patiebatur Redemptor noster in suo corpore, formato opere Spiritus Sancti, ac proinde habitudinis super omnes filios hominum delicatissimæ & perfectissimæ, in ætate triginta triū annorum, quæ est vivacissima & florentissima, ac ideo dolorum maximè sensitiva.

Deinde in quatuor partibus corporis, manibus scilicet & pedibus ferreis clavis mortifere sauciabatur: ubi propter omnium ferè nervorum concursum intensissimus est dolor: toto præsertim ex illis clavis pondere corporis moribundi & flagellis undique lacera- ti pendente, capite spinis coronato: ut etiam si in mollissima culcitra, illa sic deformati corporis species, visa esset, exprimere tamén debuisset à quovis humano corde maximam compassionem: quanto magis dum à tribus, quatuorve clavis è dura trabe pendens, laxantibus sese assiduò vulneribus sanguinemque copiosum fundentibus, in oculis versatur.

Neque interim ullus sensus corporis, carebat suo proprio cruciatu. Visus enim adstantiū hostium ludibriis & sannis, auditus blasphemis, sibilis, exprobrationibus, odoratus fælore cadaverum circumjacentium, gustus aceti & fellis acerbitate, tactus, flagellorū, clavorum, spinarum, crucis asperitate, torquebatur.

Et hæc quidem erant mala ex parte corporis: sed ex parte Ani-
 mæ quasi in immentum dolor, & tristitia cordis augebatur, pro-
 pter perfectissimam cognitionem omnium, & singulorū, totius
 humani generis, peccatorum, pro quibus susceperat plenissimè sa-
 tisfacere. Dolebat ex corde pro gravissima culpa suorum cruci-
 fixorum, pro ingratitude, cæcitate, reprobatione Iudæorum,
 pro infelici sorte aliorum omnium reproborum, quibus ipsorum
 mer culpā nihil omnino adeo pretiosus sanguis tanto dolore, &
 tantæ charitate, etiam pro illis profusus, nihil tamen erat profutu-
 rus. Videbat se ab omni personarum genere, aliquo modo per-
 peri, à Gentilibus, à Iudæis, à Principibus, à Plebeis, à Militibus,
 à Sacerdotibus, ab amicis quoque, à notis ac familiaribus, & non
 solum ab extraneis & inimicis. Considerabat se ab uno discipu-
 lorum scelestissimè proditum, ab Apostolorum Primæ negatū,
 ab aliis derelictum. quin etiam quodam modo ab Eterno Patre
 ipso desertum, cui propterea dolens clamabat: *Deus meus, Deus
 meus, ut quid me dereliquisti?* Solum ab afflictissima Matre sua,
 non tam ad leniendum, quàm ad augendum replicandumque ex
 illius dolore proprium dolorem, comitatus, & à dilecto discipulo
 Ioanne, à quo nullam poterat expectare consolationem. Sentie-
 bat se pati in omnibus hujus vitæ bonis atrocissimè, in famia per
 improperia, in honore per irrisiones, in gloriâ per contumelias,
 in rebus per expoliationem ab omnibus, etiam vestibus ipsis, in
 vita quàm agnoscebat majori dilectione dignam, quàm omnium
 hominum simul, eò quod esset vita Divinæ Personæ; & tamen il-
 lam morti pro omnibus nobis exponēbat, juxta illud Ieremias.
Dedi dilectam animam meam, in manu inimicorum eius. Erat præ-
 terea Animæ tristitia excessiva maximè: quia non mitigabatur
 (ut fit in aliis communiter) ex consideratione aliquâ sollicitæ
 mentis & sibi providæ rationis. Vnde à superioribus animæ viri-
 bus, per redundantiā in vires inferiores, nonnulla ingeritur ad-
 temperiē tristitiæ consolatio. Vt enim plenius pro peccatis to-
 tius humani generis satisfaceret, ejusmodi redundantiā occul-
 to & perpetuo miraculo interius cohibebat, sinēbatque unam-
 quamque virium animæ agere. Quare in hæc Salvatoris Passione,
 contrarium eveniebat, quàm in aliorum Martyrum tormentis.
 Pro Martyribus enim miracula fiebant, ut sensus tormentorum
 minueretur, & ipsa tormenta sæpè deficerent, dextra carnificum

Ier. 32.

Damasc.
1. 3. 314.

arefcerent, feræ mitescerent, ac blandirentur, igniti carbones in rosas, laminæ ignitæ in violaria, lanienæ in refrigeria verterentur. Martyres ipsi in sensitiva parte, propter redundantiam supra dictam cœlesti consolatione repleti, quandoque nihil dolorum, aut exiguum quid sentirent. At in Martyrum Rege Christo, potius miracula fiebant, ad hoc, ut ejus dolores augerentur, nec lenirentur, tristitia intenderetur, vira, quæ vi cruciatuum abrumpi debuerat, prorogaretur, ad acerbiora perferenda mala. Vnde merito ab Isaia vocatus est *Noctissimus virorum, vir dolorum, & sciens infirmitatem.*

Sextus Gradus Compassionis, consurgit ex altissimo quodam motivo, nimirum ex consideratione sitis, desideriique, ad patientiam etiam plura & graviora, & diuturniora. Paratus enim fuit, immo & desideravit Dominus, pluribus diebus, immo annis, immo usque ad judicii diem, si opus fuisset, aut Æterno Patri placuisset, in illo intolerabili Crucis tormento, eadem insuperabili patientiâ perdurare. Nec mirum, aut incredibile id videri debet. Si enim de ullius hominis charitate patienti, verè dicitur à Spiritu Sancto. Lampades eius, lampades ignis, atq; flammarum: aqua multe non potuerunt extinguere charitatem, nec flumina obruent illam. Quanto hoc magis verè de Christi charitate dicendum: quam Apostolus Nimiâ charitatem, quâ dilexit nos, vocare non dubitat: & sanctus Lucas excessum appellat. Verè enim in Crucis mysterio & morte, excessus magnus fuit: qui ideo & Iudæis scandalum, & Gentibus stultitia visus est: & Apostoli ipsi Dominum de eo disertè loquentem intelligere, capereque ejus verba non potuerunt, federat verbum istud abconditum ab eis. Quamvis autem in reali Passione suâ Christus reverâ excessit modum & mensuram: magis tamen hoc fecit in desiderio amplius ampliusque patiendi. Idem sonant illa ejus verba. Desiderio desideravi hoc Pascha manducare vobiscum, antequam patiar. Pascha enim erat illi quædam introductio ad Passionem figurata, & ut loquitur Chrysostomus, post illud Crux imminabat. Idem sonant etiam illæ Domini voces. Baptismo habeo baptisari: & quomodo coarctor, usque dum perficiatur! Item illæ Sancti Ioannis de eo. Sciens IESVS, quia jam omnia consummata sunt: ut consummaretur scriptura, dixit siti: Non desiderabat Dominus potum ad refocillationem, qui sciebat siti suæ fel acetumque ad penam paratum

Isa. 53.3.

Mat. 8.

7.

Ephes.

2. 4.

Luca 9.

31.

Luca

18. 34.

Luca 22.

15.

Luca 12.

50.

Joan. 19.

27.

ratum esse, unde prædixerat. *Dederunt in escam meam fel, & in si-*
ri me apotaverunt me aceto. Neque illum ut homo optavit, quia
 ut Deus illum se petiturum ab æterno præscivit. sed potius se ideo
 præscivit petiturum; quia spontè erat petiturus, hoc est, ex ardenti
 desiderio patiendi plura propter nos. Hujus vetò sitis illa ratio
 reddi potest, quia Anima illa Sanctissima, Deum super omnes
 alias ardentissimè amabat, ex quo fiebat ut valdè doleret ob offen-
 sas Majestatis ac Bonitatis ejus à peccatoribus illatas, ab origine
 mundi, & inferendas ad usque ejus finem. Et quia hic internus
 dolor, cum aliis passionibus tormentisque nostra causà toleratis,
 erat legitima pro nostris peccatis satisfactio. Sicut in culpis quan-
 dam veluti infinitatem agnoscebat, ita etiam desiderium pro illis
 patiendi, & satisfaciendi, extendere in immensum quodammodo
 voluisset. Deinde quia ex amore Dei, amor proximorum nasci-
 tur, tantòque est iste major, quantò ille est ardentior: quando-
 quidem Christus immenso quodam in Deum ferebatur amore,
 consequenter erat, ut & in nos consimili ferretur, superabundavit
 ergo dilectio Christi, ex qua se ipsum obtulit à primo instanti suæ
 Conceptionis Eterno Patri, vivam hostiam, & Sacrificium in al-
 tari Crucis, semel quidem cruentè, in aliis autem altaribus incre-
 rentè, quàm sapissimè, usque ad finem sæculorum immolandum.
 Tertiò, ex eadem ardentissima dilectione sequebatur, ut sicut Ani-
 ma illa, omnium mentium creaturarum illuminatissima, perfectè
 cognoscebat valorem gratiæ Divinæ, pondus item & pretium sub-
 limissimum gloriæ sempiternæ: ita nullis sumptibus, pro illa no-
 bis quàm cumulatissimè conquirenda parcere voluisset. Miraba-
 tur Propheta, quòd Christus in medio *duorum animalium cognos-*
ci & adorari voluisset in sua nativitate: quantò magis mirandus
 stupendusque Christus inter duos facinorosos de Cruce pendens,
 non agnitus neque adoratus, sed rejectus, despectus, blasphema-
 tus, opprobriis saturatus, & nihilominus amplius pati sitiens. Ha-
 ctenus supra nominatus author.

His sex gradibus addi potest *Septimus.* Ex Consideratione Re-
 signationis Christi Domini, quam ille habuit in anima interiùs,
 nec non etiam in opere exteriùs, ad Patris Eterni voluntatem:
 opus omne Incarnationis & Viæ, & Passionis, & Mortis suæ ap-
 prentiantem, non omninò, nec præcisè adæquatà æstimatione &
 appretiatione: sed quòdam valdè moderatà, inadæquatà, & mo-

dica, respectu omnimodæ dignitatis, quâ, opera eius non illa tantum gravissima, verum etiam omnia & singula minutissima, & levissima æstimari prorsus dignum & justum erat, à iudice quantumvis rigidissimo & iustissimo. Certum siquidem ac indubitatum est, propter Divinam *verbi* Personam Humanitati hypostaticè conjunctam in Christo, omnia ejusdem Christi, tanquam Theandrici suppositi opera, etiam tenuissima, (qualia sunt motus digiti, ictus oculi, aspiratio, & respiratio, aliaque ejusmodi.) Ejus fuisse dignitatis, ut posita, eorum à Christo, ad finem nostræ redemptionis applicatione, & Patri Eterno oblatione, potuerint, & debuerint condignè satis esse ad nostrum omnium salutem conficiendam, vitamque æternam nobis emerendam, cum efficaci ejusdem ab omnibus nobis consecutione. Atqui fide constat, neque Incarnationi, neque vitæ, neque laboribus, neque ærumnis ullis, neque Passionem, neque Crucis tormento, nec ipsi morti Christi Domini, datum hoc esse à Patre Eterno, ut omnes homines efficaciter redimeret atque salvaret, sed efficax fructus mortis Christi ad solos duntaxat electos, ad reprobos verò tantum sufficienter pertingeret: ipsos autem electos, perexiguus valde numerus (si cū non electis conferantur) definiret. Igitur constat, iustissimo quidem ac sapientissimo per omnia consilio, absoluto tamen & absconso omnium creaturarum sensibus decreto: opera Christi, & Passionem, & Mortem à Deo Patre levissimè & moderatissimè taxata esse, valdeque pro exiguo fructu esse eidem, quantum ad nostræ salutis realem effectum compensata. Quia in re Dominus Jesus usque adeo se mitem, subiectum, humilem, resignatumque Patris Eterni voluntati & decreto exhibuit: ut quantumvis pro parco electorum numero, in præmium laborum suorum omnium sibi assignato & dato, fuerit non contentissimus solum, sed etiam desideraverit (prout suprà vidimus) pro illo eodem perexiguo electorum suorum, grege, amplius & amplius in totam suam vitam, immo ad mundi usque finem perpeti. Quin etiam paratus fuit Dominus Jesus, pro una solum Electi alicujus anima, totum suæ Incarnationis opus perficere, & Passionis calicem exhaurire. Addo præterea, paratum fuisse Christum Dominum, eadem omnia, quæ pro humani generis universi salute peregit & pertulit, peragere atque perpeti pro unius culicis aut muscæ vita, & incolu-
mitate tantisper servanda: si ita fieri à Patre Eterno statutum de-

cre-

pretiumque fuisset. Hæc Christi Domini ad tantorum suorum
sumptuum, adeo levem & parcam, à Patre ipso Eterno factam
æstimationem, resignatio, quemadmodum est omnium nostrum
imitatione, & amore dignissima, ita incredibilem in unoquoque
nostrum compaſſionis teneritudinem vehementiamque jure suo
exigit. Maxime si ad prædicta omnia, adjungamus aliam longè
vulgatissimam simul ac indignissimam Paſſionis & Mortis Christi
vilipensionem contempnitionemque, quam ille à tot hominibus
(qui fuerunt, sunt, erunt ad diem judicii) ingratis, & contemptori-
bus redemptionis suæ, sustinet, sustinebitque: quam omnem, cum
suæ enormitatis indignitatisque excellentissimam acerbitate, com-
prehensivè tunc noverat, quando Paſſionis & Mortis labores, pro
hiscè ipsis indignis, inimicis, ingratis, contemptoribusque ex-
ultabat. Sensisse Christum vehementer hanc nostram ingratitudi-
nem, demonstrant illa ejus apud Prophetam verba. *Retribuabant*
mibi mala pro bonis: sterilitatem animæ meæ. Et. Verumtamen
pretium meum cogitaverunt repellere. Cucurri in fœdus. Ista igitur
una nostra in Christum, ejusque Redemptionis nobis impenſa la-
bores ingratitudo, infinitam quandam omnibus nobis, ab ipso re-
demptis, potest & debet, meritissimo jure inferre & ingenerare,
ex parte quidem nostrâ confusionem ac ruborem, ex parte verò
Christi, super ipsū condolentiam, & commiserationem: simulq;
incensissimum quoddam, ad hujus ingratitudinis contempnitionisq;
abolendam inveniendam media, studium & conatum.

His similibusque considerationibus, inducti viri Sancti, talem
compaſſionis affectum, erga Christum Paſſum concipiebant, ut
corde intimo lauci (aliqui etiam corpore) nulla ferè alia de re co-
gitare possent, sed cum Apostolo dicerent. *Christo confixus sum*
Cruci. Absit mihi gloriari, nisi in Cruce Domini nostri IESU Christi,
per quem mihi mundus crucifixus est, & ego mundo. De cætero ne-
mo mihi molestus sit, ego enim stigmata Domini IESU Christi in cor-
pore meo porto. Hoc ipsum sibi vult, illa Bernardi plenissima
pietatis verba. In æternum non obliviscar miserationes istas, quia in
ipsis vivificatus sum. Has olim Sanctus David cum fletu requirebat.
Veniens mihi (inquiens) miserationes tuas & vivam. Has & alius
quidam Sanctorum cum gemitu memorabat, dicens. Misericordia
Domini multa. Et ego fratres ab ineunte meâ conversione pro acer-
vo meritorum, quæ mihi deesse sciebam, hunc mihi fasciculum myr-

Psal. 34.
12.

Psal.
61. 5.

Gal. 2.
19.

Gal. 6.

14.

Gal. 6.

17.

Bernard
serm. 43.
in Can-
tica.

rrha colligere, & inter ubera mea collocare statui: collectum ex omnibus anxietatibus & amaritudinibus Domini mei. Vique huc Bernardus.

M O D V S L I I

Quinquagesimus secundus Modus Dominicam Passionem meditando esse potest; conferendo illam cum peccato Adam commisso, ab eo in Paradiso, quo omnem suam propaginem perdidit. Quidquid enim ibi Adam male agendo commisit, hoc totum providentissimâ quadam contrapositione Dominus IESVS Passione Doloribusque suis, excessivo quodam dilectionis & afflictionis modo, abolevit & expiavit.

1. Adam in Paradiso, sese vendidit abjectissimè diabolo, & ejus potestati: pro quo ut Christus satisfaceret, ipse quoque vendi voluit, adeo abjecto, & vili pretio, vendendique modo, ac si vile non mancipium, sed jumentum inutilisque aliqua bestia foret. Ad hoc propositum servire potest vox illa Osee: *Circumdedit me in negotiatione Ephraim: & in dolo domus Israel.*

2. Adam in Paradiso, licentiosè extendit manus suas ad decerpendum prohibitum arboris fructum. Christus ideo manus suas ad vincula dedit, ut istam manuum Adæ castigaret audaciam.

3. Adam excusso divinæ legis jugo, voluit esse liber sicut Deus. Christus hanc audaciam expiaturus & injuriam Dei resarturus: omnium sese voluntati, quin & pedibus subjecit, in rotâ quidem Passione suâ, sed potissimum in comprehensione. Unde illa vox ejus. *Conculcaverunt me inimici mei rotâ die.*

4. Adam peccando fecit se dignum, ut probrosè exturbaretur e Paradiso. Ideo etiam Christus ignominiosissimè & violentissimè extractus abreptusque est ex horto Olivetano.

5. Adam peccando subjecit se suis terrenis & brutis appetitibus & affectibus, ut serviliter raptaretur ab eis pro eorum libidine; etiam contraratione & voluntatem: ita ut dicere debuerit, quod unus ex ejus filiis, *Video aliam legem in membris meis, &c.* Hoc Christus expiare in sese volens, voluit captus & victus ex horto ad urbem, per urbem deinde, à tribunali ad tribunal, non duci sed trahi, raptarique per terram, sine ullo respectu: *Sicut exultant victores capti prædâ. En ista est dies, quam expectabamus, invenimus, vidimus.*

6. Adam

6. Adam peccato incurrit maledictionem, in labore & sudore vultus sui, & sterilitate terræ, à qua panem suum erat extorturus potius, quàm obtenturus. Huic vultus sudori, atque labori opposuit Dominus JESVS sudorem suum sanguineum, & agoniam deprecationemque ad æternum Patrem, & prostrationem super faciem suam in terram.

7. Adam suo peccato ita inhonoravit Deum, ut quodam modo ipsi Deo manu suâ alapam inflixerit. Imaginem certè Dei ad quam creatus erat, in se planè deformavit, ut nulli minùs esset similis deinceps, quàm Deo. Propter hanc alapam, Deo per Adam peccantem infligam, voluit Christus sibi multas quidem alias, sed unam illam nominatissimâ à Pontificis ministro infligi. Quæ quidem ala, ex suis circumstantiis, adeò fuit insolens & dura, ut eam fuerit impossibile ab Angelis, & ab omni creatura dissimulari, nisi Christus Dominus omnibus patientiam imperâisset, & totum Passionis suæ decursum, pacatè spectari jussisset.

8. Adam, cum peccasset in Paradiso, requisitus à Deo: quid? quare fecisset? se quidem omni ratione excusavit, in Deum autem culpam suam coniecit, eum authorom peccati fecit, suum peccatum agnoscere confiterique noluit: unde, neque Peccavi, neque, Deus propitiusesto, dixit. Christus eâ de causâ sisti judicio Caiaphæ primùm voluit, ibi examinatus, adjuratus, blasphemix & mortis reus dictus est, consputus in faciem à procacissimis ministris est. Deinde stetit apud Iudicium Pilati, ibi accusationes, & falsa crimina sibi objecta audiit, ut pro se diceret causam, à Iudice monitus est, neque tamen respondit unum verbum, multò minùs in ullum culpam coniecit, quòd utique potuit.

9. Adam in Paradiso peccavit desiderio sapiendi, & sciendi ut Deus. Christus Æterna Sapientia, & thesaurus scientiæ Dei, voluit pro stulto judicari & haberi, tanquàm talis tractari. Et veluti mente captus irrideri: & quidem ab ipso Rege Herode, ejusque universo satellitio, & tanquàm talis toti Hierosolymæ propinari.

10. Adam candidissimam innocentix vestem, originalisque iustitiæ, & gratiæ stolam amisit. Eam Christus veste albâ, ab Herode indutus, eidem recuperavit, nobisque communicavit in Baptismo induendam.

11. Adam peccando postposuit Creatorem creaturæ; Deum uxori suæ, cujus voci plus obedivit, quàm Divinæ. Propterea Christus

Christus

ex omni-
huc Ber-

nem mea-
b. Adanti
nem per-
fuit hor-
s. Iesus
& affli-

obolo, &
que vendi
ac si vile
ita foret.
ydedi me

d decet-
nus suas
ciam.

cor Deus.
farturus:
quidem
illa vox

urbare-
c violent-

petitibus
bidine;
rit, quòd
e. Hoc
x horro-
duci sed
exultant
mvenim

Adam

Osee 12.

7.

Osee 8.

3.

Christus satisfactorius Patri, postponi voluit Barabbæ seditioso, homicidæ, latroni. O verè semen Chanaan & non Iuda, in manu ejus statera dolosa: calumniam dulexit. Projecit Israël bonum, inimicus persequitur eum.

12. Adam in Paradiso perdidit libertatem filiorum Dei: fecit autem se mancipium diaboli, & servum peccati, à quo enim quis superatus est, hujus & servus est. Propter hoc Dei filius vilissimi ad instar mancipii jumentique tractari sese permisit: submisit se flagellationi servili, sive servorum, & quidem nequam, propriæ: qui tamen fuit omnis & libertatis & ingenuitatis fons.

13. Adam in Paradiso furtum commisit, quantum in ipso fuit. Non solum quia fructum sibi à Domino prohibitum gustare clandestinum præsumpsit: sed quia semetipsum, naturâ per omnia Dei servum & subditum, obedientiæ & potestati Domini sui naturalis subtraxit, immo & Divinitatem rapinam arbitratus, non minus malitiosè; quàm stultè appetiit, & invitò Domino invadere voluit: Hoc totum furtum Christus in eadem flagellatione, absolutissimo modo exoluit, & licet esset æqualis Deo, non per rapinam, sed per identitatem, formam servi accepit, & scelus hominis in se ipso castigavit, consequenterque adæquatè sanavit.

14. Adam naturalis Rex fuerat totius mundi inferioris: futurus etiâ olim mundi superioris: debebantque eum creaturæ omnes Dominum & Principem suum agnoscere: at jus istud ferè totum ita perdidit, ut loco servitii, omnes creaturæ eum fugiant, eique rebelles. Damnum hoc hominis, reparaturus Christus, verus coeli, & terræ Rex & Dominus, voluit fieri efformarique Rex quidam dolorosè ridiculus, & ridiculè dolorosus, sordidâ purpurâ indutus, coronâ spinæ coronatus, genuflexione, consputatione, alapis, capitis percussione sceptrò arundineo; salutatione illusoria illustrus: & ex Rege Regum, Rex inque dolorum factus.

15. Adam per suum peccatum, tam grandem confusionem incurrit, ut suam ipsius nuditatem erubescens, voluerit se ipsius Dei oculis abscondere. Hanc probrosam nuditatis ignominiam devoraturus Christus, voluit in specie pœnosi, illius, semi, immo plene nudi Dolorum Regis, universo populo ostendi, succlamante Pilato, Ecce Homo. quæ nuditas repetita est plenius in Crucifixione.

16. Adam per peccatum incurrit reatum mortis æternæ: à qua

ut eum Christus liberaret, voluit ipse reus mortis judicari, damna-
ri, tum ab Iudæis, tum à Pilato, tum ab universo populo, qui ex-
clamavit, *Crucifigatur. Sanguis eius super nos, & super filios no-*
stras.

17. Adam datum sibi præceptum, unicum, facillimum, ser-
vare noluit, sed illud tanquam indignum se jugum excussit, con-
fregit, & abiecit. Christus Dominus in ejus contumaciæ reme-
dium, subiit onus grave crucis, grave, inquam, non tantum natu-
rali suo pondere, non tantum probrosissimæ & crudelissimæ mor-
tis ratione, sed etiam omnium totius mundi scelerum superimpo-
sitâ ipsi sarcinâ.

18. Adæ perditionis occasio fuit una arbor scientiæ boni & ma-
li. In una quoque ar bore Christus crucifigi morique voluit pro
redemptione Adami, sui que totius generis, & sic delicias unius li-
gni, doloribus alterius ligni expiavit.

19. Adam gulâ peccavit, seque cum suo genere perdidit.
Christus pro eo peccato, fel in escam accepit, & aceto potatus est,
insuper extremâ situi cruciatus est, adeo, ut eam inter summos alios
dolores, unam solam præcipue confessus & questus sit.

20. Adam adhæsit latroni diabolo, & ipse latro factus: unde
illi dicitur: *Videbas furem, currebas cum eo;* sicut enim diabolus
appetit esse similis Altissimo in gloria: ita homo cupiit sicut De-
us in sapientia. Propterea Christus verus licet per omnia Deus,
inter duos tamen latrones crucifigi, inter illos pendere, cum illic
deputari, & instar eorum mori voluit.

Psalm. 49.
18.

21. Adam per peccatum suum separavit se à Deo, eumque de-
reliquit, & à facie ejus fugit, seque abscondit: propter hoc abo-
lendum Christus separari voluit ab omnibus discipulis, amicis,
creaturis: denique etiam ab ipso Patre Eterno. Vnde ait. *Deus*
meus, Deus meus, ut quid dereliquisti me?

Matt.
27. 46.

22. Adam per exiguum brevemque gustum peccati infelicio,
ex immortali factus est mortalis, amisso jure ad beatam immorta-
litatem, incurrit reatum mortis immortalis. Christus cum esset
Deus & vita immortalis, induit mortalitatem naturæ nostræ, & in
ea etiam verissimam mortem subiit, propter Adamum ejusque po-
steros omnes, morte suâ eos vivificans in æternitatem beatam.

Hæc omnia considerata diligenter, ostendunt Adæ peccatum
prorsus ex proposito suscepisse Christum sibi expiandum, & secun-

dum omnes malitiæ ejus gradus, Passionis quoque suæ gradus è contrario in medelam ejus disposuisse. Ostendunt etiam Adamo illi veteri Christum Adamum novam, per omnia esse oppositum, adeoque vitam veteris, esse mortem novi, vitam novi, esse mortem veteris in nobis: propterea sicut portavimus imaginem veteris aliquando hominis; ita exspoliantes nos eam, oportet omnino portare imaginem novi Adæ, qui secundum Deum creatus est. Ostendunt præterea Charitatem Christi eamque omnino supra modum, & usque ad nimietatem excessivam erga nos: quippe qui omnes reatus Patris nostri, & omnium etiam nostrum, non qualicumque modo sed cum infinito excessu expiavit abolevitque: oppositissimis autem bonis & gratiis nos vicissim cumulavit: ut verè ubi abundaverat delictum, superabundaret & gratia: & non esset sicut delictum ita & donum, sed infinites superaret misericordia miseriam, gratia offensam, redemptio culpam.

Ostendunt denique hæc eadem supra dicta, fecunditatem malitiæ & virulentiam omnis peccati: quidquid enim in hoc unico Adæ peccato reperitur mali, hoc totum semper in unoquoque peccato reperitur: excepto, quòd illud fuerit peccatum capitis, virus suum in progeniem descendentem traducens: alia verò peccata sui transfusivâ malignitate sint destituta.

M O D U S LIII.

Quinquagesimus tertius modus meditando Dominicam Passionem esse potest, conferendo omnes vel pleròsque Passiones Dominicæ articulos ordine historico ab Evangelistis descriptos, cum Prophetiis veteris Testamenti, in quibus exactè sunt à Sacris scriptis prænuntiati. Est istiusmodi collatio apud Sanctos Patres non infrequens saltem partialiter usurpata: quæ ex occasione Sanctus Hieronymus Isaiam Prophetam vocat Evangelistam veteris testamenti. Et Sanctus Augustinus etiam alicubi tractans locum Isaiæ, quo Christi Passio non minus graphicè quàm ab ipsis Evangelistis enarratur non dubitat exclamare [*Evangelium, est an Prophetia?*] Qualis exclamatio posset fieri & de S. Iob dictis, & de Davidicis quibusdam Psalmis, & de Ieremiæ Prophetæ non paucis sententiis, immo capitibus. Sanè in solis threnorum ejus quatuor capitibus, invenire est totà Passionis Dominicæ historiam, quemadmodum subiectum Paradigma scire ni fallor commodè rem ostenderet.

Passio

Passio Domini nostri IESU Christi,

Secundum Euangelistas.

Secundum Hieremiam Prophetam
in Threnijs.

Egressus est IESVS; cum discipulis suis.

Tristis est Anima mea; usque ad mortem.

Procidit in faciem suam, & orabat, ut si fieri posset, transiret ab eo hora.

Vigilate, & orate, ut non intretis in tentationem.

Ecce Iudas, & cum eo turba multa; &c.

Ve dixit eis, Ego sum: abierunt retractorum & ceciderunt in terram.

Tunc accesserunt, & injecterunt manus in IESUM.

Tunc discipuli ejus relicto eo, fugerunt omnes.

D d s

Tunc

Et egressus est a filia Sion, omnis decor ejus.

Multi sunt gemitus mei & cor meum incedens. Memoria memor ero, & tabescet in me anima mea.

Ponet in pulvere os suum, si forte sit spes.

Consurge, lauda in nocte, in principio vigiliarum: effunde sicut aquam cor tuum: ante conspectum Domini.

Levemus corda nostra cum manibus, ad Dominum in caelos.

Velociores fuerunt persecutores nostri aquilis coeli, super montes persecuti sunt nos, in deserto insidiati sunt nobis.

Virus insidians factus est mihi; leo in absconditis.

Lubricaverunt vestigia nostra in itinere.

Spiritus oris nostri Christus Dominus, captus est in peccatis nostris.

Infirmata est virtus mea, dedit me Dominus in manu, de qua non poterō surgere.

Venatione ceperunt me quasi avem, inimici mei gratis.

Abstulit omnes Magnificos meos Dominus, de medio mei.

Longe

Passio Domini nostri IESV Christi,

Secundum Hieremiam.

Secundum Evangelistas.

16. Longè factus à me consolator,
convertens animam meam: facti
sunt filii mei perdit, quia invaluit
inimicus.

c. 4. 1. Quomodo dispersi sunt lapides
sanctuarii.

c. 3. 30. Dabit percutienti se maxillam.

c. 3. 35. Vt declinaret iudicium viri:
in conspectu vultus Altissimi. Vt
perverteret hominem in iudicio
suo. Dominus ignoravit.

c. 3. 47. Formido & laqueus facta est
nobis vaticinatio & contritio.

c. 3. 36. Dabit percutienti se maxillam:
saturabitur opprobriis.

Wid. 18. Et fregit ad numerum dentes
meos.

c. 3. 59. Vidisti Domine iniquitatem il-
lorum adversum me, iudica ju-
dicium meum. Vidisti furorem
omne universas cogitationes eo-
rum adversum me. Audisti op-
probrium eorum. Ego sum psal-
mus eorum.

c. 3. 62. Labia insurgentium mihi, &
meditationes eorum adversum me
totà die: sessionem eorum & re-
surrectionem eorum vide.

c. 4. 12. Non crediderunt Reges terræ.

c. 4. 2. Filii Sion inclyti, amici ante
primo, quomodo reputati sunt in
vasa testea, opus manuum figuli.

Re-

Vnus assistens ministrorum,
dedit alapam. IESV.

Summus Sacerdos ait illi. Ad-
iuro te per Deum vivum.

Ego sum, & videbitis filiū ho-
minis venientem in nubibus, &c.

Reus est mortis: tunc expue-
runt in faciem ejus, &c. & alia
multa blasphemantes dicebant
in eum.

Et ut factus est dies, convene-
runt seniores, &c.

IESVS autem stetit ante Præ-
dem. Sprevit autem illū Herodes
cum exercitu suo.

Persuaserunt plebi, ut magis
peterent Barabbam. IESVM ve-
rò perderent. Tunc

Passio Domini nostri IESV Christi

Secundum Evangelistas.

Secundum Hieremiam.

Tunc apprehendit Pilatus IESV & flagellavit.

Repulsa est anima mea: oblitus sum honorum.

c. 3. 17.

Qui nutriebantur in croceis, amplexata sunt stercora.

c. 4. 5.

Ego vir videns paupertatem meam, in virga indignationis ejus.

c. 3. 14.

Tantum in me vertit & convertit manum suam tota die. Ventustam fecit pellem meam & carnem meam, contrivit ossa mea.

Ibid. 3.

Tetendit arcum suum, & posuit me quasi signum ad sagittam. Misit in renibus meis filias pharetræ suæ.

Ibid. 12.

Et dissipavit quasi hortum tensorii suum, demolitus est tabernaculum suum.

c. 2. 8.

Præcipitavit omnia moenia ejus, dissipavit munitiones ejus, & replevit in filia Iuda humiliatum, & humiliatam.

Ibid. 5.

Plectentes coronam de spinis, imposuerunt capiti ejus.

Manum suam misit hostis, ad omnia desiderabilia ejus.

c. 1. 10.

Tradidit Dominus in opprobrium & indignationem furoris sui, Regem & Sacerdotem.

c. 2. 6.

Quomodo obscuratum est aurum, mutatus est color optimus.

c. 4. 1.

Hæcine est urbs perfecti decoris, gaudium universæ terræ.

c. 2. 7.

O vos omnes, qui transitis per viam, attendite & videte, si est dolor.

c. 1. 12.

Tolle, foras sicut dolor meus.

Ape-

D d 3

Passio Domini nostri IESV Christi.

Secundum Hieremiam.

Secundum Evangelistas.

- c. 2. 16.* Aperuerunt super te os suum
inimici tui, sibilaverunt & fren-
duerunt dentibus.
- c. 2. 9.* Regem ejus, & Principes in gē-
tibus, perdidit & contrivit.
Non est lex, & Prophetæ ejus,
non invenerunt visionem à Do-
minq.
- c. 2. 17.* Fecit Dominus quæ cogitavit,
complevit sermonem suum, quem
præceperat à diebus antiquis: de-
struxit & non pepercit, & latifica-
vit super te inimicum: & exalta-
vit cornu hostium tuorum.
- c. 1. 14.* Vigilavit jugum iniquitatum
meorum: in manu ejus convolu-
ta sunt, & imposuit collo meo.
- c. 3. 27.* Bonum est viro, cum portave-
rit jugum ab adolescentia sua.
- c. 3. 5.* Et circumdedit me felle & la-
bore.
- Ibid. 15.* Replevit me amaritudinibus;
implevit me absynthio.
- Ibid. 19.* Recordare paupertatis & trans-
gressionis meæ, absynthii & fellis.
- c. 4. 9.* Melius fuit occisis gladio, quā
interfectis fame: quoniam illi ex-
tabuerunt consumpti à sterilitate
terræ.
- Ibid. 10.* Manus mulierum misericor-
dium coxerunt filios suos.
- c. 2. 20.* Ergone comedent mulieres
fructum suum, parvulos ad men-
suram palmae.
- Tolle, tolle: Crucifige.
- Non habemus Regem, nisi Cæ-
sarem.
- Tradidit IESVM voluntati eor-
um.
- Exivit IESVS bajularis sibi
crucem.
- Et dederunt ei bibere vinum
mirratum cum felle mistum.
- Filix Ierusalem nolite flere su-
per me, sed super vos, & super fi-
lios vestros flete: quia venient
dies, &c.

Passio Domini nostri IESV Christi.

Secundum Evangelistas.

Et crucifixerunt eum.

Prætereuntes autem blasphemabant eum: moventes capita sua: dicentes. Vah qui destruis templum Dei.

Pater ignosce illis quia nesciunt quid faciunt.

Deus Dens meus, ut quid dereliquisti me?

Sine, videamus, an veniet Elias, ad deponendum eam.

Nos quidem iuste: nam digna factis recipimus.

Stabat autem juxta Crucem Mater ejus.

Secundum Hieremiam.

Circumædificavit adversum me, ut non egrediar: aggravavit compedem meum.

Eradicationem & abjectionem posuisti me in medio populorum.

Expandit Sion manus suas: non est qui consoletur.

Plausuerunt super te manibus omnes transeuntes per viam, sibilaverunt, & moverunt caput suum.

Aperuerunt super te os suum omnes inimici tui, sibilaverunt & fremuerunt dentibus, & dixerunt. Devorabimus. En ista est dies, quam expectabamus, invenimus, vidimus.

Dabis eis scutum cordis: laborem tuum.

Opposuisti nubem tibi, ne transeat oratio.

Idcirco tu inexorabilis es.

Audierunt quia ingemisco ego: & non est qui consoletur me.

Quid murmuravit homo vivens, vir pro peccatis suis? scrutemur vias nostras, & queramus & revertamur ad Dominum. Levemus corda nostra cum manibus ad Dominum in cælos. Nos inique egimus, & ad injuriam provocavimus.

Cui comparabo te? vel cui assimila-

Passio Domini nostri IESU CHRISTI

Secundum Hieremiam.

Secundum Evangelistas.

similabo te, filia Hierusalem? cui
exaquabo te, & consolabor te,
virgo filia Sion: Magna est ve-
lut mare contritio tua: quis me-
debitur tui?

c. 1. 12.

O vos omnes, qui transitis per
viam, attendite & videte si est do-
lor sicut dolor meus? quoniam
vindemiavi me, ut locutus est in
die furoris sui.

c. 4. 4.

Adhæsit lingua lactentis ad pa-
latum ejus in siti.

c. 17.

Fecit Dominus quæ cogitavit,
& complevit sermonem suum
quem præceperat à diebus anti-
quis.

c. 3. 2.

Me minavit & adduxit in te-
nebras, & non in lucem.

Ibid. 6.

In tenebrosis collocavit me;
quasi mortuos sempiternos.

c. 3. 55.

Invocavi nomen tuum Domi-
ne, de lacu novissimo.

c. 2. 4.

Occidit omne, quod pulchru
erat visu in tabernaculo filia Sion.

c. 2. 2.

Repulit Dominus altare suum,
maledixit sanctificationi suæ.

c. 1. 8.

Peccatum peccavit Hierusale,
propterea instabilis facta est.

c. 3. 55.

Lapsa est in latum vita mea: &
posuerunt lapidem super me.

Sitis.

Consummatum est.

Tenebræ factæ sunt, per totam
terram.

In manus tuas commendo Spi-
ritum meum.

Inclinato capite, tradidit Spi-
ritum.

Eccce velum templi scissum
est.

Terra mota est.

Posuit eum in monumento &
advolvit lapidem ad ostium mo-
numenti.

Huic in

Hunc in modum totam Christi Passionem invenire est apud Hieremiam Prophetam, vel in solis quatuor capitibus Threnorum ejus: hunc in modum verbis historię Evangelicę Hieremias dat admirabilem interpretationem atque lucem: vicissimque eandem ab Historia Evangelica recipit.

Hunc in modum ex omnibus Sacra pagina veteris testamenti textibus, conflari posset uberrima Historia Passionis Christi Domini, non solum predictio, verum etiam explanatio, & elucidatio: & meditationum affectuumque devotissimorum uberrima farrago. Cujus rei specimen aliquod dedisse satis est, nam id pluribus agere, presentis instituti non est.

M O D V S LIV.

Quinquagesimus quartus, meditando Passionem Domini nostri, modus esse potest, per comparisonem Christi Patientis cum eodem Glorioso & in Cœlo regnante: ita ut dolores ignominiaque illius in Passione, cum gloria, potestate, & excellentiis ejusdem in beatitudine collata, multam meditati varietatem, piissimorum, tum affectuum, tum profectuum, suppedient. Exempli gratia. Potest quis per totam seriem Dominicę Passionis pergendo expendere quas & quantas glorias pro singulis doloribus & injuriis, nunc in Cœlo habeat. Quem in sensum cadit illa Sancti Iob sententia. *Causa tua quasi impii iudicata est: causam & iudicium recipies. Ex-* *Iob 38.*
pressius porro id ipsum loquutus est Isaias. Si posueris pro peccato *17.*
animam suam, videbit semen longævum, & volumas Domini in manu *Isaias.*
eius dirigetur. Pro eo, quod laboravit anima ejus, videbit & satura- *33. 16.*
bitur, & in scientia sua justificabit ipse iustus servus meus multos. &
iniquitates eorum ipse portabit. Ideo disperitiam ei plurimos, & for-
tium divider spolia, pro eo quod tradidit in mortem animam suam, &
cum sceleratis reputatus est. Paulus quoque Apostolus non minus
copiose & signanter hanc ipsam sententiam exprimit, dicens inter
alia. Humiliavit semetipsum factus obediens usque ad mortem, mor- *Philipp.*
tem autem crucis: propter quod & Deus exaltavit illum: & donavit *2. 8.*
illi nomen, quod est super omne nomen: ut in nomine IESU omne ge-
nu flectatur, cœlestium, terrestrium, & infernorum: & omni lingua
confiteatur, quia Dominus IESUS Christus in gloria est Dei Patris.
Et rursus ait: Dum autem, qui modico quàm Angeli minoratus est, *Hebr. 2.*
videmus IESUM propter Passionem mortis, gloriā & honore corona- *9.*

sum. Recte ergo potest quis in meditatione Dominicae Passionis contraponere laboribus Christi prœmia ejusdem: doloribus beatitudines, injuriis honores, ignominias glorias: & in illis quidem Christo compati in his autem congaudere: de illis tristari, has verò, gratulari; illas sibi ad imitandum degustandumque proponere & assumere: has autem sperare & expectare. *Sic enim comparimur & conglorificabimur.*

*Rom. 1.
17.*

Potest etiam quis Passiones Domini una ex parte recolens, ex altera eundem gloriâ & honore circumdatum considerans: variis & sublimibus modis ad Christum utroque in statu affici: maxime autem & potissime Patienti & opprobriis saturato adglutinari, & eum talem eidem ipsi glorioso & beato quodammodo præferre: se lubrioremque & convenientiorem profectui suo pro hujus præsentis vitæ statu decernere & pronuntiare. Etenim revera hic ordo esse debet in amore, possessione, conformationeque Christi, ut nimirum prius patienti, deinde glorioso afficiamur: & per conformitatem confortiumque crucis ejus, gradum faciamus ad consortium conformitatemque gloriæ ejus. Hinc est Pauli illud dictum.

*Galas. 2.
18.*

Mibi autem absit gloriari, nisi in cruce Domini nostri Iesu Christi, per quem mihi mundus crucifixus, & ego mundo, propter quem omnia detrimentum feci, & arbitratus sum ut stercorea: in quæ sensum alibi sapissime loquitur. Significans beatitudinem viæ consistere in tolerantia crucis: Patriæ verò in Possessione æternæ felicitatis. Atque eodem spiritu Chrysostomus sine dubio abundans, audet dicere, se malle cum Christo esse in cruce, quàm cum eodem in Cœlo, nimirum pro convenientia præsentis status, cui labor competit, non autem præmiorum receptio: ut proinde beagior sit ille, qui in præsentī vitæ cum Christo & pro Christo passionibus laboribusque atteritur, quàm qui otio, quiete, solatiisque etiam spiritualibus, recreatur. Hoc enim hujus vitæ non est: in qua homo natus est ad laborem, ad mercatum, ad negotiationem, ad certamina, ad cursum, non autem ad mercedem, ad præmia, ad quietem. Neque enim electis suis (ait Gregorius) in hac vitæ Deus promissit gaudia delectationis, sed amaritudinem tribulationis, ut medicina more per amarum poculum ad dulcedinem salutis æternæ redeant. Sed his immorari nihil attinet, cum sint vitæ Christianæ elementa, nulli prorsus ignoranda, nulli negligenda. Comparationis hujus, de qua hic sermo, & in qua modus præsentis meditandi sit.

*Gregor.
lib. 1.
Ep. 130.*

di statutus est: aliquid paradigma proponere forsitan operæ præ-
tium erit, ut facilius considerationes & affectiones congruæ à me-
ditantibus excitari possint. Sit ergo Paradigma primum.

Christus in Passione.

1. Christus in horto tristis & pavens.

2. Christus orans & prostratus in faciem suam.

3. Christus in agonia sudans sanguinem.

4. Christus venditus & osculo traditus, captus.

5. Christus ante tribunalia & iudices reus.

6. Christus illusus, velatus, consputus, colaphisatus.

7. Christus nudatus, & ligatus ad flagella.

8. Christus flagellis concisus.

9. Christus dolorum & contumeliarum Rex, spinis coronatus.

10. Christus illusorie adoratus in purpura.

11. Christus Barabbæ postpositus.

12. Christus damnatus ad crucem.

Christus in Gloria.

Christus in Cælo lætitia Angelorum & Sanctorum.

Christus in Cælo faciens voluntatem timentium se.

Christus in Cælo agonothetes & confortans.

Christus in Cælo solvens compeditos; Merces magna nimis.

Christus habens potestatem in Cælo & in Terra; Iudex vivorum & mortuorum, habens claves vitæ & mortis.

Christus in Cælo, cui adstet exercitus Angelorum, & in quem desiderant Angeli prospicere.

Christus amictus lumine, sicut vestimento.

Christus regens populos in virga ferrea.

Christus in Cælo: & in capite ejus diademata multa, habens scriptum in femore Rex Regum, Dominus Dominantium.

Christus in Cælo adoratus, à viginti quatuor senioribus dicentibus. Dignus est Agnus, qui occisus est accipere Divinitatem, &c.

Christus excelior Cælis factus, electus ex millibus.

Christo tradita sunt omnia à Patre: & accepit nomen super omnia.

Christus in Passione.

13. Christus bajulans sibi crucem in montem.

14. Christus felle & aceto potatus.

15. Christus crucifixus inter latrones.

16. Christus orans pro hostibus & crucifixoribus.

17. Christus Siciens.

18. Christus latroni datus Paradisus.

19. Christus à Patre derelictus in Cruce.

20. Christus animam Patris manibus tradens.

21. Christus mortuus.

22. Christus sepultus.

Christus in Gloria.

omne nomen, ut in nomine Iesu omne genua flectatur.

Christus portans cuncta verbo virtutis suae, in dextera ejus longiturnitas vitae, gloria & divitiarum in domo ejus.

Christus torrente voluptatis potatus & potans suos, duccensque illos ad vitae fontes aquarum.

Christus sedens ad dexteram Patris, ubi millia millium ministrant ei.

Christus habens inimicos suos, positos scabellum pedum suorum.

Christus fons aquae vivae.

Christus Pater futuri saeculi.

Christus unigenitus in sinu Patris: ipse in Patre: & Pater in illo.

Christus in dextera sedentis super thronum, Liber scriptus in eis & foris, signatus sigillis septem: idemque accipiens librum, & solvens signacula ejus.

Christus semper vivens ad interpellandum pro nobis.

Christus Rex saeculorum immortalis, invisibilis, solus Deus, ipsi gloria in saecula.

Libet etiam addere Paradigma secundum, hujus collationis aequi.

Christi

Christus in Passione.

Abjectissimus. Abiectio plebis.
 Blasphemus & Blasphematus.
 Contumeliis & calumniis af-

fectus.

Dolorum vir, derelictus ab
 omnibus.

Exterminatus, execrabilis.

Fœdissimus, factus in derisum

& canticum omnibus.

Gravis etiam ad videndum.

Homo humiliatissimus, hu-
 milis corde.

Illusus, injuriis saturatus.

Latronibus annumeratus.

Miserimus. Maledictum pro
 nobis factus.

Negatus, & ad nihilū redactus.

Odio habitus, opprobriū hominū

Parvulus in gentibus, percus-
 sus à Deo.

Rex Dolorum.

Seditiosus, scandalosus à Sa-
 thana infestus.

Tentatus p̄r omnia, absque
 peccato.

Vermis & non homo. Vul-
 neratus propter peccata nostra.

Zelo Domūs Dei consumptus.

Christus in Gloria.

Altissimi Filius. Altissimus.
 Beatissimus. Benedictus Deus.
 Candor lucis æternæ.

Delicie Patris, dignissimus
 Deus.

Excelsior Cœlis factus.

Felicissimus: Felicitas æternæ
 Sanctorum.

Gloriosissimus & Rex gloriæ,
 in quem desiderant Angeli pro-
 sperare.

Honoriificentia populi Dei:

IESVS Christus, qui est in glo-
 ria Dei Patris.

Legifer noster, in manu ejus
 ignea lex. Lucem habitans inac-
 cessibilem.

Majestate & Misericordiâ ejus,
 plena est terra.

Natus ante sæcula: ante omne
 creaturam.

Omnipotens nomen illi.

Pater futuri sæculi: Princeps
 Pacis.

Rex sæculorum, cujus Regni
 non erit finis.

Sanctus, Sanctus, Sanctus Do-
 minus Deus Sabaoth.

Tradita habens à Patre omnia.
 Totus desiderabilis.

Vivens semper ad interpellan-
 dū pro nobis: Vita æternā in vo-
 luntatē ejus.

Zelans & Zelotes Deus. Ecce

Eccet talis est dilectus meus ex Dilato. Dilectus meus candidus in vita, rubicundus in morte, electus ex millibus, totus desiderabilis. Talis est dilectus meus, ipse est amicus meus.

Christum ergo ita in Passione & in Gloria diversum atque eundem considerans anima, variis (ut supra dixi) affectionum generibus, prosequi, complecti, exaltare potest: sed ni fallor ille erit utilissimus affectus, si patientem interim pro hac vita, glorioso regnantiq[ue] praeulerit: praeunte hac in parte sibi Beato Bernardo,

*Bernard.
serm. 1.
in Epi-
phania.*

[Ecce quasi saccum plenum Misericordiâ suâ misit in terram: Saccum inquam in Passione concidendum, ut effundatur quod in eo latet pretium nostrum. Saccum utique et si parvum, sed plenitudo divinitatis, Postquam enim venit plenitudo temporis, venit & plenitudo Divinitatis. Venit in carne, ut vel sic carnalibus exhiberetur: ut apparente humanitate, benignitas agnosceretur. In quo enim magis commendate poterat benignitatem suam, quâ suscipiend[um] carnem meam. Meam inquam, non carnem Adam: id est, non qualem ille habuit ante culpam. Quid tantopere declararet ejus misericordiâ, quàm quod ipsam suscepit miseriam? Quid ita pietate plenum, quàm quod Dei Verbum propter nos factum est factum? Domine quid est homo quia reputas eum, aut quid apponis erga eum cor tuum? Hic attendat homo quanta sit cura ejus Deo, hinc sciat quid de eo cogitet, aut quid sentiat. Non interroges ô homo ea quæ pateris, sed quæ passus est ille. Quanti tē fecit, ex his quæ pro te passus est agnosce, ut appareat tibi benignitas ejus ex humanitate. Quanto enim minorem se fecit in humanitate, tantò majorem exhibuit in bonitate: & quantò pro me vi-
lior, tantò mihi charior est.] Hucusque Bernardus egregiè ab excessu humiliationis Christi Domini, tum miserationis ejus erga nos redundantiam, tum nostræ in eum propter hoc affectionis tenerrimam ubertatem, uberrimamq[ue] teneritudinem decerpens. Christus siquidem in passionibus suis nobis propriissimè bonus, nobis impensus, & in commodum nostrum effusus est, at verò in Gloriis & Honoribus, suis quodam modò magis est quàm noster: & exaltatio ejus magis illi ipsi quàm nobis commodat: quocirca mirum non est, si ampliùs & teneriùs in patientem quàm in gloriosum secundum hujus vite statum ferimur atque afficimur. Mi-
seri-

fericordia enim miseris plus placet, quia etiam plus prodest.

Accedit, quod inter nostras & Christi Domini miseras sit una permagna differentia, ob quam necesse est aliter longè nostras, aliter verò Christi Domini miseras, & sentire & æstimare. Nostræ siquidem miseriæ, nihil aliud sunt nisi miseriæ; at verò miseriæ Christi, sunt ejusdem maximæ super nos & saluberrimæ nobis misericordiæ, quibus ab infinitis, hoc est, ab omnibus miseriis nostris, divinâ proflus charitate sese in nos exiscerante, liberamur atque sanamur. Dignum est ergo nos miseriis Domini tanquam miserationibus nostris summa cum teneritudine affici, summa cum appretiatione earum adglutinari. Tantò enim ab hominibus dignius honorandus est Deus, quantò pro miseris hominibus etiam indigna suscepit. Et omnia quæ infirmissima sunt Salvatoris nostri, tantò magis nos ambire æstimareque convenit, quantò & ipsi magis infirmi esse noscitur. Plus enim ibi recipimus sanitatis nostræ, ubi amplius Redemptorem nostrum infirmitatis & dignationis subisse reperimus pro nobis. Magna quippe Salvatoris nostri infirmitas, magna etiam est infirmitatis nostræ sanitas: & ibi est maxima nostra exultatio, ubi maxima est Salvatoris nostri humiliatio, atque dignatio. Quare manifestum est, posse & debere nos ejusmodi affectu & sensu affici erga Christum positum in Passione, cujusmodi affici nos non convenit, erga eundem positum jam in Beatitude.

Greg.
homil. 6.
in
Evang.

M O D V S L V.

Quinquagesimus quintus meditandi Passionem Dominicam modus esse potest, per varias animi nostri affectiones, quas ipsius Passionis consideratio in considerante necessariò nec non fructuosè, simulque ad Domini placitum pergratè excitat. Sufficiet enumerasse hoc loco septem præcipuas: quas desumo à Patre nostro Francisco Costero: positas ab ipso explicatasque in Præfatione ad suas de Passione Dominica meditationes. Ait igitur ille, septem affectiones posse in nobis per Passionis Dominicæ meditationem concitari.

Costerus
Præf. in
Med. de
Pass. Do-
mini.

Prima est *Compassio*, hoc est animi affectio, quâ patienti condolemus, ejusque dolores quasi in nos transferimus, & eos si non corpore, saltem animo sentimus: eâque affectione videtur quasi divisus & communicatus dolor ejus qui patitur, leviorque & minor esse.

Aug.

Heb. 4.

5.

Rom. 8.

Etus. Vt etiam gravior est molestiorque, si patientem vel irrideas, vel malis ejus nil movearis. Christus ut dolores nostros leniret, pati pro nobis, & compati nobis voluit, teste Apostolo. *Non habemus Pontificem, qui non possit compati infirmitatibus nostris, tentatum autem per omnia.* Et quidem, licet Christi dolores jam ablolutos, mitigare nos nostro dolore non possumus, grata est tamen ei nostra compassio, quâ ejus dolores, quasi nostros facimus, nobisque applicamus, per hoc enim idonei conglorificationi ejusdem effici-mur, siquidem compatimur: ut ait Apostolus. Ceterum duo sunt, quæ ad hanc Compassionem faciunt. Primò, Personæ Conditi-o. Secundò, Gravitatis Poenarum.

Quantum ad Personæ Christi Conditionem, si compassione mo-
veri volumus: expendemus quod is qui patitur, sit 1. Dignitate De-
us, qui majestate replet Cælum & Terram. 2. Homo nobilis ex
Regia Davidis stirpe ortus, de Spiritu Sancto in Virginis utero con-
ceptus. 3. Idem si intellectum spectes; sapientissimus, doctissimusq;
4. Si voluntatem; Sanctissimus, qui nec in Deum nec in hominem
peccatum unquam fecit. 5. Si conversationem; gravissimus: qui
nunquam ridere, sæpius flere pro nostris peccatis miserisq; visus
sit. 6. Si merita & beneficia: de omnibus optime meritis omni
genere meritorum. 7. Si formam totiusque corporis speciem ac
dignitatem; præ filiis hominum speciosus, complexione tenerri-
mus. 8. Si officium & munus; Rex Regum, Dominus Domina-
tium, Messias, Pontifex summus, Legislator, Magister & Doctor,
Redemptor & Salvator.

Quantum verò ad Poenarum gravitatem, expendemus. 1. Nihil
omnino in Christo vacuum fuisse cruciatu maximo: totum enim
corpus, omnesque corporis sensus: Anima item ejusque potentie
suas poenas sustinuerunt. 2. Poenæ istæ fuerunt acerbissimæ, tum
ob tenerriam complexionem; tum quòd nullo interno solatio
adferendum mitius, sublevaretur. Hinc Theologorum est certis-
sima doctrina: Neminem in hac vita sustinuisse unquam tales pœ-
nas, quales Christus sustinuit. Anne igitur decet nos condolare
Filio Dei, tanta propter nos sufferenti?

Secunda Affectio est. Compunctio, sive Dolor de peccatis, quan-
do ad horrorem detestationemque peccatorum, ex meditatione
Passionis Dominicæ inducimur, quod commode fiet. Si 1. Peccati
malitiam. 2. Quid peccatum Christo attulerit, consideremus. Et

malitia

malitia quidem in Deum utpotè in Deum infinitum, est infinita, tantaque ut (salvâ iustitiâ Dei, quæ violari non debuit) deleri nisi re infinita non posset. Igitur vel infinita pœna toleranda erat, quæ in creaturam finitam convenire nequit, vel tempore infinito, quomodo luunt damnati in inferno: vel personæ infinitæ Dignitatis patientum erat, hoc est ipsimet Deo infinitæ majestatis, alia enim persona nulla infinita existat. Hinc ulterius progrediamur, attentèque consideremus: quid Deum de Coelis in terram traxerit, atque ad Passionem induxerit? Peccata scilicet nostra. Nisi enim peccasset homo, nec nasceretur, nec pateretur, nec moreretur Deus in mundo. Proinde sicut peccatori sua peccata in inferno sedem parant; & sicut furi suum parant furta supplicium: sic cujusque nostrum peccata Christo moriendi necessitatem intulerunt. Detestanda est igitur malitia peccati, quæ Deum quoque ipsum ad Crucem adegit. Ne verò putes extenuari hinc peccati gravitatem, quod non pro tuis solius, sed pro totius mundi peccatis, Christus sit passus: scire debes, per hoc non minui malitiâ peccati, sed virtutem Passionis Dominicæ magnâ indicari, quæ non unius, non paucorum, sed mundi universi peccata deleverit. Etenim meritum Passionis cum sit infinitum, nullâ malitiâ potest superari: sed tamen etiam ad peccati gravitatem indagandâ, hoc vel unum sufficit, quod nisi Infinito Christi merito non potuerit aboleri. Vt ergo solis hujus lucem, si unus solusque tantum spectes, non magis ille tibi lucet, quàm si cum infinitis aliis communiter eam spectaveris; utque non minùs homini mortem inferas, solus cor ejus perfodiendo, quàm si cum sociis pluribus idem facias: ita unicum etiam peccatum mortale, ad quod expiandum opus fuit Morte & Passione Filii Dei, à nobis commissum, non est minùs causa mortis Domini, quàm conjunctum cum peccatis omnibus omnium hominum. Neque Passio Christi, minùs tibi uni utilis est ob id, quod pro omnibus obita sit, quàm si pro te solo obita fuisset. Et nunquid modica tibi causa est detestandi peccata tuâ dolendique de iis?

Tertia Affectio est; Imitatio. Ut nimirum desideremus ea sequi imitarique, quæ in Christo contemplamur, monente Apostolo. *Christus passus est pro nobis; Vobis relinquens exemplum, ut sequamini vestigia ejus.* Et: *Christo Passio pro nobis in carne, & vos eadem rogitatione armamini.* Duo sunt autem in Passione Domini imitanda. Vnum est desiderium patiendi pro Christo, qui tam acerba

pertulit pro nobis prior. Alterum est. Virtutum cumulus, qui si usquam alibi, in Passione certè eluxerit, ita ut tamen verbis siluerit Dominus, exemplo tamen de hac quasi cathedra Crucis, omnes virtutes & quidem perfectissimas doceret, tum quia nullâ fovebatur internâ consolatione, ut nos solemus foveri internâ gratiâ comitante nostras actiones virtuosas, tum quia non deerat Christo magna & iusta recusandi repugnandi quæ occasio. Nobis itaque in qualibet Passionis Christi meditatione investigandum erit, quæ in ea virtus potissimè commendetur: tum quomodo eam tunc Dominus exercuerit; demum excitandum est desiderium propositum quæ firmitas, ejusdem virtutis quærendæ & adipiscendæ, modus quæ excogitandus ejus comparandæ, & Christi ipsius per hanc ejus virtutis actionem gratia imploranda, ad id, quod proposuimus, perficiendum. Elucet autem in Passione Domini omnes quidem virtutes, sed potissimum illæ, quas nobis toties scripturæ commendârunt. Humilitas, Mansuetudo, Obedientia, Charitas, Misericordia, Contemptus mundi, Perseverantia.

Humilitas. Quâ multimodis irrisus, spineâ coronâ redimitus, latroni Barabbæ postpositus, in medio latronum crucifixus, aliæ quæ plura id genus contemptuum perpeffus, demissè semper se habuit.

Mansuetudo. Quâ benignum se omnibus moderatum quæ semper exhibuit, mala patientissimè toleravit, & admirabili silentio ad omnes injurias, convitia, ludibria quæ conticuit, excusationes nullas adhibuit, neminem suâ loquacitate offendit, nihil unquam dixit asperius cuiquam, nihil fecit.

Obedientia. Quæ tunc sanè vel maximè commendationem meretur, quando & difficilia, & ab impiis, & modo more quæ aspero imperantur. Fuit autem Christus non solum Patri obediens usque ad mortem crucis: sed impiis quoque iudicibus & tortoribus: quibus ut vestes exueret, purpuram indueret, spineam coronam sumeret, Crucem humeris ferret, ad clavos manus pedes quæ porrigeret, & alia plera quæ imperantibus, simpliciter, alacriter, & constanter obtemperavit.

Charitas. Quæ tum demum suis absoluta numeris videtur, cum propter Deum non solum amicos, sed ipsos quoque hostes, nobis potissimè volentes, & summo prosequimur amore; & eos pro hostibus nunquam, sed pro amicis habemus: quod cumulatissimè Dominus præstitit: qui de perfectissima sua in nos charitate loquens.

Maiorem (ajebat) *charitatem nemo habet, quam ut animam suam* ponat *quis pro amicis suis.* Cum autem major videatur esse adhuc charitas, si animam ponas pro inimicis: major tamen ea est charitas, quae nullos agnoscit inimicos, sed ipsos etiam hostes reputat pro Amicis, etque non minus quam Amicis benefacit, & animam suam pro eis ponit. Itaque Christus ea suos inimicos charitate complexus est, ut quo plura ab eis sustineret, hoc magis semper in eorum re inardesceret, maioribusque beneficiis cumlaret: non aliter quam igni oleum superfusum, vel folle agitatus carbo magis incaluit. Igitur toto quidem Passionis tempore, pro inimicis Patrem exorabat, juxta illud. *Pro eo ut me diligere, detrahebant mihi: Ego autem orabam.* Mente, si non voce. Sed cruci ab eis affixus elata voce pro crucifixoribus oravit, demumque expirans corda illorum ad fidem & poenitentiam salutarem summam charitate commovit.

Misericordia: Quam nobis Dominus omnia sua, seque ipsum, vestes, honorem, famam, boni nominis existimationem, florentem opulentiam, vires, sanitatem, sanguinem, animam, corpus, vitam & mortem donavit.

Contemptus mundi: Quo illa omnia, quae mundus admiratur, & in bonis habet, repudiavit: suscepit autem illa, a quibus mundus abhorret, pro divitiis extremam elegit Paupertatem; pro honoribus, contemptum; poenas pro deliciis; pro favoribus irrisiionem.

Perseverantia: Quam nec Matris dolore victus, nec Amicorum tristitia motus, nec hostium irrisiione superatus, nec corporis tormentis fractus, nec indignitate, aut ingratitudine exasperatus, de cruce descendere, Passionisq; & amoris beneficium deserere voluit, quod semel pro salute nostra peragendum assumpsit.

Quarta Affectio est, Gratiarum actio. Quam beneficia in nos collata contemplant, in laudes prorumpimus, non verbis modo, quae proprie laus est, & actio gratiarum minima: sed corde potius & operatione, ut & mente acceptum beneficium recolentes, magni illud faciamus, & ab omni offensa benefactoris caveamus, & omnibus in rebus occasionem rependendi ne praetermittamus. Quinque porro sunt quae ad gratitudinem movere solent. 1. Malum quod evasimus. 2. Bonum, quod beneficio accepimus. 3. Dignitas Benefactoris. 4. Modus collati beneficii. 5. Conditio personae, in quam beneficium confertur. Ut ergo ad Gratitude inducamur erga Christum haec nobis cogitanda sunt. 1. Mala a quibus haec

Christi Passione erepti sumus. Peccatum omnium malorum maximum. Mentis cæcitas. Cordis durities. Servitus diaboli. Fœditas animæ. Præsens æterni ignis periculum, qui ita gravis est, ut cogitationem superet, ita diuturnus, ut finem nesciat, ita certus ut abique Christo evitari nequeat. 2. Bona quæ accepimus. Gratiâ, Iusticiam, Adoptionem filiorum Dei. Sacramenta, Sacrificium, Virtutes, Promissionem vitæ æternæ. Denique omnia bona corporis & animæ, interna & externa, quæ omnia nobis Christi Passio vel donavit vel conservavit. 3. Personæ Dignitas. Ut enim solet propter dignitatem majus dari stipendium Doctori vel Homini nobiliori, pro exiguo quamvis officio, quàm rustico, pro labore licet gravi: ita majores gratiæ sunt habendæ digniori. Quæ tandem ergo Christo, qui infinitæ Dignitatis est, exhibebitur gratitudo? 4. Modus præstiti beneficii: gratis & non sine summo labore. Cælum Terramque condidit Deus, verbo solo; redimit autem te doloribus, sanguine, & vitâ suâ, pro quibus collatis omnibus, nihil à te præter laudem, memoriam, & gratiarum actionem requirit. 5. Personæ cui beneficium præstatur conditio: si vilis, si hostis, si ingratus. Nos porro quid sumus? Si orbis terrarum ante Deum est sicut gutta roris antelucani, qui descendit in terram, quid erit ad Deum collatus homuncio unus? qui nihil est si cum universa orbis mole conferatur. Vilitatem nostram expressit Sanctus Iob. *Putredini dixi, Pater meus es. Mater mea, & soror mea, vermis.* Iam verò non solum viles sumus, sed etiam hostes, alieni & aversi à Deo, gratiam ejus nec querentes, nec petentes, quin potius respuentes oblatam.

Sap. 11.

Iob. 17.

Hæc igitur expendens. 1. Ereptum te ex summis, certissimis, æternisque malis. 2. Donatum summis infinitisque bonis. 3. A summo & infinitæ majestatis Deo. 4. Tantis ejus laboribus doloribusque, quantos nulla mortalis creatura unquam sustinuit, consideratis, an ne æquum sit, tam abjectam creaturam, in laudes & gratiarum actiones dissolvi?

Quinta Affectus est, Spes & Fiducia. Trium rerum consideratione spes nostra infringi solet. 1. Consideratione splendoris, qui ad vitam æternam requiritur, in quam nihil intrabit inquinatum. 2. Consideratione Examini exacti Iudicis illius, qui etiam de otioso verbo exigit rationem, penetrabitque usque ad divisionem Animæ & Spiritus. Serutabiturque cogitationes & intentiones cordis. 3. Consideratione vilitatis nostræ: qui & quotidianis peccatis Dei

justi-

justitiam offendimus: & pleni concupiscentiis vitiiisque vitibus, & cordis nostri interiora ipsimet non penetramus: *Et si simplex fuero* (ait Iob) *hoc ipsum ignorabit anima mea.* Huic dissidentiae medetur Passio Christi, animumque peccatoris in spem erigit. Nam j. Etsi Regnum cœlorum magnam munditiam requirit: tamen etiam Christi Passio & sanguis lavat omnes iniquitates nostras, animam sole clariorem reddit, efficit filios Dei, dat jus ad vitam æternam, ut jam eam non tanquam in alienam, sed veluti in nostram hæreditatē ingrediamur. Est quidem districtum Christi judicium, sed Passio- nis hujus merita severitatem hanc perferre possunt: cum major sit satisfactio quàm debita, & peccata quidem sint numero finita, me- rita autem magnitudine infinita: & denique, quia Iudex erit qui fuit Advocatus, Mediator, Redemptor: qui ut tibi Cœlum daret, ipse- met ejus pretium tibi obtulit: sanguinem inquam pro te fufum, cu- jus ipse, quem magno labore fudit, non ignorat dignitatem. 3. Vi- litas nostra, est magna illa quidem, ut qui *ex nobis nihil possumus qua- si ex nobis*, sed tamen gratiâ, Passionis merito, nobis communicata, admirabilem addit animis nostris splendorem, dimittit peccata omnia: addit vires & facilitatem operandi, operibus nostris sufficit dignitatem, ut vitam æternam mereamur. Spes igitur nostra eri- getur, si omnes opes Christi, ejus omnia merita, omnia jejunia, labores, pœnas, & quæcunque demum vel fecit, vel sustinuit cogi- temus, non aliter nostra esse, quàm mariti bona ad uxorem perti- neant, quibus ipsa ad suorum solutionem debitorum, aliasque ne- cessitates uti possit.

Iob 9. 21.

2. Cor. 3.
5.

Sexta Affectio est, Amor Dei. Amorem porrò excitat. 1. Rei ipsius quæ amatur Dignitas, Nobilitas, & Pulchritudo. Quo- modo pulchritudine virtutum vel scientiarum ad earum amorem in- ardescimus. 2. Amor, si nimirum priores diligamur. Caterum ad amorem augendum conducit. 1. Si non verbis modò, sed ma- gnis quoque beneficiis sit amor testatus. 2. Si magno labore & in- commodo Amantis hæc beneficia comparentur. 3. Si injuriâ affe- ctus, repulsamque sapius passus Amans, nihilominus amorem con- cedere non patiat. 4. Si his omnibus molestiis & laboribus suis nihil quærat, quàm redamari. Et hæc quidem omnia Christus suâ Passione exhibuit. 1. Dilexit enim nos opere & veritate, omniaque bona nobis donavit. 2. Magno suo incommodo, pro nobis factus egenus, ut nos ditaret, omnia mala assumpsit, ut nos repletet omni

bono.

Matth.
12.

bono. 3. Toties à nobis repulſus, nihil tamen de amore noſtri re-
mittit. 4. Denique à nobis præter Amorem nihil requirit. Ama
(inquit) & ſufficit. Vt amēs porro, ſervandæ erunt leges & condi-
tiones amantis, quas hac Paſſione ſua Chriſtus expreſſit. 1. eſt. Vt
de re amata perpetuò cogitemus; ſicut Chriſtus, ut noſtri memo-
riam nunquam deponeret, in manibus ſuis nos inſcripſit, vel potiùs
inſculpſit. 2. Vt de ea frequenter loquamur; *ex abundantia cordis os loquitur*: Quomodo Chriſtus etiam in ipſa Cruce de nobis
locutus eſt cum Patre, eumque pro nobis oravit. 3. Vt nihil æquè
vereamur quàm Amatum offendere, quod nos Chriſtus docuit, qui
ſuam Paſſionem, omniaque ſua, eo retulit, ut in ſui nos amorem
provocaret. 4. Vt totos nos impendamus in rebus Amici com-
mendandis, & promovendis. Chriſtus enim non ſibi ſed nobis la-
boravit. 5. Vt Amici præſentiam depoſcamus: ſicut Chriſti deliciae
ſunt eſſe cum filiis hominum: & nos in terra, in mari, in aëre, in
inferno quaſivit, ut nos ſibi in æterna beatitudine conjungeret,
ſuamque nobis Divinitatem communicaret.

Septima Affectio eſt, Admiratio. Quæ excitari ſolet re aliquà no-
vâ, inſolitâ, & incredibili. Quatuor porro ſunt, quæ Domini Paſ-
ſionem faciunt incredibilem vehementer. 1. Quòd ſit paſſus ille,
qui eſt gloria & gaudium Sanctorum, cujus eſt dignitas infinita, vita
æterna, ſublimitas immenſa; & in cujus majeſtatem paſſio non cæ-
dit. 2. Quòd pro illis ſit paſſus, à quibus patiebatur, hominibus
vilibus, hoſtibus, ingratis. 3. Quòd talia ſit paſſus, qualia nullus
mortalis homo: tam ſi cruciatus ſpectes, quàm ſi ignominias, irri-
ſiones, paupertatem, aliaque vitæ mala. 4. Quòd cum hac Paſſio-
ne genus humanum redemerit, ad hoc perficiendum uſus eſt modo
admirabili. Nam 1. Cum ſumma corporis infirmitate, ſummam,
quâ diabolus mundi hujus Principem proſtravit, conjunxit poten-
tiam. 2. Summa Juſtitia, cum ſumma miſericordia convenit, nam
homini faciens miſericordiam, in ſe ſuſtinuit Divinæ Juſtitiae ſeveri-
tatem. 3. Summa ſapientia eluxit in ea, quæ hominibus putaretur
ſumma ſtultiſſima. Siquidem *Cruce Chriſti, Iudeis quidem eſt ſcanda-
lum: Gentibus ſtultitia.* Magna porro fuit ſapientia. 1. Callidiſ-
ſimum hoſtem arte & patiando ſuperare, iſſdemque armis quibus
ſuperior evaſerat dejicere. 2. Tali ſupplicii genere nos liberare, in
quo & medicinam reponeret omnium morborum noſtorum, &
exempla omnium virtutum proponeret, & flammæ amoris exci-
taret.

2. Cor. 1.

taret. Siquidem nihil usque adeo nos provocat vel ad imitationem Christi, vel ad Amorem Dei, quam ista acerbissima Dei nostri pro nobis Passio. Hactenus Pater Costerus, de affectibus animi nostri, qui in Passionis Dominice meditatione excitari possunt, ac debent.

M O D V S LVI.

Quinquagesimus Sextus modus Passionem Dominicam meditandi. Esse potest, Considerando Passionem ipsam, tanquam ingratissimorum hominum in Deum injurias, quibus illi beneficia sibi à Deo facta indignissime rependerunt. Tali Considerationis modo, utitur ipsa Ecclesia, in die Sancto Parasceves, eumque appellat Improperia: idque ideo, quia in eo inducitur Deus improprians ingrato populo suo, beneficia sua maxima à se illi facta, injuriis acerbissimis sibi ab eodem retributa. Describo ideam Modi hujus aliquantulum, primum verbis Thomæ de Truxillo, qui ita inducit Christum doloribus mortis undique vallatum, atque dicentem. *O vos omnes, qui transitis per viam, attendite si est dolor, sicut dolor meus. Videte, quæ à Discipulo Iudæis traditum, flagellis cesum, & denique Crucifixum. Hæc Crocitas, quam ego magnam coronavi gloriam, me coronavit spinis. Hic populus, quem variis spoliis Egypti ditavi, me spoliavit. Ego ipsi mare aperui variis divisionibus, ipse verò carnes meas lacerat, & rivus sanguinis mei effudit. Ego nube eos operui, ne sole laderentur; ipsi verò faciem meam velant, ut me subsannent. Ego eos pavi caelesti cibo, ipsi verò potaverunt me acetum. Ego ex petra dedi aquam, qui sitim sedarent; ipsi verò ictu lanceæ latus meum aperuerunt. Hactenus ille. At enim graphicè, atque etiam copiosè magis rem hanc cognoscemus ex ipsis Ecclesiæ verbis.*

Popule meus quid feci tibi? aut in quo contristavi te? Responde mihi.

Quia eduxi te de terra Egypti, parasti Crucem Salvatori tuo.

Quia eduxi te per desertum quadraginta annis, & manna cibaui te, & introduxi te in terram satis bonam. Parasti Crucem Salvatori tuo.

Quid ultra debui facere tibi, & non feci? Ego quidem plantavi te vineam meam speciosissimam, & tu facta es mihi nimis amara.

Aceto namque sitim meam potasti: lanceam perforasti latus Salvatori tuo.

Ego propter te flagellavi Egyptum cum Frimogenitis suis, & tu me flagellatum tradidisti.

Ego

Cantic.

Quadr.

tomo 2.

Feria 6.

in Pas-

sione

Domini

Conc. 3.

prope

inuium.

Psal.

135.

Exod. 13.

Psal. 44.

Num. 20

Ex Mis-

sali Ro-

mano

Feria 4.

in Pa-

rasceva.

"

"

” Ego eduxi te de Ægypto, demerso Pharaone in mare rubrum : & tu me tradidisti Principibus sacerdotum.

” Ego ante te aperui mare, & tu aperuisti lanceâ latus meum.

” Ego ante te prævi in columna nubis. Et tu me duxisti, ad Prætorium Pilati.

” Ego te pavi manna per desertum : Et tu me cecidisti alapis & flagellis.

” Ego te potavi aquâ salutis de Petra. Et tu me potâsti felle & aceto.

” Ego pro te Chananæorum. Reges percussi. Et tu percussisti arundine caput meum.

” Ego dedi tibi sceptrum regale. Et tu dedisti capiti meo spineam coronam.

” Ego te exaltavi magnâ virtute. Et tu me suspendisti in patibulo Crucis.

” Popule meus quid feci tibi ? aut in quo contristavi te ? responde mihi.

Hactenus Improperia Domini : propriè Iudæorum ingrâtâ gentem spectantia. Similia his in meditatione formare possumus, tanquam fiant à Domino ad Populum Christianum, vel ad animam peccatricem.

Popule meus (Redempte meus) quid feci tibi ? aut in quo contristavi te ? Responde mihi.

Ego eduxi te de captivitate diaboli : tu autem parâsti crucem Salvatori tuo, & mala omnia pro omnibus bonis retribuisti.

Ego propter nimiam Charitatem tui de Coelis descendi : tu odio habuisti me gratis.

Ego æstimavi te pluris quàm Animam meam : tu creaturas viles mihi in amore præposuisti.

Ego redemi te à morte æterna sanguine meo : tu & meum sanguinem, & Animam tuam diabolo vendidisti.

Ego te à peccatorum vinculis absolui : tu me vinculis peccatorum tuorum usque & usque onerâsti.

Ego fide meâ oculos tuos illuminavi : tu oculos meos velâsti ; & tuos, diligendo magis tenebras quàm lucem, excaçasti.

Ego te veste gratiæ meritorumque meorum indui : tu me ad flagella nudasti, & te gratiâ meâ spoliâsti.

Ego te ab æternis flagellis subduxi ; multaquæ alia flagella peccatorum

torum

torum tuorum tibi condonavi: tu me flagellasti linguositate, carnalitate tuâ, aliisque sceleribus tuis quotidianis.

Ego te Corona & Stola gloriae meae indui: tu me spinis coronasti, purpurâ superbæ induisti, arundine vanitatis, sputis, & alapis impudentiæ tuæ illuisti.

Ego omnia subjeci sub pedibus tuis: tu me Barabæ latroni, & latrocinantibus cupiditatibus tuis subiecisti.

Ego tibi suave jugum legis meae imposui: tu mihi Crucis trabem & scelerum tuorum sarcinam imposuisti.

Ego te ad vitam æternam prædestinavi: tu me quotidiano in peccata consensu, ad mortem Crucis dampnasti.

Ego tibi corpus meum in cibum, sanguinem in potum dedi: tu dedisti in escam meam fel, & in siti mea potasti me aceto amaritudinis, invidiae, fraternique odii tui.

Ego te in Paradisum reduxi, cælumque tibi referavi: tu me domo cordis tui ejectionem Crucis addixisti.

Ego te amplecti venientem volens, expandi brachia mea: tu brachia mea affixisti obstinatione tuâ, ne amplecti possem te.

Ego pro te Patrem oravi: tu & me & Patrem meum blasphemasti; & blasphemari fecisti.

Ego Animam meam pro te posui: tu te mihi ereptum sponte tuâ diabolo & damnationi ejus tradidisti.

Ego tibi Cor meum in quo te conservarem patefeci: tu me in sua impenitentia, recidivisque sceleribus tuis, sepelisti.

Popule (Redempte meus) quid feci tibi? aut in quo contristavi te? responde mihi.

Hucusque verba impropèrantis Dei gravissima certè, & ipsas conterere adamantinas petras idonea. Quis enim sustineat immotus audire realiter sibi impropèrantem Deum? Et tamen quis non cogitur taliter impropèrantem audire sibi: si suam in mentem reduxerit; quantâ beneficia Dei in se, quanta ingratitude malignissimâ rependit fecunditate, tum in omni vita sua perditè transacta, tum specialiter in abusu Passionis Christi, quo toties Dei filium iterumq; crucifixit, & sanguine pretiosissimū ejus pollutū & duxit, & fecit. Et populo quidem Israëlítico Deus impropèrat beneficia temporalia, terrena, carnalia à se præstata, vicissim verò injurias, potissimum etiam corporales, ab illo sibi exprobrat redditas. Caterum Anima Christianæ peccatrici, exprobrat Deus beneficia

& temporalia quidem, sed potissimum spiritualia, cœlestia, æterna, quæ incomparabiliter temporalibus sunt excellentiora: quibus beneficiis Anima rependerit injuriarum, contemptuum, ingrati-
tudinum, omniumque enormissimorum scelerum, prodiones, vincu-
la, consputationes; & quod ipsius Divinitatis intimum cor penetran-
tes, & ipsam illam Passionem Christi, cum omni suo merito (quan-
tum in eis est) stirpitus eradicantes, atque cum Anima ipsa in pro-
fundum æternæ damnationis demergentes, inibique sepelientes.
Quo nihil potest contingere, cogitarique in Christum injuriosius
atque indignius. Sicut enim Animam in æternum salvari morte suâ,
Christi præmium supremum, & ultima gloria est: sic Animam
cum sanguine & morte sua in æternum perire, suprema & ultima
injuria est, extremumque meriti sui & gloriæ Patris Æterni damnû.
Et quod potest esse tam ferreum, tamque rupeum os, quod possit
coram Deo talia impropere vel ad momentum subsistere? Igi-
tur Anima hujusmodi Passionis Dominicæ meditatione utens, non
poterit non efficacissimos concipere stimulos ad Pœnitentiam fru-
ctusque dignos pœnitentiæ, ad humiliationem sui, ad gratiarum
actionem, ad sollicitudinem melioris & Sanctioris in posterum vitæ
consecranda, ad redamandum ardentissimè atque insatiabilissimè
eum, quem in se tam beneficium, tam malitiosè tamque indignè ha-
bitus à se habitum agnoscit. Et hunc ego puto esse sensum ipsius
Ecclesiæ: quæ post recensita illa impropéria ex parte Dei, illico ex
parte sua, effunditur in admirabiles gratitudinis erga Deum affe-
ctus. Subjungit enim.

[Crucem tuam adoramus Domine, & Sanctam resurrectionem
tuam laudamus, & glorificamus: Ecce enim, propter lignum ve-
nit gaudium universo mundo.] Et cetera quæ sequuntur.

M O D V S LVII.

Quinquagesimus septimus modus Dominicam Passionem medi-
tandi esse potest, per quosdam titulos Christi Domini, sive offi-
cia ejus circa nos, & propter nos, in Passione sua mirabiliter exer-
cita. Est v. g. Christus nostrarum animarum Sponsus, est noster
Filius, Frater, Magister, Pastor, Pater, Deus, &c. Videatur quo-
modo hæc omnia officia Dominus Iesus in Passione sua exercuit
& explevit propter nos. Ex hoc enim copiosa consurget Materia,
& Seges, tum piissimarum meditationum, tum solidissimorum do-
cumen-

cumentorum, tum affectuum resolutionumque Domino gratissimarum. Proderit specimina aliqua dedisse, saltem juxta prædictos septem titulos.

I. *Christus, Anima Sponsus.* Legimus à Christo Domino dictum. [*Relinquet homo Patrem & Matrem, & adhærebit uxori suæ. Itemque ab Apostolo [Viri diligite uxores vestras: sicut Christus Ecclesiam, & tradidit semetipsum pro ea, ut illam Sanctificaret.] Rursum etiã ab eodem Apostolo [Respondi vos uni viro virginem castam exhibere Christo.]* Ex quibus facile patet, Christum esse Sponsum animæ cujusque nostrum: quæ etiã merito dicere potest illud. [*Christus dilexit me & sponsavit me sibi in fide: & tradidit semetipsum pro me, & lavit me in sanguine suo, ut exhiberet me sine ruga & sine macula.* O Anima, quis est qui dilexit te? Deus utique de Deo, Lumen de Lumine, Delicium Æterni Patris, Expectatio gentium, Beatitude Sanctorum. Hic tantus ac talis, quantum dilexit te? Is qui nullius creaturæ indigus est, cum sit ex semetipso omni bono plenus, immo omne & summum bonum tui amore captum se sentiens, de sinu Patris Æterni descendit, & vestimento gloriæ deposito, servorum & exulum propriam lacernam, quin & ipsam peccatorum speciem induit, ut hac ratione commodius congruentiusque sponsus tuus fieri posset. Et certè nullo tuo merito, nullâ tuâ dignitate induci potuit: sed suâ solâ supremâ, miserationumque plenissimâ charitate. Initum ergo est atque contractum matrimonium, expressusque consensus verbis illis ad Patrem. [*Ego pro eis Sanctifico me ipsum: ut & ipsi Sancti sint in veritate.*] At quam & quantam dotem attulisti sponso tuo ô bona sponsa? audiamus. Coepit pavore & tædere, contristari, & mœstus esse, & factus in Agonia prolixius oravit. Et factus est sudor ejus, sicut guttæ sanguinis decurrentis in terram. Tunc coeperunt conspuere eum, & dabant ei alapas, & colaphis eum ceciderunt, & exclamaverunt universi dicentes; Reus est mortis. Et alia multa blasphemantes dicebant in eum. Hæc & reliqua omnia quæ subsequuta deinceps sunt, dos tua sunt ô Anima, quam Christus tecum accepit. Et quam pro hac vicariam contra dotem speres? Sanè ex æquitate, non tibi deberetur, nisi æternæ damnationis super omnes misérias malitiasque tuas proprias assignatio atque inscriptio. At hoc amor sponsi tui erga te passus non est, sua potiùs bona omnia propria tibi obligavit, universa scilicet merita, omnes labores, cunctas Passiones, omnia Sacra-

Marc.

10. 7.

Ephes. 5.

25.

2. Cor.

11. 2.

Osca. 2.

20.

Ad

Ephes. 9.

Joan. 17.

19.

menta sua, ipsum etiam Corpus & sanguinem suum, ut eorum omnium bonorum ejus tanquam legitima hæres & confors possessione & fructibus gaudens atque fruens, ex ipso, dignè ipso diteris. Insuper assignavit tibi Beatissimæ & Beatificæ Trinitatis æternam fruitionem, confecto instrumento, & quinque vulnorum suorum signaculis appensis munito, & in perennem propriamque hereditatem cessit, ita ut tui arbitrii sit, & cum auxilio gratiæ ejus possessionem hanc adire, & etiam si fortè ita libeat, eam commutare, aut alienare à te. Quanquam id minimè expedit tibi. Væ etiam tibi si ita insanias. Agnoscisne tandem ô anima amorem sponsi tui erga te? quo quidem illè non ab heri & nudius tertius, sed ante mundi constitutionem, charitate æternâ & perpetuâ dilexit te miserans tui, quasi non prius ipse esse, quàm & te simul diligere cœperit. Tuus verò ô sponsa, tuus ô Anima, erga hunc sponsum tuum, erga Amatorem tuum qualis est, quando cœptus est, quàm constans est Amor?

Matth.
12. 50.

II. *Christus, Filius Hominis.* Dictum à Domino IESU Christo est. *Omnis qui fecerit voluntatem Patris mei, ipse meus frater & soror & Mater est.* Quàm vereor mi IESU, ut tibi tanta multitudo, tantâ facilitas Matrum, bene & honori cedat. Pœnè suafor sim, tanto eas numero ne requiras, ne admittas. Quid enim, si in tanto hominum numero, quos tu matres tuas esse, quorum tu filius esse, disponis, reperitur aliquis non unus, qui & olim, & nuper fuerit contemptor voluntatis Dei Patris tui, tu ergo tam infamis (quid enim peccato, & voluntatis Divinæ prævaricatione magis infame?) tam infamis inquam matris sustinebis esse, dicique filius? Nonne partus sequitur ventrem? non vereris ne tu ob Matrem peccatricem inter peccatores & iniquos reputeris?

Joan. 1.
46.
Joan. 7.
52.

Olim te in Nazareth educatum scientes, non dubitarunt dicere, à Nazareth potest aliquid boni esse? à Galilæa Propheta non surgit. Etiam Ioseph ac MARIA in probrum quondam cessere Christo: quid putamus futurum, si cuiuspiam improbæ & infamis Matris (animæ v. g. mææ) filius audiat IESUS: quàm ille contemptibilis hoc nomine fiet, quàm parvulus valde in populis & gentibus?

Sic est ô Anima: agnosce, & mirare consilium Dei, consiliū Sapientiæ. Volebat quondam Deus, filiam sibi habere, ideo creavit te, ad imaginem & similitudinem suam. Sed tu imaginem ejus in te deturpasti, similitudinem ejus in abominationem convertisti. Deus ergo volens restaurare te, & tam sibi, quàm tibi restituere,

muta-

mutavit vices rerum, ipse in similitudinem tui factus, & habitu inventus est ut homo: factus est Filius hominis, factus est denique Filius tuus, ex te sumens similitudinem imaginemque hominis peccatoris, etsi absque peccato, non tamen absque fructu, id est supplicio peccati.

Vide enim, vide in tota Passione ipsius, & adverte an filius tuus sit, qui talem tui similitudinem in sese gestat? Tuane est illa similitudo & imago expressa in IESU tristante & pavente usque ad mortem, in IESU agonisante & sanguinem sudante. In IESU tradito, capto, ligato, accusato, damnato blasphemato? In IESU colaphisato, conspuo, concusso, livido, sanguinolento? Tuane (ô Anima) lineamenta sunt illa in IESU saucio & conscisso flagellis, confixo spinis, illuso sannis, postposito maleficis, addicto ad patibulum crucis? Anima; Ecce Homo. Vide illum & inspice, speculum tibi est, tu in eo reluces, tu notaris illo dicterio. *Egredimini* Cant. 3.
filie Sion, videte Regem Salomonem in diademate, quo coronavit eum 11.
Mater sua non alia certè, quàm tu ô Anima. Intuere quæ te, livores illos, vulnera illa, sanguinem illum, gusta fel, myrrham, acetum illud, trahita clavos, tolle crucem, excipe opprobria, convitia, ludibria, contumelias, contemptus, nuditatem, dolorem, confusionem. Quid hic non tibi simile? quid hic non tuum? quid hic non instar tui? Ergo iste IESVS filius tuus, filius hominis, filius peccatricis Matris est! Ecce dolent super eum, sicut doleri solet in morte unigeniti. Tibine soli, non erit filius iste, & filius quidem tuus iste, ac talis, non erit in plañctum? Immo verò videant & aspiciant eum ceteri, quasi unigenitum à Deo Patre vel à virgine Matre, plenum gratiæ & veritatis, speciosumque formâ præ filiis hominum: at tu peccatrix Mater, hunc unigenitum tuum, aspice quoque virum dolorum, percussum à Deo, & humiliatum, captum, & attritum in peccatis tuis. Genuit illum Cœlestis Pater, Deum de Deo, consubstantialem sibi, coæternum, coæqualem, candorem lucis æternæ, & figuram substantiæ suæ; Genuit illum & virgo Mater, etiam in splendoribus Sanctorum, expectationem gentium, desiderium collum æternorum, Salvatorem Mundi, Principem pacis & Patrem futuri sæculi. Tu autem ô Anima, quem genuisti eum? nonne Filium Doloris, filium amaritudinis, filium iræ & luctus? Iudæis scandalum, gentibus stulticiam, contemptibilem valde, & abjectionem plebium, sementem & messem myrrhæ & confusio-

nis, atque tuus aeterni electis omnibus. Ecce hic est o Anima Filius tuus, ecce tu talis Mater ejus.

3. *Christus, Frater noster.* Ipse enim est primogenitus in multis fratribus: neque confunditur vocare nos fratres suos, quos scit dilectos esse Patri suo ante mundi constitutionem: & quibus data est potestas Filios fieri, ejusdemque haeredes, cohæredes autem suos.

Licet hoc loco cogitare omni homini, quomodo hic amantissimus nostri frater, Deus-Homo Christus Iesus unumquemque nostrum in Baptismo per sanguinem suum ablutum adiecit sibi in fratrem, & admisit ad propriam sibi hæreditatem gratiæ & dilectionis, & beatitudinis æternæ. Hæc est enim hæreditas, & non rapina ipsius, quam quidem hæreditatem, partim re, partim spæ adiit quisque nostrum in regeneratione, eaque frui poterat, & debebat, tum hic totâ vitâ suâ, tum in altera vita, per totam æternitatem; at ego insipiens quasi pertæsus tanti boni, tamque opulentæ possessionis, abii cum filio prodigo in regionem dissimilitudinis valde longinquam, & ibi dissipavi omnem substantiam meam, & demum extremam ad inopiam redactus, cum nec porcorum cibus mihi suppetere, incidi sponte quidem meâ in manum, de qua non poteram ullis meis aut creatis vitibus surgere, multoque minus ad Patrem, aut ad fratrem meum, hæreditatemque deperditam redire.

Quid hic faceret ille, cujus natura bonitas, cujus viscera miserationis & charitas? fecit, quod fratrem decuit? Factus est supplèx Patri pro me, in sanguine suo lavit me, debita omnia mea à se de suo solvenda recepit in se, vulnera mea excepit in corpore suo, & me quantumvis præ mentis inopia periculi mei ignarum, præ vulnerum enormitate, dolorisque acerbitate stupidum, & sensus sani expertem, velut peritissimus medicus, simulque amantissimus frater atque Pater, integræ, suo licet impendio & dispendio, restituit sanitati.

Gratiæ tibi Domine Iesu, & immortales quidem gratiæ, quando enim ludebam ego foris in platea, tunc in secreto regalis cubuli ferebatur in me mortis sententia. Audiit hoc unigenitus Dei, & posito diademate, sacco indutus, respersus cinere caput, nudus pedes, flens, & ejulans, quod morte damnatus essem ego frater, magis autem servulus ejus: nesciebam, sanus mihi videbar, & ecce mittitur filius Virginis, filius Dei altissimi, & jubetur occidi, ut pretiosissimo sanguinis sui balsamo, vulneribus meis medeatur. Si hæc non fuissent ad mortem, non fuisset necesse pro ius Dominum Ie-

svM Christum mori. Et adhucne ludam & deludam lacrymas, immo sanguinem, vulnera, mortem ejus?

4. *Christus, Magister & Doctor noster.* Illi dictū est. *Magister, sci- mus quia verax es, à Deo venisti Magister: & viam Dei in veritate do- ces.* Huic testimonium dedit ipse de Cœlo Pater, ipsumque *audiri* præcepit, cui & consonat oraculum Prophetæ dicentis. *Erunt ocu- li tui videntes præceptorem tuum.* Et quidem dubitandum non est, Deum fuisse ab initio conditi hominis Præceptorem ac Magistrum, in ipsa siquidem creatione, *signatum est super nos lumen vultus Divi- ni:* & in ipso Paradiso præceptum homini posuit eruditionis ejus gratiâ. Deinde verò in lege veteri, ad docendum populum suum viam iustitiæ, tradendamque legem disciplinæ, descendit in mon- tem Sina, ibique digito suo scriptam in tabulis legem, eidem por- rexit, adjectis tum comminationibus suppliciorum, tum promissio- nibus præmiorum. Cæterum per illa tempora, paucos admodum dociles diligentesque habuit discipulos Deus, adeo ut ausi sint dice- re aliquando. *Non loquatur nobis Dominus.* quin etiam eo progres- si sunt, ut dicerent Deo, *recede à nobis, scientiam viarum tuarum no- lumus.* Indocilitatis hujus causa non postrema fuit, invisibilitas magistri, vocem enim audiebant, sed loquentem atque doctorem non videbant, inde fastidium, inde tædium, inde vilipensio, non tantum doctrinæ, sed etiam Doctoris ipsius. *Novissimè ergo cepit nobis loqui Deus in filio,* ipsa Dei sapientiâ in vero homine apparuit, & nos viam prudentiæ docere instituit. Postquam ergo vel primam in stabulo & præsepi lectionem suam prælegit suâ paupertate, nuditate, contemptu mundi & sui, pannis suis, fasciis suis: subito effica- cia ejus doctrinæ sese prodidit: mox enim discipuli novi conspirant dicentes. *Transgamus usque Bethleem, & videamus hoc verbum, quod factum est, & Dominus ostendit nobis.* Quid multa? Hujus sapientiæ vita universa in carne, magisterium fuit nostrum: dicente ipsamet: *Discite à me, quia mitis sum & humilis corde.* & rursus. *Vos (ait) vocatis me Magister & Domine, & bene dicitis: sum etenim.* si ergo ego Magister & Dominus, *lavi pedes vestros; & vos debetis alter alterius lavare pedes.* Exemplum enim dedi vobis, ut quem- admodum ego feci, ita & vos faciatis. Maximè tamen in Crucis Cathedra, hoc suum cœleste magisterium Doctor & Magister nos- ter nobis exhibuit & consummavit: ibi enim omnis suæ Sapientiæ, omnis doctrinæ, omnis eruditionis specimina exemplaq; exhibuit:

Matth. 21. 16.

Isa. 30. 20.

Psal. 4. 7.

Exod. 20. 19. Iob. 21. 14.

ad Hebr. 1. 2.

Lucas. 15.

Matth. 11. 29. Ioan. 13. 13.

& ex.

- Ioan. 19.** & exhibita tandem ultimâte per vocem illam, *Consummatum est*, conclusit. Restat ergo, ut omnis, quicumque viam salutis invenire, & addiscere vult, quisquis se iam discipulum Magistri hujus profitetur, ad Crucifixum Dominum accedat: & eum tanquam Magistrum discipulus audiat, tanquam librum lectionum legat, tanquam speculum & exemplar imitetur, atque in se exprimat. Idem enim est unusquisque nobis, & Magister, & Liber. & exemplar omnis doctrinæ, seu veritatis atque virtutis, Iustitiæ, atque Perfectionis. Vis o homo discere Charitatem Dei, & Obedientiam? audi, lege, imitare: *Ut cognoscat mundus, quia diligo Patrem, & sicut mandatum dedit mihi Pater, sic facio; surgite eamus.* Vis dilectionem proximi etiam inimici? audi, lege, imitare. *Majorẽ hac dilectionem habet nemo, quàm ut animam suam ponat quis pro amicis suis.* Et. **Luc. 23.** *Pater ignosce illis, quia nesciunt quid faciunt.* Vis Paupertatem nuditatemque Evangelicam? audi, lege, exprime. **Matth. 8.** *Vulpes foreas habent, volucres Cœli nidos, filius autem hominis non habet, ubi caput reclinet.* Vis Contemptum tui, & neglectum etiam ab amicis & notis? audi, lege, imitare. **Ioan. 16.** *Venit hora, & nunc est, ut unusquisque dispergami in propria, & relinquatis me solum.* Et. *non sum solus, sed qui misit me Pater, mecum est.* Vis sterilitatem & exilium cordis, in laboribus, in doloribus, in conatibus, propter Dei gloriam, & salutem hominum? Audi Magistrum, lege librum, imitare & exprime exemplar. *Deus meus, Deus meus, ut quid dereliquisti me?*
- Matth. 27. 46.** *5. Christus, Bonus Pastor.* Hunc ipse sibi indidit honoris gratiâ titulum. *Ego (inquiens) sum Pastor ille bonus, & animam meam pono pro ovibus meis, & cognosco oves meas, & cognoscunt me meæ. Sicut novit me Pater, & ego agnosco Patrem, & animam meam pono pro ovibus meis.* Propterea diligit me Pater, quia ego pono animam meam pro ovibus meis. Iam attende o Homo, an hæc magnificentius dixit, quàm fecit Bonus iste Pastor? attende quâdo, attende qualem, attende ubi, cognoverit te ovem suam Pastor iste bonus? Nonne tu eras Ovis illa perdita, errans, vaga, desperata? Nonne tu eras Ovis illa in faucibus & dentibus, & visceribus lupi diaboli, lupi inferni, lupi peccati? Nonne tu eras Ovis illa, cujus gratiâ, in montibus Pastor bonus reliquit nonaginta novem oves, & descendit ut quæreretur, inveniret, e faucibus perditionis erueret, in humeros suos tolleretur, & ad caulas ovium suarum aliarum deportaret te? gaudiumque faceret amicis suis de inventa te? Nostin' Pastorem hunc tuum

Luc. 15.
4.

tuum ô Ovis? Nôsti quantis se objecit lupis, apris, ursis, molossis, leonibus, omnibusque aliis feris pessimis, pro te? Nôsti quomodo dilaniatus sit, devoratusque sit; propter te? Confer quâso te, tuam vililitatem cum Pastoris dignitate, tuam inutilitatem cum Pastoris pro te sumptu, tuam ingratitudinem, cum Pastoris pro te generositate. Tantus ille, pro te tantilla ovium, rabidarum ferarum præda factus est, ne tu ullius earum præda esses.

Et quid desiderat talis iste Pastor tuus à te? Aliud omnino nihil, quàm ut cognoscas eum: quàm tunc audias, & noveris vocem ejus: quàm ut alienum non sequareis, ipsum autem solum & unum & semper sequareis. Quæ quidem est tua æterna vita: nosse nimirum *Joan. 17.*
solum verum Deum, & quem misit ille IESUM Christum. 3.

Attolle oculos Anima mea, Christi ovicula; attolle & in Crucis ligno desige. Viden' illum in Cruce virum dolorum & scientem infirmitatem, illum despectum & quasi leprosum, illum vultu absconditum, & novissimum virorum, illum à planta ad verticem sine sanitate, illum attritum & percussum à Deo, illum maledictum factum, illum verum & non hominem, opprobrium hominum & plebis abjectionem? Quid tibi videtur de spectaculo isto? Videtne, agnoscatne, quomodo fera pessima peccatorum & suppliciorum tuorum devoravit, laniavit, absorbit Pastor tuum. Vides quomodo, & ad quantam usque delasationem depugnavit pro te Pastor tuus: vides quanta ex voragine, quantis ex abyssis perditionis, extraxit te, & eripuit te, Bonus iste Pastor.

Væ cecitati meæ, si hæc necdum agnosco. Væ ingratitudini meæ, si adhuc ingratus Pastori meo invenior. Væ malitiæ meæ, si adhuc peccatis meis, voluntatibus meis, voluptatibus meis, ruinis meis, vel per umbram afficio? Væ stultitiæ meæ, si necdum adverto, necdum æstimo, quantum Pastor meus æstimavit me, quantum laboravit pro me, quantum pretium effudit in me.

Audite vocem Pastoris Boni, Pastoris vestri oves quotquot estis *Lev. 29. 2.*
Christi. Vox ejus illa est: *Sancti eritis, quoniam & ego Sanctus sum.* 1. *Petr. 1. 16.*
Vox ejus est illa: *Perfecti estote, sicut & Pater vester Cælestis perfectus est.* Vox ejus est illa: *Exemplum dedi vobis, ut quemadmodum ego feci, ita & vos faciatis.* Vox ejus est. *Qui non bajulat Crucem suam, & venit post me, non est me dignus.* Vox ejus est illa. *Qui vult venire post me, abneget semetipsum, & tollat Crucem suam, & sequatur me.* *Ecce notas, ecce indolem ovium Christi, Interrogamus* *Joan. 13. 35.*

Luc. 14. conscientias nostras: quomodo respondeamus Pastori nostro, quan-
17. tum progressi simus ambulantes post Pastorem nostrum, bajulan-
Matth. tes Crucem nostram, abnegantes nosmetipsos propter ipsum? Heu
8. 7. quam infelix est Pastor noster, quantam sterilitatem retributam à
 nobis habet, quam nullam segetem bonam, præter lolium, lappas
 & zizania colligit, quam nos non oves sequaces, & obediētes, sed
 hædos, maledicētes hirēcos experitur & queritur.

Isaia 46. 6. *Christus, Pater noster.* Illius hæc est Professio: dicit enim. *Au-*
7. *dite me domus Iacob, qui portamini à meo utero, qui gestamini à mea*
Ibid. *vulva. Usque ad senectam ego ipse, & usque ad canes ego portabo.*
V. 9. *Ego feci & ego feram, ego portabo & salvabo. Quoniam ego sum Deus,*
& non est ultra Deus, nec est similis mei. Verè Deo nostro, Patrique
 nostro, nec Deus nec Pater similis est. Quis enim unquam Pater
 posteaquam genuit filium, nihilominus eum in utero suo portavit?
Act. 17. at quod est inscēlens hominibus, hoc quotidianum immo genuinum
28. 29. atque propriissimum est Deo Patri nostro. *Genus enim sumus ejus:*
& in ipso vivimus, movemur & sumus. Et quidem non tantum pu-
 siones innocentuli, immaculati, ipsà innocentia præparatam amabi-
 les, & commendati, sed nos filii mali, nos generatio mala atque per-
 versa, nos infideles filii, nos generatio prava & exasperans. nos in-
 veterati dierum malorum, nos in sanguinibus geniti, atque voluta-
 ti, nos neque aqua loti, neque circumcisi, nec oleo froti, nos filii pro-
 digi, adulteri, spuria vitulamina, nos denique nihil filiorum (nisi
 forte filiorum diaboli) habentes: nos tamen tales, portamur ab
 utero Patris nostri, cui quotidie dicere audemus. *Pater noster qui*

Matth. *6. 9.* *es in Cælis.*

Heu me Deus meus, heu me Pater meus! ut quid me genuisti fi-
 lium doloris tui & ignominie tuæ? Ergone ego filius, ego tuus di-
 car: à te habebor, à tuis visceribus portabor! Ego qui te Patrem,
 Nutritumque & Bajulum meum, adeo amantem, diligentem, se-
 dulum, indefessum, tantis affeci molestiis, tantis replevi contume-
 liis, tantis oneravi injuriis, tantis exasperavi iniquitatibus, tantis re-
 puli contemptibus, tantis saturavi opprobriis, tantis concidi vulne-
 ribus, tantis affixi crucibus, tantis jugulavi mortibus.

Heu me Pater mi! ecquid ego in te Paternum unquam recogno-
 vi, quo ego te unquam Patrem filius sceleratus honore affeci? qui-
 bus ego tuis Paternis unquam mandatis obedivi? Ostendit & cla-
 mat hoc universa Passio tua, dura Crux tua, cruenta mors tua, quā
 ego

ego egregius scilicet filius tuus, tibi Patri meo intuli: clamat inquam
& ostentat, qualis ego, & quam dignus te filius tuus.

Tu genitor meus; ego autem interfector tuus. Tu auctor vitæ
meæ; ego auctor mortis tuæ. Tu salus mea; ego perditio tua. Tu
me nutritivisti, omni nutritore fidelius; ego nutrimentum tuum in
venenum meum, in rursam tuam converti. Tu dedisti mihi non
partem, sed omnem substantiam tuam; ego prodigalissimus filius,
prædegi omnem illam, vivendo luxuriosè. Tu ô benignissime ge-
rulam, gestabas me in ulnis tuis; ego autem petulantissimus passio, ad
utque sanguinem sudorem adegi te insolentis meis. Tu super ge-
nua blandiebaris mihi: ego verò stolidissimus puer faciem tuam
patenam, & unguibus lacceavi, & palmis pugnisque cecidi, & in-
super sputis conspurcavi. Tu me ad ubera applicabas, pectuscula
tuo admovebas, brachiis tuis tibi adstringebas: ego verò insolentis-
simus puerosum, omni protervia excutens teneros amplexus tuos,
fodi & per fodi manus tuas, pedes tuos, latus tuum, laniavi pectus
tuum, cunctavi vultum tuum, sauciavi caput tuum. Tu me ma-
gis tuis oculis, tuo corde magis, magis tuâ vitâ, amabas, & astima-
bas; ego autem & insidiator, & proditor factus sum vitæ tuæ, factus
sum patricida & Deicida tuus. Sic sic Tibi ô Pater, ô amabilissime
Pater, bellè succellit, omnis tua paterna circa me benignitas, sedu-
litas, dignatio, indulgentia, pietas. Neque tamen tu isto adeo inse-
lici successu fractus, deseris circa me paternam suavitatem tuam.
Sed: & in finem diligens me, inclinas caput & os tuum, porrigens
mihi oculum, & veluti proloquens benedictionis & gratiarum actio-
nis verbum, quod me expertus sis adeo protervum, adeo refracta-
rium, adeo truculentum. Vale (inquis) fili mi, cujus manibus &
sceleribus occidit: an fortè quondam ingratitudinem tuam hanc
mutabis in dilectionem: an fortè quondam pudebit te, facinorosa
adeo impudentia tuâ: & eam convertes in ambitiosam benevolen-
tiam atque pietatem; an fortè abhorrebis tam rabirosam crudelita-
tem tuam in me; eamque transformabis in germanè filialem cha-
ritatem tuam erga me.

Videte, ô universi filii hominum; immo verò, omnes Filii Dei,
omnes filii huius tam boni Patris; videte inquam, charitatem ejus,
& impietatem vestram. Ille sic dilexit nos. At idem sic despectus
est per nos. Ille sic omnis Optimi Parentis partes implevit. Nos
contra sic omnes improbilissimorum filiorum partes superimplevimus,
& superexcessimus.

Et quamdiu hoc erit? quamdiu sic certabimus impietate nostrâ, cum ejus pietate? O tandem tandem, ab hac infatigabili Patris nostri erga nos dilectione ac sedulitate, condiscamus invincibilem incessabilemque erga Patrem nostrum observantiam atque charitatem.

Isaie 9.
6.

7. *Christus, Deus noster.* Isaïas hoc testatur dicens. *Parvulus natus est nobis, & factus est Principatus ejus super humerum ejus: & vocabitur nomen ejus Admirabilis, Consiliarius, Deus, &c.* Hic Deus per omnia quidem & Deus, & magnus Deus, & admirabilis Deus est: at specialissime talis est in opere Redemptionis nostræ. quod idem ille Propheta Isaïas à longe quidem, attamen in spiritu Evangelico prospiciens simul & admirans, explicavit, hisce verbis: *Sicut in valle, quæ est in Gabæon, stabit Dominus & irascetur: ut faciat opus suum, alienum opus ejus: ut operetur opus suum, peregrinum est opus ejus ab eo.* Quid sibi vult ista loquendi ratio? Si suum opus, quomodo alienum ab eo? si opus suum? quomodo idem opus peregrinum ab eo? si faciet opus suum, quomodo alienum, quomodo peregrinum à se erit quod faciet? sed nimirum hæc est natura Redemptorii operis: ut & Dei sit, & alienum ab eo sit. Videamus hoc paucis.

Isaie 28.
21.

Proprium est Deo: amare seipsum amore sibi adequato: alienum opus ab eo, sibi met ipsi quodammodo irasci; attamen in Redemptionis opere Deus adversum semetipsum sustinuit contradictionem. & Pater filium suum in poenis peccatisque nostris dereliquit, percutiens eum propter scelera, re quidem vera nostra, ipsi tamen in poenam imputata.

Proprium est Deo Patri, coæqualem habere Filium, cumque eo spirare coæqualem sibi Spiritum Sanctum, & dicere illi. *Filius meus es tu, ego hodie genui te.* Alienum opus à Deo dicere & re ipsâ facere, Debitor & reus meus es tu, hodie occidi te, propter scelus populi mei, & super te posui vindicavique iniquitates omnium.

Ezech.
18.
V. 20.

Proprium est Deo: justum cum impio non perdere, multò minùs pro impio. *Sed anima quæ peccaverit, ipsa morietur; Pater autem non portabit iniquitatem suam, &c.* Alienum opus à Deo pro impio punire iustum, pro nequam servo tradere dilectum filium, pro redimendo peccatore hominem, occidere & innocentem, & Deum, & hoc factum videmus à Deo.

Proprium Deo: gloriam suam alteri nemini dare, sed eam ut sibi per

per omnia debitam omnipem exigere. Alienum à Deo, tradi ad illudendum, conspuendum, flagellandum, crucifigendum, occidendum. In opere Redemptionis hoc fecit Deus.

Proprium Deo, ut sit in pace locus ejus, ut beatus, felix, securus sit per omnia. Alienum, pavere, tordere, contristari, mortuum esse usque ad mortem, agonizare usque ad sanguineum sudorem, pati, deficere, languere, lacrymari, mori. Omnia hæc sunt opus Redemptionis.

Proprium Deo est, Dominum & Principem Regemque Regum esse, in sua ditione cuncta posita habere. Alienum ab eo est, in laboribus esse, à juventute sua: servire in peccatis alienis: inducere formam servi usque ad mortem Crucis. Denique dicere & reipsa præstare. *Ut jumentum factus sum apud te, & ego semper tecum.* Opus Redemptionis tale est.

*Psalm. 72.
23.*

Denique Proprium est Deo: nulli debere quidquam. Quis enim prior dedit illi, & restituetur ei? Alienum à Deo, esse debitorem, & quæ non rapuit, exsolvere nihilominus usque ad rigorem, ad novissimum quadrantem, ad infinitum insuper excessum. Hoc tamen in Opere Redemptionis factum est.

Hæc omnia, similiaque opera fecit Deus: & fecit quasi iratus, & irascens. Simul tamen etiam miserans & ignoscens. Irascens peccatis eaque vindicans. Ignoscens peccatoribus eosque salvans. Huic plusquam merito occine anima mea. *Fortitudo mea, & laus mea, Dominus, & factus est mihi in salutem. Iste Deus meus, & glorificabo eum, Deus Patris mei, & exaltabo eum.*

*Exod.
15. 2.*

Plures hujusmodi Patientis Christi titulos poterit quisque per se non difficulter reperire: & à nobis alio loco plures collecti, atque aliquantulum explanati sunt.

Quinquagesimus octavus modus meditandi Passionem Domini nostri esse potest; conferendo ea, quæ cum Christo, & à Christo gesta tolerataque sunt in Passione, cum his quæ in morte cujusque hominis (iusti impieque proportionaliter) geruntur, ab eove tolerantur: ut ex his meditator, & condiscat negotium mortis, quàm arduum sit, simulque artem & modum mortis, quo idem negotium peragendum sit. Dabo ejus meditationis aliquod specimen, quod perficere pro suo arbitratu atque gustu cuique pronum erit.

*Possidius
in vita
August.
c. 35.*

IESVS ergo ante Passionem & mortem suam, lavit pedes discipulorum suorum. Homo quilibet Morti se vicinū sentiens, rationabiliter lavare debet, & quā absolutissimā Sacramentali confessione, poenitentiaque expiare conscientiam suam. Memor illius, quod sapientissimus Augustinus monuit tam verbo, quā exemplo proprio. Quantumlibet perfectam sacerdotem, neminem debere sine poenitentia, ex hac vita decedere.

IESVS ante mortem admirabile Humilitatis, tum præceptum, tum exemplum adidit. Moriturus homo, quā maxime sese ad mortem humilitate mentis, contritione cordis, contemptu mundi, vilipensione, & diffidentia sui demittere, & committere, & solvere debet.

IESVS moriturus Sanctissimo Eucharistiae Sacramento, tanquam viatico extremo, sese pavit; & suos discipulos confortavit. Moriturus homo absque huius sacratissimi viatici provisione eaque confortatione, item absque Sacra, & ad mortis, & diaboli, tali maxime hora sevientis insidiantisque luctam, extremæ simul ac utilissimæ unctionis manimine, progredi non debet.

IESVS moriturus gravissimis & suavissimis de Charitate unioneque cum Deo & proximo sermonibus, affectibus, ignibus, sese, omniūque præsentes suos, inflamavit. Et moriturus homo, omni quidem statui animæ suæ congruo affectuum & cogitationum genere, at potissimum Divinæ & proximorum Charitatis studiis, exercere atque saginare animam suam quā maxime curabit. Nunc quidem corde contrito & humiliato universalem pro suis omnibus & singulis peccatis planctum indicendo. Nunc ignitos Charitatis affectus in Divinum cor de corde suo ejaculando. Nunc desideris assiduus, è corporis viticulis, peccatorumque laqueis evolandi, ad Deum verò perveniendi, assidue. Nunc sese plenissimā suā voluntate in omnem Dei circa se voluntatem, & ordinationem resignando. Nunc omnes ab aliis quibuscunque, quomodocunque, offensas oblitas, ex corde suo eliminando, in sanguine vulneribusq; Christi sepeliendo, & propter Charitatem Dei medullitus condonando.

IESVS Passionis & Mortis suæ primordia ab Horto Getsemani-
co & Oliveti Monte, exorsus est. Nimirum peccatorum & mortis
humanae miseria calamitatque, in Paradisiaco horto inchoata, in
horto vicissim injiciam remedium sumere debuit, ut iherimicus noster,
qui

qui in horto vicerat, in horto quoque vinceretur. Sed & homines d scere oportet, nusquam mortem non timere, nusquam non meditari, nusquam ob memoriam oculosque non habere, etiam in horto, etiam in Paradiso voluptatis, & in statu felicissimæ Dignitatis.

IESVS in Horto coepit pavere, coedere, contristari, & mœstus esse. Ista est imago moribundorum Hominum in quovis statu degentium, & ad mortem pergentium: quis est enim, qui si sua mala ut par est nōrit, non repetat cum Sancto Iob *Tader animam meam iob. 16.*
vita mea? Quis mortalium præsertim amantium hanc vitam, & habentium pacem in substantia sua, est talis, qui ad nuntium mortis amaritudine non repleatur, non metu & mœrore concutiat? *Eccl. 41.*

IESVS initia Passionis Mortisque sue oratione ad Patrem, avulsionem à discipulis, sollicitudine pro iisdem, & ad eosdem revulsionem, consecrat. Id ipsum præstandum mori piè & Christianè volentibus: avellant omnem animum, affectum, à rebus huius sæculi, & curas suas ad æternitatem procurandam transferant. Totos sese voluntati Divinæ, & orationi impendant, quæ verò muneris & obligationis ipsorum sunt, ita non omittant, ut etiam talibus licet in horis suæ curæ commissos ad Deum ducere, ad meliora hortari, contra tentationes munire, non negligant: scientes nulli quàm obedientiæ actioni sanctius Dei servos & Christi imitatores immori posse.

IESVS ab Angelo confortatur. Inter morborum & mortis pericula laboresque maximè opus est Angelicæ custodiæ atque præsidio: tunc ergo maximè Sanctorum Angelorum emerenda præsidia, tunc exposcenda contra adversarias potestates eorundem auxilia.

IESVS Imagine & memoriâ Mortis dolorumque illius percellitur agonisat. Si tantus gigas tantum horrore mortis, percellitur: quis miretur, percelli homines misellos & ipsâ fragilitate fragiliores? Magis mirandus plerorumque mortalium lapideus stupor, qui mortis memoriâ usque ad eò non percelluntur, non ad meliora consilia, à pessimis profligatissimisque studiis, & moribus pertrahuntur, ut abjectum nescio quid & plebejū didicissent, ob metum ingruentis mortis, animo piè commoveri, agitare conversionis ac poenitentis consilia, rationes cum conscientia & Deo inire, æternæ damnationi remedium querere, Deo reconciliari velle. O brutam generositatem! ô iplis dæmonibus ridendam, an lugendam!

Job, 41.

15.

dam animi, scilicet, firmitatem. *Overe cor impiorum induratur tanquam lapis, & stringetur quasi malleatoris incus.*

IESVS sanguinem sudat moriturus. O incredibiles mortificationum & agonisantium hominum angustias. Dominus IESVS, ipsa licet Innocentia, atque Sanctitas, Deus licet simulque Homo: licet per sese robustissimus, licet ab Angelo etiam confortatus, tamen appropinquans ad portas mortis, & in agone positus, sudat & sanguine quidem sudat, præ cordis & sensus totius angustia. Quid quæso hominibus miseris, fragilibus, flagitiorum confectis, de salute periclitantibus, undique circumseptis, partim doloribus mortis, partim gemitibus inferni, partim angoribus conscientiarum, partim diabolicis tentationibus, partim Divini districtione Iudicii, quid inquam hominibus angustiarum in illa hora non accidit? Vtinam hoc præcogitent mortales morituri, moribundi que homines.

IESV agonisante dormiunt discipuli. Sic sic hominibus in morte positis accidit quotidie, agonizat ille vel ille, eternitatis vias ingreditur, morborum doloribus in morrem urgetur, interea verò domestici ejus de statu animæ morientis tam sollicitè agunt, quam dormientes vigilantium curam gerunt. Et illi quidem corpori medelam provident, illi steriles fundunt lacrymas, illi ad spem propinquantis hereditatis, in corde latantes, ne tardè moriatur, nevé convalescat moribundus, solitudinem intra se gerunt: propinquam certamque mortem plerique dissimulant, nec tali nuntio infirmum scilicet percellere audent. *O inimici hominis domestici ejus.*

Matth.
10. 36.

IESVS osculo ad mortem traditur. Ita est: Amores nostri tyranni nostri, delicia nostræ venena nostra: ibi maximè lethaliter vulneramur, ubi suavissimè deliciamur. Inde nobis laqueus mortis necitur & iniicitur: unde omnia secuta, tuta, amica, blanda, salubria expectabamus spondebamurque: quam sæpe dum ludimus lædimur, dum maximè vitam nobis vivere ingredi; medullas ejus videmur, ipsas mortis fauces nos subintrasse experimur. Denique omnes creaturæ, omnia bona hujus vitæ, quid sunt, quid agunt nobiscum, nisi nos Iudæ traditoris osculo osculantes, in mortis extremæ perniciem præcipitant. Osculatus est, gustavit pomum primum Adam, sed illo gustu & ipse mortem hausit, & toti generi suo, nobis scilicet omnibus propinavit, immo nos inebriavit. Discite homines inter blandimenta creaturarum à Christo dicere, & discernere. Amice ad quid venisti? Iudæ osculo filium hominis tradidisti? osculo homicidium perperas?

IESVS

IESVS capitur, ligatur, ad Iudices & examen trahitur. Iudicatur, damnatur, plectitur. Hac tota gestorum circa Dominum nostrum series, imago, & idea est hominis morientis atque mortui. Etenim tunc miser homo funibus peccatorum subrum in anima constrictus, prætereaque morborum vinculis dolorumque in corpore ligatus, ab infernalibus lictoribus, tanquam à leonibus præparatis rugientibusque ad escam, ante tribunal Iudicis Dei sistitur. Ah quid non ibi obiectant miscellæ Animæ, amantissimi exprobratores, accusatoresque? O quomodo non facta insectaque, vera & falsa in medium proferunt? quomodo non omnia in majus augent? quomodo non desperationis laqueos neclunt? quomodo de conscientie libro depromunt? Nos audivimus, nos vidimus hunc dicentem, committentem, delinquentem. Heu quoties inclamant contra miserum hominem? Reus est mortis, reus est. Blasphemavit, Deum contempsit, Majestatem violavit, voluntatem transgressus est. Huic accusatorum furori, si merita mala Animæ, si æqua Iudicis sententia suffragatur: heu quomodo tunc exclamatur, quomodo insultatur, quomodo expulsiunt in faciem, quomodo colaphisatur, palmis caditur, & denique totâ æternitatis nocte plectitur torque- turque, Anima infelicissima!

IESVS flagellis caditur, sive ut Pilatus aiebat corripitur & emendatur. Idem spinis coronatur, Miserrimus Rex dolorum illuditur. Hac omnia & sunt hominibus documenta moriendi, & Paradigmata morientis. Quam enim multiplex numerosusque carnifex Conscientia? quam innumeris succincta flagellis obstrictam Animam surdo quidem, at sævo verbere cadit? Omni cum veritate dicere potest. *Totâ die flagellatus sum, & castigatio mea in matutinis, & in vespereinis, & in profundis usque noctibus.* Jam quantæ spinæ, huius vitæ curæ? quam vaeuæ & inanes arundines, hominum spes fallaces? Porro quid melius consultiusque fecerit homo sancte & pie moriendi cupidus, quam ut dum tempus habet operetur bonum, & semetipsum iudicet, corpus suum castiget, totum se in servitutem redigat, semetipsum coarctet, & constringat, viasque suas omnes spinis circumsepiat, ut non cum hoc mundo à Domino iudicetur, damnetur, corripatur. *Horrendum enim est incidere in manus Dei viventis.*

IESVS ad Crucem postulatur, addicitur, eadem oneratur, eadem affigitur, in eadem quantumvis acerbissime linguis configitur, accioque

Psal. 72.

14.

H2

Heb. 10.

31.

acetique potatur, constantissime, tamen & mansuetissime perseverat. O Hominem ter felicem cui hæc ad mortem panditur, paratur, donatur via! Crucis scilicet atque crucifixionis, & in Cruce constantissime mansuetissimeque fortitudinis, atque consummate mortis. Quid huic ad salutarem sanctamque mortem desit: qui ipsissima premit vestigia Domini Crucifixi? In Patientia vestra (ait Dominus) possidebitis Animas vestras. Igitur quisquis ad societatem Sanctæ & beatæ Christi mortis anhelat, tolle Crucem post JESVM, mortificationem IESV Christi in corpore tuo, magis autem in spiritu tuo circumfer. Sit tibi mundus crucifixus & in vicissim mundo; ablit tibi gloriari, in ullo alio bono, nisi in Cruce Domini JESV Christi. Cui etiam configaris in eadem Cruce, & omne acetum tribulationum, omne fel amarissimarum linguarum, omnem myrrham deestantis sensus, ne refuge, sed exhauri, adeo avidus, ut etiam superabundante desiderio Crucis Domini, animose elames, Sitio, Sitio. Sitis enim siti Crucem suam, à servis suis JESVS Crucifixus.

JESVS in Cruce Patrem pro Crucifixoribus exorat. Paradisum latroni largitur. Matrem discipulo, discipulum Matri commendat. Suam & sitim non minus Amoris, quam Doloris & à Patre derelictionem manifestat. Omnia consummata esse in se, & à se, protestatur; denique Spiritum suum purissimum piissimumque, in manus Patris tradit, & dimittit, sed in Cruce, sed de Cruce. Et hic esse regulam ideamque Sanctæ & consummate in Domino mortis, evidentius est, quam ut explicatione longiori egeat. Sancta mors usque adeo non fovet inimicitias, ut etiam pro inimicis in bonum eorum sit sollicitissima, apud Deum Sancta mors nihil sibi reliquum reservat, sed vel ipsa Paradisi bona, in egenes & petentes distribuit. Ad Sanctam mortem nullum tempus vitæ importunum est, dum modo, vel in extremo halitu JESVS crucifixus ametur, & crux ejus sincero corde acceptetur. Quid verò ad sanctam mortem tam requisitum, quam Patrocinium & refugium Dei Matris? Quis Sanctius atque securius mori potest, quam cui Mater MARIA, quam qui filius factus MARIE eam accipit in sua, & habet inter bona hæreditaria sua. Semper quidem elurics ac sitis iustitiæ, beatitudinem parit, at eam vel maxime appropinquante sine nostro in cordibus nostris excrefcere convenit. Voluntas enim nostra bona non secundum quod non habet, sed secundum quod habet, id est, per-

ficere

ficere exoptat, accessit est, & proximum habet apud Deum. Iam
Verò semper quidem nos habitare in adiutorio Altissimi, & com-
morari in protectione Dei Cœli, necesse est: at verò circa terminos
vitæ confiniaque mortis quàm maxime, quàm obstinatissime: tunc
enim si quando insidiatur draco, circuit rugiens leo, devorandi avi-
tulus, sciens quia modicum tempus habet. Dum ergo tempus breve
est, dum particula boni diei elabi festinat: sub umbram alarum Do-
mini confugiendum, dicendum que Deo est. *Suscipitor meases tu,*
& refugium meum, Deus meus sperabo in eum, Libera me secundum
multitudinem misericordiæ nominis tui, & rugientibus preparatis ad
escam, de manibus quærentium animam meam, & de portis tribulatio-
num, quæ circumdederunt me. Et usque in senectam & senium,
Deus ne derelinquas me.

Esai. 90.

2.

Ecclesi.

31. 4.

Atque hoc etiam diligenter procurandum est, ut à negotio tem-
poreque mortis inveniat in nobis non consummata, sed consum-
pta omnis malitia, virtus autem & omnis bona operatio non con-
sumpta, non etiam inchoata solum, sed consummata, sed perfecta,
sed omnibus numeris absoluta. Ut non sit necesse dicere. *Dum ad-*
huc ordire, succidit me. Sed potius dicendum sit de nobis, *Ingre-*
dieris in abundantia sepulchrum, sicut inferatur acerbus tritici in tem-
poris suo. Alioqui va pregnantibus & nutrientibus in diebus illis. Opti-
mum autem & planè beatum est: quando *quasi meridians fulgor*
consurget tibi ad vespèram, & cum te consumptum pataveris, orietur
ut Lucifer.

Iob. 3. 28.

Marb.

24. 19.

Iob. 11.

17.

Denique quis portus magis securus, quæ statio magis fida? quæ
in manus Eterni Dei, Eterni Patris commendare, & tradere Spiritu-
rum? sed Spiritum Christi, Spiritum simillimum Spiritui Christi,
Spiritum purificatum, vestitum, ornatum, decoratum, & gratijs, &
meritis, & prærogativis, Spiritus Christi, ipso demum Spiritu Chri-
sti. Sicut enim qui Spiritum Christi non habet, hic non est ejus, neque
Patris ejus; ita vicissim qui Spiritum Christi habet, in cujus corde
diffusa est Charitas Christi per Spiritum Sanctum Christi, hic est omni-
no ejus, & Patris ejus, & Spiritus Sancti ejus.

Rom. 8.

9.

ad Rom.

5. 5.

M O D V S / LIX.

Quinquagesimus nonus Modus Domini Passionem meditandi
Esse potest, per collationem quandam Nativitatis Christi, cum
Passione ejusdem vel potius nati & Infantuli Christi, cum illo ipso
patientem, crucifixo.

Derivo Modum istum devotissimæ reverentissimæque devotionis plenum, ex Beata Brigida : quæ in suis revelationibus affirmat modum hunc, Beatissimæ Dei nostri Matri fuisse usitatum jam tunc, quando adhuc recens nati Filii sui tenella membra fovebat, fasciisque alligabat, & lacte virginco nutrebat. Verba Sanctæ Brigidæ sunt hæc.

Verissime credendum est, quòd *Quando Virgo Dei Filium* (postquam eum peperit) primò suis manibus tractare coepit, subito ejus menti occurrit, qualiter ipse Prophetarum Scripturas adimplere debebat : *quando autem* ipsum pannis involvebat, tunc in corde suo considerabat, quàm acutis flagris, totum ipsius corpus lacerandum erat. *Recolligit* quoque Virgo sui Filii parvuli manus & pedes, leniter in fascia, recordabatur, quàm duriter ferreis clavis debebant perforari in Cruce.

Aspiciens faciem ejusdem Filii sui speciosi formâ præ filiis hominum, meditabatur quàm irreverenter ipsam, impiorum labia sputo debebant maculare. *Revolvet* etiam sæpius in animo, quantis opprobriis, & contumeliis, ejus benedictæ aures replerentur. *Modò* considerans qualiter ipsius oculi, ex proprii cruoris influxu caligarent. *Modò* qualiter ipsius ori fel aceto admistum infunderetur. *Modò* ad mentem reducens, qualiter ipsius brachia funibus ligari oportebat, nervi etiam, & venæ, omnes compagines, quomodo in Cruce immisericorditer debebant extendi, præcordia ejus in ipsa morte contrahi, totumque ipsius corpus gloriosum, qualiter intus, & foris, omni amaritudine, & angustia, usque ad mortem oportebat cruciari. Sciebat enim Virgo, quòd exhalato in Cruce Spiritu, ipsius Filii latus lancea acutissima perforaret, & ipsius cor per medium transfigeret. Vnde sicut omnium matrum erat lætissima, quando DEI Filium jam de se natum videbat; ita etiam omnium matrum erat moerentissima ex ipsius amarissima Passionis præscientia.]

Vsq̃ue huc verba sunt Sanctæ Brigidæ, ex quibus verbis (ut alia quæ possent utiliter deduci omittam) derivo Modum Passionem Christi Domini meditandi, cum omnino ipsum, quem hæc Sancta affirmat, fuisse usitatum Beatissimæ Matri jam inde à tempore nati in mundum Christi. Potest enim quisque hoc ipso modo tenellum Christum atque infantem veluti contemplans ex ordine tam exteriora corporis, quàm interiora Animæ, atq; Personæ illius, eademq; insti-

in simul in adulto jam & Patiente, & Crucifixo inspiciens, uberri-
mam eamque suavissimam tenerrimorum affectuum, ac simul do-
cumentorum materiem & farraginem sibi desumere, animamque
suam vtilissimè occupando pascere. Quod ipsum potest quisque
facere contuendo Christum: jam Adultum, jam speciosum formâ
præ filiis hominum, jam apud omnes ob verba gratiæ procedentia
ex ore ejus admirabilem, jam miraculis coruscantem, jam turbas
auditorum post se trahentem, simul etiam contemplari agonisantem
in horto, traditum à discipulo, captum à turbis, derelictum à suis,
de doctrina, & discipulis examinatum, reum mortis judicatum,
gentibus traditum, consputum, flagellatum, illusum, morti crucis
addictum, crucifixum, denique & in Cruce mortuum. Insuper id
ipsum quisque præstare potest, si Christum Dominum ex una parte
ab Horto Olivetano ad usque sepulchrum in altero horto, circum-
ducat meditatione; ex altera autem parte eundem ipsi sibi ut Patien-
ti, seu Passio tali, comparet & componat Gloriosum, Regnantem,
Beatum, Triumphantemque in cœlis. Ita ut illum cogitet quis, hic
quidem in terra supplicem Patri, prostratum in faciem suam, ago-
nisantem, & præ agonia sudore sanguineo madentem, animæ tri-
stitiâ ad mortem usque pressum, timentem, terdentem; at verò nunc
in Cœlo jam in dextera Patris confidentem, Angelis latificantem,
rotique Cœlo cœlestes delicias, divitias, & glorias ministrantem.
Pari ratione licebit Christum contemplari hic quidem à Iuda pro-
ditum osculo proditorio, captum à nefariis lictoribus, absque omni
reverentia raptatum & tractum, ad subsellia Annæ, Caiphæ, cola-
phis alapisque casum, velatum oculis, consputum in facie, blasphe-
matum multis modis blasphemiarum, & simul mortis reum pronun-
tatum, negatum à Petro, totaque illâ nocte pessimè habitum. Eū-
dem è contra nunc Dominum universorum, Dominum compedi-
tos solventem, Dominum gloriæ, ab Angelorum plus quam duode-
cim legionibus honoratum, toto Cœlesti Regno beatum, & glo-
riosum. Oculis suis universam Aulam Regiamque Cœlorum col-
lustrantem, & latificantem, & talem omnino in quem desiderant
perenniter Angeli, & Homines beati prospicere, ducentes suos
omnes, ad vitæ fontes aquarum, præinctum quoque & ministran-
tem amicis suis, & universæ Ecclesiæ Beatorum. Licebit quoque
illum Christum, qui stetit coram Pilato, & Herode, reus, accusa-
tus, contemptus, & despectus, illusus, & irrisus, nudus, & flagella-

*vide su-
pra Mo-
dum 66.
35. 54.*

tus, coronatus spinis, & consputus in facie, atque caesus, & arundine
 percussus caput, vellemque coccineam circumamictus, contem-
 plari nunc in Coelo vivorum & mortuorum Iudicem omneque ju-
 dicium in manu habentem, atque adeo exercentem, coram quo cur-
 vantur omnes qui portant orbem, cui flectitur & curvatur omne
 genu, cui scabellum sunt pedum suorum omnes inimici ejus terram
 iungentes; qui gloria & honore coronatus est aeternaliter, qui in ca-
 pite suo habet diademata multa, & in fœmore suo habet scriptum,
 Rex Regum, & Dominus Dominantium, quem viginti quatuor se-
 niores adorant prostrati in facies suas, & coronas capitibus suis de-
 tractas, sub pedes ejus prosternunt. Licebit quoque contemplari
 Christum in terris quidem Barabbæ compositum & postpositum,
 ad Crucem universi populi suffragio postulatum, Pilati decreto ad-
 dictum, Cruce onustum, incedentem ad supplicij locum, felle &
 aceto tractatum, nudum, crucifixum, de Cruce pendulum, inter
 latrones medium constitutum, mordacissimè derisum & illusum,
 ab universa creatura plandum & dessetum, inter extremos crucia-
 tus mortis, pro hostibus Patri supplicem, Spiritum Patri comen-
 dantem & tradentem, atque demum mortuum; eundem verò in
 coelis super Angelorum omnes ordines erectum, & excellentem coe-
 lis factum, Primogenitum omnis creaturæ, ejusdemque Factorem
 & Dominum pronuntiatum, Mediatorem Dei, & Hominum, Coe-
 lestibus terrena, Angelis Homines consociantem, & utraque unum
 facientem, coelis terrisque jura dicentem, & quæ in Coelis, & quæ in
 terris, & quæ in inferis gubernantem, Electorum Dei, redempto-
 rumque suorum salutem efficaciter, potenter, suaviterque procu-
 rantem. Ecclesie militanti æque ac triumphanti Dominantem,
 vitamque æternam tam Gratia, quam Glorie subministrantem.
 Vitæ & Mortis, Coelorum & inferorum clavem habentem. Deniq;
 cum Patre Eterno, & cum Spiritu Sancto, unum in Trinitate, Tri-
 num in unitate Deum, Solum, Potentem, Beatum, Immortalem,
 Invisibilem, Eternum, Sanctum, Gloriosum in sæcula sæculorum.

Ex his porro collationibus licebit unicuique devoto meditati
 procedere nunc in affectus indicibilis compassionis, commiseratio-
 nisque; nunc in contritionis, erubescentiæ, doloris, nunc in admi-
 rationis, gratiarum actionis, humiliationis, nunc in desiderij, amo-
 ris, imitationis, nunc verò in exultationis, & lætitiæ, in honoris &
 reverentiæ, in gratulationis & gaudij, in dilectionis & desiderij, in

Spei

Spei &
 formæ
 opicu
 in.

Sexa
 test
 plures
 Domi
 opera
 manti
 patitu
 pias,
 si pœc
 lata,
 mne,
 Patre
 pœc
 gligat
 Prop
 disti
 quon
 in nu
 di lig
 Anni
 dia su
 illud
 atten
 facer
 aut
 arge
 imm
 Beau
 no, a
 te.
 mor
 rum

spei & fiducia, in resignationis & subjectionis. In unionis & transformationis &c. &c. prout Spiritus Sanctus dare voluerit affici unicuique, & prout vala idonea invenerit, unctioneque sua doceat.

M O D V L X.

SExagesimus Modus Passionem Domini Nostri meditandi esse potest; assumere & attendere Passionis Christi vel omnes, vel complures, vel aliquas, & nunc has, nunc illas partes, itemque ipsius Domini aut vulnera, aut opprobria, aut dolores, aut virtutes, aut opera; tanquam loquentia, immo (ut scriptura loqui solet) clamantia, sive ad Patrem Aeternum, sive ad Peccatores, pro quibus patitur; sive ad hostes à quibus cruciatur; sive ad Animas fideles, & pias, quæ ipsi placere, & assimilari desiderant. Si enim sanguis Abel, si peccata Sodomorum, si Moysis silentium, si merces operarij dilata, clamare ad DEVM, & in Cælum possunt: quidni etiam ærumna, dolores, contumelia, vulnera Christi Domini clament ad Patrem Aeternum, ut misericors & placatus fiat generi humano: ad peccatores, ut omnes ubique poenitentiam agant, neque tantam negligant salutem: ad crucifixores occisoresque suos, illud quod est in Propheta. *[Si affiget homo Deum, quia vos configitis me, vos maledixisti es, & vos me configitis, gens tota. Et. Quia videbunt olim, in quem transfixerunt. Et. Quia videbunt Filium hominis venientem in nubibus Cæli, cum virtute & potestate magna. Et quia: si in viridi ligno hac faciunt, in arido quid demum fiet? Ad pias & fideles Animas, ut obligationem suam agnoscant, ut diligant sicut & diligetæ sunt. &c. Ad omnes denique vel homines vel etiam creaturas illud Propheta. O vos omnes, qui transitis per viam, (hujus vitæ) attendite, fies dolor, sicut dolor meus: aut illud: Quid potui ultra facere vineæ meæ, & non feci? aut illud. Popule meus, quid feci tibi, aut in quo contristavi te? responde mihi. Empri estis non auro, nec argento, neque corruptibilibus, sed pretioso sanguine quasi Agni immaculati IESV Christi. Illustrabit hunc meditandi modum Beatus Chrysostogus verbis suis, disputans de Lazaro ulceribus pleno, ante ianuam epulonis divitis, jacente, & micæ panis mendicante. Verba Sancti hæc sunt. [De vs, quia obturatis auribus, clamor unius oris nihil erat clamantis ad aperiendum cor divitis, totum corpus pauperis vulneribus aperit, ut in admonendo divite, tot*

Mala-
chia 3. 8.

Michæ
6. 3.

Chryso-
log. Ser.
121.

essent

essent Pauperis ora, quot vulnera, solvuntur viscera, ulcera produ-
 cuntur, hiatus vulnerum dilatatur, sanies effunditur, & tota Pau-
 peris caro componitur in scenam pietatis, ut quem vox esurientis
 non moverat, vel suspiria, vel dolores, gemitus, & tota arummarum
 congeries commoveret; sed dives superbo oculo, & insatiabili cor-
 de, hæc omnia & audire, & videre, & sentire contemnit.] Hic
 apparatus Divinus per Lazarum ulcerosum ad Epulonem immiseri-
 cordem expugnandum, potest procul dubio commodissimè paro-
 dicè accommodari ad Christi Domini sive tormenta, sive opprob-
 ria, sive vulnera, sive mortem, sive instrumenta Passionis, quibus
 omnibus Dominus noster satagat expugnare animum, tota Æterni
 Patris, tum corda peccatorum, tum odia inimicorum, tum aman-
 tium in amando & compatiendo, & imitando teporem, tum homi-
 num ingratitude, sterilitatem, oblivionem. Quæ tamen omnia
 utinam homines passim audire, videre, sentire, non contemnant.

M O D V S LXI.

Sexagesimus Primus meditandæ Passionis Dominiacæ Modus esse
 potest, colligere atque expendere eorum animalium proprietates,
 quibus Christus Dominus, præsertim Passus ac Mortuus comparat-
 ur in Sacris litteris, ita ut proprietatibus illorum explicetur expri-
 maturque, tam ipsa Christi Passio, quam virtutes ab eo exercitæ in
 Passione. Complura sunt ejusmodi; hæc satis erit pauca attulisse.

I.
Isaie 53.
 7.

Dicitur ergo Christus, Ovis: quæ est pecus lanigera, admodumque
 mansueta, lanæ, & pelle homines vestiens, carne verò pascens, læde-
 re nescia, ejus in sacrificijs divinis plurimus erat usus, præcipue ad
 pacem hominis cum Deo faciendam, itemque ad purificationem
 partus: propter hæc omnia Ovis passim in scriptura typum Christi
 gerebat. Oblatus est enim Dominus noster, & ductus velut Ovis
 ad occisionem, coram tondente se obmutuit, & non aperuit os suum,
 ad omnes injurias & plagas, & ad ipsam mortem. Ut Ovis facile
 absque ulla repugnantia tradit accipienti quidquid habet, ita Chri-
 stus totum se, omniaque sua, etiam Animam ipsam tradidit, & nobis,
 & pro nobis. Vestivit nos meritis suis, cibavit carne suâ, lavit
 & purificavit in sanguine suo. Denique vult omnes nos esse velut
 oves, in hac quidem vita, occisionis & abnegationis, patientiæ, hu-
 militatis, & mansuetudinis, obedientiæ, & mutæ dilectionis. In
 altera autem illa vita futura, Oves electionis, ab hædis separatas, à
 dextris judicantis collocatas.

Dici-

Dicitur quoque Christus, Agnus; eadem ferme, quā & Ovis similitudine atque proportionē: specialiter Agnus tener est, & ferē anniculus, sinē macula, qualis est Christus, qui tollit peccatum, non suum, quo prorsus immunis fuit, sed mundi, pro quo oblatus est velut Agnus mansuetus. Eum figurarunt duo Agni, unus in holocaustum, alter pro peccato offerri solitus. Item alii duo Agni quotidie offerendi, unus manē, alter vespere, Christum significabant venturum primo adventu ad redimendum, altero adjudicandum genus humanum: Agno mansuetius nihil, nihil obsequentius; injurias non novit, nedum ulciscatur. Et Christo quis in his conditionibus præstantior? factus obediens Patri usque ad mortem Crucis; cum pateretur non comminabatur, tradebat autem se omni percutienti injuste, pro transgressoribus omnem malitiæ modum in sui nece excedentibus oravit. &c. Ad extremum, Agnus Paschalis assus & voratus cum festinatione, cum lactucis agrestibus, instar eorum qui sunt viæ accincti, cujus sanguine postes ostiorum inuncti arcet interfectorem primogenitorum Ægypti, in quo os non comminuitur, neque quidquam crudum comeditur, aut usque manē relinquitur. Manifeste Christum ab universo populo ad Crucem postulatum, & in Cruce suspensum designat.

Dicitur præterea Christus, Columba: quæ felle amara non est; neque morfu, neque unguibus sævit, humana consortia & hospitia diligit. Mundum animal, perspicax, & insidiantes accipitres observans super aquas atq; effugiens, immunda loca abhorrens. Hæc attulit Noëmo rediens ad arcam sub vesperam ramum olivæ ore portans. His omnibus Christum designans, pacificatorem, & misericordiæ Paternæ, ad nos aquis diluvioque peccatorum destinatos, ramum deferentem. Hæc nostra Columba volat altissimè propter divinam sapientiam, atque sanctissimam doctrinam, gemitum habet pro cantu, quia Prædicatio, vita, Passioque & Mors ejus ad poenitentiam vocat, à poenitentia incipit, in fructibus dignis poenitentia perfcitur. *Pœnitentiam agite, appropinquavit enim Regnum Dei. Nisi Pœnitentiam egeritis omnes similiter peribitis.* Columba in foraminibus petrae, & in cavernis maceræ est Christus ex Divinitate & Humanitate compositus. Columba in altissimis nidificans & gemens, est Christus in Cruce pro nobis Patiens, Plorans, satisfaciens.

Dicitur adhuc Christus, Turtur: unde orat. *Ne tradas bestiam*

2.
Ier. 11.
19.

Levit.
14. 10.

3.
Matth.
4. 17.
Luc. 13.
5.

4.

Psal. 73. *animas confitentium tibi, juxta 70. quod Hieronymus vertit. Ne tradas bestiis Animam erudientem lege tuâ.] qui est Christus, qui à DEO venit Magister, ut dixit Nicodemus alii autem vertunt. Ne des congregationi inimicorum, Animam Turturis tue.* Hic Turtur est Christus supplicans Patri in Horto, & in Cruce. Turtur est amica solitudinis: & Christus in desertum ductus est à Spiritu Sancto, eratque cum bestiis, & mansit in desertis locis, & ascendeat in montem solus orare, & dicebat discipulis, venite scorsum & requiescite pusillum. Turtur invenit nidum sibi, ubi reponat pullos suos; Christus in Cruce fixus est, in qua omnes redemit, & quasi in nidulo parturitos reposuit. Turtur offertur in Sacrificium, Christus oblatus pro salute nostra. Turtur castissima volucrum est, & nos Apostolus despondit uni viro virginem castam exhibere Christo. Turtur Christus ex quo exivit à Patre, & venit in mundum nulli unquam viridi ramo felicitatis humanæ insedit, sed in laboribus & ærumnis ab adolescentia sua, immo ab infantia usque in totam vitam vixit.

Levit. 1.
14.

Psal. 83. *4.* *Levit. 14. 4.* Dicitur insuper Christus, Passer: qui invenit domum sibi, scilicet Christus Ecclesiam condidit. Duo Passeres pro emundatione leprosi offerebantur, significabantque Christi, vel Corpus & Animam, vel Divinitatem cum Humanitate. Passer vivus dimittebatur: nam Divinitas Christi nihil passa est, aut certe Anima, quæ cum sit immortalis extincta in Passione non est, sed in manus Patris tradita est, à moriente Christo. Unus ex Passeribus offerebatur in vase fistili super aquas viventes: Christus enim in Corpore nostro de terra formato immolatus, passus, mortuusque est, factus ex muliere, factus sub lege, idque super aquas viventes Misericordiæ, & Charitatis, in cujus signum exivit de latere Christi sanguis & aqua; sanguis quidem, quia Iustitiæ DEI satisfaciebat, Aqua autem, quia nos à peccatis nostris gratiâ & miseratione suâ lavabat. Passerculus noster Christus transnavigavit in montem, quia de synagoga, quæ alioqui erat domus ejus, avolavit, & seiv ad Ecclesiam Gentium transtulit. Idem est Passer solitarius in Tecto: quia solus in Cruce & Passione, & Redemptionis opere; torcular enim (ait) calcavi solus, & de gentibus non erat vir mecum. Denique, Passeris nostri Anima erepta est de laqueo venantium. Venit enim Princeps hujus Mundi, & in me (ait Christus) non habet quidquam. Idem dicit. Quis ex vobis arguet me de peccato? Quid me tentatis hy-

pocri-

pocrita? & postremo ait. Pater, in manus tuas commendo Spiritum meum, & inclinato capite emisit Spiritum.

Dicitur etiam Christus, vitulus saginatus; quem Pater Clementissimus filio prodigo revertenti ad se, iussit adduci, & occidi, conviviumque ex eo apparari. Verè saginatus vitulus Christus, in eo enim inhabitat omnis plenitudo Divinitatis corporaliter. Verè saginatus, quia plenus gratiâ & veritate. Verè saginatus, quia de plenitudine ejus accepimus omnes nos. Idem est vitulus immaculatus, quia Christus peccatum non fecit, & in Cruce inimicos nostros ventilavit & expugnavit. Idem est vitulus de Bobus ortus, quia scilicet ex Patriarchis originem duxit. Idem est vitulus nesciens iugum, peccati scilicet proprii, & quia omnia data sunt ei in manus: & quia data est ei omnis potestas in Cœlo & terra. Propterea Christus est vitulus novellus, cornua producens & ungulas, in vita quam vixit à Nativitate usque ad Baptismum Joannis. Vitulus tenerri- mus de armento, prædicans jam Evangelium Regni, & Ecclesiam fundans, per doctrinam, virtutumque & miraculorum opera. Est etiam vitulus saginatus atque adeo immolatus in sacrificium pro peccatis nostris, non pro nostris autem tantum, sed etiam pro totius mundi. Hujus ad instar nos quoque debemus esse vituli novelli, per opportunam conversionem ad D e v m, condignosque conversione hac effectus. Vituli de armento esse debemus, per Profectum in obsequio D e i, ut procedamus de virtute in virtutem. Denique vituli saginati esse tenemur per consummatam virtutem, completamque pro statu hujus vite perfectionem, Charitatis in D e v m & Proximum plenitudinem atque pinguedinem. Atque hos vitulos immolare debemus Deo nostro, superque altare ejus imponere, ut dicitur Psal. 50. Ad extremum Dominus I e s u s noster vitulus est, qui immolatur coram Domino: & sanguis ejus funditur per altaris circuitum, & pelle detractâ in frustra conciditur, & super altare membra ejus componuntur, atque supposito igne comburuntur in holocaustum, & suavem odorem Domino; qui autem offert eum Domino, ponit manum suam super caput ejus, ut sit placabilis atque in expiationem ejus proficiens. Hæc enim omnia pœne ad literam in Domino nostro per Passionem ejus completa sunt. Certè ita Caro ejus confecta fuit, ut detracta pellis videri, membraque ab invicem divulsa conspici, ossaque dinumerari omnia possent, ejus Capiti omnes manus imposuimus, qui morti illius omnes per nostra peccata causas

6.

Luc. 15.

25.

Levit. 1.

5.

causam dedimus. Hæc hostia igne odii hostilis, magis autem incendio propriæ suæ, ejusque nimis erga nos charitatis supposito assumpta est: nobisque placatum Patrem reddidit, & in expiationem nostram profecit.

7.
Psal. 21.
7.

Dicitur quoque Christus, vermis. Ita enim de ipso in Persona ipsius Propheta loquitur. *Ego autem sum vermis & non homo.* Vermis est enim Christus, propter nascendi similitudinem ex intacta virgine, sine ullius consortio. Vnde etiam dicitur vermis, & non homo; quia etsi quantum ad Matrem homo sit, quantum ad Patrem tamen homo non est. Vel certè dicitur non homo, propter negationem veteris hominis, qualis non fuit Christus homo; siquidem fuit novus homo. Quanquam autem Dominus Iesus per totam vitam suam quasi vermis fuit contemptibilis valde, & cujus rationem ac pretium vix aliquis unquam habuerit. Maximè tamen in Passione sua vermis esse visus est, & vermis conditionem habuisse. Annon velut vermiculus per terram serpebat, quando non positus tantum genibus, sed etiam in faciem suam prostratus Aeterno Patri humillimè supplicabat? Annon vermis instar fuit, quando captus à lictoribus & ministris, ligatusque funibus & catenis per terram ab horto usque ad urbem, usque ad Palatia Annæ & Caiphæ tractus raptatusque est? Annon vermis fuit, quando per vias Ierusalem à Caipha ad Pilatum, à Pilato ad Herodem, ab hoc rursum ad Pilatum, non tam incessit, quàm repit, & violenter raptus tractusque est? Non fuit vermis, quando flagellatione immani contritus est? Non vermis quoque fuit, quando illuforiâ simulque dolorosâ coronâ, purpurâ, arundineo sceptro, adoratione scurrili, totus ab homine demutatus ipsi etiam Pilato visus est, adeo ut eum populo ostentandum, & Ecce Homo, quasi minimè Homo esset, appellandum duxerit? Nonne tanquam vermis reptavit cum pondere Crucis in Montem Calvarium? Non vermis fuit quando Cruci admensus, & illi affixus est? Non vermis instar in Cruce suspensus, & veluti serpens Mosaicus elevatus est? Christus fuit ille tenerrimus ligni vermiculus, qui sexcentos interfecit impetu uno: quia omnes hostes Patris & suos & nostros debellavit. Christus fuit ille vermis, qui Ionæ umbram, legem scilicet Mosaicam veterem, umbram legis novæ destruxit. Christus fuit vermis Iacob, specie quidem apud omnes contemptibilis, sed virtute & potentiâ admirabilis, qui universam terram repleverit doctrinâ suâ. Christus

stus fuit
synagoga
tritione
vertit,
res, ut
mo ear
tius ex
de ac f
luctus,
terra v
Deo
ludai
est, &
non m
rodit
ludai
ut jub
Domi
gnave
tanc
Se
prom
suffic

SEx
po
terfer
odiu
expli
prop
nes,
nes,
rabie
gnar
ocul
V
rugi

stus fuit vermis de Manna genitus, vel quia ex virgine, vel quia ex synagoga natus est. Denique Christus vermis fuit, quia sicut contritionem vermis nemo metuit, nemo sentit, nemo dolet, nemo advertit, nemo vindicat; ita Christus apud suos hostes, & Crucifixores, usque adeo nihil fuit, ut morte ejus nemo commoveretur, nemo eam sentiret, nemo ejus damno & amissione tristeretur, sed potius exultarunt omnes in scelere suo, & in contritione Christi, perinde ac si deinceps nullus super futurus esset mortis ejus, vel sensus, vel luctus, vel ultor, vel memor. Vnde dicebant, Eradamus eum de terra viventium. Nomen ejus non memoretur amplius: confidit in DEO, liberet nunc si vult eum. Attamen secus omnino cecidit iudæis quàm putabant, vel volebant, Christus enim vermis factus est, & remansit iudæis usque in hodiernam diem: qui vermis eorum non morietur unquam, qui vermis usque hodie conscientias eorum rodit & torquet, & torquebit in æternum. Quid illud fuit, quod iudæi sequenti mane post necem Christi adierunt Pilatum petentes, ut juberet custodiri sepulchrum? quid est illud, quod dicebant, Domine recordati sumus quia seductor ille &c. Quid est, quod signaverunt lapidem monumenti, cum custodibus? Nonne jam tunc mordebat eos vermis Christi?

Sed de his nunc satis; plura ejusmodi Christi Passionis symbola, promptum est ex sacris literis derivare: ista in specimen adduxisse sufficiet.

M O D V S LXII.

Sexagesimus secundus Modus meditandi Passionem Domini esse potest, expendere ea nomina, quibus sacra scriptura Hostes & Interfectores Domini Nostri appellavit, ideo ut illorum malitiam, odium, iram, furorem, savitiam, implacabilitatem, hostilitatemque explicans, Passionis simul Dominicæ acerbicatem nobis explicaret: propter hoc enim hostes Christi vocat Leones, Tauros, Lupos, Canes, Serpentes, Aspidēs, Tygrides, Agros, Unicornes, Vrsos, Dragonēs, Herodios &c. Ut harum bestiarum conditionibus, enormem rabiem hostium Christi in persequendo, & affligendo Christo designaret; simulque incogitabilem dolorum Christi vehementiam ob oculos nostros aliquo modo poneret.

Vocantur ergo Christi Domini Hostes, Leones & Catuli Leonum rugientes & rapientes prædam. Sic Leo rugiens adversus Christum

Jerem.
51. 38.

fuit Caiphas, & Leones Principes Sacerdotum alii, Scribæ quoque & Pharisei, sicut Ministri & plebes, catuli leonum. Omnes isti dederunt rugitum contra Christum, sive clamantes, Reus est mortis, sive, Crucifige, et crucifige, tolle, tolle, nos legem habemus, & securum legem debet mori, quia Filium Dei se fecit. Sanguis ejus super nos & super filios nostros. Leo quoque rugiens fuit Pilatus dicens Christo; nescis quia potestatem habeo crucifigere, & potestatem habeo dimittere te? Idem Leo fuit, & quasi Leo rugit, quando IESVM flagellis casum tradidit potestati & voluntati Iudæorum ut crucifigeretur. Catuli Leonum rugiebant & rapiebant illi, qui in Horto interrogati quem queritis, responderunt iteratò IESVM NAZARENVM, IESVM NAZARENVM, ad quem capiendum, & vinciendum venerant cum gladiis, & fustibus, cum facibus & lucernis, tanquam latro aliquis insignis esset comprehendendus. Omnes isti quasi Leo vastator in sylva, rugierunt, & vocem contra Christum dederunt, eumque, quantum in ipsis erat, dentibus & unguibus furoris odiique sui dilaniarunt.

2. Vocantur adhuc Christi inimici, Tauri Pingues & Vituli multi, qui circumdederunt, & obsederunt Christum. Ut ipse ait in Psalmo 21. De quibus etiam dicitur, *Effusi estis quasi vitulus super herbam, & mugitis quasi Tauri.* Quantum enim in Iudæis omnibus, eorumque præsertim senioribus fuit, illi Christum depascere conati sunt, quomodo Boves Vitulique herbam ad ipsam usque radicem depasci solent. Ex partim consiliis privatis, partim calumniis convitiisque & opprobriis publicis clamorosisque mugierunt tanquam Tauri, quando surgens omnis multitudo eorum, condemnaverunt Christum esse reum mortis, quando querebant factum testimonium contra IESVM, quando stabant constanter accusantes Christum coram Pilato, & Herode, quando pervaserunt plebi, ut magis peterent dimitti sibi Barabbam, IESVM verò perderent. O quantus mugitus quàm taurea & belluina fuit vox illa omnium, sanguis ejus super nos, & super filios nostros? Christo autem ad locum supplicii cum Cruce procedente, insultatorii & exaltativi de ejus tandem obtenta ad Crucem damnatione, clamores, & cachinni, atque mutue adgratulationes nonne Taurorum mugitus fuere? Jam verò de Cruce suspenso Domino atque sublevato in altum: cum Iudæorum tam Principes, quàm plebes, unà cum militibus circumstantes, & circumcuntes Crucem, capidumque agentes, & Dominum blasphem-

blasphemantes: quid aliud vel fuerunt, velegerunt, quam Tauri pingues Christum obsederunt, & mugierunt; & veluti in baratrum miseriz perditionisque abominandæ, Cornibus odiorum suorum ventilatum dejecerunt, & demerserunt, ungulisque contritum perdiderunt & deleverunt?

Vocantur etiam Inimici Domini Nostri, Lupi rapaces, voraces, insatiabiles, imò velociore lupis vespertinis, ad prædam erumpentes, post famem totâ die in latibulis suis toleratam, quâ ferocissimi effecti sunt. Sic enim Iudæorum Principes fatigati desiderio necis Christi, cum capere in sermone, & aliquid in quo accusarent, cum habere non possent, tandem sanguinem ejus à discipulo ejus mercati sunt: tandem per nocturnas insidias violenter eum captivârunt, tandem uno verbo, jugulum ejus petierunt, reum mortis veluti blasphemum in DEVM, veluti seditiosum, & ambitiosum, veluti Cæsaris hostem, & potestatis eversorem, rebellemque pronuntiârunt. neque destiterunt donec sanguine illius pasti planè & inebriati sunt usque ad mortem. Et tamen Lupi cum essent cruentissimi, in vestimentis ovium procedebant contra Dominum: nunc eum de doctrina & discipulis examinantes, nunc per DEVM vivum adjarantes, atque veluti auditâ immuni blasphemiam ex ore illius, præ dolore Divini Numinis læsi vestimenta sua scindentes, nunc in domum Gentilis Pilati intrare abstinentes, ne contaminarentur, sed mundi & innocentes manducarent Pascha: Nunc affirmantes sibi non licere interficere quenquam. Nunc legem sibi esse, secundum quam deberet Christus emori, quia se Filium DEI fecit allegantes. Nunc honorem Potestatemque Cæsaris læsam à Christo zelantes, & necesse illius sancientes: sub his ovillis pellibus nefarii lupi intrinsecus rapacissimi, & sanguinis innocentis cupidissimi lanienam suam insatiabilem composuerunt, & occultârunt: atramen re ipsâ plus quam lupinâ ferocitate bestialitateque perfecerunt. Lupos ferunt consecrari vestigia Leonum prædantium, & quæ Leones dimiserint diripere atque absumere. Fecerunt hoc ipsum Iudæi, quæ Leoni Herodi, Leoni Pilato, catulis Leonum militibus, de Christi laniena & persecutione superfuerunt, hæc Iudæi consecrati sunt. Neque tantum consecrati, sed ipsos etiam Leones illos contra Christum sævire coegerunt: quin etiam plus illis sævierunt. Nam Christum ad Crucem postulârunt apud Pilatum judicante illo dimitti. Eundem Christum ab Herode damnari urserunt, à quo tamen nihil dignum

morte

3.
Habac.

1. 8.

Soph. 3.

3.

morte factum est illi. Pilatus Barabbam occidi, Christum dimitti voluit, Iudæi contra persuaserunt, homicidam seditiosumque dimitti, Christum autem occidi. Pilatus lavit aquâ manus dicens, Innocens ego à sanguine justî hujus : at omnis multitudo Iudæorum exclamavit; sanguis ejus super nos & super filios nostros. Milites Christo Crucifixo nihil ampliùs in eum sâvierunt, quin & mortuo crura non fregerunt, & Pilatus Corpus Sepultura donavit: at Iudæi in Christum jam de Cruce pendentem, maxime rictus suos sanguinarios aperuerunt, & demerserunt, lupino furore ferocientes, & extremum odii exercentes, exercentes, atque exsatiantes

4.
Psal. 21.
21.

Vocantur adhuc Canes, inimici Domini Nostri: contra quos erat Dominus, dum ait. *Erue à framea Deus animam meam, & de manu (aliàs, ore) Canis unicam meam.* Nempe Dominus Iudæos expertus est sui sanguinis cupidus, veluti canes famem patientes, & circumeuntes civitatem, tam extra muros suæ urbis Christum quærentes, & capientes, quàm per diversas urbis partes, à palatio ad palatium, & denum usque ad montem Calvarie discursantes. Canes ajunt esse sanguinis humani saltem lingendissimi: quàm avidi fuerint sanguinis Christi Principes Iudæorum, notum est satis. Cane rabido nihil venenosius ferociusque, domari nequit: nulli, ne suo quidem, parcat: sâvit in obvios. Judaica rabie in Christum, quid majus, aut notius, aut venenosius? Impudentissimi, & saturitatem nescientes, & irritati his ipsis, quibus eos mansvescere oportebat. Nam Pilatus Christi ærumnis post flagella & Coronâ spinearum ludibrium, ratus plus nimio sâvitum in Christum esse, ac proinde Iudæos pœnis ejus satiari, mansvescereque, & à morte ejus petenda supersedere posse, adduxit eum foras, & totum quantus quantus erat miserabilem inspiciendum dedit, addens. Ecce Homo. Scilicet plus quàm miserimus, ideo misericordiâ populi dignissimus: tantum abest ut mitiores facti sint Iudæi conspectu Christi miserabili, & nihil hominis humaniq; habentis specie, ut potius Canum instar efferati, rabidiq; magis facti sint, exclamaverintq; Tolle, tolle, Crucifige eum; & opponente Pilato. Quid enim mali fecit: illi ad talia omnia surdi, solo suo furore rabidi, famamq; sanguinis & vitæ Christi patientes ut Canes, magis tumultuabantur, magis clamabant, magis vocibus magnis instabant, Crucifigatur. Erque tandem cogitari potest rabies magis rabida, seu magis canina, quàm ista Iudaica? Verè Domine Iesv circumdederunt te

Canes

Canes cauli, canes levi, canes rabidi, canes infatigabiles, canes impudentes, canes mortui, canes sancto indigni, canes quorum pretium infernus, canes quibus ingredi in Domum Domini est nefas, canes ad vomitum suum redeuntes, eoquē solo pastu digni.

Vocantur adhuc Domini nostri persecutores, Vrsi. Ita se ipsos vocant dicentes. *Ragemus quasi Vrsi omnes.* De iisdem dicit Dominus. *Vrsus insidians factus est mihi* (populus) *Leo in absconditis.* esse dicitur Vrsus animal invidiosissimum, adeoque invidiæ typus, est savum, solitarius, inquietum. quod si alliges stipiti, perpetuo in gyrum cursitat, aut si subsistere coges, caput tamen incessabiliter agitat. Quid invidiâ Iudaicâ seu notius seu nocentius contra Christum? Ipse Pilatus compertissimum habebat, quod per invidiam tradidissent, & mortem ejus obstinatissimè appeterent. Itaque sicut invidiâ diaboli mors intravit in orbem terrarum: ita invidiâ Judæorum mors Christo irrogata est, & Filium Dei omnibus utique mundis nobiliorem, digniorem, innocentio rem, utiliorem, invasit atque perdidit: ut tantò major sit Iudaicæ invidiæ malitia, quàm diabolicæ, quantò Christus præstat universæ creaturæ. Ajunt autem Hebraisantes, Vrsi nomen Hebraicum [*Dob, vel Diba*] desumptum esse & significare obloquutionem, detractionem, infamationem, murmur, & truculentiam infamem: quæ omnia sunt invidiæ progenies, & nulli alteri æquè ac Judæorum contra Christum malevolentia, æstuantibusque odiis conveniens. Gens fuit solitaria Judæorum, gentibus reliquis omnibus tam inimica, quàm & exosa, atque contempta. De ejus inquietudine satis sit, quod Christus Phariseis objicit: quia *Circuitis mare & aridam, ut faciatis unum profelytum, & faciatis eum filium gehennæ duplò quàm vos.* Vrsi à melle devoraro, & ab alvearibus perruptis, apibusque absumptis dicuntur medicinam sibi quaerere. Et Judæi, suæ ut insanix, superstitionique consulerent, tam Christum ipsum, alvear certè melle nobilissimo plenissimum, quàm Ecclesiam ejus destruere devorareque sunt, quamvis frustra, conati, & ideo *Deo non placent & hominibus omnibus,* salutique inprimis eorum *adversantur usque hodie,* neque ipsi introeuntes, neque alios introire, (quantum in ipsis) sistentes. Horum ergo rabiosæ in Christum invidiæ, mors Christi filia est: illa est, quæ Detidii parturit injustitiam, concepit dolorem, & tandem peperit iniquitatem, vix in cor hominis, atque dæmonis ascendentem, cogitationique creaturæ aut capacitati impossibilem, nisi re ipsâ perpetrata esset.

L I

Vocan-

5.
Isaie 59.
11.
Thren.
3. 10.

Ballester
lib. 4.
Hierolo-
gic. 4.
n. 18.

Matth.
23. 15.

1. Ihes.
2. 15.

dimitti
ne dimit-
tis, Inno-
rum: ex-
Milites
mortuo
at Iudæi
sanguin-
tes, &
tra quos
meam, &
minus lu-
m patien-
Christum
calatio ad
res. Ca-
s: quàm
ei satis.
at: nulli,
Christum,
& saturi-
te oportet
sine æ
esse, ac
orte ejus
quantus
Ecce Ho-
populi di-
du Chri-
ut potius
averinque
nim ma-
famamque
abamur,
figatur.
gis cani-
derunt te
Canes

6.
Psal. 79.
14.

1. Cor. 2.
8.

Ioan. 15.
24.

Jerem.
1. 18.

Vocantur insuper Inimici Dei Nostri, Apri. Aper de sylva, & singularis ferus, qui nostram vineam cultissimam, Dominoque plus quam dilectam, depastus est, Iudæorum populus cum Principibus suis est. Suâ enim effera feritate, totis viribus in hoc incubuit, ut quidquid Christi esset inprimis, deinde quidquid post Christum Christi superesset, fideles, discipuli, Ecclesia, Nomen, Doctrina, Miracula, & demum omnia, funditus, radicitusque evelleretur, & aboleretur, & periret. Præeuntes ferme hac in parte, & in hoc studio, conatuque, ipsis dæmonibus, qui ab ipsis Iudæis videbantur didicisse, quomodo, & quousque Christum persequerentur, alioqui enim verècundati fuissent, (maximè post ejus ad inferos descensum) tantâ rabie desavire in Christianos, nisi à sævitiæ ipsorum in Christum Iudæorum edocti animatique fuissent. Dæmones teste Apostolo, si Christum planè cognovissent, nunquam Dominum gloria crucifixissent. Hi autem & cognoverunt, & oderunt Christum, & Patrè ejus: sed ut adimpleatur sermo qui in lege eorum scriptus est. Quia odio habuerunt me gratis. Itaque isti feri efferi, isti singulares feri, fecerunt peccare in Christum, non tantum gentem suam, non tantum Pilatum, Herodem, gentilesque, verum etiam dæmones ipsos. Nunquam certè legimus, Dæmones tantum fuisse aulos ut Christum dæmoniacum, vel dæmonis consortio utentem appellarent, immo diabolus, qui eum in deserto & portavit, & tentavit, reverenter eum & innocuè gestavit, & sine ejus concessione, ne ipsos quidem porcos attingere ausi sunt, atque etiam eum adorare, & deprecari soliti fuerunt: isti verò singulares feri Iudæi, omnia sensere, & dixere contraria, affirmantes, & in vulgus spargentes, Christum dæmoniacum esse, dæmonium habere, in principe Bèelzebub eijcere dæmonia: propter quod judicati sunt à Christo, peccare in Spiritum Sanctum, tali peccato, quod neque in hoc, neque in futuro saculo remittendum eis foret. De quo etiam peccato peculiariter dicit Dominus Noster per Jeremiam. Tu Domine demonstrasti mihi, & cognovi: tunc ostendisti mihi studia eorum. Et ego quasi Agnus mansuetus qui portatur ad victimam. Studia Iudæorum vocat, ut exaggeratam eorum in se, & contra se malignitatem rabiei explicet: Studia vocat, deliberatè conceptam adultamque invidentiam: studia eorum vocat, implacabile & insatiabile odium: studia eorum vocat viscerosum cordialeque nocendi, & perdendi omni acerbiori modo & arte conatum, atque diligentiam. Pro quibus studiis eorum, indu-

xit Dominus super eos etiam *Annum visitationis eorum*, hæcenus nec dum terminatum.

Ibid.

V. 23.

Hæcenus de nominibus atque comparationibus, quibus Spiritus Sanctus in sacris literis enormitatem passionum Christi delineat, per crudelitatem ferocium bestiarum. Plures hujusmodi comparationes ex Sacris Scripturis depromere, & in meditationem adhibere non erit difficile. Ex his autem varios affectus, varias vitiorum quidem Judæorum detestationes, varias quoque virtutum Christi æstimationes, & imitationes desumet Meditator pius, ut fructum competentem meditationis habeat. Omnes enim peccatores, bestiarum alicujus, aut etiam pluriū simul, feritatem, peccatis & affectibus suis repræsentant, iisdemque suo modo in Christum deserviunt. Superbi enim & crudeles, & subjectionis debitæ excussores, Leones sunt. Potentes, & aliorum præ se ipsis contemptores, sui que nimii amatores, tauris merito pinguibus comparantur. Vrsos portò, merito sanguinariis, murmuratoribus, detractoribus, invidis assimiles. Gulosis & crudelibus, lupos assignes congruè. Impudicos, mordaces, sordidos, iracundos, canibus similes nemo negaverit. Tepidos, somnolentos, quorumque adhæsit in terra, & adglutinus est venter, itemque avaros, & sordide parcos, singularibus feris comparare congruè licet: atque sic de aliis similibus, de quibus omnibus jure dicas, illud Moysis, esse illos *dentes bestiarum cum furore trahentium super terram atque serpentium* à quibus tantò amplius, indignius, crudeliusque tractatur Christus nunc, licet jam in Cælis gloriosus & regnans, quàm olim à Judæis, Gentilibusque, nostris in hac vita infirmitatibus obnoxius, quantò scelestius est, à suis scilicet fidelibus, atque professione cultoribus, cognitum, comperitumque, & cultum, nihilominus contemni, & despici DEVM, quàm ab infidelibus, & impietate cæcatis inimicis, incognitum, inæstimatumque violari hominem. sive, quantò absurdus est Gloriosum in Cælo DEVM, quàm ærumnosum in terra contumeliosè & injuriosè tractari.

Dent.

3224.

M O D V S LXIII.

Modus sexagesimus tertius meditandi Passionem Domini Nostri esse potest: ita Passionem Dominicam recogitando meditandoque decurrere, ut Deo Patri tanquam Principali Redemptionis nostræ, per Passionem Christi Authori, pro eadem Passione, eadem

L I

apc

Moyſius ipsâ Passione tributum dependamus. Dabo explicationem hujus
Novari meditandi modi, ipsumque adeò modum, ex probatissimo scripto-
nis. libro re, tametsi non ad verbum ex eo desumptum.

de Tribu- Debitores sumus Deo nostro Patri Æternò tribu-
to Divi- nis pro Passione, quam pro nobis pertulit unigenitus ejus, & Domi-
no §. 31. nus Noster I E S V S Christus. In qua compassione, minime nos esse
32. sive, parcos convenit, quando & Dominus noster I E S V S Christus in sua
Tributo pro nobis Passione minime parcus, summe autem liberalis fuit: idq;
15. à primo conceptionis suæ instanti, usque per totam vitam suam: pro-
 pter quod etiam gratitudinis nomine debemus illi hunc compas-
 sionis affectum, sive tributum, toto quo possumus cordis affectu
 illum exercendo.

I. Ac primò colligemus in unum omnes actus, sive Compassionis,
 sive Gratiarum actionis, quosunque unquam aliquæ creaturæ per-
 solverunt Deo, præsertim pro Redemptionis suæ, Passionisque
 Christi beneficio, atque omnes hos actus, affectusque quanti quanti
 sunt, denovo Deo in tributum offeramus, quantumvis aliàs dudum
 eidem oblatos.

2. Secundò. Desideremus habere & exercere talem compassionis
 affectum, qui sit par Christi Passioni, nostræ pro illa erga ipsum ob-
 ligationi; quem quia in effectu habere non possumus, saltem in de-
 siderio illum habere studeamus.

3. Tertiò. Studeamus amplius semper cognoscere atque exercere
 oblationem illam vitæ ac Passionis Christi, ejusque modum, quem
 ipse Dominus I E S V S tenuit in offerendo semetipso Passioni, & idem
 ejusdem desiderium & amorem, quo partim Passus est, partim pati
 amavit, & optavit.

4. Quartò. Conſueſcamus Passionem Domini repræsentare in om-
 nibus (quoad repræsentari potest) actionibus, occupationibusque
 nostris. v. g. Dum ambulamus, repræsentemus quasi Christum
 cum Cruce ambulantem, dum manus brachiaque expandimus, ef-
 fingamus Christum in Cruce expansa brachia expandentem: dum
 in lecto sumus, Christum in Cruce positum repræsentemus; dum lo-
 quimur, Christi verba inter patiendum referamus: dum tacemus,
 silentio nostro, Christi in Passione silentium veneremur. Pado
 aliis actionibus ratio.

5. Quintò. Offeramus Deo omnes dolores, quos aut alii passi in
 morte sua sunt, aut patientur, aut etiam nos patiemur in morte no-

stra:

stra: respiciendo in illis, coniungendoque illos doloribus Christi, quos in Passione, & morte sua pro nobis sustinuit.

Sextò. Coacervemus in nostrum Corcum omni affectu nostro; omnes fructus, qui ex Passione Christi, & nati sunt, & nascituri; eosque omnes offeramus ipsi Christo, cum singulari quadam complacentia, atque congratulatione ex eis, & quòd Christus per suam infinitam sapientiam, eos ex sua amata, & probrosa, pro nobis Passione, cruce, & morte educere scivit.

Septimò. Convertamus caelesti quadam spiritualique alchimia omnes nostros, & omnium reliquarum creaturarum dolores, compassiones, tristesque affectus, & sensus, qualitercunque habitos, & toleratos, in affectum quàm maximæ compassionis pro Passione, & super Passionem Christi.

Octavò. Omnes item dolores, afflictionesque nostras, acceptemus à DEO, & sustineamus cum omni modestia, & hilaritate, propter amorem IESU PASSI, ejusque Passionis pro nobis; optando ut omnes creaturae id ipsum faciant, atque etiam earum hac in parte vicem quantum ex nobis supplendo, Deumque in omnibus omnium afflictionibus laudando, omnes pro eis perferendo, atque Christi passionibus uniendo, & ut ipse illas uniat desiderando, atque rogando.

Nonò. Si quando in aliquam imperfectionem defectumque labimur, subito pro illo lapsu nostro offeramus Deo totum illud, quod innocentissimus Agnus Dei pro nostris peccatis pertulit. Et quanto erunt majores lapsus nostri, tanto diligentius pro omnibus illis intendamus, consuecamusque tam Patri Aeterno, quàm ipsius Domini IESU cordi offerre Passionem Christi, & quidem ipso ejusdem corde.

Decimò. Oremus Amabilissimum Redemptorem nostrum, ut sibi met ipsi offerat pro nobis totum id, quod passus est pro nobis. Itemque oremus, & sanctos omnes, ut offerant pro nobis Passionem Christi, ipsimet Christo,

Vndecimò. Supplicemus Pretiosissimæ Dei Matri Virgini MARIE, ut totum hoc, quod in Passione Filii sui perpeffa ipsa est, offerat eidem Filio pro nobis passio. Vicissim verò offeramus, & representemus Christo, MARIE Matris Filio, id totum, quod illa cum ipso, & pro ipso passa est, quodque ipse cum Matre, & in Matre sua

MARIA perpessus est, & denique etiam ipsi Matri hoc offeramus, quod Filius ejus in ipsa perpessus est.

12. Duodecimod. Demus operam, ut non sit ullum verbum, non spiramentum, non cogitatio, non actio, non passio seu mutatio ulla in nobis, vel à nobis, cui inferere non intendamus, supra dictos actus, in infinitum multiplicatos, & secundum quod DEVS scit, aut potest facere, fierique multiplicatos; adjungendo extensioni, & numero actionum; intentionem quoque majorem, ac majorem, perfectioremque semper.

Supradicti Actus, etsi melius affectibus Cordis, quam vocibus oris exercebuntur, poterunt tamen etiam hisce sequentibus, vel aliis his similibus verbis exprimi, & exerceri.

1. Benedictus sis o Pater Eterne, & sit benedicta infinita charitas tua, quæ te impulit, ut unigenitum Filium tuum dares ad assumendam nostram mortalitatem, in qua pati & mori pro nobis posset. Benedico te, & in omnem aeternitatem benedicere volo, pro eo, quod sicut Filium tuum ab æterno ex tua substantia genuisti; ita etiam eundem ab æterno ardentè voluisti nasci ad patiendum pro nobis. Atque utinam prævaleam adeo gratus esse Majestati tuæ pro hoc beneficio, quàm magnus est Amor ipse tuus, quem in ipso isto beneficio demonstrasti nobis.

2. Nunquam volo permittere mihi mer, ut ex memoria mea deleatur recordatio beneficii hujus Domini mei JESU Christi, quod præstitit mihi patiando pro me, ac si prorsus mei solius causâ pati venisset, aut passus esset.

3. Volo etiam ex nunc ad te Dominum meum dirigi omnes operationes meas, omniumque aliarum creaturarum, omnes cogitationes, locutiones, respectus, intentionesque, immerfas, & absorptas, & appretiatas, in sanguine atque Passione JESU Christi, cum omnibus actibus gratiarum actionis, & compassionis, & devotionis, tuæ Majestati unquam exhibitis, à quocunque servorum tuorum, in unione Passionis ejusdem Domini nostri, Filii autem tui, JESU Christi.

4. O Domine JESU Christe, nunquid ego tanta pati possum pro Te, quanta Tu passus es pro me? Non equidem possum, attamen in compensationem qualem qualem hujus impotentiz meæ, offero tibi totaliter, quidquid passus unquam sum, quidquid adhuc patiar, quidquid pati sunt homines universi, atque adhuc aliquando patientur,

tientur, quacunq; de causa, & quocunq; motivo. Quod totum volo, & intendo, ut fiat propter amorem tuum, & propter amorem totius Passionis tuæ pro nobis.

Æterne DEVS, & Pater Domini Nostri JESU Christi, omnes defectus, omniaque delicta, & mea, & omnium creaturarum tuarum, quæcunq; unquam commisimus displicita tuæ sanctissimæ voluntati: nunc quidem ego, quantum in me est, agnosco, confiteor, & retracto, coram Te, simul autem Bonitatis tuæ offero totum id, quod Dominus noster JESUS Christus Filius tuus passus est, pro omnibus delictis nostris, simulque oblationem huic meæ, adjungo illam ipsam oblationem, quâ Tibi Æterno suo Patri, Dominus JESUS obtulit suam omnem pro nobis Passionem.

Desidero, statuo, & intendo, omnibus & singulis actionibus meis repræsentare, ac etiam quantum mihi fas fuerit, exercere totam Christi Passionem, omnesque Passionis partes ac modos, & actiones. Sic volo, ambulationibus meis, dolorosas Christi per suam Passionem, ad usque Crucifixionis suæ locum ambulationes referre, illasque his associare, & hoc ipsum quod sensit in suis JESUS, ego quoque in meis propter ejus amorem sentire. Sic etiam volo omnibus verbis ac sermonibus meis venerari omnes Domini mei inter patiendum pro me, locutiones. Pariter, silentium omne meum, admirando illi silentio Domini mei conjungere, eodemque illud exornare volo. Omnem quoque cibum & potum meum, quem aliquando propter obsequium tuum divinum sumam, intingere volo in felle, myrrha, aceto, totaque calicis amaritudine, quem Dominus meus JESUS Christus in sua Passione bibit & ebibit. Vestitum meum conjungo, Domini mei, partim spoliationem, & nuditati, partim candidæ Herodianæ vesti, partim illusoriæ purpuræ, quâ illusum est pro nobis. &c. Denique somnum meum, & lectum, associo duro Crucis Christi lecto, mortisque somno, quem in Cruce obdormivit pro me. Ad extremum, protestor me intendere, proponereque omnem sive corporis, sive animi actionem, atque Passionem meam, quin & quantum in me est omnis creaturæ, in conjunctione, respectu, & honore, atque veneratione amarissimæ simulque pretiosissimæ Passionis ac Mortis Domini Nostri JESU Christi peragere.

Recipe etiam Pater æterne, de manibus meis totum id, quod pretiosissima Filii tui, DEI Dominique nostri Genitrix, in Passio-

ne Filii sui, Tuique, perpeſſa eſt. Recipe inquam, ſed potiùs de manibus illius ejuſdem Matris illud ejus ſacrificium, quod illa Mater omnis pietatis, fecit, & obtulit cordi tuo Divino pro nobis, tam ex ſeipſa, quàm ex Filio ſuo, eodemque Tuo, ac Redemptore noſtro.

8. Congrego in unum, atque comprehendo toto cordis mei affectu, omnes effectus fructuſque Paſſionis Domini Noſtri JEſu Chriſti, præteritos, præſentes, ac futuros, in omni tempore, ac tota deinceps æternitate: eoſque omnes quanti quanti ſunt, Tuæ, ô Pater Æternæ, Majeſtati offero, & in hac oblatione permanere volo, omnibus, & ſingulis momentis vitæ meæ, ipſam iſtam permanendi in hac oblatione voluntatem in ea comprehendendo, atque ut ſic quaſi unus ex Paſſionis Chriſti JEſu fructibus intendendo, ut tanto acceptior ſit tuæ Divinæ voluntati, Majeſtati, voluptati.

9. Quolibet reſpiratione & aſpiratione, totius vitæ meæ, offerre intendendo, & re ipſa actualiter offero, vitam omnem meam, actionemque omnem vitæ totius meæ, tuæ pro me in ligno Crucis expirationi, & per punctum illud inſtanſque mortis meæ, quo actualiter moriatur, propono; & intendo, pro Te Domino meo mori, ut hac ratione morte meâ correfpondeam aliquantula ex parte Morti tuæ, inſtanſque mortis tuæ, quo tu omnis vitæ auctor in Cruce expiraſti pro me: Atque ad hanc ipſam intentionem, quantum poſſum, dirigo omnem quoque, omnis mortalis, & mortuæ, morituræve creaturæ mortem.

10. Accepta ô Æternæ DEVS, pro tributo à me nunc tibi exhibito, oblationem illam, quam Tibi de ſe ipſo fecit pro me Dominus JEſus, quàmque de eodem Domino JEſu filio ſuo, ſimulque tuo, tum ſimul & de ſe ipſa fecit Mater Domini JEſu, itemque illam, quam & ipſe JEſus, & ejus Mater MARIA fecerunt Tibi pro me, & pro omni creatura. Et inſuper intendo per omnia eſſe totus tuus, toto illo modo, quo tuum eſſe Filius tuus fecit, tantoque me ad hoc amplius obligavit, quantum ipſe plus pro me pertulit.

Uſque huc Novarini modus atque ſenſus quantum pro me licuit ex ejus Italico expreſſus: ſitque hoc interim ſatis, de tributo ſolvendo pro Chriſti Domini Paſſione, DEO Patri Æterno. &c. &c.

M O D V S LXIV.

C Exagesimus quartus Modus meditandi Passionem Domini nostri, esse potest, ejusmodi, quem adumbratum legimus in Esdra de quo scribitur. [Congregatus est. o[mn]is populus quasi vir unus ad plateam, quae est ante portam aquarum. Accessit ergo Esdras Sacerdos legem coram multitudinis virorum & mulierum, & militum, cunctisque qui poterant intelligere. Et legit in eo aperte, de mane usque ad mediam diem in conspectu virorum & mulierum, & sapientium: & aures omnis populi erant erectae ad librum. Stetit autem Esdras scriba super gradum ligneum, quem fecerat ad loquendum. Et steterunt iuxta eum ad dexteram eius & ad sinistram ejus. Et aperuit Esdras librum coram omni populo, super unicum quippe populum eminebat. Et cum aperisset eum, stetit omnis populus.] Ad hunc ergo modum, & juxta hanc figuram, Christus Dominus noster Sacerdos, & scriba summus, atque sapientissimus, cogitari potest, stans super gradum ligneum, nempe super Lignum Crucis suae affixus, pendens, aperire Librum Legis, qui ipse idem Dominus est, tum Liber, tum Lex, tum etiam Legislator. Qui liber scriptus intus & foris, Carmine, v[er]ba, & lamentationibus, in passione, partim clausus, & obsignatus, partim etiam apertus & lectus est: neque ab alio ullo, quam ab ipso met Christo Domino melius: nam alii hunc ignorantes, voces Prophetarum quae per omne Sabbatum leguntur, judicantes impleverunt. Ad hunc ergo Lectorem Legis Divinae, ad hunc Sacerdotem, & scribam, super gradum ligneum, super Cathedram Crucis suae stantem, omnis Anima fidelis merito concurrat, & aures ejus ad Librum erunt erectae. Optime enim & appositè ad propositum praesens dixit Augustinus. *Crucem Christi, non solum esse lectulum morientis, sed etiam cathedram docentis.* Libeat ergo Anima fidei cuiusque vel legere propriis oculis librum hunc, vel audire legentem semetipsum Librum ipsam: miro quidem per omnia, tamen vero modo, quoniam in rei veritate, & Liber, & Libri verba, & Lex, & Lector Libri, & Legislator, unus, ac idem est Dominus noster **I E S U S** Christus: potestque, immo debet, sive legi, sive lectus audiri, ab omni Anima fidei, Credendo, Amando, Compatiando, Obediundo, Laudando, Gratias agendo, Adorando, Servando, & Explendo, atque Imitando.

Porro quid sit in hoc Libro legendam non est quidem difficile

2. Esdra
8.1.

Ezech.
2.9.

Act. 17.

August.
Tr. 119.
in Ioann.

nōsse, tum ex ipsa Passione; tum ex modis supra jam adductis, & præcipuè *Modo* v. g. 20. Vbi agitur de Opere, *Modo*, & *Causa*. Item *Modo* 36. De labore & dolore Christi in Passione. Item 24. De quavis Parte Passionis Christi, & de peccatis eam causantibus, deque virtutibus & earum doctrinis, in ea nobis propositis &c. &c. Possunt nihilominus sive legi, sive etiam tanquam lecta audiri in eo Libro, ea ipsa verba æternæ vitæ, quæ Christus sicut vivens docuerat, ita Patiens, atque Moriens, ipso Passionis & Mortis suæ actu exercebat, exercendoque prædicabat. v. g. docebat Christus vivens. *Penitentiam agite*, appropinquavit enim Regnum DEI: id ipsum luculenter, & legere, & audire est, ex hoc Libro, & ab hoc Lectore super gradum ligneum, seu lignum Crucis stante, legente, prædicante, demonstrante.

- Luc. 9.* 2. *Qui vult venire post me, abneget semetipsum & tollat Crucem suam quotidie, & sequatur me.* Lege hoc ipsum in libro isto, & audi ab Esdra Christo in Cruce prælegente.
- Matth. 19, 17.* 3. *Si vis perfectus esse, vade, vende omnia, & da pauperibus, & veni sequere me, & habebis thesaurum in Cælo.* Lege hanc vocem, & vocationem in isto libro.
- Luc. 13.* 4. *Si vis ad vitam ingredi, serva mandata.*
- 24.* 5. *Contendite intrare per angustam portam, quia arcta est via quæ ducit ad vitam, & pauci sunt qui inveniunt eam.*
- Mat. 11.* 29. 6. *Discite à me, quia mitis sum & humilis corde.*
- Ioan. 12.* 24. 7. *Nisi granum frumenti cadens in terram mortuum fuerit: ipsum solum manet, si autem mortuum fuerit, multum fructum affert.*
- Luc. 12.8.* 8. *Qui me confessus fuerit coram hominibus, confitebor & ego eum coram Patre meo, & coram Angelis DEI, qui autem me confusus fuerit (aut erubescet) coram hominibus, confundar & ego eum coram Patre meo, & coram Angelis ejus.*
- Ioan. 13.* 13. 9. *Scitis quid fecerim vobis? vos vocatis me Magister & Domine, & bene dicitis, sum etenim; Si ergo ego Dominus & Magister vestester, laui pedes vestros, (hæc, & talia pertuli pro vobis) & vos alter alterius debetis lavare pedes. exemplum enim dedi vobis, ut quemadmodum ego feci, & vos similiter faciatis.*
- Ioan. 14.* 30. 10. *Ut cognoscat mundus, quia diligo Patrem, & sicut mandatum dedit mihi Pater sic facio.*
- Ioan. 3.* 14. 11. *Sicut Moyses exalta vitæ serpentem in deserto, ita exaltari oportet Filium hominis, ut omnis qui credit in ipsum non pereat, sed habeat vitam æternam. Sic enim Dicit &c.*

12. Sic **DEVS** dilexit mundum, ut Filium suum unigenitum daret; ut omnis qui credit in eum, non pereat sed habeat vitam eternam. *Ibid.*
 13. Major em charitatem habet nemo, quam ut animam suam ponat pro amicis suis. *V. 16.*
 14. Ego sum Pastor bonus, & animam meam pono pro ovibus meis. *Ioann. 10.*
 15. Meus est ut faciam (patiar) voluntatem Patris mei, qui in Caelis est. *15. 13.*
 16. Diligite inimicos vestros: benefacite his qui oderunt vos, orate pro persequentibus vos, ut sicut filii Patris vestri, qui in caelis est, qui Solem suum facit oriri, super bonos & malos, & pluit super justos & injustos. *Ioan. 4.*
 17. Si in viridi ligno haec faciunt: in arido quid fiet? *34.*
 18. Qui autem in terram bonam (id est, qui sunt terra bona, semen verbi Dei excipiens) faciant fructum multum in patientia. *Luc. 6.*
 19. Qui autem perseveraverit usque in finem, hic salvus erit. *17.*
 20. In Patientia vestra, possidebitis animas vestras. *Luc. 23.*
 21. Omnis qui non bajulat Crucem suam quotidie, & venit post me, non est me dignus. *31.*
 22. Vulpes foveas habent; volucres caeli nidos, Filius autem hominis, non habet ubi caput suum reclinet. *Luc. 8.*
 23. Haec oportebat pati Christum, & ita intrare in gloriam suam. *Mat. 10.*
 24. Non est servus major Domino suo: sed sufficit illi si sit sicut Dominus ejus. Sime persecuti sunt, & vos persequentur, si Patrem familias Beelzebub vocaverunt, quanto magis domesticos ejus? *22.*
 Haec omnia docuit Christus vivens inter homines, haec eadem omnia, legere est in ipso eodem Christo velut in libro super Crucem expanso, haec omnia audire potest, ac debet, Anima quavis, ab eodem, de Crucis gradu cathedraque praelegente: haec omnia docet Christus patiens, & moriens, & quidem non jam solis verbis, sed ipsis operibus, atque adeo doloribus, & vulneribus, ut dicere videatur: Si verbis meis non creditis, operibus credite; & ea operibus vestris complete. *Luc. 21.*
 Haec ipsa nostri Esdrae de ligneo Crucis gradu seu cathedra legem Dei edocentis, praecepta, ad alia pauciora prioribus, non minus tamen praequantia capita revocari possunt. In Christi enim Crucifixi & Passi volumine legi possunt e. g. haec. *19.*
 1. Amor Dei, atque ut Apostolus loquitur nimia Charitas Dei erga nos. Sic enim **DEVS** dilexit mundum, ut Filium suum unigenitum daret. &c. *Luc. 14.*
 2. Amor *Ioan. 4.*

Gal. 2. 20. 2. Amor Christi Domini etiam erga eosdem nos. *Qui dilexit me, tradidit se ipsum pro me.*

3. Via ad Cœlum unica, & recta, & tuta, per Crucem & passionem propter Christum.

Rom. 8. 32. 4. Odiunt immensum Dei contra peccatum, zelusque justitiæ ac furoris ejus contra ipsum. *Qui proprio Filio suo non pepercit, sed pro omnibus nobis tradidit illum in mortem. &c.*

Luc. 23. 31. 5. Immanitas pœnarum inferni, destinatarum peccatis & peccatoribus. *Si enim in viridi ligno hæc faciunt, in arido quid fiet? Omne palmitem in me non ferentem fructum, Pater meus tollet eum, & in ignem mittet, & ardet.* Denique immanitatem illam hoc luculenter ostendit, quia sanguine Christi eam extinguere oportuit.

Mat. 5. 12. 6. Immensitas Cœlestis gloriæ, quam adeo pretioso, id est divino sanguine comparari necesse erat. *Gaudere & exultare, quia merces vestra multa est in calo.* Sed Christi sanguine exarata.

7. Precium animarum nostrarum, quas Christus, non utique insipiens Mercator, sanguini, & vitæ suæ præferre non dubitavit, quod sanè amplius est longè, quàm illud ejusdem Domini dictum. *Quid prodest homini, si universum mundum lucretur. &c.* Aut quam commutationem dabit homo pro anima sua? Certè Christus pro ea dedit suam. Vide ergo quanti æstimavit alterutram?

Ioan. 13. 15. 8. Exemplum omnino imitandū ab omnibus. *Exemplum enim dedi vobis, ut quemadmodum ego feci, ita & vos faciatis. Qui non*

Luc. 14. 27. *non bajulat Crucem suam & non sequitur me, non potest meus esse discipulus.*

Nicol. Nicolaus Lancitius accuratus vitæ spiritualis Magister, tom. 1. *Lancitius* Operum Spiritualium. Opusculo 10. Meditatione 29. ad quatuor capita revocat omnia, quæ præcipuè in Christi Passione, Passique *opusc. 10.* Christi libro legenda sunt. 1. est. Gravitas peccatorum nostrorum. 2. Liberalitas Christi in nos, eandem vicissim à nobis in Christum requirens. 3. Amor efficax Inimicorum, & ingratorum, & indignorum. 4. Renuntiatio omnium commodorum personaliū, propriorum: quæ apud ipsum fusiùs legere est.

Liber hunc Modū concludere Beati Laurentii Justiniani verbis, *Laur. Justin. lib. de Trinitate.* quæ supra dictis lucem dabunt. Nihil eorum, quæ in sacro continentur eloquio, sic humanum valet excitare affectum, mentem erigere, temperare laborem, peregrinationis tœdium auferre, & felicitatis æternæ spem immittere, quàm redemptionis humanæ mysterium.

sterium. In illo miserationis divinæ referatur abyssus, cœlorum
aperitur janua, charitatis latitudo ostenditur, & quantus sit homo
apertissime demonstratur. Pro tuis itaque facinoribus, ô homo,
tristare in Christo. Te agnosce in illo, tua in ejus afflictionibus
metire delicta, debita tua in Christi lege membranīs. Ipsius attri-
tio, livor, & passio, nostræ sunt calamitatis indices, & adeptæ pacis
speciales testes. Hanc itaque (pacem) non in membranīs, non in
lapide, neque in ligno, sed sanguine proprio in sua carne conscrip-
sit. Librum hunc, ut ab universis legatur publicè exposuit, non
sermone composito, vel humanæ sapientiæ exaratus est verbis, sed
hominum interveniente malitiâ, digito DEI scriptus; nempe sa-
vientiis inimicis depictus est foris: Charitate autem & sapentiâ
Christi, formatus est intus. Habet foris, simplex & indoctus quid
legat, habet spirituales & perfectus quid intus intelligat. Legit
simplex & latificatur, atque compungitur, exercitatus verò intelli-
gens irradiatur, atque accenditur. Quis, nisi Sapientia Doctrinx po-
terat tam multa paucis colligere, abbreviatam legem, legalia Sa-
cramenta, charitatis compendium, perfectionis celsitudinem, & to-
tum Redemptionis humanæ Modum, in hoc Corporis sui conclu-
sit volumine. Quamobrem cum scribere complisset, nihilque su-
peresset scribendum, dixit: *Consummatum est.* Hæc Beatus Lau-
rentius.

ne Chri-
sti cap.
20.

M O D V S LXV.

SEXAGESIMUS quintus meditandi Passionem Domini Modus esse
potest; si assumatur Christus Patiens vel Passus, atque meditati
proponatur, ita, ut totus quantus est Christus opponatur homini,
velut quidam accusator, expostulatorve, ac simul Iudex, simulque
etiam Medicus, aut Parens indulgentissimus. Opponatur autem se-
cundum omnia exteriora & interiora sua, toti homini, item secun-
dum exteriora & interiora ejusdem hominis. Explicatione, &
exemplo res fiet clarior. Igitur ô Christiane pone tibi ob oculos
cordis tui Christum DEVM tuum, in conditione quidem quâ vo-
les, & videtur utilissimum efficacissimumque futurum, si Patientem
aut Passum pro te tibi proposueris. Rursum verò coram Christo po-
ne temetipsum abjectum & prostratum in genua vel faciem, (prout
æquum est) vel prout commodius videbitur meditationi. Tum au-
dire tibi videaris Christum dicentem ad te illa. *Narra s̄ quid ha-*

Isa. 43.

27.

Iob. 9. 3.

Iob. 25.

4.

bes, ut justificeris. Conclusio tractatus istius, erit illa *Beati Iob. Non respondebit ei unum pro mille.* Vel etiam illa: *Non iustificabitur homo composuit DEO.* Audi ergo homo quomodo Christi exteriora stent contra te, & accusent te? *Eccē Caput Christi* confixum spineo ferro, conquassatum, depilatum, laceratum, humiliatum: Accusat caput tuum, illudque secum in iudicium vocat, quia est sibi valde dissimile: nam est superbum, delicatum, calamistratum, concinnatum, & cincinnatum, pingue, & unctum, erectum, & cervicosum. *Frontis Christi* veneranda, tuam effrontem frontem immodestam, & superbam arguit. *Oculi Christi* modesti, demissi, verecundi, suffusi, & caligine sanguinea obtenebrati, oculos tuos nitibus suis ambulantes, & usque ad fines terræ potrectos, vagos, vanos, lubricos, curiosos, molles, procaces, volubiles, in iudicium vocant. Defende si potes, ex causa, atque causam oculorum tuorum, frontis tuæ, capitis tui; quod si non potes? si quàm longissime (quod est per omnia verum) absint à Christi exterioribus, quid restat, nisi ut denique te ipse condemnes, & dicant contra te iniquitates tuæ testimonium? sic enim tantum evadere potes horribile DEI iudicium. Nam si accusas te, justificas: quod si iustus es? sequitur Christum iniquum esse. Atqui sic contra DEVM facis, & iustior es factore tuo. Si autem accusas te, & condemnas, cum DEO facis, exaltas quidem Christum, qui est super omnia DEVS benedictus in sæcula: Tibi autem solum faciei confusionem (quæ revera sola tua est, tibi que debetur) inducis & indicis, & per hoc iustus efficeris. Quod de Capite, Fronte, Oculis Christi dixi, de tota Corporis Christi, compage meditandum est, sed hoc in presenti (ubi modos tantum meditandi non meditationes scribimus) locum non habet. Atque etiam id ipsum cogitandum de Christi interioribus, ita ut Anima Christi animam nostram incuset, Memoria memoriam, Intellectus intellectum, Voluntas voluntatem, Phantasia Phantasiam, Iudicium & æstimatoria, itemque consultiva & electiva facultas Christi, nostram iudicativam, æstimatoriam, consultivam, & electivam vim in ius vocet. Pariter Amor amorem, Timor timorem, Tristitia tristitiam, Ira iram, Odium odium, Fuga fugam, omnis denique appetitus Christi, nostrum appetitum accuset. Præterea, Charitas charitatem, Contritio contritionem, Obedientia obedientiam, Paupertas paupertatem, Puritas puritatem, Humilitas humilitatem, Manſuetudo, Patientia, Modestia,

manſue-

manſue-
Perſever-
nem, pe-
ram D-
coram ſi-
ſtra diſti-
compar-
charita-
tudiner-
Religio-
um qu-
gnam ſi-
xilia ſi-
exemp-
inter v-
re, lon-
poſcun-
ſti ad-
inſtitu-
vel exi-
hoc eſt
tus ad-
diſque
atque
conſre-
ſtiana-
ſectati-
inſtitu-
conte-
exuto-
data
poſit-
nente-
bitur
tus eſt
citas
man-
mor-

mansuetudinem, patientiam, modestiam. Constantia, Fortitudo, Perseverantia, Fervor, Devotio; nostram constantiam, fortitudinem, perseverantiam, fervorem, devotionem inculpet, & de ea coram Deo Patre, vel ipso Christo, vel conscientia tanquam iudice, coram sanctis conqueratur; quod nempe tanta sit inter sua & nostra differentia, dissimilitudo, ut præter sola nomina, nullo modo in comparationem venire possint. Nam v. g. quæ comparatio nostræ charitatis ad Charitatem Christi, nostræ mansuetudinis ad Mansuetudinem Christi, nostræ orationis ac religionis, ad Orationem & Religionem Christi? Par de alius iudicium, par & sententia, decretumque esto. Et tamen Professio, vocatio, obligatioque nostra magnam similitudinem promittit, & proficitur, & exigit: & tamen auxilia subsidiaque gratiæ, itemque opportunitas & occasiones, itemque exempla tum Christi Domini, tum Sanctorum, tum eorum, quos inter vivimus, à quibus & habemus data, quibusque obligamur dare, longè alia virtutum, perfectionumque argumenta, jure suo exposcunt. Hac tali meditatione, collatione, dijudicationeque Christi ad nos, nostrique ad Christum, præsertim Passum ac Patientem, institutà atque peractâ, cum debita applicatione atque serietate, quæ, vel ejus nostrum erit Anima, in qua non enascantur competentes, hoc est, maximè resoluti, accurati, obfirmati que affectus, & conatus ad meliora, ad perfectiora, ad Christo similiora, vivendi, agendi que studia? Atque nisi me mea fallit opinio, talis dijudicatio, atque (ut sic loquar) Christi nobiscum, nostrique cum Christo confrontatio, illis potissimum usurpanda est, qui perfectionis christianæ, vel actualem possessionem, vel actualiter continuatam consecrationem profitentur statu suo, rationeque vivendi, & vocationis instituto. Gentilibus enim, maximè cum lumine rationis naturalis contendendum erit in iudicio, cui scilicet obluctati sunt, & veluti exuto rationis freno, bestiali libertate vixerunt. Christianis & Mandata quidem Dei lumine rationis cognita, ac insuper à Deo proposita, sed præterea etiam fidei christianæ præcepta sinè dubio opponentur in iudicio, & ad illa, ipsorum vivendi ratio strictè examinabitur. At verò Christi perfectam imitationem professis: totus quantus est Christus, totaque virtutum ejus sinceritas, sublimitas, heroicitas, atque exemplaritas, ob oculos statuatur, & ad eam normam, vitæ, virtutumque, nec non singulorum operum, omniumque morum perfectio, & sinceritas, & sublimitas expendetur: non utique

sinè

siue grandi confusione ejus, qui inventus fuerit minus habens. Sicut etiam non erit absque magna, ac omnino divina consolatione, exultationeque illius cujusque, quicumque inventus fuerit quam exactissime prototypo, exemplarique Christi Domini respondisse, ad illiusque similitudinem proximè accessisse. Quare hoc genus meditationis, sui nempe cum Christo collationis, & tam ab ipso, quam omnibus quæ sunt in ipso,strarum rerum, virtutum, partium, affectionum Accusationis, Examinationis, Dijudicationis: faciat unusquisque nostrum, qui vocatione statuque perfectionem, & perfectam Christi imitationem profiteamur, sibi valde familiarem. Sic enim fiet, ut magnis, & perpetuò continuatis passibus, atque progressibus stadium perfectionis christianæ decurrat nos, decurrereque experiamur, assequamurque illud felicitatis, quod sponsa in Canticis obvenisse legimus: quæ omnibus illis encomiis, à sponso suo vicissim recommendatur exactè, quibus ipsa sponsum suum copiose & sigillatim dilaudat. Ad hoc certe studii genus Beatus Petrus videtur exhortari fideles, omnes quidem, at revera virtutis perfectionem professos, præcipue, cum ita monet. *Christo in carne passio, & vos eadem cogitatione armamini.* quibus verbis Apostolus, & admonet nos obligationis nostræ, quæ in nobis exsurgit, ex eo præcipue, quod Christo Crucifixo, Passioque pro nobis nomen dedimus: ejusque obsequio nos dedidimus: videlicet ad imitationem ejus in Passione & sufferentia adversitatum quatumcunque: & præterea demonstrat, quanto cum studio, animique applicatione, & obligationis appretiatione hanc ipsam obligationem exequi, tenere, & conservare debeamus: eam scilicet quæ videmus militiæ consecratos homines, arma sua sive defensiva, sive offensiva solitos esse conservare, tueri, æstimare. Cogitationes enim de Patiendò pro Christo, & cum Christo, & exemplo Christi, vocat armaturam nostram, contra omnes, non tantum adversitates, sed, etiam adversarios ipsos, Denique etiam Beatus Apostolus fructum nobis indicat ejusmodi cogitationum, atque ad patiendum (exemplo Domini nostri Jesu Christi) resolutionum: videlicet securitatem, & ab omni vulnere immunitatem, siquidem talibus cogitationibus non aliter quam invincibilibus armis, & protegemur ipsi, & hostibus formidini erimus. Quocirca Christo in carne sua Passio, armemus & nos carnem nostram patiendi resolutionibus. Christo in Anima sua Passio, armemur & nos proposito patiendi cum ipso in animabus nostris,

Cant. 4.

1.

Cant. 5.

2.

stris, Christo humiliato, contempto, vulnerato, cruentato, illuso, exinanito, cum iniquis deputato, & Patre derelicto: & nos similitum perpetiendorum desiderio proposito, studio, inquisitione, & estimatione armemur: ut humiliari, despici, affligi, crucifigi, cum latronibus & impiis reputari, ipsum etiam cordis à Deo exilium perpeti concupiscamus, quæramus, ambiamus, gaudeamus.

M O D V S LXVI.

Sexagesimus sextus Passionem Domini meditandi Modus esse potest, recogitando; & devotis cum affectibus expendendo, qualiter Dominus Iesvs semper quidem aliàs in tota mortali vita sua; ac specialitè Passionis suæ, mortisque tempore, omnem quidem infirmitatem, & miseriam, atque vilitatem humanæ conditionis, quam assumpserat pro nobis, luculenter ostendit: contrà autem omnem Divinitatis maiestatem à persecutorum suorum oculis abscondit. Exhibet istum Modum meditandi Gregorius Magnus, ubi verba illa Beati Iob [*Si expavi ad multitudinem nimiam, & despectio propinquorum terruit me; & non magis tacui, nec egressus sum ostium.*] ad Christum Dominum accommodans, ita loquitur. [*Quæ scilicet verba, si ad mysticum intellectum petrahimus, in eis citius operationem nostri redemptoris invenimus. Ipse quippe ad multitudinem nimiam non expavit, dicens. Ego sum. Ipsum despectio propinquorum non terruit, qui nos ab æternis suppliciis liberans, palmas in facie æquanimiter accepit. Ipse tacuit, & ostium egressus non est, qui sub ipsa jam hora Passionis, cum humanitatis infirma patretur, Divinitatis potentiam exercere noluit. Mediatori quippe Dei & Hominum quasi ingredi ostium fuisset, si cum teneretur ut Homo, Maiestatis suæ potentiam voluisset ostendere: & per Divinitatis Magnitudinem susceptæ carnis infirma transire. Ut autem apertus Homo mori posset, Deus mansit occultus, quia si cognovissent nunquam Dominum gloriæ crucifixissent. Non est ergo egressus ostium, qui & requisitus à Pilato tacuit, atque inter persecutorum manus, & corpus Passioni obtulit, quod pro electis assumpserat, & resistentibus noluit demonstrare, quod erat. Unde etiam per Psalmistam dicitur: Posuerunt me abominationem sibi, traditus sum & non egrediebar. Cum enim despiceretur, quia homo videbatur, egressus esset, si occultam maiestatem suam ostentare voluisset. Sed quia infirmitatem prodidit, potentiam abscondit, in*

Iob. 31.

34.

Greg. lib

22. Mo-

ral. c. 12.

"

"

"

"

"

"

"

"

1. Cor.

2. 8.

"

"

Psal. 87.

9.

"

"

"

N n

eo

” eo quod persecutoribus suis incognitus mansit, ad eos minimè exi-
 ” vit. Qbi tamen ad electos exit: quia Divinitatis suæ lyavitatem
 ” quærentibus aperit. Vnde etiam per Prophetam dicitur. Existi in
Abac. 3. salutem populi tui ut salvos facias Christos tuos. Hæc Sanctus
 13. Doctor.

Licebit ergo ad hunc Modum Passionem Dominicam contem-
 plari, ut videlicet in infirmitatibus, & miseriis, & abjectionibus Sal-
 vatoris, quæ in oculis omnium fuerunt, & quæ Salvatorem æstima-
 tioni malignorum atque hostium vilissimum & contemptissimum
 per omnia exhibuerunt, scrutemur, admiremur, deprecemur, exal-
 temus, magnificemusque ea, quæ sunt Divinitatis, quæ Majestatis,
 quæ Gloriæ, Dignitatisque ejusdem, sic enim Anima pertransiendo,
 nunc priores & manifestas ignominias atque dolores, nunc *posse-*
1. Pet. 1. *riores* & occultatas gloriæ majestatisque divitias; *egredietur, & in-*
 11. *gredietur, & pascua inveniet.* Pascua (inquam) uberrima piissi-
Iean. 10. morum atque devotissimorum affectuum, tum circa, & erga Domi-
 9. num suum Redemptorem, tum circa, & erga semetipsam ab ipso
 redemptam.

Ita si Anima fidelis contempletur Christum in Horto Patri sup-
 plicem in terram positus genibus, totoque corpore prostratum, Ca-
 licem Passionis, cum summa suæ voluntatis abnegatione, depre-
 cantem, atque præ angustiis sacratissimæ suæ Animæ agoniscentem,
 atque sudore sanguineo manantem: Non hoc tantum, quod defo-
 ris patet, in Christo suo spectabit, atque deslebit, verum etiam ad
 interiora *Ie s v* introibit, & videbit in Christo, qui orat, Christum
 ipsum; qui etiam oratur: in Christo Calicem Passionis deprecante,
 Christum calicem Passionis porrigentem; in Christo per Angelum
 confortato, Christum Angelorum fortitudinem & beatitudinem;
 in Christo agoniscente, Christum Agonothetam; in Christo sangui-
 neis guttis sudante, Christum infatigabilem in se, & omnium pro se
 fatigatorum recreatorem. Vtraque porrò istorum tam scilicet for-
 rinseca infirmitatum & miseriorum *Ie s v*, quàm Interiora gloriæ
 & majestatis ipsius, docebunt, & deducunt Animam, ad comple-
 ctendum fide, spe, charitate *Iesvm*, ad ejus adorationem atque re-
 verentiam, ad compatiendum condolendumque ipsi, ad patiendum
 & sustinendum omnia adversa propter ipsum, ad suæ propriæ vo-
 luntatis translationem in ipsius beneplacitum, ad laborandum &
 sudandum infatigabiliter propter Nominis ejus gloriam, ad humi-
 liandum & abjiciendum sese sub potenti manu *Dei*. Ea.

Eadem Anima fidelis si contempletur Christum suum a foris quidem prodatum, derelictum, captum, vinculis constrictum, & ad tribunalia Anna & Caipha raptatum, ibidem indignissimis injuriarum & contumeliarum modis saturatum, blasphemiae damnatum, reum mortis uno omnium Pontificum, Sacerdotum, Legisque-Doctorum, ore, & decreto pronuntiarum. Simul etiam eundem intuebitur oculo fidei ad interiora Iesu pertingente, eundem iudicem coram reis, discretorem & scrutatorem cordium inter hypocritas impios, ultorem & vindicem omnis non blasphemiae tantum, sed absolute cujuscunque iniquitatis, Sanctum Sanctorum, & Candorem Lucis aeternae, iustitiamque omnem impium iustificantem, quicumque illi sese subdere voluerit, & subdendi datam sibi ab eo gratiam & voluntatem non abjecerit. Ex quibus utrisque, discet Anima, brachiis fidei, spei, charitatisque suae, intus complecti Christum suum, discet gratias agere corde, voce, & imprimis opere, Christi Majestati, in tanta sepulchrae, suae causae, opprobriorum, & indignitatum enormitate. Discet respicere, timere, revereri, atque demereri Iudicem suum olim futurum, cujus causam veluti impii advertit ab impiissimis iudicari, discet explere honoribus, & aequare laudibus conari, atque studere eum, cujus Animam intuetur omnibus inhonorationibus, & contemtionibus inimicorum pro se inundatam, atque prorsus obrutam, & absorptam. Discet in medio impiorum pietatem exhibere, in medio perfidorum veritatem profiteri, in medio nocentium innocentiam servare, in medio hypocritarum dolorosam simplicitatem tenere, in medio persequentium & contradicentium constanter stare: in medio terrentium atque affligentium non timere: in medio inimicorum Dei pro Deo certare, & cum Deo esse.

Item si voluerit Anima fidelis & amans, contemplari infirma Salvatoris sui in Pilati examine, Iudicio, & Decreto, in Herodis festu, ludibrio & contemptu, in comparatione cum Barabba: In flagellatione aequè crudeli ac probrosa, inveniet Christum iudicibus hominibus, à maximis ad minimos, malefactorem, seditiosum, rebellem, laesae Majestatis reum, fatuum, atque stultum, conditione, scelere, supplicio servum, vitam & terram, & nomine etiam, memoriaque inter homines indignum. Rursum autem eundem ipsum Christum suum, quamvis hoc modo plus quam miserabili conditionatum, in interioribus ejus contemplans, reperiet Christum omni potestate

absolutum & maiorem, reperiet testem veritatis, doctoremque, imò ipsissimam veritatem, reperiet Dominum ac Regem supra hunc mundum, reperiet sapientiam, & sapientiæ fontem ex ore Altissimi promanantem, reperiet vestitorem Syderum, Cælorum, terrarum, rerumque omnium, vestimento tam naturæ, quàm gratiæ, quàm gloriæ, reperiet verbum, quod conditi & formati sunt cœli omnisque virtus eorum, verbum virtutis continens omnia, atque stabiliens, reperiet sanitatem & salutem universarum infirmitatum nostrarum, cujus livore nunquam sanati fuisset, nisi prius æternâ charitate dilecti, & miseratione perpetuâ præventi fuisset. Hæc verò utraque, nostri Salvatoris, tam patentia quàm latentia adjuncta, animam considerantem docebunt, Christum suum fide, spe, charitate complecti, stultitiam Christi non erubescere, imò eam propter Christum & ambire, & amplecti; comparari, imò & inferri pefsimis, abjectissimisque, non tantum silenter, sed etiam gaudentes, fieri pauperem usque ad nuditatem, castigari totâ die vitæ præsentis, & pati flagellationes manuum, linguarum, iudiciorum propter Christum, propter virtutem, propter veritatem, propter iustitiam, propter aliena sibi imputata delicta, denique subdi omni creaturæ propter Deum ad usque servilissimam conditionem, in laboribus, in doloribus, in suppliciis, in contemptibus, in contumeliis, in calumniis, in injuriis, in oblivionibus hominum, in ingratitude, in malorum pro bonis exhibitionibus, interim autem, hæc inter omnia obfirmatè silendo, & hæc universa in taciturnitate sepeliendo; ut quod piè patitur dextera, vanè vel amarulentè non clamet sinistra.

Quod si Anima fidelis circumspicere voluerit Christum suum Redemptorem, ludibrio crudeli, & crudelitate ludicrâ coopertum, nimirum in serpo spineo, in chlamide coccinea, cum scepro arundineo, facie concussus simul & consputus, in Regem miseriarum, in virum dolorum, in monarcham contemptuum, in scientem infirmitatem, deformatum: ab universo populo suo abnegatum ad patibulum Crucis, non tantum maximâ clamorum instantiâ, verum etiam suimet suorumque infelicium filiorum jacturâ & perditione, sive ex postulatibus, sive extortum, demumque examinato Præsidis Pilati timore, supplicio, mortique Crucis, & (quod est miserius) voluntatibus inimicorum suorum donatum, traditumque. Si inquam hæc circumspicere in Salvatore Anima fidelis, piaque volue-

rit

rit, sanè nihil ad exaggeratissimas calamitates miseriaeque tanquam
 extremi homuncionis Dei sui desiderabit. Attamen interea laga-
 cissimâ fide, fidetissimâque charitate, in his ipsis calamitatibus ver-
 mis & non Hominis, opprobrii hominum, & abjectionis plebium,
 indagabit, & inveniet Regem in decore suo, cujus vultum deside-
 ret universa terra, & in quem desiderent semper, cessent nunquam,
 Angeli prospicere. Inveniet Dominum excelsum, & elevatum, &
 Majestate gloriae suae terras caelosque replentem: cui adstantia Sera-
 phim Sanctus, Sanctus, Sanctus, incessabiliter decantent. Inveniet
 Dominum regnantem, indutum decorem, indutum fortitudinem,
 atque praecinctum. Inveniet Regem Salomonem, universa in san-
 guine suo pacificantem, redimitum diademate, quo coronavit eum
 Mater sua, in die desponsationis suae, & in die laetitiae cordis ejus.
 Inveniet Filium Dei, non fictitium, neque creatum de nihilo, sed ex
 utero Patris, in splendoribus Sanctorum, atque sanctitatum genitum,
 & unigenitum, eundemque ex semine David, in tempore definito,
 ex virgine factum, & natum. Inveniet fortissimum Deum Sabaoth,
 qui solus habet immortalitatem, potentiam, atque virtutem, cui
 omnis fortitudo creata arundinea est infirmitas. Inveniet Leonem
 Agnum, (nempe Deum Hominem, Verbum carnem) coram quo
 viginti quatuor Seniores, & animalia quatuor sancta procidunt &
 coronas capitum suorum, pedibus ejus advolunt, Seraphim autem
 alis suis faciem ejus velant, decorem & majestatem vultus ejus con-
 tueri non praevalentia. Porro anima contemplans fidei charitate
 hæc tam Infirma, quam Gloriosa Salvatoris sui, habet unde lactetur
 si infanula est, habetque unde solido cibo fortium pascatur, si jam
 idonea est. habet sugere mel de petra, oleum quoque habet de saxo
 durissimo. habet unde suam quidem superbiam, & tumorem vanæ
 mentis confundat, & contundat in ignominis Redemptoris: habet
 unde totam se profundat in exaltationem, atque magnificationem
 ejusdem Majestatis. Habet unde in imas abyssos demergatur pro-
 priæ vilitatis, dum in tanta despectione demiratur Dominum, &
 fontem omnis Dignitatis. Audit inclamantem furiosæ multitudi-
 ni Pilatum, Ecce Homo: sed vicissim reponit auribus omnis crea-
 turæ inclamans, Ecce DEVS. Abhorrescit audiens infernalem
 rabiem dicentium. Sanguis ejus super nos, & super filios nostros;
 & nihilominus adverso, id est, cœlesti spiritu repetit, & expetit, ve-
 niat, & sit sanguis ejus super nos, & super filios nostros in salvatio-
 nem.

Apoc. 4.

4.

Isaia 6.

2.

nem. Agnoscit omnem suam, & quamcunque creatam virtutem, & excellentiam, atque potentiam arundineam prorsus esse, per omnia, nisi à manu Dominica robur, & vegetationem perenniter influentem accipiat. Denique peccatis quidem suis, atque adeo toti sibi ex animo, & ex veritate inclamat assiduò, Tolle, tolle. Crucifige, crucifige: at verò Salvatori suo, Deo, Domino, totis medullis, totisque viribus suis inclamat, & insonat jugiter; *Benedicam Dominum in omni tempore, semper laus ejus in ore meo. Benedic anima mea Domino, & omnia quæ intra me sunt nomini Sancto ejus. Magnificate omnes creatura Dominum mecum, & exaltemus nomen ejus in idipsum.* *Eccl. 43. Quantumcumque potestis, glorificate eum; n.c. deficiatis, superdolebit enim adhuc.*

Quodsi tandem fidelis Anima contemplari voluerit damnatum ad Crucem Iesum, & cum iniquis deputatum, & ipsum sibi bajulantem supplicium suum usque ad mortis dirissimæ locum, cinctum innumerâ multitudine spectatorum, præsertim hostium; felle acetoque potatum, nudatum, aut magis excorticatum, totum tamen Cruore, vulneribusque suis vestitum, in Cruce expansum, ei que admen sum, & affixum, tandem in alto montis vertice, medium latronum constitutum, omnibusque creaturis miserabile, saxis ipsis, rupibusque lachrymabile, solis hostium amarissimorum odiis oculisque desiderabile, & oblectabile spectaculum, virulentissimarum linguarum aculeis, spiculisque, magis, quàm tota fuerit antegressa Passio, ex cruciatum, in extrema, funestaque siti, novercali aceto recreatum, demumque inter omnia miseriarum, dolorum, despretionum, exacerbationum, proscissionum volumina, fluctusque plusquam decumanos, velut in altitudine maris, furentiumque tempestatum vortices demersum: tandem mortuum, sepulchralia omnia, ipsamque etiam sepulturam passum, & ingressum: Nunquid aliquid desiderare poterit Contemplatrix Anima infirmitatum & miseriarum Iesu? Interim tamen per ista omnia forinseca Iesu, quæ impios traxerunt ad contumelias, tormenta, & contemptum, & necem Christi, deveniet ipsa ad intima viscera Misericordiæ, Bonitatis, Charitatis, Iustitiæ, Majestatis, Gratiæ, Gloriæ, Divinitatis, Beatitudinisque ipsius. Inveniet Deum in Christo, & per Christum reconciliantem sibi mundum. Inveniet Dominum regnantem à ligno, & per contemptibile Crucis lignum, atque supplicium ex diluvio peccati, atque mortis eruentem omnem humanam creaturam.

Inve-

Inveniet in rubro mari Passionis Christi, demersos quidem Aegyptios, Salvatos verò Hebraeos. Inveniet in sanguine testamenti ejus eductos in fortitudine vinctos, de lacu, in quo non erat aqua. Inveniet architectum salutis humanæ in medio terræ. Inveniet Aeternum unigenitumque Filium, Patri Aeterno exsolventem pretium Redemptionis nostræ, copiosâ supra omnem modum, supraque omnem lustritæ rigorem redemptione, & quidem non impenso auro, aut argenti, sed pretioso sanguine Agni immaculati profuso. Inveniet supereminentem scientiam charitatis Christi, atque cum omnibus sanctis comprehendet, quæ sit longitudo, & latitudo, quæ sublimitas & profundum salvationis nostræ, & glorificationis DEI, & exaltationis Christi, in Cruce, perque Crucem peractæ. Inveniet illam plenitudinem beneficii DEI & Patris qui dignos nos fecit in partem fortis Sanctorum, in lumine, qui eripuit nos de potestate tenebrarum, & transtulit in Regnum Filii dilectionis suæ, in quo habemus redemptionem & remissionem peccatorum. Inveniet eum, qui est imago Dei invisibilis, primogenitus omnis creatura, quoniam in ipso sunt condita universa, in celo, & in terra, visibilia & invisibilia, sive Throni, sive Dominationes, sive Principatus, sive Potestates; omnia per ipsum, & in ipso creata sunt, & ipse est ante omnes, & omnia in ipso consistant. Inveniet quia ipse est Caput Corporis Ecclesiæ, qui est Principium, primogenitus ex mortuis, ut sit in omnibus ipse primum tenens. Quia in ipso complacuit omnem plenitudinem inhabitare, & per eum reconciliare omnia in ipsum, pacificans per sanguinem Crucis ejus, sive quæ in celis, sive quæ in terris sunt. Inveniet ad extremum, Mysterium, quod absconditum fuit, à sæculis, & generationibus, nunc autem in crucifixio Salvatoris, manifestatum est. Sanctis ejus, quibus DEVS voluit notas facere divitias gloriæ Sacramenti hujus, quod est Christus; spes gloriæ. Ista omnia inveniet & degustabit fidelis Anima in Cruce, & Morte. & sanguine, & vulneribus, & opprobriis Christi Crucifixi, procedens ab exterioribus infirmitatibus ejus, ad interiores & inenarrabiles divitias gloriæ ac virtutis ejus, per illuminatos oculos cordis sui: quibus & cognoscit, quæ sit spes vocationis, agnitionis ejus, & quæ divitiæ gloriæ hereditatis ejus in Sanctis, & quæ sit supereminentis magnitudo virtutis ejus in nos, qui credimus secundum operationem potentie virtutis ejus, quam operatus est in Christo, suscitans illum à mortuis, & constituens ad dexteram suam in caelestibus, supra omnem principatum, potestatem, & virtutem, & dominationem, & omne nomen,

Colos. 1.

12.

Ibid. 1.

15.

Ibid. 1.

18.

Ibid. 1.

26.

Ephes. 1.

18.

Coloss. 1.
28.

men, quod nominatur, non solum in hoc seculo, sed etiam in futuro. Ex quibus omnibus corripitur & docetur in omni sapientia, exhibeturque perfecta in Christo IESU. Etenim parum foret omni Animæ, siue intueri exteriores miseras Christi Crucifixi, siue contemplari interiores Divitias Divinitatis ejus in Cruce absconditas, nisi simul etiâ ipsa recipiat in sese imaginem, & similitudinem, & amorem, & gustum, & virtutem, & Possessionem Crucis ejus in ipso, ut absit ei gloriari in ullo penitus, præterquam in Cruce Domini nostri IESU Christi, transformeturque in eum ipsum, & configatur, conformeturque cruci ejus, in omnibus, & per omnia. Ipsi gloria in secula sæculorum.

M O D V S LXVII.

Sexagesimus septimus Modus Passionem Domini nostri meditari esse potest, per recogitationem, allegationem, exprobrationem piam atque devotam ipsimet Domino IESU, omnium earum indignitatum, quas ipse, siue in omni vita, siue potissimum in Passione & Morte sua pro nobis dignantur sibi subire, sequi illis, & (ut ait Tertullianus) eorum patientiâ saginare volunt. Collaudando interim Christum, compatiendo ei, gratias exhibendo ipsi, appetendo similia perpeti, & offerendo ac preparando nosmet ad consimilia toleranda cum ipso, pro ipso, tenerâ quâdam devotione, atque devotâ teneritudine cordis, veluti exprobrando hæc indigna Christo, re autem verâ illum tenerrimè laudando, & exaltando, in istis, & propter ista, atque adeo per ipsa ista, allegando ea tanquam argumenta petitionum nostrarum pro nobis, proque aliis, à Christo Domino obtinendarum.

Vixit Cracoviæ in Polonia ante annos non ita multos Virgo nomine Susanna, illustri, sed hæreticâ labe infecto genere, orta. Hæc cum fidem Catholicam amplexa esset, neque ullis artibus propinquorum suorum ab ea abduci posset, deserta, spreta, & omnibus mundi subsidii destituta, inter summæ paupertatis, omnisque austerioris vitæ arumnas, in obsequio divino ferventissima constantissimaque ad mortem perseveravit. Vix ulli mortalium cognita, inter absconditos Christi sponsi thesauros secreta, quia in humilitatis agro sepulta delituit, tantò uberius interioribus divitiis à Domino Deo suo cumulata, quantò minùs vulgo nota, quantò amplius soli & uni poene Deo & perspecta, & complacita existit. Texere plenior

niorem de ejus virginis virtutibus, ceterisque divinis muneribus narrationem, hujus neque loci, neque propositi est. Quod meo servit, proposito id refero. Ejus scilicet esse modum hunc, Passionem Domini meditandi, cumque Domino Passio & Crucifixo agendi, & causas suas tractandi, quem in presenti, & jam retuli, & uberius propriarum animarum vel solatio, vel eruditione, refero. Narrant ergo (qui noverant) virginem hanc, familiarem hujusmodi orandi Christum, & agendi cum Christo modum usurpasse. Accedebat ad Crucifixi Salvatoris imaginem (& in specie ad illam, quæ in templo Cathedrali Castri Cracoviensis prope Sacrarium prostat, antiquitusque multâ hominum veneratione colitur, & Beata Hedvigi Poloniæ quondam Regina locuta miraculosè perhibetur) coram illa, in genua provoluta, aut certè humi confidens, in eum denique deveniebat orandi modum, ut reverentissimâ, tenerrimâ, devotissimâque simul audaciâ enumeraret, & velut objectaret, exprobraret, improperearetque vocibus, atque nominibus seu compellationibus Christo Domino, quæ ille pro nostra salute dignantissimè ab inimicis potissimum suis oggesta, aut etiam ex conditione humili, quam inter nos tenuit, adnatâ facere. Eum itaque alloquens agebat. O Tu seductor, & impostor. Tu Pseudopropheta, Tu Blaspheme, Tu seditiose, Tu Regnum ambitione quærens, Tu ad columnam manu & loris carnificum ligate, & verberate, Tu conspue, & vultu sordide, Tu patibulo addicte, archilatro, Tu Potator vini, Tu Peccatorum, & Publicanorum Conviva, Amice, Sodalis, Tu demonium habens, Tu insane & in furorem verse. &c. His similibusque titulis velut insignibus encomiis, sive memoriâ de scripturis, sive mentis piæ affectibus suggerentibus, Christum cum satis appellitasset, effundebatur in pias tum lachrymas, exterius, tum laudes, amores, gratias, postulationes, obsecrationesque interius: suorum plerumque votorum facta compos, quæcunque tam piis sarcasms condita Christo proposuisset.

Arbitror non defuturos inter pios devotosque Christi Passi cultores, amatores, oratoresque, quibus hic Modus cum Deo suo agendi interdum saltem arridebit. His proinde, ut pro modulo meo subserviam, contexo uberiorem talem Domini Nostri Iesv Christi pro nobis Passi, encomiorum indiculum, quem recolens tenera pietas, devotaque sese, & si fortè non planè satiare, at saltem refovere possit.

1. Conceptionem obscuram
& patre suspectam habens.
2. A publico diversorio ex-
cluse.
3. In stabulo nate, puer, in-
fans.
4. In Præsepio reclinate.
5. Pannis involute.
6. Fugâ nocturnâ Herodis fu-
tori elapse.
7. Circumcisionis stigmate
notate.
8. Nazarene.
9. Subdite putato Patri, &
Matri homini.
10. Inter peccatores baptismo
pœnitentiæ ablute.
11. Famem, esuriemque pa-
ciens.
12. Tentate à diabolo.
13. Ab eodem gestate.
14. Fatigate itineribus.
15. Non recepte à civitatibus.
16. Timide, & latibula quæri-
tans.
17. Mendicans aquam ad bi-
bendum.
18. Novam doctrinam disse-
minans.

19. Phan

Ioseph cum esset vir justus, &
nollet eam traducere. *Mat. 1. 19.*
Non erat eis locus in diversor-
io. *Luc. 2. 7.*

Invenietis Infantem, positum
in Præsepio. *Luc. 2. 12.*

Reclinavit eum in Præsepio.

Pannis involutum. *Luc. 2. 12.*

Surge, & tuge in Ægyptum:
futurū est enim, ut Herodes quæ-
rat puerum. *Matth. 2. 13.*

Cū completi sunt dies octo,
ut circumcideretur. *Luc. 2. 21.*

Habitavit in Nazareth, quoniā
Nazareus vocabitur. *Mat. 2. 23.*

A Nazareth potest aliquid bo-
ni esse? *Ioan. 1. 46.*

Et erat subditus illis. *Luc. 2. 51.*

Venit Iesus in Iordanem ad
Ioannē, ut baptizaretur. *Mat. 3. 13.*

Cū jejunasset quadraginta die-
bus, & noctibus, esuriit. *Mat. 3. 13.*

Et accedens tentator dixit, si
Filius Dei es. *Ibid. 43.*

Tunc assumpsit eum diabo-
lus. *Ibid. 4. 5.*

Iesus autem fatigatus ex iti-
nere, sedebat sic. *Ioan. 6.*

Et non receperunt eum, quia
facies ejus erat euntis in Ierusa-
lem. *Luc. 9. 53.*

Iesus autem exivit de templo,
& abscondit se. *Ioan. 8. 59.*

Mulier, da mihi bibere. *Ioan.*
4. 7.

Quenam est doctrina hæc no-
ta? *Mar. 1. 82.*

Eki-

19. Phantasma.

Existimârunt eum phantasma
esse. *Mar. 6. 49.*

20. In furorem versè, & li-
gande.

Voluerunt ligare eum dicen-
tes, quia in furorem versûs est.

Mar. 3. 21.

21. Insane.

Insanit iste: quid eum auditis.

Ioan. 10. 20.

22. De quo nescitur, unde
sit.

Hunc nescimus unde sit. *Ioan.*

9. 29.

23. Nihil boni.

Vnde es Tu? *Ioan. 19. 9.*

A Nazareth potest aliquid bo-
ni esse? *Ioan. 1. 46.*

24. Daemonium habens.

Nonne benedicimus nos quia
dæmonium habes. *Ioan. 8. 48. 52.*

25. Samaritane.

Et Samaritanus es. *Ioan. 8.*

48.

1. Cujus testimoniûm non est
verum.

Tu de te ipso testimoniûm per-
hibes, & testimoniûm tuum non
est verum. *Ioan. 8. 13.*

2. Homo faciens te ipsum
DEVM.

Tu homo cum sis, facis te ipsum
DEVM. *Ioan. 10. 33.*

3. Lapidibus appetite.

Tulerunt ergo lapides, ut ja-
cerent in eum. *Ioan. 8. 59.*

4. Homo non à Deo.

Non est hic homo à Deo, qui
Sabbatum non custodit. *Ioan. 9.*

16.

5. In quem nemo ex Principi-
bus credidit.

Nunquid aliquis ex Principi-
bus credidit in eum? *Ioan. 7.*

48.

6. Seducens turbas.

Alii dicebant quia bonus est,
alii autem quia non; sed seducit
turbas. *Ioann. 7. 12.*

7. Cum Publicanis & pecca-
toribus manducans.

Quare cum Publicanis & pec-
catoribus manducat & bibit, Ma-
gister vester. *Matth. 9. 11.*

8. E Synagoga ejecte & Civi-
tate.

Ejecerunt eum extra Civi-
tatem. *Luc. 4. 29.*

Duxo-

9. Precipitande de montis supercilio.

10. Tradite gentibus ad illudendum.

11. Lachrymans.

12. Filius hominis.

13. Tributis serviens.

14. Ascendens super asinam, & pullum ejus.

15. Peccator.

16. Mendicus & pauper.

17. Vermis, & non homo.

18. Opprobrium hominum, & abjectio plebis.

19. Filius fabri.

20. Faber.

21. Filius MARIE.

22. Quem Herodes quæsit interficere.

23. Pauperior vulpibus & avibus.

24. Non habens ubi caput reclines.

25. In Beelzebub ejiciens demonia.

26. Blaspheme.

Duxerunt ad supercilium montis, ut precipitarent eum. *Luc. 4. 29.*

Tradent enim eum gentibus, ad illudendum, flagellandum. *Matth. 20. 19.*

Et lachrymatus est IESVS. *Ioan. 11. 35.*

Quem dicunt homines esse filium hominis? *Matth. 16. 13.*

Da illis pro me, & pro te. *Matth. 17. 23.*

Ecce Rex tuus venit tibi, sedens super asinam. *Matth. 21. 5.*

Nos scimus, quia hic homo peccator est. *Ioan. 9. 24.*

Ego autem mendicus sum & pauper. *Psal. 39. 18.*

Ego autem sum vermis, & non homo. *Psal. 21. 7.*

Opprobrium hominum, & abjectio plebis. *Ibidem.*

Nonne hic est fabri filius, filius Ioseph. *Ioann. 6. 42.*

Faber. *Marci 6. 3.*

Et filius MARIE. *Ibidem.*

Exi hinc, quia Herodes quærit te interficere. *Luc. 13. 31.*

Vulpes foveas habent, volucres cœli nidus. *Luc. 9. 58.*

Filius autem hominis non habet, ubi caput suum reclinet. *Id.*

In Principe Beelzebub ejicit demonia. *Matth. 12. 24.*

Hic blasphematur. Blasphemavit. *Matth. 9. 34. 26. 65.*

2. Amice Publicanorum. *Amicus Publicanorum. Luc.*
3. Amice Proditoris Iudæ. *7. 34. Amice ad quid venisti? Mar. 16. 50.*
4. Tanquam latro comprehense. *Tanquam ad latronem existis cum gladiis. Matt. 26. 55.*
5. Suspecte de doctrina. *Interrogavit eum de doctrina. Ioan. 18. 19.*
6. Vorax, & Potator vini. *Venit filius hominis manducans & bibens, & dicunt vorax & Potator vini. Matt. 11. 19.*
7. Valis merces, vilissimi pretii. *Quid vultis mihi dare, & ego vobis eum tradam? at illi constituerunt ei triginta argenteos. Mar. 26. 15.*
8. Deserte & dereliste à tuis. *Discipuli relicto eo, fugerunt omnes. Matth. 26. 56.*
9. Cum iuramento, anathemate, & detestatione, abnegate. *Tunc coepit detestari, & jurare, & anathematizare. Matth. 26. 74. Marci 14. 71.*
10. Blasphemiae in DEVM convicte. *Quid adhuc desideramus testes: audistis blasphemiam. Mar. 14. 63.*
11. Reus mortis ab universo concilio pronuntiate. *Qui omnes condemnaverunt eum esse reum mortis. Ibid. V. 64.*
12. Pseudopropheta. *Prophetisa nobis Christe, quis est, qui te percussit. Mar. 26. 68.*
13. Cujus vultus, consputationis locus. *Tunc expuerunt in faciem ejus. Ibid. V. 67.*
14. Malefactor publice & notorie. *Si hic non esset malefactor, non tibi tradidissemus eum. Ioan. 18. 30.*
15. Pejor seditioso homicida, latrone Barabba. *Non hunc; sed Barabbam dimitte; erat autem Barabbas latro. Ibid. V. 40.*
16. Ad flagella nudate & flagellis serviliter caste. *Tunc apprehendit Pilatus IESVM, & flagellavit. Ioan. 19. 1.*

17. Fatue, insane, illuse fatuorum veste, & sprete.

18. Rex spinee, arundinee, derise, consputate.

19. Iuridicè abnegate ab universa gente tua.

20. Indigne homine & appellatione.

21. Daminate ad mortem.

22. Tradite voluntati inimicorum.

23. Ecce Homo.

24. Bajulator proprii patibuli, ad locum supplicii.

25. A turbis ad supplicium deducte.

1. Crucifixe & in ligno suspense.

2. Inter latrones velut Archilatro Crucifixe.

3. IESVS Nazarenus Rex Iudeorum.

4. In Cruce derise.

5. Impotens ad salvandum se.

6. A latronibus con crucifixis improperate.

7. Fru-

Sprevit eum Herodes, & illum veste albâ remisit. *Luce 23. 11.*

Milites coronam spineam imposuerunt capiti ejus. *Ioan. 19. 2.*

Quem vos negastis ante faciem Pilati. *Act. 3. 13.*

Non hunc; tolle, crucifige hunc, & dimitte nobis Barabbam. *Luce 23. 18.*

Pilatus adjudicavit eum, petitioni ipsorum. *Luce 23. 24.*

IESVM verò, tradidit voluntati eorum. *Ibid. V. 25.*

Exivit ergo IESVS portans coronam, &c. Ecce homo. *Ioan. 19. 5.*

Et bajulans sibi Crucem exivit. *Ibid. V. 17.*

Sequebatur autem eum multa turba populi. *Luce 23. 17.*

Crucifixerunt eum. *Ioan. 19. 18.*

Et cum eo alios duos; hinc, & hinc. *Ibid.*

Scriptis autem & titulum Pilatus, & posuit super crucem. *Ibid. V. 19.*

Et stabat populus, & deridebant eum Principes cum eis. *Luce 23. 35.*

Alios salvos fecit, se ipsum non potest. *Matth. 27. 42.*

Id ipsum autem & latrones qui crucifixi erant cum eo, improperabant ei. *Ibid. V. 44.*

Con-

7. Frustra in DEO confise. Confidit in DEO, liberet nunc
si vult eum. *Ibid. V. 43.*
8. Falsè DEVS seu Deaster, arrogatorque Deitatis. Dixit enim quia Filius DEI
sum. *Ibidem.*
9. Derelictè a DEO. DEVS DEVS meus ut quid dere-
liquisti me. *Matth. 27. 48.*
10. Siciens, & in sui acetò po- Dicit, Sitio. Vas ergo positum
erat aceto plenum. *Ioann. 9.*
11. Vestibus spoliato, & nudus 29. Milites acceperunt vestimenta
pendens in cruce. ejus. *Ibid. V. 23.*
12. Super quem hostes move- Prætereuntes blasphemabant
runt capita sua, illudentes eum: moventes capita sua. *Mar-*
ci 15. 29.
13. Frustra præsumēs destruc- Vah! qui destruis templum
re reedificareque templum DEI. Dei, & in triduo reedificas. *Mat.*
27. 40.
14. Inclinato capite mortue. Et inclinato capite, tradidit
Spiritus. *Ioann. 19. 30.*
15. Cadaver. Viderunt eum jam mortuū.
Ibidem V. 33.
16. Lanceā transfixe per la- Vnus militum lanceā latus ejus
tus. aperuit. *Ibid. V. 34.*
17. Alienā misericordiā ad se- Accessit ad Pilatum, & petit
pulturam curate. Corpus JE SV. *Luca 23. 53.*
18. Alieno sepulchro condi- Posuit corpus in monumento
te. suo novo. *Matth. 27. 60.*
19. Extra Civitatem Sanctam Ejecerunt eum extra vineam
ejecte. & occiderunt. *Matth. 21. 39.*
20. Erase cum nomine ipso Eradamus eum de terra viven-
de terra viventium. tium, & nomen ejus non memo-
retur amplius. *Hieronym. 11.*
19.
21. Peccatum. Eum qui non noverat pecca-
tum, pro nobis peccatum fecit.
2. Corins. 5. 21.
22. Maledictè. Maledictus omnis qui pendet
in ligno. *Gal. 3. 13.*

23. Maledictum.

Factus est pro nobis maledictum. *Gal. 3. 13.*

24. Scandalifator. Scandalum.

Audito verbo hoc, scandalifati sunt. *Matth. 23. 12.*Et scandalifabantur in illo. *Marci 6. 3.*Et Beatus, qui non fuerit scandalifatus in me. *Matth. 11. 6.*

25. Seducitor.

Recordati sumus, quia seductor ille dixit. *Matth. 27.*

O JESU talis propter me, talis mihi carissime. Miserere mei, sicut potes, scis, & vis, propter dignationes & abjectiones istas tuas, secundum voluntatem tuam, propter Dignitatem tuam. &c.

Habes Lector Centum ejusmodi titulos, in quatuor classes divisos: eis secundum pietatem cordis tui utere, & in abjectionibus Domini tui gloriare, morare, vive. Ex eis veluti ex fodinis metalla pretiosa erue. Divinae Laudationis, Miserationis, Charitatis, Exaltationis; tuæ verò humiliationis, mansuetudinis, patientiæ, orationis, atque postulationis, protectionis etiam, fiducia, & consolationis. Quod enim Augustinus de uno seductoris titulo, ab hostibus Christo imposito dixit. [Dixerant Iudei Pilato, Domine recordati sumus, quia seductor ille. Hoc appellabatur nomine Dominus IESVS

Christus, ad solatium servorum suorum, quando dicuntur seductores. Idem de omni alio titulo, qui Christo impositus sit injuriosè, aut humiliatoriè, & sentiri, & dici potest. Neque enim servus est major Domino suo, sed sufficit ei, si sit sicut Magister ejus. Et verò clarè id denuntiat Dominus ipse noster nobis. Si Patremfamilias Beelzebub vocaverunt, quanto magis domesticos ejus? Quæ conditio usque adeò non est defugienda imitatoribus & servis Christi, ut etiam sit inter insignia, atque decora reputanda: dicente Petro Apostolo, atque monente. Charissimi nolite peregrinari in seruire, (zelo & stuentes in tribulationibus, aut opprobriis irrogatis vobis) qui ad tentationem (impatientiæ, aut vindictæ, aut dejectionis) vobis sit, quasi novi aliquid vobis contingat, & indebiti. Sed communicantes Christi passionibus, (titulis, opprobriis) gaudete, ut & in revelatione gloria ejus gaudeatis exultantes. Si exprobramini in nomine Christi, beati eritis; quoniam quod est honoris, gloria, & virtutis DEI, & qui est eius

Aug. in
Psal. 63.
V. 3.

Mat. 10.
25.

1. Pet. 4.
12.

est eius Spiritus, super vos requiescit. Idque est quod Paulus in Moysē summopere commendat, quod maiores divitias estimavit thesauro Ægyptiorum, impropriū Christi. Neque dubitat ex hoc ipso capite gloriationem, consolationemque suam desumere David, dicens Dominō. Opprobria exprobrantium tibi, ceciderunt super me! quod David fecit Personā, Spiritu, sensuque ipse Christi, attestante Paulo. Christus non sibi placuit, sed sicut scriptum est, impropria improprium tibi, ceciderunt super me. Quaecunque enim scripta sunt, ad nostram doctrinam scripta sunt, ut per patientiam & consolationem scripturarum spem habeamus.

Hebr. 11.

26.

Psal. 68:

10.

Rom. 15.

3.

M O D V S LXVIII.

SEXAGESIMUS OCTAVUS Modus meditandi Passionem Domini Nostri esse potest, per Comparationem ipsius Domini Nostri Passionis, atque Patientis, & nos ad sui in Passione & Humilitate imitationem invitantis, cum Diaboli inimicitiam Christi, quam nostri superbiā & elatione, perque superbiam & elationem suam nos quoque ad omnem, Christo Patienti, & Humili contrarietatem, quā verbis; quā exemplis inducentis. Habet hunc Modum meditandi Gregorius Magnus, quem ejus verbis hīc proposuisse sufficiens Paradigma erit. Sic igitur ille.

Lib. 34.

moral.

c. 18. n.

22.

Ad hoc Unigenitus DEI Filius formam infirmitatis nostræ suscepit, ad hoc invisibilis, non solum visibilis, sed etiam despectus apparuit, ad hoc contumeliarum ludibria, irrisionum opprobria, passionumque tormenta toleravit, ut superbum non esse hominem doceret humilis DEVS. Quanta ergo Humilitatis virtus est, propter quam solam veraciter edocendam, is qui sine estimatione Magnus est, usque ad Passionem factus est parvus? Quia enim originem perditioni nostræ superbia præbuit diaboli, instrumentum redemptionis nostræ, inventa est Humilitas DEI. Hostis quippe noster magnus inter omnia conditus, videri voluit super omnia elatus: Redemptor autem noster, Magnus manens super omnia, fieri inter omnia dignatus est parvus. Sed melius elationis causam detegimus, & humilitatis fundamenta aperimus, si brevi commemoratione perstringimus, quid mortis author, quid vitæ conditor dicat: ille namque ait: In cælum ascendam: iste autem per Prophetam dicit: repleta est malis anima mea, & vita mea inferno appropinquavit: ille dicit: super astra cœli exaltabo, solium meum: iste hu-

mano generi e Paradyſi ſedibus expulſo, dicit. Ecce venio cito, & habitabo in medio tui. Ille dicit. Sedebo in monte teſtamenti in lateribus Aquilonis. Iſte dicit. Ego ſum vermis & non homo, opprobrium hominis & abjeſtio plebis. Ille dicit. Ascendam ſuper altitudinem nubium, & ſimilis ero Altiffimo. Iſte cum in forma Dei eſſet non rapinam arbitratus eſſe ſe æqualem Deo, ſed ſemetipſum exinanivit formam ſervi accipiens, & per membra ſua loquitur dicens. Domine quis ſimilis tibi? Ille per membra ſua loquitur dicens. Nefcio Dominum, & Iſrael non dimittam: Iſte per ſemetipſum dicit. Si dixero quia non novi eum, ero ſimilis vobis mendax, ſed novi eum, & ſermonem ejus ſervo. Ille dicit. Mea ſunt flumina, & ego feci ea. Iſte dicit. Non poſſum à me ipſe facere quidquam. Et ruruſum. Pater meus, in me manens, ipſe facit opera. Ille regna omnia oſtendens dicit: Tibi dabo poteſtatem hanc univerſam, & gloriam eorum: quia mihi tradita ſunt, & cui volo do illa. Iſte dicit. Calicem quidem meum bibetis: ſedere autem ad dexteram vel ſiniſtram meam, non eſt meum dare vobis, ſed quibus paratum eſt à Patre meo. Ille dicit. Eritis ſicut Dii ſcientes bonum & malum. Iſte dicit. Non eſt veſtrum noſſe tempora vel momenta, quæ Pater poſuit in ſua poteſtate. Ille, ut voluntas Dei deſpici, & ut poſſit propria ſvaderi, dicit. Cur præcepit vobis Deus, ut non comederetis ex omni ligno paradyſi? & paulo poſt. Scit enim Deus, quod in quacunque die comederetis ex eo, aperientur oculi veſtri. Iſte dicit: Non quaero voluntatem meam: ſed voluntatem ejus, qui miſit me. Ille per membra ſua loquitur dicens, nullum pratum ſic, quod non pertranſeat luxuria noſtra, coronemus nos roſis, antequam marceſcant, ubique relinquamus ſigna lætitiæ noſtræ. Iſte membris ſuis pronuntiat dicens: Plorabitis & flebitis vos, mundus autem gaudebit. Ille nihil aliud mentes ſibi ſubditas docet, quàm cellitudinis culmen appetere, cuncta æqualia timore mentis tranſcendere, ſocietatem hominum omnium, altæ elatione tranſire, ac ſeſe contra potentiam Conditoris erigere, ſicut de illis per Pſalmiſtam dicitur. Tranſierunt in diſpoſitionem cordis, cogitaverunt & locuti ſunt nequitias, iniquitatem in excelſo locuti ſunt. Iſte ad ſputa, ad palmas, ad Colaphos, ad ſpineam coronam, ad crucem, ad lanceam atque mortem veniens, membra ſua admonet dicens: ſiquis mihi miniſtrat, me ſequatur. Quia igitur Redemptor noſter regit corda humilium, & Leviathan iſte rex dicitur ſuperborum, apertè cognovi-

mus,

mus, quod evidentissimum reproborum signum superbia est. at
 contra. *Humilitas electorum.* Hucusque Gregorius singulari con-
 trapositione, diaboli quidem in superbia perversitatem, Christi verò
 in Passionis humilitate rectitudinem meditationi subiecit. Cujus
 ad instar facile erit, meditando dispicere, quomodo idem Dominus
 Noster Iesus Christus, per Passionem suam docuerit nos, Obedien-
 tiam, Patientiam, Mansuetudinem, Charitatem sive in Deum, sive
 in Proximum Constantiam, Longanimitatem, Animi Magnitudi-
 nem, Mundi & nostri ipsorum contemptum, Mortificationem,
 Perseverantiam, ceterasque omnes virtutes & perfectiones, quibus
 ab ipso jam Paradyso diabolus propinaverat omnem scelerum viru-
 lentiam, puta Rebellionem, Inobedientiam, Impatientiam, Dei &
 & Proximi Contemptum, Mendacium, Levitatem & Mollitiem,
 tam Carnis quam Mentis, Invidiam, Gulam, omnemque sensuum
 indulgentiam. Quo ex genere meditationis devota mens, tum plu-
 rimas alias utilitates percipiet, tum illam inter has, quas idem Gre-
 gorius eodem loco suæ jam adductæ meditationi subjungit, his ver-
 bis. *Cum ergo quam quisque (virtutem Christi, aut malitiam diabo-
 li) habeat, cognoscitur, sub quo Rege, (Christo an diabolo) militet inve-
 niatur. Unusquisque enim, quasi quendam titulum portat operis, que-
 facillè ostendat, sub cuius servitute potestate Reſtoris.*

M O D V S . LXIX.

SEXAGESIMUS nonus Modus meditandi Passionem Domini esse po-
 test, disceptationem cum Christo Domino instituendo de jure,
 quod ad Passionem habeat Christus, & Homo, & evincendo, sibi
 quidem jus ad patiendum omne penitus suppetere, atque adeò in-
 cumbere, à Christo verò illud omnino alienum esse. venit in mentem
 modus hic Sancto Bonaventuræ, qui quodam in loco piam hanc de-
 votamque litem movet Redemptori: contenditque & planè evincit,
 sibi quidem omni juris & debiti obligatione, debitam esse omnem
 quam Christus subiit, sibi que arrogavit Passionem: Ipsi verò Chri-
 sto nullo jure debitam, imò potius omni jure indebitam fuisse. Mi-
 rabilis per omnem modum, & digna seraphico Contemplatore co-
 gitatio: cujus intima si quis rimetur: nihil in ea deesse ad humilita-
 tem humiliationemque hominis, nihil ad exaltationem Redempto-
 ris: Nihil ad viscerosum Amorem, nostri nimii & excessivi Amato-
 ris, nihil ad irrefragabile efficacissimumque Christi in sua Passione

imitandi, atque adeò amulandi incitamentum deesse reperiet.

Statuamus enim in medio, universam Dominicæ Passionis congeriem, & cui demum ea subeunda sit, Christone, an Homini culibet, inquiramus: nonne omnino citra dubitationem, aut longiorem inquisitionem respondebit Humanum Genus universum, decernetq; illâ pii Latronis voce. *Nos quidem iuste: nam digna factis recipimus, hic autem quid fecit? vel illa Præsidis Pilati, Iudaicum furorem, Christum ad Crucem efflagitantem, retundentis. Quid enim mali fecit? Nullam invenio mortis in eo causam.*

Nam quomodo, quove jure, quodque supplicium, injuria, tormentum, despectio, contumelia, dolor, cruciatus, vulneratio, mors, debebatur Personæ usquequaque Innocentissimæ, Iustissimæ, Sanctissimæ, Religiosissimæ, Beneficentissimæ in omnes, Dignissimæ super omnes, Dominæ Dominatricique omnium, potentia absolutâ, & omni potestate super omnia præditæ; denique Divinæ, atque adeò ipsimet veræ & summo Deo? utique nulla potest habere hic locum vindicta & punitio, ubi non tantum nulla culpa, nullum delictum, nullus error, malicia nulla, dolus nullus, intervenire potest: sed etiam potius ubi quidquid placet æquitas est, & eo quidem solo æquitas est, quia sic huic tali Personæ placet: ut pote quia ita tali voluntati atque Personæ placet, cujus velle est Lex, & omnis legis fons, omnis æqui, recti, & iusti regula, omniumque causarum, rationum, disquisitionum silentium. Qualis Persona, cum Dominus noster JESVS Christus sit, quo illi jure poenæ, supplicia, despectiones, tormenta, vulnera, dolores, cruces ullæ, vel deberi, vel inferri potuere? & non potius omnis & summus cultus, omnis glorificatio, omnis honor, amor, veneratio, exaltatio, benedictio, dilectio, æstimatio, subjectio, & obedientia, ab omnibus, & singulis tam hominibus, quàm creaturis competeat? Quid igitur Christo cum vinculis, quid cum carceribus, quid cum specie rei, malefici, & impii: quid cum accusationibus, quid cum Iudicum Præsidumve sublelliis, quid cum examinationibus, testibus, scrutiniis? quid cum correptione, quid cum suppliciis, cum flagellationibus, cum percussionibus, plagis, livoribus, vulnerationibus? Quid cum postulationibus ad mortem, quid cum damnatione, & ad Crucis supplicium addictione, quid cum deputatione cum impiis, cum societate latronum? Quid cum bajulatione proprii patibuli ad locum supplicii? quid cum morte, mortisque genere solis sceleratissimis debito? Attamen

men hæc omnia, & quidquid his immanius probrosiusque excogitare furor Judæorum, atque demonum potuit, Christus DEVS noster non solum perpeſſus eſt, verum etiam habitu, & ſpecie, & titulo, nomineque publicè ſceſſeratiffimi rei, convictiffimi, conteſtatiſſimique latronis, ſeditioſi, rebellis, blaſphemi, impii, læſæ majeſtatis in Cæſarem, in DEVM, comperti, totiusque Judææ gentis à ſummis Poſtificibus, Sacerdotibus, Legisperitis, & Doloribus, uſque ad infimam plebeculam, ſuffragiis, unaque communi & ſententiâ, & voce condemnatiſſimi, demumque ſententiâ & decreto, ſupremi Præſidis, Proconſulisque Romani addicti, inque manus carnificum ex lege & forma traditi? Quo quidnam iniquius, & injuſtius, inſolentiusque inveniat humana cogitatio, planè ignoro.

Iam autem ex parte altera, quomodo, & quo jure, & quodnam non debeat ſupplicium, pœna, deſpectus, illuſio, cædes, crux, mors, ſive hominum multitudini univerſæ, ſive homini ſpeciali, quæ naturâ filius eſt iræ, mortis & gehennæ; naturâ, pabulum ſupplicii infernalis; homini, prius juſtiſſimo Dei judicio damnato quàm nato; homini, qui non prius in rerum naturam prodire, quàm ſimul ſceleſtus, rebellis, raptor, fugitivus, proditor, & perditus potuit eſſe? Homini Majeſtatis Divinæ læſæ, contemptæ reo? Homini prævaricatori, & tranſgreſſori Divinæ voluntatis, & omnis legis. Homini conculcatori Authoritatis, Majeſtatis, Dignitatis Dei. Homini ſuperbo in Deum, ingrato in Conditorem, contumaci in Dominum, rebeli in Regem, everſori omnis æquitatis, pietatis, ſubjectionis, modetiæ, juris. Homini furi & interverſori univerſæ Gloriæ Divinæ. Homini apoſtata & tranſfugæ à legitimo ſuo Principe, ad tyrannum, ad hoſtem, ad rebellem Deo diabolum. Homini demum (ut verbo concludam) totius univerſi pertubatori, totius boni inimico, totius veri hoſti, omnis impietatis amico, omnium ſcelorum conceptaculo, omnium malitiarum authori, reo, convicto, damnato. Quæ huic homini cruceſ ſatis ſint? quæ illius improbitati condigna ſupplicia? quid acerbitati & vindictæ indebitum? quid infernalium pœnarum, atque æternarum damnationum non accumulandum, exaggerandumque?

Nunc igitur Domine mi Ieſu, Deus meus, & Rex meus, ſte mus ſimul. Narra ſi quid habes culpæ, propter quam patiaris, non tanta ſolum, ſed vel quælibet minutiffima: tu quidem peccatum non feciſti, nec dolus inventus eſt in ore tuo, plenus gratiâ & verita-

te, Sanctus Dei. At verò ego in iniquitatibus conceptus sum, & in peccatis concepit me mater mea. Multiplicata sunt iniquitates meae, super capillos capitis mei: supergressa sunt peccata mea arenam maris: computruerunt cicatrices meae, à facie insipientiae meae; & sicut onus grave gravatae sunt super me. Quid ergo Domine tibi, & Passioni? aut quid mihi, & impunitati? Tunc igitur quae non rapuisti exsolves, ego qui raptor sum, & in flagranti scelere teneor, immunis abibo & illaesus? Tristaberis tu, angustiaaberis, timebis, attediaberis, ego verò latus, solutus, securus, tota facie, & uncto coronatoque capite incedam? Tu deprecaberis supplicium peccatorum meorum, apud tuum amantissimum alioqui Patrem: ego autem interim propriis onustissimus delictis ne quidem Iudicem meum deprecabor? Tu praeter interiore angustia, usque ad sanguinem sudorem pro me agonizabis, ego verò iusti laboris exfors, otio, & desidia in tuis etiam ipsis obsequiis torpescam? Tu Domine osculo proditorio in manus hostium venies, ego autem tui proditoris partes agam? Te captum & vinctum raptabunt, ego & extra vincula ero, & insuper te raptantium socius, aut etiam dux efficiar. &c. Domine Deus meus absque omni refragatione, & suffragantibus mihi omnium aequitatum rationumque sententiis: nihil, nihil omnino tibi, & supplicii istis. Mea est Domine, mea est, sicut omnimoda malitia, atque culpa, sic etiam ultio, sic & vindicta: mea est castigatio, meum odium, mea execratio, & detestatio mihi debita. Quia etiam mea sunt scelera, mea crimina, meae transgressiones, meae iniquitates, meae superbiae, meae concupiscentiae, turpitudines meae, foeditates malitiaeque meae, reatus omnis meus: plenum contra me testimonium dicunt: & me reum esse omnis poena, omnis mortis clamant.

Aut ergo Domine recede à Passionibus tuis nullatenus tibi debita, & per omnia tibi indebitis: aut da mihi quam plenissime tecum communicare de illis? Si enim tibi suffragatur ad patiendum haec omnia sola superficies atque species assumpta peccatoris; magis certe mihi favet ad passionem & supplicia, res ipsa & substantia peccatoris, corpusque peccati, & habitans in me peccatum: propter quod à planta pedis usque ad verticem capitis, non est in me sanitas: non est pax ossibus meis, non est spes, non est modus satisfaciendi aliquando pro malitiis meis. Si Tibi Domine satis est Innocentia tua & Sanctitas, ad perpetuanda omnia tam dira. Multò me magis ad

extrema

extrema omnia sustinenda adigit omnis Impietas, omnisque Injustitia mea. Si Tibi satis est, ad patiendum, juris, à charitate erga me tua: magis me certè obligat ad patiendum, & tibi satisfaciendum, tum universus Iustitiæ rigor, tum obligatio inexplata redamandis. Si ad supplicium Crucis sufficit tibi à Synodo Judæorum conclamatum esse adversum Te, Reus est mortis: vel ab universa multitudine Iudæica vociferatum esse, Tolle, Tolle, Crucifige eum. Sanguis ejus super nos & super filios nostros: vel à timido inconstantiq; Præside adjudicatum te esse petitioni furentium Judæorum, ut crucifigereris: ego igitur magis pati debeo, quem non furor, sed æquitas; non invidia sed justitia; non metus ludicis iniqui, sed rigor Divini judicii, filium mortis atque perditionis pronuntiavit. Si ad Passionem sufficit tibi, quia Pater tuus æternus posuit in te iniquitatem meam, & propter scelus meum percussit te; quanto magis ad me spectat Passio, qui in Patrem tuum cœlestem peccavi, & nimis quidem peccavi; & iniquitatum mearum clamor ascendit usque in cœlum, & terra commota est à facie peccatorum meorum. Denique si satis est causæ tibi ad patiendum, quia Tu pati vis, & quia ita placitum est ante te, ut ponas animam tuam pro ovibus tuis; sufficiat igitur, & longe amplius quàm sufficiat etiam mihi, ad subeundam Passionem tuam, quia & debetür omni jure mihi, & ego mereor illam ex omni origine mea, & tota cœli terræque justitia, id exigit ex me, & exemplum tuum invitat me, & amoris servitus, quæ obligor tibi, ad id cogit me, & hæc est voluntas tua de me, & demum hæc quoque est voluntas mea, quam habeo ex miseratione tua coram te. Exemplum quippe dedisti mihi, sed & præceptum imposuisti mihi, ut Te in carne Passio pro me, ego quoque eadem cogitatione obarmer ad patiendum tecum, & pro te, supplicia tua, Tua inquam, non quia ullatenus tibi debita, sed tua, quia quæ omnibus modis mihi debita erant, mea que per omnem modum erant, Tu fecisti tua perpersionis dignatione, & jussisti, fecisti que meæ esse imitationis æquitate, & condignitate.

Da ergo mihi Domine Jesu, da locum, da partem aliquotam saltem in Passione tua, ex dignatione tua, quoniam in rei veritate, in æquitatis rigore, in Iustitiæ debito, magis illa est mea quàm tua, magis inquam mihi quàm Tibi debita, imò omnimodis mihi, nullatenus autem Tibi debita. Tibi etenim Domine gloria, Tibi laus, Tibi adoratio, Tibi exaltatio, Tibi majestas, Tibi omnis honor, tam

ab ipso Te, quam ab omni creatura: Mihi verò omnis confusio faciei, omnis contemptus, omnis ira, furor, abjectio, derelictio, obli-
vicio, infernus, & æterna damnatio atque perditio. Quid ergo ma-
gnum dabis mihi, etiamsi Passionem tuam dabis, imò reddes, resti-
tuesque mihi, quando adhuc totas inferni pœnas, ex Iustitia debe-
bis mihi?

Sed enim ut tandem finem pertractandi cum Deo meo faciam,
qui sum pulvis & cinis: deest quidem mihi undique Innocentia, ut
cum illa, & ex illa, & pro illa patiar: at non deest iniquitas & mali-
tia, ut pro illa justam supplicium sustineam: deest mihi magna cha-
ritas ut ex illa patiar: at non deest multa & magna peccatorum
meorum enormitas, propter quam patiar: deest mihi Sanctitas, &
Iustitia tua, ut propter illam patiar, at non desunt mihi merita Judæ
& Barabbæ, vel Latronis, ut pro illis patiar. Noli ergo me exclu-
dere à Passione tua, Tu, qui inter latrones medius dignatus es pro me,
proque salute & justificatione mea consummare Passionem tuam.

*Centilo-
qui Par-
te 3.
Sectione
31.*

Liceat hunc Modum meditandi concludere expositione quatuor
conditionum Passionis Dominicæ, quæ illam exaggeratissimam
fuisse evincunt, & observantur alicubi ab eodem Seraphico Dôcto-
re, hisce verbis. Sciendum est, quod Christus assumpsit non tan-
tùm naturam humanam, sed etiam defectus circa naturam huma-
nam. Assumpsit enim pœnalitates corpóales, ut famem, sitim,
lassitudinem; assumpsit & spirituales, ut tristitiam, gemitum, ti-
morem, & dolorem. Nec tamen omnes corporales assumpsit, si-
cut sunt defectus ægritudinum multiformium. Nec omnes spiri-
tuales: sicut sunt ignorantia, & rebellio carnis ad spiritum, & con-
tra. Nec eas qualitercunque assumpsit: quia sic necessitatem pa-
tiendi assumpsit, ut nihil pati posset invité; nec secundum Divini-
tatis voluntatem: nec secundum voluntatem rationis, licet Passio
fuerit contra voluntatem sensualitatis & carnis.

1. In natura passibili sic assumpta, passus est Passione generalissimâ
quantùm ad naturam humanam; quia non solum secundum omnia
membra corporis principalia, verum etiam secundum omnem
Animæ potentiam: licet nihil pati posset secundum naturam Di-
vinam.

2. Passus est Passione acerbissimâ: tum propter complexionis æqua-
litatem: tum propter sensuum vivacitatem, tum propter suspendii
continuitatem: tum quia doluit propter vulnera ut patiens: tum
quia doluit propter nostra delicta, ut compatiens. Passus

Passus est Passione ignominiosissimâ, propter patibulum Crucis: quod erat supplicium latronum & pessimorum; & propter confortium iniquorum, latronum scilicet, cum quibus reputatus est.

Passus est tandem Passione interemptoriâ, per separationem Animæ à Corpore, salvâ tamen unione utriusque cum Divinitate.] Hæc Sanctus Bonaventura.

M O D V S LXX.

Septuagesimus Modus Dominicam Passionem meditandi esse potest. Assumere Passionem Christi sive universam & totam, sive etiam per partes distributam, & advertere, ruminare, degustare, experiri, & admirari, & glorificare ejus admirandos, & paradoxos effectus, dimanantesque ex ea fructus, quos protulit & profert proferetque in finem usque mundi, imò & in omnem æternitatem. Primo quidem in cordè Patris æterni. Deinde in corde Christi ipsius patientis, seu qui passus est. Tertio. In corde etiam Divinæ Matris. Quarto. In corde Electorum & Beatorum. Quinto. In corde reproborum & damnatorum. Sexto. In corde persecutorum. Septimo. In omnibus creaturis. Octavo. In ipso Meditatore Passionis.

Quantum ad Æternum Patrem, Passio Christi operatur & Iustitiam & Misericordiam: provocat enim DEVM ad iram & vindictam enormitate sceleris, quæ est in Deicidio: & in occisione adeò funesta unigeniti sui; & rursum tamen provocat eundem DEVM Patrem, ad Indulgentiam, Misericordiam, & veniam, & insuper ad dilectionem eorum, quicumque fuerant causa qualiscunque, necis & Passionis Filii, sive promerendo illam peccatis suis, ut omnes singulique homines, omnibus, singulisque suis peccatis, sive eam studiis, odiis, manibus, rabieque suâ procurando, quærendo, exercendo, inferendo: uti sunt, dæmon cum omni potestate tenebrarum. Iudas traditor, Iudæorum Principes, & Populus universus. Gentiles quoque ut Pilatus, Herodes cum suis ministris & militibus. Omnes enim isti eo ipso, quem profuderunt Christi sanguine, redempti & reconciliati sunt Deo Patri, etiam pro ipso illo profusionis necisque Christi perpetrato scelere. Quod patuit post mortem Christi, tam ante Resurrectionem, quando mortuo IESU, videns centurio quia sic clamans expirasset in Cruce, & visis signis quæ fiebant: confessus est, quia verè Filius Dei erat iste, & multi de populo revertebantur à loco

Luc. 23.

47.

Inc. 23. mortis Domini, *percutientes pectora sua*: quam & post Resurrectionem, quando ad Petri prædicationem illi ipsi qui tempore Passionis clamaverant. *Crucifige, Tolle, secundum legem debet mori.* Ad poenitentiam, fidemque, & amorem in Crucifixum à se Christum, conversi sunt, effundente nimirum super eos Patre Æterno misericordiâ, & gratiam suam, à Christo suo illis apud se per Passionem & mortem promeritam, atque obtentam. Itaque Passio Christi est similis Arcui coelesti in nubibus, qui & est naturâ suâ nubium imbribus facundarum portio, & simul diluvii exundantis non futuri coram Deo, memoriale, & signum.

Act. 2. Quantum ad Christum ipsum Patientem, Passio ejus fuit cordi ejus & desiderabilis, & formidabilis; fuit peccatum & poena peccatorum, & remedium eorundem, propter quorum primum, Christus eam noluit: propter secundum eam in se suscepit, propter tertium eam amavit, & Patri obtulit, & in nos redundare fecit, propter quod Apostolus affirmat, quod *Christus mortis æt yrographum nobis contraximus sustulit, & delevit affigens illud Crucis.* Præterea Passione suâ & morte Christus est exinanitus usque ad formam servi, & impii, & latronis, & crucifixi; & per eandem exaltatus atque glorificatus est, dataque est illi omnis Potestas in cœlo, & in terra, & intravit in gloriam suam, accipiens nomen quod est super omne nomen, factus omnibus causa salutis æternæ; Patri autem coelesti, Gloriæ & exaltationis æternæ.

Quantum ad Pretiosissimam Christi Matrem, Passio Christi Filii, erat illi gladius doloris ipsam animam ejus pertransiens. fuit illi omnis probri, & contumeliæ materia. fuit illi magnæ, instar maris, contritionis, & afflictionis, seges, imò mellis, & occasio; fuit illi unica & irreparabilis incompenfabilisque orbitatis causa; simul autem eadem Filii Passio, contulit illi ut esset primogenita omnium redemptorum à Christo, simulque compars quedam, & comparticeps præcipua Passionis, Patientisque Christi, simul quoque suo modo Corredemptrix mundi, quatenus sanguine Christi ejus Filii, ex ea desumpto, redemptus est mundus, ipsâ simul cum Filio eum offerente Patri coelesti pro mundo universo, simul denique facta est Mater omnium nostrum, tot scilicet filiorum, quot sunt in numero redemptorum. Non enim de solo Ioannc dixit Christus Matri. *Ecce Filius tuus*: Sed in Ioanne uno datum est Matri in filios eorum humanum, Christi sanguine redemptum, genus.

Quan-

Quantum ad Electos atque Beatos: etiam in horum corde operatur Passio admirandos efficiens: quia illos & sibi met ipsis, viles, abjectos, omni poena, & suppliciis etiam aeternis dignos demonstrat, & nihilominus eosdem coram Deo pretiosos, amabiles, amicos, beatitudinis partim candidatos, partim possessores facit. isti intimo cordis sensu Passionem Dominicam & sentiunt, & partim lugent, in seipsoque derivari cupiunt, sibi eam potius, & non Domino suo deberi contentes, partim (lugere cum per statum beatitudinis non possint) eam in suae salutis beatitudinisque bonum assumptam, & adhibitam esse intuentur, mirantur, & obstupescunt. Rursum vero simul se ejusdem Passionis Christi efficacem fructum, condignum premium, finem singularem, atque pretiosum intuentes & agnoscetes, de doloribus, contumeliis, passionibus, vulneribus, & morte, & cruce Christi gaudent, letantur, gloriantur, eamque Christo gratulantur, & pro ea Patri aeterno aeternas gratias agunt. Denique una, & eadem Passio Christi Ecclesiam quidem aedificavit, Synagoga vero destruxit.

Quantum ad Reprobos & damnatos. His Passio & mors Christi, quantum ex ipsa, salus est, & vita, remedium & liberatio a perditione tam peccati, quam inferni; quantum vero ad ipsos nec, eadem illis est in ruinam & perditionis aeternae exaggerationem, quoniam dilexerunt magis semetipsos quam Deum, diaboli servitutem quam Dei voluntatem, concupiscentiam suam, quam Christi Charitatem. *Noluerunt benedictionem, elegerunt vero maledictionem, & elongata est ab eis illa, venit autem illis ista.*

Ps. 108.
18.

Quantum ad Persecutores. Horum quidam satini sunt poenis Christi, quidam molliti sunt cruciatibus Christi, cum Iudas ad mortem vendidit, Ioseph mortuum a Pilato impetravit; & quem viventem confiteri timuerat, mortuum audacter a Praefide sibi donari postulabat. eundem Petrus cum detestatione, juramento, & anathemate negaverat, latro ei con crucifixus, ipsum & contra socium blasphemum defendebat, & universis adstantibus innocentem praedicabat, & ejus confitebatur a morte regnum, quem juxta se videbat affixum ad lignum, ab eoque accipiebat Paradysi societatem, cum quo pariter sustinebat Crucem, & crucis mortem.

Quantum ad omnes creaturas. Mors Christi sensum sui indidit omnibus, quae sensum sui nullum habebant. Luxit enim eum sol, & luna, & stellae, & nox, & dies. Luxerunt eum petra, & terra, &

Q 9 2

mare,

Quan-

mare; & cœli: Luxerunt eum mortui, & ab inferis redivivi. Angeli quoque pacis eum amare flebant patientē, universa etiam mundi machina in ruinā festinabat Domino Patientē, quæ tamen omnis interea restorationem suā recipiebat ab eodem Domino moriente; ad extremum, quæ creatura serviebat inimicis ut læverent in Dominum, eadem patientem sentiebat & plangebat Dominum.

Quantum ad Meditorem Passionis Dominicæ, in eo, quàm mirros, quàmque diversos operatur Passio Christi effectus, malo id non meis sed Divi Bonaventuræ explicatum sit verbis.

*In sim.
amoris.*

P. 1. C. 1.

O Passio desiderabilis! o mors admirabilis! Quid mirabilius? quàm quod mors vivificet, vulnera sanent, sanguis album faciat, & intima mundet, nimius dolor, nimium dulcorem inducat, apertio lateris, cor cordi jungat? sed adhuc mirari non cesses, quia sol obscuratus plus solito illuminat, ignis extinctus magis inflammat: passio ignominiosa glorificat. Sed verè mirabile est, quòd Christus in Cruce sitiens inebriat, nudus exultens, virtutum ornamentis ornat. Sed & manus ejus ligno conclavata nos solvunt, pedes confossi, nos currere faciunt: emittens spiritum, vitam inspirat: in ligno decedens, ad cœlestia vocat. O Passio amabilis & mirabilis: quæ suum meditatorem alienat & immutat, & non solum reddit Angelicum, sed divinum. Nam per meditationem, commorans in Christi tormentis, etiam se ipsum non videt: semper intuetur Dominum suum passum, vult secum crucem bajulare, & pro ipso levissimè omne bonum & malum vult portare, & ipsum in corde portat, cœlum & terram pugillo tenentem. Vult secum spinis coronari, & ipse spe gloriæ coronatur: vult secum in ligno sinè vestimentis frigescere, & nimio amoris ardore succenditur: vult secum acetum gustare, & vino inenarrabilis dulcedinis potatur: vult secum in Cruce existens sibi illudi, & ipse ab Angelis honoratur, & à Beata Virgine in filium adoptatur: secum volens tristari latatur, secum volens affligi consolatur, & nimium jucundatur. Cum Christo vult in cruce pendere, & eum Christus dulcissimè amplexatur, secum vult faciem, mortis pavore perfusam inclinare, & ejus caput Christus elevans suavissimè osculatur. O mors amabilis, o mors delectabilis.] Hæc Bonaventura, non minùs dilucidè quàm devotè explicans effectus & præclaros & admirandos, & veluti paradoxos insperatosque, quos in suis meditatoribus Passio Christi Domini operari apta est, & operatur, dum animas mentesque idoneas talibus effectibus invenerit, si-ve (ut verius dicam) perfecerit.

M O.

M O D V S . LXXI.

Septuagesimus primus meditandi Passionem Domini nostri Modus esse potest. In præcipuis Iesu Christi Passi, aut Patientis membris ac vulneribus, recognoscere aliquam congruam & Christo dignam perfectionem, tum Christo indignam passionem, tum piissimam nostræ salutis operationem. Circa quodlibet tale Christi membrum consideratione & meditatione tantisper immorando, donec mens congruis veritatibus erudiat, affectibus pascatur, virtutumque actibus perficiatur, prout animam gratia & unctio Spiritus, nec non ipsius animæ pia devotio disposuerit. Appono compendiosam ejus modi designationem. Pes Christi sinister vulneratus est, qui omnia sustinet. Pes dexter vulneratus est, qui omnia possidet. Manus Christi sinistra saucia est, quæ omnia fecit. Manus Christi dextra saucia est, quæ omnia regit. Cor Christi vulneratum est, quod omnia vivificat. Caput Christi spinis horridum est, quod omnia coronat. Scapulæ Christi vulneratæ sunt, quæ omnia protegunt. Brachia Christi vulnerata sunt, quæ omnia amplexantur. Pectus Christi cruentum est, quod omnia foiet. Vultus Christi despectus est, qui omnia latificat. Sanguis Christi effusus est, qui omnia redimit & abluit. Caro Christi lacerata est, quæ omnia parascit. Anima Christi afflicta est, quæ omnia sanctificat. Deus in carne passus est, qui omnia beatificat.

Deus ergo Meditator coram Christo Passo & Crucifixo constitutus, singula horum quæ enumerata sunt, piè devotèque expendat: & v. g. ad pedem Christi sinistram constitutus, advertat quid Christus, qui est Potentia Patris, fecerit in cælo & terra, & in omnibus abyssis. quod cælum ipsum, & terram, & maria, & omnia quæ in eis sunt fecerit. Omnia enim per ipsum facta sunt, & sine ipso factum est nihil, per eum facta sunt & sæcula, & Angeli, & Sydera, & Homines, & quidquid infra hos est. Hujus Christi Pes sinister vulneratus est, quasi quidam abyssalis thesaurus omnipotentiae Dei apertus est. Hunc pedem prosternendo se adoret, osculetur, pio fletu conspergat, admoretur, gratiarum actione repleat, laudibus corquet, intus in eum corde subintret, ac interiora ejus scrutetur. Ab hoc, imò sub hoc pede discat humiliari infra omnia, pati adversa corporis, & Animæ, & Fortunæ omnia: subjiciat se omnipotentiae ejus, infatigabilis esse in labore pro eo, & in obsequio executioneq;

voluntatis ejus condiscat, constituat, incipiat, & nunquam desinat per omnia. Hoc aut simili modo progrediarur meditando circa alias Christi Passi partes. Veritatibus intellectum convincendo, affectibus voluntatem pascendo, effectibus seu operibus virtutum internis externisque instruendo & perficiendo.

Ex hoc meditandi Passionem Domini modo, videtur illa Sancti Patris nostri Ignatii desumpta, & ab aliis plussculum aucta oratio.

O Divinitas Christi, inhabita me. O Persona Christi, indivina me. O Anima Christi, sanctifica me. O Corpus Christi, salva me. O Cor Christi accende me. O Sanguis Christi, inebria me. O Aqua lateris Christi, ablue me. O Sudor & agonia Christi, conforta me. O Passio Christi, sana me. O Bone Jesu, exaudi me. Intra vulnera tua absconde me. Ne permittas me separari à te. Ab hoste maligno defende me. In hora mortis meae, voca me. Et jubee me venire ad te. Ut cum sanctis tuis laudem te in saecula saeculorum. Amen.

Hujus Orationis ad instar, devotio alicujus ex Doloribus Divinae Matris talem confect meditationem sive Orationem, quam necin-gratam, nec inutilem pietati fore existimo.

O Afflictissima Virginis MARIE Anima, solare me.
O Dolentissimum DEI Matris corpus, conforta me.
O Amarissimae Reginae Coeli lachrymae, purificate me.
O Gemitus Desparae, contere me.
O Tribulatum cor Angelorum Dominae, recrea me.
O Luctuosi Dominae nostrae sensus, sanate me.
O Angustiae Matris gratiarum, liberate me.
O DEI genitricis orbitas, associa me.
O Mors genitricis vitae, vivifica me.
O MARIA amarum Mare, ab omni culpa & poena, crue me.
O Martyrum Regina infernum & mancipium tuum recipe me, & in hora mortis meae suscipe me: ut cum omnibus DEI electis, potissimumque tuis dilectis, diligam & glorificem te, in saecula saeculorum. Amen.

Hujus quoque Modi est meditatio illa.

O Potentiae, pro me vulnerati Jesu, humilia me, exalta Te.
O Justitiae, pro me vulnerati Jesu, quamvis dignus sim, ne abjicias me.
O manus Gratiae, pro me vulnerati Jesu, sine tenihil sum, adjuvame.

O Ma-

O Manus Misericordiae, pro me vulnerati IESU, Tibi soli peccavi, sicut potes, scis, & vis, miserere mei.

O Cor. & Latus, pro me vulnerati IESU, sedes amoris accende me, ut incessabiliter amem Te.

O Caput, Sedes sapientiae, pro me vulnerati IESU, illumina me, ut noverim Te, & noverim me.

O VERBUM Caro pro me factum, & in carne pro me passum, habita in me, & habitem in Te, in æternum & ultra. Amen.

Singulis hisce Punctis manifestum est, suas easque copiosas inesse meditationum, reflexionum, affectuum, propositorum, postulationum, virtutisque actionum materias: ut haud dubie multiplici cum spirituali fructu, atque gustu, pii meditatoris animus, eas versare possit; quod plenius ab experimento suo, quam à stylo meo, ut discat, plurimum eidem oxopto.

M O D V S LXXII.

SEptuagesimus secundus meditandi Passionem Domini Nostri Modus esse potest. Meditari eam tanquam admirabilem incredibilemque Christi Redemptoris & Hominiis redempti concertationem collustationemque, tantam, ut ex parte quidem Christi Redimentis atque Patientis, nihil possit cogitari in misericordia & commiseratione, charitatisque super hominem profusione invincibilis atque dulcius: at verò ex parte Hominiis, qui hac Passione redimitur, seu redemptus est, nihil possit reperiri in eodem Redemptore, ejusque Passione contemnenda, abjicienda, repellendaque, scelestius, barbarius, ingratus, execrabilis.

Dandum est aliquod specimen hujusmodi, Lectori devoto.

Ab initio sui in mundum adventus Redemptor noster suscepit Hominem: quia VERBUM Caro factum est & habitavit in nobis. Homo autem, non solum ab initio mundi, sed etiam venientem in mundum abiecit DEVM, & nasciturum etiam diversorio communi exclusit, ad stabulumque compegit. In propria venit, & sui eum non receperunt.

Redemptor venit salvare Hominem à peccatis ejus: testante Angelo ad Iosephum. *Vocabis nomen ejus IESVM: ipse enim salvum faciet populum suum à peccatis eorum.* at Homo quæsit adhuc infantem DEVM ad necem. *Surge, & accipe puerum, & Matrem ejus, & fuge in Ægyptum: futurum est enim ut Herodes querat puerum ad perdendum eum.*

Matth.

1. 21.

Matth.

2. 13.

Redem-

Redemptor venit ab exilio revocare Hominem ad Patriam; Homo DEVM in exilium eiecit, tum cogens eum fugere in Ægyptum, (ut modo dictum) tum eiciens eum extra Civitatem Nazareth, & precipitare volens de montis supercilio, tum extra urbem eum crucifigens.

Lucæ 19.

10.

Lucæ 19.

14.

Ioan. 19.

15.

Lucæ 23.

18.

Iob. 21.

14.

Ierem. 2.

31.

Ioan. 8.

44.

Ioan. 5.

45.

Ioan. 3.

19.

Matth. 22.

16.

Ioan. 9.

16.

Ioan. 7.

12.

Matth. 11.

18.

Ioan. 8.

13.

Ioan. 6.

55.

Redemptor Hominem quaesivit: *Venit enim Filius hominis quæ-
re, & saluum facere, quod perierat.* Homo DEVM fugit, & ab eo se
elongavit, dicens; *Nolumus hunc regnare super nos. Et. Non habemus Regem, nisi Cæsarem.* Et. *Tolle hunc, & dimitte nobis Barabbæ.*

Redemptor Hominem ad Pacem & amicitiam secum invitavit
ineundam, & se mediatorem instituit. Homo DEI amicus esse,
cumque eo pacem habere noluit, inimicus esse elegit, dicens. *Re-
cede à nobis. Dixit populus meus: recessimus. Non veniemus ultra
ad te.*

Redemptor venit de Potestate diaboli Hominem eruire: Ho-
mo elegit in potestate Diaboli esse. *Vos ex patre Diabolo estis, & ope-
ra Patris vestri vultis facere. Ego veni in nomine Patris mei, & non
accipitis me; si veniet alius in nomine suo, (scilicet Diabolus & Anti-
christus) illum accipietis.*

Redemptor eruit Hominem de tenebris ad lucem; *Homo dilexit
magis tenebras, quàm lucem.*

Redemptor Hominem docuit viam vitæ & veritatis. *Magister
scimus quia verax es, & viam DEI in veritate doces.* Homo DEI ve-
ritatem & vitæ salutisque viam à se repulit, dicens; *quia non est à Deo,
sed seducit carbas & demonium habet, & testimonium ejus non est ve-
rum.*

Iam verò in ipso Passionis Dominicæ tempore.

Redemptor se ipsum tradebat Homini in cibum & potum, quæ-
sumens vitam haberet eternam in seipso. Homo DEVM tradidit &
vendidit osculo ad mortem: & abnegans eum postulavit ad Cru-
cem.

Redemptor per Divinum suum Sacramentum in viscera Corpo-
ris & Animæ, realissimâ Dignatione descendit. Homo autem post
Buccellam Sacramentalem diabolum in cor admisit.

Redemptor inquinatos & sanguinarios hominis pedes, manibus
suis lavit, terxit, osculatus est. Homo pedes suos ad festinandam ci-
tius quam moliebatur prodicionem Domini sui expedit.

Redemptor, Homines gravissimo suo, & opere & verbo cohor-
tatus.

tatus & obtestatus est, ad exhibendam exercendamque in sese mutuo humilitatem, charitatem, atque unionem. Homo neque Humilitatis, neque dilectionis, unionisque mutua memor, congregat & armat cohortes lictoresque in DEVM.

Redemptor de salute Hominum sollicitus, tristitia, torrido, pavore, conflictatur usque ad agoniam, usque ad sanguinum sudorem, usque ad ipsam mortem. Homo interea partim contra DEUM salutem, totam tenebrarum potestatem sollicitus, partim de prodicione per osculum peragenda Deicidas infornat.

Redemptor orat, & repetito orat, & tercio orationem repetit: seque ad omnia fanda infandaque pro Hominum salute, prostratus humi in faciem suam, devovet ac immolat. Homo interea totus dormit, & una hora nec pro Dei voluntate, nec pro sua salute vigilare potest: an potius non vult?

Redemptor propter Hominum redemptionem sese hostium manibus & rabida potestati sponte offert. Homo DEVM in manibus hostium videns, relicto eo fugit, aut si tantisper sequitur, à longè, & abnegaturus, abjuraturus, detestaturusque sequitur.

Redemptor ingenuè se Christum Deum, judicemque omnium in maiestate & gloria venturum se futurum proficitur Hominibus, pro ipsis Hominibus. At Homo Deum blasphemiz & mortis reum pronuntiat, & condemnat.

Redemptor Homines à morte corporis & animæ, temporali & æterna, culpæ & pœnæ, liberare satagit. Homo DEVM ad mortem & crucem exposcit. Nullius non sceleris reum proclamat, latronibus coarquat in scelerum merito, latroni & hosti publico postponit, adeo, ut homine iudice Barabbas Christo melior sit.

Redemptor habens in se omnes sapientiæ & scientiæ Dei thesauros absconditos, per sapientiæ altitudinem & absconditum à sæculis Sacramentum, perque non investigabiles vias suas, salutem humani generis operatus est in medio terræ, hoc est in assumpta nostra carne. Homo verò, Deum sprevit & illud, & veste factorum Multorumque induit.

Redemptor ut Homines à flagellis peccatorum, quæ innumeraliter multa & gravia sunt, emerperet, Iustitiæ se & vindictæ diviniæ subiecit, estque propter scelus populi sui percussus & attritus, & disciplina castigatioque pacis nostræ super eum deposita, & exercitia remansit. Homo autem Deum Redemptorem, probrosissimæ flagella-

gellationi subiecit; eumque vulnere super vulnus concidit, & super dorsum ejus aravit, sulcisque crudelibus Divinam ejus, carnem intersecans prolongavit iniquitatem suam.

Redemptor Hominem gloriâ & honore coronavit, & super caput ejus coronam de lapide pretioso posuit, deditque illi sceptrum regni, & constituit eum super omnia opera manuum suarum. Coronavit etiam eum in misericordia & miserationibus, signans eum lumine vultus charitatis suæ. Homo autem plectens coronam de spinis imposuit, & infixit eam in capite Majestatis Dei sui, dans arundinem in manu ejus, & eadem caput spinis horridum percussit: faciem ejus Angelis ipsis reverendam a lapidis percussit, & fœditate buccæ suæ consputavit.

Redemptor ut Hominem ab æterna & temporali morte atque damnatione eriperet, sanguini suo pretioso non pepercit. Homo Dei sui sanguinem in se malitioso furore suscepit, ut Deum suum morte turpissimâ crucis, interficere posset.

Redemptor Hominibus vitam æternam, & à constitutione mundi paravit, & impendio vitæ suæ Divinæ acquisivit. Homo Deum vitæ authorem, atque fontem, manibus suis, inter Crucis tormentum crucidavit.

Iam autem post Passionis tempora, qualiter se jam Glorioso, & super Cœlos regnanti, & ad iudicium vivorum, mortuorumque sese accingenti Redemptori suo, redemptus homo exhibeat, videamus & perpendamus. Libet de hoc audire ipsummet Hominem de se Redemptori suo confitentem apud Beatum Bonaventuram hisce verbis. [Nonne & hoc nequissimum est, quod post tam admirabile & fructuosum tuæ Domine Iesu Passionis beneficium non cesso peccare in conspectu oculorum tuorum, perinde ac si Tua Passio nihil esset. Te mihi dedisti, & Te renuo, tenebras animæ meæ effugasti, & ego ipsas sponte incurro. Mundum & quæ mundus amat abjecisti, & ego ipsum eligo, & diligo. An non vides Patientissime Domine Iesu, quod semper nitor facere Tuæ contrarium voluntati; & in faciem Tibi resisto apertè. Si dicis mihi: Nolo ut hoc facias, dico ego, volo. Si dicis, volo ut hoc fiat, dico ego, nolo facere. Scio Te Dominum meum summum Bonum esse: & ego ad Te, ac si aut nihilum aut valde malum aliquid esses, non aspicio, sed converto cordis & corporis mei faciem ad ea, quæ vana sunt & perniciofa, & nihil sunt, & aliquando ad ea, & ad talia, quæ turpe est dicere,

dicere, incongruum nominare, & sic eis cor meum vinculis amoris colligatur, ut ad Te, cuius est, nequeatelevari. Et hoc certe detestabilis abusus est.] Valde autem exile est, quod dicitur hæc esse detestabilis abusus: quamvis verbum quo gravius ponderosiusque hominum christianorum, credentiumque, tam proterva barbaries, tam barbara ingratitude in suum Redemptorem explanetur, exprimatque, pro merito, invenire difficile sit.

Nam quibus tandem verbis exagitetur hæc indignissima malitia, malitiosissimaque indignitas Hominis in Deum suum?

Deus propter nimiam charitatem suam in hominem, descendit de cælo, ut hominem perditum, & morti æternæ addictum, ad cœlestē Regnum, beatamque æternitatem reduceret, in eumque finem, totum se, quantus quantus est Deus, & totam substantiam domūs (id est Divinitatis & Humanitatis) suæ profudit, atque prodegit, & veluti nihilum, præ dilectione, & salute Hominis, despexit eam. Homo autem, homo inquam christianus, hæc de Deo suo credens, atque confitens, hunc eundem Deum suum, & eandem omnem impensam sibi ab eo dilectionem, profusamque suā causā substantiam; voluntariā, & scientē, deliberatāque despectione negligit, & negligentiam despicit, & quidem millies repetitō despicit. Neque despicit tantum, sed etiam pessima quæque, pro tantis bonis reponit: committens ea in oculis Dei sui, quæ novit illius cordi Divino esse ingratiſſima, illius voluntati contrariſſima, illius Dignitate indigniſſima, illius meritis indebitiſſima, illius Bonitati atque Charitati inimiciſſima, illius Iustitiæ & aq̄uitati displicitiſſima. Et quidem si faceret hoc infidelis & Redemptorem nesciens: sustinendum esset utique, sed fieri talia à Noscētibz, à Credētibz, à Consistentibz, & fieri ex proposito, atque ex professo, fieri assiduò, & omni vitā, fieri in oculis ipsius Divinæ præsentia, atque Majestatis, quis hoc satis capiat, cogitet, explicet?

Redemptor propter Hominem humiliavit, & exinanivit semetipsum. Homo superbus, & inflatus incedit, magnificans se ipsum, nec est finis superbiz, & tumoris ejus.

Redemptor propter Hominem factus obediens usque ad mortē crucis. Homo in Deum & ejus mandata, & voluntatem est contumacissimus, ducitque sibi ignominia, obedire Deo; laudem reputat suam, mandata Dei audacter transgredi.

Redemptor Hominem, & verbo, & exemplo suo docuit, quia mitis est

tis est & humilis corde. Homo planissimè tam humilitatem, quàm mansuetudinem cordis fugit, detestatur, irridet, ac si omnino à Deo iracundiam, impatientiam, elationemquè cordis edoctus esset.

Redemptor omne carnis vitium, & ipse nescivit, & Hominem nescire docuit, atque præcepit. Homo in carnis lasciviam, in omnemque inverecondiæ turpitudinem, ab ipsa ténella pueritia suâ profunditur; Ita ut infelices pulsiones, prius fiant impudici & prostituti, quàm pudoris sint capaces, & verecondiæ. Ergo inter Christianos, inter fideles, inter castitatis puritatisque laudatores, atque professores, réperies obvî, atque passim, tanta turpitudinis lasciviæque mala, quanta nec inter gentes quidem: & quanta si inter gentiles reperirentur, reperirentur quia licita reputarentur, at inter Christianos, ipsorummet fide magistrâ, Conscientiâ doctore, lege duce, confessione & professione exactore, ista omnia illicita, turpia, probrosa sunt, & qui talia agunt, regnum Dei non posse possidere sciuntur, & fide creduntur, fiunt nihilominus, & fiunt usque adeo profligatè, & effrenatè, non secus, quàm si lege Christianâ hæc omnia indignitatum genera sancirentur. Certè si (per impossibile dictum sit) si inquam sancita essent, vix effrenatius à Christianis fierent, quàm nunc lege Christi per omnia repugnante, à Christianis fiunt.

Redemptor noster dilectionem fraternam sanxit, adeo sollicitè, adeo tenerè, adeo perfectè, atque consummatè, ut etiam inimicos, & persecutores jussit ex corde diligi, ex corde illis beneficia exhiberi, ex corde injurias quaslibet condonari. Quod præceptum suû, novum, magnum, omnium majus, & nunquam excidens: multum quidem verbis & sermone, at longè magis magisque commendavit & promulgavit opere, ac sanguine, atque Crucis morte. Atqui Homo istam adeo demandatam commendatamque charitatem mutuam usque adeo ex corde negligit, ex corde nihili habet, ex corde radicitus proscribit; ut pro eo quod inimicos ipsos verè diligit: ne amicos quidem & omni sanguine conjunctos sincero amore foveat. Itaque hodie vix par hominum invenias, qui sese invicem christianâ charitate, revera, & per omnia diligant. Itaque etiam hodie tam vulgatâ inter christianos cernas, non odia tantum, aut injurias, dolos aut invidias, calumnias & contumelias, verum etiam cædes, & homicidia adeo vulgatâ, adeo faciliâ, adeo in immensum abacta & familiaria, ut in omnibus durantis humani generis sæculis non faciliè rec-

le reperias unum aliquod, in quo tam facile fusus sit sanguis humanus, quam hodie funditur christianus. Non quaritur hodie bellis pax, sed bella ex bellis feruntur, neque pacis nomen in honore est; sed in probro, quod si interdum quæpiam ad speciem pacificatio in eunda videtur, ea ita peragitur, ut tamen seminarium belli residuum servetur, quo sævius recrudescat cum collibuerit: & misera pacificatio non desiderio pacis, sed studio belli crudioris fiat. Ita nimirum hodiernis christianis, Christi sui de charitate mutua cordi & in pretio sunt, tum mandata, tum exempla.

Sed imponendus est finis, Modi huius expositioni: atque alia multa *detestabiles abusiones* Hominum & quidem christianorum, quibus passim, & perpetim Deo Redemptori rebellatur, & obedientia, observantiaque, imitationis, & gratitudinis loco, retribuitur, silentio damnanda: quoniam in præsentī scripture hoc notatur ut mores sæculi deplorentur, sed ut Passionem Dominicam meditandi varietate, adjuncta piorum animæ, in Domini Redemptoris amorem, obedientiam, imitationem, aliosque Passionis fructus deducantur.

M O D V S LXXIII.

Septuagesimus tertius meditando Passionem Domini modus est, superioris oppositus: quia scilicet in eo consideratur dulcissima & profundissima Christi in electos suos redimendos per Passionem ac mortem propensio, liberalitas, atque planè prodiga sui charitas, & vicissim Hominum Redemptorum, electorum, iustorumque erga Jesum pro salute sua passum profundissima, atque heroica, & usque ad exinanitionem perditionemque suimet (cum Christi tamen gratia, & auxilio, sine quo nihil, nihilque sunt omnes conatus hominum quantumcunque Sanctorum) exhibitio, & exhaustio & profusio.

Quod intellectum sic volo, ut nemo opinetur posse Hominum aliquem, vel etiam totum genus humanum, uni, vel minutissimæ Christi super nos beneficentiæ, aliquid æquale, & condignum reponere. Verè enim Bernardus dixit. *Amat nos Charitas, amat Immensitas: nos autem vicem rependimus cum mensura* infinitis improprietationata; sed hoc dictum volo, ut discamus ab electis, sanctisque Dei, quibus illi studiis, conatibus, industriis, liberalitatibus, Redemptori suo, omniumque nostram, laboraverint gratos se exhibere, excessivæ super se miserationi & charitati illius.

Quantâ profusione Charitatis sese nobis & pro nobis profuderit Dominus Iesus, arbitror opus non esse multis explicare iis, qui verè fideles sunt: imò iis quicunque mysteriorum christiana fidei rudēs omnino non sunt. Pauculis ergo tantum indicanda, & strictim solum attingenda est ista Domini profusio. Et quidem si scripturas attendamus sacras: novimus per rubrum mare, in quo salvatus populus Domini, demersus autem cum omnibus suis Pharaō, designari Passionem Christi, in qua omnis diabolica Tyrannis, fexque peccatorum disperit, genus verò humanum universum, in litus salutis, & vitæ æternæ pertransiit. Atque sicut mari profusus est nihil, ita per hoc figuratum est, Passionis Christi efficaciam, atque in ea charitatis ejusdem profusione, nihil copiosius esse. Ob quod David loquitur confidenter. *Copiosa apud Deū M. redemptio.* quidem enim copiosius, quàm quod omnibus hominibus, omnibus sæculis, omnibus peccatis ablundis sufficit, & redundat, & omnibus præmiis, per omnem æternitatem amplius & excessivius est? Itaque Moyses & Elias cum Christo in monte Thabor colloquentes, *loquebantur excessum ejus.* Excessum inquam non tantum quasi excessum evitæ per mortem, quod satis solum esset, sed excessum etiam immensæ & nimie charitatis, per quem excessu omnem modum, omnem menturam, omnem efficaciam, omnem fidem, & spem, omnem retributionem, omnem denique possibilitatem; neque enim ullus major excessus charitatis possibilis est, vel ipsi omnipotentæ Dei; unde bene Apostolus vocat hanc Dei *charitatem nimiam.* quia, ut idem loquitur, supereminet & transgreditur omnem longitudinem, omnem latitudinem, omnem sublimitatem, omne denique profundum. Etenim si attendamus quis sit & quantus qui profudit? quid altius cogitabitur, aut quæ altitudo tanta erit quæ non exæquetur & excedatur? Si attendamus, Quid profudit, & quantum? nempe Deum Hominem: Dei Homini Majestatem, Dignitatem, Perfectionum plenitudinem, Animam, Vitam, Sanguinem, Gloriam, Honorem, & quidquid Deus-Homo erat, in seque habebat: Ecquam latitudinem hæc profusio sumptuosissimæ Charitatis non circumplectetur, non superexcedet?

Quod si attendamus, pro quibus. Nempe pro nobis hominibus, pro nobis vilitate ipsâ vilioribus, pro nobis scelerositate ipsâ scelerosioribus, pro nobis indignitate ipsâ indignioribus, pro nobis in æternum damnatis, atque ab omni bonitate, miseratione, æquitate in

perpe-

Exodi 21.
27.

Pf. 129. 7.

Lucæ 9.
31.

Eph. 2.
7.

perpetu
inul o
ingratie
pro om
quod in
sile, tar
nos, &
eelsit?
fructum
nam L
genus,
cula ex
bus his
istas ex
omne
f ait il
de alba
erunt
rum, n
rum, o
cidiva
suis p
catione
Domini
ra nom
borari
fidem
compr
sublim
tatem
tem su
charni
vifit
dante
etiam
Sec
nimia
loqui

perpetuum reprobatis, nec ullā possibili virtute creaturarum, etiam simul omnium, remedi & auxilii capacibus, denique pro nobis ipsā ingratitudine ingratoribus, omniumque ingratorum & odiosorum pro omnibus Dei super nos bonis eidem Deo retributoribus: Ecquod invenire poterimus profundum, tam profundum, tam abyssale, tam ultimum, ad quod ista charitatis Christi super nos, & in nos, & propter nos, profusio non penetravit, non accessit, non excessit? Ad extremum, si attendamus, in quem, & qualem usum, fructum, modumque hæc charitatis Christi profusio facta sit, quænam Longitudo ei æquabitur? Duret per æternitatem humanum genus, peccent omnes & singuli Adæ filii, per æternitatis omnia sæcula exaggerent malitias maliciarum suarum, usque, & usque: omnibus his profusa Christi Charitas sufficit, omnibus major est, omnes istas excedit, excedit autem plus quam mundus iste atomum, quam omne mare guttam, quam omnis æternitas momentum. *Si fuerint* (ait iste Redemptor Deus) *peccata vestra sicut coccinum, sicut nix de alba buntur; & si fuerint rubra quasi vermiculus, quasi lana alba erunt.* Non ponit numerum hominum, non numerum peccatorum, non mensuram enormitatis scelerum, non qualitatem specierum, non temporum sæculorumque spatium, non iterationum recidivationumve limitem. Quod totum Apostolus expendens, excessivus planè & ipse est, in hujus excessivæ charitatis Christi deprecatione. Hujus rei gratiā. *Flecto* (inquit) *genua mea ad Patrem Domini Nostri IESU Christi: ex quo omnis Paternitas in celo, & in terra nominatur: ut det vobis secundum divitias gloriæ suæ, virtute corroborari, per Spiritum ejus in interiorem hominem, Christum habitare per fidem in cordibus vestris, in charitate radicati, & fundati, ut possitis comprehendere cum omnibus Sanctis, quæ sit latitudo, & longitudo, & sublimitas, & profundum.* Scire etiam supereminentem scientiæ charitatem Christi, ut impleamini in omnem plenitudinem Dei. Dixerat autem superius. *Deum; qui dives est in misericordia; propter nimiam charitatem suam, quæ dilexit nos, cum essemus mortui peccatis, conviviscasse nos in Christo, ut ostenderet in sæculis supervenientibus, abundantes divitias gratiæ suæ, in bonitate super nos, in Christo IESU, quas etiam vocat nullā ratione investigabiles divitias Christi.*

Sed de Charitatis Christi super nos profusione excessiva, atque nimia, hæc sint satis; præstat siquidem de ea multa meditari; quam loqui. Videamus jam, & æmulemur Sanctorum Charitatis quoque

Isaia 1.
18.

Eph. 3.
14.

Eph. 2.
7.

Eph. 3.
8.

sua erga Christum (ex gratia Christi) profusionem. Atque huc veniunt omnes & singula Sanctorum Christi, propter Christum, siue actiones, siue Passiones.

1. In hunc censum venit Fides in Deum, & quem misit ille in mundum, in Jesum Christum, quæ Fides vincit mundum, & omnem Sapientiam, Potentiam, Dulcedinem ejus, arbitrans omnia bona ejus, tanquam stercora, atque detrimenta. Hæc fides in captivitate redigit omnem intellectum, in obsequium suum, ut quæ sunt apud homines impossibilia, confiteatur possibilia apud Deum, imò faciat omnia possibilia credenti, sitque sperandarum substantia rerum, & argumentum atque convictio non apparentium. Hanc Fidem Catholica Christi Ecclesia exhibet Christo per sexdecim & amplius sæcula, inconcussam: nulli parcens labori, sumptui, difficultati, periculo suo, suorumque.

2. Venit in eundem censum spes in Christum; quæ facit ut omnes Fideles Christi, etiam in spem contra spem sperent, & constant Deo, siue spiritualia, siue corporalia, siue æterna, siue temporalia, bona, & auxilia. Spes remissionem peccatorum, spes victoriam tentationum, spes conculcationem omnium infernalium aspidum, & leonum, & draconum, spes oblivionem carnis, & sanguinis, spes justificationem & gratiam, spes filiationem & hereditatem Dei cum Christo, spes resurrectionem ex mortuis, spes confessum in celestibus, spes ipsam æternam vitam, possessionemque Regni à contritione mundi, præparatam, ex Christi meritis, & sanguine gratiaque derivans, nihil præsentium, nihil inter manus ipsas, oculisque positum aut amat, aut appetit, aut possidet, sed tota firmitate certitudinis fertur in abscondita, in invisibilia, in futura, in promissa; firmitusque & inconcussa magis adhesionem, ista, etiam adhuc in ista vita possidet, quam si re ipsa omni jure, mundi universi bona possideret. Imò quod est amplius, atque mirabilius; ideo universis hujus mundi bonis inhaerere, vel capillo, tenus recusat, ut tanto firmitus immobiliusque futura illa sperans, illa eadem sperando possideat. Neque solum spes nostra in Christum hoc agit, quod bona præsentia omnia profundat, & bona futura possideat: verum insuper omnia mundi mala, & incommoda aggreditur, atque perpetitur, ut futuris præmiis bonis, per invictam adversitatum incommoditatumque tolerantiam perfui mereatur. Existens per hoc in Christum suum liberalissima: quod quanto se amplius ad bona à Christo sperata expecta-

spectataque capaciores sperando, & per spem operando bona, suffrendo adversa reddit, tantò ipsum Christum quodammodo reddat in bonis super se profundendis, inque prœmiis exhibendis, gloriosum magis, beatum magis, demumq̃ e coram & à Patre suo celesti remuneratum magis. Est enim gaudium Domini fortitudo nostra, & gloria est Christi glorificatio nostra.

3. In hunc quodque censum venit. Fidelium Christi in Christum dilectio. Neque enim ulià alià re condignius Amor, quàm amore compensatur. Quidquid dederis, si amorem subtraxeris, nihil dedisti. *Si dederit homo omnem substantiam suam pro dilectione, quasi nihilum deficiet eam.* Dilectio siquidem talis est res, quæ sola bona, sola per se, & se ipsa bona est; omnia reliqua facit bona, & sine hac una, omnia alia quæ videntur non sunt bona. Quomodo autem Fideles Christi retribuunt dilectionem Christo? videre licet, & specimen capere, ex uno Apostolo Christi, vero amatore Christi. *Quis ergo nos separabit* (ipse loquitur, & quidem non in sua tantum, sed in omniam verè amantium Christum persona loquitur) *à charitate Christi. Tribulatio, an angustia? an fames? an nuditas? an periculum? an persecutio? an gladius?* (Sicut scriptum est. *Quia propter te mortificamur tota die, estimati sumus sicut oves occisionis,*) sed in his omnibus, speramus propter eum, qui dilexit nos. Certus sum enim; quia neque mors, neque vita, neque Angeli, neque Principatus, neque virtutes, neque instantia, neque futura, neque fortitudo, neque altitudo, neque profundum, neque alia creatura poterit nos separare à charitate DEI, quæ est in Christo IESU Domino nostro.

Rom. 8.

35.

Psal. 43.

23.

2. Cor.

11. 21.

Ne autem quis putet in solis magnificis verbis Amorem Pauli erga Christum siltere, audire liceat operosum amorem ejus [In quo quis audeat, (in insipientia dico.) audeo & ego. Ministri Christi sunt, (ut minus sapiens dico) plus ego; in laboribus plurimis, in carceribus abundantius, in plagis supra modum, in mortibus frequenter. A Iudeis quinquies quadragenas. una minus accepi; ter virgis cæsus sum, semel lapidatus sum, ter naufragium feci, nocte & die in profundo maris fui. In itinerebus sæpe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus; in labore, & ærumna; in vigiliis multis, in fame & siti, in jejuniis multis, in frigore & nuditate, præter illa quæ extrinsecus sunt, instantia mea quotidiana, sollicitudo omnium Ecclesiarum: quis infirmatur & ego non infirmor? quis scandalifatur &

Col. 1.24. ego non uror? En quomodo Paulus charitate suâ sanè operosâ Christi charitatem æmulari conatus est? Qui etiam non dubitat profiteri de seipso. Gaudeo in Passionibus pro vobis, & adimpleo ea quæ desunt passionum Christi, in carne mea, pro corpore ejus, quod est Ecclesia.

*Hebr. 11.
33.*

Atque hæc quæ fecit, quæque de se professus est Paulus, fecere Apostoli, Apostolorumque successores: fecere Martyres, fecere Anachoretæ, fecere in simili fideles ab origine Christi Ecclesia, & faciunt usque huc, facturi usque ad consummationem sæculi. Quid enim agit universa Christi Ecclesia, toto terrarum orbe diffusa, quid egerunt tanti exercitus Martyrum, qui pro testamento Dei sui traderunt in omne carnificinarum & mortis genus animas suas, suoque sanguine mundum idololatriæ, & omnigenis iniquitatibus foedum abluerunt, & emaculaverunt? Quid egerunt innumera illa priscorum Monachorum, Eremitarumque examina? Quid agunt hodieque infinitorum cenobiorum incolæ sexus utriusque? De quibus omnibus iustissimè, quia & verissimè, dicas id quod Paulus loquitur de Sanctis fidelibusque veteris testamenti. *qui per fidem vicerunt regna, operati sunt iustitiam, adepti sunt repromissiones, obturaverunt ora leonum, extinxerunt impetum ignis, effugerunt aciem gladii, convulnerunt de infirmitate, fortes facti sunt in bello, castra verterunt exterorum, acceperunt mulieres de resurrectione mortuos suos. Alii dissen- ti sunt, non suscipientes redemptionem, ut meliorem invenirent resurrectionem, alii verò ludibria & verbera experti, insuper & vincula & carceres; lapidati sunt, secti sunt, in occisione gladii mortui sunt, circumierunt in melotis, in pellibus caprinis, egentes, angustiiati, afflicti, quibus dignus non erat mundus, insolitudinibus errantes, in montibus, & speluncis, & in cavernis terra.* E quibus omnibus nunquid est aliquid, quod non præstitum sit, quodue non etiam præstetur à fidelibus Christi propter Christum in Ecclesia Catholica?

Vixit Pauper Christus ita, ut non haberet ubi caput reclinaret suum, vivunt fideles ejus absque ullo dominio & proprietate super rem etiam tenuissimam, adscitâ etiam per votum Deo factum incapacitate Domini & Paupertatis æternitate.

Vixit Christus virgo. Habet in Ecclesia imitatores: qui in carne non secundum carnem militant, nulla carnis blandimenta admittunt, & insuper virgines, continentisque æterni voti sponsione sunt.

Vixit Christus obediens usque ad mortem Crucis; innumeri sunt, qui

qui totos se submisserunt alieni regiminis iugo, superaddentes sibi votum obedientiae perpetuae propter Christum.

Humilis fuit Christus, & Mit. s. Discunt ab eo, æmulanturque in ipso Humilitatis & Mansuetudinis viam, viventes sinè querela & offensione, omnem humilitatem invicem insinuantes, & honoris invicem prævenientes.

Passus est Christus; & fideles ejus eadem cogitatione armantur, atque in patientia offerunt ei fructum tricesimum, sexagesimum, centesimum; gloriantur in tribulationibus, atque omne gaudium existimant, cum in varias tentationes & persecuciones inciderint.

Bajulavit Crucem suam Christus, tam internam quam externam. Sunt fideles, qui verè fideles sunt, qui abnegant semetipsos, & tollunt crucem suam quotidie, & mortificationem Christi jugiter in corporibus, & animabus suis circumferunt, adeò, ut profiteantur, nihil se scire, nisi Iesum, & hunc crucifixum, in nullo gloriari, nisi in Cruce Domini nostri Iesu Christi, per quem eis mundus crucifixus est, & ipsi vicissim mündo.

Christi Cibus fuit facere voluntatem Patris. Et Christi fideles, in lege Domini meditantur die ac nocte, inquirentes & exequi satagentes, quæ sit voluntas Dei bona, beneplacens, & perfecta; omni horâ, totisque cordibus clamantes Domino: fiat voluntas tua, sicut in cælo, & in terra. Non mea Domine voluntas fiat, sed fiat voluntas tua.

Christus non suam, sed Patris Coelestis gloriam quæsit. Et fideles Christi, in eo fidelitatem, fidemque suam Christo commendant, atque contprobant: quia sive comedunt, sive bibunt, sive aliud quid faciunt, omnia in gloria Dei faciunt, sic faciunt coram hominibus opera sua bona, ut ea videntes glorificent Patrem, qui in cælis est. His clamant jugiter Deo, Magnificat anima mea Dominum. Clamant jugiter. Exaltetur Deus salutis meæ. Clamant jugiter. Sit nomen Domini benedictum ex hoc nunc & usque in sæculum. Clamant jugiter: Omnia ad Majorem Dei Gloriam.

Christus de manu Patris sui elegit vestitum humilitatis, confusione, contemptus, elegit Crucem, & Crucis mortem, confusione, & ignominia ejus contemptâ, proposito licet sibi ex parte alterâ; gaudio, gloria & honore. Et fideles ejus eligunt abjecti esse in domino Domini, magis quam gloriosè habitare, delicatè vivere in tabernaculis peccatorum. Exhibentes se sicut veros Christi discipulos,

2. Cor. 6. Deig; ministros, in multa patientia, in tribulationibus, in necessitatibus,
 4. in angustis, in plagis, in carceribus, in seditionibus, in laboribus, in vi-
 giliis, in jejuniis, in castitate, in scientia, in longanimitate, in suavitate,
 in Spiritu Sancto, in charitate non ficta, in verbo veritatis, in virtute
 Dei, per arma iustitiae, à dextris & à sinistris, per gloriam, & ignobili-
 tatem, per infamiam, & bonam famam. &c.

Christus Bonus Pastor, animam suam posuit pro ovibus suis.
 Et Christi fideles pro Christo legatione funguntur, tanquam Deo
 2. Cor. exhortante per eos. Obsecramus pro Christo, reconciliamini Deo;
 3. 20. quoniam ipse, eum qui non noverat peccatum, pro nobis peccatum fe-
 cit, ut nos efficeremur iustitia Dei in ipso. Hi die noctuque stant suc-
 cincti lumbos, & lucernas tenent in manibus suis, tanquam boni
 dispensatores, & fideles ministri, super familiam Domini constituti,
 ut dent illis in tempore tritici mensuram, & custodiant vigilias su-
 per greges suos, atque ad instar Principis Pastorum, etiam mercena-
 rios, & fures, & lupos, ovilibus Domini propulsant, etiam fortuna-
 rum, etiam famæ, etiam sanguinis, etiam vitæ prodigi, pro Ani-
 marum Christi sanguine redemptarum salutē.

In summa: habet Christus imitatores suarum virtutum, execu-
 tores suorum mandatorum, custodes suorum consiliorum, æmula-
 tores suarum perfectionum, zelatores sæ gloriæ, dispensatores pru-
 dentes, qui sciant familiæ Domini sui dare tritici mensuram in tem-
 pore suo, negotiatores industrios, & diligentes, qui unâ Domini sui
 mænâ, decem lucentur. Operarios laboriosos, qui non refugiunt
 portare pondus diei, & æstus, in vinea Domini excolenda: servos
 denique fideles qui, cum omnia fecerint, quæ præcepta sunt eis, ni-
 hilominus dicunt. *Servi inutiles sumus, quod debuimus facere, feci-
 mus.*

Luc 17.
 10.

Neque verò ab hoc redamatorum Iesv Christi Redemptoris, pro-
 fusissimique nostri Amatoris, exu excludendi sunt alii fideles ejus,
 credentes in eum, & ex fide viventes, operantesque opera dilectionis
 & iustitiæ, servantisque mandata Domini, ut mereantur ad vitam
 æternam ingredi. Et hi enim esurientem Christum pascunt, sien-
 tem potant, nudum vestiunt, peregrinum hospitio excipiunt, capti-
 vum redimunt, infirmum visitant, in carceratum solantur, mortuum
 sepeliunt. Hi quoque oculus sunt cæco, & pes claudus, & Patres
 sunt Pauperum, morientium consolatores, non negant, quod vo-
 lunt, pauperibus, neque oculos viduæ expectare faciunt, neque co-
 medunt

medunt buccellam suam soli, sed eam cum pupillis partiuntur, post aurum non abeunt, neque sperant in pecunia & thesauris, neque dicunt obrizo, fiducia mea; qui benefaciunt malefacientibus, benedicunt maledicentibus, orant pro persequentibus, non vincuntur à malo, sed vincunt in bono malum, nec dant ad peccandum guttur suum, ut maledicant odientibus se. Denique utuntur hoc mundo, tanquam non utantur; abundant in operibus bonis, & jugiter inclinant cor suum, ad faciendas justificationes Domini in æternum propter retributionem. Vide sis patrimonia quæ dederunt pauperibus Christi; monasteria, quæ ædificaverunt filiis excussorum Christi; templa, quæ fundarunt honori Christi; altaria, quæ exstruxerunt & instruxerunt sacrificio Christi; Cantus & psalmodias, quibus per templa Christi providerunt resonare laudes Christi. Thesauros auri, argenti, gemmarum, vestiumque pretiosarum, quibus repletæ sunt domus Christi, ornatae fulgent augustius cruces, altaria, imagines Christi. Et hæc omnia sunt patrimonium Christi, sunt merces sanguinis Christi, sunt protestatio flammescens in cordibus fidelium dilectionis Christi.

Et fatendum est quidem, quia hæc omnia, quæ breviter enumerata sunt, nihil omnino sunt, si conferantur charitati, quæ excessivè, & superabundanter dilexit nos Christus: attamen etiam negandum non est, attentis viribus nostris, & tenuitate facultatum nostrarum, hæc quoque pro magnis reputanda esse, ut pote fructus multum ebullientis per corda nostra redamationis Christi, quam in eis constanter efflorescere facit charitas redundans in Passione Christi.

Hæc recogitans pia anima, recordetur se quoque unam esse, ex his, quas profusè prodigèquè amavit Magnus amator Christus, & animetur ad hoc, ut omni conatu virium suarum, sataget, ad semper, semperque ampliùs, profusius, prodigaliùs, effundendum se in amorem, & fructus amoris Christi.

M O D V S LXXIV.

Septuagesimus quartus Passionem Dominicam meditandi modus est. Speculari in ea, atque discere exemplariter elucescentem observationem Divinorum mandatorum. Etsi enim tota Domini nostræ vitæ, morum nostrorum fuit disciplina, nec non speculum excursionis præceptorum Dei, atque voluntatis ejus, attestante id, ipso de se Domino: *Sicut mandatum dedit mihi Pater, sic facio.* Item. Ioan. 14.

Ioan. 8.
29.

Ego, quæ placita sunt ei, facio semper, nihilominus hæc Christi ad Divinam voluntatem subiectio, mandatorumque plenissima exsecutio, perfectissimâ, & (prout dixi) exemplari, consummativâque ratione effulcescit, atque residet in Dominicâ Passione.

Licebit ergo pio meditati universa decalogi præcepta, à Christo in sua pro nobis Passione accuratissimè adimpleta perversigare; & in sedulam imitationem observantiz sibi met assumere.

Exodi 20.
2.

I. Præceptum est. Ego sum Dominus Deus tuus. Non habebis Deos alienos coram me. Servavit & adimplevit Christus Dominus mandatum hoc, in Passione sua, quia Patri suo, hoc est, Deo vero, cum exhibuit honorem atque cultum in Passione sua, qui & uni, & soli Deo debetur, estque omnium cultus eminentissimus: obtulit enim sacrificium & holocaustum Deo, non quale quale, non taurorum aut arietum pinguum millia, sed semetipsum, vitam suam ponens, pro obedientia Dei Patris. Quod olim diabolo adorationem sui suadenti, respondit; *Dominum DEVM adorabis, & illi soli servies*: hoc quàm plenissimè præstitit per Passionem & mortem suam, soli Patri sese non tantum in servum, sed & in holocaustum & sacrificium immolando. Docens nos in Dei nostri cultum profunderet, non omnia tantum nostra, sed etiam ipsos nos, impendendo, honori & obedientiz, illi à nobis debitz, etiam sanguinem, etiam honorem, etiam libertatem, etiam vitam.

Matth.
7. 10.

II. Præceptum. Non assumes nomen Domini Dei tui invanum. Nunquam Christus otiosè, nunquam falsò juravit, ac etiam observare est in vita Christi, rarissimè ipsum Dei nomen usum, nec nisi cum speciali aliquo adjecto reverentiam Dei sonante. In tota Passione sua solummodò bis, terue Deum nominavit, idque cum singulari affectu, tum dilectionis, tum reverentiz, tum fiducia, tum obsecrationis, dicens: Deus meus, Deus meus &c. Inter eandem Passionem per nomen Dei vivi adjuratus: eam fecit sanctissimo nomini Dei reverentiam, ut propter eam confessus sit luculentissimè, se Christum Dei Filium, sessurum à dextris virtutis Dei, venturum in nubibus cœli; (estò novisset confessionem hanc capitalè sibi futuram.) Ad hæc: Passione suâ Christus, illa omnia quæ Patribus Deus promiserat, & per semetipsum juraverat, fidelissimè præstitit, persolvitque usque dum in Cruce protestaretur diceretque *Consummatum est*: quidquid nimirum ad Dei Patris honorem, promissorum fidem, salutem nostram, obedientiam & charitatem suam attingebat.

nebat. Quo exemplo docuit nos Dominus summa cum reverentia, humilitate, veneratione, paritate Divinum nomen sermonibus nostris interferere, nec sine interiore pietatis, religionisque sensu illud usurpare.

III. Præceptum. Memento diem Sabbati sanctificare.] Videri poterat, & de facto Judæis visus erat Dominus Sabbatum non custodire, quæ fuit (ut videri volebant) in eadem causa singularis, odiorum atque persecutionum in Christum. Sed insanam superstitionem Judæorum satis refutavit Dominus. Maxime cum ipse esset Dominus etiam Sabbati. At nihilominus exactam Sabbati custodiam in Passione sua demonstravit, tum quando in cruce corpus suum per Sabbatum remanere, tum quando in Sabbato noluit sibi à fidelibus ullum mortuale obsequium exhiberi, tum denique quia toto die mortem suam sequente Sabbatisavit, requiescens in sepulchro. Consummato salutis nostræ opere, nec non condito Ecclesiæ suæ mundo: prout olim condito mundo hoc visibili, septimo die requieverat. per hoc instituens nos: ut dies cultui Divino destinatus non solum habeamus, sed habitos revereamur, & Divino obsequio laudatione, gratiarum actionibus, orationibus, sermonibus sacris audiendis, nec non aliis salutaribus operibus, sanctos, & Deo consecratos placitosque reddamus. Ne hostes nostri dæmones, derideant sibi Sabbata nostra, prout hodie (pro dolor, & probrum Christi!) fieri apud Christianos amat, quibus nulli magis ad omnem licentiam morum, ad omnem turpitudinem exercendam, de more atque instituto destinati sunt dies, quam festi, quam sacri, quam Deo scilicet dicati, ejusque cultui destinati, quasi hoc esset Sabbatum quod Dominus elegit, quodque à suis christianis Christus requirit.

IV. Præceptum. Honora Patrem tuum & Matrem tuam.] Constat Dominum nostrum totam vitam suam impendisse honori, cultui, obsequio, obedientiæ Patris æterni, idque sub ratione Patris: quem & ideo sapientissime hoc gratioso Patris nomine compellere gratissimum & utilissimum habuit. Constat etiam, ab eodem Domino Nostro Matri suæ ad usque annum vitæ trigessimum, obsequium & subjectionem filialem exhibitam, nihilque officii, quod Pietas in parentem posceret omisisse. Iosephum quoque Patrem putatum, affectu veri Filii, quoad vixit coluisse. Sed hoc tamen præcipue demonstravit in Passione sua, in qua licet undique calamitatibus obseptus, vereque vir dolorum, & sciens atque experiens infir-

mita-

mitatem esset, Matris tamen Cruci suæ adstantis curam minimè præterit, sed eam Ioanni commendans, eidem in eam filialem suum affectum amoris, & curæ indidit: unde & Ioannes ex illa hõra accepit illam in sua. Patri verò æterno tum suam Passionem ac mortem, mortisque ignominiam, in honorem, obsequium, mandatiq; illius executionem impendit, tum in extremo vitæ periculo, inclinato per summam devotionem, venerationemq; capite, animam suam recommendans, atque tradens in ejusdem Patris manus, expiravit. Sciens, & nullo se loco melius spiritum suum, quàm in Paternis manibus depositurum; & nullo se gratiore pignore manus Paternas, quàm sui Spiritus in eas depositione daturum. Hac eadem operâ erudiens nos; tum omnem vitam, nostram cultui honorique summè boni, summè pii, summeq; venerandi, Patris nostri cœlestis, & nostro, & omnium creaturarum nomine consecrare, tum debito, Parentes, Magistratus, Majoresq; omnes honore, ac veneratione, pietatisq; officiis colere. Sibi enim hoc vel impensum vel negatum protestatur, quod Majoribus impensum negatumve fuerit, quod in nullius alterius præcepti sui observatione, aut violatione attendit Deus, idq; adeo delicatè, quasi pupilla oculi sui res sit.

V. Præceptum. *Noh occides.* Nullum occidit Christus, imò omnes mortuos peccatis, Passione suâ morteque vivificavit, insuper resurrectionem ex mortuis nobis omnibus promeruit. Vnum solummodò hostem nostrum occidit, mortem videlicet tam corporis, quàm animæ, tam temporalem, quàm æternam; de qua per Prophetam olim comminatus fuerat dicens. *Ero mors tua, o mors; & morsu tuus inferne.* Ad hæc etiam peccatum in suo mortali corpore interfecit, una cum chyrographo mortis affigens illud Cruci. Cujus figuram olim gessit & expressit David Philistæum interficiens, & suo ipsius eum gladio truncans, demumq; *velut tenerrimus ligni vermiculus sexcentos*, hoc est, innumeros, & universos nostros hostes interficiens impetu uno. Atque per hoc etiam nobis fidelibus suis legem fixit, ut proximum quidem, etiam inimicum, & odientem, unusquisque nostrum diligat sicut seipsum propter Deum, cum peccato autem & diabolo, & mundo, & carne internecinum geramus bellum: donec eos virtute Passionis, Crucis, & mortis ejus contemamus sub pedibus nostris.

VI. Præceptum. *Non mæchaberis.* Christus Deus Noster, & Spiritu Sancto conceptus, deque intemerata semper Virgine Ma-

Col. 2.

14.

1. Reg. 17.

51.

2. Reg.

23. 8.

ere, vi
lit, alu
hilom
per far
beuter
ex nov
omni
carnis
Dei, e
n fac
tiar di
(ait)
nostr
et. fca
sed pr
ornat
cilque
V
lus de
tusell
forma
putre
autem
nostr
omni
ad co
pinac
quod
be,
dirip
& di
tatur
ni.
pi &
tas C
perfo
pece
gent

ere, virgo natus est, virgo vixit, virgo mortuus est, ut pœne absurdū sit, aliquid pro virginea Christi integritate asserenda laborare. Nihilominus ille sponsus sanguinum factus est Ecclesiæ suæ, quam sibi per sanguinem, crucem, & mortem acquisivit, & exhibuit non habentem rugam, neque maculam: ex ejus mortui latere, tanquam ex novi Adæ costa, ædificavit sibi uxorem, eamque fecit Matrem omnium viventium, qui non ex sanguinibus, neque ex voluntate carnis, sed ex Deo nascuntur filii Dei viventis. Hæredes quidem Dei, cohæredes autem Christi, ob quod Dominus Jesus Pater futuri sæculi meritò nuncupatur. Atque hic nobis amabilissimè denuntiat dicens, *sponsa sit mihi in fide*. Et ejus Apostolus. *Respondi vos* (ait) *uni viro virginem castam exhibere Christo*. Ergo videat quisque nostrum, ut possideat vas suum, non in passione desiderii, sed in sanctificatione, & munditiâ, ut sit virgo & carne, & Spiritu, ut virgo sit, sed prudens, habens lampadem non solum fidei & spei sinceritate ornata, verum etiam oleo bonorum operum plenam, charitatisque igne succensam.

2. Cor.
11. 2.

VII. Præceptum. Non furtum facies.] Attestatur Apostolus de nostro Domino Jesu Christo: quia non est rapinam arbitratus esse se æqualem Deo; quin potius cum dives, imò Deus, & in forma Dei esset, propter nos egenus factus est, ita ut neque ubi caput reclinaret suum, neque ubi pedem poneret, habuerit: insuper autem quæ non rapuerat, furta primorum parentum, omniumque nostrum, in passione exsolvit, usque ad novissimum quadrantem, in omni rigore justitiæ, nec ad æqualitatem solum, verum etiam usque ad copiosum excessum. Et tamen non omisit Dominus exercere rapinam spoliaque diripere ex hostibus tam suis quàm nostris: propter quod nomen illi inditum narravit Propheta. *Accelera, spolia, devorabere. Festina, prædare*. Ergo fortem armatum invasit, vicit, vasa ejus diripuit, & ab ipsis inferis captivam captivitatem eduxit, infernum & diabolum iniquè raptâ possessione, justè spoliavit. Ideo decantatum est illi: *Hæc est præda David, accipite de benedictionibus Domini*. Et illud: *Ascendens in altum captivam duxit captivitatem, accepit & dedit dona in hominibus*. Hæc rapina, hæc spolia, hæc captivitas Christi, nos sumus, & utinam esse amemus, esse euremus, esse perseveremus. Quid enim felicius? sed heu, quàm multi amantes peccata sua, diligunt mortem; & tradunt se diabolo in servos, eligentes maledictionem, & negligentes benedictionem. Filii Levi, fi-

Isaia 8.
1. 3.

1. Reg.
30. 20.
Ephes.
4. 8.

lupotentes, filii excussorum, accingimini, & estote robusti, ermite pretiosum è vili. *Ite ad gentem convulsam & dilaceratam & gementem sub tyrannide, tot dominorum, quot vitiorum. Afferte Domino filii Dei, afferte filios arietum, diligit enim Dominus noster talem rapinam in holocausto.*

VIII, Præceptum. Non falsum testimonium dices. Absit ut Christus veritas, ut verax, & testis in cælo fidelis, & qui cum veritate iudicat, & vincit, falsum testimonium dixerit aliquando. Passus est tamen falsos testes, & falsa testimonia contra se audivit, in hora Passionis suæ. Insuper autem protestatus est coram Pilato, se in hoc natum esse in mundum, ut testimonium perhiberet veritati. Et præstitit perhibuitque sanè quàm abundè, factaque sunt testimonia ejus credibilia nimis, virtute operum, evidentiâ miraculorum, veritate verborum, ita ut inimici dicerent ei. *Magister, scimus quia verax es, & viam Dei in veritate doces.* Nihilominus inimici ejus mētiti sunt ei, & verissimum testimonium ejus quod dedit veritati coram Caipha Pontifice, & universo concilio, appellaverunt falsum, atque blasphemum, & ob illud proclamatus est, *Reus mortis.* Sicq; testis veritatis, factus est victima falsi testimonii, neque ullam habuere Iudæi procurandæ & urgendæ mortis Christi causam, aut gravem & speciosam magis, aut falsam ementitamque magis. Et per hoc docet nos Dominus Jesus, esse nos per omnia servos veritatis, cultores, amicos, prædicatores, professores, tutores.

IX. & X. Præceptum est. Non concupisces quidquam eorum, quæ proximi tui sunt. Non uxorem, non servum, non bovem- &c. Quomodo Christus Dominus aliquid nostrum concupisceret, qui ad hoc in mundum venit ut sua omnia, & se ipsum nobis impenderet, nobisque daret? Profudit ergo & planè prodegit, in nos, inque usum nostrum omnia sua, & Divinitatem, atque personam cum omni gloria ejus, & corpus, & sanguinem, & famam, & vitam, & animam, & matrem, & merita, & opera, & virtutes, & passionem; denique totum se, quidquid erat, quantus-quantusque erat: ita ut etiam illud quod in latere & corde adhuc sanguinis & aquæ post mortem superfuerat, per vulnus lateris aperti effundi, atque in nostræ salutis Sacramenta transire fecerit. Solâ duntaxat cruce reservatâ sibi, à qua non nisi alienâ manu, alienâ potestate, & mortuus quidem, depositus sit. Et hæc est disciplina nostra, magisteriumq; nostrum, nobis à summo doctore, ex cathedra crucis traditum, ut si-

Ioan. 18.

37.

Matth.

22. 16.

Matth.

26. 66.

ut similes
res eorum
do, omni
Cibit, s
ritia Ch
imitatio
trinitati

Eprou
Cene p
servatio
modum
Ac L
ha sunt
est super

2. C
minus ex
in mund
caput rec
eluxit ej
enim in
esse volu
fili sua,
pulturac
in sepulc
norum,
nâ miser
rus erat
aus, sive
volunta

3. Co
servavit
noster,
tuus est,
dix, tum
dem in p
ni gener

ut sumus in mundo isto tanquam filii excussorum, nihil concupiscen-
tes eorum, quæ in mundo sunt, nihil commune habentes cum mū-
do, omnia impendentes salutis nostræ, auxilio proximi; dilectioni
Christi, gloriæ Dei; solam crucis, & paupertatis, & Passionis, & stul-
titiæ Christi possessionem, hereditatemque nobis usque ad mortem
imitatione retinentes, vindicantesque; solo hoc ex Christi bonis pa-
trimonio in hac vita, divites, gloriosi, beati.

M O D V S LXXV.

Ep̃uagesimus quintus Modus Dominicam Passionem meditandi
Certe potest, advertere quomodo in Dominica Passione eluceat ob-
servatio consiliorum Christi. Erunt operæ pretium tum meditandi
modum in aliquot consiliis Christi declarare.

Ac I. Quomodo octo Beatitudines quæ propria Christi confi- *Matth.*
tia sunt, in ejusdem Domini nostri Passione reluceant, declaratum *5. 3.*
est superius, Modo. xxxi.

2. Consilium voluntariæ Paupertatis totâ quidem vitâ suâ Do-
minus exactissimè consecutus est, adeo, ut ab ipso per nativitatem
in mundum hunc, vitæque mortalem ingressu, non invenerit ubi *Lucæ 9.*
caput reclinaret suum; præcipuâ tamen ratione, in tota Passione sua *58.*
eluxit ejus erga Paupertatem amor, atque observantia. Nudissimus
enim in Cruce pependit. Vestimenta sua inter crucifixores partita
esse voluit, capite pendulo, & fulcimenti indigo. mortuus est. In
feti sua, guttam aquæ non habuit, alienâ syndone involutus ad Se-
pulturam, alienâ stipe mortui corpus inunctum est, alieno denique
in sepulchro conclusus, & conditus est. Nullum successorem bo-
norum, nullam è suis rebus possidendam heredi reliquit; nisi alie-
nâ miseratione de Cruce depositus, tumulatusque fuisset, esca futur-
us erat aut volucrum, aut bestiarum rapacium, sive in Cruce reli-
ctus, sive sub cruce projectus. Atque hæc omnia Christo tam fuere
voluntaria, & electa spontaneè, quàm quidquam spontaneum.

3. Consilium voluntariæ virginittis atque Puritatis, in omni vita
servavit, sed specialiter in Passione & morte complexit Dominus
noster. In medio enim virginum hoc est, Matris, & discipuli mor-
tuus est; & virginem suam carnem exquisitis subjecit, tum verecun-
diæ, tum mortificationis occasionibus, & afflictionibus. Et id qui-
dem in poenam & expiationem omnium & singulorum totius huma-
ni generis execrandarum obscenitatum; tum etiam ad emerendam

apud æternum Patrem corruptissimæ, & in turpitudinem luxuriæ projectissimæ naturæ nostræ, omnis castitatis, potissimum verò virginalis puritatis, & gratiam, & amorem, & studium, & præmium, atque triumphum. Nisi enim Christus virgo virgineam suam carnem, carnis voluptatibus subtraxisset, doloribus autem subiecisset, nequaquam virginum sponsus, & Rex puritatis omnis, castique consilii seminator exstitisset.

4. Consilium voluntariæ obedientiæ, cuius cum stupendum in primis Amorem, cultum, exemplumque in Passione Domini nostri videre est, tum etiam votum, professionemque cognoscere. Quemadmodum in primo instanti Incarnationis suæ, ingressusque sui in mundum momento, professus est Dominus noster Æterno suo Patri obedientiam omnem, asserente id post Psalmistam Apostolo. [*Ideo ingrediens in mundum dicit. Holocaustum & oblationem nolui, corpus autem aptasti mihi. &c. Tunc dixi, ecce venio. In capite libri scriptum est de me, ut faciam Deus voluntatem tuam. Deus meus volui, & legem tuam in medio cordis mei.*] contestans se nullâ suâ usurum libertate, quantumlibet sibi à Patre permissâ, & relicâ, saltem quoad circumstantias, & conditiones mandati de morte subeunda pro nobis, idque voto perpetuo confirmans, & sanciens. Adeundem modum etiam ex mundo exiens, atque ad Deum vadens, & sciens quia omnia dedisset ei Pater in manus, nihilominus factus est obediens usque ad mortem, mortem autem Crucis, atque cum hîc jam prospiceret terminum tam suæ Passionis, quam Paternæ voluntatis, minimè autem suæ ad obediendum ultra promptitudinis: non dubitavit Paternam voluntatem provocare, ad suggerendam adhuc alacritati suæ patiendi ac obediendi materiam, propter quod inclamavit in Cruce, *Sitio*; in quo nimirum amplius Patri obedire, & suæ ad obtemperandû fami sitive obsequi posset. Cum verò animaduerneret Patri Æterno nullam amplius esse imperandi sibi voluntatem: ergo filiali simul humilitate, simul subiectione, pessimilis querenti, ait, ad Patrem. *Deus meus, Deus meus, ut quid dereliquisti me?* Obliviscens famelicæ sitibundæque promptitudinis meæ ad obedientiam Tibi ô Pater, quia nullam mihi jam dignaris suppeditare præcepti materiam. Quocirca quoniam obedire ulterius non possum Tibi, & consummata sunt omnia quæ placuerat imperare mihi, sit itaque finis vivendi, quandoquidem est finis obediendi. Non enim lubet ultra vivere, quoniam non licet ultra obedire. Ergo in

manus

manu
sola vive
ificati
5. C
tur vigil
sipienti
ximè ill
tam, fec
& mors
quod p
autem
quidqu
torum
sti, orat
per toti
dimitt
horas
obvult
extrem
tum su
6. C
omnis q
sione c
sti fide
cit illa
nem ad
in form
exinan
num sa
tem, n
dedit i
genu s
graph
ejulden
ciam
7.
oderu
vos. I

manus tuas Pater commendo Spiritum meum, ut eadem sit mihi clausula vivendi, quæ & obediendi. Atque in hac quoque voluntate sanctificati sumus per oblationem corporis IESV Christi.

5. Consilium Christi. *Oportet semper orare & non deficere. Igitur vigilate omni tempore orantes.* Hoc consilium suum Incarnata sapientia Christus, totius quidem vitæ suæ decursu exercuit, sed maxime illi in sua Passione deditus fuit: quin imò Passionem suam totam, fecit orationem perpetuam. Cum enim tota ejus Passio, crux, & mors, aliud nihil sit, quàm sacrificium; atque adeò holocaustum, quod pro omnium salute, unigenitus Dei, Deo Patri obtulit, constat autem sacrificium esse præstantissimam orandi speciem, sequitur, quidquid in Passione Christi est, seu quidquid Christus Passus est, id totum orationem ejus fuisse. Et præter hoc, initium Passionis Christi, oratio perquam accurata fuit in horto Gethsemanico. Deinde per totius Passionis cursum, illa perpetua Christi oratio fuit: *Pater, dimitte illis, quia nesciunt quid faciunt.* Iam verò in Cruce per tres horas cum penderet vivus: *preces & lachrymas cum clamore valido obtulit Patri: quas Psalmo suo toto David Rex prophetaverat, ad extremum totam vitæ periodum orando, & in manus Patris Spiritum suum commendando tradendoque absolvit.*

6. Consilium Christi. *Omnis qui se humiliat exaltabitur, & omnis qui se exaltat humiliabitur.* Hoc consilium à Christo in Passione completum, qui non agnoscit, planè nihil in ea, nihil in Christi fide, nihil in ipso Christo agnoscit. Ad hoc explanandum sufficit illam Apostoli tum enarrationem, tum etiam simul exhortationem adducere. *Hoc sentite in vobis, quod & in Christo IESV: qui cum in forma Dei esset, non rapinam arbitratus est esse se æqualem Deo; sed exinanivit semetipsum, formam servi accipiens in similitudinem hominum factus, & habitu inventus ut homo, factus obediens usque ad mortem, mortem autem Crucis. Propter quod & Deus exaltavit illum, & dedit illi nomen, quod est super omne nomen, ut in nomine IESV omne genu flectatur, caelestium, terrestrium, & infernorum.* Quibus verbis graphicè Paulus & exinanitionem humiliationemque Christi, & ejusdem exaltationem, & denique nostram obligationem, atque etiam expectationem complexus est.

7. Consilium Christi. *Diligite inimicos vestros, benefacite his qui oderunt vos. Orate pro persequentibus vos, benedicite maledicentibus vos.* Et quid est tota Christi Passio, si non hujus consilii praxis, atque

Ioan. 19.

28.

Luca 23.

46.

Hebr. 10.

19.

Luca 18.

1.

Luca 21.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

36.

executio? Nam præter illam inaudita mansuetudinis vocem, quæ Dominus in medio acerrimarum passionum, orabat ad Patrem non se postulans vindicari, sed crucifixoribus suis petens ignosci; utique tota Passio fuit inimicorum & dilectio, & cum irati Dei iustitia reconciliatio. Etenim cùm adhuc inimici essemus reconciliati sumus: Deo per Christum, perque mediantem ejus Passionem, & mortem. Quare etiam usque hodie in singula momenta, & usque ad mundi finem Passio Christi præcipuè operatur unam dilectionem inimicorum, reconciliationem injuriosorum, veniam peccatorum, gratiam ingratorum, amorem persecutorum, provocationem infidelium, justificationem iniquorum. Ita ut sine Passione Domini, pacem cum Deo habere nemo possit, cum ea verò nemo non possit. Adhuc ergo hodie Christus clamat de Cruce pro nobis ad Deum, *Pater ignosce illis, quia nesciunt quid faciunt.* Quæ vox nisi semper in patetris auribus, per vulnera & mortem unigeniti personaret, indubitatè totus mundus in suarum eluvione iniquitatum desperaret. Sed oratio Patientis Domini pro peccatoribus scutum est atque protectio peccatorum ab justo furore Domini irascentis.

In hunc modum, cætera consilia Christi in Passione Christi elucescentia, pio meditatiore considerare licebit, hæc autem in exemplum dedisse hoc loco sufficiat. Alia consilia Domini sunt. *Quæ tuasunt, nò repetas. Siquis percusserit te in unam maxillam, præbe illi & alteram. Estote perfecti, sicut & Pater vester cælestis perfectus est. Qui major est vestrum, fiat sicut minister. Gratis accepistis, gratis date. Dimittite, mortui sepeliant mortuos suos. Vade, vende omnia quæ habes, & da pauperibus, & veni sequere me.* Et alia ejusmodi.

M O D V S LXXVI.

SEptuagesimus sextus Passionem Domini meditandi Modus est: applicando nostras ad illam, vel illam ad nostras passiones, sive affectiones, tam quæ in concupiscibili quàm quæ in irascibili appetitu resident. Habent enim si diligenter attendimus omnes nostræ affectiones in Passione Christi, in ipsoque Christo Passio, pabulum suum, speculum suum, exemplar suum, frenum suum, regulam suam, locum suum, præmium suum, quæ omnia devoto meditatiore in Christi Passione scrutari licet. Ejus rei partem aliquam in Paradigma dabimus. Quia verò ut duplex est noster appetitus, nempe concupiscibilis, & irascibilis, ita duplices quoque reperiuntur in nobis

Luca 6.

30.

Matth.

5. 39.

Matth.

5. 48.

Matth.

20. 26.

Matth.

10. 8.

Matth.

8. 22.

Matth.

19. 21.

his passionibus. In appetitu concupiscibili reperuntur passionibus sex. Amor, desiderium, delectatio, seu gaudium & fructus. Item Odium, fuga, tristitia, seu dolor. In appetitu irascibili est Ira, spes, desperatio, audacia, timor. De utrisque hisce passionibus, quatenus circa Dominicam Passionem occupari possint, dicemus. Et quidem in præsentem modum, de passionibus appetitus concupiscibilis, in sequenti verò de passionibus irascibilis appetitus tractabimus, ne videlicet unius modi tractatio æquo longius excreseat.

Hi ergo omnes affectus reperiuntur in naturæ nostræ parte inferiori, quâ cum brutis communicamus. Rationalis autem voluntas, quæ in superiore nostri portione est, unica licet sit in se, omnibus tamen iisdem affectionibus suo modo æquivaleret, & supra dictis utitur; sed interdum ita, ut eis obsequatur, & ab eis abripiatur, obliuiscens rationem, & tunc mala est: interdum autem ita, ut eis ipsa dominetur, easque juxta lumen, & dictamen rationis ac divina legis, fideique regulam gubernet, & tunc bona est. Vnde illud vulgare sed laudabile dictum. Voluntas si rationem sequitur, virtus est; voluntas si rationem non sequitur, vitium est. Vt ergo voluntas nostra cum passionibus suis rationem sequi condiscat, & consuescat, & delectetur, ad Dominicam Passionem sese convertat, & exinde omnem sui, passionumque disciplinam desumat & hauriat.

I. Amor in Passione Domini plus quam faculenter addiscit, quid amare debeat, quid non amare. Quantum amare: & propter quid amare, & quomodo amare oporteat. Passio enim Christi clamat, nobis amorem Christi in DEVM, & amorem nostri propter DEVM, & quomodo amatus sit Deus à Christo, super omnia, quomodo amati nos à Christo propter Deum. Et hoc suo clamore eadem Passio Christi edocet nos, pari modo, & à nobis, amandum esse Deum super omnia, super vitam, super animam, super famam, super dignitatem, super totum mundum, super libertatem, super bona omnia: Nos autem & proximos nostros, amandos esse à nobis, propter Deum, & secundum Deum, ejusque voluntatem, atque gloriam. Quocirca Passio Domini est ipsissima schola, disciplina, regula amoris, in qua nihil magis inelamatur: quam illud. Dilige, quia dilectus es. Dilige, quomodo dilectus es. Dilige, quantum dilectus es.

II. Desiderium, habet eruditionem pabulumque suum, in Dominica Passione. Desiderando quod Christus desideravit, quomodo Christus desideravit, ad quid, & quantum Christus desideravit.

Dei.

Desideravit Christus Deum, & ejus gloriæ amplificationem, Majestatis, ac perfectionum notitiam, & manifestationem. Voluntatis, & legis ejus, beneplacitiq̃ue, tum cognitionem, tum amorem, tum adimplentionem. Desideravit quoq̃ue Christus suimet quâ Deus-Homo est, apud homines notitiam, fidem, amorem, præceptorum, & consiliorum amplexionem, vitæ morumq̃ue imitationem, sanguinis, meritorum, mortis, & Crucis studium, nobisq̃ue communicationem, & à nobis appretiationem: ad extremum Redemptionem nostram à captivitate diaboli, & damnationis æternæ necessitate, ablutionem à peccatis eorumq̃ue veniam, justificationem, sanctificationem, acquisitionem vitæ æternæ. Et propter hæc omnia supra dicta, desideravit omnem exinanitionem sui, ex forma Dei usque ad formam servi, formam peccatoris, formam maledicti, formam ab hominibus exterminati, contempti, stulti, nudi, egentis, afflicti, crucifixi, in cruce mortui, atque sepulti. Propter hæc omnia desideravit in stabulo nasci, profugus & exul nutrirî, pauperculus extreme vivere, subdi hominibus jejunare, sitire, totis noctibus in oratione pernoctare, fatigari, laborare, persecutiones, invidias, opprobria, calumnias, contumelias, insidias perpeti, cum publicanis, cum peccatoribus, cum vilissimorum hominum fæce conversari: ad extremum dura, & horrida, & probrosa omnia, ipsamq̃ue mortem inter iniquos sustinere, & obire. Hæc Christus desideravit, & desideravit desiderio, per totam vitam suam, continuato; ardenti; & (ut ipse Christus loquitur) ardente ipsam præ vehementia sui, desiderio cum notitiâ plena omnium desideratorum conjuncto, desiderio constante & perseverante, efficaciq̃ue usque ad mortem. Desiderio puro, nulli temporali bono permisto, sed toto divino, æterna sapiente, in Deum, & ejus gustum, gloriamq̃ue defixo, neque abrupto aut finito, priusquam ad exitum deductum, consummatumq̃ue esset. Desiderium hujusmodi Christus nobis totâ suâ vitâ, & Passione, & Cruce, & morte, commendavit. Tale desiderium nostrum omne esse vult, tali desiderio nos vivere, pasci, saginari, immori, vult, & mandat. Omnia aliâ desideria nostra, quæ hoc non redolent, neque huic supervivunt, reprobât, & respuit, noxia nobis esse, damnabilia, & in laqueos diaboli inducentia, inque æternum interitum mergentia denuntiat.

3. Gaudium sive Delectatio atque fructus, habet item eruditionem suam pabulumq̃ue in Passione Domini. Est enim Passio Do-

mini

mini Exaltativa & glorificativa Dei, ejusque Potentia, Iustitia, Sapientia, Misericordia, Bonitatis, Charitatis, Veritatis, Majestatis, Longanimitatis, reliquarumque plurimarum ejus perfectionum. Est item eadem Passio Domini, exaltativa & commendativa nobis, & omni rationali creaturae, ipsiusmet Christi, tanquam Dei-Hominis, propter voluntatem Patris, propter misericordiam suam, propter salutem aeternam nostram, Incarnati, Nati, Passi, Crucifixi, Mortui. Est quoque eadem Passio Domini, nostra salus, & vita aeterna, estque ablutio & absolutio à peccatis; est condonatio reatus aeterni; est liberatio à morte tam temporali, quam aeterna; est redemptio à servitute diaboli; est victoria temptationum; est exterminium omnis malitiae; est confortatio ad laborem; est excitatio, & corroboratio ad passionem; est justificatio ab iniquitate; est fons gratiarum, & virtutum, & meritum; est jus ad omnem veniam, ad gratiam, ad iustitiam, ad filiationem Dei, ad fraternitatem Christi, ad cohereditatem ejusdem, ad inhabitationem Spiritus Sancti, ad amicitiam, claritatem, desponsationemque Dei, est denique clavis ad coelum, porta ad Regnum, Meritum ad praemium, thesauri ad victoriam, via ad palmam, reductio ad Deum, introductio ad vitam & Beatitudinem, & Gaudium Aeternum. Et estne aliquid excogitare, quod ad Gaudii nostri vel formam, vel materiam desit, & in Passione Domini non sit? Adhucne Gaudium nostrum, pabulum sibi quaerit alibi extra Dominicam Passionem? Adhucne stultae mortalium Animae vagabuntur per creaturas, à quibus emendicent suas consolationes? Adhucne insipiens homo gaudere appetet de terrenis? de sordidis, de vanissimis, non bonis, sed verius bonorum umbris, bonorum fecibus, bonorum somniis, atque fallaciis? Utinam toti humano generi libeat exclamare. Mihi absit gloriari, absit gaudere, absit exultare, & latari, & quiescere, nisi in Cruce, nisi in Passione, nisi in Morte Domini nostri Iesu Christi, per quem mihi mundus quidem crucifixus, & contemptus, exosusque est, & ego vicissim mundo. Ipse verò Dominus meus Iesus Christus, gaudium meum, & gloria mea, & corona mea est, & ego vicissim Christo.

4. Odium quoque habet disciplinam & pabulum suum in Passione Christi, quemadmodum Patiens Passusque Dominus noster docuit nos, quid, quantum, quomodo, & propter quid amemus, desideremus, gaudeamus: ita etiam eadem opera docet nos quid oderimus, fugiamus, & detestemur. Oderat Christus omne id, quod

ſciebat eſſe Dei Patris gloriæ, atque voluntati, inimicum, noſtræque ſaluti, & beatitudini æternæ pernicioſum. Oderat peccatum, oderat amorem mundi & ejus vanitatem, oderat carnis deſideria & opera, oderat propriam voluntatem, proprium amorem, & ſuperbiam cordis, oderat mortem noſtram, & temporalem, & multo magis æternam, oderat diabolum Patrem mendacii, & omnis peccati, & homicidæ. Hæc Chriſtus oderat, horumque odio factus eſt Deus-Homo, Contemptor per omnia omnis concupiſcenciæ oculorum, concupiſcenciæque carnis, & ſuperbiæ vitæ. Horum odio ſectatus eſt extremam rerum omnium penuriam & neglectum, inſatiabilem & inviſam innocentiffimi corporis mortificationem, vexationem, dolorem, planè ut vir dolorum, & ſciens infirmitatem, meritò vocaretur: denique intimam, cordialem, & exinanitiivam ſui met humiliaſionem, & contemptum contemptum, honorumque & omnis apparentiæ humanæ fugam. Horum odio, totum quidquid in ortu, vita, Paſſione, morte, honore, & virtute, & Perſonâ, & Dignitate paſſus eſt, totum hoc inquam horum odio paſſus eſt. Horum odiû & contemptum ſuo nobis adeo luculento, adeo efficaci, adeo irrefragabili, exemplo ſuaſit, & indixit; ut luculentius, efficacius, convitiiviusque, neque nos effingere, aut exſpectare, neque ipſe exhibere & adhibere potuerit. Et hæc cum ita ſint; adhucne odiet homo ea, quæ amavit Deus? aut amabit adhuc ea, quæ odio habuit Deus? adhucne amplectetur Chriſtianus, quæ averſatus eſt Chriſtus? aut adhuc averſabitur Chriſtianus, quæ amplexatus eſt Chriſtus? O filii hominum uſquequo gravi corde? uſquequo diligitis odienda? odiſtis amanda, & reprobatis quæ ſapientia æterna probavit, acceptatis quæ eadem ſapientia incarnata repudiavit, & vos repudiare docuit: docuit verò non perſuaſibilibus & futilibus humanæ ſtultitiæ verbis: ſed inauditis, atque ſoli ſapientiæ Increatæ Incarnatæque congruis & condignis, exemplorum argumentis, & argumentorû exemplis, qualia quidem in Paſſione potiſſimum Chriſti, omni ſole clariùs eluſceſcunt.

5. Fuga ſive Averſatio. Quam ſimiliter erudit Dominus noſtri Paſſio, & Crux, & Mors, atque etiam antegreſſæ vitæ tum facta, tum dicta. Ex dictis Domini eſt illud. *Si vos perſecuti fuerint in una civitate, fugite in aliam. Dico vobis non conſummabitis omnes civitates Iſraël, fugiendo ex una in aliam, donec veniat dies Domini.* Et alio loco dicit Dominus. *Orate, ut non fiat fuga veſtra in hyeme, neque in*

Sabbæ.

Sabbato. Facto autem Dominus fugam probavit, toties manus hostium lapidaturas, precipitaturas, comprehensuras effugiendo, nec non sese abscondendo. Non solum autem fugam nostram Dominus instruxit quasi Corporalem, sed etiam Spiritualem: ut cum monuit. *Attendite à fermento Phariseorum. Attendite à falsis Prophetis. Cave: ne iustitiam vestram coram hominibus faciatis. Attendite ne corda vestra graventur à crapula & ebrietate. Nolite jurare omnino. Nolite irasci. Nolite iudicare. Nolite condemnare.* Porro diabolus suaderem sibi precipitum, rejecit Dominus opponens non esse tentandum Deum; similiter eundem adorationem sui à Domino mercantem, pro omni gloria mundi, rejecit atque averfatus est, vibrans in eum fulmineum illud. *Vade Sathana, Dominum DEVM tuum adorabis; & illi soli servies.* Sed plures in verbis Domini nostri ejusmodi informationes, fugam nostram erudientes. At præterea repetire est, alterius quoque ordinis & generis fugæ nostræ informationem in Christi factis, dictisque, ac potissimum in Passione. Non jam scilicet fugiendo mala & adversa, sed potius fugiendo & averfando fugam adversorum. Tale est dictum illud Petro, advocanti Christum, à cogitatione Passionis suæ. *Vade retrò Sathana: scandalum es mihi. Non scis quæ Dei sunt, sed quæ hominum.* Tale & illud eidem Petro dictum, profluenti ad defensionem sui in Horto: *Converte gladium tuum in vaginam &c. Calicem, quem dedit mihi Pater, non vis ut bibam illum? &c.* Tale & illud dictum ad discipulos, cum ante captivitatem suam obviam iret Iudæ, & ministris comprehensuris eum. *Surgite cæmus, ecce appropinquat qui me tradet.* Quo verbo, absterfit omnem illam quæ in portione inferiori residebat fugam, averfationem, deprecationemque Passionis, in cujus tanquam mare sese demersit dicens paulò post hostibus suis. *Hæc est hora vestra: & potestas tenebrarum.* Stetitque Dominus per totam Passionem suam in hoc firmitatis gradu, & fugæ omnis abiectione. Quà confessus est Pontificibus & Concilio venturum se iudicem cum maiestate magna in fine mundi. Quà rejecit Pilatum jactantem potestatem vitæ & necis super se: rejecit Herodem, cui non respondit verbum, ad sermones ejus multos: rejecit etiam mulierum plangentium super se parùm opportunam humanitatem: rejecit denique suaderes descensum de Cruce, & fidem in eum promittentes. Sic Dominus noster fugam nostram erudit, docuitque verbo & facto, fugere quæ verè & merito fugienda sunt. Non fugere, quæ propter Deum salutemque æternam fugienda non sunt.

6. Ho.

Matth.
24. 20.

Lucæ 12.
1.

Matth.
7. 15.

Matth.
6. 1.

Luc. 21.
34.

Matth.
7. 1.

Matth.
4. 10.

Matth.
16. 23.

Matth.
26. 52.

Joan. 18.
11.

Matth.
26. 46.

Luc. 22.
53.

Matth.

26. 37.

1b. V. 38.

6. Habet quoque in Passione Domini pabulum suum Tristitia nostra, quâ Dominum in Passione sua laborasse, testes sunt Evangelistæ, dicentes coepisse *Dominum parere, tædere, contristari, & mortuum esse.* testis est ipse Dominus, de se discipulis suis enuntians: *Tristis est Anima mea usque ad mortem:* quibus suis verbis, non tantum durationem, verum & vehementiam tristitiæ suæ significavit, asserens tristitiam suam, & lethalem mortiferamque esse, & non nisi cum ipsa morte cessaturam. Qui autem fuerint fontes Tristitiæ tantæ Domini, non est difficile eos invenire & assignare. Tristatus enim est ob omnes, & singulas iniquitates omnium nostrum; enatasque ex eis injurias & offensas Patris Aeterni, nec non justissimas, nullis autem creaturæ viribus & conatibus expiabiles, placabilesque vindicis iras. Tristatus est de indubitata ac irremediabili humani generis totius perditione. Tristatus est de impossibilitate remedii, quo salvari genus humanum justè & condignè posset: præterquam per suam Passionem & mortem in Cruce pro hominibus in hunc, salutis scilicet, finem suscipiendam. Tristatus est, Hoc salutis redemptionisq; Humanæ, per suam mortem remedium, non nisi mediante Deicidii inaudito scelere, ab ipsis met hominibus perpetrato, in executionem venturum. Tristatus est ob exiguum numerum eorum, quibus sua Passio & Mors efficaciter ad salutem æternam suffragatura, immensam autem multitudinem eorum, qui propriâ suâ culpâ excidere debebant à fructu redemptionis, videlicet à salute æterna, potiusque eis mors sua, & Passio in cumulum & augmentum damnationis æternæ convertenda erat. Tristabatur de propria Passione & Morte, tanquam Dei-Hominis, tanquam Capitis humani generis universi, tanquam Principis, Regis, Domini, Hæredisque rerum omnium, & quidem de adeo amara, probrosa, immani, omnibusque modis exaggerata morte. Tristabatur de dilectissimæ Matris suæ omnium dolorum dolorissimò dolore, orbitate, probrositate. Tristabatur de suorum discipulorum, amicorum, fidelium, afflictione, metu, perturbatione. Tristabatur de Ecclesiæ suæ, tanto sumptu à se quæsitæ, tanto labore constitutæ, & ædificatæ, prope modum ruinâ, & extinctione, nisi in unicæ Matris suæ inconcussa stabilitate fidei, spei, & charitatis consisteret atque perduraret. Tristabatur de indignissima exosissimaque ingratitude, abusu, contemptioneque omnium pæne hominum, etiam credentium, quâ illi & in Salvatorem, & in salutem suam, per omnes ætates usque ad mundi finem propriâ voluntate

luntatum impietate grassaturi erant. Tristabatur de hostiam suorū simulque nostrorum, potissimum demonum consolatione & insultatione, quam habituri & exercitaturi erant, de tanta sanguinis atque mortis suae inutilitate, sterilitate, contemptu, perditione, evacuatione. Eligentibus innumeris hominum myriadibus, demonibus potius adhaerere, obsequi, obedire, sub eorumque tartareo jago, gemitu, demumque aeternaliter cum ipsis perire; quam Christo Redemptori, & Salvatori, & Deo, & Domino legitimo, simul & amabilissimo, praemiatore liberalissimo servire, & serviendo, sese gratissimos Pasionis ac mortis Dei sui fructus exhibere, Filios Dei, fratresque, & cohaereditas Christi praestare, ac tandem aeternae beatitudini idoneos, condignosque reddere. Quae quidem res, tantam indignitatem ex se, tantamque enormitatem habet ex multitudine, ut Dei Christi tanta pro hominibus Passi, tanta autem ab iisdem hominibus indigna perenniter patientis, ipsos demones capiat miseratio, si vera testantur historiae, referentes, ipsorum demonum, de hoc confessionem. De his omnibus tristabatur Christus tristitia inenarrabili, in agoniam extremam cruentumque sanguinem desinente, ut qui haec omnia & habuerit menti suae praesentissima, & per animi sui sapientiam perspicacissima, atque suis momentis expensissima, & exploratissima. Haec eadem omnia Tristitiae nostrae occupandae, erudiendae, pascendae, sola idonea sunt, sola sufficiunt, sola denique debita sunt, aliarum autem rerum omnium iacturam, rectus animus, vix ad tristitiae suae sensum admiserit.

*apud
Lauren-
tium à
Ponte in
Mat-
thae c. 1.
An Mor.
36. n. 24.*

M O D V S LXXVII.

Septuagesimus septimus Modus Dominicam Pasionem meditando sit, reliquarum passionum seu affectionum nostrarum, quae in appetitu irascibili sunt, in eadem Passione Domini investigatio, occupatio, instructio, atque ad normam Christi compositio.

Prima harum est Ira. Haec in Dominica Passione discit: quomodo irascendum sit peccato: illudque vindicandum. Quomodo portanda sit ira Dei: quomodo proximorum & inimicorum iracundia, malevolentia, & invidentia, & omnia injuriarum genera sufferenda sint: quomodo irae modus ponendus sit. Etenim in Domini Passione elucescit magnitudo irae & Zeli Divini contra peccata. In Passione quoque Christi discimus à Christo, quomodo is iram Patris aeterni, pro nostris peccatis, in se, pleno diluvio effusam supportavit, ac

simul quomodo & à nobis ira Domini supportanda sit, nos edocuit. Item in Passione Domini discimus, mansuetissimam & invidiosissimam Patientiam, insuper etiam dilectionem inimicorum, pro ipsis ad Deum supplicationem, eorumque excusationem. Ex Passione quoque Domini discimus, in quam absurdos furores, & in quam belluina, variareamque rabiem, ira & invidia precipitare possit homines, si ei frena laxent. Vna enim Ira, & invidia, & Odium, omnes Iudaici populi ordines, ab infimis usque ad supremos, ad usque Deicidium deduxit, in illudque furoris baratrum (quod expressere, tum verbis Prophetæ. *Eradamus eum de terra viventium, & nomen ejus non remoretur amplius. tum propriis. Sanguis ejus super nos, & super filios nostros.*) precipitavit. Ex Passione ergo Domini nostri, discimus fugere iram Dei, irasci peccatis tam nostris, quam etiam (cum id nostrum interest) alienis. Supportare iram Domini humilitate & patientia: proximorum iras mansuetudine, & beneficentia frangere, nec vinci à malo, sed in bono malum vincere, locumque iræ proximi non resistendo dare. Denique propriæ iræ ita dominari, ut nec sol occidat super eam, nec in voluntatem veniat alienatio à proximo, etiam ingrato, etiam adversario, etiam maledico, atque malefico. Hæc omnia, si nos Passio Domini non edocet, nulla certe disciplina docenda, domandaque iræ nostræ sufficiet.

Secunda Passio est Spes. Hanc, sola pro omnibus, Passio Domini, & fundat, & format. Ex Passione Domini etenim, & venia peccatorum, & Gratia virtutum, & Meritum æternæ vitæ, & victoria tentationum, & certitudo præmiorum, & invitatio ad labores, & solatium in afflictionibus, & auxilium in difficultatibus, & robur, contra nostras infirmitas; hostium autem robustas vires, & indubius exitus futurorum promissorum, velut ex fonte inexhausto promanant. Etenim si Pater Æternus proprio filio non peperit, sed pro nobis omnibus, tradidit illum: quomodo non etiam omnia nobis eum ipso donavit? Si Christus tradidit se ipsum, & animam suam in mortem pro nobis, quid ei superest, quod nobis negaturus sit? Si Passione & morte Christi deletum est etiam illud singulare Deicidium peccatum, quod erit peccatum, quod non eadem Passione expiabile sit? Quis desperabit salutem, sciens se habere Deum Salvatorem, & pignus salutis ejusdem Passionem atque mortem? Si quis hominum major est peccator, quam Christus Redemptor atque Salvator, dubites de venia peccatorum suorum. Qui dedit pro nobis vitam suam

suam Divinam, quomodo non dabit nobis vitam aeternam, quam ut negare non posset, anticipato dedit in pignus, iam in pretium ejus, vitam suam. Quid multa? Mors & Crux Domini nostri, omnium fons benedictionum, omnium est causa gratiarum, per quam credentibus datur virtus de infirmitate, gloria de opprobrio, vita de morte.] In qua veluti in mari refidet atque redundat copiosa redemptio, inexhausta misericordia, nimia Charitas. Quam nulla obruunt peccata, nulla exhauriunt promerita, nulla fatigant aut definiunt secula.

Tertia Passio est. Desperatio. Et huic Passioni est in Cruce mortis Domini, sua eruditio. Quantum enim illa profundit nobis de spe, tantum detrahit de desperatione. Vbi enim solum occupat certitudo spei, ibi nullus relinquitur locus desperationi. Idcirco infelicissimus est omnium Iudas proditor, qui elegit potius decurrere ad desperationis laqueum, quam expectare de Passione & Morte prodiu a se Magistri ac Domini, spei & miserationis remedium. Felix Petrus, cui abnegatio & abjuratio Domini sui, sicut non praeclusit viam ad amaram poenitentiam, ita non denegavit locum ad veniam. Felix & latro in Cruce, qui ad latus Domini pendens crucifixi, ex latrone Apostolus, ex blasphemo confessor factus & Martyr, dum a Domino verecunde postulavit sui in Regno memoriam, consequi meruit a Domino & cum Domino Paradysi gloriam. Nemo ergo desperet peccatorum veniam, nisi qui cum Iuda in laqueo agit poenitentiam. Alio porro modo Passio Domini deprecationem nostram format. Injiciendo nobis desperationem omnem salutis obtinendam, quam per gratiam miserationemque Dei, & per fidem, spemque in Christum, per participationem gratiae, charitatis, sanguinisque & mortis ejus, per communicationem meritorum in Ecclesia & Sacramentis ejus, per observationem mandatorum ejus, per imitationem morum, & virtutum, & exemplorum ejus. Propter quod ipse Dominus noster dixit, *Hec est vita aeterna, ut cognoscant te solum verum Deum, & quem misisti IESUM Christum.* Et iterum. *Ego veni ut oves meae, vitam habeant, & abundantius habeant.* Et iterum. *Oves meae, vocem meam audient: & ego cognosco eas, & sequuntur me.* Et ego vitam aeternam do eis, & non peribunt in aeternum, & nemo rapiet eas de manu mea. Idem asseruit post mortem resurrectionemque suam. Apparens enim discipulis ait illis. *Quoniam sic scriptum est, & sic oportebat Christum pati, & resurgere a mortuis tertia die, & praedicari in nomine ejus poenitentiam, & remissionem peccatorum, in omnes gentes.*

S. Leo
Serm. 8.
de Passione.

Ioan. 10.
10.
Ib. 17.
Luc. 24.
46.

- gentes. Neque alia fuit omnium Apostolorum Prædicatio, ut ita omnium vice testatus est Petrus Apostolus, adducens insuper testimonium Prophetiæ Moysi dicentis. Quoniam Prophetam susecubitis vobis Dominus DEVS vester, de fratribus vestris, tanquam me: ipsum audietis juxta omnia quaecumque locutus fuerit vobis. Erit autem, omnis anima, quæ non audierit Prophetam illum, exterminabitur de plebe.*
- Act. 4. 12. Rursus verò etiam idem Petrus de Christo Domino. Hic est lapis, qui reprobatus est à vobis ædificantibus, qui factus est in caput anguli, & non est in alio aliquo salus. Nec enim aliud nomen est sub cælo datum hominibus, in quo oporteat nos salvos fieri.*

Quarta Passio est Audacia. Et hic affectus noster in Domini nostri Passione eruditur quàm maxime; Dominus enim noster sicut animosissimè negotium patiendi ac moriendi in Cruce pro nobis suscepit, ita pari constantiâ animi illud exsecutus est, atque consummavit. Propter quod ultro prodiit hostibus suis obviam, seque permisit voluntati eorum, dicens. *Hæc est hora vestra & potestas tenebrarum.*

Luc. 22. 53. Matth. 26. 64. Propter hoc etiam adjuranti se Caiphæ Pontifici, non tantum Christum se esse filium Benedicti Dei, (quod interrogabatur) disertè professus est, verum addidit, venturum, futurumque se Iudicem omnium. Pilato quoque oggerenti suam super ipsum vitæ necisque potestatem: Ioan. 17. 7. audaci & rotundo verbo respondit. Non haberes potestatem adversum me ullam: nisi tibi datum esset desuper. Fuit & illud Audacis animi constantisque verbum ad mulieres eum plangentes, quo illas à se quidem plangendo dehortatus est, adhortatus verò ut potius super se ipsas, & super filios, flerent: quoniam superveaturi essent eis extremarum calamitatum dies. Quid verò, quod in media positus morte, inque Crucis patibulo, latronum medius, tanquam latronum maximus, latroni nihilominus Regnum appromittit, & largitur. Denique cum ob id præcipue ad mortem Crucis à Iudæis adactus esset; quia filium Dei se fecit, & quia Patrem suum dicebat Deum: nihilominus in auribus Principum omnium, & populi universi, de Cruce voce magnâ succelamans eandem repetiit Divinitatis unius ejusdemque cum Patre professionem. Pater, in manus tuas commendo Spiritum meum; & hæc dicens expiravit. Post Resurrectionem autem suam sistens se discipulis, hanc ipse animi audaciâ & constantiam, attulit, indixit, inspiravit. Pax vobis, Ego sum. Nolite timere. Et iterum. Confidite. Ego vici mundum. Et rursus accedens ad eos locutus est eis dicens. Data est mihi omnis potestas in cælo & in terra.

Enn-

tes ergo docete omnes gentes, baptizantes eos, in nomine Patris & Filii & Spiritus Sancti, docentes eos servare omnia, quaecunque mandavi vobis. Et ecce ego vobiscum sum omnibus diebus, usque ad consummationem seculi. Quibus verbis, ad firmandam formandamque nostram audaciam in Divina gloriæ atque voluntatis, item in nostræ atque proximorum salutis negotio atque studio, accedentibus ejusdem Domini Patris: omnis tum meritis, tum exemplis, nihil efficacius, nihil optatius.

Quinta Passio est. Timor. Habet hic quoque in Dominica Passione institutionis pabulum. Vbi enim homo potest expressus, efficaciusque discere timenda & non timenda, quam in Passione Domini, & Passio Domino? Afferuerat aliquando Dominus discipulis. Nolite timere eos, qui occidunt corpus, anima autem non habent quid faciant. Ostendam vobis quem timere debeatis, Timete eum qui postquam occiderit corpus, habet potestatem animam mittere in gehennam. Ita dico vobis, hunc timete. Quod afferuit verbo, hoc expressit exemplo. Non timuit timorem hominum, non invidias, non linguas, non contumelias, non insidias, non potentiam, non violentiam, non armatos, non gladios, non tormenta, non falsa testimonia, non flagellationes, non spinea sarta, non livores, non vulnera, non famem, non sitim, non extremam pauperiem, non infamiam, non probra, non Crucis patibulum, atque tormentum, non insultationes inimicorum, non denique crudelissimam & violentissimam mortem. Vnius ac solius Patris Æterni Reverentiam, Honorem, voluntatem, & obedientiam, atque Pietatem, & nostræ salutis studium, istis omnibus opposuit, & præposuit. Immo tantum abfuit ut illa timuerit, ut potius ea totis suis viribus, omnibusque vitæ momentis desiderio desideraverit, & gaudens lætabundusque ad ea festinaverit, atque etiam inter beatitudines suas, inter exaltationis suæ beatificæ necessaria media reputaverit. Oportet (ait ipse Dominus) exaltari filium hominis. Et rursum. Nonne hæc oportuit pati Christum, & ita intrare in gloriam suam. Et ejus Apostolus de eodem. Qui proposito sibi gaudio sustinuit Crucem, confusione contempta, ac ne quidem attentâ, sed potius totâ Passionis acerbisatam eluvione, calicis unius instar haustusque loco reputatâ. Ob quod dixit ad Petrum. Calicem, quem dedi mihi Pater, non vis ut bibam illum. Ita Dominus noster & ipse timuit, & nos etiam timere docuit, aliud nihil, quam Patris Æterni maiestatem, atque voluntatem, & animarum nostrarum salutem ne-

Ioann. 3.

14.

Luc. 24.

26.

Hebr. 12.

2.

Ioan. 18.

11.

Luc. 23.
27.

glectam. Quibus in integro positis, omnium creaturarum, siue violentiam, siue virulentiam, siue iacturam, nauci pilique esse faciendā. Timor ergo noster, ab exemplo Domini nostri patientis, solum Deū timeat, ne ejus voluntatem & gloriam lædat, timeat & æternam animæ perditionem, ne illam peccando incurrat, timeat timere creaturas, ne propter earum timorem, à Dei timore tantillum desleat. Tunc enim solum timor noster rectus, ordinatus, & sanctus est, quando timet Deum non timere, & quando creaturas timet timere. Adhuc autem timor noster aliam habet sui in Dominica Passione eruditionem, quam ipsemet Dominus noster in decursu Passionis existens, nobis intimandam putavit. Cū enim Crucem sibi bajulans Dominus pergeret in eum Calvarie locum, qui dicitur Golgotha, eumque pia quædam animæ lamentantes comitarentur, conversus ad eas dixit. *Filia Ierusalem, nolite flere super me, sed super vos flete, & super Filios vestros. Quoniam ecce venient dies; in quibus dicent, Beata steriles &c. Quia si in viridi ligno hæc faciunt: in arido quid fiet?* Quā sententiā Dominus evidēter denuntiavit, omnibus peccatoribus quanta illos maneant pro suis sceleribus supplicia, conjectandum, imò oculis spectandum, manibusque palandum esse in sua Passione. Si enim tam enormiter in Innocentissimo Agno, in Unigenito Dei filio aliena peccata sunt castigata; quid fiet ipsis scelestis & impiis, iniquitatum patratibus? Deus qui proprio Filio non pepercit, sed pro omnibus impiis tradidit, atque adeo ipse percussit & castigavit, & in dolore atque in infirmitate contrivit illum: quid faciet impiis, & iniquis, & peccata sua diligentibus, neque dignos pœnitentiæ fructus constanter facientibus? Vtique expectat illos ignis accensus in furore Domini, qui vastabit usque ad inferni novissima: montium quoque fundamenta comburet, combustionem, (ut ait Christus) æternā. Præter hoc verò habet in Passione Domini impietas Iudæorum grandem & inevitabilem timoris materiam. Horum enim mentis & carnis aspectibus, in Crucifixo à se Domino, nonnisi illa species occurrit, de qua Moyses ad illos dixit: *Et erit vita tua pendens ante oculos tuos die ac nocte: & non credes vita tue.* Isti enim in Crucifixo Domino, nihil præter facinus suum cogitare possunt, habentes timorem, non quo fides vera justificatur, sed quo conscientia iniqua torquetur. Consimili timore timebunt omnes impii in Iudicii universalis die, quando videbunt Filium hominis venientem in nubibus cum potestate & majestate: quando apparebit signum filii hominis. quando videbunt in quem transfixe-

Deut. 32.
22.

S. Leo

Serm. 8.
de Passione.

Deut. 28.
66.

Luc. 21.
27.

Matth.
24. 30.

fuerunt,
collabunt,

Septuag.
est. C.
res Theo.

Elxe
mini, no
virtutib.

cuit; pro
bus in se,
ad morte

omni vi
tamen e
corrobo

Et qu
neque lo
mus, evi

no, ipi n
velatione

iplemet
lominus

posita, p
dubiam

lum fidei
ille in Pa

bavit; it
hunc, &

racula:
à Deo a

adstru
& factio

fecit. E
lentius a

bat, quā
stus Deu

atque de

fixerunt, & pupugerunt. quando dicent montibus, cadite super nos, & collibus, operite nos.

Ose. 10.

I.

Luc. 23.

30.

M O D V S . LXXVIII.

Septuagesimus octavus Passionem Dominicam meditandi Modus est. Considerare quomodo in ea elucescant & efflorescant virtutes Theologicæ: scilicet Fides, Spes, Charitas.

Eluxerunt enim luculentissimæ tres istæ virtutes in Passione Domini, non tantum ideo, quia Christus mortuus & Passus est pro hisce virtutibus asserendis, pro fidei suæ veritate, quam prædicavit & docuit; pro spei certitudine, de salute & vita æterna, quam, credentibus in se, promisit; pro charitate, quâ, nos usque in finem, & usque ad mortem pro nobis obitam dilexit. Sed etiam quia licet aliâs in omni vita sua, hæc tres virtutes fundavit firmavitque, potissimum tamen eas Passione & morte suâ sanxit, atque veluti testamento suo corroboravit.

Et quod ad Fidem attinet: etsi in Domino nostro fides non fuit; neque locum habuit, propter omnium, quæ nos fide Divinâ credimus, evidentem scientiam atque cognitionem ex Divinitatis consortio, ipsi necessariâ inexistente, & quia ille nullam veritatem ex revelatione cognovit, sed ipsemet omnis veritatis revelator fuit, imò ipsemet omnis veritas existit, dicente ipso. *Ego sum veritas.* Nihilominus dum pro sua veritate nobis revelata, & ad credendum proposita, passus & mortuus est, fidem Passione suâ nobis adstruxit, indubiamque reddidit: maxime quantum ad fundamentalem articulum fidei suæ, qui est de ejus vera Divinitate atque Humanitate, quæ ille in Passione præcipue, atque etiam Passione asseruit, & comprobavit; ita ut quamvis nuda & pura Christi assertio magis probet, & hunc, & omnem alium articulum fidei, quàm ulla vel opera, vel miracula: nulla enim esse potest veritatis probatio major, quàm quia à Deo asserta est; tamen quoniam Christo placuit ad suæ veritatis adstructionem, & dicere, *si verbis meis non creditis, operibus credite:* & facto ipso opera miraculaque exhibere, ac facere, quæ nemo alius fecit. Ex omnibus istis sive operibus sive miraculis, nullum luculentius articulum fidei, de Christo vero Deo, veroque Homine probat, quàm Passio & Mors ejusdem Domini. Quod ita paucis. Christus Deum se & Hominem verum esse asseruit: Hoc ut probaret atque demonstraret, & ad Deitatem veram probandam miracula

Joan. 14.

6.

Joan. 10.

38.

operatus est : ad Humanitatem verò demonstrandam, concipi ex homine, nasci infans, crescere, manducare, bibere, dormire, siire, esurire, demum pati, mori, sepeliri voluit. Nisi opera Dei seu miracula pro potestate fecisset : non fuisset unde Deus verus crederetur : si opera hominis seu humana non fecisset, neque subiisset, non fuisset unde Homo verus agnosceretur. Passio Christi, tam miracula Dei, (ut est prostratio satellitum in horto, cognitio sceleris Iudæ, sanatio auriculæ Malchi, discipulorum evasio : tum verò tenebræ per totam terram : terræ motus, scissio veli, petrarum, apertio monumentorum ; resurrectio mortuorum, &c.) quàm miseras hominis continet. Passio ergo Domini, Dominum tam Deum verum, quàm Hominem verum demonstrat. Deinde Christus Passus mortuusque est pro salute nostra æterna, (sub quo nomine comprehendo, totum opus Redemptionis nostræ, ut est remissio peccatorum, Iustificatio, & Sanctificatio, & Filiatio adoptiva credentium. Vitæ, & virtutum sanctitas, atque perfectio. Mandatorum atque consiliorum propositio, receptio, executio, denique vitæ æternæ consecutio, & hereditatio) atqui salutem nostram æternam operari non poterat nisi Deus verus, & Homo verus fuisset. Deus enim pati pro nobis neque mori poterat. Homo autem verus quidem sed purus etsi pati ac mori poterat, ejus tamen Passio & mors nobis ad salutem nostram æternam nihil proderat. Opus ergo erat Christum, & Hominem verum esse, ut pati morique posset, & Deum verum esse, ut Passione morteque suâ nobis proderet, nosque salvaret. Quocirca Passio Christi Christum fuisse & esse Deum verum, Hominemque verum & nostrum Salvatorem demonstrat. Neque hoc argumentum eludi elidive potest dicendo, gratis assumi asserique Christum Redemptorem esse nostrum, & redemptionis nostræ causâ, pati morique voluisse : cum hoc ipsum probandum sit, & sit figmentum Christi, qui ut crederetur esse verus Deus, Redemptor videri & haberi voluerit, ideoque pati & mori, & omne miseriæ genus subire non abnuerit. Ut proinde tam ficticius sit Redemptor hominum Christus, quàm falsus fuit, & est Deus. Sed enim isti impugnationi evidenter ipsa Christi Passio, Mors, cæteræ acerbitates, in ortu, in vita, morte, toleratæ satisfaciunt. Nam si Christus verus Deus non fuit, neque verus Redemptor, sed per redemptionis nostræ speciem veri Dei opinionem de se captavit : fatendum est obijcienti horum alterum inprimis : Nempe Christum aut fuisse verum hominem, aut falsum etiam, & fictitium, & phantasti-

tasticum
humana
parum,
natum,
ter, ma
tem, fat
nis coro
mortuu
fictitiu
fuit, &
minibu
fuit pur
ex Deo
ficat. S
ambige
dempti
purus o
beri, co
hominu
superbu
se neces
curaver
& in De
merito
ut qui e
Dei sum
potesta
impieci
rum &
Deum
tate dig
æstimat
genere
omnia
tentian
hominu
catoru
Insuper

tasticum. Si verus homo non fuit Christus? quomodo ergo omnes humanas conditiones in eo homines viderunt, & tam sensibus palpârunt, quàm & intellectu adverterunt? Viderunt enim Infantem natum, circumcîum, lactentem, crescentem per annos corporaliter, manducantem, bibentem, dormientem, famescentem, sitientem, fatigatum, postremò captivum, ligatum, flagellis casum, spinis coronatum, consputum, cruce onustum, cruci affixum, in cruce mortuum, de cruce depositum, sepultum. Hæc non sunt hominis fictiti & phantastici: veri ergo: ac proinde Christus verus homo fuit, & verè meritòque se filium hominis vocitavit, nec non ab hominibus vocitatus est. Quod si verus homo Christus fuit: jam vel fuit purus solùmque Homo, vel fuit simul etiam Deus, & compositus ex Deo & Homine unus Christus. Si hoc secundum asseritur. Sufficit. Siquidem habetur intentum, & nihil superest probandum; ambigendumue de Christo vero Deo & Homine, consequenter Redemptionis nostræ Authore, & salutis æternæ Administro. Si autem purus omnino, & solùm Homo Christus fuit, & solùm pro Deo haberi, colique affectavit, ad idque speciem fictiti Redemptoris, proque hominibus Palsi, & mortui assumpsit: sequitur Christum. 1. quidem superbissimum. 2. stultissimum fuisse. Superbissimum quidem fuisse necesse est: quia Deum se jactaverit, & pro Deo vero coliverit curaveritque: in quo cum & mendax atque impostor ante homines, & in Deum verum impius atque idololatra & blasphemus existerit, meritò à Iudæis ea de causa ad mortem probroissimam adactus est, ut qui cum homo esset, faceret se ipsum Deum, & diceret, quia Filius Dei sum, quia ego sum Christus, quia venturus esset in nubibus cum potestate & majestate. &c. quod extremæ superbiz, mendacitatis, impietatis, imposturæque sine dubio fuerit. Porro etiam stultissimum & vanissimum Christum fuisse opus erit fateri, qui ad hoc, ut Deum verum se hominibus persvaderet, nihil quidem Deo & Divinitate dignum egerit, feceritve, quin neque honesto, & spectabili, aut æstimatione hominum dignum hominibus exhibuerit in se, & in suo genere, vita, statu, comitibus, sermonibusque suis: exhibuerit verò omnia contraria, nempe abjectionem, pauperiem, miseriam, impotentiam, convictum non tantum abjectorum, & rudium piscatorum, hominum sine literis, & omni splendore ac dignitate, sed etiam peccatorum, publicanorum, infamium, & malæ notæ apud omnes. Insuper verò subiit fanda infandaque ab æmulis & hostibus suis con-

vicia, vincula, aculationes, damnationes, flagella, ludibria, carceres, cum latronibus comparationes, probrosæ mortis sententiam officiosam, patibuli portationem, affixionem ad Crucis patibulum, inter latrones duos, tanquam omnium latronum maximus, denique crudelem & abominabilem maledictamque in Cruce mortem, postremoque sepulturam ipsam. Quorum omnium & toleratio & ostentatio, inefficacissimum sanè medium erat ad probandam & persuadendam hominibus Divinitatem suam: imò nihil fuit efficacius ad eam abrogandam, & negandam; ut meritò Iudæi volentes ostendere ipsi etiam Christo, quòd Deus verus non esset, castigareque in eo condignè confictam & falsò arrogatam jactatamque Divinitatem, quasi verus Deus esset, meritò inquam assumpserint, pro medio competentissimo, consilium, & curam, & executionem accendi ejus in Cruce. Nos (inquiunt Summi Sacerdotes, & omne consilium, populusque universus) *legem habemus, & secundum legem debet mori, quia filium Dei se fecit.* Stultissimus ergo, & planè vanissimus fuit Christus (Si non fuit re verà verus Deus) qui per Passionem adeò didicim, & per mortem adeò probri & tormenti plenam, voluerit probare, & putaverit se posse probare, quòd ipse esset Deus verus: cum per hoc medium non tantum non licuerit probare illi, quòd verus Deus esset, sed neque quòd honestus, aut probus, aut aliquo honore æstimationeque dignus homo esset; quin immo per hoc infelix, & non minùs miserabile, quàm detestabile medium assequeretur, ut etiam homo non esset, quippe qui in Cruce mortuus, & in Sepulchro conditus, de numeroque hominum sublatus esset; verè nemini magis quàm sibi ipsi imposuisset Christus, si propterea miserrimè nasci, vivere, & mori, sepeliri que voluisset, ut credi possèt verus Deus, & magno nimis mercatus esset opinionem falsam veri Dei: si propter eam delegisset è numero etiam hominum viventium, probrosissimè quamvis morte deleri. Si extremè insanit, qui putida poma mercatur bono auro: quomodo non etiam ultra extremam insaniam insanit, qui verum falsi Deum mendacium, omnium bonorum, & sanguinis, & vitæ, & sanæ crudeli impendio dispendioque licetur? Quod cum omnino in Christum Deum Redemptoremque nostrum non cadat, neque cadere possit: necesse est ut dicamus, Christum verè, & verum Deum esse: & verè per hominem assumptum, Redemptionem nostram, in vita, in Passione, & morte crucis peregisse. Est enim puri hominis mors nihil prosit, neque prodesse potuit redemptioni nostræ,

nostræ, potuit tamen prodesse, & re ipsâ profuit Mors Dei-Hominis, cuius misericordiæ non est numerus, & bonitatis infinitus est thesaurus, & omnipotentia ejus nihil est impossibile, & charitati nihil indignum, & sapientiæ nihil impeditum, & voluntati nihil non justum. Passio ergo Christi Divinitatem & Humanitatem ejus probat, & efficacem salutem nostram facit, & fidem nostram, omnem quidem sed præcipuè in articulo fundamentalis, de Christo, Deo vero, & Homine vero, Redemptoreque nostro, indubiam facit. Eadem Passio Christi est spei nostræ lapis fundamentalis, & petra inconcussissima. Quando enim Passionem Christi habemus, quid jam sive à Patre æterno, sive ab ipso met Christo non habituri sumus? Optimè argumentatur Paulus. *Si Deus Pater, proprio Filio non pepercit, sed pro nobis tradidit illum, quomodo non omnia cum ipso nobis donavit?* Et licet pariter in argumento pergere. Si Christus sibi ipsi non pepercit pro me, quid mihi suorum bonorum negabit?

Rom. 8.

32.

Est ergo Passio Domini nostri fundamentum spei nostræ, est arrha, est pignus omnium promissorum, est promeritum, & pretium eorundem, pro iisdem mihi elargiendis ad mensum: ad mensum autem ita largè, ita supra debitum, ita supra condignam æquitatem, ut injuria sit Christi Redemptoris non exhibita retributio servis redemptis. Non confundit ergo nos spes nostra? salvi facti sumus jam spe nostrâ, quoniam Passio Christi, est pro Deo fideiussio nostra. Et quamvis aliud est retributionem esse promissam, & aliud re ipsâ exhibitam. Non tamen certior est retributionis divinæ, qui illam jam habet exhibitam, quàm qui illâ adhuc solum expectat promissam. Vtrumque enim æquè impossibile est, tam non haberi à Deo quæ promissit; quàm quod jam dedit. Denique tam securi certique sunt Christiani de his obtinendis, quæ illis Passione suâ pro ipsis meruit Christus; quàm certus est de promeritis suis per Passionem suam idem ipse Christus. Et ille enim in spem gloriæ corporis sui, in spem universæ salutis nostræ, in spem omnium bonorum Ecclesiæ electorumque suorum, in spem omnis potestatis in cælo & in terra, in spem nominis sui, super omne nomen exaltandi, atque omni genu celestium, terrestrium, & infernorum adorandi, in spem judiciarum super vivos mortuosque autoritatis & potestatis, in spem capitis Ecclesiæ, Passionis suæ laborè subiit: dicente ipso Domino; *hec oportuit Christum pati, & ita intrare in gloriam suam.* Gloria autem Christi, omnia prædicta, & his similia sunt. Quidni ergo Passio Christi spem nostram

Isa. 53.
10.

stram fundet, firmet, radice, fecundet, solidet: si etiam ipsi Christo laborum suorum incentivum & solatium stimulusque fuit? Quod etiam pridem Propheta, & illi, & de illo prænantiauerat. Dominus conterere eum voluit in infirmitate Pasionis: Si posuerit pro peccato animam suam, videbit semen longævum, & voluntas Domini in manu ejus dirigetur. Pro eo quod laboravit anima ejus, videbit, & saturabitur: in scientia sua justificabit ipse justus servus meus multos, & iniquitates eorum ipse portabit. Ideo dispersit ei plurimos, & fortiam spolia dividet, pro eo, quod tradidit in mortem animam suam, & cum sceleratis reputatus est; & ipse peccata multorum tulit, & pro transgressoribus rogavit. Quibus verbis veteris testamenti Propheta, non tam Prophetice quam evangelicè, & Pasionem Christi, & spem, præmiaque Pasionis ejus, copioso, & exacto stylo denarravit. Denique si Apostolo licuit dicere, propter spem Israël catenâ hac circumdatus sum. Multo justius licuisset Christo Domino profiteri, propter spem meâ, & populi mei Crucî huic affixus sum. &c. Passio ergo Christi, & Crux, & Mors, anchora spei nostræ est.

Ioan. 3.
16.
Isa. 53. 7.
Gal. 2.
20.
Ioan. 15.
13.
Rom. 5.
10.

Eadem Passio Charitatem Christi erga nos demonstrat, & nostrâ erga Christum evincit. Nihil enim est aliud Passus, & Crucifixus, mortuusque IESVS, præterquam Filius Charitatis Eterni Dei, qui sic dilexit mundum, ut Filium suum unigenitum daret ut mundus salvaretur per ipsum. Et idem est victima dilectionis suæ. Oblatus est enim quia ipse voluit, & qui dilexit me tradidit semetipsum pro me. Et, Majorem charitatem nemo habet, quam ut animam suam ponat quis pro amicis suis, ille autem posuit eam pro nobis cum adhuc inimici essemus. Ob quod etiam est Cibus Amoris in quo & Seraphim ardent, & corda nostra in æternum succendi, & ardere debent. At enim, Heu portentum sive Divinæ super nos, erga nos pietatis, sive nostræ erga benignissimum piissimumque DEVM ingratitudinis. Deus in nobis vilissimis, ingratis, inimicissimis, perque omnia nihili, & nequam homuncionibus, invenit, ob quod, nimiam suam charitatem effunderet in nos, usque etiam suæ propriæ Divinæ Personæ, sui Divini sanguinis, suæ Divinæ vitæ impendio, nos amaret. Nos autem in toto quantus-quantus est Unigenito Dei, & Homine Deo, in omnibus bonis & beneficiis collatis in nos à Deo, in ipso charitatis & miserationis ejus nucleo, medullâ, thesauro, mari, & abyssu, nempe in Pacione ejus, atque Crucis morte pro nobis suscepta, reperire tamen non possumus propter quod Deum verè, constantet, ac dignè memimus;

amemus; aut si repemus, nihilominus eundem (quod quidem in
immemorabilem improbius, & in signis est) nihilominus (nquam) eun-
dem: non amamus, imò averſamur, repellimus, conculcamus, conte-
mnimus; poriusque & sincerius, atque constantius diabolo, Dei pa-
riter, ac nostro capitali inimico, quam ipsi omnis Bonitatis & Maje-
statis, & Charitatis fonti adherere cogimus. Quis audit talia hor-
ribilia?

M O D V S LXXIX.

SEptuagesimus nonus Passionem Domini nostri meditandi Modus
esse potest. Vestigando in ea exercitationem virtutum Cardina-
lium, ceterarumque moralium ab illis dimanantium, quomodo ni-
mirum ea, & à Christo Domino in Passione sua exercita; & à nobis
exercenda in vita nostra sunt.

Prima ex Cardinalibus virtus est, Prudentia. Hæc utique in vita,
atque potissimum in Passione Christi eluxit. In illa enim admirando, &
omnem humanam Angelicamque cogitationem excedente modo,
sapientia Dei malitiam vicit diaboli, exsecuta est consilium suum,
perfecit voluntatem Patris, perrupit omnia obstacula salutis nostræ,
vastavit infernum, mortem subegit, mundum calcavit, coeli & terræ
dissidia conciliavit, æterni regni portas aperuit; Diabolus suis pro-
priis artibus elusus est, suismet laqueis captus, in foveam quam fo-
derat præcipitatus, peccato quo vicerat victus, per lignum, per quod
triumphaverat, triumphatus, morte, quâ humanum genus infecerat
& interfecerat, ipse quoque confectus est. Libet de hoc argumento
Beati Leonis Papæ orationem attexere. [Dei Filius secundum pleni-
tudinem temporis; quod Divini consilii inscrutabilis altitudo dispo-
suit, reconciliandam auctori suo naturam generis assumpsit huma-
ni; ut inventor mortis diabolus, per ipsam quâ vicerat vinceretur.
In quo conflictu pro nobis inito, magno & mirabili æquitatis jure
certatum est, dum omnipotens Dominus, cum sævissimo hoste, non
in sua majestate, sed in nostra congruitur humilitate, obiciens ei
eandem formam, eandemque naturam, mortalitatis quidem nostræ
participem, sed peccati totius expertem. Idem Sanctus hoc ipsum
alibi tractans argumentum ita de eo loquitur. [Quid inter omnia
opera Dei, in quibus humanæ admirationis fatigatur intentio, ita
contemplationem mentis nostræ, & oblectat, & superat, sicut Passio
Salvatoris? Qui ut humanum genus vinculis mortiferæ prævarica-

*Serm. i.
de Na-
tiv. Do-
mini.*

„

„

„

„

„

„

Ser. ii.

de Pas-

sione

„

„ tionis absolueret, & scivienti diabolo potentiam suæ majestatis occu-
 „ luit, & infirmitatem nostræ humilitatis objecit. Strenim crudelis &
 „ superbus inimicus consilium misericordiæ Dei nōsse potuisset, Iu-
 „ dæorum animos mansuetudine potius temperare, quàm injustis odiis
 „ studuisset accendere, ne omnium captivorum amitteret servitutē, dū nihil
 „ sibi debentis persequitur libertatē. Fefellit ergo illū malignitas sua.
 „ Intulit suppliciū Filio Dei, quod cunctis filiis hominū in remediū ver-
 „ teretur. Fudit sanguinem justum, qui reconciliando mundo, & pre-
 „ tium esset, & poculum. Suscepit Dominus, quod secundum propo-
 „ situm suæ voluntatis elegit. Admisit in se impias manus furentium:
 „ quæ dum proprio incumbunt sceleri, famulatæ sunt Redemptori.]
 Hæc Sanctus Pontifex, egregiè complexus investigabilem pruden-
 tiam sapientiamque consiliorum Christi in nobis per Passionem suam
 redimendis exercitam. Possunt autem plura particulariùs Pruden-
 tiæ hujus in Passione Dominica apparentia adverti, atque expendi.
 Prudenter siquidem Dominus & elegit, & disposuit Passionis suæ, &
 Tempus, & Locum, & Modum, & Ministros, & Authores, in quibus
 omnibus, frustra sese vel humana vel diabolica laboravit interpone-
 re, sive malitia, sive astutia, atque præcipitatio. Quæsierat Herodes
 Pater, infantuli Christi animam: quæsierat & Herodes Filius. Vo-
 lebant Nazarethani de montis supercilio præcipitare, conabantur Iu-
 dæi, tum per submissos cum suis ministris Herodianos, tum per se-
 metipfos lapidibus Christum trucidare: at hæc similiaq; frustra fuê-
 re, quia necdum venerat hora ejus, & quia nequaquam talis erat de
 sua Passione, atque morte dispositio ejus. Quæ dispositio ita erat or-
 dinata, ut ad minutissima momenta actionum, passionum, tempo-
 rum, locorum, personarum, circumstantiarumque omnium sese ex-
 tenderit, & in omnibus ad figuras, ad prædictiones scripturarum ad-
 implendas totius Passionis series processerit, ita ut neque unus apex,
 neque unum jota, quod non adimpleretur, remanserit. Accessit illud
 admirandæ Prudentiæ opus, quod Dominus noster in Passione sua ita
 hominem quem gerebat objecit tormentis, ab hominibusque à dæ-
 monibusque excogitatis & adhibitis, ut interea temporis, neque dæ-
 mones, neque homines, furore suo livoreque excæcati, interlucen-
 tem Divinitatem, virtutes evidenter summas, & verè divinas, prophe-
 tiarum concursum, & scripturarum executionem, impletionemque,
 ipsius Christi prædictionum de sua morte veritatem, innocentia pa-
 tentissimum fulgorem, miraculorum fidem, odii sui invidiaque vi-
 culen-

ruentiam, non minùs quàm manifestam in Christum rabiem, dispi-
cere, seseque recolligere in scelere, atque ab eo refrenare valuerint,
aut voluerint. Vidit & confessus est Sacerdotibus Judas peccatum
suum. Pilatus quoque contestatus est multis modis, & Christi inno-
centiam, & Iudaicam invidiam, imò & infamiam, laboravit pluri-
mitur pro ejus indemnitate & vita, uxor quoque Pilati, & preces, &
consilium, & periculum suum apud virum interposuit, plebs ipsa ni-
si à Principibus persuaderetur, & prævio exemplo traheretur, ob-
nitebatur. Mulieres lamentis suis, facti & iniquitatem, & enormi-
tatem declarabant. Denique ipse defectus causæ, ob quam Christus
morti, vel speciosè saltè addiceretur, ab ipso met Judice sapius enun-
tius, vim animis conscientisq; perdere cupientium Dominum,
inferebat. Solis Iudæorum Principibus, odio & livore invidiæ exca-
caus sol intelligentiæ non potuit illucescere, sed auribus suis graviter
audientes, atque cordibus suis indurati, ad facinus animo destina-
tum, tanquam equus impetu vadens cucurrerunt, & usque ad Deici-
dii scelus pervaserunt. Proinde Dominus sic usus est paratâ inimico-
rum nequitia, ut ex ea produceret universorum redemptionem, & de
peccato damnaret peccatum, ac per mortem suam pararet omnium
nostrum vitam. Sic ergo vicit sapientia malitiam, & ubi perversitas
peccantium seminavit iniquitatem & mortem, ibi Prudentia Domi-
ni Salvatoris messuit justificationem & vitam. Neque ullum fuit
consilium hominum contra Dominum, quod Dominus non conver-
terit in salutem & redemptionem hominum.

Altera virtus Cardinalis est, Iustitia. Hac quoque in Passione
Domini maximum locum, praximq; plurimam habuit: aded, ut
Christus propter Passionis laborem exhaustum peculiari nomine
atque ratione vocetur Iustitia nostra. Passione siquidem, satis, & su-
per satis fecit Iustitiæ Dei pro nobis, cui nos in immensum obligati
eramus, solvendo autem & satisfaciendo nullo possibili nobis modo
sufficiebamus. Passione item, omnem jacturam honoris & cultus
Deo per nos debiti illatam, abundè restituit, Passione obedientiam
& servitutem subjectionemq; à nobis Deo debitam, sed rebelli pro-
teruâq; voluntate denegatam, ipse supplevit, atque plenissimè exple-
vit. Passione quoque debitum & reatum damnationis æternæ, quo
eramus universim omnes obstricti, abolevit; aded, ut nulla deinceps
damnatio sit iis omnibus, qui sunt in Christo Iesv. Passione etiã
Mortis & æternæ & temporalis chirographum, quod erat nobis val-

de contrarium, è manibus mortis extorsit, & cruci suæ affixit atque delevit. Passione etiam, omne, est Tyrannicum jus servitutis, captivitatisque, quo à diabolo, tam viventes, quam mortui tenebamur, debellatis nostris Tyrannis, evacuavit & nullum reddidit, nosque omni libertati asseruit. Passione item suâ Dominus jus nobis adoptionis Filiorum Dei comparavit, dans nobis omnibus, quotquot eum reciperemus, ut ex Deo renasceremur, adoptionemque filiorum Dei assequeremur. Passione nos hæredes Dei, omniumque bonorum ejus, suos autem cohæredes, & fratres instituit. Passione perditum jus ad vitam, & ad Regnum æternum, beatitudinemque æternam nobis obtinuit, recuperavit, & restituit. Passione cœlestes portas nobis referavit. Passione nos ex iniquis justos, ex rebellibus subditos, ex impiis Sanctos & devotos, coram Deo fecit. Passione non solum ipse nobis amicitiam & gratiam, & sanctificationem, & æternam gloriam obtinuit, sed insuper ut nos quoque nostris operibus, in fide, spe, & Charitate ejus factis, eadem illa bona mereri nobis possumus, promeruit, & nobis æquitatem justitiæ dedit, adeo, ut liceat nobis dicere. *Bonum certamen certavi, cursum consummavi, fidem servavi: in reliquo reposita est mihi corona iustitiæ, quam reddet mihi Dominus in illa die justus iudex.* Ita Dominus Iesus Passione suâ non solum omnem implevit & exæquavit, placavit, ad mensuramque est justitiam: Non solum omnia jura nostra in integrum restituit, non solum omnia quæ debebamus Deo exsolvit: verum etiam insuper debitorem nobis Deum fecit, ut representatis meritis Passionis ejus, exigere possimus à Deo, & peccatorum veniam, & justificationem, & Gratiam, atque amicitiam, & Gloriam vitamque æternam. Et id quidem non septies, neque septuagesies septies, sed quoties toties, sed infinities. Nunquam, ne in æternum quidem, deficiente nobis thesauro meritorum Christi, & jure quod habemus, & nos, & opera nostra, ex benedicta & nunquam exhauriendi valoris Passione Christi. O Homines, amate hanc Redemptoris vestri justitiam; servate jus ex ea vobis manans; vivite & augescite in ea, & nunquam recedite ab ea, nunquam exeidite ex ea. Passioni autem Domini omni devotione inhærete, & immanete. *Et grati estote, omnia enim bona venerunt nobis ex ea: & omnibus bonis per eam repleti sumus.*

De Tertia Cardinali virtute, nempe Fortitudine, quomodo in Christi Passione emineat, & quomodo à Christo Patiente exercita sit, præne superfluum est fidelibus dicere. Quid est enim Passio Do-

mini,

mini, nisi opus Fortitudinis excellentis, heroicæ, Theandricæ. Cui nulla humana fortitudo, ne quidem Martyrum, etiam simul omnium, in comparationem venire ex æquo possit. Et cum ex toto illa admiranda sit stupendaque, ex illo tamen capite plus quam stupenda est, quia Dominus noster fortitudinem suam non in omnipotentia suæ Divinæ virtute fundatam exercuit, sed in infirmitate, in impotentia, in miserrima miserabilitate & abiectione, roborisque omnis defectu, exhibuit. & per eam omnes humanas vires, artes, audacias, furoresque, omnes tartareas potestates, nihil non audentes, nihil non tentantes, nihil non in cunctum, juxta rabiem desideriorum suorum deducentes, solâ iuxta infirmitatis exhibitione compescuit, confregit, confudit, in nihilum redegit, & velut lutum platearum conculcavit delevitque. Non secus ac omnes fluctus tumidissimi furiosissimi que maris, ad mollissimam arenam illisi confringuntur, & in salivam spumamque deficientem dispereunt. Ita nimirum, *quod infirmum est Dei, fortius est hominibus*; atque dæmonibus & creaturis omnibus: quemadmodum etiam, *quod stultum est Dei, sapientius est hominibus*, & omnibus quantumcunque sapientibus. Sicut ergo *stultam fecit Deus sapientiam hujus mundi*, sic etiam omnem ejus potentiam & virtutem mundi, infirmitate suâ & fragilitate contrivit. Non secus ut ille lapis excisus de monte sine manibus, vastam tamen statuatam confregit, comminutaque sunt pariter in pulverem aurum, argentum, æs, ferrum, & testa. Lapillus autem crevit in montem, toti mundo occupando parem. Passus Dominus noster Deus Homo, omnem hujus mundi sapientiam, Gloriam, fortitudinem, potestatem, voluptatem, & quidquid mundus est, humilitate & infirmitate Passionis atque Crucis, & Mortis suæ, in nihilum redegit, & totum potestati suæ subjecit, atque sibi omne genu curvari cœgit. Nam *quia in Dei sapientia non cognovit mundus, per sapientiam Deum, placuit Deo per stultitiam prædicationis salvos facere credentes*. Ita etiam, quia in Dei Potentia, non honoravit per Potentiam mundus Deum: placuit quoque Deo per Infirmitatem Passionis confundere mundi superbiam & potentiam, humiles autem exaltare, & virtutem in infirmitate perficere. Atque hæc sapientia & virtus Christi est, quam abscondit Pater a sapientibus & Prudentibus hujus sæculi, revelat autem parvulis, ministris coram mundo, stultis propter Christum, amicis Crucis Christi, & gloriantibus in Cruce Christi, confixisque cum Christo in Cruce.

1. Cor. 1.

25.

Ibid. V.

20.

Dan. 2.

34.

1. Cor. 1.

21.

Quarta Cardinalis virtus est, Temperantia. quæ etiam sicut per omnem vitam, ita vel maximè per Passionem ejus universam comitata est Dominum nostrum. Quid enim non dico voluptatis, aut consolationis, sed vel modicæ quietis admisit Dominus in tota Passione sua? Sublimitatem perfectionemque Temperantiæ Christi in Passione potissimum hoc demonstrat, quod moriens in extrema afflictione Animæ & Corporis torius: ex bonis, & solatis commodisque hujus seu mundi, seu vitæ, ne unicam vestigium post se relinquerit, alicui habendum. Non opes, non possessiones, non pecunias, non dignitates, non honores, non domum, non amicos, non quidquam absolute rei. Sola post eum remansit Crux, ignominia, & execratio hostium, solus dolor sibi notorum & affectorum, sola confusio, dispersio, desperatio discipulorum, sola sepulchri & sepulcræ inopia & indigentia. Usque adeò Dominus noster nihil neque cum mundo, neque cum ejus bonis commune habuit, ut potius absolute, & plenè nihil, & nihil de hoc mundo habuerit: neque tantillo quidem terræ servato spatio, in quo caput suum reclinaret. Magno utique omnium fidelium suorum magisterio, ut sciamus satagendum nobis, ne ullum penitus cum mundo, & carne, & creaturis ullis, adeoque ipsi sine nobis, adhærescentis ad nos affectus privati ac proprii amoris habeamus, sed ut nudi nudum, exspoliati & mortui, periti & annihilati à nobis ipsis, & ab omnibus (quantum ad amorem) creaturis, exinanitum Christum imitemur, æmulemur, quàm vicinissimè comitemur. Vt hac ratione instar grani frumenti, nos quoque emortui, multum fructum afferamus. De virtutibus cæteris, quæ ad hæc quatuor, de quibus diximus, revocantur, existimo opus non esse ut sigillatim agamus. Id enim & prolixum nimis foret, & scopum nostrum excederet, & ex supradictis facillè patet, & actum supra de iis est, & denique peculiaris nihil habet necessitatis, ut exponatur. Manifestum est enim in Passione Domini exercitas esse virtutes omnes Christo dignas, unamquamque in summo, heroico, perfectissimoque gradu. Summam Charitatem Dei & Proximi, Humilitatem, Patientiam, Obedientiam, Mansuetudinem, Modestiam, Faciturnitatem, Magnanimitatem, Longanimitatem, Abstinenciam, Resignationem, Paupertatem, Orationis studium, Solitudinem pro suis, Inimicorum dilectionem, Constantiam, Religionem, Devotionem, Pietatè, omnem denique Perfectionem, Christo quidem dignam, Christianis autem ad imitandum necessariam.

*Supra
Modo
Octavo*

MO-

M O D V S LXXX.

Obtuagimus Modus Passionem Domini nostri meditandi est : dispicere in ea, & discere ex ea exercitium operum misericordiae, tam spiritualium, quam corporalium. In praesenti modo res nobis erit de operibus misericordiae spiritualibus, quae ad septem Capita revocantur.

I. Docere Ignorantem. Docuit Dominus noster ignorantes, in omni quidem vita sua, sed specialiter in sua Passione : cum se Christum & Dei Filium, & Iudicem venturum, in Concilio asseruit. Cum Pilatum & de ejus potestate, & de suo Regno edocuit.

II. Corrigit errantem. Depinxit egregio symbolo Dominus hoc opus suum, quando se assimilavit homini habenti centum oves, e quibus cum ei una periisset, reliquit nonaginta novem in montanis, descendit autem ad quarendam unam perditam, & erraticam oviculam; quam inventa, sustulit eam in humeros suos, & ad reliquum gregem reportavit. Unusquisque nostrum, seu genus humanum universum, tanquam una ovicula clamabat Deo: *Erravi sicut ovis, quae periit, quere servum tuum*: quæsiuit in tota vita sua, quæsiuit in Passione, quæsiuit & invenit in Cruce, semivivam & adhuc vix spirantem, eam ergo ad ovile suum reduxit imò reportavit in jumento suo, & curam illius egit.

*Psal. 118.
176.*

III. Solari moestos & afflictos. Quis moerens & afflictus, si non humanum genus, si non omnes nos; tanto etiam afflictus magis, quanto sensu malorum nostrorum destituti magis. Sed qui consolatur humiles Deus, consolatus est & nos in adventu Christi, & in vita, in doctrina, in sacramentis, in meritis, in Passione, in vulneribus, in Cruce ejus, in morte ejus. Propter quid enim facta est anima ejus tristis usque ad mortem, nisi ut tristitia ejus consolatio nostra esset? Contristabant nos vulnera nostra: vulneratus est propter ea, & vulnera ejus facta salus & solatium nostrum. Contristabat nos perditio & mors nostra, & captivitas nostra. Captus est ille in peccatis nostris, & periit in Passione usque ad mortem; & vincula ejus, facta sunt libertas nostra; Mors ejus, facta est vita nostra; & in conversa captivitate nostra, facti sumus sicut consolati.

IV. Consilium dare dubitanti & indigenti. Et cujus nos consilio Prudentes facti sumus: nisi illius, qui magni consilii Angelus, nisi qui consiliarius est. Qui consilia salutis divulgavit in Evangelisatione.

Matth.

26. 41.

Luc. 14.

27.

Matth.

11. 28.

ne, confirmavit in miraculorum manifestatione. exemplo approbavit in Passione, sanxit demum in morte. Quid salubrius quam audire consilium dicentis. *Vigilate & orate; ut non intretis in tentationem.* Et illud. *Si quis venit post me, & non bajulat Crucem suam, non potest meus esse discipulus. Venite ad me omnes, qui laboratis & onerati estis, & invenietis requiem animabus vestris; jugum enim meum suave est. & onus meum leve.*

V. Patienter ferre injurias. VI. Remittere offensas. Quid verò est universa Domini Passio, nisi quantum ad inimicos, immanis & inaudita enormitatis injuria atque offensa? quantum verò ad ipsum Dominum nostrum, Invicta quædam Patientia & supra modum liberalis mansuetissimaque condonatio atque oblivio, atque etiam obliterationio. Delevit enim ipso peccato peccatum, ipsa offensâ sanavit offensam, ipsa injuriâ compensavit injuriam. Ita ut ille reatus, qui reos & debitores faciebat persecutores & peccatores, factus sit solutio, factus venia, factus indulgentia persecutorum atque peccatorum. Denique pro inimicis & crucifixoribus orantibus in Cruce, hoc est in ipso æstu furentium inimicorum, suorum autem cruciatuum, non contentus, etiam nos excusavit tanquam ignorantia potius, quam malitia delinquentes.

VII. Orare pro vivis & defunctis. Atqui Passio Christi, oblatio est, & victima, & Holocaustum, pro omnibus. Audet Apostolus dicere: quia *IESVS Christus ipse est propitiatio pro peccatis nostris; & non pro nostris tantum, sed etiam pro totius mundi.* Et iterum idem loquitur. *In hoc apparuit Charitas Dei in nobis: quoniam Filium suum unigenitum misit Deus in mundum, ut vivamus per eum.* Quod attinet ad studium moremque Christi Domini orandi, & satagendi pro mortuis. Est hoc speciale secretum cordis atque Spiritus Christi, nimirum dum hic viveret, & potissimum dum pateretur pro mundi salute, tenerrimè affici erga animas purgatorii, quod etiam fuit sanctissimæ Christi genitricis hinc viventis, & quidem ab ipsa amorum in mundum conceptione & ortu. Huncque Spiritum teneræ affectionis erga animas illas Dominus amicis suis communicat speciali dono. Nec immerito; cum enim nullæ magis animæ desolatæ & destitutæ sint auxilio, & sine summè calamitosæ, miserationisque indigæ, non debet esse cuiquam mirum, quod Christus, qui est misericordiarum Pater, totiusque consolationis Deus; Mater quoque Christi, quæ est misericordiæ Mater; specialem affectum gerant per se,

1. Ioan. 2.

2.

1. Ioan.

4. 9.

se, suffi
Et videt
quo sing
charitat
scant an
sele i. oc
diam: à
Con
do cam
quippe
lum ge
exhibu
ribus ill
si non in
bus exe
sit: ad
Christi
dem in

O C
est.
operun
Rece
cum po
frequen
horror
cuisse
ritur: a
ss. Q
his mi
facien
Sed jan
potissim
quom
in sem
I.
ter ey

se, suisque amicis ingerant gerendum pro subsidio animarum illarū. Et videtur hoc sæculum præsens in Ecclesia Dei, esse ejusmodi, in quo singulariùs vult & facit Deus efflorescere exerceri que copiosam charitatem erga animas illas, ut per eam pietatem specialiùs efflorescant amici Dei nunc in Ecclesia militantes, ipsaque Ecclesia Deo suo sese hoc genere pietatis probet, atque commendet, sibi que misericordiam à Deo promereatur. Sed hæc hætenus obiter sint dicta.

Concludo Modum hunc meditandi Passionem Christi, repetendo eam esse totam exercitium misericordiarum operum spiritualium, quippe in ea Dominus noster omne miseriarum nostrarum spiritualium genus persanavit. Simulque luculentissimum nobis exemplum exhibuit, ut & nos pro cuiusque nostrum facultate, toti simus in operibus istis exercendis. Non enim est reperire hominem fidelem, qui si non in omnibus, in pluribus certè, saltem in aliquibus hisce operibus exercere se, & erga Deum proximumque pietatem probare possit: ad quod persvadendum nobis, si exemplum (Passionis præsertim) Christi efficax non est? quid demum efficax futurum sit, non equidem inveniri puto posse.

M O D V S L X X X I.

Octogessimus Primus Modus meditandi Passionem Dominicam est, advertere & expendere exercitiam à Domino, in ea, septem operum corporalium misericordiam.

Recensuit hæc opera Dominus ipse in Evangelio suo, tanto quidem cum pondere divini sui sensus, de huiusmodi operum exercitio vel frequentato, vel neglecto, à fidelibus suis, ut absque sacro quodam horrore Evangelium illud relegi audirive non possit. Scilicet exercuisse illa, salus: neglexisse, Perditio certa æterna esse à Domino asseritur: additâ illâ admirabiliter ponderosâ in utramque partem causâ. *Quod uni ex his minimis meis fecistis, mihi fecistis: Et quod uni ex his minimis meis non fecistis, nec mihi fecistis: ac proinde vobis quidem facientibus salus, vobis autem non facientibus perditioventura est.* Sed jam videamus, quomodo hujus misericordiarum praxis in Passione potissimum Domini eluceat. Atque inprimis considerandum est, quomodo Dominus noster omnia septem miseriæ humanæ genera, in semetipso subierit, sustinueritque propter nos.

I. Esurivisse Dominum sæpius, Evangelistæ testantur, neque certe aliter evenire potuit ei, qui in tanta sua pauperie, alienâ duntaxat mis-

Matth.
25.40.

ricordiâ sustentaretur, atque à suo, ex materna domo ad Baptismum Ioannis, & ad prædicandum Evangelium, excessu, nunquam deinceps ad eam accesserit, pedemue in eam intulerit, ne dum aliquid ex ea victus sustentationisque acceptaret: sed etiam Passionis ærumnæ, eorumque temporis longitudo, non minus famem quam sitim in eo excitare validam potuerunt.

II. Sitim verò suam peracerbam ardentemque Dominus ipse satis declaravit, quando in medio tormentorum suorum exclamavit: Sitio. quæ quidem non tantum fuit interior sitis à charitatis ardore, ab obediendi & patiendi amplius studio, ab Redemptionis nostræ desiderio profecto, verum etiam realis, atque lethalis fuit, contracta ex tantis fatigationibus, ex tantis doloribus, ex tantis sanguinis profusionibus, ex tantis tamque & variis & conglobatis, & diuturnis ærumnis. Proinde ex illa Domini de siti sua contestatione, cognoscimus certò, tam sitiendi causas, quam sitim ipsam fuisse summè graves, summèque intolerabiles, atque excruciativas, tenerrimæ & exhaurissimæ Christi naturæ.

Ioan. 19.
24.

III. Nuditate Domini nostri, quid vel acerbius, vel certius. *Partiti sunt vestimenta mea sibi, & super vestem meam miserunt sortem,* ait Dominus ore Prophetico, opere autem & experimento proprio. Itaque cum aliàs sæpe inter patiendum nudatus est, tum specialiter nudus omnino cruci affixus, & in Cruce usque ad mortem pependit, nec nisi syndone Nicodemi ad sepulturam involutus est.

IV. V. Captivatus & Incarceratus est quoque Christus, à prima comprehensione in Horto, usque dum Annæ, Caiphæque, & universo concilio præsentatus, reliquâ nocte carceri inclusus mansit. Summo autem mane, ex specu illo iterum productus ad concilium, iterum damnatus, onustus vinculis Pilato traditus est. Sed nullus Christi carcer gravior, quam Crucis, cui affixus pependit: omniumque & carcerum, & compedum, & cruciatuum, & vicem retinuit, & modum excessit.

VI. Peregrinum & Hospitem in Passione Christum habitum fuisse, illud satis demonstrat, quia illum universus populus ante faciem Pilati abnegavit, & ne quidem nomen ejus, vel audire, vel eloqui sustinuit. Insuper Barabbas latro, seditiosus, homicida, plus illis placuit, quam Iesus. Ad hæc ex proposito non à suis, suorumve popularium, sed à Gentilium manibus illum occidi, illudi, crucifigi elegerunt, ac demum professi sunt, quòd non habemus Regem nisi

Cæsa

Cæsarem, tituli que seriem à Pilato conceptam exosi, noluerunt scribi, *Rex Iudeorum*, sed quia ipse dixit, *Rex sum Iudeorum*. Quod quam senserit acerbè Dominus noster, testatur apud Prophetam. *DEVS* *Isr'el, propter te sustinui opprobrium, operuit confusio faciem meam. Ex- traneus factus sum fratribus meis, & peregrinus filiis matris meae.*

Ioan. 19.
21.
Psal. 68.
7.

VII. Ultimò. Mortuus est Dominus noster, & sepultura indigentissimus fuit: & omne sepeliendi obsequium, ipsumque sepulchrum, alienum illi beneficium fuit. Ecce quomodo noster Dominus: omnium nostrarum miseriarum particeps fuit? quis nostrum nollet in his omnibus Domino nostro fuisse aliquo subsidio? Quis nollet pascere esurientem, potare sitientem, vestire nudum, Redimere captivum, visitare infirmum, & vinctum, excipere peregrinum, sepelire mortuum? Nemo nostrum queratur, nemo obmurmuret. Non abstulit nobis quoque hanc dignationem, obsidem tenemus ejusmet sententiam: quã dixit. *Quod uni ex minimis meis fecistis, mihi fecistis; quod uni horum facietis, mihi facietis.* Non dignamur pacere pauperes famelicos, potare sitientes, &c. quis credet facturos nos fuisse, vel esse in persona Christo, siquidem non dignamur hoc facere in suis minimis, id ipsum eidem Christo? Et sic quidem Christus Dominus miserie nostrae particeps, misericordiae verò indigus esse voluit. Jam videamus, quomodo in Passione sua nostris miseriis misericordiam impendit?

Matth.
25. 40.

1. 2. Esurivimus, & sitivimus. Et Dominus noster dedit nobis manducare & bibere. Corpus videlicet, & sanguinem suum pretiosum, cum reliquis bonis suis in Sacramento atque Sacrificio Eucharistico, dedit & gratiam suam, de qua ipse testatus est: quoniam qui biberit ex aqua, quam ille dabit, non sitiet in aeternum, sed fiet in eo fons aquae vivae salientis usque in vitam aeternam.

3. Operuit etiam Nuditatem nostram vestimento meritorum suorum, atque tunicâ inconfutili, Ecclesiae suae, cujus filios nos esse fecit, & in ejus gremio veste gratiae charitatisque vestimur. Et beatus qui custodit hæc vestimenta, ne nudus ambulet, neve careat veste nuptiali, sine qua nemo dignus nuptiis Filii Regis aeterni, sed ligatus mittitur in tenebras exteriores.

4. Captivos quoque nos redemit à potestate, & carcere tyrannidis tam diabolicæ, quàm peccati, quàm mortis; quin etiam descendit in illum carcerem, qui erat in inferioribus partibus terræ, & inde eduxit in fortitudine sua vinctos, captivamque Patrum Sanctorum

captivitatem; quorum vincula dissolvit sanguine suo, alligavit autem fortem illum serpentem vectem.

5. Visitavit etiam nos infirmos, & multum temporis in infirmitate & languore habentes: impenditque nobis curam suam, visitans nos in salutari suo, & infuso vino, oleoque suae veritatis & charitatis, alligavit vulnera nostra, & usque ad sanitatem perduxit. Insuper autem langviores nostros ipse in se suscepit, & eos pertulit, & vulnera nostra ipse portavit, factus vir dolorum, & sciens infirmitatem. Nos autem livore ejus sanati sumus.

Luca 23.
43.

6. Insuper peregrinos nos, imò profugos à Domino, & in regionem longinquam digressos filios à Patre, prodigos, & omnis substantiae profusores, ipse collegit, & in hospitio Ecclesiae suae collocavit. In cujus figura, cum ei se quidam valde peregrinus, atque adeò latronum secum crucifixorum unus obtulisset, non aspernatus eum, excepit non tantum hospitio Gratiae & miserationis suae, verum etiam Paradiso atque Regno suo: dicens ei, & re ipsa complens. *Hodie mecum eris in Paradiso*, quod verbum etiam nobis in salutem est, sicuti & latro est in exemplum. Et nos enim latrones fuimus, rapinam arbitantes gloriam Dei, & patrans operibus tenebrarum, fuimus inimici, & peccatores, & naturam filii irae, socii magni illius furis, filii autem alterius, sed interest agamusne poenitentiam, & confiteamur tum Domino peccata nostra, tum Dominum confitendo gloriam & misericordiam ejus, atque ab eo mendicando gratiam, & memoriam nostri in Regno ejus.

Rom. 6.
4.

Ibid. V.
18.

7. Ad extremum Dominus noster vespillonem egit, sepeliens omnes mortuos nostros in rubro mari, sanguinis, meritorum, dolorum, & mortis, crucisque suae. propter quod Apostolus ait de omnibus nobis, quòd *Consepulti sumus cum Christo per baptismum in mortem, ut quomodo Christus resurrexit à mortuis per gloriam Patris, ita & nos in novitate vitae ambulemus*. Vnde quemadmodum quòd Christus mortuus est, peccato mortuus est semel, quòd autem vivit, vivit Deo; ita & nos existimemus, Nos mortuos quidem esse peccato, viventes autem Deo, in Christo IESU Domino nostro. Sepelivit nos ergo Dominus noster in sanguine, morte, Cruce sua. Nos inquam peccatores, filios irae, filios Adae veteris. Vivificavit autem nos in Resurrectione sua, & complantavit eidem resurrectioni in vitam aeternam.

Ita ergo Dominus noster opera misericordiae omnia exercuit circa nos,

ca nos
riter &
nimis su
mus, Ca
mamus,
turam i
nobis, i
in fratr
recipiat
ta, glori
atque d
hadiis,
firi, &
eram, &
collegist
quibus
Patris
mundi
nudi in
fection
se. Ho
superfl
quod n
peccat
nobis.

Mo
decim
per C
ejus.
Christ
ascend
Imelle
& rep
quitu
pagin

ca nos, & quidem Passione sua pretiosa. Vtique erudiens nos, ut pariter & nos Minimos Christi, siue potius ipsummet Christum in minimis suis, Esurientem pascamus, sitientem potemus, Nudum operiamus, Captum, Infirmum, Peregrinum visitemus, colligamus, redimamus, consolemur, mortuis sepulturae honorem, vel etiam sepulturam ipsam impendamus. Dignus certe Christus est, qui talia pro nobis, imò nobis, tanto suo impendio fecit, ut etiam in membris suis, in fratribus nostris, imò verò, ut ipse loqui dignatur, fratribus suis, recipiat à nobis. Ut olim cum venerit in maiestate & virtute multa, gloriaque Patris, cum Angelis Sanctis, iudicare saeculum per ignem, atque discernere populum suum à non suo. Oves segregans Pastor ab hædis, audire liceat nobis. *Quia esurivi & dedistis mihi manducare, sitivi, & dedistis mihi potum, nudus eram, & cooperuistis me, captivus eram, & redemistis me, infirmus eram, & visitastis me, hospes eram & collegistis me, mortuus eram, & sepelivistis me, in minimis fratribus meis, quibus quidquid fecistis propter me, mihi fecistis. Venite ergo benedicti Patris mei, possidete paratum vobis à Patre meo Regnum à constitutione mundi.* O quomodo in illa die vellemus ipsimet esurisse, sitivisse, nudi incessisse, cæteraque ejusmodi opera bona, usque ad nostram defectionem, Christo nostro in pauperibus ejus propter eum impendisse. Hoc igitur nunc faciamus, hoc nunc frequentemus, & vel saltem superflua, minusque necessaria nostra, in hos usus impendamus, ut quod nobis superest, pauperibus autem deest, *elemosynam dantes omnia peccata nostra, tam quoad culpam, quam quoad poenam, munda sint nobis.*

*Mattb.
25. 33.*

*Luca II.
41.*

M O D V S LXXXII.

Modus Octogesimus secundus meditandi Dominicam Passionem est. Scrutando in ea septem dona Spiritus Sancti, nec non duodecim fructus ejusdem, quos omnes, indubitatum est requievisse super Christum semper, & eluxisse in omni vita, Passione, & Morte ejus. Et de donis quidem attestatur Isaias, cum disertè loquens de Christo. *Et egredietur (ait) virga de radice Jesse, & flos de radice ejus ascendet, & requiescet super eum Spiritus Domini, Spiritus Sapientie & Intellectus, Spiritus consilii & fortitudinis, Spiritus scientie, & pietatis, & replebit eum Spiritus timoris Domini.* Quibus verbis manifestè loquitur Propheta de Messia Christo ex Virgine MARIÆ, Jesseæ propaginis filia nascituro, & inter nos in mundo conversaturo, & in Cru-

*Isaia II.
1.*

cè exaltando, ubi & efflorescere debuit, in Nazarenum Regem Iudæorum, & abundantia donorum suorum & fructuum repleturus universum orbem terrarum, ramosque suos expansurus usque in fines terræ, ad instar arboris illius apud Daniele Prophetam, *cujus altitudo pertingit ad cælum, & aspectus illius, in omnem terram, & rami ejus pulcherrimi, & fructus ejus nimius, & esca oranium in ea, subter eam habitantes bestie agri, & in ramis ejus commorantes aves cæli.* Cui arbori longè justius comparari debet Dominus noster Iesus Christus, quàm Babylonis Rex. Iam verò de fructibus ejusdem Sancti Spiritus in Cruce potissimum Christi requirendis, & invenendis luculenter etià asserere videtur Paulus Apostolus, qui cum dixisset, quod *fructus Spiritus est Charitas, Gaudium, Pax, Patientia, Benignitas, Bonitas, Longanimitas, Mansuetudo, Fides, Modestia, Continentia, Castitas*; hoc inquam cum docuisset, mox subjecit. *Qui autem Christi sunt, carnem suam crucifixerunt, cum vitiis & concupiscentiis.* Per hoc procul dubio indicare volens fructus Spiritus per crucifixionem sui, & per participationem Crucis Christi esse conquirendos, utpote ibidem potissimum à Christo reservatos, atque propter suos fideles electosque tum depositos, tum exhibitos, inibique ab hisdem requirendos, & decerpandos, qua de re licebit meditari hunc in modum Passionem Domini.

I. Igitur in Christi Passione elucescit Spiritus Timoris Domini. Cum enim Christus Passus sit pro peccatis nostris, & Justitiæ Dei pro iis plenè, & supra mensuram debitam satisfecerit, omnemque severitatem & rigorem iræ Paternæ in se exceperit, mortemque, & mortem quidem Crucis, omni genere probri, amaritudinisque exaggeratam subierit. Quis non videt ex tanto spectaculo, quanta sit vel peccati enormitas, malitiæque, vel rigorositas Iustitiæ Divinæ, vel pœnarum peccatis nostris, aut potius propter peccata nostra nobis debitaram magnitudo, quandoquidem necesse fuit Christum Dominum unigenitum Dei tanta perpeti, & tam crudeliter probrosæque emori. Ex quo tanto exemplo, nonne meritò Spiritus Timoris Dei concipitur, parturiturque, ut tandem pariatur spes salutis. Qui est, declinare ab omni malo, neque desuere in concupiscentiam delectabilem, tam Carnis, quàm mentis vanitatum, nec aded pœnam metuere peccatorum à Deo, quàm potius peccatum ipsum abhorrere in Patrem, propter cujus reverentiam, tam dira sustinuit unigenitus ejus in Cruce. Ad hoc Timoris casti donum spectat fructus *Modestie*, mode-

facti

rans animam, fructus item *Continentiæ*, frenans sensualitatem: deniq;
fructus *Castitatis*, sciens possidere vas suum in sanctificationem.

I I. Elucescit quoque in Passione Domini nostri *Donum Pietatis*
unà cum fructu *Bonitatis atque Benignitatis*. Quid enim Pium, quid
Bonum, atque Benignum magis cogitari potuit, aut potest, quàm Do-
minus pater Iesus Christus? qui usque adeò in Deum, & in proximū
pius benignusque apparuit, ut propter pietatem hanc, etiam pro pec-
catoribus, pro inimicis, pro indignis, pro ingratis, pro inutilibus,
tam amaram Passionem sustinere non dubitaverit. Vbi quæso, & ex
quo exemplo Christianus discet pietatem, in Deum, in proximum, in
seipsum, si ab exemplo Christi Domini, Magistri, ac Regis sui eam
non discet? Vbi discet habere Christianus voluntatem pronam, ad
volendum bene, & promptam ad faciendum benignè cuilibet proxi-
mo propter Deum, si eam à Patientē, & in Patientē Domino suo non
discet?

I I I. Elucescit quoque in Passione Domini *Donum Fortitudinis*,
simulque fructus *Patientiæ*: cuius opus est, pericula vitæ, arduos la-
bores, detrimenta bonorum, iacturas honoris, aliaque his similia ho-
minibus vulgò pretiosa, contemnere, & aggredi, & appetere, & per-
ferre, & vincere propter Deum, eo modo quo videmus Dominum
Iesum, in Passione potissimum sua, hæc, plus quàm heroicā fortitudi-
ne patientiæque, non solum aggressum esse, verum etiam plenissime
debellasse. Hoc suo exemplo erudiens fideles suos, nihil omnino in
hoc mundo formidare, præter unum ac solum Deum, qui solus reve-
ra timendus est, & quem solum formidare, vera est Fortitudo, & ma-
gnanimitas maxima.

I V. Elucescit quoque in Domini nostri Passione, *Consilii Donum*
fructusq; *Longanimitatis*. Contempsit enim Dominus noster omnia,
quæ hic mundus æstimat, & totis viribus quærit, atque concupiscit,
& coacervat. Sive quæ ad concupiscentiam oculorum, sive ad con-
cupiscentiam carnis, sive ad vitæ superbiam factumque pertinent, vi-
tam denique ipsam & famam, & incolumitatem omnem postposuit,
uni Divinæ gloriæ, salutique nostræ. Per hoc dans nobis exemplare
consilium, quo salubrius nobis esse potest nullum. Ut scilicet im-
pendamus nos Deo, ejusque obsequio, præ omnibus aliis desideriis,
studiisque nostris; imò omnia illa exuamus penitus, ut in hoc solum
toti vacemus. Etiam si eā causā esset nobis exhauriendus calix totus
vilificationum, dolorum, mendacitatis, contradictionis, persecutio-

*Aug. lib.
1. de Ser.
Dom. in
Monte.
C. 4.*

nis, odiorum, & periculorum, & quidquid est denum in Passione Domini nostri; ut ejus ad instar simus, totique in illum contemptum, pauperem, stultificatum, dolentem, crucifixum, omniq; opprobricorum ac miseriarum genere saturatum transformemur, gaudentes nos ejus dignationibus indutos esse. Nullum enim salubrius & gloriosius consilium Christiano esse potest, quàm inui Dominum suum IESVM Christum, & in eum penitus visceraliter transformari. Ad hæc docet nos Dominus Passione suâ pro nobis, illud consilium, ut studeamus juvare miseros in eorum necessitatibus, ut & ipsi mereamur juvari in nostris à Domino. Quia enim labor & dolor invenerunt & possederunt nos in ista vita, *Si nisi quisque adjuvetur à superiore, nullo modo sibi est idoneus, ut sese tantis miseriarum implicamentis expediat: idcirco est justum consilium, ut qui se a Potentiori adjuvari vult, adjuvet ipse infirmiores, in quo est ipse potentior.*

Elucescit in Passione Domini etiam *Donum Scientiæ, Mansuetudinisq;* fructus. Sive enim hæc sit illa scientia supereminens charitatis Christi, quâ scitur Longitudo, Latitudo, Sublimitas, & Profundum Crucis Christi, sive sit scientia ineffabilium secretorum & causarum Dei, quibus mota Sapientia, Potentia, Bonitas, Misericordia, Iustitia, Charitas, veritasque ejus, per Incarnationem Filii Dei, salutem nostram operari, gloriam suam manifestare, omnia, quæ per peccatum in coelo & terra destructa erant, morte Christi reparare, & constituit, & re ipsâ perfecit. Sive etiam sit scientia sacrarum scripturarum, quatenus illa Christum, partim expressè, partim figuraliter, non minori artificio, quàm dulcore prorsus divino, ubique sonant, ut ubique in eis Christus maximè Passus inveniri possit. Sed Sacram Scripturam non superbè discutere, neque arroganter reprehendere oportet, verum humiliter inclinatâ cordis cervice, jugum ejus eloquii, fluentaq; mysteriorum interiorum, in quibus & Elephas tumidus natat, & Agnus mansuetus ambulat subintroire, rogando, & pulsando cum Sponsa Domini, ut introducatur in cellas vinariæ ejus. Sive etiam scientia hæc sit Cognitio visibilium istarum rerum, quas inter versamur, quibus etiam utimur; & quibus, si modò novimus & volumus, neque oblucentes lumini fidei nostræ sumus, tanquam per scalarum inferiores gradus ad Superiores ascendimus, & tanquam per exteriores portas atriaque, ad interiores aditus habitationesque, tanquam per materialia ad spiritualia, tanquam per creata ad divina, tanquam per visibilia & circumscripta, ad invisibilia, & lumine incircumscri-

pto

pto latenter patentia, introgredimur, aut potius à Spiritu magistro, veluti manu ducimur. Omnibus his scientiæ sive generibus, sive partibus Passio Domini Nostri redundat, & contemplatorem sui humilem, devotum, mansuetumque replet, juxta illud quod dictum est. *Docebit mites vias suas.*

Psal. 24.

VI. Elucescit in Passione Domini Donum Intellectus, & Fidei fructus. Cùm enim Passionis Dominicæ penitiora ingreditur Anima, cujus cor fide purificatum est, sanguine Christi ablutum, vulneribus charitatis saucium, Cruce Christi saginatum, morte vivificatum, redditur anima idonea ad percipiendas, penetrandasque veritates illas, ob quarum confirmationem Christus in Passionis labores, atque adeò in ipsam mortem, mortem autem crucis descendit. Intelligit specialiter Anima in Domini Passione erudita pretium sui, & quidem non à qualicumque æstimatore, sed ab ipsa sapientia Æterna, atque Prima Veritate: cujus judicio atque sensu, de pretiò & valore sui, ex Passione Christi cognito: agnoscit se unam solam, universo mundo pretiosorem, agnoscit nullam esse ponderationem, quæ sibi comparari possit, agnoscit nullam in creaturis etiam simul omnibus, commutationem posse fieri, sciens disertè dictum à Veritate Æterna. *Quid prodest homini, si universum mundum lucretur, anima verò sua detrimentum patietur, aut, quam dabit commutationem homo pro Anima sua?* Agnoscit adhuc se pluris æstimatam esse, quàm ipsummet sanguinè, vitamque Christi, quandoquidem ille sanguinem pro ea fudit, vitam suam in mortem dedit. Agnoscit quoque per sui unius reparationem, reparari quoque omnia, sive quæ in cœlo, sive quæ in terra, adeò ut ipsæ Angelicæ ruinæ, ab hac reparatione, sui quoque instaurationem & expectent, & accipiant. *Placuit enim Deo instaurare omnia in Christo:* per mortem quidem Christi, per vitam verò Humanæ Animæ. Agnoscit denique viluisse propemodum sibi ipsum Deum propter Animam, cætera quidem pauperem, & planè per omnia miseram, attamen Dei æstimatione quasi Deo, & Unigenito ejus pretiosorem, ita ut non vereatur dicere. *Qui dilexit me, tradidit seipsum pro me* Et quidni præsumat hæc, quando audit ipsum Dei Unigenitum profitentem. *Sic Deus dilexit mundum* (Animas utique amatrices, inquilinas hujus mundi) *ut filium suum unigenitum daret, ut mundus salvetur per ipsum.* Hæc omnia anima discit perquam luculenter, atque superplenè, ex unico Passi Christi in Cruce expanso libro. Unde etiam intelligit omnem obligationem suam, quâ obstricta est, tan-

9.

Matth. 16. 26.

Eph. 1. 10.

Gal. 2. 20.

Ioan. 3. 16.

to amatori, tanto appretiatori, tanto emptori, & Servatori suo. Intelligit, illud se potissimum debere, ut nihil sciat aliud, nisi IESVM, & hunc Crucifixum. ut nihil amet nisi IESVM, & hunc Crucifixum. ut nihil possideat nisi IESVM, & hunc Crucifixum. ut nihil repræsentet in se, in moribus, in sermonibus, in vita, nisi IESVM & hunc Crucifixum, ut nihil inhabitet, nisi IESVM & hunc Crucifixum: nihil induat nisi IESVM, & hunc Crucifixum. ut nihil speret nisi IESVM & hunc Crucifixum. ut denique nihil vivat, nisi IESVM, & hunc Crucifixum. O Bone Iesu Passe pro me, da mihi intellectum, & vivam Te IESVM, & hunc Crucifixum.

VII. Elucescit etiam in Passione Domini. *Donum Sapientie, & simul fructus Charitatis, Pacis, & Gaudii.* In Christo enim Passio, si quid elucet, elucet maximè sapientia Dei, adeò, ut eam ibi agnoscere & degustare, consummata sapientia sit, quam non potest non comitari Charitas, & Pax, & Gaudium, exsuperans omnem sensum, omne votum, omnem captum. Fieri enim nullo modo potest, ut quis ingressus cellaria sapientie Dei, in Christi scilicet vulnera intromissus, non statim repleatur vino Charitatis, Bonitatis, Miserationis, Liberalitatis, Iustitiæ, Potentiæ, Veritatis, & omnis denique Divini Boni, atque adeò ipsiusmet Divinitatis, tam quoad essentiam, quam quoad Personas, quam denique quoad Incarnationis verbi & economiam universam. Adhuc autem in Christi Passione, seu Christo Passo, repræsentatur multiformis sapientia Christi, secundum quam ille sese erga Deum Patrem suum gessit, nullam omnino speciem refugiens, quæ assumptâ posset gloriæ & gustui Patris subservire. Ergo se Christus Patri gessit ut Deum æqualem Deo, ut unigenitum & Filium, ut Regem Regum, & Dominum Dominantium, gessit etiam se ut servum, ut mancipium, ut jumentum, gessit se ut egenum, ut vilem, ut stultum, ut blasphemum, ut impiis improbiorem, ut amicum publicanorum, ut legis dissolutorem. Gessit se insuper ut peccatorem, ut peccatum, ut maledictum. Gessit se ut totius mundi scelerum reum, ut quasi non filium, quasi à Deo derelictum, quasi infamem, & probrosum, & dæmoniacum, in furorem versum, pseudoprophetam, non à Deo hominem, demumque in patibulo Crucis in medio latronum mortuum, tandemque sepultum. Quis adeò multiformem formam Christi nostri intuens assequatur, & eloquatur sapientiam Dei, quis assermet hac ratione agi salutem mundi, sic redimi genus humanum, sic aboleri peccatum, sic diabolum vinci, sic mundum calcari, debella-

bellari carnem, superari mortem, spoliari infernum, referari cœlum, iram Dei placari, aboleri offensas, iustitiæ satisfieri, rebus pacem dari, exaltati Deum, gloriam ejus propagari, misericordias effundi, veritatem probari, promissa compleri? Quis credat his mediis ad illos fines pertingi? Quis speret his argumentis inveteratissimos errores mundi confutari, convinci, dedoceri, stultitiam prædicationis amplecti, & in probro scandaloque Crucis gloriari? Crucifixum inter latrones, ut Deum agnosci, coli, exaltari, omnibus viribus, omnibus operibus, omnibus impensis, sanguinis, honoris, libertatis, vitæ, inter omnes gentes, in omnibus regionibus terræ, in omnibus sæculis temporum? Ergo unum solumque Christum Crucifixum nôsse tota sapientia est, eum autem solum ignorare, absoluta stultitia. Quoniam verò sapientia saporem habere debet, quo si careat, sapientia nec esse, nec dici potest. Totum hoc, quod sapientia agnoscit intellectu, etiam voluntate sapere, gustare; atque veluti manducare debet. Itaque quisquis supra dicta in Christo Passio, & ex Christo Passio cognoscit, eadem etiam voluntatis affectibus juxta cujusque exigentiam tenere, atque saporare; seu sapere debet: potissimum autem, Deum super omnia æstimando, proximum sicut semetipsum diligendo, ad sui contemptum omnimodum, exemplo Christi, & desiderio similitudinis ejus anhelando, peccatum super omnia mala odiendo, & fugiendo. Dei voluntati cordialiter æternaliterque secundum ipsammet voluntatem Dei inhaerendo, deque ejus obedientia tam summè gaudento, quàm de inobedientia medullitè dolendo, denique secundum imaginem Crucifixi Jesu ita omnia in Anima, & corpore, inque omnibus viribus horum, ita inquam ordinata, pacata, Christo conformia habendo, ut nullus in homine motus adversus rationis lumen, adversus fidei ductum, adversus exemplaris Christi regulam, rebellis sit; sed cuncta obtemperent homini in homine, prout & ipse homo plenè obtemperet Deo: sicque fruatur & gaudeat homo ipso se sibi subiecto, sicut fruatur & lætetur idem homo, Deo sibi benignè familiaritè, & familiariter benigno.

Hunc igitur in modum Passio Christi Donorum fructuumque Spiritus, & speculum, & magistra, & largitrix est iis, quibus interiora ejus patefcunt. Patefcunt autem illis, qui in Passione Domini, obstinata assiduitate erudiri laborant, & gaudent, in exaltatione Dei, in dilectione proximi, in vilificatione, & exinanitione & perditione sui, in odio peccati, in imitatione Jesu Christi, propter Jesum, & hunc Crucifixum.

M O D V S LXXXIII.

Octogesimus tertius Passionem Dominicam meditandi Modus esse potest; Considerare illam, quomodo omnia septem Sacramenta Ecclesiæ ab ea manant, efficaciamque omnem sumunt. Cum enim Passio Domini sit una & sola, & universalis medicina vulnorum, apotheca pharmacorum, balneum puritatis, debellatio & victoria hostium, armatura contra omne inimicorum genus, sacrificium pro peccatis, & holocaustum, mors vitiorum, vita virtutum, thesaurus meritorum, fons gratiarum, officina sanctificationis, resuscitatio mortuorum, conciliatio pacis, testamentum fœderis æterni, placatio Patris æterni, clavis cœli, jus ad beatitudinem æternam, & denique totum id, quidquid ad salutem nostram pertinet. Sacramenta autem sint totius Passionis hujus, omniumque in ea contentorum bonorum receptacula, & veluti gazophilacia ex quibus Ecclesia pro usu, necessitatibusque filiorum suorum depromat, ut incolumitatem, copiam, opulentiamque filiorum suorum promovere omni tempore, loco, occasione, possit. Manifestum est Sacramentorum virtutem omnem à Passione Christi esse.

*vide supra
Modum 43.*

Hoc autem multò etiam plenius affirmari & credi debet, de Sacratissimo Sacrificio Missæ, in quo non tantum est efficacia Passionis, ut in Sacramentis esse diximus: sed est ipsamet Passio, ipsaque Christi realis oblatio, & immolatio, & ipse Christus in Persona sua, actu offertur à semetipso in illum eundem salutis nostræ finem, in quem super aram Crucis, in monte Calvario olim, oblatus fuit. Et quanquam etiam in Sacramento Eucharistiæ, realiter est Christus præsens totus: non est tamen ibi cum Sacrificatione oblativa sui, (estò per eam ibi constituatur) sed per solam præsentiam suam instar convivii, cibi, potusque ad nutrimentum animarum nostrarum.

His positis non est difficile pio meditati, pervidere omnia Sacramenta Ecclesiæ in Passione Christi, eorumque ex ea dimanationem, efficacitatis derivationem.

Baptismum esse in Passione, & ex Passione Domini satis constare potest vel ex eo, quòd illam Dominus ipse noster vocet Baptismum suum. *Baptismo*. (inquit) *habeo baptisari, & quomodo coarctor usque dum perficiatur?* Et Petrus Apostolus cum dixisset, temporibus Noë per contemptibile lignum (Arcam scilicet) salvatas fuisse octo Animas à diluvio, mox subdit, etiam nunc fideles Christi per Baptisma simile

*Sap. 10.
4. 1. Pet.
3. 20.*

simile illi
inter Ba
fieret pe
Crucem
Cruce
aquam
Con
nare, tu
das, ato
thoran
esse car
contra
marid
tenebra
nisi vir
ipso C
quòd c
possidet
spolia, in
à Christ
testati
sua pri
vulnere
exinde
bus for
nei red
Euc
sens est
se Passi
sentat
nem a
sanctifi
filij Ec
stus su
& futu
Per
vulnere
sti. 3

simile illi Noëtico saluos fieri, alludens sinè dubio, hanc similitudinè inter Baptismum nostrum & diluvium Noë in eo esse, quod utrumq; fieret per contemptibile lignum, nempe per Arcam ibi, hñc verò per Crucem Christi, quo satis ostendit Apostolus: Baptismi virtutem, à Cruce & Passione Christi esse. Unde alius Apostolus ait ad nos per aquam & sanguinem venisse Filium Dei.

1. Ioan. 5.

6.

Confirmationis Sacramentum etiam ex Christi Passione tum manare, tum vim suam desumere, ad baptisatorum Animas confirmandas, atque militiæ Christi contra Carnem, Mundum, Diabolum authorandas, dubitari non potest. Cum constet *Arma militiæ nostræ non esse carnalia, sed spiritualia & esse potentia Deo*: & insuper non tam esse contra carnem & sanguinem licet & contra hæc ambo, sed tamen primariò adversus principatus & potestates, & adversus mundi Rectores tenebrarum harum. Istos autem hostes non posse debellari à nobis, nisi virtute Passionis & Crucis, Mortisq; Christi; quâ scilicet & ab ipso Christo Domino Nostro sunt debellati, dicente ipso Domino, quòd cum fortis armatus custodit atrium suum, in pace sunt omnia, quæ possidet; cum autem fortior supervenerit, & vicerit eum, arma ejus & spolia, in quibus confidebat, auferet, & vasa ejus diripiet. Quod totum à Christo Domino, diaboli hunc mundum tyrannide prementis potestati factum est: debellatus est enim, victus, armis & spoliis fiduciæ suæ privatus: & non per aliud nisi per Christi sanguinem, Crucem, vulnera, mortem. Exinde ergo etiam milites Christi robur sumunt, exinde athletæ unguuntur, & firmanur, arma Deo potentia, demonibus formidanda accipiuntur, exinde unguuntur, exinde ad lucram idonei redduntur,

2. Cor.

10. 4.

Eph. 6.

12.

Lucæ 11.

21.

Eucharistiæ Sacramentum in quo ipse Christus totus realiter præsens est; non tantum ex Christi Passione vim suam sumit, sed ipsum in se Passum Dominum, ipsam Passionem ejus, atque mortem, & repræsentat, & continet, & exhibet in Cibum, atque Potum, in saginationem atque impinguationem Animarum nostrarum, in vitam gratiæ sanctificantis, & in vitam quoque Gloriæ beatificantis. Unde optime filii Ecclesiæ canunt exultantes; O Sacrum Convivium, in quo Christus sumitur, recolitur memoria Passionis ejus, mens impletur gratiâ, & futuræ gloriæ nobis pignus datur.

Pœnitentiæ quoque Sacramentum, in quo est Medicina morborum vulnerumque nostrorum: non aliunde nisi ex sanguine morteq; Christi. Sicut enim sanguis ille pro peccatis nostris fusus est; ita etiam eo-

rundem peccatorum vulneribus idem sanguis unica medicina est. Quæ quia fuerunt ad mortem, ideo necesse fuit propter eorum sanationem ipsum unigenitum Dei occidi. Hoc Sacramentum exercuisse videtur Dominus noster in Latrone poenitente, & scelera sua confitente. Ad exercitium quoque hujus Sacramenti potest pertinere videri, descensus Animæ Christi ad inferos, ubi animabus in purgatorio prenas omnes indulgentia plenaria relaxavit, easque cum cæteris Sanctis participes beatitudinis fecit.

Ordinis Sacramentum, quemadmodum ad dispensationem, imò verò etiam ad confectionem, & sacificationem sanguinis atque Corporis Christi, meritumque illius, in totum Ecclesiæ Christi corpus institutum est, ita nonnisi ex Passione atque Morte Christi potestatem, auctoritatem, efficaciamque habet; propter quod Dominus Iesus, etiam si pridie quàm moreretur Sacramentum Ordinis instituit, ad ejusdem Passionis suæ memoriale perenne: Memoriale autem non sterile & vacuum, sed cum repræsentatione ejus reali, atque actuali, sed cum quotidiana ejus restauratione atque repetitione: ita ut quod in die Parasceves cruento peractum est sacrificio in altari Crucis, à Summo Sacerdote Christo, hoc ab initiatis Sacramento Ordinis, fiat reverà, & actualiter quotidie in Ecclesia per sacrificium incrementum Altaris.

Matrimonii Sacramentum, ex sponso quoque sanguinum, hoc est ex Christi Incarnatione & Passione vim suam sumit. Imò verò ejus quædam imago est: dicente à postolo, quòd *Sacramentum hoc* (Matrimonii scilicet) *magnum est. Ego autem dico in Christo & Ecclesia.* Sicut enim Christus sponsam suam Ecclesiam, & quasiavit, & lavit in sanguine suo, ut exhiberet eam sibi absque ruga & macula, & sic sanguine suo sanctificatam atque dotatam, sponsavit sibi in fide: verè sponsus sanguinum existens; ita in virtute hujus desponsationis Christi & Ecclesiæ, Christianum Matrimonium gloriam Sacramenti, & gratiam efficaciamque habet, ad filiorum Ecclesiæ, fideliumque Christi propagationem, qui quamvis in peccato, etiam post Sacramentum nascuntur, virtute tamen Sacramenti jam tunc signantur ad gratiam, & adoptionem filiorum Dei, & ad filiorum Ecclesiæ numerum communionemque designantur, propiori quodam jure, quo infidelium filii carent.

Unctionis extremæ Sacramentum est quoque Passionis Christi fructus: quo Sacramento & completur sanctificatio nostra, professioque
ad

ad Deum instruitur & peccatorum reliquæ abolerentur, & Animæ pro ultimo cum hostibus nostris luctamine inungatur, & corporum morbi (sita expedit) sanantur, certè alleviantur, & tolerabiliores infirmis fiunt. Hoc autem totum, virtus est Passionis & Mortis Christi, cuius sanguis, oleum est miserationis, & balsamum unctionis, & robur infirmitatis, & certaminis tessera, & omen extremæ victoriæ, & tutela transitus, ex hac vita, ad alteram æternam vitam.

In hunc ergo modum in Passione Christi Sacramenta omnia considerare licet, & quomodo ex vulneribus Passi IESU omnia promanent, virtutemque sumant, agnoscere. Non solum autem hoc, verum etiam si superiores modos meditando rectè expendimus, omnia quæ in Christiana vita, Christi quæ Ecclesia continentur, elucescere in Passione Domini advertimus, sive Præcepta Decalogi, sive Consilia Evangelica, sive Opera Misericordiæ, sive virtutes Theologicas, atque Morales, sive Dona & Fructus Spiritus Sancti, sive Sacramenta septem, sive sacrificium omnis generis. ut verissimè affirmetur Christum, in sua, imò, suâ Passione genuisse, desponsasse, ornasse, & dotasse sibi Ecclesiam, cum omni illius perfectione, sanctitate, & ornatu, prout ex prædictis, facile patet.

M O D V S LXXXIV.

Octogesimus quartus meditandi Passionem Domini Modus esse potest: considerando quomodo in Passione sua Dominus noster Angelicas perfectiones, atque proprietates, nec non ministeria, nobis ex scripturis sacris nota, & exercuerit, & expresserit, & insuper etiam exceleserit.

Angelos Sanctos, præcipuâ ratione nobis commendat pietas, quam Dominus Deus noster mandavit illis de nobis, ut custodiant nos, in omnibus vris nostris, ne unquam offendamus ad lapidem pedes nostros, utq; super aspidem & basiliscum ambulemus, & conculcemus leonem & draconem. Neque id solum, verum etiam, ut ducant nos per viam, quâ ambulemus ad patriam, præbendo lumen in tenebris, præsidium in periculis, solatium in mœroribus, robur in difficultatibus, refectionem in laboribus, stimulum & animam in cessationibus, eruditionem & revelationem in ignorantibus. Hæc omnia longè plenius est nobis Dominus noster Iesus Christus, qui est verus Testamenti Angelus, est Agnus qui solvit signacula libri, septem Sigillis clausi, est apseliber scriptus intus & foris. Ille Passione potissimum suâ revelavit nobis

Iacobi
15.

Pf. 90.
11.

my.

myſteria abſcondita à conſtitutione mundi. Propter quod Petro ad Paſſionem ſuam impediendam nonnihil procedenti & coranti, dixit inter alia. *Calicem quem dedit mihi Pater, non vis ut bibam illum? quomodo ergo implebuntur ſcripturae, quia ſic oportet fieri?* Idem Dominus noſter piſſimâ Paſſione ſuâ, & liberavit nos, & aſſiduò liberat, ab omnibus incommodis periculisque ſalutis, & corporis quidem, ſed potiſſimum Animæ, liberat autem purgando, illuminando, inflammando, confirmando, protegendo, conſolando, adjuvando, ornando, ditando, gratiis, meritis, omniſque genere beneficiorum, uſque ad poſſeſſionem vitæ æternæ, quæ non niſi per ipſam obtinetur.

Archangelorum, prout ipſum nomen ſonat, munus eſt, majora & graviora Divinæ voluntatis decretorumque annuntiare. Quis autem & quando nobis grandiora myſteria & arcana revelavit quàm Chriſtus in ſua Paſſione, ac per Paſſionem. Chriſtus Paſſus atque Crucifixus, revera Michaël fuit: qui nobis, quòd nemo eſſet *Sicut Deus*, oſtendit. Chriſtus Paſſus etiam verè Gabriel fuit, qui fortitudinem Dei in noſtra licèt infirmitate abſconditam exercendo nuntiavit. Chriſtus item Paſſus Raphaël, ſeu Medicina Dei nobis exſtitit, quoniâ ille Paſſione ſuâ, totius mundi ſanitatem fecit. Denique Chriſtus Paſſione & morte ſuâ, Patrem nobis reconciliavit, cælum aperuit, mortem noſtram vicit, mundum calcavit, peccata delevit, vires diaboli confregit, vitæ æternæ nos hæredes conſtituit. Hæc ſiquis Spirituum coeleſtium nobis facta vel futura nuntiaſſet, meritò à nobis Archangelus dici debuiffet. Chriſtus iſta omnia nobis nuntiando fecit, & faciendo nuntiavit, ita ut veriſſimè dixerit, tum Apoſtoliſ, *Omnia quacunſque audivi à Patre meo, nota feci vobis.* tum Iudæis. *Si non facio opera Patris mei, nolite credere mihi, ſi autem facio, & ſi mihi non vultis credere, operibus credite.* Horum verò operum, maximè vocaliſſima eſt Paſſio Chriſti, & vulnera, & Mors. Ipſa eſt enim exſecutrix omnium, ipſa lingua omnium, ipſa ſigillum & obſignatio omnium. Noſter ergo Archangelus fuit Paſſus Ieſus, & omnium Archangelorum Princeps, atque Dominus.

Virtutes hoc muneris habent, quòd operentur mirabilia atque miracula ſupernaturalis Ordinis, quin etiam ordinarium ſupernaturalitatis modum ſuperantia. potiſſimum in Hominum ad Deum, ejuſque Gloriam & voluntatem, ſubjectionem, tum verò ad ipſorummet illorum ſalutem æternam, accommodata, atque ordinata. Totus, & ſemper, & ubique fuiſſe talis Virtus, Chriſtus; at maximè, & ſpecialiſſimè effi-

efficac
lenter a
terra, on
ſtra pecc
noſtræ in
ut reſcit
minum,
reſ, om
ut oblig
hoc aut
obſcura
Petraru
li templ
Coaver
Clamor
Paſſion
ligatio
coeleſti
Mortis
conſilia
ratione
per ſang
zō, Mo
virtutes
teſt, qu
bat om
Prin
repræſe
niam ei
quam
ideoque
minus
ta, quæ
patum
facta ſe
Propte
procel
venit

efficacissimèque in Passione & Cruce, atque Morte. Quod ipse luculenter affirmavit aliquando Iudæis dicens. *Ego, cum exaltatus fuero à terra, omnia traham ad me ipsam.* Et traxit revera omnia quidem nostra peccata, ut ea deleret; omnia nostra vulnera, ut sanaret; omnium nostrum mortem, ut vivificaret; omnium nostrum condemnationem, ut rescinderet. Traxit omnem furorem hostium, demonum, & hominum, ut patiendo vinceret. Omnem iram Patris Aeterni, ut placaret; omne iustitiæ debitum, ut solveret. Omnium nostrum corda, ut obligaret. Omnium nostrum Animas, ut beatas faceret. Præter hoc autem, Virtutis Passionis Christi atque Mortis fuit, Terræ motus, obscuratio solis, in medio die & plenilunio per universam terram, Petrarum scissio, sepulchrorum apertio, Mortuorum resuscitatio, veli templi rescissio. Passionis quoque ac Mortis Christi virtus fuit, Conversio latronis, Confessio Centurionis, Populorum poenitentia, Clamor validus in morte, Oratio pro Crucifixoribus. Virtus etiam Passionis Christi & Mortis fuit, victoria mundi, evacuatio inferni, Alligatio diaboli, Confusio mortis, Iustificatio impiorum, Pacificatio coelestium atque terrestrium, reformatio cælorum. Virtus Passionis & Mortis Christi est, Conversio Humani generis ad fidem, ad legem, ad consilia, ad doctrinam, ad spem, & fiduciam, ad æmulationem & imitationem, ad confessionem & dilectionem Christi, etiam per vulnera, per sanguinem, per mortem pro Christo; & quidem Christo Crucifixo, Mortuo, & sepulto. Hæc Christi Passionis virtus, omnes excedit virtutes, omnesque virtutum operationes. De Passio Christi dici potest, quod de vivente dictum est. *Quia virtus de illo exibat, & sanabat omnes.*

Ioan. 12.

32.

Luca 6.

19.

Principatus habent hoc proprium sive naturæ, sive muneris, quod representent Deum tanquam Principem, principiumque rerum omnium creatarum, quæ omnes ex Deo tanquam ex fonte aquæ, tanquam ex mari flumina, tanquam ex terra germina, progrediuntur, ideoque etiam Deo subsunt, atque ab eo gubernantur. Christus Dominus noster longè iustius pleniusque representavit nobis, tam in vita, quam in morte Passioneque sua Divinum suum in omnia Principatum. Propter quod Evangelista de illo asseruit, quia omnia per ipso facta sunt, & sine ipso factum est nihil. Quod factum est, in ipso vita erat. Propter hoc etiam, cum dormiente Domino in navicula, descendisset procella & venti in stagnum in quo navigabant, surgens increpavit ventum, & tempestatem, & mari dixit, tace, obmutescit; & cessavit, & facta

Ioan. 1.

3.

Luca 8.

23.

- facta est tranquillitas, dicebantque homines timentes ad invicem. Quis putas hic est, quia & ventis & mari imperat, & obediunt ei? Pari ratione tam morbis, quam mortuis, quam etiam ipsis dæmoniis imperabat, expellebatque ea, & increpans non sinebat ea loqui. Porro in Passione sua, quantopere Principatum suum demonstravit, obscurum esse non potest. verbo suo prostravit universos milites, ministrosque & Sacerdotes, qui ad eum capiendum venerant. Verbo cohibuit eosdem, ne ullum ex discipulis suis apprehenderent; solo tactu, auriculam Malchi abscissam sanavit. Coram Concilio Iudæorum se Dei filium Christum, & Iudicem venturum in gloria denuntiavit. Coram Pilato Regem se esse professus est, estò non de hoc mundo: ejusdem minas repressit, dicens. *Non haberes potestatem adversum me ullam, nisi tibi datum esset desuper. Quid multa? Principatus Christi, super humeros Christi fuit, tum quando exivit bajulans sibi Crucem; tum quando Cruci affixus est, & titulo Crucis Regem se testatus est, & Latroni Regnum Paradysi appromisit, contulitque, & totum universum in plañctum Passionis suæ Mortisque convertit. Denique Passio ejus universa, atque Mors in Cruce, aliud fuit nihil, quam exercitium Principatus sui, debellatio Tyrannidis diabolicæ, cui extorsit delevitque chyrographum decreti, quod erat contrarium nobis, & illud affixit Crucis, expoliavit quoque Principatus & potestates, & illos traduxit confidenter, palam triumphans illos in semetipso, passio, humiliato, exinanito, obediente, crucifixo, mortuo atque sepulto, demumque gloriosè redivivo. Hæc eadem Domini Passio, fuit Principium & fons reconciliationis nostræ cum Deo, fuit fons sanctificationis, & justificationis nostræ, fuit fons filiationis, seu adoptionis nostræ in filios, & hæredes Dei, fuit clavis adaperiens coelos & portas justitiæ, per quas ingreditur gens justa, id est Electi, in beatam æternitatem. Ad extremum Passione suâ Dominus Iesus quæ sivit sibi meruitque Principatum super omnia bona sua, juxta illud ipsiusmet dictum: *Oportuit Christum pati, & ita intrare in gloriam suam.***
- Lucæ 4. 41.* *Joan. 19. 11.* *Philos. 2. 14.* *Lucæ 24. 26.*

Potestates Angelicæ, sunt repræsentatrices Omnipotentia Dei, tam respectu existentium, aut existiturarum, quam etiam respectu possibilitatum solum rerum. Quæ Deo plenissime subsunt, non solum quoad esse & existere, sed etiam quoad posse, etiam quoad vires & potestates earum: ita ut non sit potestas in ulla creatura nisi à Deo, cujus potestati, nemo prorsus, ne ad momentum; ille autem quovis momento, omni simul potestati resistere potest, eamque pro suo arbitrio

moderari. Ejusmodi Potestas fuit, & excelluit in Christo, etiam Patienti, & quidem eminentius, atque naturalius, quam in omnibus simul Angelicis Potestatibus. Habuit & exercuit Potestatem Dominus ponendi animam suam, & iterum sumendi eam, neque ullus eam potuit tollere ab eo. Sapius tentarant inimici Dominum tenere, comprehendere, precipitare, lapidare; sed nihil proficere poterant, quia hora ejus necdum advenerat. Venit hora, aut potius ab ipso met adducta est hora, & tunc prevalere in eum visa est potestas tenebrarum, & hora inimicorum, & odium, invidia, rabiesque persecutorum: sed tamen etiam in hoc ipso viguit Potestas Christi Domini, quia illa maius impiorum atque hostium, quas ille in sese permiserat, ita suo incunibebant sceleri, ut tamen famularentur obsequerenturque Redemptori. Perfecta est virtus infirmitate, Sanitas Passione, Redemptio Crucifixione, vita Morte, Gloria confusione, Iustificatio Iniquitate, Reconciliatio offensione. *Denique ubi abundavit delictum, ibi superabundavit & gratia.* In infirmis ergo infirmitatibus Passi Ie sv, summa & absolutissima, & Divina Potestas exercita est, omnisque diaboli potestas confracta, arma ejus ablata, spolia ejus deacta, praedita erepta, ipse alligatus a superveniente fortiore, infirmitatem licet, & ignominiam, & vulnera, & passionem, & mortem ipsam induto: quia quod infirmum & stultum erat Dei nostri, hoc fortius fuit, atque sapientius omnibus non solum hominibus, sed etiam daemionibus, quorum omnis rabies, & astutia devorata est in Christi Patientis & mortui infirmitate & stultitia. Haec Potestas Dei nostri, pro nobis Passi usque hodie perseverat, semperque perseverabit usque ad finem saeculi; quia omnes, tam hominum, quam daemionum inimicas potestates, omnes errores, & persuasiones stultas, omnes tentationes & impugnationes violentas, omnes mundanas superbias ac vanitates, omnes concupiscentiae carnis licentias, & effrenitates, quibus superandis omnis in creaturis potestas est impar; Passio tamen Dominicae efficaciam & potestate, per nos in nihilum rediguntur, & fiunt lutum platearum delentur. Aded, ut tantum possimus, quantum confidimus in virtute Passionis Christi. Qua de re triumphatissime loquitur Apostolus inter plura alia. *Certe sum enim, quia nulla creatura poterit nos separare a charitate Dei, quae est in Christo IESV.* Neque mirum; cum habeamus etiam Domini ipsius hac in parte munificentiam. *Eccce dedi vobis potestatem calcandi supra serpentes, & Scorpiones, & super omnem virtutem inimici: & nihil vobis nocebit.*

B b b

Domi-

Rom. 8.

38.

Luc. 10.

19.

Dominationes, Dominum Dei absolutum supremumque repræsentant, quo ille essentialiter omnium Dominus est, & in quo à nemine dependet, aut limitatur, sed omnia ab ipso. Christus Dominus noster, Dominus universorum fuit, non per modum dominationis alicujus, participatiuè, aut repræsentatiuè; sed essentiâ atque naturâ suâ imprimis; unde in ejus femore scriptum est; *Rex Regum, & Dominus Dominantium*: deinde fuit Dominus omnium meritoriè; quia enim *formam serui accipiens exinamuit semetipsum factus obediens, usque ad mortem, mortem autem Crucis: propter hoc & DEVS Pater exaltavit illum, & dedit illi nomen, quod est super omne nomen, ut in nomine IESU omne genu flectatur*, ejusque Dominium, atque Regnum recognoscat. Et recognovit sanè tota universitas rerum Dominium ejus, semper quidem, at maximè in Passione illius, quando illo in Cruce pendente, atque moriente, tota rerum universitas, planxit mortem ejus, tribus horis, ita ut in omnibus elementis, in saxis, & rupibus, in mortuis denique ipsis, sensus mortis, Domini sui, planctusque apparuerit. Meritoriam hanc Domini super omnia à se acquisitionem, & acquisitionem, complevit Dominus, atque consummavit, tum pro potestate arbitrioque voluntatis suæ, inclinato capite Spiritum emittens, atque moriens; tum ad inferos, tanquam inter mortuos liber, & sicut vivorum, ita & mortuorum Dominus, tartarearumque potestatum debellator descendens; tum tertiâ die, propriâ suâ virtute, à mortuis ad vitam resurgens; quâ completâ potentiâ suâ apparens discipulis profiteretur dicens: *Data est mihi omnis potestas in cælo & in terrâ*. Quia enim potestatem quam ex natura habuit, in Incarnationis, ac potissimum in Passionis, Mortisque suæ dispensatione, ipse sibi quoad usum exercitiumque quodammodo subtraxit, ideo post transactam subjectionis suæ horam, ad eandem potestatem, tanquam ad laborum suorum servitutisque præmium rediit, id ipsum congratulantibus ei cælestibus ordinibus universis, & dicentibus; *Dignus est Agnus, qui occisus est, accipere virtutem, & Divinitatem, & sapientiam, & fortitudinem, & honorem, & gloriam, & benedictionem, & omnem creaturam, quæ in cælo est, & super terram, & sub terra, & quæ sunt in mari, & quæ in eo.*

Throni, sunt Spiritus repræsentantes Divinam Æquitatem, Iustitiam, Majestatem, atque Reverentiâ illi debitâ Profunditatem. Vnde Throni dicti sunt illi Spiritus, tum quia in eis Deus residet, quietissime omnia judicans, discernens, concludens, atque decernens, immotus, ac imperturbatus ipse: tum quia in submissione humi-

Apoc. 16.

14.

Philip. 2.

6.

*Matth.
26. 18.*

*Apoc. 5.
12.*

militate
dam lece
humiles
quiescat
nus fuit
vinitas
omne ju
à Deo P
monium
strum se
na erat
sio tota
fuit, un
nando o
sua adu
& quon
in Passi
quod e
perficio
conqui
Throni
expres
Tu cogn
nem &
semeti
cietur
ipsum,
ergo C
dum,
aternu
jurato
confir
res; h
bant q
sancta
cerdo
tiam
Thro

humilitateque profundissima illorum Spirituum; Deus ipse cum quadam securitate conquiescit, magnifice in eis adimplens, quod super humiles atque tremantes ad suos sermones descendat, atque in eis requiescat. Christus Dominus noster abq; omni dubitatione, & Thronus fuit ipse; & Passio ejus fuit Thronus ejus. Fuit Thronus, quia Divinitas ejus resedit, requievitque in Humanitate ejus. Christo enim omne *judicium dedit Pater, quia Filius Hominis est; & ipse constitutus est à Deo Patre, Iudex vivorum & mortuorum, cui omnes Prophete testimonium perhibent.* In hoc Throno sive folio, vidit Isaïas Dominum nostrum *sedentem super solum excelsum, & elevatum, & maiestate ejus plena erat omnis terra.* At etiam Dei Hominis Christi Thronus fuit Passio tota, & in specie Crux ejus. Tota enim prævia vita Christi cursus fuit, unde ex itinere fatigabatur, unde pertransiit benefaciendo, & sanando omnes oppressos à diabolo. Neque conquievit nisi in Passione sua actuali, affirmante ipsemet ac dicente: *Baptismo habeo baptisari, & quomodo coarctor usque dum perficiatur?* Perfectus est Baptismus in Passione & Cruce: ibi ergo resedit, ibi conquievit Dominus; ad quod etiam ipse respexit cum diceret. *Ecce ejicio demonia, & sanitates perficio, hodie, & cras, & tertiâ die consummor, atque perficior, & conquiesco.* Maxime verò hanc suam, in Passione & Cruce, veluti in Throno sessionem, quietem, Iudiciariâque Potestatis exercitationem exprelsit Dominus, quando affirmatè dixit, præsertim per Prophetam. *Tu cognovisti sessionem & resurrectionem meam:* sessionis nomine Passionem & mortem Crucis, sepulturamque suam significans; partim per semetipsum. *Nunc judicium est mundi, nunc Princeps hujus mundi, ejicietur foras. Et. Ego si exaltatus fuero à terra, omnia traham ad me ipsum, hoc autem dicebat significans quâ morte esset moriturus.* Iudicavit ergo Christus in sua Passione atque Cruce diabolus, judicavit mundum, judicavit peccatum, judicavit mortem, tam temporalem, quam æternam. Hoc judicio periit Iudas traditor, conversus est Petrus abjurator: hoc judicio damnatus est latro impœnitens, salvatus latro confitens; hoc judicio damnata sunt peccata, salvati autem peccatores; hoc judicio excusati sunt apud Patrem crucifixores, quia ignorabant quid facerent; & concussione totius universi, rescissione veli, à sancta sanctorum, damnati & deserti sunt impii & incorrecti cæti. Sacerdotum, & Phariseorum. Quod si ad humilitatem Christi reverentiamque, quâ se Christus submisit Patri, respexerimus; & hæc utique Thronus Christi consummatissimus fuit. In hoc ille humiliatus, re-

Ioan. 5.

22. 27.

Act. 10.

42.

Isaie 6.

1.

Luce 13.

32.

Ps. 138.

2.

Ioan. 12.

31.

verentia, mansuetudinis, exinanitionisque throno residens clamabat omnibus; *Discite à me, quia mitis sum et humilis corde.* In hoc throno tam per omnes gradus mensuralque excessit; ut omnibus simul collectis creaturis, etiamsi omnes essent Divinæ Parenti dignitate pates, omnibusque earum humilitatibus, ac reverentis sub Deo congregatis, non tantum non sint adæquaturæ, sed neque satis imitaturæ Humilitatem Christi. Alia enim est, alia per omnem modum, alia infinites infinitè humilitas, quæ se vilificat creatura, quæ est absolutè nihil, & nihil; & alia Humilitas, quæ se exinanivit Deus-Homo, & exinanivit factus obediens usque ad mortem, mortem autem Crucis. Humilitate suâ quantacunque nunquam excedit creatura vilitatem nihili sui; at Deus-Homo, si se vel ad latum ungvem humiliet, limites immensæ Dignitatis suæ transir. Quam enim vilitati creaturæ debita est omnis vilificatio: tam Dignitati Increate nulla omnino competit humiliatio, multoque etiam minùs exinanitio. Quare nemini magis Thronus fuit Humilitas, & erga Deum Reverentia, quam Christo sua Exinanitio, & descensio.

Cherubini, suo nomine sonant scientiæ atque sapientiæ plenitudinem; quia nimirum repræsentant hi spiritus semetipsos Divinam omniscientiam, omniumque veritatum consummatam, comprehensivam, intimam intelligentiam, in quacunque conditione, & suppositione. Non quòd Cherubini ipsi Deum comprehendant, ejusque scientiam & sapientiam cognitionibus suis adæquent, sed quòd naturis suis ostendant Deum talè esse, qui omnia nòrit, intueatur, comprehendat. Dominum nostrum Iesum Christum, omnes Cherubinos sapientiâ excessisse facillè confitebitur, qui nòverit de eo dictum ab Apostolo; *quia in eo habitat omnis plenitudo Divinitatis corporaliter.* Item. *quia in eo sunt omnes thesauri sapientiæ & scientiæ Dei absconditi.* Nunquam autè magis fuere isti thesauri absconditi & latentes, (quantum ad hominum, seu hostium oculos) quàm in Patiente & Moriente Christo: quamvis alioqui reverà tunc maximè elucescebant iis, qui oculos ad dispiciendum idoneos habebant. Vnde Apostolus idem affirmat: *quia nos predicamus Christum Crucifixum, Iudæis quidem scandalum, gentibus autem stultitiâ, ipsis autem vocatis, Christum Dei virtutem, & Dei sapientiâ:* de quæ eadem re alibi idem dicit: *quia quod stultum est Dei, sapientius est hominibus.* Quid enim stultius cogiteretur quàm Deum pati, crucifigi, mori, voluntate, atque spontaneo consilio, propter nulli usui sibi futuras causas, & quas potuerit longè faciliori, honestio-

rique

Colof. 2.

Colof. 2.

3.

1. Cor. 1.

34.

1. Cor. 1.

25.

tique cor
bus homi
una Dei
pter quo
vel opta
Neque i
Sic enim
IESV C
dei vobi
ejus in i
stru, in
bus San
sive eti
omnem
ad loc
Cherub
supere
omnem
David,
seu etia
cui ven
gentib
profici
illi, &
in salu
quàm
Ser
sentar
omni
stum
& in
enim
sua P
ut fili
chari
latio
non p
item

rique consilio expedire? sed quod stultum est Dei, sapientius est omnibus hominibus, omnibusque hominum sapientiis: quæ omnes in hac una Dei stultitia devoratae, everse, confusae, & exinanitæ sunt. Propter quod Apostolus nullam aliam sapientiam, atque scientiam, sibi vel optavit, vel gratulatus est, *quàm scire IESVM, & hunc Crucifixum.* 1. Cor. 2. Neque id soli sibi, verum & omnibus aliis exoptavit, & precatus est. Sic enim ait. *Hujus rei gratiâ flecto genua mea ad Patrem Domini nostri IESV Christi, ex quo omnis paternitas, in cælis & in terra nominatur, ut det vobis secundum divitias gloriae suae, virtute corroborari, per Spiritum ejus in interiorem hominem, Christum habitare, per fidem in cordibus vestris, in charitate radicati, & fundati; ut possitis comprehendere cum omnibus Sanctis, quæ sit latitudo, & longitudo, & sublimitas, & profundum, scire etiam supereminentem scientiæ charitatem Christi, ut impleamini in omnem plenitudinem Dei.* Hæc est Apostolica pro omnibus fidelibus ad Deum postulatio, quæ postulat omnibus, Passionis atque Crucis Christi, plenam perfectamque scientiam, & in eâ, absconditam licet, supereminentem tamen charitatem, quæ consequatur impletio in omnem plenitudinem Dei. Et profectò Passio Christi est, illa *Clavis David*, quæ cui aperit mysteria seu Fidei, seu Scripturarum sacramenta, seu etiam aliarum veritatum atque scientiarum, hæc enim claudit; cui verò illa claudit (sicut claudit omnibus non credentibus, & negligentibus, & contempnentibus) huic nemo aperit, ad nihil inquam ei proficit omnis humana sapientia, sed & ipsa fidei lux, tenebræ sunt illi, & scripturarum lumine excecatur potius, atque induratur, quàm in salutem proficit. Christus ergo noster verus Cherubin: & plus quàm Cherubin est.

Seraphinorum munus est, ardere Charitate, & hoc ardore representare Charitatem, quæ Deus est, quæ diligit ille semetipsum, & omnia in se, propter se, ac semetipso. Dominum nostrum IESVM Christum si dixerò non arsisse amore Seraphico, in Patrem suum Aeternum, & in nos, injurium me Charitati ipsius divinæ profiteri cogar: de quo enim aliquando Seraphinorum dictum est, quod Dominus noster de sua Patrique in mundum charitate dixit: *Sic DEVS dilexit mundum, ut filium suum unigenitum daret, ut mundus salvetur per ipsum.* De cujus charitate dictum est. *Fortis est ut mors dilectio, dura sicut infernus emulatio.* lampades ejus, lampades ignis atque flammarum. *Aqua multa non poterunt extinguere charitatem, nec flumina obruent illam.* De cujus item Charitate scriptum est. *Si dederis homo omnem substantiam domus*

1. Cor. 2.

Ephes. 3.

4.

Isaia 22.

22.

apoc. 3.

7.

Ioan. 3.

16.

Cant. 8.

6.

Ioan. 1.

14.

Isaia 58.

12.

Ioan. 15.

13.

Rom. 5.

10.

Eph. 2.

4.

Luca 9.

31.

Ioan. 14.

31.

mius sua pro dilectione, quasi nihilum despiciet illum? Hoc utique Christus Dominus re ipsa fecit, in omni quidem vita sua, incipiendo ab inde, quando *VERBUM* caro factum est, & habere in nobis, usque quando in Cruce pendens tradidit in mortem Animam suam. de qua charitate ipsemet iudicium tulit, quando dixit, *quia maiorem hac dilectionem habet nemo, quam ut animam suam ponat quis pro amicis suis.* Exaggerat verò hoc amplius Paulus, qui dicit nos non amicos, sed cum adhuc inimici essemus, dilectos esse, atque reconciliatos Patri per Christum: Quam etiam Charitatem idem Paulus nimiam vocare non veretur, sicuti & Lucas excessivam aut potius excessum ipsum. Porro totam hanc suam erga nos charitatem ipsemet Christus suam erga Patrem dilectioni attribuit, tanquam ei, cuius solius gratia nos ille dilexit. Nos enim cur amaret omnino nullam aliam causam habuit, ideo se se Passioni accingens dixit discipulis. *Uc cognoscat mundus, quia diligo Patrem, & sicut mandatum dedit mihi Pater, sic facio.*

Plus quam ergo seraphicam exercuit charitatem Dominus Iesus Christus Salvator noster, in omni quidem vita, at potissimum in Passione, & morte sua. Neque potest cogitari actus ullus magis Seraphicus, ipsa Christi Passione: cuius comparatione omnes Seraphinorum actus, omnesque ardores, merum gelu, merumque frigus sunt.

M O D V S LXXXV.

Octogimus quintus meditandi Passionem Domini, Modus esse potest. Considerando quomodo Passione sua Dominus noster nos homines aptaverit, ad restaurandas implendasque Angelicorum Ordinum ruinas. Constat enim cum Lucifero, seu Dracone rebellis magnam quoque multitudinem Angelorum apostatasse à Deo, neque servasse suum principatum, sed rudentibus inferni in tartara detractam. *Iuda 6.* Hanc etiam Apostasiam constat non ex uno tantum aliquo ordine choroque Angelorum contigisse, sed ex diversis, atque probabile esse, quod ex omnibus. Constat denique ad Dominum nostram Iesum Christum pertinuisse, atque adeo etiam re ipsa peractam esse hanc reparationem ruinarum Angelicarum: ratione cuius reparationis, Christus, Caput & Dominus est etiam Angelorum, ut sit totius Civitatis Coelestis Hierusalem Princeps, & Caput, & Rex. Cuius rei plures videntur esse assertiones. in divinis literis. Talis est, cum David loquitur de Christo: *Iudicabit in nationibus, implebit ruinas; Angelicas haud dubie, supplemento ex hominibus à se redemptis accepto.* Qui etiam

Pro-

Propheta Deum precatur pro eadem instauratione Angelica, eum ait: *Benignè fac Domine in bona voluntate tua Sion, ut adificentur muri Ierusalem*, celestis utique non terrena: neque per alios, quàm per homines illuc aptatos, inibi que dispositos. De qua eadem Civitatis Cælestis per homines à Christo redemptos completionem Apostolus Paulus sæpius loquitur; ut eum ait: *Accessistis ad Sion montem, & Civitatem Dei viventis, Ierusalem cælestem, & multorum millium Angelorum frequentiam, & Ecclesiam primitivorum*. Et alio loco ait. *Deus proposuit in dispensatione plenitudinis temporum, instaurare omnia in Christo; quæ in cælis, & quæ in terra sânt, in ipso*. Plura adducere testimonia Sacra, supervacuû ducō, unum tamen afferre libet, de Christi Domini Principatu etiam super Angelos, de quo graphice videtur loqui Apostolus quando commemorat Dei Patris operationem potentie virtutis, quam operatus est in Christo, suscitans illum à mortuis, & constituens ad dexteram suam in cælestibus, supra omnem principatum, & potestatem, & virtutem, & dominationem; & omne nomen quod nominatur, non solum in hoc sæculo, sed etiam in futuro. *Et omnia subiecit sub pedibus ejus: & ipsum dedit caput super omnem Ecclesiam, quæ est Corpus ipsius & plenitudo ejus*. Clara sunt Apostoli verba, sicut tamen luce videntur egere, interpretes adeat. Nunc ego quomodo per Dominicam Passionem homines disponuntur præparanturque ad reparationem Angelicarum ruinarum, paucis attingo.

Inexhausta siquidem Pietas & Mansuetudo Christi, præcipuâ quâdam ratione in Passione ipsius elucens, quâ etiam inter alia pietatis opera, & operam dare se protestatus est. Eterno Patri non se perdere quenquam ex his quos ille sibi dedit, præter filium perditionis, & in ipso ætatu furentium in se hostium Malcho auriculam restituit, Petrum verò nimio terrore, à suæ confessionis promissâ constantiâ dejectum, benignissimo oculorum suorum conjectu, ad poenitentiam sauciavit, & lamentatrices suas piissimè affatus, consolatusque est, & in Societate cruenti crudelisque supplicii consortem Regni Eterni Latronem invenit, an potius fecit, & denique pro Crucifixoribus suis transgressoribusque Patrem rogavit, hac pietate plûs quàm Angelicâ. Angelicam nos pietatem, erga nostros proximos docuit, reparandæque Angelorum ruinæ idoneos fecit. Pietas enim in fovendis proximorum præsertim animabus Angelica virtus est; sicut odium proximorum, proprium est dæmonum.

Iam verò Prædicatio veritatis, & testificatio atque enarratio myste-

Pf. 50. 20.

Hebr. 12.

22.

Eph. 1. 9.

Eph. 1.

19.

Matth.
10.22.

riorum fidei, pro cuius doctrina & assertione Dominus Iesus animam suam posuit, nosque ad eius testificationem coram principibus, & populo terræ, tam verbo, quam magis exemplo animavit, dicens; *qui me confessus fuerit coram hominibus, confitebor & ego eum coram Patre meo, & coram Angelis.* Hac ratione ordinavit instruxitque nos, ut ad Archangelos pertingere possimus, quibus in eo similes reddimur, quia ad iustitiam Dei alios erudimus, & viam Dei, eiusque tam præcepta, tum consilia, in veritate docemus, atque prædicamus.

Porro dum in Passione Dominica virtutum heroicæ operationes, generosamque Christi Crucifixi imitationem, atque Crucis ejus post ipsum bajulationem, opprobriique ejus portationem addiscimus, & eam quâ verbis, quâ operibus, quâ mentis affectibus adimplemus, virtutum Angelicarum ruinis instaurandis idonei reddimur. Vbi enim dilucidius virtutes Christi Domini heroicæ, atque etiam exemplares, vel elucescunt, vel ad suam emulationem provocant credentium animos, quàm in ejus vita, ac potissimum Passione? Quare ab ea specialissimè parte tum in animo virtutibus ornatur, tum etiam in cœlis virtutum choro inserimur.

1. Pet. 4.

1.

2. Cor. 4.

10.

Ad Principatus autem conscendimus, quando ex Christo Passio in Carne, & nos eadem cogitatione armamur mortificationemque Christi in Corpore nostro jugiter circumferimus, atque juxta Apostoli monitum, *in carne passi, & in sensibus nostris edomiti desinimus à peccatis, ut jam non desideris carnis, neque desideris sensuum, neque etiam desideris hominum, sed voluntati Dei, quod reliquum est, in carne vivamus temporis, tenente principatum ratione ac fide, & regente vitam conversationemque nostram divinâ lege, & exemplorum Christi imitatione.*

Ad Potestatum Chorum explendum, disponit nos Passio Domini nostri, quando fide, virtute, exemplo, meritisque illius roborati, atque in potentia virtutis Domini confirmati, nec non armaturâ Dei nostri superinduti, stamus adversus insidias diaboli: quoniam non est nobis cellusatio tantum adversus carnem & sanguinem, sed etiam adversus principes & potestates, adversus mundi rectores tenebrarum harum, contra spiritualia nequitia in cœlestibus. Quemadmodum enim nunquam, & nullibi magis potestas tenebrarum, atque universa diaboli fortitudo contrita & confracta est, quàm in Passione, & à Cruce Domini nostri Iesu Christi: ita quoque & nos, quicumque in Christo baptisati, & cum eodem consepulti sumus, nullo ex armamentario arma potentia Deo, ad resistendum nequissimis potestatibus uberius atque certius deprimimus, quàm ex Christo, & eo quidem Crucifixo. Domi-

Dominationum ruinis explendis à Passione & Cruce Domini nostri idonei reddimur. Crux enim Domini atque Passio, est *virga illa virtutis ejus, emissæ ab ipso ex Sion ad dominandum in medio inimicorum suorum*, atque etiam nostrorum. Cum verò inimici nostri, sint domestici nostri, ac vel maximè nosmetipsi; ideo istud est præcipuum dominium nostrum per Christum, ut sciat unusquisque nostrum possidere vas suum in sanctificationem, non in passionibus desideriorum infractorum, nec in animo irreverenti, sed in disciplina & correptione Domini, quam ille nobis in semetipso, ad imitandum sustinenturque proposuit; quando attritus est propter scelera nostra, & disciplina pacis nostræ facta est super eum. Et quidem ille peccatum non fecit, neque dolus inventus est in ore ejus, neq; inventus est quisquam, qui argueret eum de peccato, ut testati sunt de eo, vel ipsi inimici ejus, ludas, & Pilatus & Herodes; at verò nos in peccatis concepti atque nati, regnans habuimus peccatum in nobis, & dominata est nobis injustitia, & obedivimus concupiscentiis nostris, servientes eis ad voluntatem earum, & exhibentes tam membra nostri corporis, quàm potentias animæ, arma injustitiæ ad iniquitatem: propter quod Passio Domini hoc in nobis efficere, & nos in hoc instruere maximè debet, quia & sola potestas; ut dominemur ipsis nobis, omnibusque tam potentiis, quàm membris; omnibus tam vitiis, quàm concupiscentiis, ita ut mens nostra nihil sinat, quin & (quoad fieri potest) neque sentiat in se inordinatum, nihil superfluum, nihil non ad suam, divinæque legis regulam. Deus autem plenè dominetur nostris, juxta voluntatem suam sanctam, beneplacentem, & perfectam, ut in omnibus, tam prosperis, quàm adversis, fiat voluntas ejus, & nos exemplo Domini nostri, quæ placita sunt ei faciamus semper. Sic enim verè & nos domini erimus, & Dominus dominabitur nostris: & inter Dominationes Angelicas erit habitatio, atque gloria nostra.

Ad Thronos Angelicos sublevar nos etiam Domini nostri Passio & Crux. Quemadmodum enim Christus per Crucem & Passionem suam planè in novissimo loco confedit, tribuens id humilitati, atque erga Patrem observantiæ, & reverentiæ prorsus abyssali, ut esset novissimus virorum, adeoque non homo, sed opprobrium hominum, & abjectio plebis, neque nidum, neque foveam, neque ullum omnino in mundo terræ palmum, vel cespitem, in quo suum caput reclinaret, vel pedem poneret, habens, sed inclinato, atque demisso, & pendulo capite mori debuerit: propter quod exaltatus est à Deo Patre, & ad de-

Ps. 109.

2.

- xteram ejus confedit, habens omnia sibi ab eo subiecta, tam quæ in
coelis, quàm & quæ in terris, quàm quæ & infra sunt. Ita & nos fac-
re oportet, humiliari per omnia, & propter reverentiam honoremque
Ephes. 4. Majestatis, subiecti omni creaturæ, *cum omni humilitate, & mansuetu-*
2. *dine, cum patientia suppartantes invicem.* Exemplum enim dedit no-
bis Dominus, ut quemadmodum ille fecit, & nos similiter faciamus,
Isaia 66. accenseamurque illis, de quibus profitetur, quia non respiciet *nisi ad*
2. *pauperculum & contritum corde, & tremorem sermones ejus.* Denique
Apoc. 3. ait. *Qui vicerit, dabo ei sedere mecum in throno meo, sicut & ego vici, &*
21. *sed cum Patre meo in throno ejus.*

Cherubicis spiritibus associamur, adæquamurque etiam per Pas-
sionem Domini. Hæc est enim vera & sola sapientia scire IESVM, &
hunc Crucifixum. In Christo enim Crucifixo omnium est sicut con-
gregatio, ita & elucidatio, atque etiam completio veritatum. Propte-
rea Dominus IESVS ut plurimum impletionem scripturæ Dei, per Pas-
sionem suam urgebat: & quando post resurrectionem aperiebat sen-
sum Apostolis, ut scripturas intelligerent, dedit eis veluti clavem ad
Lucæ 24. hunc intellectum Passionem suam, *dicens eis: quoniam sic scriptum est,*
46. *& sic oportebat Christum pati & resurgere à mortuis.* Atque id ipsum
fecit cum duobus illis Emmaunta proficiscentibus: quibus ut ostende-
Lucæ 24. ret *quia hæc oportuit pati Christum, & ita intrare in gloriam suam.* In-
26. *cipiens à Moyse, & omnibus Prophetis, interpretabatur illis in omnibus*
scripturis, quæ de ipso erant. Nimirum Passio & Crux & Mors Christi,
totius est Divinæ sapientiæ thesaurus, omnium veritatum gazophyla-
cium, omnis scientiæ atque disciplinæ magisterium, in quo quanto quis
amplius proficit; tanto amplius sapientiæ Cherubicorum spirituum
appropinquat; quorum Sapientia universa, Christus est.

Seraphicis denique mentibus æquiparamur, & adaptamur à Passio-
ne & Cruce & Morte Christi. Etenim ubi majora; ubi (inquam)
omnibus Seraphicis flammis atque ardoribus majora, vel reperire, vel
concipere est incendia, quàm in Dominica Passione. Quid est Passio
Christi, nisi excessus Amoris Divini? quid est Crux Christi, nisi scho-
la dilectionis divinæ? quâ ita Deus dilexit mundum, ut non pepercerit
filio suo propter ipsum. Quid denique est mors Christi, nisi nimia
Dei charitas, quâ cum exastuasset immensitas illa, omnes transgressa
est limites, & usque ad nimietatem accessit? Quis quæso Seraphinus,
quis ordo Seraphinorum etiam totus, me ita Charitatem ac dilectio-
nem docebit, saltem verbis: quomodo in illa erudior, à Christi Passio-
ne, in

ne, in immentum exaggeratis exemplis, exemplorumque divinae charitatis potentis? Omnes Seraphinorum, atque etiam omnes omnium creaturarum conversi in Deum amores, amorumque ardores, Divinae Majestati, Dignitati, Amplitudini collati, vix sunt, ac ne quidem sunt, unius instar scintillae oculo conspiciendae; at verò una Passio Domini nostri Iesu Christi, tantum ebullit & eructat dilectionis Dei, atque proximi, quantum Divino per omnia licet immenso cordi exsatiando sit satis. Nisi enim satis esset, nunquam Passio Domini Iesu, nos inimicos, nos naturae irae filios, nos in servitute peccati, & diaboli sepultos, Deo reconciliasset, nunquam filios Dei fecisset, nunquam Divinae confortes naturae reddidisset, nunquam haeredes Dei, cohaeredes autem Christi constituisset. Nunc autem omnia haec sumus, & quidem per charitatem Christi Crucifixi sumus.

Et quamvis hoc ita se habeat tamen (ah probrum vel dicere, sed plus quam probrosissimum ita esse) tamen (inquam) nos inter tanta charitatis Christi erga Deum, & erga nos propter Deum, incendia, torpescimus, gelaescimus, rigescimus, & tales quidem infiniti sumus? vix aliqui, & admodum sane pauci, qui vel modicum quiddam, de istis sempiternae charitatis flammis concipimus atque fovemus. Ita nobis ex Redemptore nostro, pro nobis in Cruce mortuo, patet ad omnem non tantum salutem, sed etiam celsitudinem beatitudinis aditus, & via, nisi eam nostra nobis incogitantia, ingratitude, & peccatorum amor insatiabilis obstrueret.

M O D V S LXXXVI.

Octogesimus sextus Passionem Dominicam meditandi Modus esse potest. Considerare quomodo Passioni Domini nostri respondet gloria Beatorum in caelo. Dupliciter autem respondere potest. Primo meritorie, ita ut expendamus, quam partem beatitudinis, quam partem Passionis suae Dominus noster promeruerit. Et si enim tota Passione, & quolibet ejus parte totam promeruit gloriam coelestem Beatis suis Dominus, assignari tamen possunt per piam considerationem, certae partes Passionis, habentes quandam proportionem, ad certas partes gloriae, quae per illas promeritae videri possint. Altero modo respondere potest Passio Gloriae Beatorum nempe exemplariter, de quo modo, in sequenti proximè agemus. Nunc autem priorem proponemus.

Beatitudo Caelestis hominum beatorum (de horum enim agimus)

complectitur hæc. I. Beatitudinem Animæ, quæ consistit in visione Dei intuitiva, Amore beatifico, & gaudio, fruitione, possessioneque, seu Tentione Dei æternâ. Estque hæc beatitudo Essentialis atque substantialis. II. Complectitur beatitudinem corporis, quæ consistit in quatuor ejus dotibus, nempe 1. Immortalitate seu impatibilitate. 2. Claritate. 3. Agilitate. 4. Subtilitate. III. Complectitur Laureolas, quæ sunt triplices. 1. Virginum. 2. Martyrum. & 3. Doctorum. 4. Complectitur glorias accidentales, quæ beatis adveniunt frequentissimè ex variis occasionibus & causis, connexionibusque ipsorum Beatorum cum ipsis. ut v.g. quoties alicujus Beati exemplo, seu doctrinâ, proficiunt viatores in Dei & proximi amore, & obsequio, in studio virtutum, in exercitio poenitentiae &c. toties illi Beato obvenit accidentalis gloria, juxta illud Domini nostri verbum.

Luca 15.

7.

2. Esdræ.

8. 10.

Gaudium est Angelis DEI in cælo, super uno peccatore poenitentiam agente: de hac etiam accidentali gloria intelligendum illud. Gaudium Domini, fortitudo nostra. Istæ omnes Beatitudinis portiones, habere possunt partes suas, in Passione Domini, quibus emeritæ, & acquisite sunt Beatis, Has partes assignare quisque pro suo ingenio arbitrio potest, ego partim minuendi laboris, partim paradigmati causâ, sic designo.

Primum ergo, Possessionem Dei beatificam, emit nobis Dominus noster venditione atque traditione suâ, quam à Iudâ discipulo in manus inimicorum subit. Emit etiam traditione illâ, quâ domum à Pilato traditus est voluntati Iudeorum, & denique illâ à suo populo sui sanguinis super se, & super filios eorum acceptione.

Deinde visionem beatificam & intuitivam Dei sicuti est, emit nobis Dominus Comprehensione & Captivitate sui ab inimicis, circumductioneque illâ ad subselia Iudicum, tam Iudeorum, quam Gentilium.

Tertiò. Gaudium & Fruitionem Tentionemque Dei beatificam promeruit nobis Dominus, desiderio suo, quo flagravit, patiendi pro nobis, item affixione ad Crucem per manus, atque pedes. Siti quoque & fellis ac aceti gustatione. Oratione quoque ad Patrem pro transgressoribus, ac demum derelictione suâ à Patre, quam testatus est ipse.

Quartò. Corporis gloriam in universum promeruit nobis partim sudore sanguineo in horto, partim verecundiâ in tot repetitis nudationibus, partim cruentissimâ, crudelissimâque flagellatione, atque laceratione corporis sui.

Quintò

Quintò. Immortalitatis seu Impatibilitatis dotem meruit nobis Cruciatibus suis in Cruce, Agoniâ trium horarum, & denique morte in eadem funesta trade.

Sextò. Agilitatis Dotem meruit nobis ultroneo occurſu hostibus ſuis, ad ſe capiendum venientibus. Item vinculis toties ſibi injectis auxiliisque, uſque dum crucifigeretur.

Septimò. Claritatis Dotem obtinuit nobis, nocturnis pœnis in domo Caiphæ, ubi velaverunt faciem ejus, & dabant ei alapas, & colaphis eum ceciderunt, & prophetifare juſſerunt, & alia multa blaſphemantes in eum dixerunt, demumque totâ illâ nocte, indigniſſimis crudeliſſimiſque modis habuerunt.

Octavò. Subtilitatis Dotem acquiſivit nobis Dominus, Oratione & agoniâ in horto : pavore & triſtitia, & tœdio cordis, vulnere lateris, & ſepulturâ.

Nonò. Laureolas promeruit nobis Dominus illuſione tum per veſtem albam Herodianam, tam chlamide coccineâ, tum ſpineâ coronâ, & arundineo ſceptro, totâque illâ conſputatione, alapis, illuſoriis ſalutationibus, & in ſpecie dum in Cruce conſummavit martyrium, caputque exſtitit martyr; dum ex Cathedra Crucis docuit, per eandem potius vitam, quàm obedientiam, dum inter Matrem Virginem, & diſcipulum, ipſe quoque Virgo mortuus eſt, tres omnes in ſe laureolas dedicavit.

Decimò. Accidentales glorias promeruit Dominus noſter omnibus Paſſionis ſuæ accèſſoriis conditionibus, atque circumſtantiis, tum exterioribus, tum maxime interioribus, Chriſto ſoli notis. ac petiſſimum inexplibili amore Dei Patris, & propter illum etiam amore ſalutis noſtræ; accèſſit dolor compaſſivus ſuper ruina populi ſui, tam Spirituali & æterna, quàm etiam corporali, ſimilis dolor ſuper lapſu Petri, ſuper maternis doloribus, ſuper aliorum amicorû ſuorum luſtu.

Undecimò. Gloriam quinque ſenſuum corporis meruit Dominus noſter afflictionibus ſuorum quoque ſenſuum externorum : quâ de re plenius dicitur in fine modi ſequentis.

Ex his pii Meditatoris Animus cognoscat fructus Paſſionis Domini, qui ſe etiam in Beatos, beatitudinemque eorum effundunt: cognoscat ſuam & omnium hominum, & inprimis beatorum obligationem, tum ad agendas gratias ad eò profuſæ Domini noſtri in nos charitati; tum ad faciendas quoque de ſuo aliquas impenſas, Chriſti hiſce impenſis unitas, ad propriæ beatitudinis acquisitionem. Agnoſcat

scat quoque & accuset, & defleat & emendet, emundetque suam, & aliorum infinitorum ingratitude, negligentiam, molliem, in respondendo tantis Christi, nostræ causæ susceptis laboribus, exhaustis doloribus, profusis sumptibus, quæsitis & acquisitis beatitudinibus. &c. Agnoscat denique & accendatur, ad quærendos Christo eos, qui beatitudinis ab illo ipsis promerita participes sint, disponendoq; eisdem quàm maximè, ad summam capacitatem participationemque Beatitudinis, ita sibi à Christo quæsitæ. In hoc namque studio consistit & excellit zelus, non tantum erga proximos Christi sanguine redemptos, verum etiam erga ipsiusmet Christi gloriam, quam ille pro suis omnibus passionibus potissimum ex nostra ultimata beatitudine percepit, tanquam præmium & mercedem. Neque possumus excellentius nostram in Christum vicissim protestari de promereque charitatem, quàm si plurimos, & quantum ex nobis, omnes adnitamur exhibere Christo plenissimè glorificandos. Hoc enim est maximam, quæ fieri possit, procurare Christo mercedem laborum, & Passionum, & meritorum suorum.

M O D V S LXXXVII.

Octogesimus septimus Modus Passionem Domini meditandi esse potest, Considerare qualiter Passio Christi respondet exemplariter Beatorum præmio, atque gloriæ in cælo, & hæc vicissim illi. Cum autem dico exemplariter respondere, in eo sensu dico, quia quædam partes Passionis Dominicæ correspondent partibus Beatæ gloriæ proportionè quâdam, non tantum propter similitudinem, aut identitatem, verum etiam propter efficientiam, atque adeo & propter contrarietatem.

Primò. Abscondita sapientia, veritasque contempta, & partim falsitatis, partim stultitiæ velamine obscurata, respondet visioni Dei intuitivæ, quâ jam Beati non per speculum, & in ænigmate, sed revelatâ facie ad faciem, sicuti est, Dei essentiam per ipsam essentiam inveniuntur.

Secundo. Charitas Christi Domini erga Deum Patrem, nec non erga nos homines propter eundem, quâ dilexit nos, & tradidit se ipsum propter nos, excessivè (ut loquitur Evangelista) itemque nimie (ut loquitur Apostolus) respondet Amatori beatifico, eidemque fructivo, incessabili, & necessario, quo beati diligunt Deum, eoque fruuntur, absorpti & transformati totâ voluntate in Amorem Dei, ita ut nihil

hil diligant, nihil diligere velint, nihilque diligere possint, nisi unum & solum Deum; semetipsos autem ac omnia alia, nonnisi in Deo, & propter Deum, & quatenus in eis relucentem vident Deum.

Tertio. Subjectio Domini nostri, quâ se & Patri, & creaturis usque ad traditorem, ad hostes, ad crucifixores, propter excellentiam, propter reverentiam, propter obedientiam, propter dilectionem ejus, submitit, humiliavit, à forma consubstantialitatis Dei, ad formam & habitum servi, & peccatoris, & maledicti, usque ad exinanitionem, prout loquitur Apostolus. responder, vel respondentem sibi habet possessionem atque tentionem beatificam Dei. Nulla etenim virtus, sive affectio nostra accessum facit vel nobis ad Deum, vel Deo ad nos, etiâ in illa beatitudine, nulloque modo immobilius Deus in nobis, & nos in Deo habitamus, nullo etiam jure, intimius, atque naturalius, securiusque Deum tenemus, possidemusque, ab eodemque vicissim tenemur, ac possidemur, quàm exinanitione nostri, & perditione, quæ possit esse annihilativa nostri, exaltativa autem & æstiativa Dei. Quocirca, recte in Christi propter nos, coram Deo Patre humiliatione, statuitur proportionatissimus quidam locus, æquissimumque jus possidendi Deum beatificè.

Quarto. Desiderium & sitis famelique Christi ad patiendum pro gloria Patris, & pro salute nostra, quâ, totâ vitâ se arsisse testatus est ipsemet Dominus, & maximè in ipso Passionis tempore, atque fervore eâdem arsit, ac planè æstuavit; totumque ideo passionum suarum mares, instar unius calicis atque haustus reputavit, & nequaquam per eum ardori suo æstuique satisfactum, voce illâ in Cruce emissâ Sitis demonstravit. Hoc inquam desiderium, adeò sitibundum & famelicum, respondentem habet in Gloria beatorum, fruitionem atque delectationem & gaudium, atque exsationem, quam Beati habent de Deo, & in Deo, & propter Deum.

Quinto. Saturatio (ut eam scriptura vocat) opprobriorum, irrisionum, contemptionum, blasphemiarum, nec non odiorum, & execrationum, detestationumque; Insuper exprobrationum, insultationum, mordacitatum, & subsannationum, quibus hostes Christi furores, odia, invidentias, omniaque in Christum virulentissima studia sua expleverunt, & simul ipsum Christum exsaturaverunt, dicente Prophetâ: *Saturabitur opprobriis.* Et iterum ex persona ipsiusmet Domini, *Satiati sunt penis meis.* Habet respondentem sibi in Beatitudine coelesti, Laudationem & Exaltationem Dei, quâ Beati in secula seculorum

Thy. 3. 30.
Job. 16. 12

Psalm. 68.
31.

lorum laudant Deum, & nunquam fatigantur, satianturve laudando; sed perpetuò videntes Deum omnibus suis laudibus supervalere, easq; infinities magis ac magis superexcedere, accenduntur & aestuant, in glorificationem & superexaltationem Dei, *quem magnificari in sua laude*, amplius ampliusque majorem reperiri, post omnem, & super omnem laudem suam experiuntur laudantes, & laudant experientes.

Sextò. Enormissima Immanitas & simul perpetim exaggerata multitudo, atque longitudo poenarum cruciatuumque Domini nostri usq; ad mortem, periade truculentam, ac infamiae plenissimam, à Domino nostro voluntariè, omnique cum promptitudine animi tolerata, habet respondentem sibi in Gloria Beatorum Impatibilitatem & Immortalitatem, quâ Beati æternum perfruuntur, securi de vita æterna. Morte siquidem Christi spontaneâ, debellata est mortis necessitas omnis, absorptaque est mors in victoria sua propria; nam dum Christum subegit, subacta est; dum vicit, victa est; dum triumphavit, suo triumpho triumphata est, & aditum immortalitati resecavit, omniq; jure in homines cecidit, aut potius excidit.

Septimò. Relinatio, non minùs plena, quàm prompta, atque devota Domini nostri, quâ non suam voluntatem, sed Æterni Patris inbibendo Passionis calice perfici, ultro consensit, imò petiit. quâ etiâ hostium invadentium furori sponte obviam iit, quâ in manus Patris commendatum spiritum moriens emisit, atque tradidit, quâ denique nullum non tantum impedimentum, sed neque lenimentum, ac solatium, ac demum neque moram admisit in Passione atque morte sua, sed oblatus est quia ipse voluit; respondentem sibi habet in felicitate beatorum Agilitatem, pernicitatemque, propter quam nulla eis creata opponi possunt impedimenta, quominus sistere sese possint quacunque demum suus eos impetus voluntatis, atque placiti ferat.

Octavò. Indignitati injuriarum, omnisque generis injustitiarum, nec non contumeliarum, per virulentissimas, simulque mendacissimas, & aculentissimas linguas & mentes hostium, Christo in Passione illatas, quibus tota Anima Christi penitissimè penetrata, atque sauciata fuit, cujusque talis dolor exstitit in Christi Divino corde, ut omnes alios dolores Corporis & Animæ illius excesserit, in ipsasque creaturas insensibiles sensum suum immiserit, plandumque cœlo, terræ, mari, saxi, & rupibus, ipsis denique mortuis ac sepultis indixerit. Huic inquam indignissimæ indignitati respondet in Beatis subtilitas atque veluti quædam spiritualitas, tam quoad hoc, quia instar spirituum penetra-

netra-

metrâre poterunt omnia corpora, & obstacula: tum quia instar quoque spirituum, nullis actibus vitæ vegetativæ, aut nutrientis egobunt, *sed erunt sicut Angeli Dei* ut Dominus locutus est.

Matth.

22. 30.

Nonô. Abscondito vultui Christi, hoc est, ita Pasionis & ignominia, & acrimonia, & accumulata alterius super alteram multitudine, alterato, atque prorsus immutato, ita ut cognosci reputarique à desiderantibus I prophetis non potuerit, eò quod neque decorem, sed neque speciem retinuerit sibi solitam, atque innatam: respondet Claritas resplendens, tam in ipso Christo, post resurrectionem, quam in Beatis Deo beatificè fruētibus. Et ni fallor, videtur ipse Dominus Iesus, huc respexisse in gloriosa transfiguratione sua facta ante mortem suam in monte Thabor. *Sciens enim omnia, quæ ventura erant super eum*: atque eadem prænuntians, quin etiam (ut Matthæus loquitur) ostendens discipulis suis, *quia oporteret eum ire Ierosolymam, & multa pati à senioribus, & scribis, & Principibus Sacerdotum, & traditus gentibus ad illudendum, & flagellandum, & conspuendum, & denique ad occidendum*: præcludere quodammodo voluit, atque gustum aliquem

Ioan. 18.

4.

Matth.

16. 21.

Lucæ 18.

32.

exhibere passuræ Humanitati suæ, illius gloriæ atque felicitatis, quæ illius passionibus atque afflictionibus successuræ post resurrectionem fuerant. Propterea transfiguratus est in monte supra dicto, & facta est species vultus ejus altera, resplenduit sicut Sol: vestimenta autem ejus splendida & candida nimis sicut nix. Tanquam si ostenderet Dominus, illi absconsioni sui vultus, successuram retribuendamque esse, claritatem ejusdem instar solis, imò & supra claritatem omnis solis.

Lucæ 9.

29.

Matth.

17. 2.

Marcig.

2.

Decimò. Cruci & Morti Christi, quæ consummatus est, tum omnis labor ejus, tum exaltatio Patris, tum redemptio & salus nostra. In qua testimonium perhibuit veritati, & quæ fuit ejus cathedra morientis, & in qua denique virginis natus, virgo ipse, virginum curâ & favore speciali perfunctus, mortuus est: respondent laureolæ tres beatorum, videlicet Laureola Martyrum, Laureola Prædicatorum, Laureola Virginum.

Undecimò. Afflictioni omnium & singulorum sensuum in Christo Domino, quos indubitatisimum est, (& aliàs supra explicatum) in tota Domini Passione afflictissimos fuisse, omnes, & singulos; respondent eorundem sensuum omnium in Beatitudine consolationes atque glorificationes, tam in ipso Christi Domini corpore, quam in Beatorum corporibus, similitudinem gloriæ Corporis Christi, in se deferentibus, imò ex illo derivantibus: sicut enim potissima sensibilibus

vide supra

Mo-

dum 6.

gloria.

*Job. 19.
25.*

*vide su-
pra Mo-
dum 6.
& Mo-
dum 27.*

gloria ac beatitudo in cœlis erit gloria Christi Corporis, & à gloria ejusdem Sacro-Sancti Corporis; sic etiam ex ea, & ad instar ejus, potissimum Beati glorificabuntur in corporibus suis. Attestatus est hoc Sanctus Patriarcha Prophetaque simul Iob, de uno sensuum suorum, scilicet de visu (est autem ratio eadem aliorum quoque sensuum) quando dixit. *Scio quòd Redemptor meus vivit, & in novissimo die, de terra surrecturus sum, & rursus circumdabor pelle mea, & in carne mea videbo DEUM meum, quem visurus sum ego ipse, & oculi mei conspecturi sunt, & non alius, (pro me.) Reposita est hæc spes in sinu meo.*

Duodecimò. Afflictioni omnium & singulorum sensuum Christi Domini in Passione, (omnes siquidem in Christo habuerunt suos, & quidem plures gravesque cruciatus) in gloria beatorum respondent sensuum quoque omnium beatitudines in corporibus beatis.

Visus Christi afflictioni, respondet amplissima delectatio visus & oculorum beatorum; videbunt enim & delectabuntur aspectu Sanctissimæ Iesv Christi Humanitatis, quam intueri in sua gloria atque majestate erit secundaria Sanctorum, substantialis tamen Beatitudo, & ea quidem quantum ad sensualem perceptionem, propria erit hominibus Beatis: in Angelicos enim Spiritus, ut pote sensibus destitutos ea non cadit. Exaggerabit hanc oculorum ex visione Humanitatis Christi delectationem in Beatis, quòd non tantum personam ipsam Christi Domini intuebuntur, sed etiam omnia ejusdem opera in terris per Hominem susceptum gesta quæcunque, & quotiescunque voluerint representata sibi, tanquam præsentia intueri poterunt. Intuebuntur cum libuerit Christum Incarnatum in visceribus purissimæ Matris Virginis, intuebuntur natum in stabulo, involutum fasciis, positum in præsepio, conversantem cum hominibus, sudante in sanguine in orto, subiectum flagellis, coronatum spinis, Cruce onustum, in Cruce pendentem, mortuum, sepultum, redivivum. &c. Eritque exinde eis summa delectatio, gratiarum actio, exaltatio Christi. Acceder huic oculorum Beatorum ex aspectu Christi delectationi, eximia quoque delectatio ex visione Sanctissimæ Dei Matris, nec non Sanctorum innumerabilium, secundum corpora glorificatorum, idque cum admirabili & gratiosissima varietate formarum & figurarum, in omnibus singulisque beatis corporibus existentium plus quam speciosissimè, quæ delectatio exaggerabitur etiam inde, quia Beati mutuo poterunt videre actiones perpassionesque suas externas, quas in hac vita gesserunt, sive benè & laudabiliter, sive etiam malè, sed in pœni-

ten-

tentiam, in humiliationem, in fructus dignos poenitentiae; in Dei timoris, & amoris, & fervoris instaurationem.

Auditus Christi afflictioni; respondet illa Auditus Beatorum delectatio, ex admirabiliter suavissima laudatione, exaltationeque ex ore omnium Beatorum resonante, tum Sanctissimae Trinitatis; tum Christi Domini, beneficiorumque, & operum, & perfectionum ejus. *Exultabunt enim Sancti in gloria, & exaltationes Dei in gutture eorum. Unde & Beati (sunt) qui habitant in domo tua Domine, in secula (enim) seculorum laudabunt te.* Et quemadmodum de Seraphinis Ilaías: de quatuor autem animalibus Sanctis Ioannes narrat, *quia non habent requiem die ac nocte, dicentia Sanctus, Sanctus, Dominus DEVS omnipotens*: ita sine dubio partes omnes coelestis domicilii resonabunt Dei laudibus, & hymnis canticisque novis & melodis nunquam in hac vita excogitatis, nunquam autem cessantibus ab ore Beatorum, quoniam hæc est merces eorum, hoc etiam negotium amantium, hæc vita gloriosorum, & beatè Deo perfruendum. Aderunt & aliæ laudes resonantes in ore Sanctorum jugiter, quibus laudabunt Deum, & in Deo gloriosissimam, speciosissimam, pretiosissimamque Dei Genitricem; laudabunt item in Deo Sanctos concives suos, & socios in beatitudine, desumentes materiam laudis incessabilis tum ex beneficiis, gratiisque omnibus in Sanctos à Deo profusis, tum ex Sanctorum pro Deo, pro ejus gloria, & voluntate, pro sua quoque salute, & gloria æterna, exactis laboribus, & exinde meritis. Ibi audire erit exaltantes Deum Patriarchas, tum Prophetas, deinde Apostolos & Evangelistas, tum verò Martyres, itemque Virgines, cantico, quo, nemo alius poterit, tum confellores, tum omnem chorum Sanctorum. Ibi audire erit unamquamque gentem ante thronum Dei & Agni congregatam, & laudes Deo & Agno dicentem. *Salus Deo nostro, qui sedet super thronum, & Agno. nec non illud Redemisti nos Deo in Sanguine tuo, ex omni tribu, & lingua, & populo, & natione: & fecisti nos Deo nostro regnum, & Sacerdotes, & regnabimus.* Ibi quoque erit audire jubilantes coram Deo, & Christo ejus: omnes Ordinum Religiosorum familias, & familias seorsum cum Patriarchis suis atque fundatoribus. &c. Erit quoque Auditui Beatorum singularis valde delectatio, ex conversatione colloquiisque mutuis inter se: tum quia omnis eorum sermo erit divinus, deque Dei laudibus, & Dei voluntati placens, tum quia nihil erit in sermonibus illis, non sapienter, non sanctè, non sincerè, non amicè, non divinè dictum, sed per omnia erunt hujusmodi, quales decet Sanctos & Beatos.

D d d 3

Odo

Ps. 149.
5. 6.Isa. 6. 3.
Apoc. 4.
8.Apoc. 7.
10.
Apoc. 5.
9.

Odoratus Christi afflictioni, respondet in Beatorum corporibus delectatio odoratus eorum. Tota enim illa Cœlestis Civitas, suavissimo sensibili erit odore fragrantiaque plenissima: idque tum ex sua pte conditione, ad omnem beatitudinem facta, tum ex ineffabili corporum beatorum omnium, ac singulorum, inprimisque Sanctissimæ Humanitatis Christi, nec non Matris ejus gloriosissimæ Corporis (suaevolentissima constitutione, ut proinde ibi supra quam iustissime inlatur Christus, ejusque Matri. *Trabe nos post te, curremus in odorem unguentorum tuorum.*

Cap. 1.

3.

Gustatus Christi afflictioni, respondet in Beatorum gustatu delectatio sensibilis, per omnia quidem admiranda, sed inprimis ex eo, quia sapor ille, gustatum Beatorum recreans & oblectans, erit quati ex cibis, & tamen sine cibis, & nihilominus suavior omnibus saporibus, qui haberentur ex cibis, idque sine fastidio & nausea satietatis, & repletionis. Neque hoc est aut difficile, aut inconveniens, esse exhiberi que Beatis in cœlo à Deo suo, cui facile & decorum erat in populi Israël sustentationem, atque solatium peregrinationis, atque solitudinis, dare per quadraginta annos manna mirabile, quod cum unicum tantum esset, *habebat tamen omne delectamentum, & omnis saporis suavitatem*: addente etiam causam congruam, Sacram Scripturam, sed magis in beatitudinis statum quadrantem; dicit namque sacer textus: *Substantia enim tua, dulcedinem tuam, quam in filios habes ostendebat, & deserviens uniuscujusque voluntati, ad quod quisque volebat convertebatur.* Quod sine dubio magis decet tam Majestatem beatificantis Dei, quam beatorum ipsorum beatissimam, & omnium bonorum aggregatione perfectam conditionem.

Sap. 16.

20.

16. V. 21.

Tactus sensui in Christo Domino afflictissimo, respondet purissima & sincerissima ejusdem sensus in beatis delectatio: intrabunt enim in gaudium Domini Dei sui, non tantum secundum animam, verum etiam secundum Corpus affluentes omni Sanctæ voluptatis suavitatem. ut quemadmodum in patiente Christo Domino à planta pedis, usque ad verticem, non erat sanitas, sed omnia vulnus, & livor, & sanguis, & plaga tumens, & dolor immensus, pro salute & sanitate beatorum suorum; ita & in eis jam per merita sua beatificatis, nihil sit non gloriæ & honore circumdatum, nihil non plenum delicatæ voluptatis puritate. Quemadmodum item totum corpus hac in vita servivit animæ, per multiplices suas calamitates, atque afflictationes, ad promerendam æternam felicitatem: ita vicissim ex Anima beatificata atque glorificata, de-

ta, defluat in corpus, & in omnes ejus sensus; atque partes experimen-
tum atque possessio, congruæ, competentisq; sibi & statui suo beati-
tudinis, & oblectationis.

Hunc in modum nobis relucet in Passione Domini Cœlestis Beati-
tudo, vicissimq; in hac resplendet Dominica Passio. Hunc etiam in
modum potest pius meditantis animus, ex amarissimo passu Domini-
cæ Passionis, transire in suavissimum Beatitudinis æternæ gustum, rur-
sumq; ex hujus sapore dulcissimo, devolui ad saluberrimum saporem
gustumq; salutiferæ Passionis Christi.

M O D V S LXXXVIII.

O Cto gesimus octavus Passionem Domini meditandi Modus esse
potest: advertere & expendere, quomodo Christus Dominus in
sua Passione possedit octo Beatitudines à se quondam in Evangelio
commendatas, atque virtutibus heroicis hujus vitæ assignatas, nobisq;
ad eas quærendas, & acquirendas, exemplo suo demonstratas. Et est
quidem de hac re actum supra. hoc tamen loco aliud quiddam dice-
re volumus, meditandumq; proponimus. Nempe quomodo in Pas-
sione Domini relucet octo beatitudines, sed non secundum hujus vitæ
statum, verum secundum beatitudinis cœlestis & æternæ possessio-
nem. Nemini enim dubium esse debet, longè plenius perfectiusq;
residere has beatitudines in cœlo, quàm hîc in terra; hîc enim existunt
in magna ex parte laboriosæ, difficiles, meritoria, & in spe, expectatio-
neque magis, quàm in re: ibi autem sunt, per modum præmii, & mer-
cedis, & completæ comprehensæque in æternum retributionis.

Proponimus ergo in præsentî modo meditandum Dominum Ie-
sum, etiam in sua Passione actuali possidentem omnes octo beati-
tutes, etiam secundum statum gradumq; cœlestem, seu quomodo
in illa gloria cœlesti Sanctis, inprimis verò Sancto Sanctorum com-
municantur.

I. Itaque Pauperrimus tum in omni mortali vitâ, tum specialiter
in sua Passione Iesus, non solum Spiritu, sed etiam re ipsâ, adeò ut lo-
cum non habuerit in toto mundo proprium, in quo vel pedem ponere,
vel caput reclinare posset; quin neque corporis sui possessor ad mor-
tem sepulturamq; fuit, sed à Pilato Præsîde emendicandum, ab Io-
sepho Arimathæo, eidemq; ab eodem Præsîde donandum, ac tum de-
mum tanquam res Iosephi propria, in proprio sepulchro Iosephi re-
condendum fuit. Nihilominus simul ditissimus Dominus fuit posses-
sione,

*vide su-
prâ Mo-
dum 32.*

*Marci
15. 45.
Mat. 27.
60.*

sione, imò Dominatu, Hæreditatēque Regni cælestis, cujus possessionem, etsi, quā passione, atque morte, quā nudissimā paupertate promerebatur, attamen simul etiam illud habebat, atque possidebat jure Creatoris, jure Domini naturalis, jure hæreditatis. unde dixit post mortem suam. *Hæc oportuit Christum pati, & sic intrare in gloriam suā.* Exercuitque Dominus IESVS dominium hoc quando confortium huius regni adhuc vivens, imò in Cruce pendens latroni illud promisit: *Amen dico tibi, hodie mecum eris in Paradiso.*

2. Mansuetissimus & Mitissimus per omnem modum in sua Passione Dominus, qui velut *Agnus mansuetus ad victimam, non aperuit os suum, neque comminabatur, cum malediceretur*, possedit ipso Passionis suæ tempore terram, non solum Animæ & Corporis Sacratissimi, quod in ultima cœna tradidit discipulis, ac toti cum eis Ecclesiæ suæ. Neq; solum terram totius mundi, defluente in eum possessione illius ex Divinitatis consortio, & in cujus medio tunc operabatur salutem nostram. Neque solum terram cordium humanorum, de qua dictum ad illum est à Patre, *dabo tibi gentes hæreditatem tuam*: verum etiam terram illam Cælestem viventium, de qua dicebat apud Prophetam: *Portio mea in terra viventium.* Et iterum. *Placbo Domino in regione vivorum.*

3. Lugens & tristis Dominus IESVS, atque adeò vir dolorum, & sciens infirmitatem, afflictus quasi luctu strutionum, nec habens consolatorem in Passione sua. Nihilominus in eadem ipsa, & consolatus est à Patre cœlesti, quando orans cum lachrymis & clamore valido, in diebus carnis seu Passionis suæ in carne exauditus est pro sua reverentia, sed & ipse consolatus est Matrem suam, atque Ioannem discipulum, consolatus & latronem poenitentem, necnon Petrum negatorem, quem ad delictum suum amarum lachrymis deplorandum, intuitu amabilium oculorum suorum adduxit. ut taceam quod inter eandem suam Passionem fuit Dominus lætitia omnium Angelorum, Patris Æterni voluptas, & *Deus totius consolationis*, tam eorum qui in terra, quàm eorum, qui sub terra expectabant ejus consolationis gratiam.

4. Esuriens & sitiens in Passione Dominus, non tantum naturali indigentia, sed etiam spiritali fame siti que gloriæ Patris sui, salutis que nostræ, ac beatitudinis æternæ: saturabatur interea, in Passione quidem doloribus & opprobriis, & contumeliis, at verò simul eodem tempore saginabatur & potabatur fruebaturque evidentiâ, atque certitu-

etudi
tur, sag
ris exte
natum
rique E
cati, in
capivi
na, in
suæ, m
exinde
in elec
in futu
sionis
quasi
lica C
Calice
illa in
tur per
deince
dispon
regno
nistrat
chariss
illos S
qui oc
ad vita
5.
Passio
cordis
nobis
bris.
gener
tam a
divi, &
quis e
Denie
rum, &
6.

ritudine beneplaciti divini, obedientiaque præcepti quod exsequebatur, saginabatur dulcedine excellentissimi supra omnem captum operis executionis, successusque altissimi consilii divini, quod erat ordinatum in Redemptionem hominum, in reconciliationem offensis iræque Dei, in restaurationem ruinarum cœlestium, in abolitionem peccati, in debellationem diaboli, in victoriam mortis, in liberationem captivorum Patrum, in recreationem portarum æternæ vitæ æternæ, in gloriam corporis sui. Saginabatur fructu & effectu Passionis suæ, mortisque, & meritum suorum, sciens intuitivè quanta bona exinde erant manatura, quanta virtutum exercitationes perficiendæ in electis suis, quanta Divini nominis exaltatio; tam in hac vita, quam in futura victuris. Fuitque hæc satietas Christi tanta, ut omnes Passionis amaritudines per eam illi dulcescerent, minorarentur, & unius quasi calicis haustusque viderentur, imò redderentur. Hinc illa famelica Christi ad Patrem vox: *Pater fiat voluntas tua.* & illa ad Petrū. *Calicem quem dedit mihi Pater, non vis ut bibam illum.* Maximè verò illa in Cruce. *Suo.* Sitivit enim Passionis calicem, quia inebriabatur per illum, omnium Passionis fructuum plenissimâ ubertate, quâ deinceps inebriaturus erat electos suos totâ æternitate. Sic jam tunc disponens illis regnum, ut ederent & biberent super mensam ejus in regno ejus, in quo facturum esset illos discumbere, se præcincto & ministrante, atque inclamante. *Comedite amici, & bibite & inebriamini charissimi.* Ubi non esurient neque sitient amplius, neque cadet super illos Sol, neque ullus æstus, scilicet quia Agnus in medio throni est, & qui occisus est, & regit illos, & transiens ministrabit illis, & ducet eos ad vitæ fontes aquarum.

5. Misericordissimus Iesus in Passione (nam quid aliud est Christi Passio, nisi prodigium & profusio excessivæ misericordiæ?) Misericordiam quoque omnimodam consecutus est, non sibi quidem, sed nobis, aut si etiam sibi, id tamen in nobis, quia tanquam caput in membris. Unde & per hanc *misericordiam suam salvos nos fecit, atque regeneravit nos in spem vivam.* Hanc quoque misericordiam sibi indulgentiam à Patre, eidem ipse confessus est, dicens. *Quos dedisti mihi custodiri, & nemo ex eis perivit, nisi filius perditionis.* Et quomodo periret quis ex eis, quos misericordia fovit, pietas custodivit, charitas servavit? Denique *per viscera misericordiæ Dei nostri, qui est Pater misericordiarum, & Deus totius consolationis, convivificati sumus omnes nos in Christo.*

6. Mundissimus corde, & ore, & opere Iesus in Passione sua, atten-

E c c

stante 3.

Matth.
26. 42.
Ioan. 18.
11.

Cant. 3.
1.

Tit. 3. 5.
1. Pet. 1.
3.
Ioan. 17.
12.
Luca 1.
78.
2. Cor. 1.

- stante etiam ipso Pilato Præsidente, nec non ejus uxore, insuper & Herode, ac tandem & Latrone: beatitudine visionis Dei perfructus est, ab ipso quidem initio Conceptionis suæ, quando VERBUM Caro factum est, sed etiam in universa Passionis suæ tempestate atque diluvio, quo & lavit nos à peccatis nostris, & fecit nos sibi Ecclesiam *non habentem maculam neque rugam. Et licet infixus esset in limo profundis, in quo non erat substantia, licet venisset in altitudinem maris peccatorum nostrorum, & tempestas iniquitatum nostrarum poenarumque pro illis nobis debitarum, eum demersisset; tamen etiam sic, quemadmodum per omnia mundus corde permansit, ita etiam Divinā perfructus est beatificā claritate. Talis enim decebat ut esset nobis Pontifex,*
- Hebr. 8. Sanctus, innocens, impollutus, segregatus à peccatoribus, & excelsior cælis factus, qui consedit in dextera sedis magnitudinis in cælis.*
7. Pacificus, & Pacificans omnia, Princepsque pacis, & Iustitia, & Pax nostra, Dominus Iesus in Passione, & per Passionem suam, Filius esse Dei & agnitus & vocatus est, & re ipsa fuit, consentibus jam tunc eum Centurione & multis dicentibus: *verè Filius Dei erat iste.*
- Matth. 27. 54. Ioan. 1. 14. Ps. 109. 3. Ioan. 1. 12. Hebr. 2. 11. Rom. 8. 29. Rom. 8. 27. Ioan. 1. 12. 2. 2.*
- Non enim adoptione filius erat, sed naturā, quasi unigenitus à Patre, in splendoribus Sanctorum, & Sanctitatum, ante Luciferum, & ante omnē creaturam genitus, qui & omnibus, quotquot credendo receperunt eum, dedit potestatem filios Dei fieri. Neque confusus est fratres eos vocare: quin & dare, atque communicare cum eis hereditatem suam, ut sit ille tanquam *Primogenitus in multis fratribus*, illi autem fierent ex ipso *heredes quidem Dei, cohæredes autem sui.* Atque hæc est illa pacificatio, quam Dominus noster Passione suā, & morte promerendo peregit, ejusque hereditatem in semetipso primus, sed & propter nos, tanquam caput propter corpus, & membra, possedit. Consummaturus eam plenē, & ultimariē, etiam in nobis, quando apparuerit gloria ejus, juxta illud, quod Ioannes promittit dicens. *Nunc (quidem) filii Dei, (jam) sumus, & nondum apparuit quid erimus. Scimus quoniam cum apparuerit, similes ei erimus, quoniam videbimus eum sicuti est.*
8. Passus est Dominus Iesus persecutionem, qualem mundus non vidit, ex quo homines esse cœperunt: passus autem est non solum propter iustitiam suam, sed etiam propter justificationem nostram. Interea tamen Regnum cœlorum ejus fuit, & illi curvabatur omne genu. *Omnia enim quæ Patris ejus erant, erant etiam ipsius.* Propter quod dicebat Patri. *Pater, mea omnia tua sunt; & tua mea sunt.* Atenim

supra

ſupra de hoc aliquid etiam quia dictum eſt, nunc plura hic addere nihil attinet.

Admiremur & congratulemur admirandam adeò diſparatarum rerum in Ieſu Paſſo pro nobis conjunctionem. Agamus etiam gratias tam corde, quàm ore, quàm opere, eidem Domino noſtro, qui nobis & exemplum dedit, quod ſequentes cum ejus gratia, beatitudines veras, tam in hac, quàm in altera vita obtineamus: & inſuper Paſſionis mortisquæ ſuæ merito, eaſdem nobis acquiſivit, atque obtinuit. Denique ſumus in hoc ſtudio inſatigabiles, ut Patientis ac morientis, pro obtinenda nobis beatitudinum iſtarum plenitudine, Domini Ieſu veſtigia, aſſiduo, & quàm maximè, quàmque proximè premamus, facientibus & ſuppeditantibus nobis animos robuſtiſſimos, ipſiſumet Chriſti Ieſu tum exemplis uſque adeò heroicis, tum meritis ſupra modum copioſis & efficacibus.

M O D V S LXXXIX.

Octogimus nonus meditando Paſſionem Domini noſtri Modus eſſe poteſt; ſcrutando exemplares, Politicas, Purgatorias, Purgati animi Chriſti Domini in Paſſione ſua virtutes.

Pro Fundamento ponenda eſt doctrina de virtutum varietate, neque melius poteſt hæc enarrari, quàm eſt à Divo Thoma explicata.

Aſſirmans ergo & probans Divus Thomas, convenienter Cardinales virtutes dividi in Politicas, Purgatorias, Purgati Animi, & Exemplares: ita diſcūrrit de ſingulis.

Oportet quòd anima aliquid ſequatur, ad hoc, ut ei poſſit virtus innascei, & hoc Deus eſt, quem ſi ſequimur, bene vivimus. Patet igitur quòd exemplar humanæ virtutis in Deo præexiſtat: ſicut etiam in eo præexiſtunt omnium rerum rationes. Sic igitur virtus poteſt conſiderari, vel prout eſt exemplariter in Deo, & ſic dicuntur virtutes exemplares, ita ſcilicet quòd ipſa Divina mens in Deo, dicatur Prudentia. Temperantia verò, converſio Divinæ intentionis ad ſe ipſum, ſicut in nobis temperantia dicitur per hoc, quòd concupiſcentia conformatur rationi. Fortitudo autem Dei, eſt ejus immutabilitas. Juſtitia verò Dei, eſt obſervatio legis æternæ in ſuis operibus. Et quia homo ſecundam ſuam naturam eſt animal Politicum, virtutes hujusmodi prout in homine exiſtunt ſecundum conditionem ſuæ naturæ, politice vocantur; prout ſcilicet homo ſecundum has virtutes rectè ſe habet in rebus humanis gerendis. Sed quia ad hominem pertinet, ut etiam ad divina

se trahat quantum potest, (ut etiam Philosophus dicit in 10. Ethicorum Cap. 7.) & hoc nobis in Sacra Scriptura commendatur multipliciter, secundum illud, Matth. 5. *Estote perfecti, sicut & Pater vester caelestis perfectus est.* Necesse est ponere quasdam virtutes medias inter politicas, quæ sunt virtutes humanæ, & inter exemplares, quæ sunt virtutes Divinæ. Quæ quidem virtutes distinguuntur secundum diversitatem motus & termini. Ita scilicet quod quædam virtutes sunt transeuntium & in divinam similitudinem tendentium, & hæ vocantur virtutes Purgatoriæ. Ita scilicet quod Prudentia, omnia mundana, divinorum contemplatione despiciat, omnemque Animæ cogitationem in Divina sola dirigat. Temperantia verò relinquat in quantum natura patitur, quæ corporis usus requirit.

Fortitudinis autem est, ut Anima non terreatur propter excessum à corpore, & accessum ad superna. Iustitiæ verò est, ut tota Anima consentiat ad huiusmodi propositi viam.

Quædam verò sunt virtutes jam assequentium Divinam similitudinem, quæ vocantur virtutes jam Purgati Animi: ita scilicet: quod Prudentia sola divina intueatur. Temperantia terrenas cupiditates nesciat. Fortitudo passiones ignoret. Iustitia cum Divina mente perpetuo fœdere societur, eam scilicet imitando: quas quidem virtutes esse dicimus Beatorum, vel aliquorum in hac vita perfectissimorum. Hæc Divus Thomas.

Quibus ita explicatis considerari jam potest quomodo in Christi Domini Passione, atque etiam vita ejus universa eluxerunt istæ virtutes.

Et Exemplares quidem non est dubium in Christo Domino existisse, non solum in quantum Deus verus fuit, verum etiam in quantum Deus Homo existit. Etenim ipsa mens Christi, fuit in eo Prudentia, quæ voluntatem Dei, & salutem nostram operatus est, secundum omnes rationes æternas atque Divinas, quas in Deo præexistentes clarè intuebatur, ab instanti suæ Incarnationis, & totâ vitâ, iisdem regulatus, easdem exsequebatur, usque ad instantem mortis, propter quod dicebat: *Sicut mandatum dedit mihi Pater, sic facio.* Porro Temperantia exemplaris fuit in Christo, quatenus ejus Theandrica Mens, & omnis intentio conversa fuit semper ad se ipsam, eamque in omnibus intuebatur, omnemque actionem suam suis mensuris admetiebatur. Fortitudo Christi in eo eluxit exemplaris, quod immutabiliter se in omnibus habuerit, nequaquam consilium propositumve Animi ejus ulla

crea-

creatura immutare potuerit. Sic etſi hoſtes ejus ſapius ejus mortem attentaverint: nunquam tamen facere quidquā potuerunt. *Quia necdum venerat hora ejus.* Sic etiam deſcenſum de Cruce fruſtra ſuadebant, pollicentes fidem in eum, quia non in deſcendentem de Cruce, ſed in Reſurgentem è ſepulchro, redivivumque à morte credendum eſſe, ſalvandis à ſe, ſtatuerat. Juſtitia Chriſti in hoc eluxit, quia legem ſuam æternam, tum per vitæ totius in terris curſum; tum in Paſſione ſua potiffimum rigorofiſſimè in ſemetipſo adimplevit, adeo ut de illo dictum ſit, *quod factus ſit nobis Juſtitia à Deo.*

De Politicis virtutibus, quod in Chriſto, & quidem perfectiſſimè exſtiterint, maniſeſtum eſt, vitam ejus Paſſionemque omnem intuenti. Perfectiſſimè enim ſe habuit ſemper in rebus humanis agendis, ita ut dicere potuerit hoſtibus ſuis in faciem. *Quis ex vobis arguet me de peccato.* Vixit fere perpetuò inter obſervatores actionum ſuarum, inter captatores ſermonum ſuorum, inter ſcandalum patientes malicioſè ex operibus ſuis: neque tamen quidquam unquam deprehenderunt quod juſtè accuſarent. Imò aut fateri coacti ſunt. *Bene omnia fecit.* aut conſuſi & reſponſo deſtituti abire: Et in Paſſionis tempore Pilatus alioqui judex iniquitatis, tamen repetitò teſtimonium ejus innocentia dedit, atque latronum coneruciſixorum ipſi unus contra omnes principes & populos non dubitavit pronuntiare de eo. *Nos quidem juſtè (patimur) nam digna factis recipimus. Hic autem nihil mali geſſit.* Denique quod ſemel Dominus in alapa illa indigniſſimè ſibi inſicta reſpondit. *Si male locutus ſum, teſtimonium perhibe de malo: ſi autem bene, quid me cadis.* Hoc ipſum ad ſingulas poenas ſuas, per omnia momenta Paſſionis repetere potuit. Atque ut particulariùs aliquid attingamus de hiſce virtutibus.

Politica virtus fuit in Chriſto. Adire ad Ioannem Baptiſmi gratiā. Nuptias ſuā præſentiā cohoneſtare, & vinum in eas largiri. Solvere didrachma, ne ſcandalifaſſentur ejus exactores: decernere, ut redderentur quæ ſunt Cæſaris Cæſari, & quæ ſunt Dei, Deo. Miſereri ſuper turbam; & eam paſcere in deſerto. Uſum naviculæ Simonis, ad docendas turbas ex ea, perſolvere capturā piſcium copioſā.

Politica virtus fuit, triumphaliter, ſimulque humiliter ingredi Regiam Civitatem: defendere Magdaleniam à reprehendentibus obſeſſum ſuper caput ejus unguentum. Mortem amici Lazari deſlere. Lavare pedes diſcipulorum. Obviam procedere inimicis. Proditorem amicè compellare. Oſculo dignari. Invaſorem ſuum à vulnere ſanare.

Ioan. 7.
30.1. Cor. 1.
30.Ioan. 8.
46.Luca 23.
41.Ioan. 18.
23.

sanate. Inter contumelias, probra, injurias, calumnias, vulnera, fortiter, patienter, mansuetè durare, pro inimicis orare, in parentem pietatem exercere. Spiritum Deo commendare ac tradere. Pro iustitia & charitate mori, pro salute & incolumitate publica omnium, omni discrimini, jacturæ, periculo, & morti sese offerre, & impendere.

Virtutes Purgatorias quatenus iis tenditur & transitur in Divinam similitudinem, & aliquid adhuc involvunt imperfectum: in Christo non fuisse dubium non est. Siquidem ab instanti conceptionis habitavit in eo, tam Divinitatis, quàm omnium virtutum perfectionumque plenitudo. Nisi fortè cui placeat dicere ita in Christo fuisse perfectum virtutum, sicut in Evangelio dicitur, *IESVS profecisse, Sapientiâ & ætate, & gratiâ, apud Deum, & apud homines*. Non quòd Dominus Iesus non fuerit semper ab ipso ortu suo plenus sapientiâ & gratiâ, & perinde omni virtute, & veritate, & perfectione, sed quia (ut ait Bernardus) aliquid in eo novum accidere videbatur, quando volebat ipse ut videretur:] interim autem semper erat sapiens, & sapientissimus, & sapientia ipsa: perfectus quoque, & perfectissimus, & perfectio ipsa.

At verò virtutes Purgati Animi, quatenus eæ non supponunt ullam, quæ debuisset purgari, impuritatem: (quod præmitto ne quis ludat ludaturve in verbo) fuerunt per omnia consummatæ in Domino Iesu. Sinè dubio enim ille nihil penitus nisi sola Divina intuebatur, quod fuit Prudentiæ, terrenas etiam cupiditates prorsus nesciebat. quod fuit Temperantiæ. Passiones etiam ignorabat, imò nec habebat (sed solum ut loquitur Hieronymus propassiones) quod erat Fortitudinis, denique cum Divina sua mente, perpetuo fœdere sociabatur, eamque perfectissimo, ac planè Theandrico modo imitabatur, quod erat Iustitiæ. Atque hæc etsi in tota vita Domini, at speciatim quâdam ratione, inter Passionis ardua, & acerba, & indigna, & funesta collucebant. ubi enim Christus magis sola intuebatur Divina? ubi passionum nescius magis? ubi terrenorum studiorum oblitus & negligens amplius? ubi arctiori fœdere Dei voluntati atque menti adstrictus? quàm in Passione, & Morte, in qua ne perderet obedientiam, perdidit vitam.

Ergo Christus Dominus & Rex virtutum: ergo plenus gratiâ & veritate, ergo Sanctus Sanctorum, ergo Iustus & Iustitia, Perfectus Perfectioque ipsa fuit. Nobis in omnibus relinquens exemplum, ut sequamur vestigia virtutum ejus. Et quidem non exemplarium: quia hæc creaturæ cuius impossibiles sunt, sed in Politicis, in Purgatoriis, potissimum

simum
omnib
illud D
ser cele
bitur,
raverit
imitab

NO
C
ne, tu
comp
Pri
Princip
cipio,
etiam
dicent
initium
In Prin
ipso fac
verba
vit coe
dicit,
dicent
num
verum
dem n
creato
hac o
& ex
nem
gnum
Homi
na Ve
creav
mam
imme

simam autem in iis quæ Purgati Animi & exemplaribus vicinæ præ omnibus aliis sunt. Ut impleatur per Gratiâ Dei à nobis in nobis, illud Domini nostri dictum. *Et vos ergo estote perfecti, sicut & Pater vester celestis perfectus est.* quod utique fiet, si sola quæ Dei sunt intuebimur, si terrenas cupiditates ne quidem sciverimus, si Passiones ignoraverimus, si cum Divina mente perenni fœdere consociabimur eamq; imitabimur.

M O D V S X C.

Nonagesimus Modus meditando Passionem Domini esse potest. Comparando Creationem mundi cum Incarnatione atque Passione, tum etiam Resurrectione Christi Domini. Paucis carpat hanc comparisonem, fusius tractatam ab aliis scriptoribus.

Primò igitur Moyses describit Mundi Creationem his verbis. *In Principio creavit Deus cælum & terram.* Et potest quidem vox *In Principio*, ita intelligi: primò omnium, & ante omnia: potest nihilominus etiam intelligi, prout passim intelligitur, id est, in Filio, seu in VERBO, dicente alibi scripturâ. *Verbo Domini cæli firmati sunt.* ut respondeat initium veteris legis seu Testamenti, initio legis novæ & librorum ejus. *In Principio erat verbum.* & mox. *Omnia per ipsum facta sunt, & sine ipso factum est nihil, quod factum est. in ipso vita erat.* Quæ Evangelii verba videntur veluti esse explicatio, in quonam Principio Deus creavit cælum & terram: adstipulante etiam Apostolo ad Hæbreos, ubi dicit, *Deum per Filium fecisse sæcula.* adducitque Davidis testimonium dicentis de Filio. *Tu in principio Domine terram fundasti, & opera manuum tuarum sunt cæli.* Quod si de hisce visibilibus mundi partibus verum est in Verbo, & à Verbo conditas esse, verum erit & multò quidem magis, aliud etiam mundum cum partibus suis, hoc, ab initio creato, multò nobiliorem, digniorem, admirabiliorem, & propter hæc omnia etiam longè majorem, ab eodem, & in eodem, imò verò, & ex eodem verbo Filioque conditum esse. Antiqui vocabant Hominem parvum mundum, at Nazianzeno placuit eundem vocare magnum mundum, quod nomen iustissimo jure iustius tribui debet Deo-Homini Domino nostro, Iesv Christo: qui semetipsum in sua Persona VERBI ex Homine-Deo hypostaticè constans, revera *In Principio creavit cælum & terram*: hoc est in VERBO & Filio DEO uniens Animam & Corpus. Anima enim Cælum revera fuit, & quia Spiritus immortalis, & quia jam tunc ab exordio creationis suæ Hypostasi Di-

vina

Vinæ adhærens, & simul etiam visione Dei beatificâ perfruens; Corpus verò terra, quia terrenum fuit, & de terra Virgine sumptum formatumque est.

Adhuc autem Anima Christi Domini Cælum fuit, quoniam in ea *habuit plenitudo Divinitatis* (ut ait Apostolus) *corporaliter*; in ea etiam omnes thesauri Sapientiæ, & Scientiæ, Iustitiæ quoque, & Misericordiæ, Charitatis etiam, & Bonitatis, reconditi erant. Corpus autem ejus terra fuit: terra nova, terra viventium, terra maledictionis omnis expers, terra in qua plantavit Dominus Paradysum voluptatis.

Præterea fuit Anima Christi Cælum, quod à celando dictum est, quia omnia celat, & tegit omnia, sic enim etiam Anima Christi celabat intra se omne Divinitatis consilium, omnemque VERBI Divinitatem. Corpus verò Domini terra fuit, quia quemadmodum terra foditur, aratur, colitur ut fructificet; ita & Corpus Christi araverunt peccatores, & prolongaverunt sulcos suos. Sicut terra est Fundamentum omnia sustinens; ita & Corpus Christi omnes nos in sua membra admittit. Sicut terra omnes res alit, & esca omnium in ea; ita & Caro Christi verè est cibus, & Sanguis Christi verè est potus, quo non alatur Anima nostræ, vitam Spiritus, & gratiæ, & gloriæ habere in sese non possunt.

Denique Anima Christi Domini Cælum erat, quoniam beata, & gloriâ atque fruitione Divinitatis beatificâ plena erat. Corpus autem terra erat, quia beatitudine suâ necdum fuit dotata, sed terrenorum corporum instar passibile, mortale, ærumnis & necessitatibus subiectum erat. unde quod Moyses dixit de terra initio condita, *quod esset inanis & vacua*, hoc Corpori Christi Domini optimè quadrat. Erat enim Corpus illud Sacratissimum inane & vacuum gloriâ & beatitudine sibi connaturaliter ob unionem cum Anima jam beata, itemque ob unionem Hypostaticam cum VERBO debita, sed per miraculum, atque propter misericordiam super nos in corpore patibili præstandam suspensa, & veluti exclusa: donec nimirum terra ista Corporis Sacrosancti fuisset omni genere ærumnarum culta, & fructibus omnigenæ salutis nostræ preparata, quin etiam gloriæ, ac beatificationi suæ meritório jure idonea facta. Quod attestatus est postmodum suo tempore Dominus, quando dixit. *Hac oportuit Christum pati: & ita intrare in gloriam suam.* Corpori scilicet suo inferiorique portioni sensuali debitam ex Animæ Beatæ Verbiq; Divini consortio, uti supra dictum est.

Hic eidem Corpori Christi Domini optimè servit id, quod Moyses narrat de terra, eam innumerum fuisse immensis aquarum abyssis obrutam, insuperque tenebris occupatam. Humanitas siquidem Christi quoad Inferiorem sensivam Corporisamque suam portionem, co-operta fuit à prima conceptione sua, & deinceps per omnem vitam, maximè in Passione & Morte sua, abyssò patibilitatis, & omnis generis arumnarum, ex patibili mortaliq; statu in se redundantium : magis verò ex aquis passionum tam interiorum, quàm exteriorum, plus quàm immensè dolorosarum. Maximè porro ex tenebris mortis, quando Anima à Corpore soluta, ipsa quidem ad inferos victrix cum potestate triumphali descendit, at verò Corpus inanè, vacuum, tenebris mortis obvolutum in sepulchro mansit.

Quis cogitabit & pervadet animo abyssos, quibus Christi Humanitas cooperta fuit in illa lucta in horto, ubi Iesus coepit pavere, cedere, contristari, moestus esse, orare, sudare sanguine, agonizare, usque ad mortem? Quis horrorem illum potestatis tenebrarum, in Christum totis viribus, effusiq; càtaractis inferni erumpentium comprehendet? Quis (ne longus per singula eundo videar) quis inquam Congregationes dolorum, omnisq; generis calamitatum maria, super Animam Corpusque Christi superinfusa permetietur. Sinè exaggeratione atque Hyperbole tunc Dominus noster vocem illam usurpavit Propheticam. *Circumdederunt me aquæ, usque ad Animam. abyssus valavit me, pelagus operuit caput meum.*

Ionæ 2.
6.

Interea tamen Spiritus Domini ferebatur super aquas istas, & tenebras illas discutiebat, VERBUM scilicet Hypostaticam unionem conservans, cū mortuo Corpore, nec dans Sanctū suū videre corruptionē, donec veniret hora resurrectionis, in qua instaurata est Humanitas Christi tota, & gloriā atque honore beatitudinis etiā in corpore gloriosissimo coronata. Vel etiā Spiritus Domini ferebatur super aquas, quia super scelus inimicorum & interfectorum Christi, elevabatur consiliū admirabile Trinitatis, quo, & nolebat hominem contra propositum suum perire, & scelere interfectionis Filii Dei, uti volebat, reque ipsā utebatur ad executionem Sapientiā, Omnipotentiā, Iustitiā, Misericordiā, & Charitate plenissimi consilii. Fecit enim ut manus impiorum, quas in se admittebat Filius Dei, famularentur Redemptori, & Humani generis redemptioni.

Interea quoque dixit Deus, fiat lux : & facta est lux : quia quando

Ioan. 1.

VERBUM Caro factum est, & habitavit in nobis, tunc etiā in ipso vi-

F f f

sa erat,

Corpus
forma-

am in ea
er; in ea
& Mito-
rpus au-
dictionis
uptatis.
tum est,
uli ceta-
Dvin ta-
terra so-
taverunt
dament-
membra
ra & Ca-
nialā-
te in se

beata, &
us autem
renorum
us ruse-
quod esset
at. Erat
beatitu-
itemque
aculum,
standam
ris Sacro-
mnigenæ
suz me-
uo tem-
a intrare
sensuali
upra di-

Huic

ta erat, & vita erat lux hominum, & lux in tenebris lucet, & tenebrae eam non comprehenderunt, neque enim in propria venientem receperunt. Sed potius videntes eum, dixerunt. *hic est heres, venite occidamus eum, & hereditas nostra erit.* Sed mentitur est iniquitas sibi. Filius enim Dei, & vivens in terris, lux fuit mundi, & in Cruce patiens atque moriens notem peccatorum damnationisque æternæ depulit, atque discussit: vivificans & illuminans omnem hominem venientem in hunc mundum: juxta quod dixerat ipse. *Oportet exaltari filium hominis.* Et. *Ego si exaltatus fuero, omnia traham ad me ipsum.* Nisi enim granum frumenti cadens in terram mortuum fuerit, ipsum solum manet. Si autem mortuum fuerit, multum fructum affert.

Divisit quoque lucem à tenebris, Passione & Cruce, atque Morte suâ Dominus; tum quia non *Angels, sed Semen Abrahæ apprehendit*, pendensque medius latronum, unum eorum, qui figuram gessit Adami, seu generis Humani, paradyso donavit; alterum qui typus fuit diaboli in damnatione dereliquit: tum quia Ecclesiam suam à Synagoga separavit; tum etiam quia Electos à reprobis, credentes ab infidelibus, amatores ab odientibus discrevit, in extremo suo judicio Agnos ab hædi æternum separaturus est, quando Oves, id est, iusti ibunt in vitam æternam; hædi autem, id est, impii; in combustionem æternam.

Tunc etiam fecit Deus firmamentum ex aquis, in medio aquarum, divisitque aquas ab aquis. Passio enim, & Crux, atque Mors, & omnis Infirmitas Salvatoris nostri in Homine quem suscepit, facta est Firmamentum infirmitatis nostræ, sanitas omnis ægitudinis nostræ, sublevatio omnis ruinæ nostræ, solidatio omnis contractionis nostræ, Eruditio omnis imperitiæ nostræ, Consolatio omnis tribulationis nostræ, Abundantia omnis egestatis nostræ: denique vita omnis mortalitatis & Mortis nostræ. Dominus namque noster ostendit, imò & contulit nobis in sua Cruce gloriam, in sua stultitia sapientiam, in suis probris laudem, in sua egestate & nuditate divitias, in suis doloribus delicias, in sua afflictione dulcedinem, in suis tribulationibus consolationem, in sua tentatione gaudium, in sua infirmitate robur, in sua obedientia libertatem, in sua patientia pacem, in sua humilitate exaltationem, in sua mortificatione conservationem, in sua morte vitam, in sua fide scientiam, in sua spe possessionem, in sua charitate beatitudinem: videlicet aquarum ab aquis separationem. Quoniam sunt etiam aquæ iniquitatis, & aquæ Iustitiæ; sunt aquæ Culpæ, & aquæ veniæ; sunt aquæ mortis, & sunt aquæ vitæ; sunt aquæ peccati, & sunt aquæ Gratiæ; sunt aquæ

aquæ da
aquæ tri
ranea; &
ferni: &
vicem C

Et no
locum, &
in Chru
ris grati
rum int
à Deo a
nem De
gregata
peccatis
ep (jux
E ipse f
tulit sup
reconci
ais & in
mis non
cordiam
sumus to
suum,
Charita
& omni
Domini

Non
ellie
Domini
Creatio
sione ce
Desu
Incarna
tia, qua
rens, ill
Initi

Aquæ Sapientiæ huius mundi, & sunt aquæ salutare Sapientiæ Dei; sunt aquæ tribulationum, & sunt aquæ consolationum; sunt aquæ temporaneæ, & sunt aquæ æternitatis, denique sunt aquæ damnationis & inferni: & sunt etiam aquæ beatitudinis & cæli. Atque hæc omnes ab invicem Crucis Mortisque separantur firmamento.

Et ne longus sim. Dixit præterea Deus *Congregentur aqua in unum locum, & appareat arida, & factum est ita.* Quod quid est aliud, quam in Christum Deum-Hominem congregatas & coactas esse omnis generis gratias, & dona, & prærogativas, beneficentiæ Dei, ejusque meritorum intuitu Aridam apparuisse, hoc est, Humanam nostram naturam à Deo adamatam, & exaltatam tantopere: usque nimirum ad fruitionem Dei, aut usque ad Consortium unionis VERBI. Vél certè. Congregatae sunt aquæ omnes peccatorum nostrorum, seu suppliciorum peccatis nostris debitorum, in unum Dominum nostrum, posuit enim in eo (juxta d. ctum Propheticum) *Pater, iniquitatem omnium nostrum, & ipse factus est Agnus, qui tollit peccatum mundi: ipse peccata nostra pertulit super lignum.* Interea verò nos ejus livore sanati sumus, nos sumus reconciliati Patri per ipsum. Nos apparuimus tanquam Arida, immunitis & innocens. Et qui ante fuimus procul, facti sumus propè: qui fuimus non populus, & absque misericordia; facti sumus populus, & misericordiam consecuti. denique qui fuimus terra deserta & invia, ecce facti sumus terra proferens herbam virentem, & faciens Semen juxta genus suum, lignumq; faciens fructum suum, fructum nimirum Fidei, Spei, Charitatis, iustitiæ, bonorum operum. Laudis, & gratiarum actionis, & omnis virtutis, adeoque etiam beatitudinis, per merita & gratiam Domini Nostri Iesv Christi, qui est Deus Benedictus in sæcula.

M O D V S X C-I.

Nonagesimus Primus Passionem Domini meditandi Modus potest esse; Comparando statum Redemptionis, qui nobis per Passionem Domini obvenit, cum statu Innocentiæ, quem nobis Deus in prima Creatione contulerat: & advertendo plus nobis in Redemptione à Passione collatum esse, quam in Creatione ab Innocentia collatum fuerat.

Desumo hunc Modum à Patre Ludovico de Ponte: qui Gratiam Incarnationis Divinæ propter nos, passionisque pro nobis, cum Gratia, quæ Adamo ejusque posteris in statu Innocentiæ præstita, conferens, illamque huic præferens ejusmodi discursum instituit.

In initio creavit DEVS Adamum in gratia & originali iustitia, tan-

F f f 2. quam

Gen. 1.

8.

Isaie 53.

5. 6.

Ioan. 1.

29.

Isaie 53.

5.

1. Petri

2. 10.

Gen. 2.

12.

Parte 6.

Mediat.

35.

„ quam Caput totius Humani generis cum tali pacto, ut si ipse in ejus ser-
 „ vitio perseveraret, omnes ejus posterii cum eadem gratia nascerentur,
 „ in qua facile possent totâ suâ vitâ perseverare. Abstulit enim Deus illis
 „ tria impedimenta perseverandi, quæ nos modò sustinemus. 1. Rebel-
 „ lionem Carnis contra Spiritum, & Passionum contra rationem. 2.
 „ Mortalis Corporis miseria, quæ Pauperem Animam gravant. 3. Per-
 „ secutiones & contradictiones exemplaque malorum, qui bonos infi-
 „ ciunt & perturbant. Si enim aliquis tunc fuisset malus, mox illum
 „ Deus à cæteris separasset. Licet verò tentatorem diabolum illis reli-
 „ quit: poterant tamen eum facile superare: quia illius tentatio tunc
 „ non potuit esse illis tam vehemens, sicut nobis modò est. Cùm in eis
 „ non potuerit Diabolus commovere humores, concitare inordinatas
 „ Passiones, repræsentare imaginationes, prout nunc nobis facit, sed tan-
 „ tum ei licebat exterius proponere, per quod decipere volebat: quas
 „ ejus deceptiones facile fuisset tunc hominibus cognoscere per scientiâ,
 „ atque gratiam infusam à Deo, si eâ uti voluissent. Ex quo apparet,
 „ quàm Deus voluerit homines in illo statu Innocentiæ perseverare, cæ-
 „ lumque obtinere.

„ At quia Primus Homo peccando dissolvit Providentiæ Dei disposi-
 „ tiones, circa suam suorumque posterorum salutem, in illo Innocentiæ
 „ statu: per quod commertus erat cum suis omnibus à Deo abjici, atque
 „ deferri in damnatione mortis, etiam æternæ. Nequaquam tamen ita
 „ fecit Deus, sed illico aliam Providentiæ in disponenda salute humana
 „ rationem assumpsit, quâ hominibus remedium adhiberet, & quidem
 „ sublimiori longè quàm prior fuerat Providentiâ.

„ Etenim in eum finem, ex multis quæ assumere potuit mediis, ex
 „ sua infinita charitate elegit gloriosissimum, quale & sapientia ejus ex-
 „ cogitare, & omnipotentia exsequi, & bonitas velle potuit: ita rem di-
 „ sponens, ut ex ipsis Adami posteris nasceretur Homo, qui simul esset
 „ Deus: propter cujus merita, peccatum Adami remitteretur, damnaq;
 „ illius repararentur. Itaque ipsemet in Persona sua Deus exsecutor esse
 „ voluit hujus suæ Providentiæ, faciens se ineffabili modo Hominem pro-
 „ pter Homines; & sese caput eorum visibile; (ahâs enim erat tantum
 „ invisibile) instituens per naturæ Humanæ ad suam Divinam Personâ
 „ conjunctionem. Infinites majorem hac ratione honorem adhibens
 „ Hominibus, quàm ante culpam habuissent. *O felix culpa, quæ talem ac*
 „ *tantum meruit habere Redemptorem!* O felix fractura quæ adeò admi-
 „ randâ providentiâ est reparata! O felix miseria, quæ adeò infinitis mi-
 „ sericordiæ remediis est perfanata?

Si-

Sicut enim iste secundus Adam, nimirum Christus, infinitè excellit primum; sic bona quæ per secundum nobis proveniunt, excedunt incomparabiliter illa, quæ per Primum advenissent, si ille non peccasset.

Nam Primò, etsi Filii Prioris Adami nati fuissent in gratia, ii tamè quia Christo generantur per Baptismum, majorem nunc recipiunt gratiam: illis enim Deus dedisset gratiam tantum ex sua libertate: at verò istis dat eandem etiam propter infinita merita Christi, qui Passione & morte suâ eam ipsis comparavit.

Deinde quamvis Filii Adami, in illo statu Innocentiæ non habuissent pugnam Passionum, quam nunc Filii Christi sustinent: hoc tamen ita disposuit Divina Providentia, ut eò victória esset illustrior, quò pugna acrior: essentque illorum opera magis meritoria, quò majores vincerent difficultates: suffragantibus meritis Passionis & Mortis Redemptoris, & gratiâ ejus copiosâ filiis ejus debitoribus.

Tertiò licet Filii Adami mortem non obiissent, neque alias corporis miseras experti fuissent, quas Filii Christi Domini experiuntur & sustinent, ipse tamen Christus, ita illas honoravit, cum in se ipso illas suscepit, ut felicitatis atque honoris potius sit eas à nobis subiri: eò quòd omnes Dominus ipse convertat in materiam, & exercitationem Heroicarum virtutum: quarum excellentes actus in illo statu non fuissent. Desuissent enim occasiones Paupertatis, Patientiæ, Martyrii, dilectionis inimicorum, resignationis in re præsertim adeò chara, qualis est salus & vita, quæ tamen omnia in nostro statu dulcia sunt, propter eum, qui prior dilexit nos, & tradidit se ipsum, ad hæc omnia propter nos.

Denique Misericordiæ ejus Magnitudo, infinitè vincit miseriæ nostræ magnitudinem ab Adam culpa infligam. Non enim tantam vim habuit *delictum*, sicut habet *donum*. Nec tantum nobis potuit damnum Adamus inferre, ut eò majus bonum non potuerit nobis Christus conferre, condonando scilicet peccatum, quod hæreditate ab Adamo acceperamus, & omne præterea aliud, quòd ipsi commiseramus. Prosequendo etiam nos tot tantisque favoribus, post omnem licet nostram ingrati tudinem, bonorumque suorum contemptum: adeò, ut qui in illo statu fuissent, potuissent nobis jam nunc plurimas veluti invidere excellentes prærogativas, quales sunt Communio cum VERBO Incarnato, Sacramenta, (præsertim) Eucharistiæ. Item Sacrificium, atque Sacerdotium illi respondens. Influxus meritorum Christi in opera nostra, quo ea dignificantur longè illustrius, quàm in puræ innocentia

statu quæ omnia in hoc statu habemus nos propter merita Redemptoris nostri.

O Redemptor dulcissime: gratias tibi agimus quantas possumus, pro paterna tua erga nos Providentia: quâ felicitatem statûs Innocentiæ supple nobis abundantâ copiosæ Redemptionis atque Gratia Tuæ Divinæ, quam nobis communicas. Melius est Domine tecum vivere in statu certaminis, quàm sinè te in statu pacis. Pax enim sinè te, uno in die perit: certamen autem cui Tu assistis tuâ gratiâ, obtinebit pacem sempiternam.

Hactenus ex Ludovico de Ponte. Quibus addo pauca, pariter ex optimo scriptore ad idem propositum.

*Nervemb.
in Theo-
pol. Par-
te 1. lib. 1.
Cap. 9.*

Quæ major Dei gloria, quàm autoritas misericordiæ stupenda, & autentica illa demonstratio bonitatis suæ, quæ inimicis non solum pepercerit, sed propter illos proprio non pepercit Filio? quæ major honorificentia nostri generis, quàm congenerê habere Deum, & collegam laborum? Omnia hæc feliciora sunt quàm antea. Ingemunt multi nostræ conditionis miseriam, clamant, accusant Adamum, propè est ut maledicant, cupidi alterius statûs. Nescio an hoc sit aliqua Christi oblivio. Ego valde lætor, & exulto cum Iesv meo, cum hoc statu miseriæ, sed gratiæ. Si eligendi alterutrum mihi præstaretur optio, hunc tristem (excepto peccato) non aspernarer quia felicissimum cum fraternitate Iesv, cum Gratia ejus cum necessitatibus, cum miseriis. Has exosculor, has odoror, has præfero felicitati antiquæ. Nam has sanctificavit Iesvs, has prætulit, quia pertulit. Iam Sanctas illas video. Hæc me similem Deo facient, hæc me exstimulant, & agitant, ut Iesvm cum illis, & in illis inveniam. Locus iste Sanctus est, & porta coeli.

Non est cur jam desicemus miseras istas, & exoptemus impatientibus votis, felicitatem aliam fortasse periculosam. Malo debere salutem Iesv meo, quàm Adamo. Nam debeo certiozem, fortasse majorem. Gratulor, gratulor mihi gratiam Iesv, venerandam etiam Angelis, & propè invidendam. Gratulor mihi vulnera unigeniti Dei, gratulor sanguinem Christi, gratulor patientiam potentissimi, gratulor tot passiones impassibilis, gratulor & meas. Multa sunt quæ me lætificent, si conferam utrumque statum. In illo non deessent peccata, quid juvaret si deessent miseriæ? In hoc non deerit Gratia: quod id impedit quod abundantem necessitates. &c. &c.

M O D V S XCIL

Nonagesimus secundus meditandi Passionem Domini nostri Modus esse potest, tanquam quiddam Christo Deo Gloriosissimum atque omnino dignissimum, idque in ipsa sua indignitate & enormitate. Novimus ab Apostolo Paulo notatum esse triplex Iudicium de Christi Passione, Cruce, & Morte. nempe quod *Iudæis* quidem sit scandalum, *Gentibus* seu infidelibus gentilibus *stultitia*, *Electis* autem & credentibus, *Dei virtus atque Sapientia*; assignatq; rationem, non minus veram, quam miram, dicens: *quia quod stultum est Dei, sapientius est hominibus: & quod infirmum est Dei, fortius est hominibus.*

Expendit hoc argumentum præclarâ & oratione, & pietate citatus proximè Ioannes Eusebius Nerembergus, propterea ejusdem verbis hunc meditandi Modum hic exponam, abbreviatis tamen, vitandæ longitudinis causâ.

Quod Gentibus stultitia est, visum Iudæis scandalum: Deum-Hominem mortuum fuisse, laboribus saginatum, & per totius Patientiæ pericula commendatum, hoc summa sapientia est, & decentissimum Deo. Cyrillus Jerosolymitanus non solam gloriosam dixit Crucem Christo Jesu, sed gloriationem gloriationum. Inprimis allego privilegiariam Amoris legem, per quam nihil vilescit, quidquid amore fit, etiam vilissimum: commendare charitate omnem humilitatem, juvat addere christianam Balduini sententiam. Judas vel Judæus Christum morti tradidit, & hoc ex malignitate; tradidit Pater Filiū, & Filius se ipsum, & hoc ex charitate. Nec traditionis est rea Charitas, sed innocens est etiam in morte Christi. Soli enim charitati licet, quidquid libet, & impune: sola Deum cogere potest, quasi imperiosa. Hæc de coelo Deum deposuit, hæc in Cruce posuit, hæc tam innocenter quàm salubriter sanguinem Christi fudit in remissionem peccatorum.] Ergo si amare dignum est Deo, nihil indignum erit quod amatorio impetu fecerit: quanto magis pati, quod ipsum Amorem maxime commendat. Tam abest, ut Patientia majestate IESU indigna sit, ut non solum eam suus Amor commendet, qui commendat etiam vilia, & abjecta, sed ipsa commendet Amorem omnia commendantem.

Satis jam Actiones Divinæ fidem Amoris præstiterunt. Oportebat per omne periculum explorari, scilicet per Passiones. *Quia nos videlicet* (verba sunt Gregorii) *minus amaret, nisi & vulnera nostra*

Eus. Neremb. in Theopol. Parte 1. lib. 2. Cap. 27.

suscep.

„ susciperet : nec vim nobis sue dilectionis ostenderet, nisi hoc quod à nobis
 „ tolleret, ad tempus ipse sustineret. Passibiles quippe mortalesq; nos repe-
 „ rit, & qui nos existere fecit ex nihilo, revocare videli. et etiam sine sua
 „ morte posset à Passione. Nos itaque quia àmati à Deo vulneravimus
 „ eum, ideo ut vulnera sui Amoris per vulnera sui Corporis significa-
 „ ret ipse Iesus dulcissime affatur Animam: *vulnerasti cor meum So-
 „ ror mea sponsa, vulnerasti cor meum.*

„ Deinde non indigna est Divinitate tolerantia. allego sensum na-
 „ turæ, & ipsorum Ethnicorum suffragium. qui cum filium aliquem
 „ Dei suum Herculem ad exemplar virtutis proposuissent, laboribus
 „ etiam exornarunt, & omni consecrarunt patientiâ. Hujus gloriati
 „ lego ab Ethnicis commendatam, & per ignominiam Crucis. de qua
 „ Lucius Florus, Reguli mortem narrans sic loquitur. *Nec ultimo sive*
 „ *carceris, sive Crucis supplicio deformata majestas, imò his omnibus admi-*
 „ *rabilior, quid aliud quam victus de victoribus, quia Carthago non cessa-*
 „ *rat, de fortuna triumphavit?* Hæc Ethnicus de Patientia Hominis;
 „ quantum gloriabitur Christianus de Patientia Dei? dicam cum Am-
 „ brobio. *Decora facies quæ non erubescit auctorem : quæ non confundi-*
 „ *tur Redemptore.* Dicam cum Tertulliano. *Quodcumque Deo indi-*
 „ *gnum est, mihi expedit, salvus sum, si non confundar de Domino meo. Qui*
 „ *me (inquit) confusus fuerit, confundar & ego cum.* *Alias non invenio*
 „ *materias confusionis, quæ me per contemptum ruboris prodeunt bene impu-*
 „ *dentem & feliciter stultum.* *Natus est Dei Filius : non pudet, quia puden-*
 „ *dum est. Et mortuus est Dei filius : prorsus credibile quia ineptum est : &*
 „ *sepultus resurrexit, certum est, quia impossibile est.* Dicam denique cum
 „ eodem, humilitates & passiones Jesu, *necessarium decus fidei.*

„ Cæterum & fidem Majestatis tanta humilitas præstat. Non habet
 „ Deus suum honorem leviter sibi adhærentem ut facile excidat : innæ-
 „ ta est illi Majestas, secunda periclitari se potest, & tuta, & tota, & ma-
 „ gnificè demittere. Ille enim qui non duxit rapinam æqualitatem Pa-
 „ tris (etenim re verâ & legitimâ, & naturali hæreditate æqualis erat)
 „ securè potuit semetipsum exinanire. Non enim rapuerat gloriam
 „ (ait Theophylactus) ut timeret de illa excidere : & propterea non de-
 „ dignatur humile quidquam facere : qui generosi non sunt, quod glo-
 „ riam rapiant, nolunt ullo modo humiliari, ut non perdant quod ra-
 „ puerunt. At omnium Rex erat Christus & Dei Filius. *Hæc summa*
 „ *magnitudinis servitus est, non posse fieri minorem.* dixit Seneca.

„ Decebat etiam Magnum illum Dominum Majestatis exhiberi mi-
 „ nimum,

Ambr.
 Ser. 6.
 Tertul.
 l. de Car-
 ne Chri-
 sti. C. 5.

nimum, & sapientia præceptum saluti accipiet. *Quanto magis es
humilitate in omnibus. Inguillimè vaiduinus. Secundum Magni-
tudinem dignitatis, æqua est mensura humilitatis, humilitas in honore,
honor est ipsius Honoris, & Dignitas Dignitatis. Omnis Dignitas ipso no-
mine Dignitatis indigna est, si humilitate dignetur. Humilitas autem si-
nè honore, ipsa sibi sufficit ad honorem. Honor verò sinè humilitate sese
perdit ad confusione. Augustinus, nullam ignominiam Patientie injus-
tam esse, imo gloriosissimum est indigne pati. Quanto turpius est
ob peccata mereri supplicium, tanto gloriosius sinè peccato ferre:
quid erit si non sit peccatum, maxime si nec alienum. Hic totus est
Pudor Crucis Christi, scilicet Gloria est.*

Præterea, Opera Dei imperfecta non sunt, depressit se ad Humilita-
tem nostram, ad exemplum; ad redemptionem, exactè debuit face-
re quidquid fecit: Voluit pati: debuit exactè pati: id est, non mi-
nus quàm ullus, id est, plus omnibus. Voluit mori: debuit exactè
mori, morte (ut sic dicam) mortalissimâ. Voluit humiliari: debuit
exactè humiliari, debuit magnanimiter, debuit ad extremam lineam:
voluit egere: debuit exactè egere, id est nihil habere. Propterea tan-
to voluit contemptui haberi, & execrandus judicari, ut (quemadmo-
dum Anselmus ait) nec mori dignus haberetur intra aliquam hominum
habitationem, neque inter homines, nisi inter execrabiles. Neque sub te-
sto aliquo, nisi sub cælo, de quo ejici non potuit, ut secundum Prophetam
opprobrium hominum & abjectio plebis estimaretur. Denique si decens
Deo fuit, Deum fieri hominem, decuit sic fieri hominem, ut minus
homine videretur. Sunt enim Divina opera eximia, & in humilibus
etiam magnifica, & quodam infinitatis odore illimitata.

Multæ aliæ causæ fuerunt, quæ sic Iesum meum exigebant: Conso-
latio nostræ miseriæ. Exemplum virtutum ipsius. Demonstratio
gravitatis peccati. Commendatio Divinæ gloriæ. Necessitas humi-
litis nostræ. Et denique Doctrina vitæ. Doctrina mortis. Omnia
gravia vitæ, consortio Iesv patientis dulcescunt, non minus quàm
aquæ amaræ per lignum.

Plurimum quoque juvant Passio & Exempla Iesv, nostro corpori
executiendo, & animi sterilitati fecundanda.

Porro ad omnium malorum durissimam mortem tolerandum,
quanta consolatio est exemplum Christi mortalissimè morientis, cum
Passus sit pro nobis, vobis relinquens exemplum ut sequamini vestigia ejus.
Devotè & sublimiter Balduinus exclamat. *Orem mirandam & su-*

pendam ! inde obligamur usque ad mortem obnoxii, unde per mortem dimittimur à morte liberi: inde mortis debitum contrahitur, unde mortis debitum absolvitur. Iam ergo ex nova causâ mortis debitores sumus, quamvis ex veteri culpa, nihilominus ex nova gratiâ. Sed mors peccatorum pessima: debita poenæ est quadam exsolutio: sic tamen ut ingratiitudinis nulla sequatur absolutio: preciosa verò Mors Sancto-
rum, quæ per mortem Christi est quadam gratiarum actio & vicissi-
tudinis nonnulla similitudo. Hæc autem est similitudo, obedientiâ usque ad mortem.

Vbi autem fecundiori fructu Charitas, quàm ad præsentiam tan-
tæ charitatis Iesv, tot laboribus, humiliationibus, passionibus, & mor-
te ipsâ, authenticæ, & probatissimæ? velut enim palmæ, & non-
nullæ arbores ad præsentiam alterius fecundantur, & inclinantur ad
sociam: sic nostrum Amorem trahit Charitas Iesv ex arbore Crucis.
Ipse dixit. *Si exaltatus fuero à terra, omnia traham ad me ipsum.*

Quid dicam, quantum compendio deliciarum, strangulationi (ut
sic dicam) elationis, & in summa, correctioni pravarum omnium
affectionum faciant dolores Iesv, & humilitates, quarum memoriâ
facilius toleramus adversa, adversamur superbiâ?

Quid dignius Deo quàm dispendium peccatorum, quàm emolu-
mentum virtutum. utrumque aruscium est Passio & Humilitas Ie-
sv. Christus Hostia fuit pro delicto, cuius sanguis per gyrum cordis
nostri, (quod altare divinum est) fusus in ejus Passionis memoriam
dedicat & sanctificat affectus nostros.

Atqui formidinem peccati quid magis commendare potuit, quàm
ita pro alieno affligi innocentissimum Dei Filium, & Dominum Ma-
jestatis? Idem dico de magnitudine gloriæ, quam nobis tanto emit
ejus Dominus. Majestas divinarum perfectionum, & attributorum,
ubi dignijs patefacta? ubi Misericordia? ubi Iustitia augustius ma-
nifestatæ? Namque ut nostri miseretur Filius Dei, suæ vitæ non
pepercit: & Pater non derogaret Iustitiæ suæ, non pepercit Charissimi
Filii vitæ. Vbi Sapientia emicuit altior quàm in hoc fœdere miseri-
cordiæ & Iustitiæ? Vbi Patientia Dei fortior, quàm per infirmita-
tem omnipotens. Optimè dixit Augustinus, ejus infirmitatem ex
potestate esse. Vbi major Doctrina vitæ, quàm ex morte ipsius vitæ
per omnium rerum contemptum, & penuriam?

Immensum esset gloriam Humilitatis Iesv & fructus Passionis ipsi-
us enumerare. Patet omnibus convenientia tanti Sacramenti Deo
indi

Indignissimi. Experientia jam probavit gloriosissimum, cum Passioni Iesu cultus & noticia Dei debeat. Christi Crux super Imperatorum capita, ad Majestatis signum gestatur. Super omnem mundi gloriam hoc signum exaltatum est, ut verè juxta Maiaz dictum. *Super montem caliginosum signum levatum sit.*

Hucusque Eusebius: dignè satis de Dignitate Dominicæ Passionis.

M O D V S XCIII.

Nonagesimus tertius Modus meditandi Passionem Domini est; secundum fines, atque usus, & fructus, ex eadem Passione meditando, ac deinde utendo decerpandos; ita verò decerpandos, ut ipse homo totus quàm maximè in Christum Passum vivaciter transformetur, corde, affectu, vitâ, moribus, animo, sensuque omni. Enumerabo, & enarrabo hos fines, usus, affectusque verbis Seraphici Doctoris, tali siquidem lingua opus est, ad ista secreta, & scrutanda, & narranda.

Circa Passionem Domini Iesu, sic potest se homo habere, ut consideret eam. Primò ad imitandum. Secundò, ad compatiendum. Tertiò, ad admirandum. Quartò, ad exultandum. Quintò, ad resolvendum. Sextò, ad quiescendum.

Primò igitur eam consideret *admirandum*. Hæc enim est summa & perfectissima Christi imitatio: hæc est summa & perfectissima vita: hæc est summa & perfecta Religio, & Religiosa Perfectio: hæc est regula & exemplar omnis vitæ, perfectionis, & virtutis, scilicet Christi imitari in Passione, & morte. Sit ergo regula nostra vivendi, Passio Salvatoris; & tantò amplius in hoc consolemur, quantò amplius Christo Passio conformamur: & tantò amplius desolemur, quantò ab hoc exemplari & regula amplius elongamur. Semper ergo quantum in nobis est velimus ab omnibus conculcari, dejici, vilipendi, illudi, persecutionem pati, flagellari, & in Divinis obsequiis ab omnibus exprobari. Simus nudi cum eo nudo, & nihil penitus cupimus habere; imò aliquid habere, sit nobis gravissima poena, & dolor immensus, nihil autem habere plena exultatio. Abhorreamus dulcia & delectabilia degustare, & potius velimus vilibus & amaris cibari, & desideremus ut quælibet cibaria felleum nobis potius quàm melleum afferant saporem, quia ipse Christus felle & aceto fuit potatus. Et ut breviter dicam: Consideremus quæ pro nobis sustinuit,

*Bondv.
in stimu-
lo Ame-
ris Par-
te 1. C.4.*

qualiter in Passionibus se habuit, & pro modulo nostro, conformemus nos eidem.

Secundò. Debet Passionem Domini Homo considerare *ad compatiendum*. Debemus enim considerare ipsius flagella, illusiones, & opprobria, & in corde nostro ruminare, & imaginari quanta ibi fuit dejectio & contemptus erga Dominum nostrum IESVM Christum. quantus dolor, quantaue afflictio in corde, & corpore, & ratione Passionis, & compassionis pro peccatis nostris fuit. Consideremus ergo quantà tunc amaritudine repletus erat, qui Angelorum dulcedo erat, quantumque gravabat eum, non tantum poenae illatio, & nostra ingratitudo, sed & Matris assistentis afflictio, quam sic diligebat, & quasi deficere prae compassionis dolore videbat. Ibi Filius crucifigebatur cum Matre, & propter mutuam, & intensam dilectionem, ex compassionē mutua, erat nimia affectio utriusque, & maxime cum pro invicem paterentur. Sciebat Mater quod Filius patiebatur pro ipsa, sicut pro reliquis redimendis; sciebat Filius, & certissime scrutabatur, quod suus gladius ex compassione, Matris Animam pertransibat. Unde Passio filii, erat Passio Matris. Eja ergo Christiane, hae verte, & converte in corde tuo; & totum cor reple convitiis illis, & poenis, videns Dominum tuum, & sponsum tuum, pro te talia sustinere. Si enim per Amorem ei bene unitus fueris, tunc compatieris eadem: si autem non sentis dolorem Capitis, quomodo es unum cum ipso? Et si plus est compatiendum Capiti, quam ceteris membris; sic magis sine comparatione ipsi compati debemus plus, quam quantumcunque dilecto Filio, vel amico, imò plus quam tibi ipsi, si omnia praedicta patereris. Nunc ergo charissimi, felle, & absinthio, atque myrrhâ inebriemur: & solum ejus vulnera sentiamus, transfigant cordis nostri intima, ejus convitia, flagella, vulnera, nec in nobis sit, quod non perfundatur compassionis dolore, & affligatur intense.

Tertiò. Consideremus Domini Passionem *ad admirandum*. Si enim consideremus, Quis? Quæ? Pro quibus? Passus est, multum mirari debemus. Quis? Scilicet Dei Filius verus, summe potens, sapiens, & bonus. Et simpliciter, quidquid ei nobilitatis attribueris, nihil est adhuc respectu magnitudinis suae. Omnia quantumcunque bona sint, & magna, sunt sicut quaedam favilla, imò quaedam vanitas in comparatione ipsius. Sed, Quæ Passus est? Peregrinationem, fugas, sitim, famem, calorem, frigus, tentationem, horrores, persecutiones, observationes, sputa, opprobria, vincula, flagella, illusiones, dolo-

dolores, & plagas, & vulnera. Conspicitur enim Gloria, condemna-
tur Iustitia, Iudex iudicatur. Crimine careus inculpatur, Innocens
infamatur, Deus blasphematur, Christus conculcatur, occiditur vita,
obscuratur Sol, Luna denigratur, Sidera disperguntur, & hæc omnia
tolerat patienter, ut agnus, cum solo nutu posset demergere omnem
creaturam, in profundum inferni. Sed pro quibus hæc patitur? pro
nequissimis mancipiis, pro sceleratissimis inimicis, imò pro diabolicis
viris, & per imitationem diaboli filiis: pro contemptoribus Divinæ
Majestatis, & Divinæ Bonitatis ingratis. Ergo talis, ac tantus, talia,
& tanta, pro tam vilissimis, & abjectissimis Passus est. Sed à Quibus?
À specialiter dilectis, & aliis prælectis, quibus omnem benignitatem
ostendit: à vilissimis Maximus: à stultis Sapientissimus, quia Dei vir-
tus & sapientia: ab impiis summè Pius: à sanie foedissima splendor
æternus. In his ergo omnibus in Divinæ benignitatis & largitatis ad-
mirationem elevemur.

Quartò. Consideremus Passionem Domini *ad Exultandum*.
Exultare in ea debemus de Redemptione humana, restauratione An-
gelicâ, & clementiâ Divinâ. De Redemptiōe humana sinè dubio
nimis exultare debemus, facta per Christi Passionem & mortem. Quis
quæso non exulter, cum cernit se ipsum per hanc beatissimam Passio-
nem liberatum, à damnatione æterna, à culpæ ignominia, à potestate
diabolica. Sed quis non exulter in immensum, dum cernit Deum,
in tantum ipsum diligere, ut tantæ vilitati, & poenalitati se subjecerit
pro ipso? Non quòd gaudeat de ejus vilitate, & Passione, dico: sed
de ejus effectū, & affectu, & amoris manifestatione. Quis Princeps
cernens tantum se à Rege suo diligī, ut paratus esset mori pro ipso, non
exultaret? quanto magis nos vilissimi homines, & nefandissimi pec-
catores, & servi exultare debemus, cum videmus Regem Regum, &
Dominum Dominantium, & Creatorem nostrum IESUM Christum,
nos ita continuè diligere, ut immolaverit seipsum pro nobis, in tam
turpi & vilissima morte? Plus enim sinè comparatione nos diligit,
quàm nosmet ipsi, nosmet ipsos.

Gaudeamus etiam & exultemus: quòd per Christi Passionem re-
staurata est Angelica ruina. Magna jucunditas debet esse nobis, cum
videmus per Christi mortem tam nobile Collegium reparari de no-
bis, ut fiat unum ovile, & unus Pastor, & simus unum in uno. In hoc
enim debet tota cælestis curia, & etiam militans Ecclesia gratulari.
O certè amabilis & venerabilis Passio Salvatoris, quæ sic disjuncta con-

jugis, & tam sequestrata conglutinas, & unis firmissimè infimul,
 stringisque vinculo consummati amoris & felicitati gaudi sempiterni
 Præcipuè autem gaudere & exultare debemus, cernentes in supra di-
 ctis omnibus summam clementiam Domini, Dei que nostri Iesv Chri-
 sti. Hæc puto, summam esse gloriam bonorum, tam hominum,
 quàm etiam Angelorum, quantò intimiùs & profundiùs contemplan-
 tur clementiam, & benevolentiam Dei, & immensitatem Bonitatis
 ejus. Et hæc debet esse cujuslibet contemplantis exultatio medulla-
 ris. Sed ubi quæso magis apparet diffusio bonitatis Divinæ, & beni-
 gnissimæ clementiæ, dulcissimi & amantissimi Dei, & Domini nostri
 Iesv Christi, quàm in Passione sua? ubi talia, tanta, tam turpia, &
 gravia sustinere voluit, pro inimico suo liberando, & glorificando,
 & pro vanitate quadam digna morte æternâ. In istud gaudium intret
 homo, & reficiatur magnificentia benignitatis Divinæ. Accedat ho-
 mo ad cor altum, & in corde suo exaltetur excellentissima, & inenar-
 rabilis Clementia Christi Passi.

Quintò etiam consideremus hanc beatissimam Christi Passionem
ad cordium nostrorum resolutionem, & etiam perfectam transformatio-
nem in ipsum, quod fit, quando non solum imitatur, compatitur, ad-
 miratur, exultat, sed etiam totus homo convertitur in Dominum no-
 strum Iesvm Christum, Crucifixum, ut jam quasi ubique & semper
 Crucifixus sibi occurat. Imò tunc verè de in ipsum resolvitur homo,
 quando exiens ex se, & superpositus universis, imò super se abstractus
 ab omnibus, totus est conversus in Dominum suum Passum: ut nihil
 videat aut sentiat intra se ipsum, nisi Christum Crucifixum, illulum,
 exprobratum, & Passum pro nobis.

Sextò. Consideremus eandem vilissimam Christi Passionem *ad*
quietem dulcoris interni, quod fit quando resolutus homo, (ut dixi) si-
 tibundus eandem Passionem ruminare non cessat: & intrans secun-
 dum posse suum illum Passionis thesaurum, humiliter & devotè li-
 quescit amore devoto, & feruidâ devotione, vel dilectione, deficit à
 se, & requiescit in Christo Crucifixo. Sed quantò ei plus inhaeret,
 eumque sequitur, tantò amplius devotissimo amore in se deficit, & li-
 quescit & quantò plus deficit à se devotione & amore, tantò plus ei-
 dem dilecto pro se mortuo inhaeret & plus requiescit in eo. Et sic mu-
 tuo se augent adhesio amoris & devotio: donec tota sponsa absorbea-
 tur ab illo camino ignito Amoris Passionis dilecti. Sic in amplexibus
 sponsi amorata quiescit, qui clamat & dicit. Adiuro vos Filix Hie-
 rusalem,

Totalem, ne fufciteris, neque evigilare faciat dilectam, donec ipsa
 velit.

Sic ergo circa Dominicam Passionem debet esse Imitatio ad fuf-
 gationem mentis, & dilectionem. Compaffio ad unionem & amo-
 rem. Admiratio ad mentis elevationem. Gaudium & Exultatio ad
 Cordis dilatationem. Resolutio ad perfectam Conformationem.
 Quies & faufatio ad Devotionis compositionem.] Hæc Seraphicus
 Doctor cujus sex confiderationibus addere libet, ex Divò Auguftino
 feptimam, quâ ille devotiffimè contemplatus eft, infignem atque adeò
 principalem Paſſionis atque Incarnationis Dominicæ & effectum, &
 fructum. Nimirum confiderandum eſſe Paſſionem Domini noſtri,
 ipſumque Paſſum DEVM & Hominem, ad fruendum DEO, & ad af-
 ſurgendum ad hoc opus per depreſſionem tumoris noſtri, ſub infirma
 Divinitate, quæ aſſurgens nos proſtratos ſublevet. Verba Auguſtini
 dulcius & plenius ſenſum explicabunt, quæ appono. Sic igitur ille.

Quærebam viam comparandi roboris, quod eſſet idoneum ad fru-
 endum te, Deus meus: nec inveniebam donec amplecterer mediato-
 rem Dei & Homini, Hominem Chriſtum Jeſum (qui eſt ſuper omnia
 Deus benedictus in ſæcula) vocantem, & dicentem. Ego ſum via, veri-
 tas, & vita. Et cibum cui capiendo invalidus eram, miſcentem car-
 ni: quoniam VERBUM Caro factum eſt: ut infantia noſtræ lacteſce-
 ret ſapientia tua, per quam creavi omnia. Non enim tenebam Domi-
 num meum Jeſum Chriſtum humilis humilem, neque cujus rei ma-
 gis eſſet ejus infirmitas, noveram. Verbum enim tuum Æterna
 veritas, ſuperioribus creaturæ tuæ partibus ſuperveniens, ſubditos eri-
 git ad ſe ipſam: in inferioribus autem ædificavit ſibi humilem domum
 de limo noſtro, per quam ſubdendos deprimeret à ſe ipſis, & ad ſe tra-
 jiceret, ſanans tumorem, & nutriens amorem: ne fiducia ſui progred-
 erentur longius, ſed potius infirmarentur, videntes ante pedes ſuos
 infirmam Divinitatem; ex participatione tunice pelliceæ noſtræ, &
 laſſi proſtrernerentur in eam, illa autem ſurgens levaret eos.] Et reve-
 ra ſic factum eſt, ſic fit, ſic fiet, uſque ad ſæculi finem, cum credenti-
 bus in Chriſtum, & agnoſcentibus humilitatem ejus in Incarnatione,
 in vita, ſeu converſatione, in Paſſione, atque morte, quâ mortuus eſt
 propter peccata noſtra, reſurrexit autem propter Juſtificationem no-
 ſtram; & ſic ſurgens levavit nos: quia Chriſto reſurgente conſurgi-
 mus cum ipſo, & jam quæ ſuſum ſunt quaerimus, ubi Chriſtus eſt ad
 dexteram Dei ſedens: quæ ſuſum ſunt ſapimus, non quæ ſuper terram.

Ita

Aug.
 lib. 7.
 Confefſ.
 C. 18.

Aug. Cō. 1. in Psal. 33. Ita ergo Dominus nollet, viam fecit nobis per humilitatem, qui recesseramus à Deo per superbiam, & redire ad eum, nisi per humilitatem non poteramus, quem autem nobis preponeremus ad imitandum non habebamus. Omnis enim mortalitas hominum superbiâ tumuerat, & si fortè existeret aliquis vir in Spiritu humilis (sicut erant Prophete & Patriarche) dedignabatur genus humanum imitari homines humiles. Ne ergo dedignaretur homo imitari hominem humilem, quem imitando reverti posset ad Deum, Deus factus est humilis, ut vel sic superbia generis humani non dedignaretur sequi vestigia humilis Dei.

Cæterum discursus hic de Dominica Passione, erudire potest imò & debet, unumquemque Christi fidelem imitorem, ut in studio imitationis & in cultu virtutum, non per infima serpat, sed quantumcumque Dei auxilio prævalet, ad summa in omnibus exercitiis suis cōtendere & gloriosus in illis coram cælo & Deo apparere ac eminere satagat. Humilis quis esse vult: in vera, & interna humilitate, per insignes humiliações atque vilificationes ad summam & ipsi cælo mirandam evadere atque sedem figere studeat. Pãtiens quis esse cupit, per omnem patientiæ messem innocentèr, patienter, pacatè, hilariter, delectabiliter, cum fame & siti amplius ampliusque pro Deo, & Christo ejus patiendi, usque ad consortium Crucis Dominicæ enitatur. Mundi cōtemptor, ac rerum egens esse sitit: ad eum gradû evolet, in quo Christum constituisse novit: ut non habeat in terra, quantum in ipso & ejus statu situm est, ubi caput reclinet suum: sitque illi summa & plena egestas ac nuditas cum Christo: præ omnibus universi Mundi opibus & commodis.

M O D V S X C I V.

Nonagesimus quartus Passionem Domini meditandi Modus esse potest, apprehendendo sive per Imaginationem, sive per Intellectum, atque etiam voluntatem, Passiones Christi, earumque merita, & eadem applicando ad Animas nostras, easque iisdem Domini meritis quàm copiosissimè locupletando. Desumam, & exponam Modum hunc, ex quodam Tractatu meo Spirituali.

[Docuit nos Modum hunc Passionem Domini, ejusque merita tractandi, ac nostris Animabus applicandi, illasque opibus Christi Passiōitandi, ipsemet Spiritus Sanctus in scripturis suis, & quidem satis frequenter. Isaias Propheta concinuit promittendo, ac simul provocando. *Haurietis aquas in gaudio de fontibus Salvatoris.* Idem loquitur Zacha-

Zachari
rusalem,
fontes Sa
lutionis &
Sacrāmē
tiū mīn
peccatorū
& Lege
Hanc
nem seu
lypli, p
laverunt
dicit: B
in ligno
redemp
do ait:
cantile
omnibus
corrupti
satione p
Sincon
Hæc
tem, vu
prehens
Animar
re. v. g
Cogn
ritus esse
Paraly
omnis
totā ca
tor fau
ris ac vi
rum in
substan
meam.
Pari
fecund

Zacharias. *In die illa erit fons patens domui David, & habitantibus Ierusalem, in ablutionem peccatoris, & menstruata.* Qui namque sunt illi fontes Salvatoris patentes ad ablutionem, aut quæ aliæ aquæ, nisi Passiones & vulnera, nisi sanguinis & mortis merita Jesu Christi? quæ in Sacramentis ejus deposita, inde hauriuntur ab Animabus nostris, partim ministerio Ecclesiæ, partim devotione cujusque fidelis: sive is sit peccator poenitens, sive etiam lusus proficiens, atque Perfectus in via & Lege Domini.

Hanc ipsam de Sanguine ac Meritis Passionis Christi Meditationem seu Imaginationem, usurpat sæpius Beatus Joannes in sua Apocalypsi, partim cum ait: *Hi sunt qui venerunt de tribulatione magna, & laverunt stolas suas, & dealbaverunt eas in sanguine Agni:* partim cum dicit: *Beati qui lavant stolas suas in sanguine Agni, ut sit potestas eorum in ligno vite.* &c. Qui idem Apostolus alio loco vocat, nomine pretii redemptionis nostræ sanguinem atque Passionem Jesu Christi: quando ait: *Redemisti nos Deo in sanguine tuo: consonè ad illam Davidis cantilenam. Copiosa apud Deum redemptio, & ipse redemit Israël, ex omnibus iniquitatibus ejus: tum & phrasi Apostolicæ: scientes quòd non corruptibilibus: auro, vel argento, redempti estis, de vana vestra conversione paterna traditionis, sed pretioso sanguine, quasi Agni immaculati, & incontaminati.*

Hæc num ita sint licebit consimili ratione nobis Passionem, Mortem, vulnera, sanguinem, Meritaque Christi Domini meditari, & apprehendere, & usurpare, inque Profectum nostrum spirituale, & Animarum nostrarum coram Deo ditationem, ornatumque convettere. v. g.

Cogitans & Animo meo statuens Christum cum suæ Passionis meritis esse Fontem limpidissimum, & simul largifluentissimum, instar Paradyfici, manantis aquas salutis & sanctitatis, & beatæ vitæ, & omnis gratiæ, virtutis, atque Perfectionis, seu Participationis Divinæ, totâ capacitatem Animæ, imò universæ substantiæ meæ, ejusdemque, tot faucibus, quot partibus, imò atomis, per omnia instantia temporis ac vitæ meæ bibam, hauriam, derivabo, & deducam aquas meritorum in Christo contentorum, in cor, mentem, voluntatem, Animam, substantiamque meam, & iis replebo totam entitativam capacitatem meam.

Pari ratione cogitans Christum esse vitem unam speciosissimam & fecundissimam, faciam me totum, quantusquantus sum in omnibus,

H h h

parti-

Zach. 13.

1.

Apoc. 7.

14.

Apoc. 22.

14.

Apoc. 5.

9.

Ps. 129.

7.

1. Petri

1. 18.

particulis atque atomis meis, in omnibus quoque actionibus & passionibus, seu mutationibus meis, veluti multiplicem palmitem, atque etiam botris quarumlibet actionum mearum oblitum; sicque ex Christo, & ex ejus meritis humorem omnigenae sanctitatis, perfectonis, & gratiae traham, & botros operum fecundos, turgidosque pretioso Christi sanguinis vino faciam, ac tales gustui, menti, cellis vinariis Sanctissimae Trinitatis, & Christi, & totius coelestis curiae adferam, inferam, offeram, & propinabo, in omnemque aeternitatem recondam, seu reservabo.

Simili modo cogitans Christum esse Balneum quoddam, seu Thermas salubritatem omnem scaturientes, quarum efficacitate, & a sordibus abluamur, & morbositatem omnem depellamus, & omni puritate ac decore ornemur, & omnia opera nostra tum purificentur, tum sublimentur quotidie, saepiusque in die, quin & in singulis (quoad huius vitae fragilitas) inspirationibus, & commotionibus, ac momentis. Totum me, totamque substantiam, & entitatem meam, actionumque mearum, iniciam in balneum hoc sacratissimum, & in eo me, meaque omnia abluam, purificabo, emundabo, sublimabo, & ornam. Nunquam penitus ex hoc pretioso dolorum, vulnere, sanguinis, meritorumque Christi balneo egrediens, nunquam me ab eo desiccans, sed semper in eo ad instar pisciculi in mari innatans.

Cogitans item Christum ejusque Passionem esse immensam quandam inexhaustamque aurifodinam, pretioso & incorruptibili auro refertissimam, & quemadmodum omnibus, ita & mihi pauperculo expositam, atque ad eruendum omnimodas auri coelestis opes liberaliter concessam: ponam adificiolum meum in hac fodina, & omnia scriniola, omnes sarcinas substantiae meae, mearumque vitium, potentiarum, articulorum, actionum, & alterationum, volitionum, desideriorum, necessitatum, capacitarum, & possibilitatum perpetuo implebo, cumulabo, infarciam, iterum iterumque. Indubitatum est enim: totum Christum, omnes ejus particulas, omnes potentias, omnes actiones, omnes passionibus, omnes atomos ejus, fodinas esse, omnes item ejus vitae minutissimas minutias, omnes dolorum, passionumque indivisibiles, esse abyssos divitiarum salutarium, caelestium, divinarumque. Omnis enim plenitudo latet & scatet in eo, ita ut ex una Christi Passionum (v.g.) atomo, liceat abyssos thesaurorum eruere, & promere, gratiarum virtutum, perfectionum, donorum, meritorum, sanctitatum, beatitudinum. Dummodo (mi homo) in quo haurias habebas

habes autem si te ipsum habes. Si inquam te ipsum in Christi tibi datum & donatum, & in possessionem omnimodam traditi, usum, fruitionem, possessionemque convertere nolis, & noscendo ad realem usum minime pigrescis.

Eadem ratione cogitare licet Dominum Jesum Christum Passum, ejusque Passionem, ac Passionis merita, esse velut universitatem officinarum rebus ad usum humanum necessariis refertissimarum. Hic Armamentarium, hic Apotheca, hic Vestiarium, hic Bibliotheca, hic Gazophylacium, hic cella penularum, atque vinaria, hic omnium artificiorum collegia, hic arsenal navibus in portum eternitatis beatæ advehtis redundans, hic denique promptuaria eructantia ex hoc in illud, nec non omne bonorum genus coacervatum, repositumque, ac simul omnibus, uti, capereque in rem suam volentibus, expositum. Solus ergo restat hauriendi, & in usum derivandi, utendi que labor. Qui ipse labor, sine labore est, cum in sola voluntate libera, in solo desiderio, in sola intentione, atque cupiditate nostra propemodum, principaliter certe consistat: adeo ut quantum desideras, quantum desideria, intentiones, cupiditates, vota que tua dilatas, tantum capias, & adhuc infinities infinita super sint, quæ si velis, si vellevelis, eo ipso capias. Itaque hic mihi tantum licet, quantum libet. Hic non duplicibus, sed millecuplicibus quotidie mutatoriis vestiri, induique possum: desumendo mihi vestimenta Christi meritorum, virtutum, gratiarum. Idem dico de omni armatura fortium, quæ in Christo omnis est, pendentibus ex eo non mille clypeis, sed mille millibus clypeorum. Idem dico de medicinali Apotheca: quæ hic ad omnes morbos sanandos, ad omnes sanitates tuendas abundat, & patet assiduò. Idem dico de Gazophylacio, in quo omnes thesauri, non uni tantum homini, sed universo generi humano ditando superabundantissime sufficientes. Dico item de promptuariis cellis refertissimis omni omnino alimoniarum, deliciarumque spiritualis, atque cælestis genere, quoniam usque ad delicias, usque ad beatitudines amamur. Sed horum in enarrando finis nullus esset: utinam usus ipsius, atque fruitionis, nullus quoque finis, nullus modus, nullus terminus, sit apud nostras Animas, Mentis, Corda, voluntates.

Ut igitur paucis multa complectar, satis habebò recensere catalogum eorum, quæ in Christo Domino, potissimum Passo, habemus bonorum, nobis non minus necessariorum, quam in eo ad usum nostrum paratissimorum.

Itaque Christus est mihi Deus Creator, ego illius indigentissima creatura. Christus mihi Rex: ego per omnia subditus. Christus meus Dominus supremus, absolutus; ego ejus, servus, mancipium, jumentum. Christus Caput meum, ego membrum ejus. Christus vitis, ego Palmes, Christus Fons, ego rivulus. Christus Cor, ego vena. Christus Artifex, ego instrumentum. Christus Idea, ego opus. Christus Prototypum, ego ad instar. Christus Nutrix, ego lactens. Christus Spiritus, ego corpus. Christus vita, ego vivens. Christus Hortulanus, ego arcola. Christus nubes torida, ego terra sitiens. Christus Cultor, ego vinea. Christus Agricola, ego agellus. Christus Pastor, ego ovicula. Christus Doctor, ego discipulus. Christus Medicus, ego infirmus. Christus Imperator, ego tyro militiæ. Christus Musicus, ego organum. Christus Anima, ego cadaver. Christus Architectus, ego materia. Christus Fundamentum, ego superstructio. Christus Sol, ego aer illunis. Christus Figulus, ego lutum, & figmentum. Christus Dives, ego pauper. Denique Christus totum meum & omnis sufficientia mea: Ego sine illo nihil sum, nihil possum, nihil mereor boni. Aegritudo æterna, miseria infinita, indigentia inexpleta, merum, & purum, in dō & malum nihil.

Hæc omnia Homini Christus, hæc item homo Christo. Gaudeat Homo de se tali qualis est, & de se eo, qui est. Non quia is, & talis est. (hæc enim non gaudii, sed mœroris seges est) sed quia is, & talis cum sit, talem sibi habet Christum: ad omnia infinities diutem, infinities paratum, infinities desiderantem, danda, elargienda, prefundenda, in omnem, & per omnem æternitatem.

M O D V S XCV.

NOnagesimus quintus meditandi Passionem Domini Modus esse potest: eam cum Scala Jacob comparare, sive in ea scalam Jacobo præmonstratam invenire, & per illam post Christum usque ad DEVM ascendere.

In Scala Jacob etsi plura possint considerari: aliqua tamen solum hic attendere sufficiet.

Igitur scala illa uno extremo sui tangebatur terram, altero Cælum. Latera habebat hinc inde duo. Gradibus fuit distincta: Angeli per eos descendebant & ascendebant. Deus in supremo scalæ innitebatur.

Hæc scala per allegoriam designat nobis Incarnationem Verbi, & præsi-

precisus etiam Crucem, atque Passionem Domini nostri, per quam e-
 lus per scalam & ipse ascendit in cælum, testante ipso: *Oportuit Chri-*
stum pati, & ita intrare in gloriam suam. & omnis Christianus post
 ipsum eodem ascendere debet, juxta Domini quoque dictum: *Qui*
vult venire post me, abneget semetipsum, tollat Crucem suam & sequa-
tur me.

Christus igitur Dominus, & Crux, atque Passio, & tota Incarnatio,
 atque illius Oeconomia, Scala est.

Ejus unum extremum terram, alterum verò Cælum tangit, tuta
 quia Christus Homo, Deusque simul est, tum quia ita Verbum descen-
 dit in terram, inque Virginis uterum, ut tamen apud Patrem in sinu
 manserit in Cælo: juxta illud Domini dictum. *Nemo ascendit in ca-*
lum, nisi qui descendit de celo, Filius Hominis qui est in celo. quod Domi-
 nus dixit manens in terra de semetipso, nihilominus, & existente etiam
 in Cælo. Cui consonat & illud: *Unigenitus qui est in sinu Patris: ipse*
narravit Existens & vivens in terris inter homines, ipse enarravit ho-
 minibus Legem vitæ, manens tamen in sinu Patris tanquam Unigeni-
 tus ejus. Adhuc etiam Scala hæc terram & cælum tangit: quia Chri-
 stu, Incarnatione ac Passione suâ, Deum mundo reconciliat, homini-
 bus in terra manentibus cælum reseat, & errantes in desertis oviculas,
 bonus Pastor in Montana super humeros suos assumens deservit.

Lateres Scalæ hujus nostræ duo sunt, inconcussæ ac simul altissimæ
 firmatæ. Divina scilicet Misericordia atque ejusdem Iustitia. Istæ
 enim duæ Dei nostri perfectiones, atque tanquam Patris Cælestis Filix,
 apud Patrem totam scalæ Machinam, totum (inquam) Incarnationis
 opus molitæ, atque architectatæ sunt: tanto Sapientiæ atque Poten-
 tiæ arcano artificioque, ut in summa Misericordia locus esset summæ
 Iustitiæ: & in summa Iustitia esset quoque locus suus, summæ Miseri-
 cordiæ. quando, ita humano generi universo, per omnia calamitate
 perditioneque involuto, remissio peccatorum, & gratiæ, gloriæ, vitæque
 æternæ condonatio piissimâ miseratione, Unigeniti que Dei merito in-
 dulta est, ut tamen Majestatis Dignitatisque Divinæ, ab hominibus læ-
 sâ, jus debitumque summo & exaggerato Iustitiæ rigore, ejusdem Vni-
 geniti Dei sanguine, Cruce, & Morte, ad omnem integritatem sarcire-
 tur. His ergo duobus sulca lateribus Scala ista constitit, & adhuc
 constitit. *Quoniam Misericordia & veritas obviaverunt sibi: Iustitia*
& Pax osculata sunt.

Gradus Scalæ hujus Mysticæ variè distingui, assignarique possunt,

Primo quidem secundum totum Incarnationis, deinde secundum solius Passionis opus.

Totius Incarnationis gradus hi assignari possunt. 1. Prædestinatio & Electio Christi. 2. Promissio illius Patribus. 3. Ejusdē Præfiguratio in figuris, & sacrificiis, aliisque ritibus, ac rebus. ut Tabernaculo, Arca, Templo, Altari. 4. Prædictio per Prophetas. 5. Incarnatio ipsa & adventus. 6. Nativitas, & tota vita occulta, privataque. 7. Baptismus apud Joannem, & Manifestatio Domini per vocem, & Columbæ descensum super eum. 8. Mora in deserto, jejunium, & tentatio. 9. Prædicatio, conversatio, Miracula. 10. Ingressus in Jerusalem super Asellum triumphalis simul & lachrymabilis. 11. Agni Paschalis esus, & lotio pedum. 12. Institutio Sacrificii & Sacramenti Eucharistiæ, Sacerdotiū; Novæ Legis. 13. Passio universa. 14. Crux & Mors. 15. Sepultura, & descensus ad inferos. 16. Resurrectio, & Ordinatio, Confirmatioque discipulorum & Ecclesiæ. 17. Ascensio, & sessio ad dexteram Patris. 18. Regimen Ecclesiæ, & Missio Spiritus Sancti in eam. 19. Adventus ad judicium extremum, ipsumque judicium. 20. Regnum cum Deo Patre & sanctis æternum. Isti sunt gradus scalæ Incarnationis, totiusque Operis illius.

Jam verò solius Passionis Dominicæ gradus sive partes & progressus hi assignari possunt, quibus Dominus noster veluti per Scalam ad summam dolorum & Mortis suæ, obedientiæ autem Paternæ, & Redemptionis nostræ ascendit. Gradus 1. Lotio pedum. 2. Institutio Eucharistiæ. 3. Cygnea ante Passionem cantatio, simulque ad Mortem, seu Morti par Tristitia. 4. Oratio repetita. 5. Agonia & sudor sanguineus. 6. Obviatio venienti proditori, & hostibus, eorumque excæcatio, prostratio, sublevatio. 7. Captivitas, & ligatio. 8. Examen apud Annam. 9. Judicium, injuriæ, damnatio apud Calpham. 10. Repetita mane damnatio. 11. Ad Pilatum deductio, & calumniosa accusatio. 12. Deductio ad Herodem: ibi spretio, & illisq. 13. Reductio ad Pilatum, Examen, Flagellatio. 14. Corona spinea, purpura, arundo, illusio, Ecce Homo. 15. Evictio damnationis, & damnatio ad Crucem. 16. Egressus cum Cruce inter iniquos ad locum Mortis. 17. Crucifixio. 18. Injuriæ, & blasphemiæ in Cruce. 19. Trium horarum Oratio & Agonia in Cruce. 20. Mors, & Anima in Manus Patris tradita, & sepultura.

Per istos gradus Dominus scalā passionis suæ pertransivit: per eodem

deum. An me si levis illum sequi studeat fideliter, constanter, fortiter, gaudenter, iudicando, usque dum ad absolutam consummationem operis sui perveniens, etiam ipsa in Manus Aeterni Patris descripta. sequetur verò Dominum per affectus, & effectus Cordis, Ovis, Operis, vel hos quos subjungo, vel quos Spiritus meliores suggererit.

Primus erit, Agnitionis, seu Fidei eorum quæ Dominus gessit, ac pertulit patiēdo. 2. Confessionis eorundem. 3. Admirationis. 4. Participationis seu Condolentiae. 5. Confectionis causa in sua peccata. 6. Doloris, Odii, Execrationis eorum, ut causa tanti laboris sumptusque Domini. 7. Deprecationis. 8. Propositi fugiendi, & expiandi peccata. 9. Expiationis actualis eorum, in Balneo sanguinis & Meritorum Domini. 10. In Imitatione humilitatis Domini. 11. Obedientiae. 12. Patientiae. 13. Mansuetudinis. 14. Charitatis DEI. 15. Dilectionis proximorum etiam inimicorum. 16. Conformationis plenæ cum voluntate Dei. 17. Zeli Gloriz Divinæ, & salutis proximorum. 18. Desiderii, & studii vitæ æternæ. 19. Amoris Jesu Christi. 20. Constantiæ & perseverantiæ in his omnibus, usque ad mortem propter DEVM. Hi sunt gradus per quos fidelis Anima post Jesum passum ascendere debet, si ad summitatem Scalæ ejus cupit pervenire.

D. Basilii presbiteri hosce gradus Animæ numerat, quos proderit cognoscere, & magis etiam decurrere. [Scala (inquit ille) est ascensus ad Perfectionem; culmen est Charitas; Gradus, sunt gradus decem Abrenuntiationis. Primus est, Abdicare terrena, ut cum Apostolis dicat. *Eccen nos reliquimus omnia.* 2. Eadem oblivisci. *Audi filia &c. & obliviscere populum tuum.* 3. Eadem ut stercora odisse & aversari. 4. Parentum, & cognatorum amorem exuere. 5. Odisse Animam suam propter Christum. ut ne de vita quidem sua quidquam affectus sit omnino, etiam si Mortis habeat responsum. 6. Abnegare suum Judicium, Voluntatem, (Honorem.) 7. Semper mortificare suas cupiditates, ut impleat illud Christi. *Abneget semetipsum, & tollat Crucem suam quotidie.* 8. Sequi Christum & discere ab eo, *quia mitis est, & humilis corde.* 9. Amare constanter & efficaciter proximis, etiam Inimicos. 10. In quo Dominus visus est, est adherere Deo, eiq; in uno Spiritu uniri.

Descendentes per scalam & Ascendentes Passionis Dominicæ, quantum ad Nostrium propositum, sunt Judæi quibus Crucifixus Jesus scandalum: & Gentes qui crediderunt in eum: & acceperunt potestatem

Filios

Basil. in
1. Psal.

Filios Dei fieri. Sic etiam per Passionem Domini, Judas descendit, Latro ascendit; Diabolus descendit, Homo ascendit. *non enim Angelos, sed semen Abraha apprehendit.* Sic quoque per scalam Passionis, Caro nostra, & sensus descendit, Spiritus autem ascendit. *Caro enim non prodest quidquam, sed spiritus est qui vivificat.* Et Corporalis exercitatio ad modicum utilis est, pietas ad omnia utilis est: *promissionem habens vita, quam nunc est, & futura.* Sic quoque ipse Spiritus descendit usque ad contemptum, usque ad odium, ad annihilationem sui per, & propter exemplum. Passi Christi, ascendit autem usque ad similitudinem, usque ad confortium, usque ad unionem, & identitatem Passi quoque Christi. *qui enim adharet Deo, unus spiritus est.* ut dicat. *Vivo autem ego, jam non ego: vivit verò in me Christus.*

Denique, Christo Confixus sum Cruci: & stigmata Domini mei IESU Christi in Corpore meo porto.

Deus scalæ Passionis Domini innixus est, quia *Deus erat in Christo sibi reconcilians Mundum.* & consummatà omni Passione, Dominus dixit: *Pater in manus tuas commendo spiritum meum: & inclinato Capite emisit Spiritum.*

Atque hic, & huc, debet esse cursus omnis Animæ currentis post IESUM per scalam Passionis ejus. quam ille percurrit prior, dans nobis exemplum, ut quemadmodum ille fecit, & nos similiter faciamus; sequamurque eum quàm maximâ vicinitate vestigia ejus. ut tandem apprehendamus eum, teneamusque, nec dimittamus. Alioquin nihil prodest Christum sequi, si non contingat consequi.

Libet Modum hunc concludere Devotissimi Patris Bartholomæi Saluthii Inventione, quam ille de Domini Passione per modum scalæ conscripsit ad inflammandam devotionem in eandem. & sic se habet.

Passio Domini mei IESU Christi sit semper

1. Mater mea.

Mater mea, parturias me.

2. Sponsa mea.

Sponsa mea, amplectaris me.

3. Soror mea.

Soror mea, orna me.

4. Amica mea.

Amica mea, ama me.

5. Dilecta mea.

Dilecta mea, dilige me.

6. Columba mea.
Columba mea, vola ad me.
7. Perfecta mea.
Perfecta mea, perfice me.
8. Unica mea.
Unica mea, posside me.
9. Filia mea.
Filia mea, honora me.
10. Fortitudo mea.
Fortitudo mea, defende me.
11. Schola mea.
Schola mea, instrue me.
12. Dulcedo mea.
Dulcedo mea, recrea me.
13. Doctrina mea.
Doctrina mea, doce me.
14. Mensa mea.
Mensa mea, ciba me.
15. Lux mea.
Lux mea, illustra me.
16. Lectio mea.
Lectio mea, erudi me.
17. Dux mea.
Dux mea, deduc me.
18. Camera mea.
Camera mea, recipere me.
19. Defensio mea.
Defensio mea, defende me.
20. Turris mea.
Turris mea, absconde me.
21. Oratio mea.
Oratio mea, trahe me.
22. Sedes mea.
Sedes mea, accipe me.
23. Columna mea.
Columna mea, sustenta me.
24. Hospes mea.
Hospes mea, hospitare me.

35. Civitas mea.
Civitas mea, recipe me.
 26. Contemplatio mea.
Contemplatio mea, assume me.
 27. Domus mea.
Domus mea, circumda me.
 28. Refectio mea.
Refectio mea, refocilla me.
 29. Meditatio mea.
Meditatio mea, incende me.
 30. Socia mea.
Socia mea, associa me.
 31. Nutrix mea.
Nutrix mea, nutri me.
 32. Spes mea.
Spes mea, conforta me.
 33. Fiducia mea.
Fiducia mea, assicura me.
 34. Consolatio mea.
Consolatio mea, consolare me.
 35. Sollicitudo mea.
Sollicitudo mea, vulnera me.
 36. Portio mea.
Portio mea, quiesce me.
 37. Requies mea.
Requies mea, inebria me.
 38. Beatitudo mea.
Beatitudo mea, beatifica me.
- Hæc Saluthius.

M O D V S XCVI.

Nonagesimus Sextus meditandi Passionem Domini Modus esse potest: scrutando & investigando simulque admirando & contemplando arcana fidei nostræ Christianæ, tanquam à Christo Domino nostro per Incarnationem, vitam, & Passionem, atque Mortem mirabiliter reſerata, atque manifestata: ita ut quæ ante Christi Domini adventum fuere valde occulta, & miris modis involuta, atque innotata; hæc omnia sint per Christum in luce posita, & ad notitiam omnium

omnium fidelium, etiam aliequi rudium, & simplicium deducta, in tantum, ut unus aliquis Christi fidelium, maiorem notitiam lucemque habeat in rebus & mysteriis fidei, quam ante Christum habuerint illi, qui erant Magistri in Israel: quod à Domino Nicodemus audivit, qui ad eum venerat nocte, & quod patuit citò post Domini ascensionem, cum unus Stephanus Levita adulescens prævaluit Spiritu, & sapientiâ, mysteriorumque divinorum cognitione, omnibus Doctoribus Judaicarum Synagogarum: de quo in Actis Apostolicis testimonium est luculentum

Manifestationis hujus per Dominum nostrum factæ, plurima & expressa valde habemus in sacris literis testimonia. Hujusmodi est illud, quo apud Isaiam Dominus noster dicitur *habere clavem Domus David super humerum suum, qui aperiet, & non erit qui claudat, & claudet, & non erit qui aperiat.* - quod idem testimonium de se Dominus repetit ipsemet in Apocalypsi. Deinde non aliud sibi vult sapius repetitus à scriptura Liber intus & foris scriptus, tam apud Isaiam, quam apud Ezechielem, præcipuè autem in Apocalypsi, ubi describitur *Liber in dextera sedentis super thronum, scriptus intus, & foris, signatus sigillis septem, & nemo poterat neque in celo, neque in terra, neque sub terra, aperire librum, donec Agnus qui stabat tanquam occisus venit, & accepit de dextera sedentis in throno librum, quem & aperuit.* Ubi manifestata est, Librum hunc esse Christum Dominum, seu VERBUM Incarnatum, cujus Incarnationis mysterium septem sigillis signatū esse ideo dicitur, quia nimirum tantis tamque sublimibus, & omnem creatum intellectum transcendentibus involucris, difficultatibus, arcanis, atque planè tenebrosis latibulis, ut ad ejus apertionem, hoc est, ad ejus cognitionem, & revelationem, nemo ex purè creatis intellectibus, in celo, in terra, sub terra, suffecerit: donec Agnus (qui est idem ipse, qui & Liber signatus) tanquam occisus, & revera occisus, atque oblatas, aperuit librum, & solvit signacula ejus; evoluit scilicet mysteria, & arcana, & involucria omnia ejus: juxta illud. *Unigenitus Filius, qui est in sinu Patris, ipse enarravit.*

Unde idem Dominus noster frequenter se vocavit, *Lucem mundi.* *Ostium ovium, per quod si quis introierit salvabitur, & ingredietur, & egredietur, & pascua inveniet.* Idcirco etiam hortatus est Judæos. *Scrutamini scripturas, quia vos putatis in illis vitam æternam habere, & illa sunt quæ testimonium perhibent de me. & non vultis venire ad me, ut vitam habeatis, & adjecit dicere iisdem. Nolite putare quod ego accusa-*

Ioan. 3.

10.

Act. 6.

9.

Isaia 22.

22.

Apoc. 3.

7.

Isaia 8.

1.

Ezech.

29.

Apoc. 5.

1.

Ioan. 1.

18.

turus sem vos apud Patrem; est qui accusat vos Moyses, in quo vos speratis. de me enim ille scripsit.

Sed nihil potest aptius dici de hac mysteriorum Divinorum, arcanorumque, per Christum Dominum manifestatione, quam ipsa verba Domini, sapius hanc in se, & à se factam indicantia. Dico enim vobis, quoniam adhuc hoc quod scriptum est, oportet impleri in me [& cū iniquis deputatus est.] Etenim ea quæ sunt de me, finem habent. tum quia implentur, tum quia manifestantur. Idem planè asserit illa Dominica ad discipulos in Castellum Emmaus euntes, adhortatio simul & attestatio. *O stulti & tardi corde ad credendum in omnibus, quæ locuti sunt Propheta. Nonne hæc oportuit pati Christum & ita intrare in gloriam suam? Et incipiens à Moysè, & omnibus Prophetis, interpretabatur illis, in omnibus scripturis, quæ de ipso erant.* Ad idem facit illa etiam Domini nostri congratulatio discipulis facta. *Beati oculi qui vident, quæ vos videtis; & aures quæ audiunt, quæ vos auditis. Amen quippe dico vobis, quod multi Prophetae, & Reges, & Iusti cupierunt videre, quæ vos videtis, & non viderunt; & audire, quæ vos auditis audire, & non audierunt.* Et alio loco, licet brevius. *Iam non dicam vos servos, sed amicos; quia servus nescit, quid faciat Dominus ejus. Vos autem dixi amicos, quia omnia quæcunque audiui à Patre meo, nota feci vobis.*

Sed de his satis restat videre, & ad meditandum proponere, quomodo, & quænam Divinæ circa salutem nostram Providentiæ arcana, & mysteria, per Incarnationem, vitam, Passionem, Mortemque Christi Domini referata, & in lucem cognitionis fidei producta sunt.

Libet autem rem hanc explicare sub typo libri septem Sigillis primum quidem signati, deinde per Agnum aperti. Ac imprimis adduco & assigno septem sigilla à Divo Bernardo assignata, quibus noster Liber nempe Christus fuit obsignatus; verba sancti sunt.

- I. Septem quædam arbitror inveniri, quibus maximè celabatur in carne Præsentia Majestatis, ut non posset aperiri Liber, & sapientia quæ latebat agnosci. Sunt autem quæ occurrunt interim. *Matris Desponsatio.* quâ partus Virginis, & conceptionis puritas, velabatur; ita
- II. *ut hominis fabri filius, fabricator hominis putaretur. Infirmitas etiam Corporis.* quâ nimirum plorans, vagiens, lactens, dormiens, & cæteris subjacens necessitatibus Carnis, latebat inter hæc virtus Divinitatis. Sic & *Circumcisionis* signum suscipiens, peccati remedium, & *gritudinis* medicinam, qui morbum omnem tollere venerat, & peccatum.

catum. Et item *in Ægyptum fugiens*, à facie Herodis Reguli, nec Dei filius agnoscitur potest, neque Rex cæli. Quid *Tripallatentatio inimici*, in deserto, in pinnaculo, supra montem? si filius Dei es (inquit) dic ut lapides isti panes fiant. Et item. Mittete deorsum. Neutrum Christus fecit. ut signaretur Liber, & falleretur altitudo. Denique eo usque seductus est, ut haberet jam pro constanti hominem esse putum, & in tantam vesaniam superbia cæca proruperat, ut non diceret ultra, si Filius Dei es, sed omnia tibi dabo, si procidens adoraveris me? Sextum est. *Signaculum Crucis*. Ubi pependit inter latrones, & cum iniquis deputatus est Dominus Majestatis. Clausit & *Sigillura* hunc Librum: nec ullum omnino signaculum sic obstruxit, sic occultavit magnum Pietatis Sacramentum.

Posiunt autem alio quodam modo, alia quoque septem Sigilla hujus Divini Libri recenseri. v. g. 1. Sigillum, Figuræ fuerunt. 2. Prædictiones seu Prophetiæ. 3. Sacrificia. 4. Ritus ac Cerimonix. 5. Sacramenta. 6. Parabolæ. 7. Opera, effectusque varii, quibus omnibus, & velabatur occultabaturque venturus Christus, & sigillabatur Liber Divinus, atque Mysticus: in Adventu autem, imò Adventu ipso, gestisque Christi, omnia refferata sunt, cum tanta claritate, atque plenitudine, ut (quemadmodum supra dixi) hodie minimus fidelium Christi peritior sit in his enucleandis & enarrandis, quam ante Christi Adventum integra Synagoga Judaica. Quis enim nunc filiorum Ecclesiæ Christi ignorat: quid sibi voluerit Isaac in Monte Moria oblatio; in ariete cornibus inter veprea hærente consummata? Quid omnium Gentium benedictio in semine Abraham? Quid Melchisedech, Rex & Sacerdos, sacrificium Panis & Vini offerens? Quid Agnus Paschalis, cujus sanguis postibus illitus salvavit primogenitos Israelis? Quid transitus Maris rubri ex Ægypto, in quo Ægyptii perdit, Hebræi salvati? Quid totum tabernaculum? quid manna de cælo? quid aqua de petra? quid serpens æneus in ligno suspensus? omnes ad eum respicientes, à serpentum veneno sanans? Quid maledictionis hircus, peccatis populi onustus foras in desertum expulsus? Quid Davidis cum Golia Philistæo duellum? Quid Salomon & Templum ejus?

Cui Fidelium hodie non in manifesto est Virgo Concipiens & Pariens Filium, cui nomen Emmanuel? Quis nescit, quis ille Parvulus sic natus & datus nobis, cujus imperium super humerum ejus, & vocatur Admirabilis, Consiliarius, Deus, Princeps Pacis, Pater futuri sa-

IV.

V.

VI.

VII.

culi? Quis ignorat Novum quod fecit Dominus super terram, quæ nimirum illa sit sæmina, quæ circumdedit virum? Cui ignota est interpretatio Madentis nunc Aræ, nunc Velleris Gedeonici? Quis nescit quis sit Mons Domus Domini elevatus in vertice montium? quæ sit Porta Orientalis clausa omnibus, soli pervia Principi? quæ sit virga Aaron, quæ absque radice floruit, fronduit, & fructum protulit? Quis sit Rubus ardens incombustus?

Quis nescit quæ sit stella orta ex Jacob. Qui sint Reges Tharsis & Insulæ munera offerentes, Aurum, & Thus deferentes? Quis sit Dux ex Bethleem egressus, qui regat Populum Israel? Quis sit ille vir dolorum, & sciens infirmitatem, quasi leprosus, & percussus à Deo, & humiliatus? Quis sit ille quasi Ovis ad occisionem ductus, & quasi Agnus coram tondente se mutus, cujus iudicium in humilitate sublatum est? Quis sit ille iustus circumventus tanquam inutilis, & operibus impiorum contrarius, Improperans eis peccata legis, qui suum Dei se nominavit, gravis iniquis ad videndum, turpissimâ morte condemnatus? Quod sit illud sacrificium vespertinum? quod Thymiam ex minutissimis pulveribus specierum pretiosissimarum confectum & incensum? Quid quinque Civitates refugii? Quid reditus homicidarum & maleficorum ad Patriam post mortem summi Sacerdotis? Quid ostium in Arcâ Noëticâ latere? Quid Eva de Costa dormientis Adæ ædificata? Quid Noë ebrius & dormiens ac nudatus, à filio nequam irrisus & illusus?

Quis nescit Fidelium quis sit ille Mors mortis, & morsus inferni? Quis sit ille qui in fortitudine sua descendit in profundum lacu, in quo non erat aqua, & populum, qui inibi sedebat in tenebris, luce magnâ perfudit, & in libertatem beatitudinis æternæ produxit? Quis nescit quis ille Catulus Leonis dormiens, & à nemine præterquam à se ipso suscitatus est? Quis Samson mediâ nocte de somno consurgens, & portas Philisteorum cum postibus estringens, & exportans? Quis nescit quæ sit illa Gloria, & quod Psalterium, atque Cythara exurgens diluculo?

Denique (ut finem recensendi faciamus) quis ignorat fidelium Christi hodie, viam Aquilæ in cælo? Itemq; Auxiliatorem Populi, Ascensorem Cæli? Itemque illum Ascendentem in altum, & Captivam Captivitatem ducentem? Itemque illum Regem Gloriæ, ac Dominum virtutum, fortem ac potentem in prælio, cui jubentur aperiri portæ Iustitiæ, & elevari portæ æternales? Itemq; illum, cui datæ sunt Gen-

tes in hereditatem, & termini terræ in possessionem, & reges eorum in virga ferrea. Item illum Dominum, cujus dies magnus juxta est, & celox nimis? vox dei ejus amara, tribulabitur ibi fortis, dies iræ, dies illa, dies tribulationis, & angustiar. Qui & congregabit omnes gentes, & deducet eas in vallem Josaphat, & disceptabit cum eis ibi.

Ecce ista sunt sive Sigilla, sive arcana fidei salutisque nostræ, sive Divinæ circa salutem nostram Providentiæ opera, quæ per Incarnationem, Vitam, Passionem, Mortem, Resurrectionem, Ascensionem Domini nostri JESU Christi universa patuerunt, Liberque ille, tantis, totque clausus signaculis, tantis, totque obseptus involucris, apertus est, ita ut merito velum Templi in morte Domini scissum fuerit à summo usque deorsum; tanquam significans, omnia jam Arcana veteris Synagogæ, per Christi mortem patuisse, nec jam oppandi eis velum ultra oportere.

Enimverò præter Arcana scripturarum, præterque mysteria Divinorum circa nostram salutem decretorum & operum: patuerunt adhuc, per ejusdem Domini nostri vitam, Passionemque, alia quædam Sigilla altissimarum, & ab omnibus retrò ante Christum sæculis, nec auditarum, nec visarum, sed neque cogitarum virtutum, atque Perfectionum, quæ merito propter sui excellentiam sublimitatemque; quasi sub signaculo ante Christum fuerunt, in vita autem & Passione Christi luculentissime patuerunt; neque patuerunt tantum, sed etiam operabiles imitabilesque factæ sunt, omnibus volentibus, quarum admirandam, tum celsitudinem, tum arcanitatem, tum etiam honestatem, Dominus ostendere, & exprimere volens eas Beatitudines vocavit, & non præcepta sed consilia esse voluit.

Quis quæso ante Christum evulgavit. *Beati Pauperes Spiritu, quoniam ipsorum est Regnum Calorum.* Et. *Si vis perfectus esse: vade, vende omnia quæ habes, & da Pauperibus, & veni sequere me, & habebis thesaurum in celo.* Et. *Vos qui reliquistis omnia & secuti estis me, in regeneratione, cum sederit Filius Hominis in sede majestatis suæ, sedebitis & vos super sedes judicantes duodecim tribus Israel.* Et omnis qui reliquerit domum vel fratres, aut sorores, aut Patrem aut Matrem, aut Vxorē, aut filios, aut agros, propter nomen meum, Centuplum accipiet, & vitam æternam possidebit? Quis ante Christum enuntiavit. *Nisi efficiamini sicut parvuli non intrabitis in Regnum calorum.* Et. *Discite à me, quia mitis sum & humilis corde?* Quis ante Christum in abnegatione sui, in abjectione honorum, in novissimi loci confessusque ambitione, in eâ nuditate,

nuditate, & paupertate, ut nec locum capiti, reclinando reliquum habeas, beatitudinem esse ostendit? Absconsa hæc fuere à sapientibus & prudentibus: revelata autem parvulis, revelata autem per vitam, & Passionem, Exemplaque ac Mores Jesu Christi: revelata autem cum adeò efficaci svavitate, svavique efficacitate, ut mox imitatores exsecutoresque haberent.

Quis ante Christum Mansuetudini nesciæ lædi, & irasci, & ulcisci, inesse beatitudinem, & terræ possessionem revelavit, aut sensit? Cùm sensu vulgari, Mansuetudo vel maximè injuriis, rapinis, deprædationibus, & vexationibus exposita sit, ignaviaque ac stupor reputetur? At qui alius est Christi sensus, alia Doctrina, alia exempla. *Diligite inimicos vestros, bene facite his qui oderunt vos. benedicite maledicentibus vobis: & orate pro calumniantibus vos. Et. qui te percutit in maxillam, præbe ei & alteram. Et ab eo qui aufert tibi vestimentum, etiam tunicam noli prohibere. Omni autem percutienti te tribue, & qui aufert que tua sunt, ne repetas.*

Quid apud Homines jucundius risu, lætitiis, & lautitiis, atque consolationibus, & opulentiâ, ac prosperitate? quid contra miserabilibus luctu, ploratu, gemitibus, & fletu? At Christus verbo & opere suo contrarium revelavit. *Va vobis divitibus, quia habetis consolationem vestram. Va vobis qui saturati estis, quia esurietis. Va vobis qui ridetis nunc, quia lugebitis & flebitis.* E contrario autem. *Beati qui nunquam flebitis, quia ridebitis. Beati qui lugent, quoniam ipsi consolabuntur.* Christum risisse, nunquam legimus: flevisse sapius: adeò ut ipsam Passionem suam, Oratione, lachrymis, & clamore valido conclusisse testetur Apostolus.

In siti & fame Justitiæ, beatitudinem sitam Christi sensus & doctrina est. Doctrina autem non minus verbo, quàm opere, non minus sermone, quàm Passione propter Justitiâ sancita & tradita. Hæc est illa sitis Christi in Cruce, cui & immortalis est. Hæc illa est fames, cui non nisi ab impletione voluntatis paternæ, levamen satietatis fecit. Ergo Beati qui esuriunt & sitiunt Justitiâ Dei: qui eligunt perdere vitam, ne perdant obedientiam. Quibus cibus & potus, & omnis sustentatio atque substantia est obedire Deo, ejusque mandata servare, & in ejus dilectione manere. Quibus gaudium & epulatio lauta est saginare Animas suas Divinâ voluntate, bonâ, & beneplacente, & etiam perfectâ: exuendo & exinaniendo proprias voluntates, perdendo animas suas, propter Deum, ut in vitam æternam inveniant & custodiant illas.

illas *Verè Beati qui nunc esuritis: quia saturabimini.* Justitia siquidem & Dei voluntas cibus est, non tantum tunc quando impletur, verum etiam quando esuritur: adeo ut ipsa esuries ejus, sit cibus ejus, sit saginatio ejus: cui nihilominus offertur & exhibetur Beatitudo æterna, tanquam expletio ejus.

Misericordiam super proximos quoscunque Beatitudinem esse, certissimamque ad misericordiæ consecutionem methodam, nemo unquam plenius Christo declaravit, ac referavit, tam verbo, quam opere, atque Passione, & Morte; ad quam una solaque Charitatis suæ Misericordia super nos, Christum perduxit. Vult Dominus misericordiam nostram extendi, tam ad corporales, quam ad spirituales proximorum necessitates, vult extendi eandem non tantum ad notos, & amicos nostros, verum etiam ad ignotos, etiam ad eos, qui non habent retribuere nobis; alioqui misericordia nostra gentilem non superabit. Vult quoque extendi nostram misericordiam Dominus etiam ad inimicos, ad malefacientes nobis, ad ingratos, ad maledicentes, ad convitantes, ad malum pro bono reddentes: ut maledicentibus benedicamus, convitantes honoremus, malefacientibus bene faciamus, detractores laudemus, inimicos & ofores amemus. injuriantibus bonum pro malo reddamus, & malum in bono vincamus. Vult Dominus misericordiam nostram extendi usque ad ipsummet Dominum: ita nimirum eam exhibendo quibuslibet proximis, quasi illi non essent illi, sed in eis esset Christus, sed quasi quilibet eorum esset ipse Christus. Denique extendit extendique vult Dominus misericordiam nostram usque ad æmulationem, tum misericordiæ, tum perfectionis, rû naturæ, seu Filiationis Divinæ. Omnem enim misericordiam nostram esse vult, ut (inquit) *sicut Filius Patris vestri, qui in calis est, qui solem suum facit oriri super bonos & malos. & pluit super justos & injustos, & benignus est, super ingratos & malos. Estote ergo misericordes, sicut & Pater vester misericors est. Estote perfecti, sicut & Pater vester celestis perfectus est.* Quis autem ignorat talem per omnia fuisse misericordiam Christi ipsius, imò & multò majorem, atque altiorem: qui solem & imbrem salutis redemptionisque suæ profudit super nos, *per hoc commendans charitatem suam in nobis, quoniam cum adhuc peccatores & inimici essemus imò & cum deinceps futuri essemus, pro nobis mortuus est.*

Cordis munditiem beatitudinem esse referavit Christus, & ei visionem divinam promisit. Quam perfectionem etiam non ignotam habuit

antiquitas: Orabat enim David Deum, *Cor mundum crea in me: eam* tamen cordis munditiam, quam Christus verbo & exemplo docuit ac ostendit: nec per somnium (ut ajunt) quis cogitavit unquam veterum. Mundities enim cordis à Christo laudata, ad ò esse excelsa & superheroeica debet, (adjuta præsertim religione voti) ut non tantum excludat à corde omnia opera, verba, cogitationes, imaginationes, sensuumque externorum omnes illecebras, quovis modo etiam aliqui licito, nitorem obludentes puritatis, & nidorem adflantes integritati: verum etiam Corpus ipsum ita castificet in obsequium cordis, ut in carne non secundum carnem militetur, ut instar celestium incolarum, neque nubant, neque nubantur, sed sint sicut Angeli Dei, casti corpore & spiritu, mundi carne & mente, munditie, non ita quidem sicut Angeli felice, sed quam Angeli fortiore. tali munditie, quæ non tantum pro futura in calis, at etiam pro præsentis in terris vitæ, oculos ad videndum Deum purificet, nomenque melius à filiis & filiabus conferat, demum merito incorruptionis Deo simillimum reddat. Deo inquam non tantum Virgini ex Virgine Incarnato, sed etiam Deo Trinitati, quoniam Prima Virgo Trinitas est.

Iam verò quid in Pacis amore, studio, custodia, & institutione sublimitatis lateat, nemo unquam cognovit satis ante Christum. Primus omnium Christus beatos pacificos dixit, primus Filios Dei, dignos tanto Patre pronuntiavit: primus etiam Pacificatoris munus in suos humeros, tanto utique muneri solos pares assumpsit, & perfecit. Quis enim hominum aut Angelorum idoneus fuit ad reconciliandum Deum mundo, & ad pacificandum dissidium mundi, à Deo? Ecce autem Princeps Pacis, & Salomon Pacificus *Christus pro nobis omnibus mortuus est, & ipse est Pax nostra: qui fecit utraque unum, & medium parietem maceria* (iræ Dei, & offensæ mundi) *Solvens inimicitias in carne sua, ut duos condat in semetipso in unum hominem faciens pacem, & reconciliet ambos in uno corpore, Deo per Crucem: interficiens inimicitias in semetipso.* Unde etiam præparavit nobis Evangelium pacis, instituens unum Pastorem se, unumque ovile nos, oves suas; unum caput se, nos verò unum corpus, & membra in uno corpore: edicens nobis: quia in hoc cognoscent omnes, quod discipuli ejus sumus, si dilectionem ad invicem habuerimus. Atque hoc munus, imò hanc beatitudinem pacificationis, non tantum commendavit, sed etiam imposuit nobis, ut cum omni humilitate, & mansuetudine, & patientia supporteremus invicem, in charitate, solliciti servare unitatem Spiritus in vinculo pacis.

ut omnes unum simus, sicut Pater in Christo, & Christus in Patre; ut & nos in nobis unum simus. Nostra ergo pacificatio, nostra pacificationis beatitudo, nostra Dei Filiatio, in hoc sita est, ut ante omnia quidem, pacem dilectionis & subjectionis habeamus & servemus cum Deo; deinde pacem & unionem charitatis custodiamus cum omni proximo. *Hoc enim mandatum habemus à Deo, ut qui diligit Deum, diligit & fratrem suum:* adhuc autem & proximos nostros omnes, quod in nobis est, laboremus habere pacem cum Deo, tanquam ipso *exhortante per nos, Reconciliamini Deo.* Insuperque ut studio nostro, ipsi quoque proximi nostri, inter sese propter Deum pacem habeant in nomine Domini, *charitatem & humilitatem invicem insinuantes.* alterque alterius onera portantes, & nemini quidquam debentes, nisi ut invicem diligant, & sic legem Christi adimpleant, quoniam *qui diligit proximum legem implevit.* Atque hæc est Pacifcorum regula: cujus regulæ summum exemplar Christus, cujus beatitudo, est illa, quia filii Dei erunt, & vocabuntur, & Christi fraternitatem sortientur.

Super omnia verò quæ Dominus noster Iesus Christus, mysteria & enarravit, & evulgavit, illud est: *Beati qui persecutionem patiuntur propter iustitiam, quoniam ipsorum est Regnum celorum. Beati estis cum maledixerint vobis, & persecuti vos fuerint, & dixerint omne malum adversum vos, mentientes propter me, gaudete & exultate, quoniam merces vestra copiosa est in caelis.* Admirabilitatem, altitudinem, abstrusionem doctrinæ, virtutis, perfectionisque hujus exaggerare multis nihil attinet: satis sit dicere. Id genus sapientiæ, nunquam ulli in mentem venturum fuisse, nisi Unigenitus Dei, qui est in sinu Patris, illud enarrasset, enarrasset verò magis factis, quàm dictis, magis ipsâ inauditarum omnis generis calamitatum stupendâ perpeffione, quàm exaggeratâ verborum affirmatione. Quâ docendi methodo per exemplar Passionis suæ, tantum quidem profecit Dominus, Magisterque noster: ut exemplo ejus instructi, non dubitemus gloriari in tribulationibus, gaudere, atque etiam omne gaudium existimare, cum in varias tentationes, tribulationes, persecutiones inciderimus, ut majorem felicitatem reputemus Crucem pro Christo, quàm vitam cum Christo. Ut major sit nobis fames patiendi, quàm beatè vivendi, ut doleamus in patiando pro Christo æternitatem non esse, sicut in gaudendo cum Christo scimus esse. Denique gloriatio nostra hæc est una, à qua absit omnis alia, gloriari in Cruce Domini nostri, Christo crucifigi in Cruce. Ita ut ibi sit animarum nostrarum possessio. *Nam in patientia vestra*

vestra (ait Dominus nobis) *possidebitis animas vestras*. Ibi quoque perfectio virtutis nostræ: Nam *virtus in infirmitate perficitur*. Ibi potestas & potentia nostra: nam *cum infirmor, tunc potens sum*. Usque adeo Dominus Iesus omni genere bonorum atque beatitudinum adimplevit patientiam suam, hoc est, Crucem suam: quam ille pro nobis, gaudio sibi proposito; & confusione, quam furiosissima malitia, malignissimisque furor adinvenire, & inferre potuit, penitus contempta, sustinuit, & instar unius perijucundi calicis, poculique gratiosi exhausit.

Sunt adhuc complura ejusmodi arcanissima perfectionum & virtutum ornamenta, à Christo nobis patefacta atque resignata, in suæ vitæ Passionisq; libro. Ut est Filiatio Dei, & cohereditatio cum ipso Christo. nam *dedit nobis potestatem filios Dei fieri*. Item *ut simus heredes quidem Dei, coheredes autem Christi*. Est etiam tale illud: quia *ille est vitis, nos palmites*, & sine eo nihil possumus facere. Tale quoque illud. *Cum omnia feceritis quæ præcepta sunt vobis, dicite servi inutiles sumus*, quod debuimus facere fecimus. Tale illud. *Nolite gaudere in hoc quia demonia subjiciuntur vobis, sed in hoc gaudere, quia nomina vestra scripta sunt in calo*. Tale illud. *Nescitis cujus spiritus estis, filius enim hominis non venit animas perdere, sed salvare*. Tale illud. *Nolite timere eos, qui occidunt corpus, post hæc autem non habent quid faciant*. *Timete eum, qui postquam occiderit corpus, habet potestatem mittere animam in gehennam*. Tale illud. *Caro mea verè est cibus, & sanguis meus verè est potus, nisi manducaveritis carnem filii hominis, & biberitis ejus sanguinem, non habebitis vitam in vobis*. Tale est illud. *Misericordiam volo & non Sacrificium*. Tale est etiam illud. *Si pes tuus, aut manus tua, aut oculus tuus scandalizat te, abscinde, & erue illum, & projice abs te, bonum est tibi claudum, mancum, cecum intrare in vitam æternam, quàm duos oculos, aut manus, aut pedes habentem mitti in gehennam*. Tale illud. *Contendite intrare per angustam portam, quàm angusta est porta, & arcta est via, qua ducit ad vitam, & pauci sunt, qui inveniunt eam*.

Tale est illud. *Facilius est camelum ingredi per foramen acis, quàm divitem intrare in regnum calorum*. Tale illud quoque. *Quid prodest homini, si universum mundum lucretur, anima verò sue detrimentum patitur*. Tale illud. *Omnis qui fecerit voluntatem Patris mei, qui in calice est, ipse meus frater, & soror, & mater est*.

Sed enim finienda est aliquando hæc enumeratio admirandarum perfectionum.

perfectiōnum Christianarum, quas nobis Christus, quā verbo, quā exemplo, in admirabili vitæ Passiōisquæ suæ libro releravit, & stylo hominis scripta legendaque, operibus autem nostris, à nobis exprimenda & exaranda proposuit.

Quia verò Dominus Iesvs, profitetur sapius, se veniendo in mundum, & vivendo in eo, manifestasse nomen Patris, hoc est Divinitatis ejus, & perfectiōnum arcana evulgasse, ac nota fecisse hominibus: unamque & solam ejus gloriam quævisse; tum etiam voluntatis ejus executione tanquam substantioso & vitali cibo vixisse. Proderit etiā hunc catalogum Divinarum magnitudinum saltem perstringendo recensere.

Ergo ex libro vitæ Passiōisquæ Iesv Christi scimus. 1. Quia Deus noster est Trinus & unus, Pater & Filius & Spiritus Sanctus, in cujus nomine, & baptisari atque renasci nos oportet ut salvi fiamus. Scimus 2. Quia Pater & Filius unum sunt, & omnia quæ habet Pater Filii sunt, & omnia quæ Filii sunt, Patris quoque sunt. Scimus 3. Quia sic Deus Pater dilexit mundum ut Filium suum Unigenitum daret, ut mundus salvetur per ipsum. Scimus 4. Quia Pater omne iudicium dedit Filio: quia Filius hominis est. Scimus 5. Quia qui fecerit & servaverit sermones Domini Iesv: Pater cælestis diligit eum, & ad eum venient Pater, & Filius, simulque Spiritus Sanctus, & mansionem apud eum facient. Scimus 6. Providentiā Dei infinitam circa nos, adeo ut neque passeruli sint in oblivione coram ipso, ut etiam capilli capitis nostri numerati sint, apud Deum, omnesque gressus nostros, non tantum corporis, verum etiam animæ dinumeratos habeat. Scimus 7. Altiolem aliam Dei Providentiā (complectendo nomine Providentiæ, Sapientiā, Misericordiā, Veritatem, Iustitiā, Charitatem, Liberalitatem, Sustinentiā, & omnem penitus Bonitatem divinam) circa salutem nostram: quam tota Sanctissima Trinitas operata est, & usque modò operatur. Pater quidem Unigenitum Filium suum in mundum mittendo. Filius in mundum veniendo, & carnem nostram ex purissima Virgine sumendo, Spiritus Sanctus Incarnationem Verbi in Virgine, ex Virgine, & cum Virgine operando. Pater propter scelus populi sui Filium tradendo, atque diris suppliciis percutiendo. Filius semetipsum, sponte ad perfectionem omnis humanæ calamitatis, demumque supplicii Crucis & mortis offerendo, sicque pro salute nostra sese hostiam & holocaustum Patri faciendo. Spiritus Sanctus ad salutem nostram consummandam descendendo, in nobis

his tanquam in templis manendo, nosque sanctificando, & sanctificationem hanc fovendo, augendo, totumque Ecclesie Christi Corpus gubernando, vivificando, consecrando, gratias omnibus fidelibus, ad operandam salutem suam elargiendo. Scimus 8. Ex Deo nos habere peccatorum remissionem, quin imò & eorundem alius remittendorum retinendorumque potestatem. Scimus 9. Habere nos presentem nobiscum realiter etsi invisibiliter Dominum nostrum IESUM Christum: dicente ipso. *Ecce ego vobiscum sum omnibus diebus, usque ad consummationem sæculi.* quæ mansio non est tantum per gratiam sanctificantem, sed etiam per Sacramentalem presentiam in Eucharistiae Sacramento, in quo Deus noster non solum nobiscum, & inter nos, sed etiam in nobis manet, dans nobis carnem suam in cibum, & sanguinem in potum, quo alimur, vegetemur, robaremur, saginemur in vitam æternam, cujus pignus, unâ cum resurrectione futura, est idem ipsum Sacramentum. Scimus 10. Habere nos sacrificium admirabile & ineffabile, unâ cum Sacerdotio ad illius oblationem destinato, in quo offerimus ipsummet Unigenitum Filium Dei: modo per omnia stupendo, innovantes & representantes incruentè, cruentum Christi sacrificium, in Cruce pro nobis ab ipso peractum. Quo Sacrificio unico quidem, sed omnia alia sacrificia evincente, & explente, placamus Deum, redimimus peccata, sanctificamus animas nostras, purgatorii poenas sublevamus: totum humanum genus protegimus, Ecclesiam ditamus, & adjuvamus, Deum & sanctos omnes ejus, honoramus, lætificamusque.

Scimus 11. Christum Iudicem venturum ad Iudicium in consummatione sæculi, cum virtute & maiestate magna & potestate: Iudicaturum omnes vivos & mortuos, & dicturum his, qui à dextris ejus erunt, iustis. *Venite benedicti Patris mei, possidete paratum vobis regnum à constitutione mundi.* illis verò qui à sinistris ejus erunt impiis: *Ite maledicti in ignem æternum, qui paratus est diabolo & Angelis ejus: & ibunt ibi in combustionem æternam, iusti autem ibunt in vitam æternam.* Scimus denique 12. Deum esse & fore beatificatorem nostrum, atque adeo beatitudinem ipsam æternam, cum quo regnabimus, & simul regnum ejus erimus: cujus regni non erit finis, in quo regno laudabimus, & amabimus, & superexaltabimus Deum nostrum in sæculorum sæcula, & ultra.

Atque hæc nobis Unigenitus qui est in sinu Patris, qui Incarnatus & Passus est pro nobis, Sacramenta & arcana revelavit.

Parce

Parce benignae Lector, quod hoc loco metas meas forte exceſſerim, & calamo nonnihil indulgerim: ſervire pietati tuae indulgereque volui, quinquam ſi materiae tractatae ubertatem, dignitatemque diſpexeris, juſtus forſitan copiam explicandi deſiderabis, quam ſatiſdites.

M O D V S XCVII.

Nonageſimus ſeptimus Modus Paſſionem Dominicam meditandi eſt, de variis & ſalutaribus Modis Paſſionem Domini compenſandi ipſi Chriſto.

Fundamentum hujus uſus ac ſimul meditationis, eſt notitia Paſſionis Domini noſtri, quae non tantum complecti debet cognitionem hiſtoricam eorum quae Paſſus Dominus, verum etiam conditionum & circumſtantiarum inter haec intervenientium: v. g. Dignitatis, Innocentiae, Juſtitiae, Miſericordiae, Beneficentiae, Sanctitatis, Potestatis, ejus, qui Paſſus eſt: e contra Malitiae, Vilitatis, Odii, Invidiae, Virulentiae, Ingratitudinis horum, à quibus paſſus eſt. De quibus conditionibus, aliſque pluribus, ſicuti & de cauſis Paſſionis, in ſuperioribus ſatis actum eſt.

Notitiam hanc fides comitari & perficere debet, Fides inquam Divina & ſupernaturalis, ut nempe credamus haec quae Paſſus eſt Dominus noſter omnia, & credamus eum Paſſum eſſe Deum-Hominem, ex amore Patris Aeterni atque obedientia, ex amore quoque noſtri propter Patrem Aeternum; ex amore inquam ſalutis & Redemptionis noſtrae, à morte peccati, à morte corporis, demumque à morte aeternae damnationis; propter eximendos nos à diabolica poteſtate, propter conciliandos nos Deo, & pro acquirendo nobis Beatitudinis aeternae Regno. Nullo noſtro merito apud Deum, imò inter multa demerita noſtra. Nullo fructu Chriſti neque neceſſitate; ſed ſolus charitatis & miſerationis ejus ſuper nos; inductione. Tum etiam adimplendae veritatis figurarum, promiſſionum, praedictionumque gratia: Quae omnia credenda ſunt propter revelationem à prima veritate factam: Eccleſiam Dei proponente.

Fidem ſequi debet æſtimatio & appretiatio eorum, quae Dominus noſter Paſſus eſt. Tantus nimirum, & tanta, & pro tantillis, & pro tantis noſtris bonis atque commodis: & quibus nulla poſſit assignari ne quidem in minima proportionem æſtimatio, ne dum compenſatio. Haec æſtimatio, & appretiatio Paſſionis & eorum quae Paſſus eſt Dominus, quanto erit major & vivacior, & condignior (nulla autem eſſe unquam

unquam potest, poteritue adæquate condigna, ne quidem ab omnibus Creaturis) tantò nostra, ad, & circa, Passionem Domini, ipsumque Passum Dominum, occupatio, & affectio, erit, & Deo Christoque gravior, atque gloriosior, & nobis salubrior, utilior, meritiisque & virtutis Passionis ipsius gravidior.

Hanc æstimationem & appretiationem Passionis Domini comitari, & velut fermentare, perficere ac vegetare debet, Amor reciprocus Passifanta, propter nos tales, tanti Domini, atque Dei nostri. Amavit nos viliores ipsâ vilitate vermiculos, amavit inquam nos Charitas, amavit Immensitas, & amavit tam ardentem, tam potenter, tam profusè, atque prodigè: saltem ergo rependamus vicem cum mensura, cum mensura, cum mensura, tamen semper pleniori, semper ardentiori, semper superfluentiori.

Amori porro & æstimationi, ne fortè sit sterilis, adjungatur recompensationis cura, atque recompensatio ipsa, quæ remordebat Davidem cum dicebat. *Quid retribuam Domino pro omnibus quæ retribuit mihi:* non tantum dando mihi beneficia sua, sed faciendo etiam beneficiû meum semetipsum: & faciendo per Amaram, per Infamiam, per Indignam, per Enormem, per Particidalem, per Ingratissimam, per Excessivam, per Infinitis modis exaggeratam, tam ex parte Charitatis Dei & Christi, quàm ex parte indignitatis nostræ, quàm ex parte virulentia furorisque inimicorum, quàm ex parte summorum omnemque æstimationem infinities evincendum fructuum suorum, Passionem. Ejus recompensationis modum unum præcipuum, ac tum sibi gratissimum, tum nobis saluberrimum designavit atque demandavit nobis ipse Dominus dicens. *Hoc facite in meam commemorationem.* Significans oblationem Sanctissimi Sacrificii ex pane, & vino, in quo representetur, atque etiam repetatur universa Passio & Mors sua, sacrificiumque cruentum à se in Cruce perfectum, esse, & fore sibi convenientissimû, gloriosissimum, gratiosissimumque modum, quo ei Passio sua universa cum morte poterit, ac debebit à nobis usque ad consummationem sæculi recompensari.

Huius modo vicinus, imò conjunctus, atque pars ejus est Sanctissimi Eucharistia Sacramenti devota, famelica, ardens, nec infrequens, semper autem Charitate atque Humilitate sublimior, atque perfectior sumptio, & manducatio.

Tertius modus recompensationis est. Meditatio atque recogitatio jugis, & quàm fieri potest perennis Dominica Passionis. Ad hoc est enim

enim institutum Iuge sacrificium Missæ in Ecclesia sua ab ipso Christo, ut nulla dies esset in tota Ecclesia Christi, quâ in hoc Sacrificio non repræsenteretur à Sacerdotibus, & non recoleretur à fidelibus Passio & Mors Domini Salvatorisq̃ue nostri. Hoc etiam vult sibi monitum illud Apostolicum. *Recogitate eum, qui talem sustinuit à peccatoribus, adversum semetipsum contradictionem.* Sicuti & illud aliud, Divinum pariter. *Non recedat volumen legis hujus ab ore tuo: sed meditaberis in eo diebus ac noctibus.* Ad quod meditationis ejusq̃ue materiæ genus aspirabat vehementer Beatus Iob. dum ita anhelabat. *Quis mihi tribuat auditorem: ut desiderium meum audiat omnipotens; ut librum scribat ipse, qui judicat. Ut in humero meo portem illum, & circumdem illum, quasi coronam mihi. Per singulos gradus meos pronuntiabo illum; & quasi Principi offeram eum.* Quibus votis suis Beatus Patriarcha, non solum vota sua ad meditandam Redemptoris sui Passionem exaggerat, verum etiam modum, etiam affectum, etiam effectum, & fructum, quo meditaturus sit, eximie denuntiat: in quo toto negotio aequissimū est, ut eum nos quoque imitemur: non solum memoriā aut mentē meditatione Passionis Christi occupando, verum etiam humerorum robore, manuumq̃ue labore, sinē lassitudine, & requie, dignas Christo Crucifixo operationes, imò verò & Passiones suscipiendo, & sustinendo: cum ea mentis corpōisq̃ue etiam hilaritate, & promptitudine, ut planē *absit nobis gloriari in ullo alio; nisi in Cruce Domini nostri IESU Christi.* Sed ipse sit nobis Corona Capitis, ipse merces laboris, ipse præmium sufferentiæ propter ipsum: proficiendo semper in hoc studio: & gradus atque ascensiones in ejus decursu faciendo, superando, transcendendo, ut sicquā maximē Princeps Crucifixorum *formetur Christus in nobis* ipseque sit sibi veluti munus, ac præmium, & pignus suum in nobis, à nobis.

Præter hos modos Compensationis Passionis Dominicæ, est Gratitude atque Actio gratiarum: actio inquam, talis scilicet, quæ non solum animo & memoriā gratias cogitante, nec solum ore gratias fundente, sed multo magis operatione assiduâ, singulari, exquisitè devotâ & liberali, gratias pro Passione (quæ gratia gratiarum, & omnium fons gratiarum est) exhibente perficiatur. Hoc enim genus, & hic modus gratiarum actionis, tum perfectissimus, tum Christo Domino debitissimus juxta ac gratissimus est. Opera gratiarum actionis præstare, atque (ut nuper dicebam) in humero Passum Jesum, & Passionem circumferre, animo & spiritu gratitudinis indefinētis, nec unquam

quam sibi satisfaciens plenissimo, & ditissimo. Et possunt quidem in censum operum gratiarum actionis venire omnia vitæ nostræ opera, etiam ex se indifferentia (tantummodò non ex se, modo ve agendi mala & depravata) bonitate intentionis idoneæ imbuta, & sublimata: nihilominus præcipuum hîc locum, primamque gratiam obtinent opera tum Poenitentiae emendationisque morum: tum exercitationis virtutum & perfectionis, tum Patientiæ, siue voluntarie susceptarum afflictionum corporis aut animæ, siue etiam aliunde, (à Deo puta, aut à Creaturis, permittente Deo) oblatarum, atque in fortunas, in corpus, in animam, in Spiritum, in honorem, in libertatem nostram, vel eorum qui nostri sunt, incidentiū adversitatum, ærumnarumque. Quæ tum toleratio cum Christiana magnanimitate, (scilicet modeste, mansuete, humiliter, hilariter, libenter, avidè, & cum gustu, constantia, ampliorumque desiderio, eorum quoque qui authores fortè sint, amate, ac omne malum in bono vincente animo) suscepta & perfecta, atque Christi Passionis amore & imitatione condita, ipsiusque Christi gustui exhibita: superat omne, quidquid præsens vita gratum, pretiosumque Divinæ offert prævalere Majestati.

Quintus Modus Recompensationis Passionem suam Domino IESV Christo, est ille Apostolicus, siue ille quem Paulus Apostolus, neque is solus, sed pariter cum omnibus Apostolis, & cum his omnes Apostolico officio, animo, laboribusque præditi, & exerciti, jam inde à nata Christi Ecclesia, usque huc tenuerunt, & ad finem sæculi tenebunt. Graphicè illum Apostolus Paulus denarrat, cum ait. *Nunc gaudeo in Passionibus pro vobis, & (seu, quoniam) adimpleo ea quæ defunt Passionum Christi, in carne mea, pro corpore ejus, quod est Ecclesia.* Laborare circa conversionem animarum ad Deum, & circa salutem perfectionemque conversarum jam, atque credentium in Christum, desudare, eoque nomine persecutiones, tribulationes, cruces, verbera, vulnera, mortes, vel exilia, proscriptiones, maledicta, calumnias, censuras, detractiones, irrisiones, oppugnationes, impedimenta, falsa testimonia, & interpretationes, labores, sudores, fatigationes, libenter & infatigabiliter devorare, atque cum Apostolo, filios, iterum iterumque Christo parturire, donec Christus in eis formetur, & crescat in viros perfectos, in mensuram ætatis plenitudinis virtutum suarum. Id verè est compensare Passionem suam Christo: imò id verè est supplere & adimplere ea quæ defunt Passionibus, & Cruci, atque morti Christi, defunt autem ad hoc, ut Passio, & Crux, & Mors Christi ex sese licet per omnia

omnia satisfactioni pro toto mundo, quin & pro infinitis mundis super-
excessivè sufficientissima, tamen quantum ad suum effectum, & effe-
ctus propagationem, applicetur hominibus re ipsâ, & in Ecclesiam, quæ
est Corpus Christi, itemque in Ecclesiæ filios, qui sunt membra corpo-
ris; cujus caput est Christus, derivetur; quæ applicatio Passionis &
Mortis Christi, atque ejus derivatio in Ecclesiam; & filios Ecclesiæ, non
est facta actualiter ab ipso Christo, qui *resurgens ex mortuis, jam ultra*
non moritur, neque patitur in semetipso suaque persona: sed faciendum
disposuit, & commisit Apostolis, & eorum Successoribus in Apostola-
tûs munere, & opere, per omnes gentes, per omnia tempora, quibus
annuntiandum fuit, & est, Evangelium simulque Passiones, & Mors,
atque Crux Christi, ejusque efficacia applicanda, & derivanda in omnes
Ecclesiæ partes, & filios, usque ad sæculi consummationem. Quæ an-
nuntiatio Evangelii atque mortis Christi, applicatioque, & communi-
catio virtutis & efficaciar ejus, quia non poterat, neque debebat esse absque
laboribus, & tribulationibus, & persecutionibus, & passionibus, ca-
dibusque, tam Apostolorum, quam Apostolicorum Successorum, uti
& Christus prædixerat promiseratque, & re ipsâ eventus docuit, & in
hanc usque diem docet, ac porro ad finem mundi docebit, ideo Paulus
consors & particeps factus laborum tribulationumque; pro nomine Iesv
Christi, proque conversione gentium, & pro conversis jam ad Chri-
stum, nec non pro congregatis ad Ecclesiam Christi, fidenter affirmat
de se. *Nunc gaudeo in Passionibus pro vobis, quoniam adimpleo ea, quæ*
desunt Passionum Christi, in carne mea, pro corpore ejus, quod est Ecclesia.
Passus est Christus redundantissimè ad satisfactionem reconciliatio-
nemque totius mundi. Passus est Apostolus, omnesque Apostoli, &
omnes Apostolorum affectus passus sunt, habentque necesse pati, ut ipsa
Passionis Christi satisfactio, & efficacitatis ejus communicatio, fiat
pervadatque in homines, in gentes, in Ecclesiam, in ejus filios, in mem-
bra corporis Christi, cujus Caput est Christus. Et omnes quicumque
aliquando, & alicubi, annuntiaverint Christum, propterea persecu-
tionem patientur, propterea adimplebunt in carne sua, & in personis
suis, ea quæ desunt Passionum Christi, pro corpore ejus, quod est Eccle-
sia. Christus enim, sicut salutem hominum nonnisi per humiliatio-
nem, & exinanitionem suam, non nisi per Passionem Crucis & mortem,
non nisi per charitatem, quâ animam suam posuit pro nobis adhuc ini-
micis, peragere voluit, ac re ipsâ peregit: ita hujus ipsius salutis huma-
næ per se peractæ, in homines derivationem, atque communicatio-

Rom. 6.

9.

Colos. 2.

24.

nam non aliter peragi voluit, & ad usque finem mundi vult, nisi per humilia-
tiones & contemptus, per tribulationes, & persecutionum passio-
nes, per dilectionem ipsâ morte fortiorem, eorum qui pro Christo finge-
rentur & fungentur legatione ad homines, tanquam Deo exhortante per
eos: *Reconciliamini Deo.*

Quisquis ergo ex Amatoribus Christi, vel pro conversione infide-
lium quorumcunque ad Christum, vel pro conversione peccatorum ad
poenitentiam melioremque vitam, vel pro conservatione aut promo-
tione bonorum & iustorum ad sanctitatem vitæ perfectionemque vir-
tutum, vel pro pervasione amplectendorum consiliorum Christi, vi-
tæque mundo contemptæ, & simul mundum contemnens, atque Cru-
cem Christi amplectentis, & jugiter in corpore suo circumferentis,
vel quoquo modo in salutem æternam proximorum suorum, docen-
do, prædicando, confessiones audiendo, rudimenta fidei Christianæ,
rudibus tradendo, hæreses & errores confutando, vitæ Sanctæ exem-
pla præbendo, virtutum opera ad ædificationem aliorum faciendo, Dei
gloriam promovendo, offensas Dei, legisque ejus Sanctissimæ viola-
tiones tollendo, aut impedimento, denique sobriè, justè, & piè viven-
do, sicque perseverando, propter Christum Crucifixum constanter &
ardenter satagit & laborat: is indubitatè adimplet ea, quæ desunt Pas-
sionû Christi in carne sua, pro corpore ejus, quod est Ecclesiâ. *Omnes
enim qui piè vivere volunt in Christo, persecutionem patientur,* quod si hi
qui solum ipsos se piè vivere in Christo curant, ista sors manet, quantò
magis omnes eos, qui non solum semetipsos, sed & quàm plurimos
alios contendunt insatiabiliter adducere ad fidem, spem, dilectionem,
mortificationem, obedientiam, patientiam, imitationemque Christi
Crucifixi, privilegium, (sed & præmium) tolerantia persecutionum,
nec non gratiâ atque gloriâ adimpletionis in carne sua Christi passio-
num, eadem conditio expectat.

His ergo modis potest à quolibet devoto Passionis Christi Medita-
tore compensari salubriter Passio Christi, ipsâ Passione Christi, seu Pas-
sione pro Christo, ad quod enixè constanterque præstandum excitare
cujusvis animum melius sufficientiusque nihil ex parte nostra potest, aq-
debet, quàm ipsa fervens, devota, & frequentata Passionis medita-
tio.

MODVS XCVIII.

Nonagesimus octavus Passionem Domini meditando Modus esse potest: Meditando dediscere ex ea Spiritum huius mundi, per passionemque amatoribus mundi usitatas: addiscere autem Spiritum Christi verum, & proprium, ut ad normam ejus tum sapiamus, tum vitam presentem vivamus. Frequens est hæc meditando Passionem Domini ratio apud Patres, & absolute breviterque loquar, in hunc fere potissimum finem, suas de Dominica Passione cogitationes, tractationesque destinare consueverunt. Neque sine iusta ratione.

Primo namque certum & indubitatum est, tam ex evidentia rationis & naturæ Dei atque creaturæ; quam ex assertionibus Sacrarum literarum, alium & disparem esse Spiritum, sapientiam, sensumque Dei, à iudicio, & sensu, Spirituque hominum, & mundi. *Non enim cogitationes meæ* (ait per Isaiam Deus) *cogitationes vestrae: neque via vestra, via mea. Quia sicut exaltantur cæli à terra, sic exaltata sunt viæ meæ à viis vestris.*

Deinde certum est, utrumque hunc spiritum, Divinum nempe & Humanum, non tantum dispares, & diversos, sed etiam adversos, & planè repugnantes esse, sibi mutuo: ita ut quod Spiritui Divino rectum, hoc humano obliquum: quod Spiritui humano iustum, hoc Divino iniquum: quod Spiritui Divino sapiens, id humano spiritui stultum ac insipiens videatur.

Ita porro hi Spiritus atque sensus sibi ad invicem repugnantes sunt, ut non alternent in sensu suo, quasi contingat alterum eorum nunc rectè, nunc prave sentire, & contra, alium ubi prior rectè, hunc prave, hunc sanè & rectè statuere: sed ita sibi invicem repugnant, ut Divinus Spiritus sensusque, semper & infallibiliter sit sanus, rectus, iustus, Sanctus: neque omnino possibile sit aliter se habere. Mundanus autem, ac humanus semper sit fallibilis & fallax, erroneus, perversus, vanus, insipiens, atque insipientia ipsa, & quem, non sit possibile, rectum esse, nisi consentiat subiectusque sit Spiritui Divino.

Quo fit ut secundum hominem (& idem est, secundum carnem, secundum mundum, secundumque diabolum) sapere, sit non sapere, sed desipere, sed errare, sed falli, sed pravam, & iniquum, & impium, injustumque esse. propter nimirum regulam sapiendi pravam, & iniquam. E contra autem sit exinde, ut secundum Deum sapere, sit verè sapere, sit verè iustum, rectum, prudentem, sapientem, sanctumque esse. Scilicet propter regulam sentiendi verè regulam, & regularum primam.

Inde Sapientia & Spiritus Dei, est Prima Ratio, est Prima veritas, est lux & lex, est Iustitia, est Sanctitas, est Vita. Contra, sapientia huius mundi, sapientia & spiritus hominis seu carnis, est mendacium, est vanitas, est tenebræ, est nox, est mors, est peccatum, est perditio, est stultitia, & insipientia.

Inde illa Sacra Scriptura enuntiata frequentissima. *Sapientia huius mundi, stultitia est apud Deum.* Et. *Dominus scit cogitationes hominum.* (Sapientium, habet Paulus) *quoniam vane sunt.* Et Christus Petro. *Vade retro Sathana, scandalum es mihi: non sapis quæ Dei sunt, sed quæ hominum.* Et aliis discipulis. *Nescitis inquit cuius Spiritus estis: tunc etiam iisdem disceptantibus, quis eorum esset maior, ait: Reges gentium dominantur eorum, & qui potestatem habent super eos, benefici vocantur. Vos autem non sic, sed qui maior est in vobis, fiat sicut minor.*

Quia verò sapientiam & Spiritum Dei inter homines reperire usque adeò rarum, adeò parcum, adeò prope nuspiam licebat: dicente & inquirente scripturâ. *Sapientia verò ubi invenitur? & quis est locus intelligentia.* Nescit homo pretium ejus, nec invenitur in terra suaviter viventium. *Abyssus dicit non est in me: & mare loquitur non est mecum &c.* Et rursus alibi. *Non est qui possit scire vias Sapientia, neque qui exquiserat secretas ejus. Sed qui scit universa: novit eam.* E contra autem toto ferè mundo diffusa dominabatur sapientia carnis, & spiritus hominum, & mundi prudentia, cum suo Principe diabolo; nec erat modus, aut ratio, consequenter neque spes salutis aut vitæ: sed omnia occupabant tenebræ, & mors, & perditio, & insipientia, & cæcitas, & mendacium, & iniquitas. Ideo tandem *tempora & sæcula huius ignorantia despicies,* ac miserans Deus, non amplius, sicut in præteritis generationibus, *dimisit omnes gentes ingredi vias suas, sed misit Filium suum Iesum in terras, & cum eo Spiritum suum, rectum, sanctum, principalem, Spiritum Filii, Spiritum reconciliationis, & simul Spiritum Sapientia, Intellectus, & Scientia: Spiritum Consilii, Fortitudinis, Pietatis, & Timoris Dei.* Spiritum quem mundus non potest recipere, neque novit eum, neque scit eum. *Hic est Deus noster, & non estimabitur alius ad eum.* Hic adinvenit omnem viam disciplina, & tradidit illam Iacob puero suo, & Israël dilecto suo: testimonium perhibente illi Patre suo de cælis ac dicente. *Hic est Filius meus dilectus, in quo mihi bene complacui. ipsum audite.*

Iste itaque Filius Dei, veniens in mundum hunc, & VERBUM Caro factum, tanquam Magister à Deo, & lux vera illuminans omnem hominem

minem

minem venientem in hunc mundum, factus est via, veritas, & vita : via quidem in exemplo, veritas in verbo, vita in premio ; omnem doctrinam, per omnia mundi, & Carnis, & sensus, & hominū doctrinæ contrariam, tradidit nobis, in omni quidem vita sua, omnibusque operibus vitæ suæ, at super omnia, in extrema clausula, hoc est, in tempore Passionis & mortis suæ.

De qua re tanquā supra modum manifesta, & nota in lege Christiana, non libet mea interponere plura verba : libet tamen Augustini præclara apponere sensa. Sic ergo Sanctus Doctor, cum dixisset, quod Deus nullo modo beneficentiū consuluit generi humano, quā cum ipsa Dei Sapientia, id est, Unicus Filius, Consubstantialis Patri, & Coæternus, totum hominem suscipere dignatus est, & *VERBUM Caro factum est, & habitavit in nobis*. Ita enim demonstravit carnalibus, & non valentibus mente intueri veritatem, corporeisque sensibus deditis, quā excelsū locum inter creaturas haberet Humana natura, per hoc quod hominibus in vero Homine apparuit : siquidem ipsa natura suscipienda erat, quæ liberanda. Miraculis conciliavit fidem Deo qui erat, passionem Homini quem gerebat. post alia enarrat quomodo hic ipse Deus Homo, contrariam per omnia spiritui Carnis, atque mundi viam adinvenit, iniiitque ipse, & nobis tradidit, tam in vivendo, sive agendo, quā in patiendo, atque moriendo. Satellites inquit voluptatum divitias, perniciosē populi appetebant : Pauper esse voluit. Honoribus & imperiis inhiabant : Rex esse noluit. Carnales suos filios magnum bonum putabant : tale conjugium prolemque contempsit. Contumelias superbissimē horrebant : omne genus contumeliarū sustinuit. Injurias intolerabiles esse arbitrabantur ; quæ major injuria, quā iustū, innocentemque damnari ? Dolores corporis execrabantur : Flagellatus atque Cruciatu est. Mori metuebant : Morte mulctatus est. Ignominiosissimū mortis genus Crucem putabant : Crucifixus est. Omnia, quæ habere cupientes non rectē vivebamus, carendo vilia fecit. Omnia, quæ vitare cupientes à studio deviabamus veritatis, perpetiendū dejecit. Non enim ullum peccatum committi potest, nisi dum appetuntur ea, quæ ille contempsit ; aut fugiuntur ea, quæ ille sustinuit. Tota itaque vita ejus in terris per hominem, quem suscipere dignatus est, disciplina morum fuit.

Quam disciplinam nisi Homines à Christo Incarnato, Passio, Crucifixio, Mortuo redempti, in Christo renati, Christumque induti quā plenissimē, quāq; tenacissimē tenuerint, impossibile est eos ad opta-

*August.
Tomo 1.
lib. de ve-
ra Relig.
Cap. 16.
Ioan. 1.
14.*

tam salutem, beatitudinemque pervenire. Si enim Christus Redemptor est sapientia? desipit quisquis cum eo non sapit. Si Christus est via? errat qui aliâ progreditur. Si Christus est veritas? ignorans est qui illi non credit. Si Christus est lux? in tenebris est, qui cum eo non est. Si Christus est Iustitia? iniquus est, qui illum non tenet. Si Christus est Pastor? ad lupum pertinet, qui de ovibus ejus non est. Si Christus est Magister? de Schola diaboli est, qui non est discipulus ejus. Denique si Christus Caput est? non est de corpore ejus, qui non est membrum ejus, quod si non est membrum ejus, non etiam vegetatur de spiritu ejus. *Qui autem Spiritû Christi non habet, hic non est ejus. Hic Sapientia est, & hic est sensus, qui habet Sapientiam.*

M O D V S XCIX.

Nonagesimus nonus meditando Passionē Domini nostri Modus esse poterit; Comparando Passionem Christi, quatuor temporibus anni communis. nempe Veri, Æstati, Autumno, Hyemi. Non est enim insolens apud Sanctos Patres atque interpretes, totam Redemptionis nostræ seriem, atque adeo historiā contemplari in Cosmopœia: itemque Incarnati Verbi mysterium opusque universum, agnoscere in umbratum conditione visibilis & naturalis mundi: ipsa quoque temporum in hoc universo discrimina, in salutis nostræ Authore, operibusque illius cognoscere. Particulam ergo hujusce contemplationis rudiusculè & pro captu nostro sectando, licebit meditando vestigare quatuor ista vulgaris Anni tempora, per similitudinem mysticam, tam in vita, quam præcipuè specialiterque in Passione Domini.

Ac Primò nihil vetat Exordis vitæ Christi Hyemem attribuere: cum constet revera hyemē mundi, fuisse Natali Domini nostri in mundum destinatam, Christumque de facto hyemali tempore in mundum hunc nascendo prodiisse. Erat verò tunc simul hyems altera rigidior longè, atque immitior, quando nimirum toto terrarum orbe, universum humanum genus in rigidissimum Idololatriæ & Ignorantiæ Dei gelu concreverat, tota filiorum Adæ progenies, in sævissimam simul ac sterilissimam brumam, viciosissimæ ac profligantissimæ universi vitæ abierat. Omnes declinaverant, omnes inutiles facti erant. Non erat qui faceret bonum, non erat usque ad unum. Ipsa quæ etiam Iudæa gens, in qua sola notus uterque Deus, & manifestatio legis ac iustorum, voluntatumque ejus remanebat, vix exiguis, usque multum deprava-

deprava-
bebat.
hinc sa-
tus sibi
atque a
Bethlee-
xerunt
tyrum
mas eru-
elis ejus
vecordē
lut hyem-
Postqua-
Vade in
quod si
vita ad
veluti h
Vita
liber. T
semien s
(inquan
Evangel
sciplina
sint ad p
vitatem
do, & s
oppressi
usque d
partim
lium, al
dus totu
Passi
ne enim
summu
super dō
nique a
Pascha
erat, qu

depravatis partibus; veræ pietatis ac religionis tenebram residuum habebat. Quam pigrum frigus tenuerit illum ipsum Dei licet populum, hinc satis constat, quia & appropinquantis Messiae adventus, à Prophetis sibi prænuntiatum tempus custodire neglexit, & jam venientem, atque adeo natum eundem, quem Orientalibus Magis, panè digito in Bethleem ostendebant, ipsi tamen cognoscere, adire, venerari neglexerunt. Talis & illa hyems in Populo Iudaico fuit, quæ primos Martyrum flores, tanquam in medio frigore infidelitatis exortos, velut primas erumpentes Ecclesiae gemmas, persequentibus cum Herode ascelis ejus, Animamque Nati Pueri Salvatoris ac sui Regis quarentibus, vecorde pruinâ decoxit. Ipsum verò Christum eadem crudelitatis velut hyemis asperitas, in exilium Ægyptiacum, mediâ nocte compulit. Postquam rediens Angelus, reditumque in terram Israel indicens, ait. *Vade in terram Israel: defuncti sunt enim, qui querebant animam pueri.* quod fuit dicere. *Iam hyems transiit, imber abiit, & recessit.* Denique vita ad Annum trigessimum usque Domini abscondita, quid aliud nisi veluti hyemali frigore arctata, & occulta fuit?

Vitam Domini nostri ab anno trigesimo, tempori Verno assimilare libet. Tunc enim Dominus noster exiit tanquam qui seminat seminare semen suum: tunc exiit conducere operarios in vineam suam, tunc (inquam) coepit circuire Vicos, Castella, Civitates, & prædicare illis Evangelium Regni cælestis, promulgare populis legem vitæ, atque disciplinæ salutis, & non solvere legem, sed adimplere. Tunc pertransiit ad poenitentiam adhortando, ab inolitis vitis dehortando, ad novitatem vitæ vocando, viam Dei in veritate, & mansuetudine docendo, & simul benefaciendo, sanando etiam omnes languores, omnesque oppressos à diabolo, usque dum aliquanti flores apparerent in terra, usque dum regiones albescere jam inciperent ad messem, usque dum partim Apostolorum, partim discipulorum, partim cæterorum fidelium, aliquantulus exstaret numerus, obstrepente invidia: *Ecce mundus totus post eum abiit.*

Passionem Domini Nostri: Æstivum tempus cogitemus. In Passione enim sua Christus, iustitiæ ac Misericordiæ Charitatisque suæ, ad summum usque intendit æstum, & in Auge planè solem suum evexit, super bonos & malos, super iustos & Injustos. An non æstas fuit, omnique æstivo æstu major æstus ille, quo Dominus Desiderio desideravit Pascha manducare cum discipulis antequam pateretur? Non æstas erat, quando Dominus cum dilexisset suos qui erant in mundo, usque

in finem dilexite eos? Non erat æstas & æstus, quando Dominus à mensa confurgens, vestimenta deposuit tanquam calore exundans, & aquâ in pelvim effusâ, lavit pedes discipulorum ad eos abjectus; & veluti ab humo humilive loco refrigerium captans? Non æstas erat in corde Boni Jesu, quando instituto Sacrificio atq; Sacramento mirabili, Corporis & Sanguinis, quidquid potuit, quidquid in omni substantia sua habuit, totum cogente charitate profudit pro dilectione? Non æstas, aut non æstus ardorque fuit, quando longissimum ideoque livissimum illum Charitatis, serinonem? an ardorem? eructavit ipsa illa, quæ ex Deo est; Christi, seu potius, Christus Charitas? Fuitne illa æstas & æstus, quando ingressus hortum, montemque myrrhæ, messuit myrrham suam, avulsus à discipulis, & prolixius orans, stratus super terram; ut n mirum calefaceret eam, refrigeresceret autem ab ea factus in agonia, factus quoque est sudor ejus sicut guttæ sanguinis decurrentis in terram? Æstusne ille fuit, quo percitus processit obviam hostibus, & ludam proditorem amicitia & osculo dignatus, prostratosque hostes verbo suo, mox erexit, & ad sua vincula admisit? Pergat hunc in modum anima devota per totum Passionis Iesu tractum, & æstum æstare, quæque charitatis ejus in singulis passibus periodisque contempletur, admiretur, veneretur, bibat, eoque deebrietur. Inveniet enim per singula momenta Charitatem Iesu, æstuantio rem magis magisque fuisse, & de Iesu victo victoque suo impotentius triumphasse, usque dum in vertice Calvario, supra trabem Crucis elevatum, & undique dilectionis notis spectandum, ejusdemque clavis Cruci affixum, toti cælo, totique terræ conspiciendum dedit, quosque, & quantos agere de Iesu amatore triumphos sibi licuisset, & exultabunda, atque gloriabunda non tantum non verecundaretur, verum etiam superbiret, & trophæa statueret, spoliaque detraheret, ac dispertiret: dicens. *Hæc est præda charitatis David; accipite de benedictionibus ejus.* Pater quidem Æternus Animam, Ioannes Matrem, Latro Paradysum, Crucifixores Veniam, Centurio Fidem, Spectatores Pœnitentiam; Milites vestimenta, Mortui vitam, Arimathæus Corpus, Cælum Pacem, Mundus Restaurationem, Genus Humanum salutem, Captivi Patrum Spiritus Libertatem, & simul Æternæ Beatitudinis Possessionem.

Vbicunque steterunt pedes Iesu, ubique Charitas ejus reliquit signa ardoris sui, æstus sui, violentiæ atque victoriæ suæ. Vbicunque comparuit Amator Iesus, ibi messuit Myrrham primam, ibi botros racemavit, ibi torcularia redundantia vino calcavit, ibi opobalsamum sudavit,

David, ibi ascendit in Palmam & fructus ejus apprehendit, ibi Rex Pacificus, magnificatus est vehementer, & apparuit diademate coronatus, ut in die desponsationis & lætitiæ cordis sui, propter filias Hierusalem.

Unde sive cogites, aut contempleris Agoniam & sanguinei sudoris balneas, sive vincula & catenas & verbera, sive furiosas raptationes, sive alapas, colaphos, vulsiones, consputationes; percussiones, sive adjuramenta, falsa testimonia, contumelias, calumnias, opprobria, mendacia, insultationes; sive illusiones, sive Barabbas, sive calumnias, sive flagellationis araturas, sive spinarum aculeos, sive coronas & purpuras, & adorationes, & arundinea sceptræ sive universoni populorum plena ad Crucis mortem suffragia, atque nonnisi perniciæ Christi explenda quieturaque odiorum studia, sive damnationis decreta, sive patibuli gestationem, sive fel & acetum, sive nuditatem & verecundiam, sive clavos & vulnera, & sanguineam & Crucem: sive cum iniquis depurationem, & inter eos mediantem principatum, sive postrema linguarum jacula, venenata, & blasphemales injurias cruentificis plagis sæviores, sive sitim atque derelictionem, sive hostium tanquam votis suis abundè potitorum poenisque suis exsaturatorum victricem lætitiæ, sive postremam omnium mortem atque sepulturam. Quidquid horum cogites nonnisi messem æstivam, æstuantis Charitate Jesu cogites: quæ ille demersit usque ad novissimam spicam, usque ad minutissimum granum, ad unicum acinum, atque uvam. Donec omnia horreis divinis illata, & in officinis Redemptionis condita, & famelicæ sitibundæque charitatis ingluvie satiata atque saginata: ipsa demum, sciens quia consummata sunt omnia, & nihilominus sitim suam testata, acetoque gustata solata, *Consummatum est*, proclamavit & denuntiavit.

Resurrectio Domini & quæ eam consecuta est multiplex apparitio, ac deinceps in celos Ascensio, quin & Spiritus Sancti ad Ecclesiam missio, sessio ad Patris dexteram, & quæ mundi, quæ specialiter Ecclesiæ ad finem mundi duratura gubernatio, deputeretur Autumno ejusque similitudini comparetur. Omnia enim illa quæ Resurgens ex mortuis Dominus egit, & agit, & acturus est, non tantum ad hujus sæculi finem, sed etiam toto illo futuro sæculo, quod nullum habebit finem, fructus sunt, & collectiones fructuum sunt, quos terra nostra sanguineis laboribus Christi nostri culta, arata, seminata, plantata, rigata, fecundata, ad incrementum & maturitatem provecta, dedit, & dat, & dabit Agricoltæ cælesti juxta illud. *Omnia poma, nova & vetera servavi tibi, Dilecte mi.* Omnia sunt vel fructus, vel merces, laborum, merito-

omniumque Christi, omnia sunt vel opera, vel propagines operum Christi, donec veniat ille absque fine finis: cum tradiderit Christus Regnum Deo & Patri, cum evacuaverit omnem principatum, & potestatem, & virtutem: quando & positos habebit inimicos suos sub pedibus suis: ut sit Deus omnia in omnibus.

Potest autem hæc ipsa Passionis Dominicæ comparatio ac meditatio, aliter paulo institui, secundum eadem Anni tempora: ut Passio in Horto, sit veri similis: quæ apud Annam & Caipham, & totâ nocte gesta sunt, Æstatem referant; quæ apud Herodem & Pilatum, Autumni similia sint. Quæ demum in Cruce & Morte, Hyems quædam sint Passionis.

Ea quæ in Horto Passus est, ver quoddam erant, Præludia enim (estd acerbissima, & usque ad mortem, usque ad sanguinem) præludia tamen & initia tantum dolorum fuerunt, omnia illa quibus Hortus Humanitatis Christi, cum suis arbulculis, atque floribus præambule arabatur, colebatur, seminabatur, rigabatur, ligabatur, circumfodiebatur, transferabatur. Quæ ante horam illam latebant in sola præscientia Domini omnium quæ ventura erant super eum: conclusa tanquam in necdum aperta ad germinandum humos, tunc pullulare cœperunt omnia, tunc enim cœpit Dominus Iesus pavere, tædere, contristari, & mœstus esse, tunc pavor mortis irruit super Animam Iusti nostri: tunc Oratio, tunc Calix inebrians, tunc Agonia, tunc Sudor sanguineus, tunc perfidiæ oscula, tunc Captivitas & vincula venerunt super nostrum Samson. Tunc etiam ignita licet, abdita tamen aliquomodo Charitas Christi efflorescere, & veluti vernare manifestius, & efficacius incipiebat, atque primos suos fructus Cælesti Patri offerendo libabat.

Ea quæ Dominus Passus est in Annæ & Caiphæ domibus, Examina, Testimonia, Adjurationes, Judicia, Damnationes, Mortis decreta, Conspirationes, Consputationes, Velationes oculorum & faciei, Tunctiones, Vellicationes, Alapæ, Colaphi, Palmæ, omnesque injuriæ noctis, inter feces satellitum rabidorum, totusque ille nocturnus æstus potestatis tenebrarum, & furoris bullientis, odiique fervor, omnium, at præcipuè Principum, & Sacerdotum. Quo ita æstuabant, atque in tantam agebantur præcipitabanturque festinationem, condemnandi quàm primum, atque ex vivis tollendi Christum, ut neque coenandi; neque quiescendi sibi met spatium darent, sed eadem unâque noctis parte, traditus, captus, adductus, accusatus, examinatus, iudicatus, condemnatus.

damnatus, & nimirum tormentis (juxta illud, *contumacia tormentis* interrogemus eum). quæstionibusque subjectus, illudendus, & affligendus totam per residuam noctem relictus est. Summo deinde inane coactio iterum Concilio, iterum ab universo damnatus, raptum Pilato Præfidi oblatum, traditum, summario accusatus, calumniis obrutus, odia fatigatus, ad mortem Crucis omni iniquitatis conatu & studio postulat, denique adductus est. Revera Domine Jesu æstuaverunt homines illi impii, æstu magno & blasphemaverunt nomen tuum: neque egerunt penitentiam, ut darent tibi gloriam. Sed & tu Domine Jesu toto cordis tui desiderio æstuabas in patiendum, pro nostra salute, proque Patris tui Obedientia & Amore: ita ut ad ardores æstusque tuos odia inimicorum tuorum, tarda, & torpentina frigidaque prorsus essent, ut præpe assiduo malitiæ hostili, repeteris illud tuum. *Quod facis, fac cæcis.*

Ea quæ exinde apud Pilatum, apudque Herodem, & rursus apud Pilatum, in ejusque Prætorio perpeffus est Dominus, quendam Autumni videntur referre. Ex tunc enim cunctantius & quasi maturius acta videntur omnia. Expendit Præses Pilatus objecta, invenit, & testatus est nulla, ac soli tantummodo invidia & odio servientia: reddidit testimonium innocentia, recusavit cognitionem iniquæ causæ, demum remisit ad forum dominumque suum, Galilæum Civem, ad Galilæum Regem. Ubi ita audita accusationes in Christum, ut tamen durius nihil statueretur in ejus sanguinem, & supplicium. Deinde gradatim supplicia processere, Barabbæ primum compositus, ac postpositus est, postea correptus flagellis, quasi poenæ dimittendus: tum actorea pars admittitorem partem trahi visa, vitam & sanguinem ne peteret. Nihil omisum cunctationis ab Iudice, quo minus ad sententiam feralem accederet. Nihil non maturè, sedatè, absque æstu, & rabie, denique lotis manibus ad ultimum decretum accessum est. Et inter hæc bonus quoque Jesus, tanquam vitis fructifera, & botris onusta vinoque redundans apparuit, vindemiam fecit, torcular calcavit solus, mustum sanguinis per flagella, & verbera expressit. Spinis etiam confixus & punctus, tanquam ad uberiores, dulcioremque gustui fructum & saporem, & medicinam. Postremo per omnia perfectus vir & Rex dolorum apparuit purpuratus, & coronatus, dolore, & ignominia, donec ad desideratissimum regni thronum duceretur.

Hyems Passionis Domini Nostri fuit, gestorum & toleratorum circa crucem, & in cruce, usque ad mortem series: tanquam in hyeme delapsa excussa que sunt ex Arbore Christo, ipsa etiam folia, etiam ve-

3.
19.Apoc. 18.
9.Ioan. 13.
27.

umenta. Ipsi quoque noti & amici recesserunt, & foras fugerunt: consolator quæritus, nec inventus. Pater ipse Æternus inter derelictores esse voluit, deseruitque Filium uteri sui. Obscuratus est Sol, Luna non dedit lumen suū, Angeli pacis amare flebant; terra mota, petra scissæ, monumenta aperta, Sancta Sanctorum scisso velo patuerunt. Ad extremum horror hyemis, & gelu mortis invasit Dominum, inclinato Capite tradere coëgit Spiritum, & rigentem gelidumque inclusit sepulchro, & insuper obruit grandi lapide advoluto. Et quānā hyems rigidior hyeme mortis, hyeme sepulchri?

O utinam in nobis Christianis efflorescant tandem tandem flores bonarum mentium, atque voluntatum, Sanctorum, & Deo placitorum desideriorum.

Utinam æstuemus verā & germanā in Deum ejusque voluntatem, & gloriam, charitate; ut Christo in carne Passio, & nos eadem cogitatione armati, indicamus implacabile bellum Carni, & Sangvini, Mundo & pompis ejus, diabolo & desideriis ejus.

Utinam Crucem Domini amplectamur, & portemus post Jesum, unicam gloriam reputantes, configi Cruci ejus, & stigmata ejus in corpore & anima portare.

Utinam denique moriatur in nobis omne quod inimicum est Deo, ejusque repugnans voluntati. Et fiat *vita nostra abscondita cum Christo in Deo, ut cum ille apparuerit vita nostra, tunc & nos appareamus cum ipso in Gloria.*

M O D V S . C.

Centesimus meditandi Passionem Domini nostri Modus esse potest: Recogitando quomodo Dominus noster in sua Passione atque Morte, tam per Malitiam odiumque Inimicorum suorum; quā per Charitatem suam erga Patris Æterni honorem, & erga nostram salutem, annihilatus, exinanitus, mortuusque est totus. Libet hoc declarare aliquatenus in gratiam pii meditatoris.

Quod ergo attinet ad Inimicorum Christi erga ipsum Malitiā atque Odium: Manifestum est consideranti studia eorum, hanc fuisse primariam & plenariam ejus proprietatē efficere, ut Christus neque Deus, neque Homo, neque quidquam aliud esset, sed ut nullo modo in rerū natura existeret; ut ann hilaretur, seu ut in nihilum omnino redigetur. Quod & effecerunt omnino facto ipso, quantum quidem in ipsis erat.

Ad quod

Ad quod plenius considerandum, videamus studia, & proposita
 luntatis eorum, odiis omnibus inflammatissima. quæ quidem ipse
 Dominus noster apud Ieremiam sibi ostensa & cognita fuisse testatur,
 dum ait ad Patrem suum Aeternum. *Tu Domine demonstrasti mihi &
 cognovi: tunc ostendisti mihi studia eorum.* Quæ verò fuerint illa studia,
 quæque proposita, & quò demum exitu terminanda, effectūque satiā-
 da ex ipsorum voto, mox in consequentibus denuntiat, & prædicit, per
 eundem Prophetam subdens. *Et ego quasi Agnus mansuetus, qui porta-
 tur ad victimam: & non cognovi, quia cogitaverunt super me consilia, di-
 centes. Mittamus lignum in panem ejus, & eradamus eum de terra vi-
 ventium: & nomen ejus non memoretur amplius.* In quibus verbis, ma-
 nifestè, & expressè, Inimici Dei, & Salvatoris nostri, exprimunt viru-
 lentiam studiorum suorum ad nocendum, esse & fuisse tantam, ut con-
 tenti non essent quantacunque Domini afflictione, sed eam talem esse
 optarent, quæ in primis esset ignominia pariter & cruciatus plenissima.
 Crucis nimirum, quam expresserunt illâ phrasi. *Mittamus lignum in
 panem ejus.* quasi dicerent, affigamus eum Cruci, suspendamusque in
 ligno corpus ejus, quod panem vocant, velut præfagientes (quanquam
 non ex suo spiritu maligno, sed ex Divino oraculo) Corpus Domini Je-
 su, futurum panem missum, & datum, à Patre de celo, verum, qui dat
 vitam mundo: nisi velimus dicere, Corpus Domini nostri, vel ipsummet
 Dominum nostrum Panem ab eis dici, quòd ejus excarnificatio-
 ne, atque cruciamentis, præsertim in ligno Crucis, essent odia sua, &
 furores, ita exsaturaturi, quomodo famelici, & fame rabidi lupi, aut
 canes, aut quicumque alii exsaturantur cibo, vel pane, quomodo alicu-
 bi Dominus dicit de suis iisdem persecutionibus. *Satiati sunt paenis
 meis.* ac si poenæ suæ, panis eorum fuerint, quibus usque ad ingluviē,
 & odesitatem saginati, & facti fuerint. Pergunt autem impij furorem
 pectorum ac studiorum suorum contra Christum explicatis enarrare
 cum dicunt. *Et eradamus eum de terra viventium:* quasi dicant. Pa-
 rum est nobis, Crucifigi à nobis Christum: amplius desiderant odia
 nostra: non quietura, neque sopiēda, nisi penitus eraserimus eum de
 terra communi: ut vestigium ejus supersit inter homines nullum, nul-
 la fibra radices ejus, nulla vel umbra illius. Ipsa quin & memoria no-
 minis ejus, ex hominum mentibus tollatur & aboleatur, ut nomen ejus
 non memoretur amplius, sed fiat, quasi nunquam eum, aut natura re-
 rum, aut oculus hominis vidisset existentem.

Simillima hostiū Christi in Christū studia, sive potius odia, ipsimet
 hostes

474 M O D V S C.
 hostes deprædicant apud Salomonem, cùm dicunt. *Circumveniamus justum, quoniam inutilis est nobis, & contrarius est operibus nostris, & impropèrat nobis peccata legis, & diffamat in nos peccata discipline nostre.* Promittit se scientiam Dei habere, & Filium Dei se nominat. Factus est nobis in traductionem cogitationum nostrarum. Gravis est nobis etiam ad videndum: quoniam dissimilis est aliis vita ejus, & immutata sunt via ejus. Tanquam nugaces estimati sumus ab illo, & abstinet se à viis nostris, tanquam ab immunditiis, & præfert novissima justorum, & gloriatur Patrem se habere Deum. Videamus ergo si sermones illius veri sint, & tentemus quæ ventura sunt illi, & sciemus quæ erunt novissima illius. Si enim est verus Filius Dei, suscipiet illum, & liberabit eum de manibus contrariorum. Contumeliâ & tormento interrogemus eum, ut sciamus reverentiâ ejus, & probemus patientiam illius. Morte turpissimâ condemnemus eum: erit enim ei respectus ex sermonibus illius. Hæc cogitaverunt impii: & hæc postmodum tam opere, quàm sermone præstiterunt, adeo pænè ad ungve, ut dici posset ex Evangeliiis hæc assumpsisse, quæ ante Evangelistas omnes tantò ante prolocuti sunt.

Hanc eandem plùs quàm furiosam exitialemque inimicorum Christi enormitatem, ejusque usque ad exterminium affligendi cupiditatè, Beatus Iob expressit. cùm inter alia in Christi Persona de ejusdem doloribus prolocutus est. *Oppressit me dolor meus, & in nihilum redacti sunt artus mei.* Cujus verbis consonat etiam apud Davidem in persona sua Dominus. *Et ego (inquiens) ad nihilum redactus sum, & nescivi.*

Quomodo autem hæc in Scripturis Sacris de hostili in Christum odio prænuntiata, effectu ipso ab hostibus comprobata, inque actum deducta sint, ex Evangelica, narratione videamus.

Universaliter ergo in primis loquendo. Impii & Inimici Domini, quidquid in Domino fuit, totum destruxerunt. quod verò destruere non potuerunt, negaverunt: atque sic nihilominus quantum in ipsis fuit, totum Dominum destruxerunt, corruerunt, in nihilum redegerunt.

Nasciturum in mundum Dominum nemo suorum recepit, sed eum ad stabulum, atque ad bestias rejecerunt; unde & Mater sua coacta est reclinare eum in præsepio; quia non erat ei locus in diversorio.

Natum in mundum: subito ad necem quænaverunt atque destinârunt: quam ne evaderet nulli infantium coactaneorum pepercerunt, sed ut ipse inter illos unus perditorum occisorumque esset, inauditam post homines natos, parvulorum lanienam perfecerunt.

Ergo

Ergo in Exilio Ægyptiaco profugus, occultus, omnium egens, & inops servatus, succrevitq; donec mortui sunt omnes ii, qui quarebant animam ejus.

Reversum ab Exilio, latere ignotum, abjectum, pauperem, fabrilia opera peragentem, obsequia domestica omnia **MARIÆ** Matri, & **Iosepho** Patri impendentem; planèque occultum ad annum usque trigessimum ætatis permanere opus fuit, ut postmodum Filius fabri, & faber, & Filius Ioseph, ac **MARIÆ** per contemptum diceretur.

Prodiit tandem in publicum, ut putabatur filius Ioseph: & rem communem, id est, salutem totius mundi agere coepit: sed simul etiam eodem opere ac tempore, odiorum & persecutionum ostium ei apertum est, & adversarii multi.

Ante omnia negaverunt eum Deum esse: sed neque Dei Filium esse audire potuerunt, multòque minùs credere. Quin etiam illum neque Hominem Dei, seu Hominem à Deo esse, putarive passi sunt. Itaque quod in ipsis erat, Divinitate eum spoliaverunt, atque si Patrem suum Deum, ac se Filium Dei appellasset, blasphemix, mendacii, impietatis, mortis denique reum judicaverunt, proclamaverunt, lapidibus obruere tentaverunt, demumque Crucis tandem supplicio necaverunt. Neque hic stetit iniquitas eorum: sed negantes Christum Deum, negaverunt & Incarnatum, seu **VERBUM** Carnem factum: quàm quidem injurià nihil Deo ingratus, nihil Christo injuriosius, nihil Humani generis saluti nocentius, nihil toti universo damnosius, quantum in ipsis erat, fieri potuit.

Quid enim Homine Deo, atque **VERBO** Carnem induto, vel Magnificentius Deitati, ejusque gloriæ atque Charitati, vel honorificentius Christo, vel salubrius generi humano, vel toti universo visibili invisibiliq; ornatius & pretiosius? Tolle de natura rerum Deum Hominem: sustulisti Divinæ Charitatis medullam: sustulisti læsæ Majestatis Dignitatique Divinæ unicam medicinam, sustulisti totius generis humani salutem, sustulisti universi omne unicumque Bonum. Hoc fecit hostium Christi furor, quando in Christi Deitatem debacchatus est. *De bono (inquit) opere non lapidamus te, sed de blasphemia; & quia tu homo cum sis, facis te ipsum Deum.* Et rursum. *Nos (aiunt) legem habemus, & secundum legem debet mori, quia Filium Dei se fecit.*

Orbârunt ergo impii & inimici Dei nostri, Deum nostrum, per impietatem suam, & Divinitatis naturali Majestate, & Incarnationis dignantissimâ charitate. Videamus an saltem eum esse per illorum

Curiosissima odia licuerit integrum in Innocenti Humanitate.

Ac inprimis attendamus, an, & quam ei honestatem, civilem saltem, reliquerint? & reperiemus, nullum (ut aiunt) pilum boni, honestique hominis, ac Civis residuum fecisse. Siquidem cum Peccatorem Samaritanum, damoniacum, furiosum, insanum, mendacem, Pseudopropheta, Sacrilegum, legum violatorem, Impium, Ambitiosum, Regni avidum, Seditiosum, Rebellem, Seducatorem, Maledicum, & Maledictum, Execrandum, Potatorem, Voracem, Latronum Principem, & homicidis latronibusque deteriorem, vitâ indignum, Mortis reum, Blasphemum, Furciferum, neque commiseratione, neque aspectu, neque appellatione, neque unius saltem diei vitâ dignum reddiderunt. Hanc illi honestatem Christo induerunt, talem illum Civem suffragiis suis fecerunt.

At enim fortasse doctrinam ejus caelestem sapientiamque Divinam, & viam veritatis docentem promptis, paratis, obsequentibusque animis receperunt? Constat namque quia Dominus Jesus, populo illi scelerato, & semini nequam, præcepta vitæ, salutisque æternæ proponebat, ut poenitentiam agerent, quoniam appropinquasset Regnum Dei: ut ejus mandata servarent, quatenus ad vitam æternam ingredi possent, ut Deum ex toto corde, & super omnia; proximos verò sicut semetipsos diligerent; ut non irascerentur omnino, ne inimicis quidem, sed ut amarent inimicos suos, benefacerent malefactoribus, benedicerent maledicentibus, orarent pro persequentibus, ut tollerent legis suæ super se jugum suave, & onus leve. Hæc, similiaque ille Doctor Iustitiæ, de caelo datus, atque promissus populum suum edocebat. Porro Homines illi, planè ac si non hæc, sed his contraria præciperet, ita prorsus his omnia contraria egerunt, atque in ipsummet Doctorem Iustitiæ exerceverunt. Non tantum non egerunt poenitentiam de peccatis, sed potius dilexerunt peccata sua, dilexerunt magis tenebras quam lucem; & Christum, licet non solum proximum, sed etiam Benefactorem suorum tam corporum, quam animarum, odio habuerunt gratis, beneficienti & voluerunt, & fecerunt pessimè, doctrinæ contradixerunt plius quam pervicaciter, maledixerunt benedicienti, insidiati sunt innocenti, optima quæque monenti, svadenti, docenti, volenti, pessima quæque, probra, odia, persecutiones, insidias, præcipitia, lapidationes, contumelias, vincula, verbera, vulnera, omnia denique vitæ pericula, usque ad mortem turpissimam objecerunt.

Iam verò viventem illum numquid non sic exagitaverunt, tractaverunt,

runt, ut tamen eum salvâ vitâ, hominem esse non permiserint. Minimum est, quod vultum ejus præ filiis hominum speciosum, decorum, & amabilem, velaverunt, conspuerunt, conspurcârunt, contuderunt insuper pugnis, alapis deformârunt, unguibus laceraverunt, genas vulserunt, labia labraque ruperunt, fauces & dentes concusserunt, formâ spoliaverunt, & exterioris speciei pellisque nihil reliquerunt. Itaque quasi absconditus vultus ejus erat: viderunt eum Prophetæ, & Amantes Animæ, sed non erat ei aspectus, desideraverunt eum, sed quasi leprosum, & ne quidem reputaverunt eum. Unde & ipse Pilatus sic deformem informemque videns, scelestæ illi multitudini produxit eum foras, dicens. Ecce Homo: quod erat dicere. Ecce jam nihil in eo est, unde dici, unde reputari possit, debeatque Homo. Nimirum caput ejus depilatum, lacerum, concussum, tumens & livens, spinis infixis circumquaque horridum, sanguinis proprii tabo cerebroque stillante infectum. Os lacerum, distortum, & inæquale, genæ tumentes, lividaque, oculi succulsi, & suffusi, nares ruptæ & cruentæ, à percussionibus. Mentum lacerum, collum fractum, omnino per omnia nihil habens humanum.

Sed reliquam quoque Corpus Domini minimè humanius habitum: totum à planta pedis usque ad verticem, sanitate & integritate, imò & pelle atque adeò carne quoque destitutum, quia despoliatum, quia lacerum, lividum, cruentum, vulnere super vulnus concisum, usque ad ossa carnè revulsâ nudatum, sanguinis rivi & glomi undique per terram fusi, pedibus conculcati, & canibus ad lingendum derelicti, partes carnis revulsæ, & hac illac per aërem, per circumstantes, per parietes, per pavementum sparsæ. denique quasi hætenus honorificè sanguinem ejus tractassent, omnium quo poterant loco detestatissimo eum perspexerunt vociferantes: Sanguis ejus super nos, & super filios nostros. O portentum odii? non humani, sed neque diabolici, at Iudaici, at populi Christi inimici.

Quid quod venæ, arteriæ, musculique Corporis distracti, atque laceri, & soluti? Ossa omnia dinumerata, lingua, palatum, fauces, guttur, viscera, fame primum siti que, deinde felle & aceto pasta & potata sunt. Manus, pedes, caput, latus, cor, fauciatum, punctum, transfixum?

Affixum Cruci, & necdum erectum, tantâ petulantia, in os vultumque miserabilem partim conspuerunt, partim calcibus percusserunt, ut prope enecaverint. Sublatum verò in Crucis trabe, medium

latronum, & iniquorum, tanquam latronum iniquissimum & caput statuerunt, aversumque à Civitate, ne ejus oculis, & aspectu, Civitas scilicet macularetur.

Pendenti jam in Cruce impropèrârunt, insultârunt, exprobrârunt, blasphemaverunt, omnibusque linguæ, & oris maledicentiis, dicacitatibus, scommatis, sarcasimis flagellaverunt, confixerunt, suos quidè animos jucundâ voluptate, Animam verò illius amarissimo dolore, saturaverunt : scelusque suum, omni scelere sceleratius, sicut Sodoma prædicaverunt, in eoque coram oculis ejus ad invicem tripudiantes, & exultantes triumphaverunt.

Et hætenus eum vivere vitam licet omne morte amariorem permisissent, sed tandem, tandem, etiam in ejus vitam grassati sunt, eumque ad mortem adauctum vitâ spoliatum, Animâ de corpore proturbatâ, non hominem ex homine, non Deum-Hominem, ex Deo-Homine, non existentem ex existente, nihil & non ens ex ente fecerunt.

Atque huc cursus, huc usque conatus, huc usque furor odiorum & invidentiæ hostium Christi nostri fuit *Maledictus furor eorum, quia perinax ; & indignatio eorum, quia dura ; quia infurore suo occiderunt virum, & fecerunt in eo, quacunque voluerunt, prolongaverunt, atque ad nihilum usque terminaverunt iniquitatem suam.* Bene, atque justè Sanctus Patriarcha maledixit ac detestatus est, furorem odiumque Filiorum & posterorum suorum, benè & justè, nos quoque detestamur eundem tanta cum rabie, rabidaque obstinatione exercitum. At quid nobis faciemus ipsi nos. Nos inquam Christiani, nos peccantes & peccatores, nos bibentes quasi aquam iniquitatem. Nos exundare facientes omnem impietatem absque ullo termino : nos iterum iterumque, & milles milliesque iterum Christum crucifigentes in nobismetipsis, & eum ostentui atque contemptui habentes. Nos qui sanguine Christi, vel potius Sanguinis Christi pretio, animabus scilicet nostris, profunda inferni replemus : Nos quibus risus jocusque est, salutem à Christo nobis quasitam, contemnere, negligere, perdere, atque diabolo propinare, offerre, obtrudere. Nos denique qui diabolum Christo præferimus, & cum diabolo, à diabolo infernalem æternamque damnationem, præligimus, atque præponimus à Christo nobis partæ, acquisitioneque æternæ salutis ? Quid inquam faciemus nobis ipsi nos, aut quid maledictionis obventurum putamus nobis, qui tantam negligimus salutem ? Non enim comparatio est malitiæ judaicæ in Christum, cum nostra in eundem ingratitude, petulantia, & peccandi enormitate :
in im-

in immensum maior est, magis injuriola est, magis ingrata est, majore supplicio digna est Christiana quam Iudaica in Christum malitia. Iudaicum enim furorem, & furoris totum scelus, admisit Christus, & suâ charitate in obsequium suum, & in exsequendû salutis nostræ totiusq; generis humani consilium adhibuit, adeo ut impiorum illorum manus, quando suo incumbabant sceleri, tunc simul famulabantur Redemptori. At verò Christianorû scelera, ad nihil proficiunt, serviuntve Christo: nisi ut cum peccatis peccatoribusque Christianis, devoluantur in tartara simul quoque Divinus sanguis à Christo profusus. An verò indignius sit Christum à Iudæis ad breve tempus exosum, contemptum, crucifixum, occisum esse; an eundem, Salvatorem creditum, & agnitum à Christianis, cum animabus suismet, in æternam perditionem scelere voluntario devolutum esse: judicent cæli, terræ, & ipsi inferi. Vidimus quantum Malitiositati odusque hostium in Christum licuit, qualiterque eorum acerbitate & insatiabili furore ad usque nihilum deductus sit; Iam superest ut videamus quid ipse in eo fecit Charitas erga Æternum Patrem, & erga nos propter Patrem.

Atque in primis dico, quod nihil prævaluissent ulla inimicorum Christi in Christum odia, nisi ea prior Charitas Christi acceptasset, & admisisset, suoque consilio, & suo excessui, instrumenta esse, ministrareque fecisset. In quem sensum Dominus Jesus Pilato potestatem vitæ & necis ejus apud se proponenti, respondit. *Non haberes potestatem*

*Joan. 19.
11.*

adversum me ullam; nisi tibi datum esset desuper, à mea scilicet propria in Patrem, & in Homines propter Patrem Charitate.

Hæc Charitas Christi, vocatur ab Evangelista Excessus, seu Excessiva; ab Apostolo Paulo, nimia; à Davide, Copiosa. à Salomone Fortis ut Mors fortiorque Morte, & dura sicut Infernus: à Ioanne in finem usque & finem non habens, ac demum ipsemet Deus: à Christo denique ipso Major omni, & quâ majorem habet nemo.

Hæc Charitas ita in Christo vigit, abundavit, excessit, ita ei dominata est, ita despoticè eum tractavit, subjectumq; habuit, ita de eo impotenter triumphavit, ut aut esse Charitatem, aut Christum esse Deum Hominem ignorasse, vel oblita esse, vel contemptui habuisse videri, atque ex gestis suis argui possit. Subjugavit ita sibi totum, quantus quantus erat, Christum, ut in Christo nihil reliquerit Christi, sed totum impendit sibi, hoc est suæ voluntati, potestati, violentiæ, excessui, nimietati.

Explicent hoc primû Apostolica verba, deinde ipsius Christi, ejusq;

Philip. 2.
6.

Charitatis opera. Verba sunt Apostoli. *Christus, cum informa Dei esset, non rapinam arbitratus est esse se equalem Deo, sed exinanivit semetipsum formam servi accipiens, in similitudinem hominum factus, & habitu inventus ut homo: factus obediens usque ad mortem, mortem autem Crucis.* Non egent dicta Apostoli commentario & explicatione, omnes elucidationes habet, explet, & excedit, dictum illud. *Exinanivit.* Atque hoc videamus in Dei nostri ejusque charitatis operibus.

1. Incarnatio ejus. Exinanitio fuit. Nam quid tam exinanitum, quam *VERBUM* Caro factum, Creator in creaturam formatus.

2. Nasci in stabulo, eò quòd non esset ei locus in diversorio: Exinanitio fuit. & talis quidem, ut beneficentiâ brutorum in præsepio utendo eguerit.

3. Circumcidi octavo die. Exinanitio fuit. hoc enim facto stigmatè peccatoris signatus est: quod ipsum signaculum subiit quando baptismo poenitentiae ab Ioanne ablatus est.

4. Triginta ipsis annis in subjectione & obedientia Patrum occultus, ignotus, abjectus, contemptus vixit, etiam hoc Exinanitio fuit.

5. Quadraginta diebus jejunasse & postea esurisse, cum bestiis in deserto vixisse, à diabolo tentatum triplici assulto, insuper à diabolo portatum de loco in locum, inter tam propudiosas & exosas manus, nec non ad sui adorationem invitatum. Numquid non etiam hæc Exinanitio fuit?

6. At enim prædicatione Evangelii, miraculisque omnis generis, beneficiis in populos infinitis, Innocentiâ vitæ, sinè ulla omnino culpa, Admirandâ sapientiâ, stupendâ, in morbos, in mortem, in dæmones, in ventos, in marinos fluctus, & tempestates, potestate inclaruit, gloriosus visus, magnificatusque est: nimirum nusquam magis (ante Passionem) exinanitus est. Hic ille namque per supra dicta omnia nomen acquisivit stulti, dæmonium habentis, in furorem versi, insani, peccatoris, & peccatorum meretricumque amici, Samaritani, blasphemæ, seducentis turbas falsarii, & falsi Prophetæ, divinitatem arrogantis & eminentis. Hic ille amisit Sapientiam, Veritatem, Iustitiam, Innocentiam, Pietatem, Religionem, Charitatem, Scientiam, Honestatem, denique omne boni Hominis nomen, omnemque speciem prodedit, ita præcipiente charitate.

Omittamus quòd cum dives esset, propter nos egenus factus est: & ita quidem egenus & mendicus, ut alienâ miseratione sustentaretur, quâ ipsâ non rarò deficiente, se, suosque nonnisi fame & inediâ sustentaret,

taret,
ut ejus re
veatum,
neque p
rechnate
& alieno
nimirum
lam v
ablutio
triumph
humilit
bim, sup
facere:
proditor
Deum-
à diabo
erant, in
nulla eu
des sang
manibu
sunt!
jectum
Sed
ecquæ
fidei cr
ficatur
nihilat
nat, in
cui sit o
risticue
præsen
lis sum
in sume
quod si
tatur.
cogita
adegit
elocuti

taret, eò demum egestatis sese redegit, atque a Charitate redactus est, ut ejus respectu, atque comparatione, vulpecula & avicula suarum fovearum, suorumque nidulorum possessione eum excederent: denique neque palmum terræ, ubi pedem poneret, neque locum in quo caput reclinare posset haberet: unde & pendulo in Cruce capite mortuus est, & alieno in linceo involutus, alieno in sepulchro conditus est. Ad hanc nimirum eum omnium rerum egestatē nuditatēq; Charitas adegit.

Iam verò Ingressus ille in Ierusalem super asinam & pullum ejus: ablutio quoque pedum discipulis suis facta à Domino: quid fuit nisi triumphus Charitatis de Christo, ejusque non tantum gloria, verum & humilitate. Ascensorem Cæli, curru gloriæ solitum vehi super Cherubim, super aëllum locare, & triumphaliter in urbem Regiam ingredi facere: numquid non ludus Charitatis est? porro ad usq; Iudæ etiam proditoris pedes lavandos, extergendos, osculandos, amplexandosque Deum-Hominem abjicere: hic major excessus exinanitionis est, quam à diaboli manibus gestatum nuper fuisse. Nam manus etsi diaboli erant, innoxie tamen à Christi Sangvine erant, & gestando Dominum nulla eum injuria lædebant: at verò pedes Iudæ, pedes proditoris, pedes sanguinarii, pedes circa mercaturam vitæ Domini sui inquinati: manibus Christi contrectati, abluti, extersi, amplexu & osculo dignati sunt! O Charitas Christi! itane tibi viluit tuus Christus, ut eum subiectum & servum habere Judas proditor fuerit te Iudice dignus.

Sed ecce Eucharisticā in Sacramento atque Sacrificio dignatione, eoque major, monstrosior, prodigalior, exinanitivior exinanitio? Si fidei credimus: imò quia credimus: ibi Christus immolatur & sacrificatur totus, quid est autem sacrificari, nisi oblationis actione, ita annihilatoriè quodammodo immutari, ut res oblata suo modo esse designat, in honorem & recognitionem supremi super omnia dominii ejus, cui fit oblatio, & cui offertur sacrificium? Rursum quid est Eucharisticum Convivium, nisi Christi in Eucharistia realiter contenti atque præsentis, in cibum potumque Animæ sub speciebus Panis & Vini realis sumptio. Cujusmodi actio naturaliter annihilativa est, seu sumpti in sumentem conversio: estò hic opposito modo, sumens potius in id quod sumptum est, Homo scilicet in Christum consumatur & convertatur. Ad quantas porro ad quàm varias, infinitas, incogitabiles, incogitabiliterque indignas indignitates Charitas sua Christum suum adegit, tam in hoc Sacrificio, quàm in Sacramento, ad hoc certè neque elocutio, neque cogitatio humana sufficit, & tamen illa ad usque finē

mundi

mundi duratura est, cum dignatio peracta in Cruce immolationis, solummodò per tres horas duraverit: hic verò in sacrificio Missæ atque Sacramentali Convivio, sæpe sæpius Dominus noster tantas indignitates subire necesse habeat: quarum una aliqua omnibus super Crucem oblationibus, etsi innumeræ forent, esset indignior immaniorque. Una enim Sacrilega Christi, vel in Sacrificio oblatio, vel in Sacramento sumptio, omnem in Cruce oblationem per se loquendo, indignitate, & injuriositate supergreditur. Et tamen ad hæc sacrilegales indignitates Christum Charitas sua adegit, usque ad consummationem sæculi. O Charitas quàm violenta, quàm imperiosa, quàm excessiva, quàm nimia, quàm exinanitivà es?

Quid verò de Charitate Christi deque ejus in Christum imperiositate dominatuque plùs quàm violento & excessivo in universa ejus Passione, usque ad Crucifixionem, & in Cruce mortem, dicam, vel afferam? Infinitum esse oporteret in exponendo, sicut infinita voluit esse Charitas in Dominando, & in Domino Jesu ad omnem suum nutum, omneque arbitrium versando? Multa sunt hæcenus dicta in superioribus modis, & tractationibus, quæ huc valde faciunt, sufficiat nunc à medicis duo hæc, aut tria.

Primum est. Christi Passionem non tantùm omnibus doloribus hominum hujus vitæ majorem & graviolem fuisse, verùm etiam gravem fuisse sicut dolorem inferni, & quidem cum quodam insuper excessu; unum horum iudicatum est apud Sacros auctores, & Divina Scriptura significat, partim cum per Job Dominus de se loquitur. *Vtinam appendantur peccata mea, quibus iram meam rui, & calamitas, quam patior, in statera; quasi arena maris, hæc gravior appareret.* Excessit nimirum immensitas dolorum Christi in Passione, & Cruce, omnem enormitatem gravitatemque peccatorum nostrorum, à Christo in se susceptorum: partim cum per Jeremiam ita nos obtestatur dicens. *O vos omnes, qui transitis per viam, attendite & videte, si est dolor sicut dolor meus;* In altero quod dixi, non hoc dico quasi sentiam & affirmem Christum Dominum inferni poenas in sua Passione sustinuisse, scio, & profiteor erroneè hoc, & blasphemè dictum, ab aliquibus. Sed dico in Passione Domini nostri reperiri quasdam conditiones, quæ vel habent quandam cum poenis inferni similitudinem, vel etiã habent aliquem super inferni poenas excessum, in eoque immensam Charitatis hostilitatem eluxisse. Quod explicò hunc in modum.

1. Communi sensu, gravius, & intolerabilius, indigniusque est Innocen-

nocen-

nocentem pati, ea, quæ nocentibus sunt debita: at Christus non tantum fuit Innocens, sed Innocentia ipsa, noxæ omnis propriæ incapax: qui tamen non solum passus est, ea quæ nocentibus scelestisquæ essent patienda, sed etiam passus est de facto ea omnia, quæ erant scelestis (nempe nobis) patienda, & passus est tanquam scelestus esset ipse, tanquam omnium scelestorum (non tamen sceleratum) Caput: passus est pro omnibus scelestis, passus denique est ne scelesti pati deberent. At verò in inferno nemo patitur Innocens, sed omnes noxii & impii: gravius itaque & indignior ex hoc capite fuit Passio Christi, quam damnatorum in Inferno.

2. Christus etsi descendit ad inferos, ibi tamen nihil passus est: imò agnitus, honoratus, cultus, & adoratus est. At in vitæ suæ extremo, passus est quasi pœnam damni & pœnam sensûs. Et pœnam quidem quasi damni: quia passus est derelictionem à Deo Patre, non quod à Deitatis hypostatico consortio, & à Beatifica gloria vivens exclusus sit, (absit hoc cogitare) sed quia à cura & protectione in malis pœnisquæ suis desolatus & derelictus fuit; & quia humanitate ejus dissoluta, fuit etiam dissoluta unio VERBI, non cum Anima, neque cum corpore, sed cum ipso composito Homine-Deo: in quo etiam pro tunc cessavit Beatifica visio. Non existens enim videre Deum non potuit, estò secundum Animam suam Deum semper intuitivè & beatificè vidit. Passus est quoque pœnam sensûs tam in Anima, quam in corpore, & omnibus horum potentiis & partibus. Passus quoque est Dominus pœnam blasphemiarum & execrationum Dei, non quas ipse Corde vel ore suo protulerit, sed quas partim protulisse, per calumniam dictus, atque ob eas morti addictus est, partim quas in eum impiissimi hostes, impietate plenis faucibus eructarunt.

3. Passus est Dominus noster pœnas omnium singulorumque peccatorum, etiam remissorum, remittendorumque; at damnati non patiuntur pro talibus, sed solum pro non deletis finali poenitentia.

4. Passus est Christus pœnas peccatorum omnium, non tantum ad rigorem iustitiæ, verum etiam ultra condignum: damnati verò non nisi infra condignum puniuntur. Et estò damnati patiantur pœnas æternas quantum ad durationem earum, nunquam finem habituram: Christus tamen passus est non quidem æternas, tantas tamen quæ æternis abolendis non tantum pares, sed majores fuerint; unde per efficaciam meritorum passionumque Christi, æternæ pœnæ, poenitentibus nobis condonantur: deinde etiam passus est quasi æternas,

quantum scilicet ad effectum atque fructum eternaturum, nullis inquam applicationibus (est enim mille millia mundorum seu humani generis populorum essent) exhauriendum, quod sine dubio arguit immensitatem quandam passionum Christi, quæ in pœnis damnatorum, neque est, neque esse potest. In hoc ergo sensu & ex hoc capite existimo passionem Christi suo modo, & sano intellectu fuisse quasi infernales, & infernalibus majores. Idque propter nimiam charitatem ejus, qui cum dilexisset nos, usque in finem dilexit nos.

Alterum quod de nimio, excessivo, exinanitivoque, Charitatis Christi, in Christum dominatu dicere habeo, illud est. Quod non aliter satiari, expleri que, vel potuerit, vel voluerit, quam per omnia Christum suum exinaniendo, perdendo, annihilando: quod quidem in tota ejus vita egit, tandem verò in morte illius peregit. Etenim exinanitus est à Charitate sua Christus secundum Deitatem. Quia enim per mortem desit esse in rerum natura, desit etiam esse Deus. Exinanitus est quoque secundum Humanitatem: quia & illa per mortem dissoluta est. Exinanitus est secundum Deum-Hominem: quoniam Deus-Homo mortuus est: & quamvis VERBUM hypostaticè unitum tam Animæ, quam Corpori fuit, Christo tamen, seu Deo Homini unitum non fuit, quia Deus-Homo Christus in rerum natura non fuit. Exinanitus est quoque Christus secundum Animam, non quoad vivere, sed quoad vivificare, esseque vita corporis, & Hominem Christum constituere, & opera vitæ humanæ exercere Anima illa deserit. Exinanitus est etiam Dominus quoad suum Corpus, à quo Anima discessit, & mortuum est, ac nisi specialis protectio VERBI Æterni impedisset, in statum corruptionis transiret. Exinanitus est Christus secundum honorem & famam bonam, quia cum iniquis & latronibus reputari, Barabbæ postponi, & per omnia infamis reddi, haberi que voluit. Exinanitus est secundum Sapientiam, Iustitiam, Sanctitatem, Religionem, Pietatem, Innocentiam, Veritatem, Potentiam, Humilitatem, Charitatem, omnemque omnino Virtutem, & apud Deum Gratiā. Voluit enim reputari stultus, & insanus, iniquus, & impius, blasphemus, malefactor, seductor, mendax, & Pseudopropheta, consortium cum dæmone habens, nullius ad se, ad aliosue juvandos potentia, superbus, ambitiosus, & non tantum non Deus-Homo, sed neque à Deo homo. Exinanitus est etiam secundum omnem exteriorē possessionem. Orbatus quippe Matre, discipulis, amicis, notis, vestimentis, terrā, omni gente ac populo suo, soli duntaxat Cruci affi-

XUS,

xus, idque nudus, & volatilibus rapacibus in escam, & lacerationem expositus ac datus: denique non Homo, sed vermis, sed excarnificatum per omnia cadaveris frustum, opprobrium, & abjectio, atque execratio factus omnium in sempiternum. Ergo exinanivit semetipsum, ergo exinanivit eum Charitas sua, non solum ad formam servi à forma Dei; sed etiam à forma servi, ad formam impij, ad formam vermis, ad formam mortui, atque cadaveris. Tantum nimirum sibi Charitas ejus in eum licere putavit, tantumque etiam in eum prævaluit, quantum potuit, quantum ad satietatem satis superque esse potuit. Dico quantum satis esse potuit: & addo etiam satis esse debuit, atque omnino re ipsa fuit: attamen Charitati quantum ad ejus excessivam nimietatem, inexplabilemque ardorem, nequaquam satis fuit. Quid enim sibi volunt illa de ejus Charitate dudum prænuntiata, & pronuntiata. *Aqua multa non potuerunt extinguere charitatem, neque flumina obruent illam:* quod est dicere Charitatem Dei nostri in Æternum Patrem; & in nos propter Patrem, nullis quantiscunque excessibus, nullis nimietatibus, nullis exinanitionibus, nullis annihilationibus in Christum inductis, perque Christum exhaustis, saturari, satiari, expleri potuisse, nullisque expletam esse, quin imò omnia quæ Christus jussu Charitatis suæ sive gessit, sive pertulit, licet usque ad exinanitionem accessit, tamen ista omnia, levissimæ quedam guttæ, tenuissimæ atque paucissimæ aquæ, exigui cujusdam calicis, sitim ne quidem satis adspersuri ne dum exstincturi vicem speciemque habentia fuerunt. Irritabant potius tantum sitim, & non explebant. Impatientem ardorem sitis excitabant, & exacuebant, non verò illam obruebant, aut extinguiebant. propter quod profundo licet fundo exinanitionis vicinus, & jam mox in abyssum Mortis, annihilationisque, & occasus descensurus, tanquam inchoans desideria, tanquam ferendo ardori impotens, exclamavit. *Sitio* Implebat scilicet in se Charitas Christi, illud, quod quondam de se protestata, deque ingenio suo professæ fuerat, dicens. *Si dederit homo omnem substantiam domus suæ pro dilectione, quasi nihil despiciet eam.* Et ita est omnino, Homo-Deus Christus in gratiam, & gustum, contentationemque suæ charitatis, omnem substantiam domus suæ, à summa Deitate incipiendo, & usque in opprobrio maledictoque super Crucem mortis desinendo, impendit, & exhaust; & nihilominus hanc omnem impensam, hanc totam jacturam, universam hanc prodigalitatem, & exinanitionem, bona Charitas, avara Charitas, inexplata, & inexplenda Charitas, quasi nihilum censuit,

*Cantic.
8. 7.*

*Cant. 8.
7.*

Isaia 40. fuit, quasi nihilum despexit, *quasi nihilum & inane reputavit.*

17.

O Charitas? ergo Christus cum omni substantia domus suae, tibi, & propter te, in nihilum redactum esse: tibi nihilominus pro nihilo est, & pro inani reputatur!

Audite mortales, audite, & intelligite. Sic Deus dilexit mundum, sic amavit vos, vos quidem peccatores, vos naturâ filios iræ, atque perditionis, vos cum adhuc inimici, & exosi essetis, vos qui etiam post omnia ingrati, contemptores, & rebelles futuri eratis, & insuper etiam estis. Sic inquam Deus dilexit vos, ut omnem substantiam domus suae, Domus Divinae, Domus Divino-Humanæ, dederit pro dilectione, pro redemptione, pro salute, pro vita, pro beatitudine vestra æterna. Et insuper hoc à se tam prodigè, tam prodigiosè factum, impensum, profusumque quasi nihilum despexit, & despicit: sed eâ lege, ut vos intelligatis, quia pro hoc nihilo salvi facti estis, à morte æterna: eâ lege, ut vos, hoc nihilum, non quasi nihilum, non quasi inane, non quasi inutile, & despiciendum reputetis. Sed ut intelligatis quæ à Deo impensa sunt pro vobis, quæ à Deo donata sunt vobis, quantus Deus propter nimiam suam in vos, & in vestrum bonum, charitatem, profudit semetipsum vobis. O terra, terra cordium humanorum, ne operias, ne contemnas, ne conculces, ne negligas, ne nihilum reputes harum tam abundantium gratiarum super te profusionem.

Ex pretio, & sumptu, quo æstimatus es: addisce Homo pretium tuum: ex Amore quo amatus es, cognosce quantum amare debeas Amato-rem tuum. Ex profusione atque exinanitione totius Dei tui, in Sal-vationem tuam, conjice quantam admetiri debeas Deo tuo dilectionem Dei tui: quanta cum profusione par, & opus sit te impendi & super-impendi propter amorem, propter voluntatem, propter Dignitatem Dei tui, propter Gloriam & laudem & exaltationem Dei tui.

Utinam Domine Jesu amator noster profusissime atque prodiga-
lissime, liceat, libeatque universo generi humano, omnibusque ac sin-
gulis nobis, profusos, prodigos, exinanitos, perditos, annihilatosque
fieri propter te: propter amorem tuum, propter beneplacitum tuum,
propter dignitatem & honorem tuum. Si non ad æqualitatem dile-
ctionis in nos tuæ, (quæ nobis impossibilis est, & omnibus simul nobis-
cum creaturis) at saltem ad imitationem, ad similitudinem, ad sem-
per majorem progressionem, ad nunquam satiabilem famem, ad nun-
quam fatigandam explendamque cupiditatem, aut conatum æmulan-
di, quàm maximè, & quàm proximè Charitatem in nos tuam.

Habes

Habes benevole Lector Centum Modos Passionem Domini Nostri
JESU Christi meditandi. Non te excito, aut provoco ad utendum eis.
Satis excitementi adhibet pietati tuæ ipsa Pretiosa Redemptoris tui
Passio, tuusque per omnia devotus, certè obligatus eidem Affectus.
Precor Deum ipsum pro nobis passum, ut omnes hi modi, quando-
cunque eos usurpare placuerit, sint Animæ tuæ, quàm maxime accõ-
modi, saporosi, & proficui: ut quàm maximè crescat, & adolescat in
te, vivus, & efficax Passionis & amor, & fructus. Sit Deo amatori no-
stro, propterque Amorem nostri Passio, Crucifixio, & Mortuo, sem-
per, & ubique, & ab omnibus Major, atque amplior gloria: Nobis
autem Confusio faciei in hac vita: in altera autem salus, & beatitudo
æterna; per eundem Dominum Nostrum JESUM Christum, qui cum
Patre, & Spiritu Sancto, vivit, & regnat in sæcula sæculorum. Amen.

CORONIS seu DISSERTATIO,

*De perpetua Cruce Christi Domini ab instanti
Conceptionis, usque ad instantis
Mortis suæ.*

CORONIS loco, subnecto Tractatui huic, Dissertationem, seu po-
tius Assertionem ejus sententiæ, quæ affirmat
Quòd Christus Dominus ac Redemptor noster, ab ipso Instanti
Conceptionis Incarnationisque suæ, Passus sit per omnem usque vitam
suam, usque ad instantis Mortis.

Probatur hoc Primò ex Sacra Scriptura Veteris Testamenti.

Psalmo 37. 18. dicit Dominus per os David. *Quoniam ego in fla-
gella paratus sum: & dolor meus in conspectu meo semper.* Hierony-
mus ex Hebræo sic vertit. *Pauper ego, & arummosus: ab adolescentia
mea, portavi furorẽ tuum, & conturbatus sum.*

Psalmo 72. 14. *Et fui flagellatus tota die, & castigatio mea in ma-
tutinis.*

Psalmo 87. 16. *Pauper sum ego, & in laboribus à juventute mea.*
Legunt alii. *Et expirans à juventute mea.* apud Augustinum.

Ibidem V. 18. *Circumdederunt me sicut aqua totâ die: circumdederunt me simul.*

Psalmo 30. 11. *Quoniam defecit in dolore vita mea, & anni mei in gemitibus.*

Isaia. 9. 6. *Parvulus natus est nobis, & filius datus est nobis, cujus imperium super humerum ejus.*

Psalmo 39. 7. *Sacrificium & oblationem noluisti: aures autem perfecisti mihi. Holocaustum & pro peccato non postulasti, tunc dixi: Ecce venio. In capite libri scriptum est de me: ut facerem voluntatem tuam: DEVS meus volui, & legem tuam in medio cordis mei.*

Iob. 30. 16. *In memetipso marcescit anima mea; & possident me dies afflictionis.*

Ibidem V. 27. *Interiora mea efferbuerunt absque ulla requie, praevenierunt me dies afflictionis.*

Hæc, similiaque Scripturæ Sacræ oracula, additum Patrum, tum aliorum interpretationibus, affirmant satis Animam Christi Domini, in perpetuis doloribus perseverasse.

Probatur Secundò, ex Sacrá Scripturá Novi Testamenti.

Marci 10. 38. *Potestis bibere calicem, quem ego bibo? aut baptismo, quo ego baptisor, baptisari? Calicem quidem, quem ego bibo, bibetis: & baptismo, quo ego baptisor, baptisabimini.*

Lucæ 12. 50. *Baptismo habeo baptisari: & quomodo coarctor, usque dum perficiatur.*

Lucæ 9. 31. *Loquebantur excessum ejus, quem complecturus erat in Ierusalem.*

Matthæi 2. 11. *Et intrantes domum, invenerunt puerum cum MARIA Matre ejus, & procidentes adoraverunt eum, & apertis thesauris suis obtulerunt ei munera, aurum, thus, & myrrham.*

Hebræorum 10. 5. *Ingrediens in mundum (Christus) dicit: Holofiam, & oblationem noluisti: corpus autem aptasti mihi. Holocaustum autem pro peccato, non tibi placuerunt. Tunc dixi: Ecce venio. In capite libri scriptum est de me: ut faciam DEVS voluntatem tuam. In qua voluntate sanctificati sumus, per oblationem Corporis IESU Christi, si mel*

Marci 10. 32. *Erant autem in via ascendentes Hierosolimam, & precedebat illos IESVS, & stupebant, & sequentes timebant: & cepit eis dicere, quæ essent ei eventura.*

Lucæ

Lucæ 18. 31. Factum est dum complerentur dies assumptionis ejus, & ipse faciem suam firmavit, ut iret in Ierusalem. Et non receperunt eum : quia facies ejus erat euntis in Ierusalem.

Lucæ 9. 23. Dicebat autem ad omnes. Si quis vult post me venire, abneget semetipsum. & tollat Crucem suam quotidie, & sequatur me.

Matthæi 10. 38. Qui non accipit Crucem suam, & sequitur me, non est me dignus.

Lucæ 14. 27. Qui non baiulat Crucem suam & venit post me, non potest meus esse discipulus.

Ex his, similibusque Domini Nostri ad Crucem à nobis quotidie ferendam exhortationibus, evidens est Christum ipsum eam quotidie tolerasse, & portasse, propter nostram salutem, & exemplum.

Probatur Tertiò ex Patribus.

Sanctus Hieronymus illa verba Psalmi 87. 16. Pauper sum ego : & in laboribus à juventute mea ? explicat. A tempore Carnis assumptionis.

Idem Sanctus in Psalmi 37. 18. illa verba. Quoniam ego in flagella paratus sum : sic ait. Preparo me ad sustinendam Crucem, lanceam, fel, acetum, ut per hanc mortem, meo sanguine, redimam populum pereuntem. Quia Christus ad hoc venit, ut Passionem sustineret.

Sanctus Bonaventura libro de Perfectione vitæ Cap. 6. ita loquitur. A Prima die Nativitatis sue, usque ad ultimum diem, mortis sue, Christus Dominus, semper fuit in Passionibus, & doloribus, sicut ipse testatur. per Prophetam dicens. In laboribus à juventute mea.

Sanctus Chrysostomus in Psalmi 37. 18. Quoniam ego in flagella paratus sum. Sic commentatur. Ea enim de causa cum carne in mundum venire sustinuit : quemadmodum ipse precans dicebat. Quid dicam Pater serva me, ab hora hac : sed propterea veni ad horam hanc, & dolor meus in conspectu meo semper. Nostri scilicet commiseratio : propter quam habet perpetuò suæ Passionis memoriam.

Sanctus Bernardus Ponderans verba Isaïæ 9. 6. Parvulus natus est nobis, & Filius datus est nobis. Cujus imperiū super humerum ejus. Crucem (ait) quam Imperii nomine significavit, nativitati statim adjungens : quia profectò à nativitatis exordio, Passio Christi exorta est.

Idem Sanctus alio loco ait. Volue, & revolve vitam boni IESV ; & non invenies eum, nisi in Cruce ; ex quo enim carnem assumpsit, semper in pœna fuit, in amaritudine, & angustia.

Ejusdem Sancti notum est dictum illud. Tota vita Christi, Crux fuit & Martyrium.

Serm. 3.

de Pas-

sione

Serm. de

Passione

Cap. 5.

Beatus Laurentius Iustinianus, libro de gradibus Perfectionis. Cap. 9. sic ait: *Christus à sua Redemptionis exordio, quoadusque in Cruce confixus Patri reddidit Spiritum: nunquam pati desuit: non sicut ceteri, sed incomparabiliter supra universos. Longè tamen efficacius in Anima, quàm in Corpore, perpeßus est dolores maximos, actuales cruciatus, spirituales gladios.*

Probatur Quartò ex Authoribus.

Bellarminus Cardinalis interpretans Psalmum 87. 16. *Pauper sum ego, & in laboribus à juventute mea.* Sic commentatur. Ne putarent homines Christi Passionem, trium horarum, aut unius diei tantum fuisse, revelat híc nobis Spiritus Sanctus, Christum in diebus carnis suæ, nunquam sinè passione vixisse. Nam propter Calicem mortis amarissimæ, quem semper ante oculos mentis habuit in omni ætate sua, in laboribus, & ærumnis fuit. Pauper inquit sum ego, & in laboribus à juventute mea: id est: cum in forma Dei essem beatus, & dives: propter vos homines egenus factus sum, & in laboribus à juventute mea, sive à pueritia mea; quod significat vox hebraica. Poterat etiam verè dicere: ab infantia mea.

Idem Cardinalis libro 2. de Gemitu Columbæ. Cap. 3. tractans de longitudine Passionis Christi. ita loquitur. [Tota vita Christi perpetua Passio & Crucis Passio, dici potuit. Siquidem ab ipsa Conceptionis hora cognovit sibi Crucem esse paratam, eamque libentissimè acceptavit pro honore Patris, pro salute hominum: & semper eam ante oculos mentis sic habuit, ut verè dici posset, toto vitæ suæ tempore in Cruce pependisse.]

Idem Author ibidem ex creberrima Christi Domini adhortatione discipulorum, seu omnium nostrum ad Crucem à nobis perpetuò bajulandam: rectè concludit ipsummet Christum Dominum, totà vità suà Crucem suam quoque bajulasse propter salutem nostram.

Cornelius à Lapide ad Lucæ Cap. 12. 50. illa verba Domini. *Baptismo autem habeo baptisari: & quomodo coarctor usque dum perficiatur, cum præmisset sensum ex Euthymio. Velut anxius sum propter tarditatem. Et ex Theophylacto. Et quomodo constringor. id est: quàm sollicitus & anxius sum, ac premor donec perficiatur Baptismus meus, seu passio & mors pro salute hominũ: quo etiam modo Sanctus Ambrosius, Beda, & alii. Arabicus autem. Et ego coarctor ad perficiendum. Sanctus Irenæus lib. 1. Cap. 18. legit. Et valde propero ad illud: postea hæc*

hæc subdit. [Moral ter hîc nota, quantus fuerit in Christo zelus, quanta charitas, quanta sitis salutis nostræ: utpote quæ tantam in eodem Passionis, Mortis, & Crucis, licet tam atrocis excitavit, ut cor ejus inter eam, & inter Passionis moram, quasi inter duos lapides molares in molendino positum arderetur, & in summas angustias redigeretur, aut velut intorculari situm, angore compimeretur, & poene opprimeretur. Et hoc quidem non fuit in ipso Passionis tempore; jam enim tunc, & Calicem bibebat interiorum, & Baptismo baptisabatur exteriorum dolorum de facto: fuit ergo ante Passionem, fuit per totam vitam Christi, ab ipso vitæ exordio: quoniam Christus jam tunc, eadem prorsus & charitate, & eventurorum sibi scientiâ pollebat, quâ in omni reliqua, & etiam in extrema sua vita. Unde apud Sanctum Marcum loquitur Dominus de Calicis potu, & Baptismi baptismatione *Potestis (ait) bibere calicem, quem ego bibo, & baptismo, quo ego baptisor, baptisari?*

Laurentius de Aponte in Caput 2. Matth. ad V. II. n. 60. & sequ. cum inquit, quare tres Magi Christo Nato, inter munera Auri & Thuris, etiam obulerunt Myrrham. Primum verba Paschasii Rhodobodi adducit, de hoc Myrrhæ munere loquentis. [Per Myrrham, quâ mortuorum Corpora passim condiébantur, eum testati sunt, velut ex prælâgio humanitûs moriturum. Ex quo, si jam tunc voce editâ loqueretur, poterat ut alibi ipse fatetur, dicere. *quod ad sepeliendum me fecit.* tum de suo subdit. Verè. Nam ex tunc, ex magnitudine amoris, ex obedientia Patris, ex ardore Spiritûs Sancti, pro nobis Crucem apprehendit, & mortem est amplexatus. Unde hoc in Spiritu David prævidens, in persona Christi Psalmo 39. 6. ait. *In Capite libri scriptum est de me, ut facerem voluntatem tuam. Deus meus volui, & legem tuam in medio cordis mei.* Qualis illa voluntas? ut in assumpta humanitate legem novam constituam, humiliter mortem pro redemptione humani generis perferam. ait Incognitus. tum de suo sensu pergit author citatus. Ergo ex tunc quando Incarnatus, hoc in Dei prædestinationis libro legens, sic ardentè, sic amantè, sic efficaciter, sic continuè, hanc est amplexatus legem, ut non in angulo, non in parte, sed in medio Cordis eam haberet, quasi Cordis animam & Spiritum, quo viveret & alimentaretur Cor. Sic ut ex memoria Crucis, ex habitu Mortis viveret, ac respiraret. Moriturus: si sinè memoria mortis; defecturus, si sinè memoria Passionis; vivens & motum percipiens vitalem ex sepulturæ memoria, & affectu Passionis. Calefactus,

„ & calorem suscipiens ex sanguine fundendo, ex morte patienda. Hinc
 „ voluit, & præordinavit, ut ex tunc jam inde vix natus, Myrrha ei offer-
 „ retur.

„ Antonius Gaudier de Perfectionis natura & Causis: Parte quartâ,
 „ Sectione 12. de duodecimo instrumento Perfectionis. Parte 1. Cap. 5.
 „ Dubium non est (ait) quin unicum Christi sacrificium in Cruce, Deo
 „ abundè satisfecerit, pro toto mundo, cum vel unica Christi actio po-
 „ tuisset esse satis, ob infinitam Personæ satisfaciendæ dignitatem: nisi
 „ & Deus, & Christus voluisset esse copiosam nostram redemptionem.
 „ Verùm si actus internos Christi spectemus: non unius tantum mortis,
 „ vel sacrificii, ad tres horas in Cruce, peracti, terminis contineri potuit
 „ copiosissimæ redemptionis voluntas (saltem conditionatâ) in Chri-
 „ sto, quin & pati sapius pro nobis, & plura perferre ardentissimè de-
 „ sideraret, si vel Deus voluisset, vel opus fuisset. Hoc desiderium habu-
 „ se Christum tradidit Sanctus Bonaventura, in meditationibus de Pas-
 „ sione Domini, nec videtur posse esse ullum de eo dubium. Nam si
 „ rem ipsam consideremus, nihil implicat, nullum omnino inconueniens
 „ est, imò & valde laudabilis est hic actus, & Christo dignus, & non in-
 „ utilis sed efficax. Nam tanta est Dei Majestas & excellentia, ut non
 „ nisi omni infinito modo satis honorari possit. & fuit quidem sacrifi-
 „ cium Crucis infinitum, quia tam offerens, quàm hostia erat dignitatis
 „ infinitæ, at poterat addi etiam infinitudo durationis, ut saltem quam
 „ diu mundus & homines durarent, sacrificium quoque coram Deo ap-
 „ pareret. Idem postulabat veluti suo jure, læsa Divina Iustitia, ut tot
 „ hominum ab initio mundi sibi succedentium continuis peccatis, satis
 „ fieret etiam continuâ expiatione sacrificii condigni cruenti. Erat ergo
 „ valde rationale, ut Christus Crucis suæ sacrificium ad Deum tum ho-
 „ norandum, tum placandum; (si ita placeret) permanere ad mundi
 „ finem peroptaret. Christi etiam inexhaustus erga Patrem Amor, &
 „ observantia, & erga nos Charitas idem convincunt. Sanctissima enim
 „ ejus Anima, in ipso articulo creationis suæ, Dei bonitatem infinitam,
 „ erga se, & erga humanum genus, contemplata, immenso amoris æstu,
 „ & Dei Gloriam, & hominum salutem, quam Deo cordi tantopere esse
 „ videbat, ut ejus procurandæ præceptum imponeret: ita suscepit pro-
 „ movendam, ut inexplicabili prorsus vi amoris & desiderii consumere-
 „ tur quidlibet agendi, & patiendi, in eum finem. Ut sicut Dei erga se,
 „ & erga homines bonitatem & amorem videbat esse infinitum; ita amo-
 „ rem etiam suum, quantum poterat, & intenderet & extenderet. Qua-

se nec

re nec paucis illis horis aut unicâ in Cruce morte definitus ille est, sed
 sicut semel mortuus est, ita & millies mori oprâset; & quomodo om-
 nium causâ, & pro omnibus mortuus est, ita & unius tantum causâ
 (si Pater ita iussisset) copiosissimum ille & paratissimum Amorem, ad
 tot Cruces habuisset; & si ita opus fuisset, non tribus tantum horis
 confectum doloribus in Cruce pendere, sed etiam idem ad extremum
 iudicii diem pati. Tanta fuit primi illius amoris efficacia, ut unicus
 ille satis ad id fuisset. Nec proinde mirum est, si toto vitæ tempore ur-
 gebat eum ille amor, ita ut diceret. *Baptismo habeo baptisari: quàm*
coarctor usque dum perficiatur? Tantus enim erat Amor, non patien-
 di tantum, sed suo se sanguine tingendi, & mergendi, pro nostra salu-
 te: ut quælibet ei hora præ Amoris magnitudine, mille anni videren-
 tur, & licet multa pro nobis & faceret, & pateretur, tamen omnia ni-
 hil esse putaret nisi totus mergeretur.] Hæc supra dictus Author.
 Qui licet de amore & desiderio patiendi in Christo loquatur: in idem
 tamen recidit, & ipsa Passio interior Animæ Christi, dolorque quàm
 maximus ejus, ex objectis, non tantum plurimis, sed etiam maximis,
 semper Animæ illi præsentibus. Quoniam cognitio & præsentia illa
 non potuit esse sine dolore, tristitia, horrore, aliisque connaturalibus
 effectis intus in Anima, esset in eos non semper, sed nonnisi quando ipsi
 placuit, ordinatumque fuit, ad extra prorumperet. Unde illud, quod
 Matthæus dicit de Christo ad hortum pergente. *Cœpit pavere, tæde-*
re, contristari, & mœsus esse. Non eum sensum habet, quasi nunquam
 hæctenus tristitiam; & metum, doloremve interiorem passus sit, ei-
 que tunc primum hospes veluti ingratus advenerit, id enim cū plena Chri-
 sti futurorum & præsentium præscientia non cohæret: sed quia illo
 tempore, à semetipso præordinato, atque adducto, manifestandoque,
 & patiendi exterius etiam dolori ac mœrori, nec non tœdio destina-
 to, cœpit exterius quoque dolere, pavere, tœdere, mœsus esse, volun-
 tatiæ atque sponte propriâ. Ad eum modum, quo de eodem Domino
 Nostro dicitur. *Et IESVS proficiebat sapientiâ, & ætate, & gratiâ apud*
Deum, & homines. Lucæ 2. 52. apparebat enim pro suo arbitrio, quan-
 do, & quibus volebat, sapiens, & sapientior, & sapientissimus, licet in
 se nonnisi semper esset sapientissimus, atque etiam ipsa sapientia.

Vincentius Caraffa Itinerarii ad Cælum Parte 3. Cap. 6. §. 9. tra-
 ctans de prærogativis Passionis Christi: unam harum dicit fuisse, Con-
 tinuationem. Cœpit enim à principio Conceptionis suæ Passionem
 suam: idque ob notitiam & apprehensionem internam tum offensarum

27 Delictum damnationis hominum, tum Passionis & mortis suae sibi ad-
 28 venturae: propter quod loquens Dominus de sua Passione, secundum
 29 Marcum Evangelistam Cap. 10. 38. non loquitur de illa tanquam fu-
 30 tura, sed tanquam de praesente, & sibi actui dolorem inferente interio-
 31 rem, etsi nondum exteriorem. ait enim Iacobo & Ioanni. *Potestis*
 32 *bibere calicem, quem ego bibo, & baptismo, quo ego baptisor, baptisari?*
 Leonardus Lessius de Divin. Perfect. l. b. 12. Cap. 17. num. 130. &
 sequi. Cum recensisset aliquas difficultates, Christo in Redemptio-
 ne nostra objectas, ab eoque clarè & distinctè cognitās, postmodum
 33 hæc loquitur. [Ratio dolendi de peccatis nostris in se susceptis à
 34 Christo, eidem fuit duplex. Prior injuria Divinae Majestati per pecca-
 35 tum irrogata. Altera Damnum humano generi inde proveniens. Cer-
 36 nebat ille perspicuè & in particulari, peccata omnia, & quanta singu-
 37 lis, infinitæ illi bonitati, & majestati fieret injuria, quanta contumelia,
 38 quantus contemptus. Cernebat etiam quantum malum sit æterna
 39 damnatio, quàm totum genus nostrum sibi per peccatum acceperat.
 40 Hinc dolor excitabatur acerrimus: Magnitudo enim doloris seu tri-
 41 stitiae sequitur magnitudinem mali, & perfectionem cognitionis, quàm
 42 malum illud apprehenditur. Atqui malum hic erat maximum, tum
 43 in ratione culpæ (erat enim pelagus quoddam peccatorum, & abyssus
 44 malitiæ contra Divinum Numen) tum in ratione poenæ: quæ enim
 45 major calamitas & afflictio fingi potest, quàm æterna damnatio? Ap-
 46 prehensio etiam perfectissima. Multò enim exactius singula conside-
 47 rabat, & ponderabat, quàm ulla creatura posset. Itaque oportebat
 48 & ipsum dolorem maximum esse; ut qui magnitudini mali, & perfe-
 49 ctioni apprehensionis responderit. Unde non dubitaverim affirmare
 50 hunc dolorem sufficientissimum fuisse, ad vitam Domino milles eri-
 51 piendam, si vim suam in Corpus exercere permissus fuisset. Quod enim
 52 magnitudo doloris animi, seu mœstitiæ, vitam intercipere, & homi-
 53 nem occidere possit, multis exemplis constat. At dolor, quo Domi-
 54 nus noster de peccatis nostris doluit, longè major fuit, & intensio-
 55 ne, & æstimatione, quàm ullus dolor qui in hominem cadere possit. Sed
 56 dispensatione factum, ne vis ejus in Corpus se proferret, nisi quando,
 57 & quantum Domino videretur. Habebat enim plenissimum omnium
 58 affectuum, appetituum inferioris, & commotionis spirituum, & sangui-
 59 nis dominium. Fuit hic dolor continuus ab initio Conceptionis usque
 60 ad finem vitæ, sicut & apprehensio peccatorum: quamvis non semper
 61 æquè in appetitum inferiorem, & corpus permissus sit redundare, sed

inter-

interdum plus, interdum minus, prout occasiones exteriores, & tempus, & locus postulabant. Maxime autem ei laxatae habent in horto. &c.

Ioannes Eusebius Nerebergius lib. 2. de Adoratione Cap. 5 tractans de Compassione Christo Patienti à nobis debita, deq; e motivis, quæ in Christo Passio ad eam habemus: ita deinceps pergit.

[Plus tamen debent nos commovere, quæ passus est per totam vitam in uno membro, sanctissimo scilicet corde: cujus dolor immensus fuit à primo instanti suæ Conceptionis, & duravit quândiu vixit. Cor est, quod primò excruciatum fuit, & quod ultimò. Tantò magis doluit Cor ejus, quantò reliquorum omnium membrorum intolerabiles dolores, in uno illo passus est, quod est omnibus membris delicatius. Non minor afflictio latuit in corde læsæ ab illo instanti (conceptionis) quam habuit in horto, cum sudavit sangvinem per omnia nēbra. Quemadmodum illic ex vivida apprehensione dolorum & cruciatuum Passionis suæ, insolito & terribili modo afflictus fuit, sic etiam æquè intensè apprehendit eosdem dolores in utero amantissimæ Mariæ. Cognitio enim Christi non fuit imperfecta, eo maxime tempore, cum negotium nostræ redemptionis acceptavit, & proposita fuit illius intellectui, sinē ulla dissimulatione, omnis difficultas toleranda & vincenda. Apprehendit ibi intensissimè suam Passionem, labores innumeros vitæ suæ, opprobria, & contemptus. Ita afflixit illum ab eo tempore hæc cognitio suæ Passionis, & plus fortasse quàm in horto, si inæqualitas fiat. Nam in Getsemani erupit exterius sensus doloris, diffusiusque fuit per omnes artus, ut communicatus in toto Corpore angor, minor remaneret in corde: at in utero gloriosissimæ Virginis Mariæ retentus est totus dolor intrinsecus, in uno membro tenerissimo, scilicet corculo infantis læsæ. Cum quis lachrymatur, minus sentit afflictionem, quàm cum recluditur angor in corde siccis oculis. Sic Christus, dum non sudavit, & sangvinem fudit, plus fortasse doluit, quia nulla particula angoris, evaporata fuit. Oportuit tamen ad nostrum documentum monstrari semel exterius, quantum passus est semper interius. Continuatus deinde fuit iste mœror per omnem vitam. Perfectissimè, & perspicacissimè, ut in se erant, cognoscebat semper omnia læsæ. Nisi divina dispensatione adjutus fuisset, illo ipso instanti, quo cœpit vivere, mortuus fuisset, præ doloris magnitudine. Ideo maximum & continuum miraculum fuit vita læsæ.] Hæc nominatus Author, qui etiam interjectis aliquibus, ad idem propositum:

sic deinde pergit eodem loco. [Habitabat in Christo plenitudo Divi-
 vinitatis, & clara Dei visio illum illustrabat: quæ tamen aliquibus af-
 fectibus non obstitit; sed dispositum miraculosè fuit, ne per illam, af-
 fluentia gaudii totum Corpus, & inferiores animi portiones occupa-
 ret, ut daret locum dolori, sicut accidit in Passione. At in Corde læ-
 sv dolenti pro peccatis nostris, non tantum dedit locum summæ tristi-
 tiæ, sed auxit summo opere propter altissimam Dei offensi cognitionem.
 Quò enim major fuit Cognitio Dei, majorem dolorem causabat, &
 Christus solus, insulò majorem cognitionem intuitivam Dei habuit,
 quàm omnia Cherubim, & Seraphim, & reliqui omnes Spiritus, ac si-
 mul omnes homines beati. Amor quoque Christi erga Deum offen-
 sum, æqualis fuit visioni divinæ majestatis, quare dolor ejus, nec ex-
 plicari, nec cogitari potest. Nam non amisit occasionem patiendi
 quantum potuit, & decebat. Imò miracula fiebant stupenda, in sua
 Sacratissima Anima, ne impedirentur dolores.] Hæc Nerenber-
 gius. Cujus idcirco productius verba adduxi, quia & plenè exacteque
 exsequitur dolores Christi internos totâ vitâ continuatos, & causas eo-
 rum solidè proponit, & objectionibus, quæ huic sententiæ, de magni-
 tudine, & perpetuitate interiorum Christi dolorum, ac miserorum fie-
 ri possunt, satisfacit.

Theophylus Raynaudus libro 4. de Christo sect. 2. Cap. 9. à Num.
 443. Etsi non nihil cunctatur agnoscere & asserere in Christo Domino
 perpetuam Crucem, continuatosque ab instanti Conceptionis suæ
 usque ad Passionem dolores & tristitias exaggeratas: nihilominus po-
 nit fundamenta moderatioris suæ sententiæ, talia, quæ perinde pro-
 bant & inferunt totius vitæ in Christo Domino acerbissimos Animæ
 dolores. Ac primò de Christi desiderio, quo ad patiendum pro no-
 stra salute insaturabiliter arsisse eum agnoscit, ita loquitur. [Ea fuit
 æstuositas desiderii nostræ reparationis in Christo Patiente, ut Cervæ
 matutinæ à Psalte sit collatus ea ex causa, interprete Augustino. Ni-
 hil item in Scriptura crebrius, horum Christi Patientis desideriorum
 expressione. Iure autem dixisse videor, hoc desiderium fuisse in Chri-
 sto insaturabile; quandoquidem cum posset uno suspirio, aut genu-
 flexione nos reparare, tamen tam copiosam esse voluit redemptionem,
 ut sibi optavit incommoda, ut scilicet nostris desideriis, eorumque
 satisfactionem, ut etiam mortuus pati voluerit: & quod tunc extinctâ jam
 in passu sensu præfenti non poterat, desiderio anteriore suppleverit dum

adhuc

adhuc superstes esset.] Hæc de desiderio Theophilus. Jam de dolore sic affirmat. [Dolorem sub tempus Passionis, & in ipso ejus vestibulo toleratum in Anima, ex prænotione omnium simul tormentorum facta, & ex maxima charitate doloris veluti Cote, acerrimū fuisse, & vel æquasse, vel etiam superasse quemcunque Christi cruciatum in Passione, ob adunationem simul omnium dolorum intellectu perspicacissimo præconceptam, & perfectissimā Phantasia actione appetitui propositam. Hunc dolorem Animæ Christi, de quo nunc agimus (scilicet in parte inferiore Animæ appetituque sensitivo) acerbissimum & acerrimum, volo secerni à tristitia voluntatem superiorem occupante, ex objectis tristibus, per rationem superiorem exhibitis. Dolor enim Animæ Christi, de quo nunc agimus per appetitum sensitivum, prælucente phantasiâ exprimebatur, ex redundantia tristitiæ illius superiorem voluntatem quasi mergentis.] Hæc ille.

Sciendum verò ab hoc optimo scriptore duplicem dolorem tristitiamque Animæ Christi (extra tempus Passionis) assignari & distingui. Unum quem Dominus passus sit in voluntate superiori, & appetitu rationali, cui etiam ratio superior, & plurimas & gravissimas tristitiæ, dolorisque causas objiciebat, & proponebat. Alterum, quem Dominus sit passus in Appetitu inferioris Animæ partis, videlicet sensitivo, prælucente & proponente objecta hujus doloris phantasiâ.

Primum dolorem in parte voluntateque rationali, in Anima Christi agnoscit hic Author, fuisse acerrimum atque maximum, sive, ut ille ipse Author loquitur: Meracissimum, & abyssalem: & licet expressè ab eo dictum non inveniam, quòd totâ vitâ suâ usque ad mortem, à prima Conceptione hoc dolore & tristitiâ doluerit, nullum tamen etiam reperio negandi fundamentum: neque facile potest assignari causa, cur potius aliquo tantum, & non toto vitæ Domini tempore dolor hic viguerit in Animæ Christi voluntate.

Alterum Dolorem Author restringit, eumque in Anima Christi fuisse agnoscit tantum sub tempus Passionis, & in ipso ejus vestibulo toleratum, ex prænotione omnium tormentorum simul facta, & ex maxima charitate, doloris veluti Cote. Quem tamen Dolorem sensitivæ partis refugit agnoscere idem author durasse per totam vitam Domini nostri antecedentem ab initio. Qua de re nolo litem movere: sufficit enim proposito meo præsentì, agnosci ab authore hoc, dolorem in Animæ Christi voluntate rationali sanè per omnia maximum, totâ vitâ continuatum. Nihil præjudicante visione intuitiva Dei, & gaudio

*Eodem
l. 4. sect.
2. C. 4.
à Num.
225.*

beat.

beatifico ejusdem Animæ, & ejusdem voluntatis, quod miraculum semel admissum, non video cur etiam locum habere non potuerit in ejusdem Animæ parte inferiori, sensitivoque appetitu ejus. Cum magis videatur repugnans: Animæ Christi partem rationalem superiorem & gaudere beatificè de viso intuitivè Deo, & eandem abyssis tristitiæ mergi, ob gravissima, plurima, intellectuque perspicacissimo plenè cognita, & eidem voluntati à ratione superiori proposita: quàm sensitivum appetitum ob proposita sibi à Phantasia tristitiæ objecta tristari, dolereque maximè, & simul tamen tum beatificè in rationali appetitu gaudere, tum interdum ad tempus ejusdem inferioris partis gaudio gaudere, si & objectum, & ratio ita ferret. Sed de hoc aliquid infra afferretur ex Cardinali de Lugo, paulò post adducendo.

Cornelium à Lapide jam semel adductum adduco iterum: quia & ipse non est gravatus repetere suâ sententiam, & eam argumentis uberioribus confirmare. Ig tur in Cap. 26. Matth. ad versum 37. int. r. alia sic habet.

[Nota hîc primò in Christo fuisse veram tristitiam: licet enim ipse ab initio Conceptionis suæ frueretur visione Dei hypostaticè sibi uniti, essetque Beatus, & in summo gaudio, tamen summè quoque tristatus est, sed respectu diversorum objectorum saltem formalium: Nimirum Deo supernaturaliter capacitatem Animæ ejus extendente & dilatante per concursum specialem, quo concurrebat cum Anima Christi, ut simul summum gaudium ob visum Deum, & summam tristitiam ob instantem sibi mortem, suscipere & elicere posset. Ita communiter Theologi, qui refellunt Melchiorum Canum, dicentem, in Christo suspensum fuisse gaudium, quod naturaliter ex visione Dei sequitur, eo tempore, quo fuit Viator, ut dolere & tristari posset. Christus ergo simul fuit & Viator & Comprehenfor: ut Viator tristatus & passus est, ut Comprehenfor beatus exstitit, & gaudio plenus. Porro Christus non tantùm quâ Comprehenfor, sed etiam quâ Viator simul summè gaudebat & dolebat de sua Passione. Dolebat enim de ea secundum partem Animæ inferiorem, quatenus hæc Passio fuit noxia naturæ; gaudebat de ea secundum partem superiorem, quatenus illa erat à Deo volita, & ordinata ad hominum salutem.

Nota Secundò. Hanc tristitiam non tantùm in appetitu sensitivo, sed etiam in voluntate Christi fuisse, saltem secundum partem ejus inferiorem, quæ naturaliter respicit & amat bonum naturæ suæ, scilicet vitam, & sanitatem, refugit verò oditque mortem, & dolorem, de iisq; trista-

tristatur. Id ita esse patet ex Christi verbis, dum orans Patrem, ait, *veruntamen non sicut ego volo, sed sicut tu.* Voluntate ergo suâ naturaliter volebat liberari à morte.

Porro multæ fuerunt in Christo Causæ tristitiæ, ob quas ab initio *Conceptionis*, per omnem vitam, usque ad mortem *continuo summè tristatus est.* &c.

Franciscus Arias de Imitatione Christi lib. 3. Parte 3. Tract. 1. Cap. 22. initio. Tractans de Prudentiæ virtute, prout illa stimulat animû, ad operandum bona, cum diligentia, atque promptitudine, pro oblatu ad id occasionibus: probat hoc exemplis in primis ipsius Christi ac primû in isto. [Illo ipso temporis puncto, quo Pater Æternus decrevit dari initium Redemptionis Generis humani; subito Filius Dei de regalis gloriæ suæ sede descendit in istud exilium, & humiliatus, atque nostrâ carne vestitus, vernusque homo pro redimendo homine factus est. Et quia redempturus eum erat patiendo pro ipso, ideo in instanti Conceptionis suæ ex Virgine, & postquam creata ejus Anima benedicta, corporique infusa, & personæ Divinæ hypostaticè unita est, incepit statim pati pro homine. Quoniam in illo eodem puncto, vidit illa Anima omnia tormenta, opprobria, & mortem in Cruce, per quam illi transeundum patiendo fuit. Vidit & omnia peccata quæcunque homines commiserant, mittebant, & commissuri erant, ab initio mundi, usque ad finem. Atque hæc causabant in illa Anima Sanctissima angustias, & tristitias inenarrabiles, & incomparabiles, & durantes usque ad mortem.]

Ludovicus de Ponte tomo 1. in Cantica lib. 4. Exh. 4. initio, ubi sic loquitur. [Tertius fasciculus Myrrhæ colligendus superest, ex amaritudinibus & doloribus, quos perpassus est Christus Dominus, ex quo in utero Virginis conceptus est, usque dum exspiravit in Cruce.] Et post interjecta aliqua. [Sed ulterius, quia illum nihil unquam latuit, tunc (infans in utero) perfectissimè cognovit etiam cuncta quæ usque ad mortem Crucis passurus erat, ad eaque perferenda pro nobis libentissimè se obtulit. Unde in ipso primo suæ Conceptionis instanti, plenus fuit eâ myrrhâ, quâ postea erat paulatim producturus foras. Tunc bibit simul voluntate & affectu totum calicem Passionis, quem successu temporis bibiturus erat per partes.]

Bartholomæus de Amicis libro 2. Meditationum de Sacris Christi Vulneribus. Medit. 7. quæ est de vulneribus Christi Domini internis, in ipso initio ita loquitur. [Considera quomodo Sancta Anima Christi,

sti, statim postquam amavit corpus ejusdem, cognovit voluntatem Dei Patris, de redimendo genere humano à peccatis, per ipsius Christi mortem. Vbi simul representati sunt illi omnes dolores & ignominia, quas perpassurus erat, representata autem non in confuso, sed prorsus distinctè & quolibet sigillatim. Unde Christus cognoscendo omnes illas poenas, atque contemptus, & ignominias, vivacissimè, statim in ejus voluntate causata est, angustia quædam acerbissima, quæ illum torfit plus quàm dum in actuali Passione perpassus est dolores extrinsecus. Externi enim & actuales Passionis dolores adveniebant Domino successivè & unus post alium separatim; at in angustia illa, atque tristitia interna, representati sunt illi omnes simul distinctè, tanquam si mare dolorum, & afflictionum irruisset in Sanctissimam illam Animam, eamque inundasset. Hic anima mea subsiste & admire Sanctissimam illam Christi Domini Animam in corpusculo intra viscera materna manentem, simul verò tunc inundatam unâ immensâ afflictione, tanto majore, quantò adhuc tunc erat corpusculo teneriori, & imbecilliori unita.]

Hugo Victorinus relatus à supra dicto auctore sic loquitur de Christo. [In illo instanti Conceptionis, Divina Voluntas, per justam sententiam mortem dictabat, & Christi Voluntas, per obedientiam, illam sententiam acceptabat.]

Aloysius Novarinus. lib. de Tributo Divino, trib. 15. ait Dominum non fuisse parcum in sua pro nobis Passione; idq; à primo Conceptionis suæ instanti.] Ut supra rituli Modo 63. initio.

Cardinalis de Lugo de Incarnatione disp. 22. sect. 2. de Dolo- & tristitia Animæ Christi disputans. Afferit primò num. 15. [De Dolo- re, certum de fide est fuisse in Christo. *Isaia 53. 4. Verè languores nostros ipse tulit, & dolores nostros ipse portavit.* qua de causa appellat eum *Propheta, Virum dolorum.* Hoc etiam probant omnia testimonia, quæ dicunt Christum Passum esse. *Lucæ 24. 26. Nonne oportuit Christum pati: & ita intrare in gloriam suam.*

Deinde ad Tristitiam (quam à Dolo- re distinguit Num. 19.) progrediens, eam sensibilem cum dolo- re, cumque aliis sensuum molestiis, ei- dem Christo Domino attribuit.

Dubitatur postea, & queritur, an Tristitia fuerit solum in appetitu sensitivo, an etiam in voluntate Christi? Num. 20. atque ait quòd [Com- muni & verissima sententia est, actum Doloris & Tristitiæ fuisse etiam in voluntate Christi, & quidem non solum in portione ejus inferiori, sed

sed etiam
res & rati-
orum, &
te sua, qu-
erat obje-
voluntat-

Post h-
tuerintel-
lem habet
tis tristiti-
simul co-
Huic diffi-
munis est
talem, c-
spensatio-
hoc ut p-
eandem
in 3. Par-
quorum
tentiam
plicet, a-
voluntat-
tio, peri-
terea, C-
petitu se-
volunta-

Man-
tristitias
mundur

Quæ-
perpetu-
Christi
tiis affe-
finem ta-

Supp-
ster lesu-
human-
na VER-

sed etiam in superiori, Num. 21. Cum enim hæc sit quæ versator circa res & rationes æternas, Christus autem tristatus fuerit de fuga discipulorum, & de peccatis hominum, propter offensam Dei: item de morte sua, quæ etiam considerata secundum regulam rationis superioris, erat objectum honestè amabile: non est cur negetur actus tristitiæ in voluntate Christi, secundum portionem etiam superiorem voluntatis.

Post hæc subdit num. 22. [Difficultas gravior est, quomodo potuerint esse simul in eadem voluntate, actus lummæ delectationis, qualem habebat Anima Christi, ortam ex visione beata, & actus vehementis tristitiæ. Hi enim actus videntur esse contrarii inter se, nec posse simul constare, quod aliquis hilaris sit & tristis, in gradibus intensis.] Huic difficultati respondet in hunc Modum. Num. 26. [Solutio communis est. Gaudium vehemens habere quidem repugnantiam naturalem, cum tristitia: non tamen essentialem, atque adeo ex Divina dispensatione factum esse, ut potuerint esse simul in voluntate Christi, ad hoc ut pateretur pro nobis, non obstante repugnantia naturali.] Hanc eandem solutionem referunt ex aliis Theologis, & sequuntur, Suarez in 3. Part. tom. 1. disp. 38. sect. 3. Vasquez ibidem disp. 37. Cap. 4. &c. quorum verba hic referre ego supersedeo, cum Cardinalis eorum sententiam jam retulerit in sua? Quamvis autem Cardinalis non sic explicet, agnoscatue Christum totâ vitâ suâ dolorem atque tristitiam in voluntate, & sensitivo appetitu habuisse: nihil refert; cum ejus assertio, perinde serviat, toti vitæ Christi, sicut alicui ejus parti. Addo præterea, Cardinali, nihil ferè dubii esse de Christi dolore & tristitia in appetitu sensitivo, animæ ipsius præcipuam esse difficultatem, an etiam in voluntate ejusque superiori parte dolor & tristitia fuerit.

Maneat ergo certum, in Anima Domini nostri existisse dolores & tristitias perpetuas, easque gravissimas ab initio Conceptionis ejus, in mundum, usque ad articulum mortis in Cruce.

Quæ autem fuerint sive objecta, sive motiva, sive causæ, quæ hanc perpetuitatem, simulque enormitatem dolorum ac tristitiæ in Anima Christi causaverint, excitaverint, & foverint, libet ex variorum sententiis assertionibusque collecta in unum, hoc loco strictim edisserere, & finem tandem tractatui huic imponere.

Supposito, quod juxta doctrinam Fidei Christianæ, Dominus noster Jesus Christus fuerit Deus Homo & quod in ipso Conceptionis suæ humanæ: ejus humanitas hypostaticè fuerit unita Divinitati, seu Divinæ VERBI Personæ: & quod ab eodem instanti, Anima ejus intuitivè

& bea-

& beatificè Deum viderit, hunc e videndo semper perseveraverit; & quod ab eodem instanti Conceptionis perfectū rationis humana utrum habuerit, non minūque tunc, quam in tota rei qua vita atq; ad eod etiam in præsenti, omnia sciverit, cognitionemque omnium suar perfecti on congruam, & plenissimam habuerit, rerum tam præteritarum, quam præsentium, quam futurarum, quoad omnes circumstantias earum; & quod ex speciali dispositione Dei, Christum ad salutem, redemptionemque generis humani per peccatum perdit, æternæque damnationi, & iræ Divinæ obnoxii, ordinantis: beatitudo Animæ illius visione Dei fruētis prohibita fuit in totam Humanitatem Christi, (ui connaturaliter debebat) demanare, sed relinquere patibilitatem, atque mortalitatem in eo, utpote per Passionem, atque mortem negotium salutis humanæ petacturo. Supposito inquam hoc quod reruli toto, manifestè sequitur, Christum Dominum siue Animam ejus perspicacissimè, atque plenissimè habuisse cognita omnia objecta ad Passionē, & mortem suam pertinentia, omnesque causas, omnes fines, omnes effectus, omnes conditiones, atque circumstantias, omnes uno verbo, Dei tam absolutas, quam permissivas, circa se, & circa vitam, nec non Passionem, mortemque suam voluntates.

Sciebat ergo Christus Dominus plenissimè suam à Deo, ante omne meritum suum, exaltationem & dignificationem, collatam sibi ab ipso per unionem Hypostaticam, per visionem Essentiæ Dei intuitivam, per beatitudinem, gaudiumque & fruitionem Dei beatificam. Ex hac scientiâ, & cognitione plenissima, tantæ suæ dignificationis à Deo, & tantæ Bonitatis, dilectionis, liberalitatis que Dei super se, ortum habuit in corde Christi, Amor tum appretiativus, tum affectivus, siue intensivus, seu Theandricus, erga Deum, universaque, ad omnem ejus circa se voluntatem, & ordinationem, sibi ex tunc jam perspectissimam, adhesio, subjectio, promptitudo, & festinatio.

Ex eadem scientia ortum quoque habuit in corde ejusdem Christi, maxima, & planè etiam Theandrica, ejus erga nos homines, & erga omnem salutem nostram, propter Deum dilectio, promptitudo, profusio; omnimodaque ad exsequendam Dei omnem voluntatem, circa redemptionem nostram resolutio & applicatio.

Ex his duobus capitibus scientiæ nimirū & Charitatis Christi, utriusque perfectissimæ atque Theandricæ, promanarunt in Christo Domino, reliquæ omnes ejusdem in vita universa, usque ad mortem affectiones, & in his etiam fuere timores, dolores, tristitiæ, angoresque interni;

ni; qui sicut ab instanti Conceptionis Christi, habuerent in se, lo-
cum, ut de labore actuale, reque ipsa effectum ob speciatem, pradi-
ctam d. h. oblationem, dispensationemq; Dei, in Animâ Christi, et bea-
tâ, passibilitatem tamen mortalitatemque relinquentis. Cui etiam
nequaquam præjudicabat, immò verò stimulos addebat, Christi Domi-
ni, tum erga Deum; tum erga nos propter Deum Charitas, & perfici-
enda salutis nostræ alacritas, & aviditas. Cum hac enim consiste-
bat, omnis in redemptione nostra interventura, & jam tunc interve-
niens, seseque Christi Animæ, & scientiæ, atque Charitati objiciens dif-
ficultas. Cujus & plurima & gravissima genera, sive seminata, fuisse,
facile cuique vel leviter Christi Domini conditionem inspicienti pate-
re potest.

Prima Difficultas, primumque Seminarium dolorum, & tristitiæ, I.
objiciebat se Christo, ex Infinitudine Dignitatis & Majestatis Divinæ,
quæ cum laesa, & contempta conculcataque esset, miserum & indignū
in modum valde à creatura sua vilissima, & ingratiissima, scilicet ab
hominibus, ejus reparatio, restauratioque, ad omnem usque adæqua-
tionem (ne dicam ad excessum) incumbebat Christo Domino, quod
onus sanè, plūs quàm gravissimum, difficillimumque fuit, & nullis
quantumlibet Giganteis, sed solis duntaxat Theandricis humeris sup-
portabile, & satisfactibile erat. Christus Dominus ergo infinite Di-
gnissimam Dei Dignitatem videns, eamque ab hominibus, (quorum
ipse unus jam esset) agnoscens, simulq; dolens, ac factam reparatamq;
quàm plenissimè cupiens, totasque vires, & studia sua, in id
convertit, ut huic cupiditati suæ, id est, Divinæ Dignitatis, quàm ple-
nissimæ, condignissimæque reparationi satisfaceret. Itaque optabat
per securam æternitatem huic labori reparationis impendere se to-
tum, si ita Deo placitum esset, ut hac ratione satisfactio sua, non solum
ex se ipsa, nec etiam solum ex satisfaciente se ipso, verum etiam ex du-
ratione satisfactionis ipsius esset infinita, quod quia nequaquàm statutum
vidit: optabat ad finem saltem mundi, & quàm diu duraret genus hu-
manum in hoc sæculo, eidem reparationi Dignitatis Divinæ sese peren-
niter consecrare ac immolare, quò tali ratione, suam satisfactionem
reparationemque Divinæ Dignitatis extendens & intendens quantum
maximè posset, etiam copiosissimè, plenissimè, & condignissimè Deo,
ejusque Dignitati deserviret. Cum autem neque ad finem mundi suos
labores, passionisque pro reparatione Dignitatis Divinæ, salutisq; no-
stræ durare, adverteret divini esse consilii atque voluntatis: illud cu-

piditati suæ remedium adinvenit & adlegit: ut non tantum octodecim
horis extremis vitæ suæ pateretur, neque tantum tribus horis in Cruce
pendens, ac moriens, desideria imperiaque charitatis suæ impletet: sed
voluit totâ vitâ suâ, à primo limine illius usque ad punctum mortis,
perpetuam doloris mœrorisque interni quàm exaggeratissimam in cor
de animoque suo crucem circumferre, ejusque doloris patientiâ Cha-
ritatem suam in Dei Dignitatem, & in nostram salutem explere; satu-
rare, & saginare. Quod exaggeratissimum Christi Domini & votum,
& opus, nisi exaggeratè satis erat reparandæ quâ Dei Dignitati, quâ no-
stræ salutis: nequaquam tamen omni ex parte sufficiebat Charitati, itaq;
ut illi amplius ampliùsq; obsequeretur, utq; eos quos dilexerat (Deum
nimirum, & nos propter Deum) usq; in finem diligeret, dilectionemq;
hanc propagaret, Sacrificium Sacramentumque altaris (nullo intelle-
ctu demirandum, nullâ linguâ explicandum) invenit & instituit, in quo
perenniter usque ad finem mundi, pro nostra totiusque mundi salute,
pro Dei, ejusque Dignitatis exaltatione, immolaretur, cruenta que sua
Passio, & Mors, incruentè repararetur, & veluti continuaretur. Hoc
ergo primum, & primarium etiam, est seminarium, ut dixi, atque dif-
ficultas Dolorifera Christi Domini à primo vitæ instanti usque ad fi-
nem ejus.

II. *Alera Difficultas* huic vicina, imò hinc emanans fuit: sita in obliga-
tione reparandæ & satisfaciendæ ad omnem rigorem Iustitiæ Dei, quæ
cum infinitè læsa & injuriata, damnoque in re sibi maximè debita atq;
propria, affecta fuisset, infinitam satisfactionē exigebat, qualem, quia
nulla creatura, ac ne simul quidem omnis exhibere poterat, sed infiniti
valoris, potestatis, dignitatis, opulentiaque personam, quæ id præsta-
ret requirebat, propterea hæc difficultas, cum toto suo, quantumquan-
tum in iustitia Dei fuit pondere, in Christi Dei-Hominis humeros de-
volvebatur, immensumque & perennem dolorem in ejus Anima ope-
rabatur.

III. *Tertia Difficultas* fuit: ex habitu, conditione, atque statu violatoris,
invalorisque in Divinum Ius & Dignitatem, habituque Rei læsæ ma-
jestatis Divinæ, qui Christo imponebatur, & subeundus fuit, ad hoc
si vellet, & ad hoc ut posset hominum redemptionem peragere. Fuit
hæc Rei & Violatoris Divini Iuris & Dignitatis habitus susceptio; usq;
ad eò Christo Domino gravis, & onerosa, ut suâ gravitate, omne reli-
quum onus Passionis quod supportandum erat in opere redemptionis,
longè, longissimèque antecederet, & nisi Charitas Christi, atque libe-
ralitas

talitas erga Deum, & erga nos propter Deum, amaritudinem hujus statûs mitigader, acerbitatem dulcorâsset, onerositatem sublevâsset, turpitudinem honestâsset: poterat Dominus IESVS, ob hanc unicam Redemptioni nostræ adnexam conditionem, oneri, & operi Redemptionis nostræ penitus renuntiare. Idque etiamsi tantum unius peccati, atque peccatoris speciem, & vultum suscipere debuisset. Quanto verò magis id poterat facere, debebatque abhorreere, quando & omnium sceleratorum, & simul omnium scelerum habitum induere, speciem, & formam exhibere, reum se gerere, & supplicii omnium se exponere, atque supponere, jubebatur? Quid enim magis horrificum, quid magis abominandum, quid magis indignum, quid magis repugnans Dei Personæ atque Dignitati, quam reum peccati etiam minutissimi, videri, reputari, judicari, damnari, speciemque & formam suscipere? Quis ferat substantialem sanctitatem, Innocentiæque Fontem, sordidissimâ peccati, & peccatoris veste indui, cum iniquis, imò Caput iniquorum, non tantum apud ingratos, impiosque homines, verum etiam apud ipsam Dei Æterni pietatem, apud ipsum Iustitiæ æternæ tribunal statui, reputari, & eo nomine supplicii, tormentis, morti demum ipsi addici?

Quarta Difficultas ex ipsorum peccatorum multitudine & enormitate in Christum se evolvens. Manifestum est enim, immensam quandam immenstatem esse peccatorum & malitiæ, fœditatisque eorum, cui capiendæ, nullus humanus intellectus sufficit, quæque omnem dimensionem, sive latitudinis, sive altitudinis, sive profunditatis, sive longitudinis excedit, ducens initium à primo lapsu Protoplasti, usque ad ultimum mundi finem: hujus tanti malitiæ oceani atque abyssi expiatio, & abolitio, ad æqualitatem rigorosam requirebatur, & cum ea nulli creaturæ possibilis esset, ad extremum Homini-Deo Christo imponebatur, imò imposita est: juxta illud Isaïæ 53. 6. *Posuit in eo Dominus iniquitatem omnium nostrum.* Quæ impositio, quamvis à Christi Charitate totis viribus cordialis alacritatis excepta est, immanem tamen simul difficultatem menti Christi objecit: quam non semel per voces Prophetarum testatus est: ut cum Psalmo 21. 1. ait. *DEVS DEVS meus, ut quid dereliquisti me? longè à salute mea, verba delictorum meorum.* quasi dicat Patri Æterno. Id circo me dereliquisti, quia peccata & delicta, quæ in me translata, & mihi imposita suscepi, nullam mihi vitæ meæ spem faciunt, nullam viam salutis relinquunt, sed me ad mortem adigunt. Et alibi, Psalmo 39. 13. *Quoniam circumdo-*

IV. 1

derunt

derunt me mala, quorum non est numerus: comprehenderunt me iniquitates meae. Verba sunt Christi de peccatis, & sibi impositis, & à se assumptis ad satisfaciendum pro eis, sed laboriosissimè, sed arduosissimè, atque insuper lethalissimè. Quæ fuit

V.

Quinta Difficultas Christo objecta etiam in primo limine vitæ suæ. Iam tunc enim Christus Dominus plenissimâ cognitione cognovit omnem enormitatem poenarum, & calamitatum, & mortis, sibi præparatam & assignatam, tum in omni vita sua secutura, tum verò præcipuè in epilogo vitæ, atque in tempore actualis Passionis suæ: sciebat quoque jam tunc Dignitatem & excellentiam Personæ, atque Innocentiæ suæ: sciebat & teneritudinem complexionis temperieque suæ Theandricæ: sciebat mensuram omnium & singulorum, dolorum suorum. Ex hac scientia non poterat non oriri, in tenerissimo corde Hominis Dei, adæquata cognitioni apprehensio, & tam rationali, quam sensitivo appetitui representatio, ex hac autem amborum haud dubiè proportionata adæquataque afflictio, & angustia, atque (ut Dominus ipse loquutus est) Coarctatio. Cujus rei evidens experimentum fuit in horto, ubi Christus & expertus, & confessus est, Tristitiam animæ suæ fuisse usque ad mortem, cum tam enormibus angustis, ut deduci ad agoniam, & ad sudorem sanguineum, naturam humanam in Christo tenerissimam oportuerit. Quæ animi animæque Christi angustia, semel quidem tantum prædictâ occasione in apertum prorupere, ac non solâ hac occasione, Animæ Christi insedère, verum ex quo in ærumnarum suarum vivacissimam cognitionem Christus venit, venit autem in ipso vitæ suæ limine, ex eo etiam & apprehensionem cognitionis, objectisque cognitis parem, & appetitibus anibobus, representationem atque impressionem adæquatam concepit, totâque deinceps vitam persensit: estò dispensatoriè eam foras erumpere non nisi ab Hortensibus luctû initio, & tempore permisit.

VI.

Sexta Difficultas Christo Domino se objecit ex obligatione à se suscepta poenitendi atque dolendi in Animo pro nostrum omnium, omnibus quoque peccatis, super se assumptis, & ad satisfactionem pro eis præstendam à se acceptatis. Omni enim peccatori, sive propria sua peccata, sive aliena quidem sed in se assumpta abolere cupienti, primum omnium agnoscenda peccata, deinde poenitentia dolor, & retractatio in animo habenda atque exercenda venit, ac tandem satisfactio exhibenda condigna, exterioribus aliquibus operibus, acceptis illi, cui exhibetur. Proinde & Dominus Iesus hunc ordinem in nostrorum expiatio-

piatione peccatorum servavit, primò namque reum se, atque peccatoris speciem habitumque gerentem, Deo exhibuit; tum pro omnibus & singulis peccatis, condignum in mente sua, & corde suo dolorem, ac poenitudinem deprompsit, ac tandem, ad exteriorem quoque Passionem & mortem pro iisdem nostris tanquam suis peccatis accessit. Quantus verò dolor ille poenitentiae fuerit in corde Christi, docere potest tum immensa Dignitas, Sanctissimaque Iustitia Dei peccatis violata, tum Christi, in Divinum honorem, & nostram salutem Amor, & Zelus, tum indignitas scelerum in Deum patratòrũ, tantà eluvie, tantàque exundatione, ut eis eluendis, nulli oceani, nulli aquarum, estò ex omnis creaturæ lachrymis per omnem æternitatem aggregati gurgites abyssi que satis unquam fuerint futuri, sed oportebat Divini ipsius Cordis fontes & cataractas in ablutionem resolvi, atque effundi.

Septima Difficultas fuit objecta Cordi Christi Domini ab immenitate soli Christo satis comprehendendæ æstimandæque damnationis æternæ, peccatoribus propter scelera sua indubitanter debitæ, atque etiam irremissibiliter luendæ. Caput erat, & Caput se esse sciebat, (quin & amabat) nostrum, Dominus Iesus: nos verò omnes corpus eius & membra ejus, quorum ille integritatem & salutem curaturus advenerat, & in se susceperat, eamque operam, vitæ salutis que propriæ anteposuerat: damnationis æternæ malum penitissimè noverat, & suis momentis expendebat: illi obnoxia esse, & fore, membra illa sua evidenter sciebat atque videbat; & quomodo quæso dolorem Cordis intrinseco non tangi, non inquam angere, & non cruciari omnibus vitæ momentis poterat? una illa cogitatio: quòd (verbi gratiâ;) Iudas in æternum à Christo alienandus, & nunquam ejusdem corpori reinsertendus, sed in sempiternis pœnis demergendus esset: omnibus cruciatibus, omnibus crucibus, omnibus Crucis doloribus, gravior fuit, atque intolerabilior. Quem dolorem quàm altè infixum, & quàm perpetuò molestum haberet in Cordis sui divini penetralibus, ipsemet Dominus attestatus videtur. *Nonne ego duodecim elegi vos, & unus ex vobis diabolus est.* Ioannis 6. 71. Et ad Patrem loquens: *dum ait. Quos dediſti mihi, & nemo ex eis periit, nisi filius perditionis.* Ioannis 17. 12. Hic Iudas Diabolus, gravior Christo fuit, quàm Lucifer cum omnibus affeculis suis: & in hoc perditionis filio ampliùs Christus doluit, quàm in tota sua Passione, atque perditione. Magnitudo namque mali, perfectè præsertim cogniti, parem causat doloris tristitiæque magnitudinē. Et cum malo damnationis æternæ nihil sit gravius, & illud Christo

VIII.

Domino jam inde à Conceptione sua perspectissimum fuit, simulque universam generis humani aggregationem illi obnoxiam, atque destinaram, certissimum existit: quis tandem cogitare sufficiet, qualem quantumque Dolorem, ac mœrorem Cor Domini Iesv Christi, ex hoc objecto adeò calamitoso, & nullis lamentis elamentabili, pertulit, & totâ quidem vitâ pertulit?

Octava Difficultas dolorifera objecta fuit Christo, ex vilitate, atque indignitate, nec non inutilitate hominum, & in sua quidem ipsorum naturali creataque, & multò etiam magis in peccatrice, peccatoque destructissimæ, & defædatissimæ, conditione. *Quid est homo, quod memores ejus, aut filius hominis, quoniam visitas eum?* aiebat demirans David Psalmo 8. 5. Quid dixisses mi Propheta, si hominis non memorem, sed propter Hominem, Deum Hominem factum, & pro eo indigna omnia extremaque passum vidisses? Certè tanta Dei propter vilissimos, & nullius frugis ususque homines, profusio & dejectio, nulli alteri causæ præterquam excessivæ ac nimix dilectioni attribui potest. Cur autem adeò dilexerit hominem Deus: nullam causam reperire est possibile, nisi in ipsamet dilectione sua, alioqui si ad causas ex hominibus respicias, innumeras invenies contemnendi, nullam autem diligendi causam. Dilectio ergo, divino Dei nostri cordi, quatenus quidem à charitate fluxit, dulcissima illi fuit, at quatenus ad vilissimos homines sese ex mandato charitatis exporrexit: acerbissimum eidem cordi Dolorem, repugnantiamque ingessit.

IX.

Nona Difficultas Dolorifera Christo Domino se obtulit, ex ingratitude, malitiâ, & sterilitate, contemptioneque hominum omnium, quâ usuros homines secum prævidebat, & pervidebat Dominus noster, tam vivente se atque conversante se inter illos, tempore vitæ suæ mortalis, quàm etiam deinceps post suum in cœlos abitum, usque ad mundi finem. In totius generis humani populo unum alterumque hominē vix Christus scientiâ suâ omnisciâ videbat, plenè & planè gratum futurum, sumptibus, laboribusque suis, à se propter homines impensis, & exhaustis: at verò infinities infinitos videbat, qui similiter infinities infinitis, isdemque enormissimè sceleratis modis, futuri erant beneficiorum, dolorum, ærumnarum, mortisque suæ, plùs quàm ingrati, plùs quàm contemptores, plùs quàm abjectores, conculcatores, & omnium pessimorum pro omnibus optimis redditores. Hostales videre, & prævidere, & innumerato adeò multos habere, & omnium singulorum sceleratam ingratitude, ingratamque malignitatem perno-

pernoscere, & nihilominus ad faciendum eis omnia bona, ad subeundum pro eis, ab eisque etiam ipsis omnia infanda, amanter, libenter, liberaliter, profusè, prodigèque, Deum-Hominem descendere: quis cogitabat, sibi ve persuadebit, potuisse hoc absque intimo, absque viscerali, absque incogitabili dolore, mœrore, horroreque cordis Iesv inhaerere? *Filios enutrivit & exaltavi, illi autem spreverunt me: queritur alicubi Dominus apud Isaiam. 1. 2.* Quid cogitabat, quid ipsum sibi dicebat Cor Boni Iesv, videns ac dicens. Cùm in forma Dei essem, exinanivi me ipsum formam servi accipiens. Cùm sine peccato essem, pro omnium peccatis passus sum. Cùm essem vita, pro omnium morte mortuus sum: ipsi autem spreverunt me, ipsi autem in semetipsis, iterum, iterum, iterum, iterumque crucifigunt me. De filiorum Helli ingrata victimarum tractatione, dolenter loquens Deus. *Calce abieciſti victimam meam. 1. Reg. 2. 29.* Carnes scilicet hircorum, arietum, bouum Deo immolatorum. Quid sensit Dominus noster JESVS Christus, pro mundo ceu Agnus ad victimam ducendus atque immolandus: quin & ductus atque immolatus: & tamen ab eodem ingrato mundo, & calce abjiciendus, & in Cruce mactandus, reque ipsa crudeliter & abjectus, & mactatus.

Decima Difficultas Doloris in Christi Domini corde Seminarium **X.** fuit, ex Hebraici populi ingratitude, malitiaque erga Christum peculiariter suum, sibi, & ex suo sanguine, speciali Dei munere missum, atque donatum. Itemque ex ejusdem ingratiſſimi populi propter scelus in Christum commissum abjectione, & repulsâ à Deo, ab omnibus electi populi praeogativis. Fuisse hoc & quidem magni doloris mœrorisque Christo Domino Seminarium, tum res ipsa indicat naturâ suâ, tum ipse Dominus, tam per Prophetas, quàm per sua ipsius verba indicavit. Fuit in Domino nostro tener affectus erga gentem & sanguinem Abraham, eò quòd ex eo nasciturus, atque etiam natus erat: expressit hoc apud Ieremiam. 13. 11. *Agglutinavi mihi omnem domum Israel, & omnem domum Iuda: dicit Dominus: ut essent mihi in populum, & in nomen, & in laudem, & in gloriam, & non audierunt.* Et apud Isaiam. 1. 3. *Cognovit bos possessorem suum, & asinus praesepe Domini sui, Israel autem me non cognovit, & populus meus non intellexit.* Ibidem V. 24. *Propter hoc ait Dominus Deus exercituum fortis Israel: Heu consolabor super hostibus meis, & vindicabo de inimicis meis.* Expressius porro & affectuosius animi sui, & dolorem, & mœrorem, ex ingrati infelicisque populi ejusdem abjectione, & reprobatione indicavit, quando

appropinquans. & videns Civitatem, flevit super illam, dicens. (Lucæ 19. 44.) Quia sic cognovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis. Quod si Paulus Apostolus fidenter de suo in populum suum à Deo abjectum affectu loquitur sic. Rom. 9. 1. Veritatem dico in Christo, non mentior, testimonium mihi perhibente conscientia mea, in Spiritu Sancto: quoniam tristitia mihi magna est, & continuus dolor cordi meo: optabam enim ego ipse anathema esse à Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum, & gloria, & testamentum, & legislatio, & obsequium, & promissa: quorum Patres, & ex quibus est Christus secundum carnem, qui est super omnia DEVS benedictus in sæcula Amen. Hæc inquam si Paulus in se pensavit ob ruinam populi sui. Non sensit tantò amplius Christus, quantò plus beneficentiæ suæ profudit in populum suum (maximè carnem ex eo sibi assumendo) quàm profundere vel mero desiderio potuit Paulus? Fuit ergo ruina populi, & abjectio, & malitia, atque perditio populi sui, Christo, magna tristitia, & continuus cordis dolor: pro quo & factus est maledictum: maledictus omnis qui pender in ligno. Gal. 3. 13. Deut. 21. 25. Propter hunc dolorem Domini nostri ex scelere ac perditione ob illud populi Iudaici: agnoscit Hieronymus illam orationem Domini ad Patrem in hortu. Pater mi si possibile est, transeat à me calix iste, non dixit transeat à me calix: sed calix iste: hoc est populi Iudeorum: qui excusationem ignorantie habere non potest, habens legem & Prophetas, qui me quotidie vaticinantur. Levius ergo fuisset Christo, & minus peccatum necis ejus, minorque obea damnatio alicujus alterius populi: qui ignorasset, de cujus sanguine Christus carnem non sumpsisset: in quo passu ei Pilatus non exprobrasset. Gens tua & Pontifices tui, tradiderunt te mihi. Joan. 18. 35. Sed neque Christus eidem Pilato dixisset. Propterea qui me tradidit tibi, majus peccatum habet. Joan. 19. 11.

XL.

Unde innum Doloris interni Christo Domino ab initio vitæ usque ad mortem fuit Seminarium. Exiguitas fructus, paucitasque salvandorum efficaciter per suam Incarnationem, Vitam, Labores, Miracula, Merita, Virtutes, Cruciatu, Opprobria, Crucem, & Crucis mortem. Sæpe in ore Christi fuit vox illa. Multi enim sunt vocati, pauci verò electi: quæ cogitatio nunquam non fuit in Christo, nunquam non sauciavit Cor Christi. Unde & per Prophetam quærit queriturque. Quæ utilitas in sanguine meo, dum descendo in corruptionem? Psal. 29. 10. Et per alium deprecatur dicens. Terra ne operias sanguinem meum: neque

neque inveniat in te locum latendi clamor meus. Job 16. 19. Quomodo enim sine dolore plus quam doloroso esse potuit Dominus JESVS : perfecti scilicet cognoscens Passionem & mortem suam, millenis, imò infinitis mundis, si applicarentur salvandis suffragia : nihilominus non nisi paucos electos efficaciter salvaturam : infinitis autem reprobis, propter malitiam eorum, non tantum non profuturam, sed etiam ad cumulum æternæ damnationis accessuram.

Duodecima Doloris interni Domino nostro fuit seges, Amicorum & notorum suorum, inprimis verò Dignissimæ Matris suæ afflictio, atque (ut Simeon vocavit) Doloris gladius, qui Animam ejus pertransiturus erat in omni Passione Filii, si enim cum gladio prævidebat, & prænuntiabat, jam olim adhuc Infante Iesv, Senex Propheta Simeon : quanto magis prænoscebat, illo jam etiam tempore Dominus JESVS : cujus Spiritu afflatus de eo prophetabat Iustus? Non minus certè tunc quoque diligebat IESVS Matrem, quam cum aspicebat de Cruce ipsam Cruci suæ adstantem.

XII.

Decima tertia Dolorum interiorum Christi Domini materia fuit, prævisi omnes dolores, labores, ærumnæ, cruciatus, quosunque passuri erant omnes Apostoli, omnesque Martyres, in quibuscunque tormentis. Confessores item in suis mortificationibus, afflictionibusque Animi & Corporis, in persecutionibus, calumniis, contumeliis, censuris, detrachionibus, jejuniis, vigiliis, paupertate, orationibus. Virgines quoque in certaminibus & defensionibus, & custodiis pro castitate. Conjuges in carne non secundum carnem militantes, in operibus bonis abundare satagentes, hoc mundo tanquam non uterentur utentes, in eleemosynas pauperum bona sua dispergentes, educationi filiorum, administrationi familiarum, & bonorum suorum laboriosè & periculosè insistentes. Præpositi quoque, & in Magistratu curaque aliorum positi, in suis administrationibus, & pro suorum salute, ac securitate, atque profectu, tanquam rationem reddituri pervigilantes. Omnes demum fideles, cum timore & tremore salutem suam operantes, & eam certam facere satagentes, tentationibus quotidie, & demonibus, carni quoque & sanguini rebeli, & mundo insidianti resistentes, atque repugnantes, vim & violentiam cælo facientes. Hos enim omnes & singulos, omnium singulorumque hominum fideliumque suorum, labores, & dolores, Dominus noster JESVS Christus, in semetipso, interno suo sensu, affectioneque, & suscepit, & sensit, dolens, gemens, orans pro omnibus : gratiam : robur, auxilium opportunum, im-

XIII.

petrans omnibus. Sciens se esse vitem, nos autem palmites; sciens se esse Caput, nos membra; sciens nos absque eo nihil posse facere. Nam si post ascensionem agebat Saulo: quid me persequeris? qui tamen non ipsum, sed credentes in ipsum persequabatur: quidni & tota vita sua, omnium suorum ærumnas pertulit; in omnibus eas portantibus, & portaturis, ipse simul portans.

XIV.

Decima Quarta Difficultas, quæ se objiciebat Christo in salute nostra, & dolorem Animæ ejus per totam vitam infeminabat, fuit ex Institutione futura Sacratissimi Sacrificii atque Sacramenti altaris: quam facturus atque subiturus erat, & quam subiturum se noverat, atque etiam statuebat, usque ad mundi finem. In quo suorum operum opere per omnem veritatem maximo, intuebatur perfectissimè Dominus Jesus, quantas subiturus erat, toto isto durantis sæculi, ad usque finem, cursu (ut uno verbo dicam) Indignitates, seu indignissimas suæ Dignitate Divino-Humanæ, suæ Pietate, Bonitate, atque Charitate, suæ liberalitate, atque miseratione, suæ dulcedine atque benignitate infinitæ, tractationes, per tot sæcula & annos, in tot locis, in tot, & à tot hominibus, tot talibusque modis, plus quam sceleratis, plus quam impiis, plus quam indignis, plus quam sacrilegis. Audeo dicere hoc unum charitatis, atque dignationis Christi opus, quo se ad omnes in Sacrificio & Sacramento altaris subeundas indignitates resoluit, pluris constituisse, & plus horroris, doloris, mœroris, tergiversationis Christo intulisse, ejusque cordi incussisse: quam omnes aliæ ejus ab instanti Conceptionis usque ad finem vitæ, imò quam omnes aliæ quæcunque abiectiones, humiliações, perpeffiones, excruciationes, cum ipsa Crucis morte, intulerunt, incusseruntque.

Plura de Doloribus Domini Nostri internis, deque eorum per totam vitam suam perpeffione, non addo. Hæc ut arbitror, sufficiunt probare, sententiam hanc, nec stultitiæ, nec falsitatis, nec temeritatis, nec præsumptionis posse damnari, neque esse contra apertam scripturam: uti alicui pronuntiare visum est.

Septem accommodationes Passionis & Orationis Dominicæ, aliâ quondam occasione conscriptas, his medicandi Passionem Christi modis accensere volui: arbitratus hanc quoque medicandi rationem devotis amatoribus contemplatoribusque Passionis non ingratam nec inutilem fore.

ACCOM-

ACCOMMODATIO I.

Conferre septem postulationes Orationis Dominicæ, septem effusionibus sanguinis Christi in Passione.

Pater noster qui es in cælis.] Oratio & ascensio mentis in Deum, qui cum peculiariter in Cælis resideat (estò Cælum & Terram impleat) idcirco Christus Dominus docuit nos hunc in modum orationem nostram inchoare, ut ad Patrem in Cælo manentem corde ingredientes, ibi eidem petitiones nostras exponamus.

Sanguis Jesu Christi est clavis Cæli: quâ ille omnibus hominibus, Cælum peccato occlusum referavit. Hanc ergo clavem accipe, & Cælum tibi referans ingredi, & appropinquans ad Thronum Majestatis Dei cum fiducia, dic Patri cœlesti. *Pater noster, qui es in Cælis.*

Ex Evangelica narratione habemus, Christum Dominum septies potissimum fudisse pretiosum sanguinem suum, ad has effusiones sanguinis conferre potes totidem Postulationes Dominicæ orationis.

Prima Petitio. *Sanctificetur nomen tuum.* Prima sanguinis Christi effusio fuit in Circumcisione, octavo à nativitate die, quo etiam Sacrosanctum nomen Jesus à Patre quidem Æterno donatum, à Pretiosissima autem Parente inditum accepit.

Consecrasti & perfudisti bone Jesu sanctissimum tuum nomen, sanguine tuo: infunde etiam obsecro pretiosum istud nomen tuum, in corda omnium nostrum, ut in nobis per merita sanguinis tui, semper & amplius sanctificetur & magnificetur.

Secunda Petitio. *Adveniat Regnum tuum.* Altera effusio sanguinis fuit in coronæ spinæ impositione, quâ Caput Christi Domini crudelissimè confossum, sauciaturum, & cruentatum fuit. Hoc cruore Dominus Jesus nobis cœleste regnum mercatus est, fecitque nos Patri Regale sacerdotium.

O Bone Jesu adveniat quæso hoc tuum Regnum in nos, & nos in illud: & per merita sanguinolentæ Coronæ tuæ, corona nos æternæ gloriæ coronâ, in beatissimo Regno tuo.

Tertia Petitio. *Fiat voluntas tua, sicut in Cælo & in terra.* Tertia sanguinis effusio fuit in horto, quando inter orandum ad Patrem sanguinem fudit Dominus, submitbens se ad omnem voluntatem ejus, & ad ebibendum calicem amarissimæ Passionis atque mortis, sibi à paterna manu pro nobis propinatum.

Da & fac ô Bone Jesu tuam sanctissimam voluntatem gustabilem,
ut semper

ut super à nobis, & in nobis perfectissimè impleatur. Resperge faciem
tui sudoris tui rore copioso corda nostra, & voluntates nostras, ut
pauca, sincerè, æternaliter, voluntati tuæ subjectæ manentes, nullo un-
quam modo sese ab ea separent.

Quarta Petitio. *Panem nostrum quotidianum da nobis hodie.* Quar-
ta Christi sanguinis effusio, fuit in flagellatione ad columnam; in qua
corpus Boni Iesv multis vibicibus, & vulneribus, instar frumenti pla-
nè in farinam commolitum; Anima verò Sanctissima pane doloris &
amaritudinis saginata fuit.

Da nobis Bone Iesv gustum in pane quotidianæ tribulationis, pro-
pter amorem tuæ benedictæ voluntatis: condiens eum nobis condi-
mento tui pretiosi sanguinis: ut nobis omne gaudium sit, pati semper
aliquid amarum, à suavissima tua Providentia nobis ordinatum.

Quinta Petitio. *Et dimitte nobis debita nostra, sicut & nos dimitti-
mus debitoribus nostris.* Quinta sanguinis Christi Profusio, fuit in de-
tractione vestium, ad cruentum vulneratumque Domini Iesv Corpus,
tenaciter adhærescentium: quæ detractio præter acutissimum dolo-
rem, vulnerumque renovationem, fieri non potuit absque magna &
multiplici sanguinis effusione.

O mi Iesv quoties renovamus nos peccatores vulnera tua amarissi-
ma, dum ad inolita revertimur peccata? Atramen tu dissimula incon-
stantiam nostram, renova autem indulgentiam tuam. Effunde ite-
rum atque iterum balneum sanguinis tui super iniquitates nostras, pro-
pter quam & nos iteratò & iteratò condonamus debitoribus nostris,
omnia debita nostra.

Sexta Petitio. *Et ne nos inducas in tentationem.* Sexta effusio
sanguinis fuit, quando Christus Dominus noster Cruci affixus & inter
latrones deputatus, venenatisque & blasphemis omnium linguis, tan-
quam signum, cui ab omnibus contradiceretur, expositus fuit.

Assume tibi crucifixum hunc Iesvm in scutum contra omnes tenta-
tiones, adversitates, periculaque corporis & animæ. Sanguine pedū
ejus, ablue & emunda inordinatos affectus tuos. Sanguine manuum
ipsius supple & adorna paupertatem nuditatemque operum tuorum,
ut sanguine isto signata non iram, sed gratiam, nec pœnam, sed merce-
dem coram oculis Dei inveniant, & de manibus ejus referant.

Septima Petitio. *Sed libera nos à malo. Amen.* Septima sangui-
nis effusio fuit, in transfixione lateris & cordis Domini Iesv jam mor-
tui, ex quo vulnere exivit sanguis & aqua. Sanguis quidem in pretiū
redem-

ACCOMMODATIO II.

redemptionis: Aqua autem in ablutionem omnis peccatoris.

Pete, ac impetra te admitti ad hoc balneum, & inibi abluere ac deponere omnia inquinamenta cordis tui. Fuge sicut columba simplex, & imbellis à facie rapacium milvorum, ad foramina hujus petrae, & ibi securè inhabitans requiesce, non solum nihil mali formidans, sed etià apertum æternæ felicitatis ostium possidens.

ACCOMMODATIO II.

Conferre septem extrema Christi in Cruce verba cum septem Postulationibus Orationis Dominicæ.

Pater noster quies in cælis.] Crux Christi est veluti nâvis, aut pons super mundi & vitæ hujus stagnantes aquas, stratus, in eorum gratiam & commoditatem, qui hanc navem, aut pontem istum, ad vitæ suæ viam adhibere volunt. Cave exscendas navem hanc, cave pontem hunc negligas, indubitatè namque diluvium absorbebit te. Insiste potiùs ponti huic perque eum progrediens portum tene, portamq; refera cœlestem tibi, & coram throno Majestatis Dei prostratus dic toto corde tuo. *Pater noster, quies in cælis:* coram Te ego vilis creatura estundo desideria cordis mei, &c.

Prima Petitio. *Sanctificetur nomen tuum.*] Primum verbû Christi in Cruce. *Deus meus Deus meus, quare me dereliquisti.* Semper & assiduè Dominus Jესus, cor suum ad Patrem Æternum conversum & adhærens habebat, & tam in prosperis, quàm in adversis nomen ejus sanctificabat, nec in Cruce pendens, à consuetudine sua cessavit, sed in ipsa etiam amarissima derelictione vocem nihilominus & mentem suâ devotissimè, humillimè, fidentissimèque ad Patrem convertit.

O Bone Jესu propter nos in doloribus Crucis derelictè, & nihilominus nomen Patris tui sanctificare non oblite, doce me, & mecum omnes servos tuos sanctificare nomen tuum divinum, tam in prosperitatibus, quàm in adversitatibus: præcipuè autem & nominatim in ultimo agone mortis, à Te non derelinquamur, sed potiùs omnipotentis dexterae tuæ auxilio, ita efficaciter confirmemur, conservemurque, sicut fiducialiter ad Te confugientes clamamus, Deus Deus noster, ne derelinquas nos nunc, & in hora mortis nostræ.

Secunda Petitio. *Adveniat regnum tuum.* Aliud Christi in Cruce verbum fuit. *Hodie mecum eris in Paradiso.* Quo verbo exaudivit Dominus Jესus latronem petentem ac dicentem sibi, Domine memento mei, cùm veneris in regnum tuum. O admirabile certamen! latro

solum sui reminiscunt, aut mendicant, Dominus vero integrum suum regnum plenamque secum beatitudinem absque ulla dilatione confert.

Ergo licet repletissima iniquitate creatura tua, obsecro Tēliberā, lissime JESV, euacua me ab omni amore studioque hujus mundi, & inflāma me incessabili desiderio regni tui; & quodcumque ego petens dico, *Adveniat regnum tuum*; Tu ex bonitate tua semper in vita & morte mihi responde. *Hodie mecum eris in Paradiso celestis gloriae.*

Tertia Petitio. *Fiat voluntas tua, sicut in Caelo & in terra.* Tertium in Cruce Christi verbum fuit. *Consummatum est.* Totū scilicet quicquid in scripturis scriptum, quicquid à Patre in Caelo decretum de Christo fuit. Habes homo, exemplar vivum consummatae obedientiae, subjectionisque ad voluntatem Dei. Felix anima quae semper, quae veraciter, quae in omni vitae mortisque articulo dicere potest Deo suo. *Consummatum est Domine universum beneplacitum tuum.* Exora ergo humillimā instantiā bonitatem Dei, ut te transformet nunc quidem in perfectam subjectionem, postea verò in beatificam fruitionem suavisissimae voluntatis suae.

Quarta Petitio. *Panem nostrum quotidianum da nobis hodie.* Quartum Christi in Cruce verbum. *Sitit.* Quo verbo Dominus Jesus testatus est, non tam sitim suam corporalem, (licet & hanc ardentissimā passus sit, ob immanitatem, diuturnitatemque poenarum) quā patrius interiorē salutis animarum nostrarum. O mi homo, Jesus prae fame sitique salutis animae tuae moritur; & tu nihilominus procrastinatione tuae poenitentiae, tuae emendationis, tui profectus excruciare illū non desinis? Te Deus ardentissimē sitit, tu autem ingratissimē Deum contemnis? Siti tandem & ipse vicissim Deum. *Hoc enim bonum solā voluntate tibi venale proponitur, cupiditatem ipsam sui Deus ingentis pretii loco habet. Sitit sitiri.* Ergo quemadmodum desiderat cervus ad fontes aquarum, ita sitias Deum, ita sitias tuam & proximi salutem, in virtute profectum, cum Christo conformitatem, cum Dei voluntate unionem. Hic sit tuus quotidianus panis, quotidie renovari Spiritu mentis tuae, & æmulari charismata meliora, te aliosque tecum ad perfectiorem viam Dei trahere & rapere. Non potes meliorem viatico ac panem viam vitae mortisque tuae instruere, quā pane assidui in gratia virtutibusque profectus, quā alienae salutis ardenti & laborioso zelo, quā Sacrosancti Eucharistiae Sacramenti convivio. Haec enim omnia sunt Panis electorum Dei.

*Nazian-
zenus*

Orat. 40.

Et dimitte nobis debita nostra, sicut & nos dimittimus

mus debitoribus nostris.] Quintum Christi verbum in Cruce. *Pater noster illis, quia nesciunt quid faciunt.* Hoc verbo Dominus IESVS crucifixoribus & interfectoribus suis postulavit & paravit misericordiam apud Patrem. O si quomodo liceat potiri hoc corde, & discere hoc idioma IESV: ut homines condiscant isto idiomate, condiscant inimicos suos & debitores convincere.

Ecce Domine IESV innumeros habes crucifixores tuos, ecce habes & me, unum illorum, inter ipsos; impetra quæso nobis omnibus omnium indulgentiam veniamque culpârum, præsertim in articulo mortis meæ, propter articulum mortis tuæ, & dimitte mihi omnia debita mea, sicut & ego per gratiam tuam, propter charitatem tuam, dimitto omnibus debitoribus meis omnia debita mea.

Sexta Petitio. *Et ne nos inducas in tentationem.*] Sextum Christi verbum in Cruce. *Ecce filius tuus, Ecce Mater tua.* Quo verbo Dominus IESVS Matrem suam juxta Crucem stantem, discipulo Ioanni, Ioannemque Matri suæ commendavit. Nemo potest esse immunis à Cruce, quilibet sub Cruce esse cogitur; non tamen omnes sub Cruce IESV sunt, neque omnes, estò sint sub Cruce IESV, subsistunt. Multi sub ea jacent, multi gemunt, multi sub ea tædio nauseant, multi eam obijciunt. Non est hæc consueta ratio, cruces, tentationes, adversitates, cum murmure, cum ira, cum tædio tolerare. Stare oportet modeste, quietè, patienter, fortiter, hilariter, famelicè, humiliter, constanter, maximè quando IESVS ipse propter me in Cruce pendet, dolet, moritur. Grande utique discrimen est, pendere affixum in Cruce; & stare solummodo sub Cruce: sufficit tamen si vel hoc solum præstes, tradere IESVS Matri suæ in filium, & tibi Matrem, Matrem suam. Quæ pretiosior consolatio sub cruce stanti, quod majus subsidium in tentationibus posito, quæ major felicitas, & gratia in quavis adversitate, ac in primis mortis tempore, quàm habere Matrem IESV in Matrem suam, esse Matri IESV in ejus filium, nec unquam dum spiras, deferere IESV Crucem?

Septima Petitio. *Sed libera nos à malo.* Septimum verbum Domini, in Cruce. *Pater, in manus tuas commendo Spiritum meum.* Hoc verbo IESVS conclusit vitam & Passionem suam, cumq; isto verbo, portas mortis subintravit. Quid tu igitur ô homo tibi desideres & quæras amplius, quàm ut exemplo Christi IESV commendatâ & traditâ in manus Patris Aeterni animâ tuâ, exeas ex hoc misero mundo ad Patrem? Nunc dum licet per vitæ tempus eam tibi apud Patrem Deum para-

duciam. Nunc ama & imple omnem voluntatem Dei. Sic in hora mortis confidenter dices Deo; Pater, in manus tuas commendo spiritum meum.

ACCOMMODATIO III.

Conferre septem loca Passionis Dominicæ, cum septem postulationibus Orationis Dominicæ.

Pater noster qui es in cælis. Passio Salvatoris nostri, est veluti semita ad cælum & vitam æternam: qua de re certos nos reddidit, ipse Dominus, cum post Resurrectionem suam, dixit discipulis suis. Oportuisse Christum pati, & ita intrare in gloriam suam. Inhiste igitur huic semitæ & tu, ac inter indubitata salutis consequenda, signa connumera, si quando te Dominus Iesus dignatur participem facere Crucis & Passionis suæ.

Ioan. 12.
32.

Prima Petitio. Sanctificetur nomen tuum. Primus Locus Passionis Domini est. Mons Calvaria, in quo Dominus Iesus Crucifixus & medius latronum statutus, adimplevit illud promissum suum. *Ego si exaltatus fuero à terra, omnia traham ad me ipsum;* ad fidem scilicet notitiamque veri Dei, ad sinceram quoque ejus dilectionem, ad mundi ejusque vanitatum contemptum.

O Bone Iesu, ecce cor meum terræ affixum, amoris proprii, plurimarumque curarum sarcinâ gravatum, affectibus & passionibus immortificatis, inordinatis infectum, ad tuæ Majestatis voluntatisque obsequium rebelles; trahe quæso illud, ad te, omnipotenti gratiâ tuâ, & voluntate, ut Sanctissimum Majestatis tuæ nomen sanctificet, ac veneretur.

Secunda Petitio. Adveniat Regnum tuum. Alter Locus Passionis Domini fuit, Prætorium Pilati, coram quo Dominus noster Regnum suum spirituale confessus est, & à Pilato Rex nuncupatus, & concupiti regni nomine à Iudæis accusatus, eadem de causa ibidem spineo diademate coronatus, purpurâ vestitus, Rex genu flexo consalutatus, sceptro arundineo, consputationibus & alapis dignatus est.

O mi Iesu, quàm magno Tibi constat hoc miserum satis super nos peccatores, & inutilissimos homunciones Regnum! O nullum sinas dominari nobis Dominum, præter Te Domine Iesu Rex vere. Ecce enim superbia dicit nobis; Ego regnabo. Ecce ira dicit; Ego Rex ero. Ecce Avaritia, Invidia, Luxus, Acedia, volunt regnare super nos. Averte mi Iesu hos Reges à nobis; Tu solus esto Rex noster. Tu solus

lus posside nos. Sit regnum tuum, maneatque in nobis & nos in eo.
Ut Tu in nobis, & nos tecum regnemus in sæcula.

Tertia Petitio. *Fiat voluntas tua, sicut in Cælo & in Terra.* Tertius Locus Passionis Christi, Hortus; In quo Dominus Iesus posteaquam se totum voluntati Paternæ permisit, sponte quoque suâ suis qui eum ad necem quærebant hostibus obviam venit, seseque obtulit. Non inhibuit Dominum Iesum ab amore & obsequio voluntatis Divinæ gravitatis rei imperatæ prorsus gravissima ex omni genere circumstantiarum. Cujus gravissimi oneris effectus in sudore sanguineo agoniaque mortali patuit, quando instar botri, in torculari pressi vel calcati, omnibus membris ejus guttæ sanguinis decurrentes, in terram emanarunt, estd hæc pressura in sola duntaxat mentis apprehensione fuerit peracta, & ne dum in opus externum re ipsâ producta.

Otinam al quando in cordibus nostris ita pretiosa, æstimabilisq; fiat Divina voluntas, ut illam omnibus rebus, illi autem nullam rem omnino præferamus, propter nullas nostras privatas cupiditates, propter nullas humanas rationes, eam transgrediamur, sed potius eam semper plenè toto cordis conatu exsequamur, illi conformemur, in illam transformemur, illi ad instar Domini Iesv libenter, fortiter, constanterque adhæreamus, & subijciamur.

Quarta Petitio. *Panem nostrum quotidianum, da nobis hodie.* Quartus Locus Passionis Christi fuit Cœnaculum, in quo postquam se Dominus Iesus, ad usque discipulorum pedes lavandos abjecisset, stupendumque illud humilitatis magisterium facto, & verbo exhibuisset: dein sub speciebus panis & vini Corpus & Sanguinem suum fidelibus suis, in cibum & potum animabus salutarem obtulit, & reliquit.

O verè dilexisti nos Domine Iesv usque in finem? O homo, ecce Deus tuus, exhaustis omnibus liberalitatis suæ modis, totum se tibi impendit, & quidem in cibum etiam potumque impendit, idque eò solùm, ut tu vicissim te illi impendere ne graveris. Et audes etiam nunc moras nectere, audes inire rationes accepti & dandi? Nunquid credis plus te daturum Deo, dando te ipsum, quàm accepisti ab eo, accipiendo illum ipsum? Pro monstrum humanæ seu stultitiæ, seu sterilitatis, quæ dans se Deo, & accipiens Deum sibi, etiâ veretur ne fortè plus dederit quàm acceperit? Redde igitur, redde te Deo tuo, & redde totum, redde guttam, & accipies mare; redde granum, & accipies acervum; redde atomum, & accipies universum: redde nihil, & accipies totum. Permite te Providentiæ Dei, qui semetipso pascit, & nutrit, & saginat

te, sine ut vicissim pascatur, nutriatur, sagineturque te, profectu tuo, amore tuo, desiderio tuo. Sis Panis ejus, qui est panis tuus, etiā enim Deus esurit à te ipsum te, sicut & tu mendicas à Deo ipsum se, panem quotidianum.

Quinta Petitio. *Et dimitte nobis debita nostra, sicut & nos, &c.* Quintus Locus Passionis Christi Domus Caiphæ Pontificis fuit: ubi Dominus noster falsò accusatus, malignè judicatus, injustè innocens ad mortem damnatus, crudeliter totā nocte, tormento & contumeliā interrogatus est. Numera & tu quoties in omni vita tua, Deus justo suo judicio invenit te reum mortis, & tamen usque hodie pepercit tibi oculus ejus: & misericordia Dei fecit, quòd nec dum in inferno habitet anima tua. Nonne supplicabis ardentissimè huic Amori tuo, ne abbreviet, amoveatque à te misericordiam suam, sed propter omnes injurias illas, quas propter te in domo Caiphæ totā nocte sustinuit, condonet tibi iniquitates tuas, obliviscaturque injurias suas, donetque tibi cor misericors, & injuriarum facile constanterque obliviscens, ut ita proximi debitores tui referant à Te veniam debitorum suorum: sicut tu aptas & petis tibi à Deo referre condonationem debitorum tuorum.

Sexta Petitio. *Eene nos inducas in tentationem.* Sextus Locus Passionis Christi Palatium Herodis Regis, in quo Dominus Jesus, Majestas utique suprema, & Sapientia Æterna, pro stulto, pro ridiculo, pro infano reputatus est, & fatuorum morionumque albā veste indutus, omnium sannis & jocis expositus est. Sic scilicet vera virtus, humilisque ac pauper innocentia, apud homines præsertim sæculi hujus pullos, & mundi Sapientes æstimatur insania & sinè honore, derideturque jussi simplicitas, ab his qui astuti sibi videntur. Sed venient dies, quibus serò errorem cognoscentes, ipsi contra se sententiam ferent dicentes, & præ angustia spiritus gementes. Ergo nos insensati, erravimus à via veritatis. Neminem igitur pauperem despexeris, neminem justum, & innoxium abjeceris, neminem derelictum deserueris, neminem simplicem & rectum irriseris unquam; omnium enim horum causa derelicta est Deo, & ipse causas eorum intuetur, simul ac tuetur. Quod si te ob Dei aut virtutis negotium, studiumve contemni, fatuumve reputari contingat, gloriare in isto nomine, & peculiarem id, Dei erga te favorem reputa. Etenim qui propter Jesum despicitur, hic ab Jesu coram Patre Cœlesti ejusque Angelis prædicatur.

Septima Petitio. *Sed libera nos à malo.* Septimus Locus Passionis Christi, sepulchrum in quo Dominus Jesus de Cruce depositus, mater-

nis delibutus lacrymis, sepultus est. Non deposuit se ipsum & Crucis Dominus, ne quæ ipse suam eam deseruit, non interrupti cursum Passionis suæ, non à tramite Paternæ voluntatis deflexit, donec in sepulchro clausus quiesceret. Vade, & tu fac similiter, tuis laboribus in via victus, perfectionis, operumque bonorum, in bajulatione Crucis Christi, & persecutionum propter iustitiam, sola mors, solumque sepulchrum faciat finem. Quamdiu tempus mercaturæ est, negotiari ne desine, dum tempus habes bonum operare, donec vesper mortis adveniat, labora in vinea Domini, usque dum accipias diurnum denarium, in præsentem quidem gratiæ, & meriti, in futuro autem gloriæ & præmii: usque dum dicat tibi spiritus, ut requiescas à laboribus, à tentationibus, à conflictibus tuis, usque dum detur tibi merces magna nimis in manus: possessio scilicet omnis boni, & securitas ab omni malo in æternum.

ACCOMMODATIO IV.

Accommodando septem Petitiones Orationis Dominicæ, totidem convulserationibus Christi Domini.

Pater noster, qui es in Cælis. Dominus Jesus Christus noster est in Cælo Mediator & Advocatus apud Patrem: cujus in omnibus necessitatibus nostris vultui assisit pro nobis, ostentans ei vulnera, quæ pertulit pro nobis in corpore suo, & veluti ad Patrem ita perorans. Quoniam ego vulnera ista, propter obedientiam tuam, & propter salutem humanam pertuli, non ergo pereant hi, quos adeo pretioso lytro redemi, &c. Ea propter Dominus Jesus, etiam in glorioso corpore prodicens à sepulchro, reservavit nihilominus præcipua manuum, pedum, & lateris vulnera, ut ejus ad Patrem interpellatio pro nobis efficacior, & salus redemptioque nostra certior quodammodo fieret. Ad hæc ergo vulnera confuge, hæc Patri Æterno repræsenta, ex his auxilia salutis prome, his te ab iusta ira vindictæque Dei protege.

Prima Petitio. Sanctificetur nomen tuum. Prima Convulseratio Capitis Christi Domini à spinea Corona, quæ sacratissimum Christi caput multipliciter, & profundè lethaliterque convulseratum, proposuit simul universo mundo spectandum, verum Christum sive Unctum Domini, non oleo quopiam, sive unguento, sed sanguine proprio. Huius tam pretiosæ copiosæque unctionis cum capite, simul facti sunt participes etiam capilli, hoc est, fideles & amatores omnes Christi. Esto & tu unus ex capillis Jesu oleo pretiosissimi sanguinis intinctus, sed ita ut inhæreas capiti, neque à capite decidas, neque te dolosa Dalila ab-

radat. Indecorum quidem est Capiti capillis nudari, sed & capillo nulum pretium est avulso à Capite. Ornant & vestiunt capilli Caput tuum, orna & tu Caput tuum JESVM, moribus & actibus tuis, sanctificeturq; nomen ejus ex omnibus sanctis operibus tuis.

Secunda Petitio. *Adveniat regnum tuum.* Secunda Convulneratio Dextræ manûs Christi, ad quam manum Dominus JESVS latronem bonum poenitentem & confitentem habens, eundem de Cruce in Paradisum ac Regnum suum transtulit. Ne invidie bonam fortunam latroni fortunato. Sed tamen eandem tibi ipsâ desidera, & postula. Sic Dominum tuum esto Crucifixum, esto Crucifixus semper confitere, ut te suâ dexterâ, propter amorem tui vulneratâ, complectens ac benedicens, introducat in Paradisum, & in Regnum suum.

Tertia Petitio. *Fiat voluntas tua, sicut in Cælo & in Terra.* Tertiâ Convulneratio, dextri Pedis Christi, qui propterea vulneratus est, ut semitæ vestigiaque & ambulationes cordium nostrorum, merito sanguinis ejus, nec non doctrinâ & exemplis illius corrigerentur, & in executione voluntatis Divinæ erudirentur. Amplius ergo ne jam exeres, neque declines in partem malam, propriæ tuæ voluntatis, sed ita exsequere omnia, quæcumq; Deus tuus vult, sicut exsequuntur Sancti omnes in Cælo, sicut exsequebatur cor ipsius JESV in hac vita. Sicut exsequitur ipsemet Deus omne beneplacitum suum in perpetuam gloriam suam.

Quarta Petitio. *Panem nostrum quotidianum, da nobis hodie.* Quarta Convulneratio lateris JESV, per ejus apertionem emanavit thesaurus Sacramentorum, & penu omnium spiritualium alimentorum, quibus animæ nostræ cibari, nutrirî, & saginari delectabiliter salubriterq; possent in omnem vitæ æternitatem.

Dulcis JESV admitte animam meam ad hunc aquæ vivum fontem, hoc est ad lateris cordisque tui amabilem scaturiginem, ut ex ea sugat cibum, potumque salutarem Sacramentorum tuorum, hauriat exinde panem quotidianum supersubstantiali, ac cœlestem, quo in labore peregrinationis hujus vitæ confortetur, donec per auxilium gratiæ tuæ, feliciter ad patriam perveniens inibi fruatur Te, Pane vitæ æternæ, quo nutriuntur omnes Sancti, & Electi tui in Cælo.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quinta Convulneratio totius Corporis, in flagellatione illa crudeli, in qua Dominus JESVS, ob multitudinem plagarum, à planta pedis ad verticem Capitis vulneratus, & veluti in unum quod-

dam

ACCOMMODATIO IV.

23

dam perpetuumque vulnus, totum per corpus immutatus est.

Tua hæc imago est ô Anima mea, tu est verissima effigies, tu es à tuis iniquitatibus convulnerata, & tantum non in ipsam iniquitatem immutata, cumlatum est vulnus tuum, super vulnus, nimirum peccatum peccato superadditum, en tamen in promptu medicina est. Ex integro scilicet saucius Iesvs, ad integram sanitatem tuam. Sana Bone Iesv, sana omnium peccatorum meorum vulnera, vulneribus membrorum tuorum: dele omnes iniquitates meas, copiosâ & redundante redemptione tuâ: & ego vicissim deleo de corde meo, omnes offensas, omniaque debita inimicorum, ac debitorum meorum sincerâ dilectione tuâ.

Sexta Petitio *Et ne nos inducas in tentationem.* Sexta Convulseratio, Sinistri Pedis Christi. Sinister pes cordium nostrorum est propensio ad malum voluntatum nostrarum, huic pedi insidiatur assidue ille antiquus serpens, hostis animarum nostrarum, hunc pedem ad lapidē offendimus, quàm frequenter, tam & periculosè, hoc pede appropinquamus usque ad portas mortis; ideo amator animarum nostrarum Iesvs, sinistram pedem suum transfigi voluit, ut corda nostra ex diaboli laqueis expediens illa post se incedere faciat, & per semitas Iustitiæ gradientes, usque in regione vivorum eadem constituat.

Septima Petitio. *Sed libera nos à malo. Amen.* Septima Convulseratio Sinistræ manûs Christi. Tremendo privilegio, an veriùs gladio obarmata est, sinistra manus Domini: ad sinistram enim ipsius stabunt hædi ab ovibus separati, hoc est reprobi, & impii omnes, æternæ damnationis fulmineam sententiam expectantes.

O mi Iesv ergone hunc in finem sinistra tua vulnerata est, ut ex ea non salutaris sanguis, sed igneus damnationis furor stillet super peccatores? Transfer dulcis & pie Domine IESV, transfer nos peccatores licet, redemptos tamen tuos, à sinistra tua, ad dexteram tuam, & nos libera à malo, à peremptorio nimirum decreto furoreque tuo. Non au liamus à Te Domine amarum illud verbum: ite maledicti: sed potius sonet in auribus nostris, vox tua illa dulcis. Venite benedicti, &c.

ACCOMMODATIO V.

Accommodando septem Petitiones Orationis Dominicæ totidem comitibus, seu totidem condimentis Passionis Christi.

Pater noster qui es in Calis. Considera Dominum IESVM esse nostrum exemplar

T c c

exemplar & speculum, tam vivendi seu agendi, quam patiendi in præfenti vita, quod speculum in omni quidem vita & opere Domini, ac potissimum & luculentissime in Passione ipsius elucescit. Converte itaque & dirige oculos tuos in speculum istud, inspicere, & secundum illud fac, attendens diligenter, ne qua ex parte dissimilem te Christo Domino effugas. Frustra enim obstreperis Deo, *Pater noster qui es in Cælis*, ille, qui Jesum Crucifixum non effinxit in se, qui non portat stigmata Domini Jesu in se, qui Passionis ejus socius non adscivit ad se.

Prima Petitio: *Sanctificetur nomen tuum*. Primus Jesus Patientis socius & Comes fuit. Contemptus, vilipensio, inhonoratio, & omnis gloriæ detractio. Totus vitæ Christi Domini decursus istiusmodi sociis familiaribusque fuit stipatus: attamen Patienti illi vel maxime frequentius adfuit, adeo ut in quovis momento & articulo Passionis suæ usurpare potuerit Dominus verba illa sua? *Ego honorifico Patrem meum, vos autem inhonorastis me*. Et tu ergo ô homo, propter contemptum Jesum elige & desidera contemni. Hic tibi sit unicus honor, hæc tua maxima veneratio atque glorificatio, & exultatio, propter honorem, propter voluntatem, propter amorem, propter imitationem, despecti vilificatiq; Jesu, despici, contemni, vilificari. Dignus est utiq; Deus Dominus noster, ut nos alioqui naturâ vilissimi servi ejus, propter honorem ipsius, per omnia vilificemur, estô ille nostrî causâ nullatenus contemptus foret, quanto verò magis par est, nos penitus penitusque exinaniri, atque pulverisari nunc, quando videmus propter amorem nostrî Deum nostrum usque adeo contemptibus saginatum, opprobriisq; saturatum, & prorsus per omnem suam capacitatem expletum. O verè dignum & justum est, ut per contemptions vilificationesq; nostras, honorificetur, & exaltetur Deus noster, sanctificeturque nomen sanctum ejus.

Secunda Petitio. *Adveniat Regnum tuum*. Secundus Jesus Patientis socius fuit, Paupertas, Mendicitas, Nuditat. Hunc socium Jesus habuit ab ipsâ Nativitate sua, quæ adeo mendicitatis plena fuit, ut stabulo & præsepi, & fœno, à jumentis emendicato, utendum illi fuerit. Ea tamen Paupertas ultimam suæ perfectionis soliditatisque metam, in Passione demum & morte assecuta est. Pendens enim in Cruce amabilis Jesus, re ipsâ atque veritate demonstravit, sese & volucris & vulpeculis esse, ac mori pauperiorem atque nudior. Habent enim istæ animantia nidos suos, foveas suas, in quibus quiescere & fovere se possunt: at Jesus neque ubi caput reclinaret, neque ubi moreretur, neque ubi

ubi demum sepeliretur, locum suum habuit. Assume tu quoque, ô homo, juxta statum vitæque tuæ conditionem, mendicantem & nuditatem Jesu in Comitem. Esto Pauper spiritu, esto nudus ab omni, ad te, & creaturas omnes affectu, esto solutus à superfluarum, à commodarum, à necessariarum etiam rerum cura, esto liber ab omnibus amoribus, & studiis, & possessionibus & proprietatibus earum rerum, quæ Deus non sunt. Sis ditissimâ, hoc est, nudissimâ Paupertate stipatissimus, & tunc adveniet tibi Regnum Patris, audiesque à Domino verbum illud: *Beati Pauperes Spiritu, quoniam ipsorum est Regnum Cælorum.*

Tertia Petitiô. *Fiat voluntas tua, sicut in Cælo & in Terra.* Tertiûs Christi Comes, Infirmitas, Coactio, & Impotentia. Et si enim Dominus oblatus est, quia ipse voluit: & nemo tollebat ab eo animam ejus, sed ipse pro potestate atque voluntate ponebat, iterumque sumebat illâ, non minus in omni Passione sua videri volebat planè impotens & insufficientis, tam ad effugiendum, quàm resistendum Passioni & inimicis: videri volebat Prudentiâ, sagacitate, consilio, potentiâ, æquitate denique adversariorum suorum captus, convictus, coactus, superatus, & omnia tormenta, mortemque ipsam passus. Usque adeo Dominus Jesus suum ad Dei Patris voluntatem absolutæ subjectioni, tum suæ pro nobis patiendi, debitaque nostra ad novissimum quadrantem exsolvendi cupiditati indulgit, ut Passionem suam per omnia summa & acerba exaggeratam, omnis verò absolutè mitigationis, & solatii, imminutionisque expertem esse voluerit: eaque de causa, totam suam voluntatem, potestatem, sapientiam, libertatem, à se ablegavit, omnemque illam, non tantum Patris Aeterni placito, & honori, verum etiam hostium suorum arbitrio, & potestati, tanquam instrumentis, consilio, & decreto Dei famulantibus permiserit: adeo ut verissimè dictum fuerit à Propheta. *Fecerunt in eo, quaecunque voluerunt.* Et iterum: *Satiati sunt panis mei.* Et rursus. *Factus sum sicut homo sine adjutorio.* Atque hæc demum est vera fames sitisque patiendi; talis deberet esse Patientia perfecta amatorum & imitatorum Christi Passi, ut nimirum sic pati velint, sic patiantur, quasi nocentes, esto innocentes; quasi impotentes ad resistendum, esto sufficientes & validi; quasi justè ac debite, esto contra jus & fas, non comminantes, non resistentes, non malum pro malo reddentes, sed malum in bono vincentes, inimicos excusantes, defendentes, & vero corde amantes, atque inter benefactores & amicos reputantes. Hujusmodi Patientia opus perfectum habet, hujusmodi Patientia, Charitatis, & Humilitatis est, hujusmodi Patientia ab amore proprio, à vanitate,

Marc. 9.

12.

Iob. 16.

11.

Psal. 87.

5.

ta, & superbia procul est, huiusmodi Patientia Christi Patientia amula, vicina, & socia est.

Gen. 3.
19.

Quarta Petitio. *Panem nostrum quotidianum, da nobis hodie.* Quartus Iesv in Passione socius fuit. Labor, Fatigatio, Debilitatio, Defatigatio. O quanto labore laboratum, sudatumque est à Domino Iesv. ut exiret à nobis nostra rubigo, & ferrugo? O quanti constitit! quantarum fatigationum meis Christò Domino fuit, tum obedientia ad Patris Aeterni voluntatem, tum conatus elaborandi nostrum omnium aeternam salutem? Et Adamo quidem dictum est. *In sudore vultus tui vesceris pane tuo.* Noster autem Redemptor toto corpore sanguinem sudare, omnem carnem suam innocentissimam, plagis, livore, vulneribus convestire, totum sanguinem profundere, vitam ipsam animamque ponere necesse habuit, ut abominandam scabiem foeditatemque peccatorum nostrorum elueret ac eraderet, aeternae autem felicitatis vestem nobis indueret. Et post hæc omnia nos tamen homunciones ad laborem sicut volucres ad volandum natos, pro salute nostra aeterna tantillum laborare sudareque piget. Et quis est qui ad sanguinem usque peccato resistat? quis est qui velit servire Christo usque ad defatigationem?

O laboriose & nostri causa defatigate Iesv, sudore tuo quæso dulces nobis levesque fac omnes labores & fatigationes nostras, propter voluntatem & gratiam tuam, propter exaltationem & gloriam tuam, propter salutem, & perfectionem nostram, & fratrum nostrorum, aeternam.

Matth.
22. 14.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quintus Iesv in Passione fuit Socius, Sterilitas, Infertilitas. Post tantos enim sumptus, post tantos labores, quos Dominus Iesvs nostrae salutis, ac redemptioni impendit: quibusque mille mundorum millia redimere, salvare, ac aeternae gratiae, gloriaeque optibus ditare supra modum poterat, nihilominus exiguum valde numerum electorum, ex non minus tremendo, quam iusto Patris Aeterni decreto accepit, teste ipsomet Domino Iesv dicente toties. *Multi vocati, pauci vero electi:* quasi diceret. Multi quidem sanguine meo redempti, pauci tamen efficaciter salutem adepti. Cum Dominus Iesvs terris relictis Coelos conscenderet, quingentos vix fideles discipulosque suos reliquit: heu quam exigua messis, tam copiosae sementis, quam ipsemet Dominus Iesvs, utique non insipiens agricola & seminator, sparsit?

O Iesv quam parcos & raros nunc quoque fructus laborum tuorum coligis,

colligis, quantam sterilitatem retribuunt tibi, etiam nunc Anima nostra? Ecce castus, tam crebro, tamque copioso sanguinis, ac meritorum, & gratiarum tuarum imbri perpluis, & inundas. O Anima mea redi aliquando ad cor, & computa aliquando sumptus Domini tui, super te, debitorum tuorum rationes collige, vide quantis obstricta sis, quam solvendo minimè sis, in quantis te accusant? clama procidens ad Dominum. Misericordiam habe in me, & antiqua debita mea, errata sceleraque mea, sterilitatem ac infructuositatem meam, condona mihi ego autem deinceps cum gratia tua, uberiores fructus, bonorum operam, fructus virtutum sanctarum, fructus sanctitatis, & iustitiæ, fructus honoris, & gloriæ tuæ afferam.

Sexta Petitio. *Et ne nos inducas in tentationem.* Sextus Passionis Dominicæ Comes fuit, Ingratitudo, quam Dominus Iesus enormiter & extreme grandem, gravemque pertulit, nominatim ab illo, sibi dilecto, & electo Iudæorum populo: ab eo enim post infinita, eaque singularia beneficia, solidam ingratisimi animi mercedem recepit. Quos ille honoravit & exaltavit, ab ipsis contemptus, & despretus est; quos, miraculis edidit, sanavit, ab his vulnere, super vulnus concisus est; quibus vitam dedit, ab iis crudeliter occisus est; retulit ab eis pro amore odium; pro beneficiis maleficia; pro benedictionibus, maledicta; pro sincero, & paterno affectu, hostiles dolos, & fraudes, & molestias. O quam durus fuit hic Comes Ingratitudinis, beneficentissimæ, & ad bene de aliis merendum, promptæ, ac natæ, Christi indoli? Sed nunquid non idem prorsus condimentum, largitatis, ac beneficentiæ suæ, reportat etiam à nobis Dominus Iesus? Nonne quantò ille in beneficiis, super nos, profusior, tantò magis nos, in ipsum ingrati? Ideo etiam angustatur manus largitatis divinæ super nos, ideo parcior nobis liberalitas gratiæ Dei, ideo subtrahitur nobis in tentationibus robur, in periculis protectio, in difficultatibus auxilium, in dubiis lumen veritatis, in arduis spei firmitas, in frigore feruor charitatis. Vincimur ab hostibus, tam visibilibus, quam invisibilibus, damur in derisum, & opprobrium, his, qui oderunt nos: quia relicta est nobis domus nostra desertata, quia per ingratitude nostram, Bonitas & Largitas Dei, procul est repulsa. Oportet itaque reddere grates, pro gratis Deo, si volumus habitare in beneficentia, & protectione Altissimi; oportet etiam ingratis nostris benefacere propter Deum, ut ingratitude satiati Iesu socii efficiamur, utque siamus filii Patris nostri, qui pluit super iustos, & iniustos, & Solem suum oriri facit, super bonos, & malos: qui denique pro

istis ipsis, sanguinem fudit, animamque suam posuit, à quorum manibus, & furore, illum fudit, illamque posuit.

Septima Petitio. *Sed libera nos à malo, Amen.* Septimus IESV Patientis socius fuit. Dolor, & Cruciatuſ: quem, etſi totà vità ſuà, ad-
iunctum ſibi habuit, peculiariter tamen ille IESVM in Paſſione comita-
ruſ eſt, adeò, ut ea de cauſa, vir, & quaſi Rex; aut veriùs, Regnum do-
lorum vocatuſ ſit. Quia enim ſuper Dominum IESVM poſuerat Pater
iniquitates, omnium noſtrum, ideirco etiam diſciplina pacis noſtræ,
ideirco omnis pœna, & caſtigatio omnium, & ſingularum iniquitatũ
noſtrarum, venit, & incubuit ſuper eum. Quare ſecundũ multitudi-
nem, & magnitudinem, peccatorum noſtrorum, quæ, in ſe Chriſtus
ſuſceperat, multitudinem etiam, & magnitudinem, caſtigationum, ſup-
pliciorumque, conſequenter dolorum, & cruciatuum æqualem, imò
longè ſuperiorem ſuſcepit, atque ſuſtinuit. Ergo jam quiſquis voles,
metire, & penetra abyſſum hanc dolorum IESV Chriſti, quod ſi mini-
mè præualeſ, hinc ſaltem diſce, & comprehendè, ex quibus, & ex quan-
tis, tandem malorum, & dolorum abyſſis, tu ſis, per dolores IESV Chri-
ſti, extractuſ. Ut enim tu non habitares cum ardoribus ſempiternis,
ut non ſalireris igne, ut non viveres in combaſtione, & morte æterna,
Dominuſ & Redemptor tuuſ, IESVS, venit in altitudinem maris, dolo-
rum, & tempeſtas Paſſionis, atque cruciatuum demerſit eum.

Pſal. 68.

3.

ACCOMMODATIO VI.

Conferendo ſeptem injurioſas Chriſti Domini compellationes: quãſ
ab inimicis in Paſſione retulit, ſeptem poſtulationibus Orationis
Dominicæ.

Pater noſter, qui eſ in cæliſ.] Conſidera Chriſtum Dominum eſſe
veriſſimam & iſſimam Dignitatem Excellentiamq; tum rerũ omni-
um, tum maximè fidelis populi ſui Chriſtiani: non ob id ſolũ, quia
ille eſt per Chriſtum, ab æterna illa damnationis, & proſcriptionis in-
famia liberatuſ; neque ob id tantũ, quia idem populuſ eſt per Chri-
ſtũ cohæres Regni cœleſtis inſtitutuſ: verũ etiam ob id, quia omnes
nationes Chriſtianæ nihil habent, unde veriùs, juſtiùs, ſinceriùſq; glo-
riari poſſint, ac debeant, quàm ex IESV Chriſto Crucifixo, contempto,
inhonorato. Hic eſt germanuſ genuinuſque ſenſuſ totiuſ Chriſtianæ
Eccleſiæ, cum Apoſtolo Paulo affirmatè dicentis. *Mihi abſit gloriari,*
niſi in Cruce Domini noſtri IESV Chriſti. Et tu ergo ſi inter Chriſtianæ
Eccleſiæ, veros filioſ numerariſ, nefas ducito gloriari in aliquo, præter

Ad Gal.

6. 14.

IESVM

IESVM Crucifixum: sed ille unus ac solus, tibi sit honor totus, ille dignitas omnis, ille tituli omnes, ille amplitudines omnes, laudes atque Majestates. Sit Iudæis scandalum, Gentibus stultitia, & Tibi cum omnibus electis Virtus Dei & Sapientia, & Excellentia, & omnis Decor.

Prima Petitio. *Sanctificetur nomen tuum.*] Primum Patientis IESV Cognomen fuit, Blasphemus, & impia de Deo indignaque loquens. Retulit hoc Cognomen Dominus IESVS, verus & consubstantialis Dei filius, *candor lucis æternæ*, tum ante Passionem, tum præcipuè Passionis tempore: adeo ut hanc præcipuam causam, prætenderet Iudæorum Primores, mortis Christi, *Blasphemavit*: exclamat Caiphas, *ecce nunc audistis blasphemiam*, quid vobis videtur? ac illi (universi scilicet Concilium) exclamaverunt. *Reus est mortis.*

Omni IESV tu in omni super terras vita tua id unum solumque præcipuè laborasti, ut manifestares Patris tui nomen hominibus, ut honorificares Patrem tuum, & clarificares super terram: & ecce nihilominus, tanquam in Deum injurius atque blasphemus reputaris; appellaris mortique addiceris: ita etiam Christi servorum conatus omnes, labores, sumptus omnes, consilia, apparatus omnes, quanto purius, sincerius, fructuosius, in exaltationem divini nominis & in propagationem gloriæ ipsius, diriguntur, exercenturque: tanto in deterius & obliquius a linguis, censurisque de vulgo, & etiam non de vulgo hominum detorquentur, sed talium hæc est consolatio singularis, quod vestibis, insignibusque sui Imperatoris induantur: ejusque titulorum participes fiant, & nomen Dei revera vitæ factisque suis sanctificantes, à mundo tamen, & filiis mundi probrum & improprium reportent.

Secunda Petitio. *Adveniat regnum tuum.* Secundum Christi Passi Cognomen, Ambitosus Regni que appetens, falsus Rex. Eapropter Coronâ spineâ redimitus, purpurâ indutus, sceptro arundineo, genuflexionibusque illusorie ornatus, & Rex consalutatus est. Eapropter etiam ad Crucem (quæ poena ambitus fuit) damnatus inter latrones medius, ut latronum Rex statutus, denique Rex Iudæorum scripto appellatus est. Ita Rex æternæ Gloriæ, tanquam Rex æternæ infamiæ, ab hominibus illusor est. Ita Rex Regum ad proprium Regnum pervenire voluit. Ita Rex & Deus noster nobis Regnum emereri cœleste, nosque suum Regnum facere prælegit. Nos autem, pro quam testudineo passu vestigia Regis hujus nostri sectamur! pro quam puerili futilique labore, ad æternum Regnum pervenire conamur! Clamamus quidem voce frequenter: *Adveniat Regnum tuum*, sed opere vicissim reclamamus, Recede à nobis Regnum Dei.

Tertio

Sap. 7.

26.

Matth.

26. 65.

Matth.

26. 66.

Tertia Petitio. *Fiat voluntas tua, sicut in Caelo & in terra.* **Tertium** Cognomen Palsi Iesv, Seditiosus. Commovens populum. Subvertens gentem, &c. Atque hæc prima primariaque fuit Christi apud Pilatum, per Principes Iudæorum accusatio. Hæc etiam de causâ Barabbam magis, quàm IESVM petierunt dimitti; vitæque donari, ostensuri scilicet incomparabiliter IESVM magis seditiosum esse, quàm Barabbas fuisset. Hoc Cognomen acquisivit Christus, per hoc, quia tam verbis, quàm factis, omnes homines ad agnitionem, amorem, subjectionem, impletionemque Divinæ voluntatis perducebat. Estque id hodieque usitatissimum in mundo. Si enim obedire velis magis Deo, quàm hominibus: si maiorem habeas rationem conscientie, legis divinæ, æqui & veri, quàm humanarum phantasiarum; illico tibi seditiosus, arrogantis, filii Belial, & sine iugo, inobedientis, turbatoris pacis, nomen cognomenque subeundum est. Sed nimirum antiquitus Sancti Dei homines obloquentibus istis obstruebant os, dicentes: *Si iustum est in conspectu Dei vos potius audire, quàm Deum, iudicate.* Et rursum. *Obedire oportet Deo magis quàm hominibus.* Usurpavit id ipsum & Dominus Iesvs *Sicut mandatum dedit mihi Pater: sic facio.* O Sanctam & laudabilem hanc arrogantiam, adhærere Deo, insistere ejus voluntati, honorare magis Deum, quàm idolum respectum humanorum. Quis det ad hanc seditionem commovere omnes gentes, ut conculcato idolo (quid dicent) omnes uno corde, ore, opere, dicant Deo semper; *Fiat voluntas tua, sicut in Caelo & in terra.*

Quarta Petitio. *Panem nostrum quotidianum, da nobis hodie.* Quartum Cognomen Domini IESV Patientis fuit, Malefactor, & per omnia inprobus, & cujus vita fuerit malè agere, atque *sicut aquam iniquitatē bibere.* O Mare omnis bonitatis probitatisque Domine Iesv, qui peccatum non fecisti, in cujus ore dolus, in cujus corde iniquitas, reperiri non potuit: cui testimonium perhibuit turba dicens. *Bene omnia fecisti:* hucine tandem reciderunt omnia, ut malefactor, & per omnia nequam appelleris? Consolamini iusti, & benefacientes omnes, nisi grana bonorum operum vestrorum terræ invidiæ, & maledicentiæ insepe-liantur, & oblocationum, censurationumque simo lapidentur, & obtruantur, nullum fructum afferent, sed ipsa sola sterilia remanebunt: quod si in linguis, & censuris humanis fuerint macerata, & mortificata, afferent sine dubio æternitatis fructum, etiam centesimum. Indubitatissimum enim uberrimæ in Caelo messis signum est, copia detra-ctorum in mundo. Idcirco Dominus suis imitatoribus dicebat. *Beati*

ti eritis

ti eritis cum maledixerint vobis homines, & dixerint omne malum adversum vos, mentientes, propter me, gaudere & exultate, quia merces vestra multa est in Cælo. Da igitur nobis Domine panem hunc, semper quotidianum in hac vita, confectum ex detractionibus & centuriis hominum, in crastino autem, hoc est in altera vita da nobis panem, ex gratia & gloria tua æterna, præparatum.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quantum Cognomen Christi Patientis fuit, Reus est mortis, debet mori, filius perditionis & mortis. Verè Domine Iesv dignus, & reus, & Filius eras mortis, qui factus es pro nostris peccatis hostia & oblatio, super quem, posita sunt iniquitates omnium nostrum, ut in Te, & per Te expientur, usque ad exsationem Iustitiæ Paternæ. Propter hoc autem nos ex filiis iræ, facti sumus filii gratiæ; ex filiis mortis, filii vitæ; ex filiis damnationis, facti sumus filii regni, & beatitudinis: ita ut illa Dei iustitia, quæ antea nobis debebat pœnas, & supplicia, jam ob merita, solutionemque tuam, facta sit nobis debitorum vitæ, mercedis, & præmiorum æternorum. Idcirco illi non quasi petentes, sed veluti exigentes dicimus. *Dimitte nobis debita nostra, &c.*

Sexta Petitio. *Et ne nos inducas in tentationem.* Sextum Iesv Patientis Cognomen fuit, Pseudopropheta, Seducitor, Falsarius. Quod Cognomen, ita serviebat Domino Iesv, sicut soli convenit nox, aut igni frigus. Vocatus est nihilominus isto nomine Dominus noster, tam ante, quam post mortem. Et quidem ideo, quia falsitates, dolos, errores, deceptiones hominum refellebat, & coarguebat. Veritatem autem prædicabat, & prædicebat. Dilexerant nimirum homines magis tenebras, quam lucem, nec volebant ad eam accedere, ut non arguerentur opera eorum, quæ utique erant mala, quod ipsum & hodie reperire non est difficile: homines enim, qui malè agunt, qui putrescunt ut jumenta in stercore suo, vocant tenebras lucem, & lucem tenebras, bonum malum, & malum bonum, doctrinam veritatis, & placitum divini legis, & Sanctorum monita, & exempla, non verentur falsitatis, hypocrisis, superstitionis arguere, fatuitates appellare, huic sæculo, & his moribus minimè convenire. Semper scilicet Deus hominibus Seducitor est, semper Pseudopropheta; nemini minus quam Deo credunt, immo scelera sua, & praviæ voluntatis nequitias, obstinationesque, ac duritias cordis appingunt Deo, interim verò totos se ad arbitrium fingunt diaboli: & mercede datâ conducunt, coguntque dæmones in perniciem

nam suam: gloriantur cum malè fecerint, exultant in rebus pessimis, suamque in obsequium diaboli propensionem, facilitatem, fidelitatem deprædicant.

O Veritas Iesv, qui verax Magister es, & viam Dei in veritate docēs, aperi & detege dolos istos nobis; ne inducās nos in tentationem, ne dēseras nos in laqueis & decipulis diaboli, sed emitte lucem tuam, & veritatem tuam, & affere nos in libertatem filiorum tuorum.

Septima Petitio. *Sed libera nos à malo, Amen.* Septimum Cognomen Passi Iesv, Latro & latronibus pejor, latronumq; Princeps. Abunde hunc suum, de Domino Iesv, sensum demonstrarunt, quando illi Barabbam seditiosum, homicidam, & latronem, præposuerunt, quando illum cum iniquis deputarunt, quando illi patibulum proprium bājulandum imposuerunt, quando illum latronum publicorum morte, interque latrones medium, interfecerunt. Neque dissimulavit id contumeliæ Dominus Iesvs, quod ad comprehendendum se accinctis ludæorum ministris, & ipsismet Primoribus dixit: tanquam ad latronem existis, cum gladiis comprehendere me. Talia sunt humana iudicia: cum qui ab omni injuria corporis mentisque homines liberat, latronem, & omnis mali humani authorem fecerunt, & tanquam reverentem, turpissimā, crudelissimā, latronumq; propriā morte affecerunt. Hæc est omnium piorum unica consolatio. Non est servus major Domino suo, si Dominum, latronis titulo ornarunt, servis quidni idem cognomen imponant. Si Patremfamilias Beëlzebub, Samaritanum, demonium habentem, insanum, in furorem versum, veneficum appellarunt; quanto magis domesticos ejus paribus coloribus depingent.

Da Domine Iesv nos fieri participes, tecum omnis humani maledicti propter te: & libera nos, ab experimento omnis interni, & aterni mali, propter eundem Te.

ACCOMMODATIO VII.

Accommodando septem Effectus, sive fructus Passionis Christi, totidem Postulationibus Orationis Dominicæ.

Pater noster, quies in cælis.] Considera Passionem Domini Salvatoris nostri, esse inexhaustum quoddam gazophilacium, ex quo cuicumque (modo libeat) licet haurire omnem bonorum abundantiam, omnium meritorum, gratiarum, virtutum, auxiliorumque, tam exteriorum, quam interiorum copiam. Nemo iuste queri potest, se vel exleri ab hoc thesauro, vel parum quidpiam participare, vel pauperem

ACCOMMODATIO VII.

rem esse: omnia enim bona, tam in copia, quam & in aperto sunt, ad hoc unum ut hauriantur; & quidem quam copiosissimè, avarissimè, assiduosissimè hauriuntur. Quam enim Jesus totus vulneratus est, tam iste thesaurus totus plenus, totus apertus, & expositus est. Sibi ergo imputet, quisquis parùm, quisquis rarò, quisquis timidè, quisquis nihil haurit. Solus enim ille hinc expellitur, qui se negligentem, ac per hoc & indignum hauriendo exhibet. Nam de cætero ille commodissimè copiosissimèque participat, quisquis abrenuntians peccatis & jugum cupiditatum suarum pravarum excutiens, se suasque voluntates abnegans, Crucifixo Jesu sese conformat, voluntati Dei totum se submittit, proprii honoris & amoris conculcator, Deum insatiabiliter exaltat, meritis Christi sese dicit, virtutibus exornat, æternæ beatitudinis hereditate sese dignum idoneumque reddit. Hoc autem quicumque vult præstare, admodum facile præstabit, modo gratiæ Dei non desit, & postea quam semel inceperit, usque in finem perseveret.

Prima Petitio. *Sanctificetur nomen tuum.* Primus Fructus Effectusque Passionis Christi est. Fides, Spes, Charitas. Sinè quibus virtutibus, nullo modo salus æterna à nobis acquiri potest. Hæc enim est totius nostri ædificii Spiritualis structura, dimensio, & norma. Hoc est illud, quo Sanctificare nomen Dei nostri debemus, ac possumus. Hoc illud etiam est, quo uno, ac Solo Dei laus, & gloria, in mentibus nostris radicatur, & germinat. Credere in Deum, ejusque notitiam veram habere: in ejus auxilio, spem omnem collocare, deque ejus gratia, & manu liberali, salutem præstolari, & ad extremum eundem, super omnia toto corde amare, æstimare, & ab hoc nunquam deficere. Quod totum ex meritis, Domini nostri Jesu Christi, per Passionem, ac mortem, quæsitum habemus. Immo verò nihil nos ita illuminat, inque cognitionem Dei ducit, nihil ita revelat divina mysteria, nihil ita spem roborat, & in Deum firmat, nihil ita in nobis Charitatis flammam auget, & exaggerat, sicut Jesus Crucifixus, sicut Passio cruenta Salvatoris nostri. Hauri ergo, ô homo, de istis fontibus, de istis thesauris, de istis Gargophilaciis, vulnere Salvatoris; hauri, inquam, lumen fidei in Deum, robur fiduciæ in Deo, ardorem & efficaciam charitatis erga Deum. Si hinc ista non hauris, frustra aliunde speras, & quæris.

Secunda Petitio. *Adveniat Regnum tuum.* Alter Fructus Effectusque Passionis Christi est. Gratia & Amicitia, & Charitas Dei, in nobis manens, nosque Deo amabiles reddens. Quæ Gratia est nostra & Sanctitas, & Iustitia, hæc nos facit Dei Regnum, hanc mendicamus, quando

adire in nos Dei Regnum rogamus : hac est sementis vitæ æternæ, hac est jus ad hæreditandum Regnum cœlestē. Ipsa est præcipuus flos mercedum, cruentis laboribus Christi repensatum, hanc quando nobis meritis suis acquisivit, hoc ipso nos Deo reconciliavit, hoc ipso nos Regnum Deo, & nobis Deum fecit.

Overum & beatum Dei Regnum, advenias tandem in nos, & mane in nobis in æternum. O pretiosissime thesaure, in agro Humanitatis Christi Jesu defosse, & abscondite, sed per vulnera, & Passionē ejusdē effosse, & in lucem producte, & à prudentissimo mercatore, impendio totius substantiæ suæ, nobis empte, atque quæsite : Dona dulcis Jesu nobis hunc thesaurum, & illi nos, illumque nobis serva, ut eum semper possidentes, ejusque bonis fruētes, eundem transferamus nobiscum, usque in vitam, usque ad hæreditatem æternam.

Tertia Petitio. *Fiat voluntas tua, sicut in Cælo & in Terra.* Tertius Fructus Effectusque seu meritum Passionis Christi, sunt auxilia actualia, ad implendum voluntatem Dei, & ad præstanda opere omnia ad salutem, immo & perfectionem, tam necessaria, quam parata semper. Quia enim volenti ad vitam ingredi, opus est observatione mandatorū Dei; hæc autem nostris propriis viribus non fit, absque divino auxilio, Dominus Jesus postquam nos magisterio suo, de divina voluntate edocuiisset; postquam nobis in ejus amore, & executione, exemplo prævivisset, etiam auxiliorum, ad ejus impletionem, necessariorum, indubitatam copiam, nobis per suam Passionem & mortem promeruit, & obtinuit. Inde omnis cogitatio bona & sancta, omnis nostra voluntatis ad bonum affectus, omnis executio boni operis, omnis in bono perseverantia, omne peccati odium, & fuga, & emendatio, ab auxilio Dei est, ex meritis Christi est, quæ auxilia meritaque à Christo ita derivamus, sicut palmites à sua, in qua sunt vite, trahunt succum, vitam, incrementum, fructumque suum.

O viva & vera Vitis Bone Jesu : serva in te nos palmites tuos, purgatos, vivos, crescentes, fructuosos, abundanter, & perenniter fac nos. Sine te enim arescimus, præscindimur, & in ignem mittimur, & ardemus. Palmiti namque aut vitis debetur, aut ignis : ut ergo in igne non simus, in te vera vite simus. O caput nostrum nobilissimum : dirige nos in viam rectam mandatorum Dei : ut sic in te, ita & in nobis impleatur semper bona beneplacens, & perfecta voluntas.

Quarta Petitio. *Panem nostrum quotidianum, da nobis hodie.* Quartus Effectus Fructusque Passionis Christi fuit, Sacramentum Corporis & san-

& sanguinis Domini, quo in presenti vita, anima nostra aluntur, confirmantur, & saginantur, ut robustiores, & vegetiores efficiat, dilata-
to, & impinguato, per charitatem corde, currant in via Spiritus, usque
ad braviū vitæ æternæ. Hoc Sacramentum pretiosissimum, non so-
lum habet in se virtutem, & merita, Passionis, & mortis Christi, sed in-
super etiam continet in se, ipsummet Christum, omnem scilicet substā-
tiam ejus. Corpus, sanguinem, vitam, animam, divinitatem, omnia
bona, & virtutes, & gratias, & merita ejus, planè sicut in fonte habentur
rivuli, sicut in sole habentur radii, sicut in gazophilacio habentur
thesauri, sicut in anima habentur, vita, potentia, & opera. Grandis est
hic & inestimabilis fructus Passionis, mortisque Christi, qui pro omni-
bus illis liberalissimè communicatur, à quibus dilatatissimo, per incen-
sa, & inexplata desideria corde concupiscitur. Mira res sanè, quod pro
totius mundi pretio non daretur homini, hoc pro devoto, humili, &
ignito desiderio, largissimè profunditur. Congrega igitur totius mun-
di cupiditates, desideria, & avaritias, illasque desiderando Sanctissimo
Sacramento impendens dic: *Panem nostrum quotidianum*, nobis, san-
guine & Corpore, Filii tui Unigeniti, conditum, Domine da nobis ho-
die, da semper, da in tempore mortis nostræ.

Quinta Petitio. *Et dimitte nobis debita nostra, sicut & nos dimittimus
debitoribus nostris.* Quintus Fructus Effectusque Passionis Christi est,
Remissio & abolitio peccatorum nostrorum omnium. Ut enim in
mari rubro, sic deleti sunt, demersiq; omnes, Ægyptii, ut non reman-
serit ex eis, ne unus quidem; ita in Passionis, & mortis Christi Jesu,
cruentissimo mari, deleta sunt omnia peccata nostra, descenderunt si-
cut plumbum, in profundū oblivionis divinæ, unumque ex eis in con-
spectu ejus non remansit. O fortunatum diluvium! in quo filii quidem
Dei, abluti, & salvati; diabolus autem, & peccata demersa sunt, & de-
leta. In hoc balneo, diebus singulis, lava cor tuum, anima mea, & ex-
purga ab eo, omnes iniquitates ejus: nominatim, omnem iram, omne
fraternum odium, omnem vindictæ cupiditatem, omnem injuriarum,
offensarumque memoriam, ut liberè, sincereque oculos tuos, levare
possis, ad illum Dominum tuum, qui pro te pendens in Cruce, oravit
pro crucifixoribus suis, docuitq; te sic orare. *Dimitte nobis debita no-
stra, sicut & nos, dimittimus debitoribus nostris.*

Sexta Petitio. *Et ne nos inducas in tentationem.* Sextus Fructus,

Effectusque Passionis Christi est, Debellatio infernalis Tyranni, qui potestatem suam cruentam non minus, quam iniquam, in omne genus nostrum. exercebat, ob quam etiam, ab ipso Redemptore nostro, vocatus est, Princeps hujus mundi, vocatus est fortis, armatus, custodiens atrium suum, & spolia sua in pace. Hunc sanguinarium Tyrannum Dominus Jesus vicit, & debellavit, virtutem ejus contrivit, ipsum alligavit, & vasa, spoliaque diripuit, Passione, Cruce, & morte suâ, usque adeo, ut jam modò, prædo, & draco, & Leviathan iste, sit ludibrio pueris, puellisque Christi, & illudant ei alligato, tanquam aviculæ implumi, & enervi, & retia temptationum ejus, facilius quam araneorum fila, perrumpere valeant, & ex eis victoriæ suæ trophæa, in Domino gloriantes statuunt. Inde experimur legiones tartareas universas, ad unicum Crucis Agnum, instar timidissimarum diffugere avicularum, aut caprarum. Quocirca quisquis non tantum vult non timere, à facie Tyranni hujus, sed etiam cupit, super aspidem, & basiliscum ambulare, & leonem draconemque istum conculcare, scito Passionis Christi, sese communiat, & circumdet, quo fiet, ut omnes vires, conatus, fraudes, assultusque diaboli, in risum & ludibrium Cœlitibus, in confusionem, & ejulatum inferis, & victoriam, & præmium, & gloriam sibi convertat.

Septima Pétitio. *Sed libera nos à malo. Amen.* Septimus Fructus atque Effectus Dominicæ Passionis est, Liberatio nostra, Immunitasque à poenis, tum inferni, tum purgatorii, tum etiam, (si divinæ opi non desimus) ab ipsis, hujus vitæ. Omnes nascimur naturâ filii iræ, & pabula infernalis ignis, sed illos infernales, ardores sempiternos, sanguis Christi extinxit, emundans nos ab omni iniquitate, & satisfaciens justitiæ Dei, pro omni nostro, tam culpæ, quam poenæ reatu, ac debito. O quantam ergo injuriam, contumeliâque faciunt Jesus Christo Passio, & Crucifixo, omnes peccatores, qui habentes extinctum sanguine Christi infernalem ignem, eum tamen ipsi, denuo, cupiditatum suarum effrenium æstu, in contemptum Dei, in gaudium diaboli, in nutrimentum inferni, reaccendunt, seseque incendiorum illorum, sempiternum pabulum exhibent.

O JESU pro nobis Pässe, & mortue, libera nos ab hoc malo: & da, ut
 sanguinis Passionisq̃ tue usu, & fructu, & merito, incendium infer-
 nale, tam nobis ipsis, quàm omnibus proximis nostris extin-
 guamus; nunquam illud, seu nobis ipsis, seu pro-
 ximis restauremus, sed potiùs unanimiter om-
 nes, æternâ beatitudine dignos idoneosq̃;
 nos facere, te adjuvante con-
 nitamur.

F I N I S.



INDEX

INDEX

M O D O R V M

MEDITANDI PASSIONE M DOMINICAM.

PREFATIO.

pag. 10.

MODVS I. Considerando Personas, Verba, Opera quae in Passione inveniuntur.

- II. Considerando Circumstantias. Quis patitur? Qualis patitur? Quantus, &c. 15.
- III. Considerando Quid Passus sit Christus in sua Divinitate. 22.
- IV. Considerando Quid sit Passus Christus in Anima, ejusque potentiis. 23.
- V. Considerando Quid sit Passus Christus in Corpore ejusque partibus. 24.
- VI. Considerando Quid sit Passus Christus in singulis sensibus quinque. 27.
- VII. Considerando Quid sit Passus Christus in bonis Anime, Corporis, Fortuna. 29.
- VIII. Considerando virtutes Christi in tota Passione exercitas. 31.
- IX. Considerando in Passione Christi tota, morales, spiritualesque doctrinas, ex Susone. 35.
- X. Considerando sigillatim speciales quoque Christi cruciatus, v. g. singulas sanguinis profusiones, singulas Nudationes, singulas vias, &c. 47.
- XI. Considerando varios authores Passionis Christi. 50.
- XII. Considerando instrumenta Passionis Christi. 52.
- XIII. Considerando varios Christi Domini situs in Passione. 54.
- XIV. Considerando injurias Christi nocturnas & diurnas. 55.
- XV. Considerando Horas singulas octodecim, Passionis Christi, quid in singulis Passus Dominus. 55.
- XVI. Considerando Longitudinem, Latitudinem, Altitudinem, Profunditatem Passionis Christi. 57.
- XVII. Considerando Passionem Christi ut Causam maximorum bonorum. 61.
- XVIII. Considerando Passionem Christi, tanquam effectum & fructum peccatorum. 63.
- XIX. Considerando Comites Passionis Christi. 65.
- XX. Considerando Opus, Modum, Causam Passionis Christi. 69.

XXI. Con-

INDEX.

- XXI. Considerando & Comparando Bona, quæ nobis Christus fecit, & mala quæ à nobis pertulit. 71.
- XXII. Considerando peccata nostra, & quæ pro eis Christus pertulit mala, expiationis causâ. 72.
- XXIII. Considerando singulas peccatorum species: & quibus ea panis Christi, expiata. 76.
- XXIV. Considerando 1. Passionem Christi. 2. Peccatum meum. 3. Virtutem elacrescentem. 82.
- XXV. Considerando Passionem, ut mei Patrona apud Deum Iudicem. 97.
- XXVI. Considerando Dignationes Christi cum ejus Dignitatibus collatas. 99.
- XXVII. Considerando Passionem Christi per applicationem sensuum meorum. 102.
- XXVIII. Considerando aliquas Scripturæ sententias, & eis totam Passionem complecti. 103.
- XXIX. Considerando varias figuras Passionis Christi ex Veteri Testamento. 106.
- XXX. Considerando Passionem Christi, ita ut eam experiaris practice quoad fieri potest. 109.
- XXXI. Considerando, & faciendo sibi Balneum ex Passione Christi. 113.
- XXXII. Considerando Christi Beatitudines in Passione sua. 116.
- XXXIII. Considerando Christum nunc quoque pati in corpore mystico, quæ passus est in reali, & proprio, seu physico. 122.
- XXXIV. Considerando miracula, quæ in Passione Christi facta sunt, & nunc Spiritualiter ab ea fiunt. 128.
- XXXV. Considerando Passionem tanquam materiam gaudii & triumphi Christi. 131.
- XXXVI. Considerando in Passione Christi Laborem & Dolorem. 137.
- XXXVII. Considerando in Quinque vulneribus Christi, Dolores internos. 2. Externos. 3. Virtutes. 4. Labores. 5. Charitatem Christi. 138.
- XXXVIII. Considerando Passionem Christi, eamque recompensando Christo. 145.
- XXXIX. Considerando selectos Jesu Christi Dolores internos, & eorum Causas. 147.
- XL. Considerando Selectos Jesu Christi Dolores externos. 154.
- XLI. Considerando Passionem Christi in Compassione Beate Virginis MARIE. 157.
- XLII. Considerando Passionem Christi in virtutibus Beate Virginis MARIE. 161.

I N D E X.

- XLIII. Considerando Passionem Christi in Sacrificio Missæ expressæ. 164.
- XLIV. Considerando & representando Patri Eternæ Passionem Iulii sui. 169.
- XLV. Considerando Passionem Christi tanquam exemplar Oblationis, Donationis, Dedicationis, Sacrificii, & Holocausii. 171.
- XLVI. Conjungendo Passionem Christum Examine Conscientiæ. 174.
- XLVII. Considerando Passionem Christi in Eucharistia tanquam in suo memoriali contentam. 179.
- XLVIII. Considerando Passionem Christi, ad ejusdem vitam, atque viventis mysteria collatam. 193.
- XLIX. Considerando Passionem Christi, ut collatam cum extremo iudicio peccatorum. 198.
- L. Considerando instar Sancti Augustini hinc Christi vulnera, inde Mariæ ubera. 204.
- LI. Considerando Sex Gradus Passionis, & Compassionis Dominicæ alios aliis altiores. 207.
- LII. Considerando & conferendo Peccatum Adami cum Passione Christi, per quam illud expiatum est à Christo. 216.
- LIII. Considerando Passionem Christi secundum Evangelistas historicè enarratam, & secundum Prophetas propheticè prænuntiatam. 220.
- LIV. Considerando Patientem Christum Collatum eidem Christo Glorioso. 227.
- LV. Considerando Passionem Christi per septem Affectus, qui in ejus consideratione excitari possunt ac debent. 233.
- LVI. Considerando Passionem Domini tanquam injurias acerbissimas, summis Dei beneficiis, ab ingratis hominibus repositas. 241.
- LVII. Considerando titulos, seu officia Christi, quæ ille in Passione sua abunde explevit. 244.
- LVIII. Considerando ea, quæ à Christo in Passione sua geruntur, & tolerantur, & ex his discendo ea, quæ ab unoquoque, in mortis sua negotio, gerenda, & vitanda sunt. 255.
- LIX. Considerando Passionem Christi, per Collationem Nati & Passi. Item Adulti & Passi, Item Gloriosi & Passi Christi. 261.
- LX. Considerando Christum Dominum in Passione sua peccatorem alloquentem, & expugnantem veluti per tot ora, per quot & vulnera. 265.
- LXI. Considerando Passionem Christi secundum proprietates eorum Animalium, quibus Christus Passus in Scriptura Sacra comparatur, sive appellatur. 266.
- LXII. Con-

INDEX.

- LXII. Considerando Passionem Christi, secundam proprietates bestiarum, quibus inimici Christi in Scripturis comparantur. 271.
- LXIII. Considerando Passionem Domini, tributum pro ea Deo Patri, & Christo Domino persolvere. 277.
- LXIV. Considerando Passionem Domini, quasi audiamus Esdras, id est Christum, librum legis super gradum ligneum stando legentem & nobis denuntiantem. 283.
- LXV. Considerando Passionem Domini, per Oppositionem seu Contrapositionem Christi Domini tam Exteriorum quam Interiorum partium, dolorumque, cum Homini meditantis Exterioribus, Interioribus multum oppositis. 287.
- LXVI. Considerando Passionem Domini, quomodo Christus in Passione sua (quanquam & omni vita) omnem vilitatem, miseriamque conditionis Humanae à se assumptae ostendit & planè ostendit: magnalia vero Divinitatis suae abscondit oculis persecutorum. 291.
- LXVII. Considerando Passionem Christi, per piam devotamque exprobrationem Christo Domino, eorum omnium, quæ ille pati dignatus est, & quomodo compellatus est, in omni sua vita, Passione, & morte, sive per Scripturarum oracula, sive per inimicorum virulentiam. Instituenso per huiusmodi probra affectuosas aspirationes, postulationes, laudationes, gratiarum actiones, consolationes. 298.
- LXIII. Considerando Passionem Domini per Comparisonem Christi, nos Passionis suae humilitate ad ejusdem imitationem invitantis, cum diabolo nos superbiâ suâ ad ejusdem consecrationem provocante. 307.
- LXIX. Considerando Passionem Domini, per disceptationem de juris potioritate ad patiendum, inter Christum Dominum, & ipsummet Hominem. 309.
- LXX. Considerando Passionem Domini, secundum admirandos atque paradoxos ejus fructus, quos illa protulit, profert, proferetque, in omni genere cordium v.g. Aeterni Patris, Christi ipsius, Matris ejus. &c. 315.
- LXXI. Considerando Passionem Domini, recognoscere, venerari, & aliis piis affectibus prosequi, in Passione & vulneribus Christi, ejusdem singulares aliquas perfectiones, ac in eis Passionis indignitates, nec non piissimas nostrae salutis per easdem operationes. 319.
- LXXII. Considerando Passionem Domini, per admirabilem Christi Redemptoris, Homini autem redempti concertationem, atque luctum; Christo invincibiliter Hominem sibi demerente; Homine contra, Christum pro se Patientem barbarissimè repudiantem. 321.

INDEX

- LXXIII.** Considerando *Passionem Domini* & in ea profundissimam *Christi* in electos dilectionem, Hominumq; fidelium vicariam in *Christi* amorem, & cultum profusionem. 327.
- LXXIV.** Considerando *Passionem Domini*, quomodo in ea *Christus* perfecte servavit implevitq; divina omnia praesertim Decalogi praecepta. 33.
- LXXV.** Considerando *Passionem Domini*, quomodo in ea *Christus* perfecte consilia sua adimplevit. 341.
- LXXVI.** Considerando *Passionem Domini*, quomodo in ea Dominus noster *Passiones* seu affectiones nostri concupiscibilis appetitus erudit. 344.
- LXXVII.** Considerando *Passionem Domini*, quomodo in eadem Dominus noster affectiones nostri irascibilis appetitus informavit. 351.
- LXXVIII.** Considerando *Passionem Domini* quomodo in ea elucescant virtutes Theologicae. 357.
- LXXIX.** Considerando quomodo in *Passione Domini* exercita virtutes Cardinales apparent. 363.
- LXXX.** Considerando, quomodo in *Passione sua* *Christus Dominus* opera misericordia Spirituality exercuit. 369.
- LXXXI.** Considerando, quomodo in *Passione sua* idem Dominus noster opera misericordia corporalia implevit. 371.
- LXXXII.** Considerando *Passionem Domini*, scrutari qualiter in ea elucescant Spiritus Sancti tam Dona, quam fructus. 375.
- LXXXIII.** Considerando, quomodo ex *Passione Domini* omnia Ecclesiae Sacramenta promanaverint. 382.
- LXXXIV.** Considerando, quomodo *Christus* in *Passione sua* Angelicas perfectiones & expressit, & excessit. 385.
- LXXXV.** Considerando, quomodo *Christus Dominus* in *Passione sua* Homines aptaverit ad reparandas Angelicas ruinas. 394.
- LXXXVI.** Considerando, quomodo *Christi Passio* gloria caelesti respondet meritorie. 399.
- LXXXVII.** Considerando quomodo *Christi Passio* gloria caelesti respondet exemplariter. 402.
- LXXXVIII.** Considerando quomodo *Christus* in sua *Passione* possederit octo Beatitudines Evangelicas. 409.
- LXXXIX.** Considerando quomodo in *Christi Passione* eluxerint Virtutes, Exemplares, Politice, Purgatoria, Purgati Animi. 413.
- XC.** Considerando quomodo creationi prima mundi respondeat Redemptio generis humani, & *Passio Christi*. 417.

INDEX

- XC I.** Considerando quomodo Passio Domini & Redemptio nostra excedat statum primum Innocentiz. 421.
- XC II.** Considerando Passionem Domini tanquam quiddam Christo Deo, gloriosissimum & dignissimum, idque in ipsa sua enormitate atque indignitate 425.
- XC III.** Considerando fines & usus atque fructus, ex Passione Domini decerpandos. 429.
- XC IV.** Considerando Passionem Domini, apprehendere imaginatione, vel intellectu, ac etiam voluntate, Passionum Christi merita, iisq; animam ditare. 434.
- XC V.** Considerando Passionem Domini per varias Christi Passi intuitus, ex iis eliciendo salutares affectus Animæ, Christo autem placitos. 438.
- XC VI.** Considerando Passionem Domini, scrutari multa & varia mysteria & arcana, per eam nobis à Christo revelata. 444.
- XC VII.** Considerando Passionem Domini, cum variis modis compensandi eam Christo. 457.
- XC VIII.** Considerando Passionem Domini, discere ex ea geminum Spiritum Christi, dediscere Spiritum mundi, Carnis. 463.
- XC IX.** Considerando Passionem Domini advertendo in ea quodammodo fuisse quatuor Anni tempora, Ver, Æstatem, Autumnū, Hyemem. 466.
- C.** Considerando quomodo Christus in sua Passione & Morte, tam per odium inimicorum suorum, quam per Charitatem suam erga Patriis Æterni honorem, nostramq; salutem, annihilatus est totus. 472.
- CORONIS seu DISSERTATIO.** De perpetua Cruce Christi Domini ab instanti Conceptionis, usque ad instantis Mortis suæ. 487.

Passionis & Orationis Dominicæ Accommodatio septuplex.

- I.** Considerando, conferre septenis petitionibus Orationis Dominicæ, septenas sanguinis Christi effusiones. 513.
- II.** Considerando, conferre easdem septem petitiones Orationis, cum septem Christi Domini verbis in Cruce. 515.
- III.** Considerando, conferre item septem petitiones Orationis, cum septem locis Passionis Christi. 518.
- IV.** Considerando, conferre septem petitionibus Orationis, septem Christi Domini in Passione convulsionationes. 521.
- V.** Considerando, conferre septem petitionibus Orationis septem Christi Domini in Passione Comites. 523.

XXX3

VIL Cont.

INDEX

- VI. Considerando, conferre septem petitionibus Orationis, septem nomina
injuriōsa Christo in Passione indita. 528.
VII. Considerando, conferre septem petitionibus Orationis Dominica, se-
ptem fructus seu effectus Passionis ejusdem. 532.

INDEX

MATERIARVM ALPHABETICVS.

A.

- A** Brenuntiationis gradus. Modo 95.
Adami peccatum Passioni D. collatum eaque expiarum. Modo 52.
Affectus septem in Passione D. excitandi. Modo 57.
Altitudo, latitudo & c. Passionis D. Modo 16.
Angelica perfectiones in Passione D. expressa & excessa. Modo 84.
Angelica ruinis reparandis Homines Passione D. apti. Modo 85.
Anima Christi, & potentiarum ejus dolores in Passione D. Modo 4. 7.
Anima dilatatio per Merita Passionis D. Modo 94.
Animalia Christum in Passione figurantia. Modo 61.
Annihilatus in Passione Christus, sua Charitate, hostium odio. Modo 100.
Appetitus nostros in Passione sua Dominus erudit. Modo 76. 77.
D. Augustinus inter Christi vulnera & Mariae ubera. Modo 50.

B.

- B** Alneum ex Passione Domini. Modo 31.
Beatitudines Domini in ejus Passione. Modo 32. & 88. & 96.
Bestia quibus inimicos Christi Passio comparat Sacra Scriptura. Modo 62.
Bona Christi, & quid pertulit in eis? Modo 7.
Bona quae nobis Dominus contulit, & mala quae à nobis pertulit. Modo 21.
Bonorum maximorum causa Passio D. Modo 17.

C.

- C** Ausa, Opus, Modus Passionis D. Modo 20.
Causa bonorum Maximorum Passio D. Modo 17.
Causa selectorum Dolorum Christi. Modo 39. 40.
Cardinales Virtutes in Passione Domini elucescunt. Modo 79.
Cha-

M A T E R I A R V M.

<i>Charitas Christi, & hostium odium, Christum annihilavit in Passione.</i>	Modo 100.
<i>Circumstantia Passionis D.</i>	Modo 1. & 2.
<i>Christi Redemptoris, ab Homine barbarum repudium.</i>	Modo 72.
<i>Christi in Passione profusio, Electorum in Christum profusione compensatur.</i>	Modo 73.
<i>Christi Passi & Hominis confrontatio.</i>	Modo 65.
<i>Christi Crux, cathedra docentis Legem Esdra.</i>	Modo 64.
<i>Christus Decalogi perfectus observator in Passione sua.</i>	Modo 74.
<i>Christus Consilia sua in Passione implevit.</i>	Modo 75.
<i>Christo DEO, digna & gloriosa fuit & est Passionis sua etiam enormitas.</i>	Modo 91.
<i>Christi Dolores majores infernalibus.</i>	Modo 100.
<i>Christus ab instanti Conceptionis sue passus per totam Vitam suam.</i>	IN CO- RONIDE.
<i>Christus hominis vilitates ostendit, Divinas perfectiones abscondit in Passione.</i>	Modo 66.
<i>Christi Nomina injuriosa septem.</i>	Accom. 6.
<i>Christi dolorum causa per totam Vitam.</i>	In Coronide.
<i>Christi extrema verba in Cruce, septem petitionibus Orat: Dom: collata.</i>	Accommod. 1.
<i>Celestis gloria Passio D. respondet meritorie & exemplariter.</i>	Modo 86. & 87.
<i>Comites, seu Condimenta septem Passionis D.</i>	Accom. 5.

D.

<i>Decalogum Christus in Passione implevit.</i>	Modo 74
<i>Dedicationis, Donationis, Oblationis, Sacrificii, Holocausti, exemplar in Passione D.</i>	Modo 45.
<i>Diabolus per superbiam, Christus per Humilitatem nos ad imitationem sui provocat.</i>	Modo 68.
<i>Difficultates objecta Christo, causa dolorum per totam vitam.</i>	In Coronide.
<i>Dignationes Dignitatesque Domini collata.</i>	Modo 26.
<i>Dimensiones quatuor Passionis D.</i>	Modo 16.
<i>Disceptatio Hominis cum Christo de jure ad patiendum.</i>	Modo 69.
<i>Diratio Anima per Passionis D. merita.</i>	Modo 94.
<i>Divinitas quid passa in Christo?</i>	Modo 3.
	Diurna

I N D E X

Diurna Christi injuria.

Dolor D. in passione.

Dolores Christi infernalibus majores.

Dolorum Christi per totam vitam cause.

Dona Spiritus Sancti & Fructus in Passione elucescunt.

Modo 14.

Modo 36. 37. 39. 40.

Modo 100.

In Coronide

Modo 82.

E.

Effusiones Sanguinis Christi septem.

Effectus Passionis D. septem.

Electorum liberalitas in Christum pro ejus in nos liberalitate ac profusione.

Accom. 1.

Accom. 7.

Modo 73.

Evangelica Consilia in Passione D. completa.

Modo 75.

Evangelica & Prophetica enarratio Passionis.

Modo 57.

Evangelicas Beatitudines in Passione D. possedit.

Modo 88.

Eucharistia memoriale Passionis D.

Modo 47.

Esdras in lignea Cathedra, Christus in Cruce Legē Dei explanans.

Modo 64.

Examen Conscientie junctum Passioni D.

Modo 46.

Exemplares Virtutes, in Domini Passione.

Modo 89.

Experimentum Practicum Passionis D.

Modo 30.

Expiatio peccatorum nostrorum à Christo.

Modo 22. 23.

F.

Figura Passionis D. ex Vet. Testam.

Modo 29.

Fortune Bona & quid in eis passus Dominus?

Modo 7.

Fructus Maximi Passionis D.

Modo 17.

Fructus peccatorum Passio D.

Modo 18.

Fructus Passionis D. paradoxi in omni genere Cordium.

Modo 70.

Fructus & Dona Spiritus in Passione.

Modo 82.

Fructus & fines decerpendi ex Pass.

Modo 93.

Fructus Passionis Domini septem.

Accom. 7.

G.

Gaudiū Materia Passio Domini.

Modo 35.

Gloriosus & Patiens Christus.

Modo 54. 59.

Gloriosa & digna Christo D. ejus Passio.

Modo 92.

Gloria

M A T E R I A R V M.

Gloria celesti Passio Domini respondet

Meritorie.

Exemplariter.

Gradus sex Passionis D. & Compassionis.

Gradus Scala Passionis D. & imitationis.

Gradus abrenuntiationis.

Gratitudo Electorum erga Christum Passum.

Modo 86.

Modo 87.

Modo 51.

Modo 95.

1b.

Modo 75.

H.

Holocausum, & Sacrificium &c. in Passione D.

Hominis & Christi Patientis contrapositio.

Item certamen eorundem.

Eorundem de iure ad patiendum disceptatio.

Hominis assumpti vilitates ostendit, Divinas perfectiones abscondit Christus in Passione.

Homo barbarè repudians Christum Redemptorem.

Hore Passionis, & quæ in eis passus D.

Modo 45.

Modo 65.

Modo 72.

Modo 69.

Modo 66.

Modo 72.

Modo 15.

I.

Imitatio spiritualis, Passionis Domini.

Imitatio humilitatis Christi, & superbia diaboli.

Ad Imitationem sui Christus & diabolus invitat.

Indignitates, Perfectiones, Salubritates Passionis Dominica.

Inferni dolores minores doloribus Christi.

Injuria D. nocturna & diurna.

Injurioli tituli Christi centum.

Instructio Mortis nostre Passio D.

Instrumenta Passionis D.

Innocentia statum, excedit Passio Domini bonis suis in nos.

Interiora IESV in Passione quomodo pervidenda.

Iudicium extremum Passioni D. collatum.

De iure ad patiendum disceptatio Christi & Hominis.

Modo 9. 24.

Modo 68.

1b.

Modo 72.

Modo 100.

Modo 14.

Modo 67.

Modo 58.

Modo 12.

Modo 91.

Modo 66.

Modo 49.

Modo 69.

L.

Labor Domini in Passione.

Latitudo Longitudo &c. Passionis D.

Lex à Christo explicata in Crucis Cathedra.

Modo 36. 37.

Modo 16.

Modo 64.

Mala

Y Y Y

Gloria

INDEX

M.

M ala nostra in Christum, bona Christi in nos.	Modo 27.
Maria V. compassio in D. Passione.	Modo 41.
Maria V. virtutes in Passione D.	Modo 42.
inter Maria ubera & Christi vulnera Augustini.	Modo 50.
Materiam gaudii & triumphi Passio D.	Modo 35.
Miracula facta in Passione, sunt nunc spiritualiter.	Modo 34.
Missa Sacrificio exprimitur Passio D.	Modo 43.
Misericordia opera expressa in Passione.	Modo 80. 81.
Mystici Corporis Christi Passiones nunc eadē quae fuerunt reales.	Modo 33.
Mysteriorum revelatrix Passio D.	Modo 96.
Modus, Opus, Causa, Passionis D.	Modo 20.
Moralis applicatio Passionis D.	Modo 9.
Moriendi instructio in Passione D.	Modo 38.
Mundi Creationi respondet Passio.	Modo 90.
Mundi Spiritum dedocet, Christi Spiritum edocet Passio Domini.	Modo 98.

N.

N ati, & Passi Christi collatio.	Modo 59.
Nocturnae Christi Passiones & injuriae.	Modo 14.
Nudationes Christi in Passione.	Modo 10.

O.

O blationis Donationis &c. exemplum in Passione.	Modo 20.
Odium hostium & Charitas Christi annihilavit Christum in Passione.	Modo 100.
Officia expleta à Domino in Passione.	Modo 57.
Opus, Modus, Causa, Passionis D.	Modo 20.
Opera Christi, & aliorum in Passione.	Modo 1.
Opera misericordiae spiritualia in Passione.	Modo 80.
Item Corporalia.	Modo 81.
Ora Christi tot, quot vulnera, quibus ille loquitur ad peccatorem.	Modo 60.
Orationis Dominica septem petitionum septuplex ad Passionem D.	Accom.

P.

P aradoxi Fructus Effectusque Passionis D.	Modo 70.
Passio Domini ad Mores spirituales applicata.	Modo 9.
	Passio.

M A T E R I A R V M.

<i>Passionis D. recompensatio.</i>	Modo 38.
<i>Passio D. nostra apud Deum patrona.</i>	Modo 25.
<i>Passionis D. representatio Dno Patri.</i>	Modo 44.
<i>Passio D. cum ejus Vita mysteris collata.</i>	Modo 48.
<i>Passio D. imago extremi iudicii.</i>	Modo 49.
<i>Passionis & Compassionis sex gradus.</i>	Modo 51.
<i>Passio D. & peccatum Adæ collata.</i>	Modo 52.
<i>Passionis D. enarratio Evangelica & Prophetica.</i>	Modo 53.
<i>Passionis D. causa male meritoria, nostra peccata.</i>	Modo 24.
<i>Passio D. fructus effectusque peccatorum.</i>	Modo 18.
<i>Passionis D. profunditas, latitudo &c.</i>	Modo 16.
<i>Passio D. nostra Mortis instructio.</i>	Modo 58.
<i>Passi & Nati, adulti, & gloriosi Christi Collatio.</i>	Modo 59.
<i>Passione sua D. tributū solvit Patri Eterno, & à nobis solvendi.</i>	Modo 63.
<i>Passionis D. perfectiones, indignitates, salubritates.</i>	Modo 71.
<i>Passio Christo DEO gloriosissima & dignissima etiam in sua enormitate.</i>	Modo 92.
<i>Passionis D. scala, latera, gradus.</i>	Modo 95.
<i>Passionis Dominica loca.</i>	Accom. 3.
<i>Passus D. per totam vitam suam.</i>	In Coronide.
<i>Patiens & Gloriosus Christus.</i>	Modo 54.
<i>Peccata nostra quomodo à Christo expiata.</i>	Modo 22. & 52.
<i>Peccatorum singule species à Domino expugnata.</i>	Modo 23.
<i>Perfectiones Angelice in Passione D. expressæ & excessæ.</i>	Modo 84.
<i>Persona Christi, & aliorum in Passione.</i>	Modo 1.

Q.

<i>Q Vis, qualis, quantus, &c. qui patitur?</i>	Modo 2.
<i>Quatuor annitempora in Passione D.</i>	Modo 99.

R.

<i>R Edemptio nostra, per Passionem, evincit statum Innocentie.</i>	Modo 91.
<i>Repudium Christi Redemptoris ab homine redempto.</i>	Modo 72.
<i>Representatio Passionis D. Patri Eterno.</i>	Modo 44.
<i>Revelatrix Mysteriorum Passio Dominica.</i>	Modo 96.
<i>Ruinis Angelicis reparandis, Homines Passione D. operati.</i>	Modo 85.

S.

<i>S Acrificio Missæ exprimitur Passio D.</i>	Modo 43.
<i>Sacramenta omnia ex Passioe D. emanarunt.</i>	Modo 83.

I N D E X

<i>Sanguinis Christi effusiones.</i>	modo 10. & Accom. 2.
<i>Satisfactio Christi pro nostris peccatis.</i>	modo 22. 23.
<i>Salubritates, Perfectiones, Indignitates in Passione D.</i>	modo 71.
<i>Scala Iacob & scala Passionis D.</i>	modo 95.
<i>Sensuum quinque dolores in Passione D.</i>	Modo 6. 27. 87.
<i>Sensuum applicatio ad Passionem D.</i>	1b.
<i>Sententia S. Scriptura continentes Passionem D.</i>	Modo 28.
<i>Selecti Christi dolores interni.</i>	Modo 39.
<i>Dolores externi.</i>	Modo 40.
<i>Situs Christi vari in Passione.</i>	Modo 13.
<i>Speciales Cruciatu Christi.</i>	Modo 10.
<i>Spiritualiter explicata Passio D.</i>	modo 9.
<i>Spiritualia Miracula quae facit Passio D.</i>	Modo 34.
<i>Spiritum Christi Passio docet; spiritum Carnis, Mundi, Diaboli, dedocet.</i>	Modo 98.
<i>Spiritus Sancti, dona & fructus in Passione D.</i>	modo 82.
<i>Statum innocentia, excedit Redemptio.</i>	Modo 91.

T.

T estamenti Veteris figura Passionis D.	Modo 29.
<i>Theologica Virtutes in Passione elucet.</i>	Modo 78.
<i>Titulorum Domini injuriosorum Centuria.</i>	Modo 67.
<i>Item tituli septem ejusdemmodi.</i>	Accom. 6.
<i>Tributum Patri Eterno pro Passione soluti & solvendi Passione.</i>	Modo 63.
<i>Tituli à Christo in Passione expleti, sive officia.</i>	Modo 57.
<i>Triumphus Materia, Passio D.</i>	Modo 35. 54.

V.

V erba Christi & aliorum in Passione.	Modo 1.
<i>Verba septem ultima collata septem petitionibus Orationis Dominicae.</i>	
<i>Virtutes à D. exercita in Passione.</i>	Modo 8. 24.
<i>Virtutes MARIE V. in Passione.</i>	Modo 42.
<i>Virtutes Theologica in Passione.</i>	Modo 78.
<i>Virtutes Cardinales in Passione.</i>	Modo 79.
<i>Virtutes Exemplares, Politica Purgati animi. &c.</i>	Modo 89.
<i>Vulneribus Christus alloquitur peccatorem.</i>	Modo 60.
<i>Vulnera Christi septem, collata petitionibus 7.</i>	Accommod. 4.
<i>Virus Passionis Dominicae & fructus & fines.</i>	Modo 93.

com. 7.

odo 22. 23.

odo 71.

odo 95.

27. 87.

15.

odo 28.

odo 39.

odo 40.

odo 13.

odo 10.

odo 9.

odo 34.

dedoret.

odo 98.

odo 82.

odo 91.

odo 27.

ode 76.

odo 67.

com. 6.

odo 63.

odo 57.

odo 35. 54.

odo 1.

omine.

do 8. 24.

odo 42.

odo 78.


odo 79.

odo 89.

odo 60.

od. 4.

odo 98.



Ad Variations. No. 2. 1847.

Biblioteka Jagiellońska



stdr0029443



1115

111510

111510

111510

Agnus Dei, qui tollis peccata mundi.

Exaudi nos Domine.

Agnus Dei qui tollis peccata mundi.

Miserere nobis.

Christe audi nos.

Christe exaudi nos.

Kyrie eleyson. Christe eleison.

Kyrie eleison, Pater noster.

℣. Et ne nos inducas intetationem.

℞. Sed libera nos à malo.

℣. Adhæsi testimoniis tuis Domine.

℞. Noli me confundere.

℣. Suscipe me secundum eloquium
tuum, & vivam.

℞. Et non confundas me ab expe-
ctatione mea.

℣. Fiat cor meum immaculatum in
justificationibus tuis.

℣. Ut non confundar in æternum.

℞. Fac mecum signum in bonum,
ut videant, qui oderunt me, &
confundantur.

℞.

R. Quoniam tu Domine adjuvisti me
& consolatus es me.

V. Domine exaudi orationem meam

R. Et clamor meus ad te veniat.

OREMUS.

OMnipotens & misericors Deus,
concede propitius; ut qui in
meritis Divi Joannis Nepomuceni
confidimus, ejus potenti intercessi-
one ex omni infamia, & confusione
publica tam temporali, quàm æter-
na hujus, vel alterius vitæ, & vel
maximè ex N. N. per piissimam mi-
sericordiam tuam eruamur. Per Do-
minum nostrum Iesum Christum Fi-
lium tuum, qui nos redemit per in-
famem mortem crucis, & qui tecum
gloriosus vivit, & regnat in unitate
Spiritus Sancti, Consolatoris mœ-
storum, Deus, nunc, & in æternum.
Amen.

Alia

X. Baltazara Graciana S. J. 13

rzecz na dzielność to rozumu, to natury; na dzielność rozumu w ucisku duszy, który cię mięłza; na dzielność natury w słabości ciała, która cię gnębi. Biegłość lekarza niemniej zawisła na nieprzepisowaniu iako też i na przepisywaniu recepty. Zeby uśmierzyć niektóre zawichrzenia, ten jest na to sposób, nie uważać ich, i dać im powoli rozeysć się: natenczas ustąpić czasowi, jest to zwyciężyć na potym. Zrządło, w którym wodę zmacono, nie powraca do pierwszego swego stanu przez obcą iaką przyczynę, ale powraca do niego same przez się. Nie masz lepszey rady, ktoreyby się chwycić należało w niektórych okropnych przypadkach, iako poglądać na ich bieg okiem spokojnym; przemina

grę odmieniało, szczęście nie powroci. Potrzeba uważać z pierwszego obracania się szczęścia, czyli jest dzień szczęśliwy, czyli nie; i jeżeli się ma miejsce do domniemawania się, że ow dzień jest nieszczęśliwy, pamiętać o tym żeby w grę zbyt daleko nie zachodzić. Rozum ma też takie dla siebie przemiany: nikt nie jest na każdą dnia godzinę jednakowo sposobny: jest też szczęście w mowieniu należycie, iako też i w napisaniu listu. Wszystkie doskonałości i duszy i ciała, zdaie się, że poniekąd zawisły od swego dnia i od swej godziny.... Takie dni szczęśliwe trzeba dobrze obracać na pożytek, i nie tracić z nich ani chwili. Po tym jednak wszystkim człowiek rozsądny nie będzie nigdy sądził nieodpowiednie, żeby który dzień był